

BIBLIOTECA NAZ.
Vittorio Emanuele III

X

D

41

NAPOLI









D. AVGVSTINI
ET SS. PATRV M
DE LIBERO ARBITRIO
INTERPRES THOMISTICVS
CONTRA IANSENITAS.

D. AUGUSTINI

ET PATRVM

DE LIBERO ARBITRIO

INTERPRETES THOMISTICVS

CONTRA AIANSEMITAS

D. AVGVSTINI
ET SS. PATRVM
D E

LIBERO ARBITRIO
INTERPRES THOMISTICVS

Aduersus

CORNELII IANSENII

Episcopi Iprensis doctrinam, prout defenlatam in Theriaca
VINCENTII LENIS Theologi Arausicani.

AVTHORE

FR. ALEXANDRO SEBILLE,

*Antuerpiensis Ordinis Prædicatorum, S.T. Doctore, quondam in Vniuersitate
Salamantina Philosophiæ Professore, & in Louaniensi Studiij
generalis sui Ordinis Regente Primario.*



V E N E T I I S, M. DC. LXXII.

Apud Nicolaum Pezzana.
SVPERIORVM PERMISSV. ET PRIVILEGIO.




D. V. G. V. S. T. I. N. I.

ET ALII


LIBRO V. R. E. T. I. C. A.

LIBRO V. R. E. T. I. C. A.

Adversus



ET ALII



ET ALII





REVERENDISS.^{MO} PATRI

Sacr. Theologiae Magistro

FR: BASSANO

GALLITOLI

DE BRIXIA

Contra Hereticam Prauitatem in Ciuitate
Venetiarum, ac Serenissimo eius Do-
minio Inquisitori Generali
dicatus.



Emit denuo sub Prælis, Ian-
senij iam dudum à Thomi-
stica schola oppugnata do-
ctrina; & gemitu suo victo-
riam rursus fatetur, quam
præclarus iste inter Thomistas Alexander
feliciter consecutus est. Iam satis super-
que

que Christiano Orbi innotescit , quam
crudelem necem in Orthodoxum ouile
inolirentur illi demum ab Ecclesia dam-
nati errores , vt inde eluceat quanto gra-
titudinis vinculo Catholici Theologiæ
Proceres deuinciantur huic nouo verita-
tis Macedoni , qui illico inter primos , vt
fidelis Dominici canis ad custodiam Ec-
clesiæ feruatus , vigili exturbauit latratu ;
suaque radianti Sapientiæ facie in fugam
conuertit . Sed qua vi quibusuè rationum
armis vibrata ad sanæ fidei euersionem so-
phismata elusit , infregit ? Inconcussis Ec-
clesiæ luminum (vt loquitur Alexander
ter maximus) Sanctorum Augustini , &
Thomæ dogmatibus : quorum solidam
ac Catholicam doctrinam aureis in hoc
opere expressam eloquijs iterum Verita-
tis amatoribus publicæ luci expono . At
quia unicuique quod suum est reddere
iugiter Iustitia perhibet , re quidem ma-
turius discussa ad Prædicatoriæ Familiæ
Patres optimo ausu confugere decreui :
haud dubie existimans me victori suo , spo-
lia tanti triumpho appendere . Ita equi-
dem sentio , & ita , vt tibi (Reueren-
dissime

diffine Pater) librum hunc nuncupans ,
toti credam Religioni nuncupari ; cum
bene vnus possis ; Matrem , & vitæ can-
dore , & litterarum lumine præclarissimam
exhibere , filius æquè probus ac doctus .
Doctrinam sanè tuam celebriores loquun-
tur Philosophiæ , ac Theologiæ Cathedræ ,
quibus tam firmo iudicio , tam prompto
discursu , tam penetranti intellectus acie
præfuiſti , vt etiam Roma ipse toto Ad-
mirabilis Orbe Te , vel respondentem ,
vel docentem admirauerit in Generalibus
Comitijs Ordinis . Sed quid de tua in re-
gimine singulari prudentia ; qua in Domi-
nici gregis custodia vt Pastor , verius di-
cam vti Pater subditos in filios enutristi ?
De pietate vero ; qua ipsis in Religione
præstantibus assimilari eniteris ? deque
cæteris tui animi dotibus ? Satis religio-
sissimam vitam commendare crediderim ,
qui vnico verbo dicit , Es Inquisitor ,
noscitque te contra Hereticam prauita-
tem in Alma Venetiarum Ciuitate Sede-
re , solo tum bonitatis , tum meritorum
suffragio . Cum igitur tantus sis , non
ambitiosè loquor si librum hunc tibi (Re-
ue-

uerendissime Pater) deuoto animo sistens,
toti simul Religioni sistere dicam. Tu
interim grato vultu munus accipias pre-
cor quod Vestrum est: meque æri tuo ad-
modum obnoxium benignè semper respi-
cias, protegasque enixe rogo, atque obte-
stor, Vale.

Reuerendissimæ P. V.

Venetijs 1672. Die 1. Ianuarij.

Humilis. Addictiss. & Obsequioss. seruus
Nicolaus Pezzana.

AD LECTOREM.



*Q*uod olim Prospero, hoc mihi hisce temporibus contigisse video, Christiane Lector. Ille, dum Massilia Augustini sententiam contra Cassianum defenderet, Massiliensiumque, qui oppositum prædicabant, ferre non posset iniusta gravamina; Romam ad Cælestinum Papam se contulit, ut imminenti malo, quod potestate propria præcludere non valebat, autoritate Pontificia securius obuiaret. Quod & voto obtinuit; nam benignè à Cælestino susceptus & causis rei coram expositis, eò Pontificis adduxit animum, ut & Massiliensium indisciplinatas quæstiones compesceret, & Augustini doctrinam, aduersus calumniantium tenebras, quasi noua superinfusa luce solidius confirmaret. Hoc idem (inquam) mihi contigisse video, dum Louanij annis præteritis defendendæ doctrinæ Thomistica pro modulo meo insudabam. Vt ex Regentis munere à Reuerendissimo Generali Ordinis mihi iniuncto incumbere, in Comitij Provincialibus publicè erat disputandum. Theses paraueram, in quibus (sicut iteratis epistolis testis mihi fuit ipse Reuerendissimus) nihil enarrabatur, quod non ex D. Thomæ sententia profluxisset; sed (ut humani ingenij fert conditio) quod unus probat, alteri displicet. Displicuerunt igitur Theses Iansenitis & tanto quidem conspirationis strepitu, ut easdem sine ulla mora suppressi curauerint. Verùm quo arbitrio, quo iure, causa ipsa suppressionis prodit: ea non alia fuit (ut mihi tunc à tribus Magistris pro examine Thesium deputatis respondebatur) quàm quia non placebant Satrapris Iansenitarum. Igitur impunè erit sola pro ratione voluntas? Non patiar. Igitur impunè se extollet aduersus scientiam Sancti Thomæ proscripta Iansenitarum doctrina? Non patiar: sed librum pro veritate Thesium ostendenda composui & dixi;

Chare (nec inficior) mecum liber ibis in Urbem.

Certius, à summa nomen habere manu.

Hanc ergo intrepidus adiui, & quas ferre non valebam Iansenitarum ineptias, Beatissimo Patri Innocentio X. fideliter exposui: hoc inter cætera inculcans urgentius, ut pro gloria S. Thomæ Aquinatis indisciplinatos illorum heminum quæstiones dignaretur compescere. Quod sanè quanto zelo, quantaq; sollicitudine fidei præstare conatus sit, non semel sed pluries & oculis vidi, & auditu auris intellexi. Imò & quadam vice sic dicentem auscultavi, quod nempe non præteriret in Urbe dies, à compescenda Iansenitarum contumacia vacuus. Vnde ut & vires meas (quales quales Domino decante illa sint) in aliquale saltem administrum apponerem, licentiam prælo mandandi conscriptum à me librum, benignè donauit: habita super eo (ut iuris ratio postulabat) particulari Congregatione. Prodit ergo in lucem, Amice Lector, non libidine scribendi (ut vides) sed conclusum in assibus ignem ferre non valens præ amore veritatis Thomistica, & decore Domus Dei quam dilexi, cuiusque censuræ scripta hæc iterum, atque ite-

August
de Bo
no Per
icu.
Cap. vi.
tuno,

rum subijcio. Qui verò ea legunt (*verbis vtor Augustini*) si intelligunt, agant Deo gratias: qui autem non intelligunt, orent ut eorum Doctor sit interior, à cuius facie est scientia & intellectus. Qui verò *extrare* me existimant, etiam atque etiam diligenter quæ sunt dicta considerent, ne fortassis ipsi errent. Ego autem cum per eos qui meos labores legunt, non solum doctior, verum etiam emendatior fio, propitium mihi Deum agnosco; & per hoc Ecclesiæ Doctores maximè expecto, si & in ipsorum manus venit, dignenturque nosse quod scribo.
Vale.

ATTESTATIO.

FACULTATIS OBTEŒ

A SANCTA SEDE APOSTOLICA.

EGo infrascriptus attestor R. P. Fratri Alexandro Sebille, S. Theol. Magistro, & Regenti Primario Louanienti fuisse concessam facultatem à Sede Apostolica imprimendi Theses de libero Arbitrio, nec non librum, cui titulus; *D. Augustini & Sanctorum Patrum de libero Arbitrio Interpres Thomisticus*, habita de mandato Sanctissimi D. Nostri Innocentij X. super eo particulari congregatione: pro ut latius patet in Registris Supremæ & Vniuersalis Inquisitionis Sancti Officij Romæ sub die 15. Decembris 1650. In quorum fidem &c. Datum Romæ ex Palatio Sancti Officij hac die 28. Februarij 1651.

Ita est.

*Ego Ioannes Antonius Thomasius
Sanctæ Romanæ & Vniuersalis
Inquisitionis Notarius.*

NOs Frater Vincentius Pretus à Serranalle, Ordinis Prædicatorum, S. Theol. Magister, Commissarius Generalis Sanctæ Romanæ & Vniuersalis Inquisitionis, vniuersis fidem facimus & testamur, suprafatum D. Ioannem Antonium Thomasius, Notarium Sanctæ Romanæ & Vniuersalis Inquisitionis præfatæ, esse talem, qualem se supra facit, eiusque scripturis publicis & priuatis, tam in iudicio quàm extra habitam fuisse, & de præsentibus haberi fidem. In quorum fidem presentes manu nostra subscripsimus, & Sigilli eiusdem Sanctæ Inquisitionis impressione muniri iussimus hac die 28. Februarij 1651.

*Fr. Vincentius Pretus à Serranalle, Commissarius
qui supra manu propria.*

Locus ♣ Sigilli.

Nos

**Nos Fr. Ioannes Baptista de Marinis S. Theol. Professor
Ord. Prædicatorum humilis Magister Gene-
ralis & Seruus.**

Supposita facultate Sanctæ Sedis Apostolicæ (prout in litteris Sanctæ Romanæ & Vniuersalis Inquisitionis nobis exhibitis continetur) concedimus tibi Adm. R. P. Fratri Alexandro Sebillo, S. Theol. Magistro, & Studij nostri Generalis Louanienſis Regenti Primario, licentiam imprimendi Theſes de Libero Arbitrio, nec non librum cui titulus, *Dini Auguſtini & Sancto-
rum Patrum de Libero Arbitrio Interpres Thomiſticus*. In quorum fidem his Officij nostri Sigillo munitis, manu propria ſubſcripſimus. Datum Romæ in
Conuentu nostro Sanctæ Mariæ ſuper Mineruam, die prima Martij 1651.

*Fr. Ioannes Baptiſta de Marinis,
Magiſter Ordinis.*

Regiſt. fol. 126.

Fr. Bernardinus de Venetijs,

Magiſter & Socius.

Locus ✚ Sigilli.

Facultas R. Adm. atque Eximijs Patris M. Prouincialis.

Nos Frater Iacobus vanden Heede, S. Theol. Magiſter, Ordinis Prædicatorum per Belgium Prior Prouincialis &c. Supposita facultate Sanctæ Sedis Apostolicæ (prout in litteris Sanctæ Romanæ & Vniuersalis Inquisitionis nobis exhibitis continetur) concedimus Adm. R. P. Fratri Alexandro Sebille S. Theol. Magistro & Regenti Primario Louanienſi, licentiam imprimendi Theſes de Libero Arbitrio, nec non librum cui titulus, *Dini Auguſtini & Sancto-
rum Patrum de Libero Arbitrio Interpres Thomiſticus, &c.* In quorum fidem his Officij nostri ſigillo munitis, propria manu ſubſcripſimus. Datum Gandaui 22. Maij, 1651.

Fr. Iacobus vanden Heede,

Prouincialis qui ſuprà.

*Fr. Iacobus Myleman, Socius ac Secretarius Eximijs
Patris Magiſtri Prouincialis.*

Locus ✚ Sigilli.

APPROBATIONES THEOLOGORVM.

Infrascriptus ex commissione & mandato Reuerendissimi P. Fr. Ioannis Baptistæ de Marinis, Ordinis Fratrum Prædicatorum S. Theol. Prof. & Magistri Generalis; legi Theses de libero Arbitrio, & Librum cui titulus: *Diui Augustini & Sanctorum Patrum de libero Arbitrio Interpres Thomisticus, Autore Fr. Alexandro Seville, Ord. FF. Prædicatorum, S. Theol. Magistro, à speciali Congregatione Romæ ex Decreto Sanctissimi D. N. Innocentij Papæ X. ad hoc specialiter deputata, examinatum: vidi item licentiam à Sancta, Sede Apostolica, à Reuerendissimo P. M. Generali præfato, & à R. Adm. P. ac Exim. M. N. P. F. Iacobo Vanden Heede, S. Theol. Doct. & præfati Ordinis per Belgium Prouinciali, vt imprimi posset Authori datam. Nihil in eo fidei aut bonis moribus contrarium inueni; quinimo genuinam doctrinam Thomisticam de libero Arbitrio optimè explicat & defendit. Quare iudico posse imprimi. Datum in Collegio nostro S. Thomæ, Ordinis FF. Prædicatorum, Liræ 1652. vndecima Nouembris.*

Fr. Gaspar Dingbëns, Ord. FF. Prædicat.

S. Theol. Magister.

Salmantica in Belgium ante 11. annos ex Hispania redux post Philosophiæ lectionem Antuerpiæ absolutam, missus à Superioribus Louanium, vt ibidem Magistrum studij agerem, audiui & vidi (quod antea, dum mihi referebatur, vix credere poteram) tam in lectionibus, quam in disputationibus doceri, & S. Theologiæ studiosis aliqua inculcari tamquam communia & certa, à vera tamen Scholastica Theologia (prout eam in D. Thomæ Scholæ nutritus Salmanticæ haueram) prorsus aliena: eaque ideo multis placebāt, & mordicus ab aliquibus defendebantur, quia videbantur genuina Magni Patris S. Augustini dogmata per D. Cornel. Iansenium Impensum quondam Episcopum medullitus & compendiosè ex vastissimis eius operibus collecta & acriter asserta. Augustinum igitur quærebant, sed in Iansenio, non vbi querendus erat tamquā in propria sede D. Thoma Aquinate; & sic non mirum quòd ex limpido Augustini fonte aqua prodierit non limpida, sed turbida & infecta, vt pote per turbidū & canalem fluens infectum. Non sic Theologi celeberrimi Athenæi Salmanticensis, qui, vt ex eorū iuramento iam toties impresso constat, ita in Augustini verba iurant, vt Thomas ea interpretetur: vnde ex purissimo illo fonte per purissimum Angelicum canalem purissimam & Anglicam aquā bibunt. Augustinum agnoscunt, sed ita vt Augustinus ante Thomam Thomas fuerit, Thomam agnoscunt, sed ita vt post Augustinum ille nobis sit Augustinus, & tanto quidem seruire, vt & ipsi Thomistarum, aduersarij ibidem degentes id non audeant inficiari; Paulus Leonardus Ibernus Manapiensis Theologus est Salmanticensis, sed Antithomista; inspicimus eius pro scientia media responsiones, videbimus eum secunda parte, sectione decima Thomæ ex ipso Possuino alterum Augustinum nuncupantē. Sic alij omnes volentes Augustinifare, non Iansenium vel alium quempiam, sed

sed Thomam sibi Ducem volunt. Verum est, id etiam videtur velle facere Iansenius ipse Tomo secundo, libro proximali, capite vigesimo secundo, & in indice eiusdem Tomi verbo *Thomas Aquinas*, ubi sic habet, *Eius Summa Theologica nihil aliud est, quam Augustinus compendiatas*. Verum quam inconsiderate patet ex varijs eiusdem secundi Tomi, & alijs locis, in quibus manifesta Summæ Theologicæ D. Thomæ, & per consequens *Augustini compendiatas* loca impugnatur. Quoties non docet (vt alia prætereamus) omnia, opera Infidelium esse peccata, ignorantiam etiam necessitatis & inuincibilem non carere peccato? &c. quæ militant contra manifestos & integros Summæ D. Thomæ articulos. Sic & alia eius documenta Sancti Thomæ fundamentis omnino contraria patent, vel mediocriter in Thomam, & Iansenio versatis. Vnde dum hæc animaduerti, non potui satis mirari viros etiam doctos existimasse Iansenij, & sequacium causam a Thomistis esse suscipiendam: cum meo videri triumphante & loquente Iansenio, tacere debeat, quantumvis hæcenus locutus, Angelicus Thomas: & illius doctrina tam acriter in Scholas inuecta, huius debeat exulare. Quomodo enim Iansenius quidquam commune haberet cum Thomistis? Qui sua alio fundamento, & nexu longè diuerso firmare nititur, quam aliquis eorum; qui Thomistica fundamenta autoritate & Scholasticis rationibus fulta funditus euertere, conatur: quinimò Theologiam Scholasticam (cuius tamen Sanctum Thomam Coryphæum vocat) non solum vt inutilem, sed tamquam Hæreticis in perniciem fidei argumenta suppeditantem protinus aspernatur. Qua tamen Ecclesia tamquam cribro vititur ad subtiliora & puriora dogmata a grossioribus separanda. Quis igitur ei vel vnus Scholastici Thomistæ larium concedet? Ego sanè absolute officio meo studij Louanienfis, ad alia Ordinis munia continuò assumptus Deum orauī, vt aliquando hoc remoto populo, veritas non erubescens Scholis innotesceret; metuens alioquin ne fulmina illa ab Apostolica Sede contra Iansenij propositiones iuste vibrata, etiam inuulneratam tangere viderentur Thomisticam doctrinam, quam aliqui satis incautè Iansenismi tenebris obfuscata ibant. Oraui igitur & exoptauī, vt Thomistarum aliquis, hac nube dissipata, Thomisticum Solem clarum & purum mundo proponeret radiantem: vsquedum sumpto calamo id ipsum cæpit & perfecit Sapientissimus & eximius S. Theolog. Magister P. Frater Alexander Seville, cuius ingenij acumen iam dudum Salmanticæ alij mecum mirati sint, & in hoc opere cæteri mirabuntur. Gaudis igitur fui, dum intellexi huius tanti viri calamum exoptato huic operi admotum, & duplicato gaudio perfusus fui, dum ex commissione Reuerendissimi totius nostri Prædicatorum Ordinis Generalis Magistri P. Fr. Ioannis Baptistæ de Marinis opus hoc perfectum, & de Apostolicæ Sedis licentia prelo mandandum vidi, legi, probauī; existimans id non solum vtile futurum, & nihil Catholicæ Fidei, sanæ doctrinæ, aut bonis moribus contrarium habere; sed omnino necessarium esse, ijs præsertim, qui seclusa omni passione, nudam querunt veritatem, vt videant & sciant non coui veros Thomistas proscriptis Iansenianis. Legite igitur, veritatis amatores, & remoto omni humano respectu opus hoc perlegite: inuenietis in hac pharetra tela, sed non illa, de quibus Iansenitz in propositionibus de Gratia Magistri Nicolai Cornet Thesi prima, folio decimo Thomistas monent, *Ne quæ modò tela cum aduersarijs fabricantur, in caput suum tandem recidant, non quibus & ipsi consodiantur*

Approbationes Theologorum.

diantur arma producant atque subministrent : non illa , inquam , sed acuta tela , & arma Thomistica in orthodoxa Apostolicæ Sedis officina probata ab illo , qui misit Sagittas suas , & dissipavit eos , fulgura multiplicavit , & conturbavit eos . Invenietis in Dominicano hoc verum Dominicanum , non ut Iansenitæ alibi clamant : Utinam iam omnes Dominicani essent veri Dominicani : quasi verò illis per Iansenismum associati , soli veri essent Dominicani . Verus Dominicanus est verus Dominici filius , & Thomæ discipulus , qui illius zelum in Apostolicæ Sedis defensione intropide studet imitari , huius solidam doctrinam sibi appropriat , eumque domesticum suum Doctorem ferventius , quàm externum & peregrinum sustinere conatur : prout utrumque præstitit in hoc opere Sap. Magister Sebillæ , ut legenti patebit : in quo proinde ego iudico , & censeo cum tradere solidam , veram , Thomisticam doctrinam , in quorum fidem his propria manu scriptis subscripsi Antuerpiæ in nostro Fratrum Prædicatorum Sancti Pauli conventu , hac decima quarta Nouembris anno 1651.

Fr. Godefridus Marequis , Ord.

FF. Prædic. S. Theol. Profes.

& Institutus Regens Louan.

D*ni Augustini & Sanctorum Patrum de libero Arbitrio Interpres Thomisticus , Authore R. Fr. Alexandro Sebillæ , Ordinis Prædicatorum , nihil continet Fidei Catholicæ , aut bonis moribus contrarium : quare supposita licentia Sedis Apostolicæ , in lucem emitti poterit . Actum vigesima quarta Julij 1651.*

Guilielmus Bolognino , S. Theol. L.

Can. & Lib. Censor Antwerp.

I N D E X

LIBRORVM. CAPITVM.

ET SECTIONVM.

LIBER PRIMVS.

Ostenditur sententiam Vincentij
Lenis de Libertate, opponi
Thomistis, Diuo Tho-
mae, & Sanctis Pa-
tribus.

CONTINET XX. CAPITA.

CAPVT I.

Exponitur singularis sententia Vin-
centij Lenis, videlicet respectu
aduum omnino necessariorum, ,
quos voluntas absque vlla prorsus
potestate indifferentiae elicit; salu-
uari veram libertatem, & quidem
sufficientem ad meritum & demer-
itum.

CAPVT II.

Nonnulla ex sententia Vincentij
confectanea referuntur.

CAPVT III.

Vincentius Lenis redarguitur falsi-
tatis, in eo, quod adstruit, om-
nes veros Thomistas suos esse: &
in primis adducuntur contra eum
Albertus Magnus Thomistarum,
prima Origo, & Innocentius
Quintus Pontifex Maximus, Diuo
Thomae coeui.

CAPVT IV.

Adducuntur contra Vincentium,
Herueus & Petrus de Palude.

CAPVT V.

Adducuntur contra Vincentium Ar-
mandus de Bello Visu, & Rober-
tus Holkothus.

CAPVT VI.

Adducuntur contra Vincentium Di-
uus Antoninus, & Raynerius Pisa-
nus.

CAPVT VII.

Adducuntur contra Vincentium Ca-
preolus & Soncinas.

CAPVT VIII.

Adducuntur contra Vincentium,
Dominicus de Flandria, & Car-
dinalis Caictanus.

CAPVT IX.

Adducuntur contra Vincentium Fer-
rara & Conradus.

CAPVT X.

Adducuntur contra Vincentium Ia-
nellus & Deza Hispalensis.

INDEX CAPITVM,

CAPVT XI.

Adducuntur contra Vincentium, Ioannes de Neapoli, & Dominicus Soro.

CAPVT XII.

Adducitur contra Vincentium Durandus, quem tamen præ cæteris suis auxiliarem putat.

CAPVT XIII.

Diluntur euasiones, quibus Vincentius conatur testimonia veterum Thomistarum eludere.

CAPVT XIV.

Adducitur contra Vincentium S. Thomas.

SECTIO I.

Expenduntur tria loca Sancti Thomæ, in quibus exigit potestatem indifferentiæ ad rationem libertatis.

SECTIO II.

Expenditur contra Vincentium locus famosus ex questione 6. de Malo, in quo & eius sententiam vt hæreticam censurari, probatur.

SECTIO III.

Expenduntur plurima loca Sancti Thomæ, in quibus exigit potestatem indifferentiæ ad rationem meriti: simulque ostenditur, Vincentium dolose egisse in citatione cuiusdam testimonij pro se.

CAPVT XV.

Ostenditur, Vincentium contra se quoque habere Sanctos Patres, ex eo quod contra se habeat S. Thomam.

CAPVT XVI.

Philosophia Augustini, Vbi non est potestas ad oppositum, ibi non est libertas.

CAPVT XVII.

Dilucidatur ex doctrina Sancti Thomæ quædam loca Augustini, in quibus videtur docere, libertatem sufficientem ad peccandum subsistere absque potestate ad oppositum.

CAPVT XVIII.

Eadem Philosophia Hieronymi, Damasceni, & Anselmi: Vbi non est potestas ad oppositum, ibi non est libertas.

CAPVT XIX.

Eadem Philosophia Bernardi & Aclredi eius Contemporanei: Vbi non est potestas ad oppositum, ibi non est libertas.

CAPVT XX.

Eadem Philosophia Prosperi, Fulgentij, & Richardi Sancti Victoris: Vbi non est potestas, ad oppositum, ibi non est libertas.

CAPITVM, ET SECTIONVM

LIBER SECVNDVS.

Rationibus ostenditur, omnem actum verè liberum debere elici, vel imperari cum potestate ad oppositum contrarietatis vel contradictionis.

CONTINET XVIII. CAPITA.

CAPVT I.

Proponitur multiplex acceptio libertatis.

CAPVT II.

Declaratur, quid significetur nomine potentatis ad oppositum, quando dicitur, illam requiri ad veram libertatem actus.

CAPVT III.

Præmittitur in quo sensu actus omnino necessarij (vt sunt spiratio Spiritus Sancti, & amor beatificus) possint dici liberi.

CAPVT IV.

Actus omnino necessarios, non esse verè seu propriè liberos, ostenditur ex vulgari definitione potentie liberæ, qua dicitur quod est illa, qua positis omnibus ad agendum prærequisitis, potest agere & non agere.

SECTIO I.

Expenditur prima solutio, qua Vincentius dicit, in vulgari illa definitione potentie liberæ non definiri potentiam liberam secundum libertatem suam essentialem.

SECTIO II.

Expenditur secunda solutio, qua Vincentius admittit, vulgari illa definitione definiiri quidem potestiam liberam, secundum libertatem suam essentialem; sed tunc sensum esse, quod possit non agere, quantum est ex parte modi agendi.

SECTIO III.

Ostenditur, Vincentium non posse sine totius sue opinionis iactura, denegare libertatem prædictis actibus, scilicet amoris beatifici & spirationis.

CAPVT V.

Idem assumptum, nimirum actus omnino necessarios non esse verè seu propriè liberos, ostenditur ex eo, quod omnis actus verè liber, debeat procedere à voluntate, vt voluntas est, non à voluntate, vt natura est.

CAPVT VI.

Idem assumptum ostenditur, ex eo quod omnis actus verè liber debeat regulati iudicio libero seu indifferenti.

CAPVT VII.

Idem assumptum ostenditur, ex eo quod omnis actus verè liber debeat esse sub potestate seu dominio operantis.

CAPVT VIII.

Idem assumptum ostenditur argumento ad hominem, ex eo quod Vincentius doceat iuxta sententiam

INDEX LIBRORVM,

tiam Suarii, posse Deum motione aliqua præternaturali libertatem voluntati adimere, etiam stante iudicio indifferenti, & perfecta aduertentia rationis.

CAPVT IX.

Idem assumptum ostenditur alio argumento ad hominem, ex eo quòd Vincentius doceat, non posse Deum iuste imputare peccata, quæ ex necessitate Manichæa committerentur.

CAPVT X.

Idem assumptum ostenditur ab inconuenienti, quia videlicet sequitur ex opinione Vincentij, hominẽ peccare in eo quòd vitare non potest: seu peccare, non faciendo quòd facere non potest.

CAPVT XI.

Redarguitur solutio, qua Vincentius dicit, ad imputabilitatem peccati sufficere, nos potentiam illud vitandi in Adamo habuisse, & in eodem sponte perdidisse.

CAPVT XII.

Idem principale assumptum ostenditur ab alio inconuenienti: quòd videlicet sequatur ex opinione Vincentij, omnia humana negotia sub efficacis gratiæ tractu, posse euenire de necessitate absoluta, salua adhuc vera arbitrij libertate.

CAPVT XIII.

Idem assumptum ostenditur ab alio inconuenienti; quia videlicet sequitur ex opinione Vincentij, om-

nes electiones humanas sub efficacis gratiæ tractu de facto fieri absque contingentia.

CAPVT XIV.

Idem assumptum ostenditur ex propositione damnata in Bulla Pij V. *Quod voluntariè fit, etiamsi necessitate fiat; liberè tamen fit.*

CAPVT XV.

Occasione præcedentis propositionis damnatæ, ostenditur quàm irreuerenter, & quàm liberè contra auctoritatem S. Romanæ Ecclesiæ locutus fuerit Antesignanus Vincentij Cornel. Iansenius.

CAPVT XVI.

Idem principale assumptum ostenditur ex definitione Concilij Tridentini.

CAPVT XVII.

Ultimò impugnatur sententia Vincentij à singularitate.

CAPVT XVIII.

Ostenditur, gratis posse admitti, esse verè liberos actus spirationis & amoris beatifici: exinde tamen non sequi, fore cum eadem necessitate verè liberos actus hominis viatoris.
(†)

CAPITVM, ET SECTIONVM.

LIBER TERTIVS.

Soluuntur obiectiones, quas Vincentius adducit ex Sanctis Patribus.

CONTINET IV. CAPITA.

CAPVT I.

Proponitur in genere, loca quæ Vincentius adducit ex S. Thoma.

SECTION I.

Soluuntur specialiter loca Sancti Thomæ spectantia ad primam classem.

SECTION II.

Soluuntur loca Diui Thomæ spectantia ad secundam classem.

SECTION III.

Soluuntur loca Diui Thomæ spectantia ad tertiam classem.

SECTION IV.

Soluuntur loca Diui Thomæ spectantia ad quartam classem.

SECTION V. APPENDIX.

Ostenditur, etiam errare in Schola Thomistica circa materiam libertatis Petauium & Ricardum: simulque declaratur, qualiter Physica prædeterminatio libertatem non lædat.

SECTION VI.

Explicatur locus quidam S. Thomæ,

cuius specialiter meminit Iansenius: nec non alius qui in fauorem Vincentij adduci potest.

CAPVT II.

Ostenditur, in tradendo Sanctorum Patrum sensu, non continuo attendi debere ad nudam ipsorum litteram; sed præcipue ad definitiones Ecclesiæ, si quæ subsint; & iuxta normam illarum, litteram esse regulandam.

CAPVT III.

Ostenditur, in tradendo Sanctorum Patrum sensu, etiam attendi debere ad rigorem Scholasticum.

CAPVT IV.

Proponuntur in genere, loca quæ Vincentius adducit ex Sanctis Patribus.

SECTION I.

Soluuntur specialiter loca Sanctorum Patrum spectantia ad primam classem.

SECTION II.

Soluuntur loca Sanctorum Patrum spectantia ad secundam classem: & per transennam locus quidam Scoti.

SECTION III.

Soluuntur loca SS. Patrum spectantia ad tertiam classem.

SECTION IV.

Soluuntur loca SS. Patrum spectantia ad quartam classem.

INDEX LIBRORVM;

SECTIO V.

Soluuntur loca SS. Patrum spectantia ad quintam classem.

SECTIO VI.

Soluuntur loca SS. Patrum spectantia ad sextam classem.

LIBER QVARTVS.

Soluuntur obiectiones, quas Vincentius conficit ex ratione & experientia.

CONTINET XVIII. CAPITA.

CAPVT I.

Redarguitur Vincentius, ex eo quòd rationes eius vix Philosophiam, aut Thologiam sapiant.

CAPVT II.

Soluitur prima ratio, qua Vincentius probat, omnem actum perfectè voluntarium, esse eò ipso verè liberum, licet sit necessarius; ex eo quòd in omni tali actu iudicium rationis ducem se præbeat voluntati.

CAPVT III.

Soluitur secunda ratio eiusdem, ex eo quòd in omni tali actu voluntas seipsam agat, seu seipsam moueat.

CAPVT IV.

Soluitur tertia ratio eiusdem, ex

eo quòd omnis talis actus emanet à voluntate non solum per modum actus eliciti, sed etiam imperati.

CAPVT V.

Soluitur quarta ratio eiusdem, ex eo quòd in omni tali actu voluntas agat incoactè.

CAPVT VI.

Soluitur prima ratio, qua Vincentius speciatim probat amorem beatificum esse liberum, ex eo quòd sit actus humanus.

CAPVT VII.

Soluitur secunda ratio eiusdem, ex eo, quod visio beatifica nequeat eripere voluntati istam maximam perfectionem, quæ est libertas.

CAPVT VIII.

Soluitur tertia ratio eiusdem, ex eo quòd necessitas beatifica voluntatem non adigat in illum amorem vi quadam naturæ.

CAPVT IX.

Soluitur quarta ratio eiusdem, ex eo quòd minimè expediret, tam sapientem & prudentem esse, sicut beati sunt; si semel amor illorum liber non esset.

CAPVT X.

Soluitur quinta ratio eiusdem, sumpta ab exemplo Lucretiæ.

CAPVT XI.

Soluitur sexta ratio eiusdem, desumpta

CAPITVM, ET SECTIONVM.

pta ab inconuenienti, nempe quòd nec Virgo Mater, nec alij confirmati in gratia, fuissent liberi.

CAPVT XII.

Soluitur septima ratio eiusdem ab alio inconuenienti, quòd nempe multò minùs Christus Dominus fuisset liber in subeunda morte sibi præcepta.

CAPVT XIII.

Soluitur octaua ratio eiusdem, ex eo quòd amor beatificus in Christo fuerit meritorius.

CAPVT XIV.

Soluitur quædam ratio, quæ Vincentius nominatim impugnat indifferentiam: & ibidem de experientia sui canis.

CAPVT XV.

Soluitur quædam ratio Vincentij, desumpta ab actu intentionis circa finem.

CAPVT XVI.

Soluitur quædam ratio Vincentij, desumpta ab impotentia adimplendi præcepta supernaturalia in natra lapsa.

CAPVT XVII.

Soluitur quædam ratio Vincentij, desumpta ex eo, quod iam *Iustitia* liberaret, non gratia.

CAPVT XVIII.

Soluitur quædam ratio Vincentij,

desumpta ab obstinatione dæmonum.

LIBER QVINTVS.

Soluuntur Argumenta Cornelij Iansenij, Vincentiani dogmatis Antesignani.

CONTINET XXVI. CAPITULA.

CAPVT I.

Soluitur prima ratio Cornelij Iansenij, ex eo quòd omnis actus intellectualis voluntatis sit in nostra potestate.

CAPVT II.

Soluitur secunda ratio eiusdem, ex eo quòd voluntas Christi fuerit libera, formaliter in non peccando.

CAPVT III.

Soluitur tertia ratio eiusdem, ex eo quòd Deus est verè liber, & tamen nec habet, nec vnuquam habuit indifferentiam agendi & non agendi.

CAPVT IV.

Soluitur quarta ratio eiusdem, ex eo quòd voluntas nequeat habere actionem naturalem.

CAPVT V.

Soluitur quinta ratio eiusdem, ex eo quòd omnis actus voluntatis est cum delectatione.

CA-

INDEX LIBRORVM,

CAPVT VI.

Soluitur sexta ratio eiusdem, ex eo quòd sequatur, operationem Diuinæ gratiæ ex diametro repugnare arbitrij libertati.

CAPVT VII.

Soluitur septima ratio eiusdem, ex eo quòd sequatur, omnem concupiscentiæ motum directam habere repugnantiam cum libertate.

CAPVT VIII.

Soluitur octaua ratio eiusdem, ex eo quòd sequatur, omnes habitus & consuetudines animi, siue bonas, siue malas directè repugnare libertati.

CAPVT IX.

Soluitur nona ratio eiusdem, ex eo quòd sequatur, meritum bonum & malum eò minus esse, quò quis efficacioribus gratiæ motibus tractus, & in bono vel malo fixioribus habitibus radicans fuerit.

CAPVT X.

Soluitur decima ratio eiusdem, ex eo, quòd sequatur, nullum consilium vt consilium, à beatis liberè impleri.

CAPVT XI.

Soluitur Argumentum eiusdem, confectum ex auctoritate Magistri sententiarum.

CAPVT XII.

Soluitur Argumentum eiusdem, con-

fectum ex auctoritate Alexandri de Hales.

CAPVT XIII.

Soluitur Argumentum eiusdem, confectum ex auctoritate Altissiodorensis.

CAPVT XIV.

Soluitur Argumentum eiusdem, confectum ex auctoritate Scoti.

CAPVT XV.

Soluitur Argumentum eiusdem, confectum ex auctoritate Sancti Bonauenturæ.

CAPVT XVI.

Soluitur Argumentum eiusdem, confectum ex auctoritate Henrici à Gandauo.

CAPVT XVII.

Soluitur Argumentum eiusdem, confectum ex auctoritate Thomæ de Argentina.

CAPVT XVIII.

Soluitur Argumentum eiusdem, confectum ex auctoritate Dionysij Carthusiani.

CAPVT XIX.

Soluitur Argumentum eiusdem, confectum ex auctoritate Marsilij de Inghen.

CAPVT XX.

Soluitur Argumentum eiusdem, confectum ex auctoritate Gabrielis.
CA-

CAPITVM, ET SECTIONVM.

CAPVT XXI.

Soluitur Argumentum eiusdem, confectum ex auctoritate Guilielmi Parisiensis.

CAPVT XXII.

Soluitur Argumentum eiusdem, confectum ex auctoritate Nicolai de Orbellis, Stephani Brullefer, & Petri Capulleij.

CAPVT XXIII.

Soluitur Argumentum eiusdem, confectum ex auctoritate Richardi de Media Villa.

CAPVT XXIV.

Soluitur Argumentum eiusdem, quo epilogicè profert consensum antiquorum Scholasticorum & Scriptorum vsque ad Augustinum.

CAPVT XXV.

Ostenditur in quibus Iansenitæ conueniant cum hæreticis, quantum ad ea, quæ in hoc opere tractauimus.

CAPVT XXVI.

Iansenius conatur se à Caluinismo purgare, sed frustra.

EPILOGVS.

Ostenditur Iansenitas similes esse Maximianistis, in eo quòd adhuc flagitent ab Ecclesia collationem seu examen sui dogmatis.

Monitio ex S. Thoma Aquinate.

Contra illos, qui de Scriptoribus Scholasticis, multa garriunt in angulis & coram pueris, cum tamen incapaces sint, vt de rebus Scholasticis iudicent.



I N D E X

LOCOR VMSACRÆSCRIPTVRÆ,

QVI IN HOC OPERE CITANTVR.

Ex Genesi.

Cap. 4. *Subter te erit appetitus tuus, & tu dominaberis illius.* lib. 2. cap. 7.

Ex Exodo.

Cap. 25. *Cherub in latere vno, & alter in altero.* lib. 5. cap. 15.

Ex Libris Regum.

Primi Reg. 12. *Ait Samuel ad populum: Dominus qui fecit Moysen & Aaron, & eduxit Patres nostros de terra Aegypti.* lib. 2. cap. 17.

Tertij Reg. 19. *Domine Prophetas tuos occiderunt, altaria tua destruxerunt, & remansi ego solus.* lib. 2. cap. 17.

Ibidem. *Reliqui tibi septem millia.* lib. 2. cap. 17.

Ex Esther.

Cap. 8. *In tantum vt plures alterius gentis & sectæ, eorum religioni & ceremonijs iungerentur.* lib. 2. cap. 17.

Cap. 13. *Non est, qui possit tuæ resistere voluntati, si decreueris saluare Israel.* lib. 2. cap. 16.

Ex Iob.

Cap. 11. *Vir vanus in superbiam erigitur, & tanquam pullum onagri liberum se putat.* lib. 2. cap. 1.

Ex Lib. Psalmorum.

Psalmo 24. *De necessitatibus meis erue me Domine.* lib. 1. cap. 17.

Psalmo 35. *Noluit intelligere, vt bene ageret.* lib. 4. cap. 13.

Psalmo 64. *Te decet hymnus Deus in Sion.* lib. 3. cap. 4. sect. 6.

Psalmo 118. *Declaratio Sermorum tuorum illuminat, & intellectum dat paruulis.* lib. 1. cap. 15.

Ex Ecclesiaste.

Cap. 4. *Va solti.* lib. 1. cap. 13.

Ex Canticis.

Cap. 3. *Tenui eum nec dimittam.* lib. 4. cap. 9.

Ex Ecclesiastico.

Cap. 15. *Dens ab initio constituit hominem & reliquit illum in manu consilij sui.* lib. 2. cap. 13.

Cap. 43. *Vas admirabile, opus excelsum.* lib. 3. cap. 4. sect. 6.

Ibidem. *Maiores est omni laude.* lib. 3. cap. 4. sect. 6.

Ex Isaia.

Cap. 1. *Omne caput languidum & omne cor marens.* lib. 1. cap. 20.

Ibidem. *Si vo'ueritis & audieritis me.* lib. 1. cap. 18.

Cap. 3. *Laudem Domini annuntiabo, super omnia quæ reddidit nobis Dominus.*

INDEX LOCORVM SACRAE SCRIPTVRAE.

nus. lib. 3. cap. 4. sectione 6.

Cap. 5. *Habitatores Ierusalem & viri Iuda, indicat inter me & vineam meam, quid est quod ultra debui facere vinea mea & non feci.* li. 4. c. 16.

Cap. 14. *Dominus exercituum decrevit, & quis poterit infirmare.* libr. 2. cap. 16.

Cap. 31. *Dixit Dominus, cuius ignis est in Sion, & caminus eius in Ierusalem.* lib. 5. cap. 3.

Cap. 49. *Et ego dixi, in vacuum laboravi.* lib. 1. cap. 18.

Cap. 53. *Oblatus est, quia ipse voluit.* lib. 1. cap. 19.

Ex Ieremia.

Cap. 13. *Si mutare potest Aethiops pellem suam & vos poteritis benefacere, cum didiceritis mala.* li. 3. c. 4. sect. 4.

Cap. 18. *Sicut lutum in manu figuli, ita vos Domus Israel in manu mea.* lib. 2. cap. 16.

Ex Ezechiele.

Cap. 1. *Quasi sit rota in medio rota.* lib. 5. cap. 24.

Cap. 36. *Faciā ut iudicia mea facias.* lib. 2. cap. 16.

Ex Zacharia.

Cap. 1. *Conuertimini ad me & conuertar ad vos.* lib. 3. cap. 16.

Cap. 11. *Et dixi ad eos, si bonum est in oculis vestris.* lib. 1. cap. 18.

Ex Malachia.

Cap. 1. *Dilexi Iacob, Esau autem odio habui.* lib. 1. cap. 18.

Ex Matthæo.

Cap. 8. *Domine si vis, potes me mundare.* libr. 5. cap. 1.

Cap. 11. *Discite a me, quia mitis sum & humilis corde.* lib. 1. cap. 14. sect. 2.

Ex Marco.

Cap. 9. *Non enim sciebat, quid diceret.* lib. 1. cap. 14. sect. 3.

Ex Luca.

Cap. 15. *Diuisit eis substantiam.* lib. 1. cap. 18.

Cap. 22. *Filius hominis sicut definitum est, vadit.* lib. 4. cap. 12.

Ex Ioanne.

Cap. 6. *Omnis qui audiuit a Patre, & didicit, venit ad me.* lib. 2. cap. 16.

Cap. 8. *Qui facit peccatum, seruus est peccati.* lib. 3. cap. 1. sect. 3.

Cap. 10. *Potestatem habeo ponendi animam meam.* lib. 5. cap. 25.

Cap. 14. *Sicut mandatum dedit mihi Pater, sic facio.* lib. 4. cap. 12.

Ibidem. *Non poterant credere.* libr. 3. cap. 4. sect. 6.

Cap. 15. *Si non venissem & eis locutus non fuisset; peccatum non haberent.* lib. 2. cap. 11.

Cap. 19. *Non haberes in me potestatem, nisi data esset tibi desuper.* lib. 1. cap. 16.

Cap. 21. *Simon Ioannis, diligis me plus his? Dicite ei, etiam Domine, tu scis quia amo te.* lib. 2. cap. 17.

Ex Actis Apostolorum.

Cap. 2. *Stans autem Petrus, cum vndecim leuauit vocem suam.* li. 2. cap. 17.

Cap. 7. *Vos semper Spiritui Sancto resistitis.* lib. 4. cap. 16.

Ex epistola ad Romanos.

Cap. 6. *Liberati autem a peccato.* lib. 2. cap. 1.

c Ibid.

I N D E X

LOCOR VMSACRÆSCRIPTVRÆ,

QVI IN HOC OPERE CITANTVR.

Ex Genesi.

Cap. 4. *Subter te erit appetitus tuus, & tu dominaberis illius. lib. 2. cap. 7.*

Ex Exodo.

Cap. 25. *Cherub in latere vno, & alter in altero. lib. 5. cap. 15.*

Ex Libris Regum.

Primi Reg. 12. *Ait Samuel ad populum: Dominus qui fecit Moysen & Aaron, & eduxit Patres nostros de terra Aegypti. lib. 2. cap. 17.*

Tertij Reg. 19. *Domine Prophetas tuos occiderunt, altaria tua destruxerunt, & remansi ego solus. lib. 2. cap. 17.*

Ibidem. *Reliqui mihi septem millia. lib. 2. cap. 17.*

Ex Esther.

Cap. 8. *In tantum vt plures alterius gentis & sectæ, eorum religioni & ceremonijs iungerentur. lib. 2. cap. 17.*

Cap. 13. *Non est, qui possit tuæ resistere voluntati, si decreueris saluare Israel. lib. 2. cap. 16.*

Ex Iob.

Cap. 11. *Vir vanus in superbiam erigitur, & tanquam pullum onagri libernum se putat. lib. 2. cap. 1.*

Ex Lib. Psalmorum.

Psalmo 24. *De necessitatibus meis erue me Domine. lib. 1. cap. 17.*

Psalmo 35. *Noluit intelligere, vt bene ageret. lib. 4. cap. 13.*

Psalmo 64. *Te decet hymnus Deus in Sion. lib. 3. cap. 4. sect. 6.*

Psalmo 118. *Declaratio Sermonum tuorum illuminat, & intellectum dat paruulis. lib. 1. cap. 15.*

Ex Ecclesiaste.

Cap. 4. *Va soli. lib. 1. cap. 13.*

Ex Canticis.

Cap. 3. *Tenui cum nec dimittam. lib. 4. cap. 9.*

Ex Ecclesiastico.

Cap. 15. *Deus ab initio constituit hominem & reliquit illum in manu consilij sui. lib. 2. cap. 13.*

Cap. 43. *Vas admirabile, opus excelsi. lib. 3. cap. 4. sect. 6.*

Ibidem. *Maior est omni laude. lib. 3. cap. 4. sect. 6.*

Ex Isaia.

Cap. 1. *Omne caput languidum & omne cor mærens. lib. 1. cap. 20.*

Ibidem. *Si voveritis & audieritis me. lib. 1. cap. 18.*

Cap. 3. *Laudem Domini annuntiabo, super omnia quæ reddidit nobis Dominus.*

INDEX LOCORVM SACRAE SCRIPTVRAE.

nus. lib. 3. cap. 4. sectione 6.

Cap. 5. *Habitatores Ierusalem & viri Iuda, indicate inter me & vineam meam, quid est quod ultra debui facere vinea mea & non feci?* li. 4. c. 16.

Cap. 14. *Dominus exercituum decrevit, & quis poterit infirmare.* libr. 8. cap. 16.

Cap. 31. *Dixit Dominus, cuius ignis est in Sion, & caminus eius in Ierusalem.* lib. 5. cap. 3.

Cap. 49. *Et ego dixi, in vacuum laboravi.* lib. 1. cap. 18.

Cap. 53. *Oblatus est, quia ipse voluit.* lib. 1. cap. 19.

Ex Ieremia.

Cap. 13. *Si mutare potest Aethiops pellem suam & vos poteritis benefacere, cum didiceritis mala.* li. 3. c. 4. sect. 4.

Cap. 18. *Sicut lutum in manu figuli, ita vos Domus Israel in manu mea.* lib. 2. cap. 16.

Ex Ezechiele.

Cap. 1. *Quasi sit rota in medio rota.* lib. 5. cap. 24.

Cap. 36. *Faciám ut iudicia mea facias.* lib. 2. cap. 16.

Ex Zacharia.

Cap. 1. *Conuertimini ad me & conuertar ad vos.* lib. 2. cap. 16.

Cap. 11. *Et dixi ad eos, si bonum est in oculis vestris.* lib. 1. cap. 18.

Ex Malachia.

Cap. 1. *Dilexi Iacob, Esau autem odio habui.* lib. 1. cap. 18.

Ex Matthæo.

Cap. 8. *Domine si vis, potes me munda-*
re. libr. 5. cap. 1.

Cap. 11. *Discite à me, quia mitis sum & humilis corde.* lib. 1. cap. 14. sect. 2.

Ex Marco.

Cap. 9. *Non enim sciebat, quid diceret.* lib. 1. cap. 14. sect. 3.

Ex Luca.

Cap. 15. *Diuisit eis substantiam.* lib. 1. cap. 18.

Cap. 22. *Filius hominis sicut definitum est, vadit.* lib. 4. cap. 12.

Ex Ioanne.

Cap. 6. *Omnis qui audiuit à Patre, & didicit, venit ad me.* lib. 2. cap. 16.

Cap. 8. *Qui facit peccatum, seruus est peccati.* lib. 3. cap. 1. sect. 3.

Cap. 10. *Potestatem habeo ponendi animam meam.* lib. 5. cap. 25.

Cap. 14. *Sicut mandatum dedit mihi Pater, sic facio.* lib. 4. cap. 12.

Ibidem. *Non poterant credere.* libr. 3. cap. 4. sect. 6.

Cap. 15. *Si non venissem & eis locutus non fuisset; peccatum non haberent.* lib. 2. cap. 11.

Cap. 19. *Non haberes in me potestatem, nisi data esset tibi à super.* lib. 1. cap. 16.

Cap. 21. *Simon Ioannis, diligit me plus his? Dicit ei, etiam Domine, tu scis quia amo te.* lib. 2. cap. 17.

Ex Actis Apostolorum.

Cap. 2. *Stans autem Petrus, cum vndecim leuauit vocem suam.* li. 2. cap. 17.

Cap. 7. *Vos semper Spiritui Sancto resistitis.* lib. 4. cap. 16.

Ex epistola ad Romanos.

Cap. 6. *Liberati autem à peccato.* lib. 2. cap. 1.

c

Ibid.

INDEX LOCORVM SACRAE SCRIPTVRAE.

- Ibidem. Cum serui essetis peccati, liberati fuistis iniustitia. lib. 2. cap. 1.
 Cap. 7. Quod odi malum, illud facio. lib. 3. cap. 1. sect. 2.
 Cap. 8. Ipsa creatura liberabitur a seruitute corruptionis, in libertatem gloria Filiorum Dei. lib. 2. cap. 1.
 Cap. 9. Voluntati eius quis resistit? lib. 2. cap. 16.

Ex prima ad Corinthios.

- Cap. 7. Non habens necessitatem, potestatem autem habens sua voluntatis. lib. 2. cap. 7.
 Cap. 4. Quid enim habes quod non accepisti? lib. 1. cap. 16.
 Cap. 10. Fidelis autem est Deus; qui non patietur vos tentari ultra id quod potestis. lib. 5. cap. 7.
 Cap. 13. Caritas numquam excidit. lib. 5. cap. 3.

Ex secunda ad Corinthios.

- Cap. 3. Littera occidit, Spiritus autem viuificat. lib. 1. cap. 17.

Ex epistola ad Galatas.

- Cap. 4. Sed quid dicis Scriptura? eijce

ancillam & filium eius: non enim haeres erit filius ancillae cum Filio liberae. lib. 1. cap. 14. sect. 3.

Ex epistola ad Philipenses.

- Cap. 2. Humiliavit semetipsum, factus obediens usque ad mortem: propter quod & Deus exaltauit illum. lib. 4. cap. 12.

Ex secunda ad Timotheum.

- Cap. 2. Negare seipsum non potest. lib. 3. cap. 4. sect. 6.

Ex epistola ad Titum.

- Cap. 1. Ut sint potentes exhortari in doctrina sana. lib. 4. cap. 1.

Ex epistola ad Hebraeos.

- Capit. Ultimo. Iesus Christus huius & hodie, ipse & in saecula. lib. 3. cap. 3.

Ex epistola Iacobi.

- Cap. 1. Vnusquisque tentatur a concupiscentia sua, abstractus & illecebus. lib. 5. cap. 7.



I N D E X

A V C T O R V M,

QVI IN HOC OPERE CITANTVR.

A
D. Augustinus.
D. Anselmus.
D. Ælredus.
D. Athanasius.
D. Albertus Magnus.
D. Antoninus.
Alexander de Hales.
Armandus de Bello Vifo.
Aluarez.
Asturicensis.
Araujo.
Altissiodorensis.
Aristoteles.

B
D. Bernardus.
D. Bonauentura.
Bartholomæus Sibilla.
Banez.

C
D. Cyrillus.
D. Cyprianus.
D. Chrysostomus.
Capreolus.
Caictanus.
Conradus.
Curiel.
Cipullo.
Cabrera.
Complutenses.
Cornelio.
Choquerius.
Cælestinus Papa.
Concilium Tridentinum.

Concilium Senonense.
Cano de locis.
Cornelius Iansenius; Episcopus I-
prensus.

D
S. Dionysius.
S. Damascenus.
Durandus.
Dominicus Soto.
Dominicus de Flandria.
Deza Hispalensis.
Dionysius Carthusianus

E
Eftius.

F
S. Fulgentius.
Ferrara.

G
S. Gregorius.
Guilielmus Parisiensis.
Gabriel Biel.
Gonzalez.
Gregorius Martinez.
Glossa Ordinaria.

H
S. Hieronymus.
S. Hilarius.
Heruens.
Henricus à Gandauo.

INDEX AVCTORVM.

Hugo Cauellus.
Holkoth.

Ignatius Martyr.
Innocentius III.
Innocentius V. siue Petrus à Tarantasia.
Innocentius VI.
Iauellus.
Ioannes de Neapoli.
Ioannes à S. Thoma.
Ildelfonfus.

Leo Papa.
Lorca.
Ledefma.
Ludouicus à Dola.

D. Maximus.
Medina.
Matthæus de Rispolis.
Marcus Serra.
Montefinos.
Malderus.
Marfilius de Inghen.

D. Nazianzenus.
Nicolaus de Orbellis
Nuno.
Nazarius.
Nauarette.

Opratus Mileuitanus.

D. Petrus Apostolus in itineraio S.
Clementis.

D. Profer.
Petrus de Palude.
Philo Iudæus.
Petrus Lombardus.
Petrus Capulleius.

Raynerius Pisanus.
Raphael de la Torre.
Raphael Ripa.
Richardus S. Viatoris.
Richardus de media Villa.

Scotus.
Stephanus Brullefer.
Sixtus Senensis.
Salmaticenses.
Sonicinas.
Suarez, & tota schola Societatis Iesu.
Syluius.

D. Thomas Aquinas.
Thomas de Argentina.

Vincētius Lirinensis.
Victoria.
Vincētius Lenis.
Vuighghers.

Auctores Hæretici.

Pelagius.
Iulianus.
Vuiclefus.
Bucerus.
Lutherus.
Caluinus.
Samuel Marefius.

CONCLVSIONES THEOLOGICÆ
DE
LIBERO ARBITRIO

ANNO M. DC. XLIX. PER IANSENITAS
Louanij prohibitæ: nunc vero speciali indultu Inno-
centij X. Pontificis Maximi in lucem editæ.

Dedicatio erat

ILLVSTRISSIMO AC REVERENDISSIMO DOMINO

D. GASPARI NEMIO
EPISCOPO ANTVERPIENSI:
Et Archiepiscopo Cameracensi, denominato &c.



T mellissuè quondam Bernardus, *Liberum arbitrium est pla-
nè Diuinum quoddam præfulgens in anima tamquam gemma in
auro*. Hanc gemmam, vtrumque thesibus hinc expoli-
tam, ANTISTES ILLVSTRISSE, riuulus ingenio-
li mei in littus tuum eijcit, & tibi sisti penitus desiderat:
sed qua confidentia? Certè nulla; si riuuli attendatur exi-
guitas: certè maxima; si littoris, cui sistitur, pensetur
amplitudo & dignitas. Quàm vilis gemmula ex parte riuuli! Sed quàm
præfulgens gemma ex participatione tanti littoris! Quid ni? Cùm in co-
inueniat gemmarum omnium lucidissimum consortium, virtutum dico om-
nium, Diuinum quoddam participium: & si (teste Isidoro) *Gemmae quando
iunguntur, decorem maximum sibi conferunt & ministrant*; quid non lucis &
gloriæ ex tanta gemmarum coniunctione gemmula mea sperabit? In te
enim hinc fidei & religionis lassis, inde iustitiæ Hyacinthus, hic sapientiæ
& doctrinæ Chrisolytus: prætereo Iridem misericordiæ, charitatis Car-
bunculum: taceo Apostolicæ prædicationis Magnetem, Amctistum vigi-
lantiz, indefessæ constantiz Chrystallum. O quot quantæque in vno hoc
littore gemmæ! Quin imo tanta luce vbique spectabilis earum fulgor irra-
diat, vt iam episcopalis quasi vilesceret insula, si non dignior Cameracensis
Ecclesiæ accederet Principatus. Patere Igitur ANTISTES ILLVSTRIS-
SIME gemmam hanc insignibus vestris coniungi: coniuncta, decorem
quem in seipsa non inuenit, ex lucis tuæ societate assequetur sælicius, possi-
debit securius. Sic opto, sic spero, sic voueo

Illustris. & Reuereudis. Dominationis vestre
Humillimus seruus
Fr. Carolus Petri Ord. FF. Prædicat.

CONCLVSIONES THEOLOGICAE.

CONCLVSIO PRIMA.



LIBERVM arbitrium non est habitus aut actus, sed necessa-
rio potentia quædam animæ naturalis est. Hæc autem
potentia non est virtus cognitiua, sed appetitiua; non
eo sensu, quo appetituum reperitur in brutis, sed sicut
conspicitur in natura rationali seu intellectiua. Est igitur
liberum arbitrium entitatiuè sumptum, nihil aliud
quàm ipsa potentia voluntatis; connotans tamen in obli-
quo intellectum: & sicut ratio & intellectus non dux, sed vna potentia sunt,
ita voluntas & liberum arbitrium, non dux, sed vna tantum potentia sunt.
Ab hac potentia, omnis actus verè liber debet elici aut imperari. Sed nec
elici qualitercumque, ad veram libertatem actus sufficit: dantur namque
plures actus à voluntate elicti; qui tamen omnis veræ libertatis expertes
sunt, vt patet in pueris, in amentibus, & in motibus primò primis adultorū.
Præter hoc ergo, quod est à voluntate elici, requiruntur ad veram libertatem
aliz conditiones: quæ si desint, nullà in actu libertas inuenietur.

CONCLVSIO II.

Primò requiritur, quòd actus procedat à voluntate spontaneè & non
coactè, coactione aliqua simpliciter: quòd enim sic coactè procedit,
nullo modo procedit liberè. Vocamus autem coactionem simpliciter, com-
pulsionem alicuius ad actum inclinationi repugnantem. Vnde si voluntas
ab aliquo agente, ad actum suæ inclinationi repugnantem compelleretur,
nullo modo in tali actu libera esset. Sed quid? Possetne hoc aliquando con-
tingere; quòd scilicet ad actum inclinationi suæ repugnantem compellere-
tur? Respondemus, etiam per ordinem ad potentiam Dei absolutam idi-
plum repugnare. Cùm enim voluntas essentialiter sit quædam inclinatio,
eò quòd essentialiter est appetitus quidam, non potest fieri, quòd ipsa ali-
quid actu suo velit, & inclinatio eius non sit in illud; imò generaliter hoc
idem defendimus de qualibet alia potentia per comparisonem ad actum
sibi proprium.

CONCLVSIO III.

Secundò requiritur ad libertatem actus, quòd procedat à voluntate se-
cundum perfectam voluntarij rationem. Hoc autem sic à voluntate pro-
cedit, quòd sit ab illa ex perfectò iudicio, seu perfecta aduertentia rationis.
Defectu huius conditionis, non sunt verè liberi actus puerorum, amentium,
aut motus primò primi. Sed quid? Si hæc sola in actu adsit, eritne hoc ipso
verè liber, & quidem libertate sufficienti ad meritum? Constantissimè te-
nenda est pars negatiua; cùm constet Caluinum tamquam veræ libertatis
inimicum ab Ecclesia esse damnatum; qui tamen sub impulsu decreti perfe-
ctam voluntarij rationem in actibus nostris adstruebat. Nomen Caluinus sa-
tebatur voluntatem nostram sub impulsu Diuini Decreti concurrere ad ope-
rationes suas motu spontaneo? Omnino. Nonne insuper fatebatur per tie-
ctum

CONCLVSIONES THEOLOGICAE.

*Aut iudicium rationis ex influxu decreti minimè perturbari aut abripi? Omnino. Nonne tertio fatebatur voluntatem concurrere actiue, & non-
merè passiue, sicut erat error Lutheri? Omnino. Hæc tria saluant perfectam
voluntarij rationem, non tamen veram aliquam libertatem.*

CONCLVSIO IV.

Tertio ergo requiritur ad libertatem actus, quod sit à voluntate, cum potestate ad oppositum, id est, quod taliter illum eliciat, vt possit non elicere, vel taliter imperet, vt possit non imperare. Sed quali potestate? Sufficietne remota pro instanti operationis; quæ possit reddi proxima pro alio instanti per intellectus fabricatoris operam? Minimè. Sufficietne remota pro instanti efficacis prædeterminationis, quæ possit reddi proxima, prædeterminatione excussa, non ea retenta? Minimè. Debet ergo esse proxima, & pro eodem instanti quod est libera operatio, & pro eodem instanti quod perseuerat prædeterminatio: imò tam proxima sub illis instantibus ad non actum, quam est aut erat sub eisdem ad actum; tam proxima (inquam) quantum ad ea quæ requiruntur ex parte actus primi, seu principij operandi. Sine tali potestate ad oppositum, velle aliquam veram libertatem in actu voluntatis saluare, est naturam libertatis ignorare.

CONCLVSIO V.

Sed quæres, per quid potestas illa proxima ad oppositum, in voluntate subsistat? Respondemus sub distinctione: vel enim consideras voluntatem, vt potentem liberè operari in ordine naturali, vel vt potentem liberè operari in ordine supernaturali. Si primo modo; dicimus illam proximam potestatem ad oppositum subsistere per hæc duo: videlicet per iudicium indifferens de bonitate obiecti, & per ipsam naturalem facultatem voluntatis. His duobus instructa voluntas, quocumque alio secluso, potest æquè proximè in ordine naturali operari & non operari. Si consideres secundo modo, vltra duo prædicta requiritur adhuc aliud; nimirum auxilium gratiæ sufficientis tam ex parte intellectus quàm ex parte voluntatis. Quod quidem talis conditionis est, vt sine illo voluntas non possit proximè operari, & cum illo possit; licet cum illo solo nunquam de facto sit operatura. Quid ergo ad de facto operandum vltèrius requiritur? Sanè prædeterminatio efficax, quæ sit vel entitatis naturalis, pro operatione libera naturali, vel entitatis supernaturalis, pro operatione libera supernaturali.

CONCLVSIO VI.

His conditionibus positis, actus voluntatis euadit verè liber: qualibet harum deficiente, nullam veram libertatem obtinet. Vnde à serie actuum liberorum excludimus in primis, actum quo Pater & Filius producunt Spiritum Sanctum; deinde amorem quo Deus amat suam bonitatem, secundum se consideratam; tertio amorem quo quilibet Beatus eandem bonitatem increatam secundum se diligit; quarto tandem omnem actum voluntatis, qui ab eadem elicitur absque potestate proxima ad oppositum. Hu-

CONCLVSIONES THEOLOGICAE.

iustmodi sunt omnes actus, qui à voluntate procedunt necessariò tam quo ad exercitium, quàm quo ad specificationem: qua tamen necessitate nullus actus voluntatis viz, elici potest per se loquendo, id est, attentis meritis obiecti & stante perfectà aduertentia rationis; licet nonnulli in via eliciantur necessitate quoad specificationem, qui & verè liberi sunt, vtpote elicti cum vera potestate ad oppositum, saltem contradictoriè.

CONCLVSIO VII.

IN serie actuum librorum scribimus in primis, omnes actus, quibus Deus amat suam bonitatem, prout est ratio diligendi creaturas, id est, prout est ratio prædestinandi, reprobandi, iustificandi, &c. Idem dic de amore beatifico mentium beatarum, prout ad Diuinam bonitatem sub prædictis formalitatibus se extendit. Collocamus etiam in eadem serie, omnes actus virtutum, quos Christus Dominus exercuit, tam consilij, quàm præcepti, non obstante intrinseca eius impeccabilitate: quid ni? Cum potestas peccandi nec sit libertas, nec pars libertatis. Adiunge à fortiori omnes actus confirmatorum in gratia extra casum claræ visionis; cum hi non ab intrinseco, sed ab extrinseco tantum impeccabiles sint: nec certè maiorem difficultatem in horum actibus pro saluanda libertate inuenies, quàm in actibus non confirmatorum, sub efficacis gratiæ tractu: sicut enim in his ultra rationem perfecti voluntarij inuenitur vera potestas ad oppositum, ita, pariter in illis. Sed quid de actibus intentionis, qui versantur circa finem? Dico, quod & illi verè liberi sunt, si tamen eliciantur cum indifferentia quo ad exercitium.

CONCLVSIO VIII.

Potentia libera rectè definitur per hoc, quod est illa, *que possit omnibus ad agendum prærequisitis, potest agere & non agere.* Qui affirmat, potestatem expandendi se vsque ad cessationem actionis, non esse de essentia libertatis, sed potius integram illius essentiam absque tali potestate subsistere; reuera rectitudinem prædictæ definitionis non saluat, & tenetur concedere esse similem huic definitioni viuents, qua diceretur; *Viuens est, quòd habet potestatem ambulandi;* quæ sanè definitio inepta est & omnino contra regulas definiendi. Qui autem sustineret, esse quidem de essentia libertatis, sed in hoc sensu, quod possit non agere, quantum est ex parte modi agendi, verissimè philosophiatur, sed tunc sibi caueat, ne actus illos inspirationis Spiritus Sancti & amoris beatifici essentialiter liberos prædicet: nam alias sibi contradiceret, cum voluntas prædictos actus non eliciat cum potestate ad cessandum, etiam quantum est ex parte modi agendi.

CONCLVSIO IX.

Dicere, quòd *Spiritus sanctus taliter procedit à voluntatè diuina, vt possit non procedere quantum est ex parte modi agendi,* non solum falsum est, sed & parum tutum in fide: sic namque Theologizando, facis Spiritum sanctum creaturam, quantum est ex modo suæ processionis. Eadem ratione poteris

CONCLVSIONES THEOLOGICAE.

teris dicere, quòd quantum est ex modo suæ processionis, posset procedere vt Filius; quod similiter à fide aberrat: imò & poteris dicere, quòd voluntas diuina, quantum est ex modo suo operandi, posset peccare: quod non Theologiam, sed blasphemiam sapit. Imò vterius sequitur, quod principium Spiritus sancti (scilicet Pater & Filius) sit ens magis necessarium, quam ipse Spiritus sanctus: quod est aperta hæresis, cum lædat æqualitatem Personarum. Nec euadis ista inconuenientia, dicendo, quòd præfata propositio debeat accipi in sensu conditionato, non absoluto, in quantum scilicet præcisè significatur, quod quantum est ex modo actionis, qui est cum spontanea effusione voluntatis ex perfectissimo iudicio rationis; posset, eodem indiuisibili modo permanente, non procedere, si possibile esset non procedere; non (inquam) sic dicendo, inconuenientia illa euadis.

CONCLVSIO X.

IN voluntate, quæ est liberum arbitrium, debent distingui duo conceptus: vnus qui dicitur voluntatis vt voluntas est, alter qui dicitur voluntatis vt natura est. Primus competit libero arbitrio secundum sibi propria, & prout ab omni alia re differt: secundus competit libero arbitrio, secundum id quod habet commune cum alijs naturis. Primus essentialiter claudit indifferentiam ad vtrumlibet oppositorum, qua sublata nulla remanet essentia liberi arbitrii, qua tale est; siue liberum arbitrium sumas generaliter pro quacumque voluntate libera; siue speciatim pro voluntate libera electiua, quæ solum versatur circa media. Secundus essentialiter claudit determinationem ad vnum, siue quoad specificationem tantum, siue quoad specificationem & ad exercitium simul. A voluntate sub primo conceptu debet procedere omnis actus liber, vel alijs liber non est. A voluntate sub secundo conceptu procedit omnis actus necessarius necessitate naturalis inclinationis; qui proinde, qua talis, liber non est.

CONCLVSIO XI.

TOta ratio libertatis ex modo cognitionis dependet, vel quod idem est, totius libertatis radix, est in ratione constituta: hoc est, quod omnis vera libertas, quæcumque illa sit, debet rationem præsupponere, tanquam sui causam. Sed quam rationem? vtique indifferenter proponentem bonitatem obiecti, id est, vt non necessariò amandam. Est ergo libertas in sola voluntate formaliter; sed in ratione seu iudicio indifferenti, non nisi virtualiter seu radicaliter. Actio quæ non est indifferens ad esse & non esse, per comparisonem ad iudicium, minimè libera est. Vnde quamuis quædam indifferentia inueniatur in brutis ad agere & non agere, considerata, ipsa actione secundum se ipsam; tamen quia considerato ordine eius ad iudicium à quo prouenit, quod est determinatum ad vnum; etiam ad ipsas actiones determinatio quædam deriuatur; ideo in ipsis nulla inuenitur ratio libertatis absolute. Fatemur tamen quòd in eisdem est quædam similitudo liberi arbitrii, seu libertas quædam conditionata, cum possint agere, si iudicant esse agendum, vel non agere, si iudicant non esse agendum.

CONCLVSIONES THEOLOGICAE.

CONCLVSIO XII.

Substantiam intellectualem esse liberam in suis actibus, denotat quandam maiorem eius dignitatem, seu perfectionem super creaturas irracionales. Hæc autem maior perfectio in nullo alio consistit, quam in Dominio, quod circa actiones suas liberas exercet. Vnde & agens liberum, & habens dominium sui actus, idem sunt. Sed in quo quæso vera ratio dominij consistit? Perfectio in nullo alio, quam in hoc, quod actio sit in potestate agentis, vt scilicet teste Diuo Thoma in Secundo ad Annibal. quæstione 15. Articulo secundo in Corp. *Possit eam agere, vel non agere.* Vnde & teste eodem 12. quæst. 21. Art. 2. ad Primum. *Actus naturales non sunt in potestate naturalis agentis, cum natura sit determinata ad vnum.* Exercitium dominij non competit voluntati, nisi quatenus consideratur vt voluntas formaliter, non autem quatenus consideratur vt natura: *Est enim proprium voluntati* (inquit Sanctus Doctor quæstione 2. 2. de Veritate Art. quinto ad Septimum in contrarium) *in quantum voluntas est, quod sit domina suorum actuum.* Sed quid de voluntate, prout sequitur deliberationem intellectus? Eane sola est domina? Dico quod non; si deliberatio sumatur speciatim, pro actu intellectus consultante seu inquirente de medijs.

CONCLVSIO XIII.

Hinc reiicienda venit opinio distinguens duplex dominium: vnum prout nominat potestatem voluntatis rationalem ad opposita: alterum prout solum nominat potestatem voluntatis intellectualem ad elicientiam actus, sub directione & aduertentia intellectus, etiam absque potestate ad oppositum. Hoc secundum genus dominij non plus habet de veritate dominij; quam animal, vt animal, de veritate hominis. Eadem de causa reiicienda venit distinctio duplicis libertatis: vna quæ sit accidentalis, consistens in indifferentia ad vtrumlibet; altera quæ sit essentialis, etiam absque vlla indifferentia subsistens: constantissimè tenemus, quod hæc non plus habet de veritate libertatis, quam ratio generica, vt talis, de veritate suarum specierum. Imò si de eadem contractè, & quasi in indiuiduo loquamur, non plus habet de veritate libertatis, quam vna species de veritate alterius speciei sibi oppositæ seu repugnantis.

CONCLVSIO XIV.

Admittentes veram aliquam libertatem, seu verum aliquod dominium in actibus omnino necessarijs, tam creatæ quam increatæ voluntatis, non possunt Catholicè loqui de mysterio Trinitatis. Tenentur concedere, absque vlla distinctione, seu addito hanc propositionem: *Pater Diuinus est Dominus Spiritus Sancti* non minus quam conceduntur hæc absque vlla prorsus distinctione: *Deus est sciens, Deus est sapiens, Deus est potens.* Sed quis non videat, primam illam absque vlla distinctione prolatam, à Catholica fide aberrare? Fides Catholica hæc est, vt in Sanctissima Trinitate non tres aut duos Dominos dicamus, sed vnum Dominum, & hunc præcisè respectu creatu-

CONCLVSIONES THEOLOGICAE.

creaturarum . Quis ergo audebit in eadem Trinitate Dominum etiam nominare respectu Spiritus Sancti ? Fatemur quidem Patrem verè generare, sicut & Patrem verè esse Patrem : fatemur quidem Patrem & Filium verè spirare Spiritum Sanctum, sicut & hunc verè ab illis esse & procedere ; sed Patrem aut Filium , Spiritus Sancti Dominum dicere , Catholica religione prohibemur .

CONCLVSIO XV.

Qui affirmat liberum hominis arbitrium per prædeterminationem gratiæ efficacis in vnam partem motum, in alteram retenta eadem prædeterminatione se reflectere non posse, potentia verè expedita & proxima ex parte actus primi, non saluat definitionem Concilij Tridentini, qua Sessione sexta, Capite quinto, dicit, *tangente Deo cor hominis per Spiritus Sancti illuminationem, inspirationem recipiens, illam abigere potest*. Nec rursus illam, qua ibidem Canone quarto statuit : *Si quis dixerit liberum hominis arbitrium à Deo motum & excitatum, Deo excitanti atque vocanti, non posse dissentire, si velit, anathema sit*. Qui affirmat omnem actum perfectè voluntarium, esse indispensabiliter liberum, quantumvis sit necessarius, non euadit censuram illam Summi Pontificis Pij Quinti, latam super hanc propositionem : *Quod voluntariè sit, etiamsi necessariò fiat, liberè tamen sit*. Quid ni ? Cum in illo casu liberè fieret, quòd voluntariè sit, licet necessariò.

CONCLVSIO XVI.

Imo non euadit censuram, quam D. Thomas quæst. 6. & vnica de Malo tulit contra opinionem quorundam his verbis : *Quidam posuerunt quòd voluntas hominis ex necessitate mouetur ad aliquid eligendum, nec tamen ponebant quòd voluntas cogeretur, &c.* Hac autem opinio est hæretica ; tollit enim rationem meriti & demeriti in humanis actibus . Non enim videtur esse meritorium vel demeritorium, quòd aliquis sic ex necessitate agit, quòd vitare non possit . Est etiam annumeranda inter extraneas Philosophiæ opiniones ; quia non solum contrariatur Fidei, sed subuertit omnia principia Philosophiæ moralis . Nec soluis dicendo, quòd ibi solum damnat necessitatem, Fatalem, Stoicam, Manichæam, Astrologicam, Calvinisticam, aut alias similes : non (inquam) soluis, cum omnes hæc catenas damnentur & malæ sint, quatenus tali necessitate liberum hominis arbitrium in qualibet operatione comprimunt, vt oppositum illius facere non possit .

CONCLVSIO XVII.

Si vera & essentialis arbitrij libertas stare posset cum necessitate absoluta specificationis & exercitij, posset dici quòd omnia humana negotia, possent euenire de necessitate & absque contingentiâ, salua adhuc vera arbitrij libertate : quod tamen damnamus tanquam contra communem sententiam Catholicorum ; qui de libero arbitrio scribentes, nil aliud docent, quàm quòd prædestinatio & gratia necessitatem rebus non imponunt, nec contingentiâ auferunt, vt arbitrij veram libertatem saluent . Hinc pari

passu

CONCLVSIONES THEOLOGICAE.

passu rejicimus sententiam affirmantem, humana negotia sub efficacis gratiæ tractu non euenire cum maiori contingentia, quàm eueniat amor beatificus sub ductu claræ visionis. Certè ille amor nullo modo contingens est, cum ad oppositum amoris, nulla sit potentia nec consequens nec antecedens, nec in sensu composito, nec diuiso; humana autem negotia adhuc sub efficacis gratiæ tractu, esse verè & simpliciter contingentia, fides docet.

CONCLVSIO XVIII.

N Vlla liberi arbitrij culpa est, operari iuxta suam institutionem. Vnde Manichæi ponentes hominem institutum seu conditum cum anima, mala, quæ taliter animæ bonæ dominabatur, vt nil nisi malum velle posset, nequeunt saluare in operibus humanis rationem culpæ, seu peccati aut malitiæ moralis, licet alias ponerent animam illam bonam operari voluntariè & non coactè sicut bruta: vt enim rectè August. lib. 3. de libero Arbit. cap. 18. *si non receditur ab eo modo, quo naturaliter factus est, ita vt melius esse non possit; ea quæ debet homo facit, cum hæc facit, & ex consequenti non peccat.* Sed ex hac Catholica doctrina omnino efficaciter colligimus amoris beatifico non inesse sufficientem libertatem ad meritum. Et si rationem desideres, ea est, quia voluntas Beati elicit illum amorem, non vt voluntas, sed vt natura, ac proinde prout sic à suo auctore instituta. Ergo si operari malè, nulla est culpa aut demeritum, quando homo hoc facit secundum suam institutionem; pariter operari bene, nullum erit meritum, quando voluntas hoc facit secundum suam institutionem, vt in amore beatifico contingit.

CONCLVSIO XIX.

V T homo liberè & imputabiliter peccet peccato commissionis, v.g. odij dei, contra præceptum negatiuum, non requiritur quòd de facto intrinsecè sit potens ad extremum oppositum positiuè, verbi gratia, ad amorem Dei, sed sufficit, quòd sit de facto intrinsecè potens ad extremum oppositum negatiuè, verbi gratia, ad non odio habendum: sicut vt peccet peccato omissionis contra præceptum affirmatiuum, requiritur quòd de facto intrinsecè sit potens ad extremum positiuum, verbi gratia, ad Deum amandum. Vnde consequenter sustinemus, Deum omnibus & singulis dare auxilium gratiæ sufficientis intrinsecum, pro loco & tempore quo instat obligatio præcepti affirmatiui supernaturalis. Et si tale auxilium Deus non det, quantumuis ob culpam præcedentem, certè non poterit omissionem præcepti tamquam nouam culpam imputare. Qui hoc vltimum negat, subuersor est infidelitatis negatiuæ; quam tamen apertè statuit Diuus Thomas 2. 2. q. 10. Art. 1. & similiter Augustinus, dum Epistola 105. ad Sixtum Presbyterum dixit: *Ipse ignorantia in eis qui intelligere noluerunt, sine dubitatione peccatum est: in eis autem qui noscuerunt, pena peccati.*

CONCLVSIONES THEOLOGICAE;

CONCLVSIO XX.

Naturalis & physica libertas in homine semper integra fuit siue ante, siue post peccatum illam consideres. Nihilominus contra Iulianum tene, quod liberum arbitrium post peccata tam plenum non sit, quam fuit ante peccata. Ante peccata & liberum & promptum erat ipsi bonum & malum facere; nunc autem liberum quidem, sed promptum minimè, si difficultatem ad bonum inspicias. Hæc difficultas orta ex rebellionem concupiscentiæ, quandam necessitatem peccandi in naturam lapsam inducit, sed non talem aut tam arctam, quæ auferat proximam potestatem vitandi quodlibet peccatum in indiuiduo. Vnde rectè D. Thomas loquens de natura lapsa quæst. 24. de veritate art. 12. ad 7. *Peccata dicuntur necessaria, in quantum non possunt vitari omnia, quamuis possint vitari singula.* Sed quid, si talis esset necessitas, quod aliquod in indiuiduo vitari non posset? Dico quod peccatum non est, quod in indiuiduo vitari non potest. *Quis enim peccat (inquit Augustinus lib. 3. de libero arbit. cap. 18.) in eo quod nullo modo caueri potest?*

CONCLVSIO XXI.

Si liberum arbitrium hominis viatoris, ex perfecto iudicio operans, in aliquo casu ageret tali necessitate, vt oppositum facere non posset, verè illud arbitrium cogeretur coactione rigida & violenta; quod tamen non sequitur, dici debere de libero arbitrio existentis in termino seu patria: voluntas namque Beati minimè cogitur, licet simili necessitate Deum clarè visum prosequatur. Vnde adhuc gratis dato, quod actus amoris beatifici esset liber vera aliqua seu essentiali libertate, si tamen talis necessitas poneretur in actibus viatoris, minimè liberi ij essent. Si quæras, vtrum voluntas stante iudicio indifferenti de bonitate obiecti, possit à Deo sic moueri, vt motu non libero, sed simpliciter necessariò in illud feratur: respondeo, id ex proprijs terminis contradictionem implicare, etiam in casu cuiuscumque præternaturalis motionis: nulla enim tam præternaturalis aut efficax esse potest, vt priuet voluntatem naturali dominio, quod habet in suum actum, si semel ponatur quod indifferencia iudicij de bonitate obiecti persueret.

CONCLVSIO XXII.

Probare, actum amoris beatifici liberum esse, ex eo quod sit actus humanus; est argumentum omnino inefficax. Vel negabo actum humanum esse, vel dicam esse humanum præcisè quoad substantiam operis, non autem quo ad modum. Vel etiam hoc secundum admittam, & nulla tamen via efficaciter colligi poterit libertas. Similiter ad idem parum refert dicere, libertatem esse maximam perfectionem voluntatis, & ad eam exercendam, intellectum tamquam ducem & luciferum ei à natura datum esse; ac proinde incredibile videri, perfectissima & splendidissima operatione, intellectus (qualis est visio beatifica) actui amoris libertatem & perfectionem

CONCLVSIONES THEOLOGICAE.

nem istam eripi: parum (inquam) ista referunt, imò & hoc falsum intuo-
lunt, videlicet quòd libertas sit maximà perfectio voluntatis: ceteris enim
paribus ex parte cognitionis, longè maior perfectio est in voluntate amor
omnino necessarius, seu non liber, quàm amor non necessarius, seu liber.
Dico, *Ceteris paribus ex parte cognitionis*; quia aliàs pro comperto habeo,
quòd amor liber ex perfecta aduertentia rationis, perfectior sit amore ne-
cessario, qui non esset cum tali aduertentia.

CONCLVSIO XXIII.

Similiter ex non libertate amoris beatifici, absque vilo fundamento in-
fertur; quòd minime expedit tam sapientem & prudentem esse, sicut
beati sunt. Quid? Quia beati absque vlla prorsus libertate amant Deum;
ideone dicitur, statim illum non adeò expedit? O Deus meus & omnia,
quàm hoc non obstante, expedit hoc, felicissimè, beatissimè, & desidera-
tissimè! Da quæso talem sapientiam, talem prudentiam, qua dirigente, te
ita amare valeam, vt liberè non amem. Dicebat sponsa: *Tenui eum, nec di-
mittam*; sed dicam & ego tunc longè confidentius; *Tenui eum, & non solùm
non dimittam; sed nec dimittere possum*; imò nec mente concipere, qualiter possum.
Fœlices compedes, fœlicia vincula, quæ sic libertatem constringunt, sic li-
gant. Constringe Domine, liga audacter, quia planè gestio, sic potius esse
ligatum, quàm mea libertate solutum. Solutus & te & amorem tui perdere
possum; sic ligatus, non possum, non possum. Quàm fœlix, quàm beata,
quàm summè expediens ista, licet sine libertate, sapientia.

CONCLVSIO XXIV.

Anne etiam ex non libertate amoris beatifici, rectè colligitur, quòd
nec Virgo Mater, & multò minus Christus ipse, quando Patri obe-
diens vsque ad mortem erat, liber fuisset, ac proinde omnem laudem &
meritum perdidisset? Minime profectò. Libertimè siquidem Christus mor-
tem obiit, taliter vt verè potuerit non mori, sicut ad libertatem requiri-
tur; in sensu scilicet diuiso seu absolutè; quamvis in sensu composito, & ex
suppositione præcepti, eum mori necessarium fuerit, necessitate infallibili-
tatis & consequentiæ, quæ libertati non obest. Sed quid, quòd meritum
Christi non fuerit suadatum super alio actu, quàm beatificæ Charitatis? Li-
cebitne inde deducere, dari aliquam veram libertatem absque indifferen-
tia? Dico quòd non; cum actus ille, formalitèr quilibet & meritorius, suam
indifferentiam habuerit. Considera duplicem terminationem in illo, & in-
telleges: terminabatur namque & ad diuinam bonitatem secundum se, &
ad diuinam bonitatem, vt erat ratio in actu exercito diligendi creaturas;
ex hoc secundo capite sicut fuit liber & meritorius, ita & elicitus cum vera
potestate indifferentiæ.

CONCLVSIO XXV.


Ex dictis deduco primò, falsam esse hanc propositionem: *Quoties iudicium
rationis ducem se præbet voluntati, toties voluntas liberè agit*. Non verifi-
cabis,

CONCLVSIONES THEOLOGICAE.

cabis, nisi addendo iudiciū rationis indifferens. Secundò, falsam esse & hanc: *Omne quod non solum agitur, sed etiam seipsum agit, seu seipsum mouet, est liberum in agendo.* Non verificabis, nisi limitando ad sola mouentia seipsa cum dominio sui actus, seu (quod idem est) cum potestate ad oppositum. Vnde & D. Thomas *secundo contra gentes, cap. 47. ratione tertia in fine*, probans in substantijs intellectualibus dari voluntatem seu principium liberum, non certè sumpsit pro medio; quia ipsæ seipsas agunt aut mouent qualitercumque; sed *quia seipsas agunt ad operandum, vt habentes suæ operationis dominium.* Deduco vltimo, falsam quoque esse hanc, *Actum aliquem emanare à voluntate per modum actus ab ipsa imperati, nil aliud est, quam eundem esse ab illa quasi reflexè volitum.* Non verificabis, nisi addendo quòd sit volitus ab illa, prout formaliter est voluntas. Patet in productione Spiritus Sancti; illa est actus à voluntate vt cumque volitus, non tamen imperatus, quia non est à voluntate vt voluntas est, teste D. Thoma q. secunda de potentia art. 3.

CONCLVSIO XXVI.

Prinipale punctum harum Conclusionum; nimirum nullam dari veram libertatem absque indifferentia seu facultate ad oppositum, defendimus, vt omnino patens & expressum in Sancto Thoma, & Thomistis: sed per Thomistas præcipuè intelligimus, Caietanum, Capreolum, Ferrariensem, Herneum, Petrum de Palude, Conradum, Armandum de Bello Visu, Iauellum, Sincinatem, Flandriam, Dominicum Soto, imò & Durandum. Eadem via id ipsum defendimus, vt patens & expressum in Sanctis Patribus; sed per Sanctos Patres præcipuè quoque intelligimus Augustinum, Damascenum, Anselmum, Prosperum, Fulgentium & Bernardum.



S V M M A E P I S T O L Æ

Quam pro defensione præcedentium conclusionum scripsit
ad auctorem earundem

R E V E R E N D I S S I M V S P A T E R
T H O M A S T V R C V S

Totius ordinis prædicatorum generalis magister.



OMÆ degebat Reuerendissimus Pater THOMAS TVRCVS, curæ sui Ordinis, & maxime studiotum profectui intentus, eo ipso tempore, quo Conclusiones meas de Libero Arbitrio, in Comitijjs Provincialibus Louanij defendendas paraueram. Cum igitur suppressæ fuerint, & in publicam disputationem prodire, non permisissæ, id agente & extorquente Iansenitarum consilio; ego F. ALEXANDER SEBILLE, tamquam hæc in parte non mediocriter læsus (utpote qui hac via videbam vel obrui, vel saltem pati grauissimè, doctrinam Sanctissimi mei Præceptoris THOMÆ AQVINATIS) non putavi ullatenus differendum, quominus impatientibus quodammodo querimonijs causam hanc præfato Reuerendissimo exponerem: æstimans melius, me videri impatientius talia denunciare voluisse, quàm contra veritatis Thomisticæ integritatem crescere dissimulando perniciem. Neque enim (verbis vtor Papæ Gelasij) *vel silentio premere causas huiusmodi, vel differendo fouere debemus.* Reuerendissimus igitur litteris meis perceptis, & iustitia causæ commotus, comperto etiam Iansenitarum iniusto grauiamine; confestim ad me scribere non omisit: vt & nascentibus iurgijs pius medicator occurreret, & de eorum obtenta mox pacificatione gauderet. Fuit autem Summa epistolæ tenoris huiusmodi.

Reuerende Pater Regens, grauiter sensi, quòd Theses vestrae de Libero Arbitrio, Louanij fuerint prohibita. Eas accuratè perlegi, & cum nihil in eis repperim reprehensione dignum, quin potius inuenerim, esse in omnibus & per omnia conformes doctrinæ Sancti Thomæ; hinc mando districte Provinciali vestrae Prouinciae, ut easdem faciat publicè defendi in eodem loco, in quo sunt prohibita. &c.

Amicè Lector, veritatem hic dico in Christo, & non mentior. Summa epistolæ talis fuit, qualem iam exhibui. Si verò causam exhibitionis scire desideres; non ea profectò contemnenda, sed iusta quadam ponderatione dignissima. Fuit Reuerendissimus THOMAS TVRCVS, vir in peritia doctrinæ Thomisticæ, non tam Thomista, quàm alter Thomas: continua quippe & profundissima meditatione, adeò quæstiones & articulos Diui Thomæ, sibi suoque ingenio identificauerat. Vidit enim semel in Theologica disputatione publicè resoluentem Salmantica, & non tam in homine ingeniū, quàm monstrum in ingenio hominis expauit. Plura non commemoro, nam quasi omni laude TVRCVS maior. Ex hoc igitur tanto viro causam habes Lector, cur epistolam eius testimonialem prælo quoque inseri voluerim: vt nempe dignè perpenso hoc omni exceptione maiori testimonio, totius excutias à teipso dubietatis ambiguum, & scias certissimè, à Thomisticis exulare doctrinis quemcumque, qui hæc nostra Scripta vel reijcit, vel impugnare non cessat. Vtere ergo eisdem, & inoffenso pede INTERPRETEM nostrum percurrere, si Thomisticæ veritatis aut ardor te stimulat, aut cognitio delectat.

LIBER

Gelas.
Pap. I.
epist.
ad Honor.
nor. or
dine 6.



LIBER PRIMVS.

OSTENDITVR

SENTENTIAM VINCENTII LENIS

DE LIBERTATE,

OPPONI THOMISTIS,

DIVO THOMÆ, ET SANCTIS PATRIBVS.

INTRODVCTIO.



COGITAVERAM rem hanc de natura libertatis silentio præterire, cum vix apud Scholasticos de ea dubitatum sit. Quid enim ab

antiquo usque ad hæc nostra tempora certius, quam non esse actum verè liberum, illum qui absque ulla prorsus indifferentia elicitur, cum omni-
moda seu absoluta necessitate tam exercitij quam specificationis? Imò (vt testis est Caietanus) *oppositum non est intelligibile*; scilicet quod aliquis actus tam elicitive quam obiective sit necessarius, & tamen secundum eandem rationem verè & propriè liber. Et certè quod Scotus quondam scripsit, *voluntas Divina necessario vult bonitatem suam, & tamen in volendo eam est libera*; & rursus; *Spiritus Sanctus necessario producit & liberè*; hoc vel ab

omnibus communiter rejicitur, si de libertate vera & sufficiente ad meritum & demeritum intelligatur; vel si admittitur, in nullo alio sensu admittitur, quam sumendo liberum pro non coacto, seu voluntario. In quo sensu, nec nos illud inficiamur, nec ullus inficiari potest, nisi velit verbis contendere. Imò & Sanctus Thomas & nonnulli etiam antiqui Thomistæ, hoc ipsum interdum docere, vt constabit ex infra dicendis. Itaque certum debet esse, actum absolutè necessarium posse quidem esse perfectissimè voluntarium seu non coactum, minimè tamen verè & propriè liberum, prout ad meritum & demeritum requiritur. Certum inquam deberet hoc esse, & ea de causa præterire cogitaVERAM. Cæterum cum iam novissimè super hæc re nova, monstra Scholis se ingesserint; libuit & arma sumere, vt temporis morem

A geram.

Caieta.
1. p. 9.
28. a. 1.
9. in Re.
sp. ad L.

Scot.
quodli
berica.
q. 16. 9.
De 1.
art. prin
cipali. &
9. Sed
quæritur
unde.

Inf. 3
lib. 1. c.
7. & c.
3. & 10.
& 11. &
li. 2. c. 3.

geram. Quæso te lector, ignosce: nam etiam de certissimis cogimur interdum disputare, quando tumor obloquentis indisciplinata calumnia ipsi etiam certitudini obstrepere non veretur. Et quamvis hac in parte, illud Poetæ, de me dici possit;

Bella geri placuit nullos habitura Triumphos,

Cum ipsa rei certitudo iam dudum ab exordio nascentis Theologiæ, triumphum egerit; absce tamen non erit nouus hic labor, nouaque opera, ut (saltem, sicut dixit Cælestinus Papa) *resistatur talibus quos male crescere videmus*. Accedit quod in talibus causis non careret suspicione taciturnitas, dum videlicet nullo studio redargueretur error, qui tamen tanta confidentia à nonnullis intruditur, ut ad arbitrium suum (verbis vtor Pontificis Hormisdæ) *utriusque orbis putent inclinandum esse iudicium*.

Cælest. in epi. st. pro Prolpe. & Hilario. c. 1.

Hor. mild. in epist. ad Postell. k pific.

potestas indifferentiæ non adsit, esse quoque indispensabiliter liberum, & libertate quidem tam propriè tali, vt essentialis arbitrij libertas dici debeat, & etiam sufficiat ad meritum & demeritum, laudem & vituperiū, si cæteræ conditiones meriti adsint, verbi gratia, status viæ, subiectio ad præmiāntem &c.

Hinc aperto Marte concedit, id genus libertatis inesse, actui quo Pater & Filius producant Spiritum Sanctum, & similiter actui quo Deus diligit suam bonitatem increatam, & rursus actui quo beati eandem bonitatem diligunt in patria: licet huiusmodi actus cum absoluta determinatione ad vnum, & absq; vlla prorsus potestate ad oppositum tam contradictionis quàm contrarietatis eliciantur. Rationem omnium assignās vnā & eandem. Nam illi actus, licet sint tali necessitate elicit, sunt tamen perfectè voluntarij, vt pote à principio intrinseco cum perfectà cognitione; & perfectè voluntarium, (inquit ipse) seclusa quacumque indifferentia sufficit ad meritoriam & demeritoriam libertatem.

Sed qualiter hoc cum necessitate talium actuum compatiatur; audiamus ipsum proprio ore verba sua resonantem. In primis varijs in locis distinguit duplicem libertatem, essentialē vnā, accidentalem alteram: licet hæc posterior iuxta eius opinionem, libertas non sit, si à prima non procedat. Essentialē vocat, modum illum agendi quo voluntas se ipsam mouet & actum suum sibi imperat (intellige quamvis respectu actus non habeat potestatem non agendi) vnde istam libertatem (inquit) omni actui suo voluntas infundit, quem ex se ipsa & directione rationis elicit: quasi in omni velle procedente ex intellectu iudicio, voluntas se moueat, & imperiū habeat, verisimamque libertatem esse.

In Ep. prodromo ad Petau. pag. 17. u. 6. Cor. monit. & in Thieria. lib. 1. c. 11. 5. Vnde alibi &c. 5. Talis est motus. Et ep. prodromo ad Richard. cap. 1. g. Verum tamen magis.

CAPVT PRIMVM.

Exponitur singularis Sententia Vincentij Lenis, videlicet respectu actuum omnino necessariorum, quos voluntas absque vlla prorsus potestate indifferentiæ elicit; saluari veram Libertatem, & quidem sufficientem ad meritum & demeritum.

Monstra igitur quæ hac de re Scholæ se nouissimè ingesserunt, è cerebro prodire Vincentij Lenis Theologi Arausicani: qui in sua Theriaca de libero Arbitrio & in duabus Epistolis prodromis aduersus Petanum & Ricardum, contendit, quod potestas volendi oppositum minime ingrediatur rationem essentialē libertatis. Ex quo deducit, omnem actum perfectè voluntariū, licet talis

In Thieria. l. 1. c. 6. Sec. 3. 5. Di. di. argi. sapiens.

In Thieria. l. 1. c. 1. In principio.

Ibidem
lib. 1. c.
13. 12.
princi-
pio.

essentialem. Accidentalem autem vocat illam, quam cōmuniter Theologi contradictionis aut contrarietatis nominant, quia nimirum per eam voluntas inter duo contradictoria vel contraria indifferenter se versat.

Ibidem
lib. 1. c.
13. 6.
Altera
verò ne-
cessitas.

Deinde alio in loco distinguit duplicem necessitatem, vnam voluntariam & alteram coactiuam. Voluntariam dicit (& bene quidem) esse determinationem ad vnum absque indifferentia ad oppositum, procedentem tamen ex ipsa interiori inclinatione voluntatis.

In Epi-
st. Pro-
droma
ad Ri-
card.
pag. 53.

Qualem cernere est in productione Spiritus Sancti, & in amore quo Deus & Beati diligunt diuinam bonitatem. Coactiuam autem appellat determinationem quidem ad vnum; sed prouenientem ab aliquo ita præcipitante & determinante, ut agens actionem suam in potestate non habeat. Et hunc iterum subdividit in duas veluti species: in coactiuā coactione omnino rigida seu violenta, & in coactiuam, non ita rigidē seu violentē.

In eadē
Epist.
pag. 51.
& 52.

Primam definit, in qua passum nihil omnino agit, sed merissime patitur: imò aduersus etiam passionē pugnat. Talis est in motu lapidis, (inquit) sursum proiecti, cū renisu grauitatis versus centrum. Et subdit alijs in locis quod definita fuit à Philosopho lib.

In The-
riaca l.
1. c. 13.
9. ac in
primis
& lib. 2.
c. 7. sect.
4. 5. Hac
quæ-
stio.

3. Eticor. c. 1. quod est illa, cuius principium extrinsecus est, nil conferente eo quòd vim patitur. Altera est, in qua passum aliquid quidem agit, sed ita, ut agatur potius quàm se ipsum agat. Sic agentia naturalia, (inquit) agunt, quia à natura in suas actiones impetu quodam protruduntur: non imperio suo eas exire iubent. Et hac necessitate coactiuā ac quodammodo violenta pellitur lapis à natura etiam versus centrum.

His ita distinctis in tota sua Theriaca & in vtraque Epistola prodroma nil aliud ferè inculcat, quàm ista duo. Primum; quòd prima necessitas nimirum voluntaria nullo modo pu-

gnat cum libertate actus essentiali; quantumvis ascendat ad summum gradum necessitatis in illa linea, cum exclusione scilicet omnis indifferentiæ etiam contradictionis. Ita ut omnia essentialia libertatis, seu verissima libertatis essentia omnino subsistat cum simili necessitate. Nam quia voluntatem (inquit) ad agendum ex sufficienti iudicio rationis & conaturali modo compellit; idè libertatem essentialē consensus non enertit. Secundum; quòd licet necessitas illa voluntaria, essentialia libertatis non tollat; tollit tamen hæc eadem, illa necessitas coactiuā: & nō solum coactiuā per rigidam violentiam quæ simpliciter est cum resistentia palsy, sed etiam ista altera quæ rigidā violentiam admixtam non habet: qualis est (inquit) in appetitibus brutorum, ubi patiens potius aliquid actiue consert, quàm motui resistit.

In The-
riaca l. 1.
c. 12. b.
& b. 12.
ter.

In The-
riaca l.
1. c. 7.
sect. 6.
Hæc
argue.

Itaque vno verbo, sententia Vincentij Lenis est, quòd conceptus essentialis libertatis seu vera eius essentia ex integro saluatur cum summa voluntatis necessitate, absque omni prorsus indifferentia etiam contradictionis. Huiusmodi namque indifferentia solum est iuxta mentem eius, accidens quoddam libertatis, quod proinde adesse & abesse potest, perseverante omni eius essentiali requisito. Sicque actus voluntatis maximè necessarij, sunt secundum ipsum verè & essentialiter liberi, imò quòd efficacius ab intrinseco ad vnum determinati, eò magis liberi esse comprobantur.

Et si ab eo quæras; Nonne saltem meritum laudis amittunt actus tam robusti, effusi, & ad vnum determinati? Respondet audacter. Minime verò: imò tanta effusio & determinationis robur, laudē meritumq; vehementer auget & intendit. En singularem sententiam Vincentij fideliter expositam.

In The-
riaca l.
1. c. 22.
6. Sed
nonne
satis.

CAPVT II.

Nonnulla ex sententia Vincentij, Consecranea referuntur.

EX sententia Vincentij superiori capite relata, nonnulla de necessitate consecranea sunt: quæ etiam ipsemet expressè docet & admittit, vel saltem admittere tenetur.

Primò consecraneum est, quòd quamuis in actibus voluntatis viæ, non esset maior libertas, quàm illa, quæ est in spiratione & amore beatifico; equidem huiusmodi actus haberent sufficientem libertatem ad meritum. Hoc necessariò tenetur Vincentius admittere, cum ponat libertatem illam inuentam in spiratione & beatifico amore, de se ad meritum sufficere, licet de facto meritum annexum non habeat ob defectum aliarum conditionum. Quia videlicet in spiratione deest subiectio ad præmiantem, & in amore beatifico status viæ.

Secundò ex eodè principio expressè admittit & docet, quando voluntas in via per prædeterminationem gratiæ efficacis in vnam partem flexitur; quòd in alteram stante eadem prædeterminatione se reflectere non possit. Vnde quod à Thomistis dicitur; *voluntatem prædeterminatam posse vertere se in oppositum in sensu diuiso, non in sensu composito*; hoc ipse sic explicat, quasi nil aliud velint, quàm quòd possit in oppositum, excussa præsentii prædeterminatione, non ea reuoluenta. Fatetur itaque stante prædeterminatione ad amorem, verbi gratia, non esse tunc in voluntate potestatem ad non amandum: & nihilominus vera adhuc libertas in eius opinionione illæsa remanet; quia scilicet,

licet pro tunc non possit voluntas in oppositum, agit tamen sub tractu gratiæ, omnino voluntariè, quod ad libertatem (vt ipse ait) sufficit.

Tertiò ex eodem principio non veretur admittere, in quauis electione, (viz scilicet) necessitatem illam seingere, qua in amore beatifico interuenit. Sic ex Bellarmino refert, & approbat. Et nihilominus iterum libertas non lædatur eadem de causa, quia videlicet tantùm est necessitas voluntaria, quæ quidem potestatem ad oppositum impedire potest, quando eò ascendit, vt sit cum determinatione quoad specificationem & quoad exercitium simul, vt in amore beatifico contingit; libertatem tamen auferre non potest, quia hæc neutram indeterminationem nec specificationis nec exercitij essentialiter requirit, vt ipse ponit.

Quartò ex eodem principio tenetur concedere, quod Petrus, verbi gratia, in aliquo actu possit peccare, etiam in casu, quo illum actum voluntate personali vitare non potuit. Ratio est manifesta: nam iuxta eius sententiam, sufficiens est libertas ad demeritum seu peccatum, hoc ipsum, quod est facere aliquid voluntate intellectuali, seu ex perfecto iudicio rationis, licet absque potestate ad oppositum contingat.

Quintò ex eodem principio expressè docet, hominem in natura lapsa de facto peccare contra præceptum supernaturale, etiamsi proxima potentia ad adimplendum præceptum, ex absentia gratiæ sufficientis non adsit. Ratio est æquè manifesta ac præcedens. Quia si in eius dictis, ad libertatem nõ requiritur potestas ad oppositum; ergo neque ad liberè omittendum præceptum, requiritur posse illud adimplere.

Sextò ex eodem principio sustinet,

*In The
riaca l.
1. c. 13.
§. Vnde
quod ma
sit.*

*In Epi-
st. Pro-
dro. ad
Petru.
pag. 48.
§. Quid
verò dñ.
dicitur.*

*In Epi-
st. Pro-
roma
ad Pe-
tru. pag
21.*

In The
riaca 1.
2. c. 1.
scd. 2.
5. Imo
verò Tho
mar.

net, Christum Dominum in via con
stitutum, meruisse actu amoris Bea
tifici, nulla respectu eiusdem actus
considerata in voluntate Christi in
differentia. Et cur quæso indifferen
tiam consideraret? Me Hercle, ad
merendum nulla in eius opinione in
differentia requiritur. Sufficit actum
esse à voluntate ex perfecto iudicio
intellectus, quantumvis voluntas ne
queat illum non ponere: ac proinde,
si cæteræ conditiones adsint, meriti
rationem obtinebit.

In
Epistol.
prodr.
ad Ri
card.
c. 13. 5.
Christi i
gitur hu
manitas.

Septimò tandem consecraneum
est, Christum Dominum meruisse
subeundo mortem sibi præceptam,
licet iuxta eius sententiam non mori
non potuerit: quia cum hoc stat,
quòd voluntariè mortuus fuerit, et
iam si voluntas eius propter intrin
secam suppositi impeccabilitatem,
mortem præceptam necessariò acce
ptauerit.

Hæc igitur ex sententia Vincentij,
quam superiori capite exposuimus,
manifesta illatione deducuntur. Sed
quàm à vero imò & Catholico sensu
exorbitent, Diuina annuente gratia
in sequentibus declarabitur.

CAPVT III.

*Vincentius Lenis redarguitur falsita
tis, in eo, quod adstruit, omnes
veros Thomistas suos esse: & in
primis adducuntur contra eum Al
bertus Magnus Thomistarum pri
ma Origo, & Innocentius Quintus
Pontifex Maximus, D. Thoma
coævus.*

DOCTRINA quâ huc usque re
tulimus, non tam admirationi
mihi est quàm stupori: eo vel maxi
mè, quòd videam tam magnificè ab

Auctore suo iuculcari, non quasi no
uum quoddam & paradoxum sit, sed
tamquam dogma omnium tam Greg
orum quàm Latinorum Patrum.
Neque his contentus Vincentius;
Veri deinde Thomistæ omnes... (inquit)
*nostri sunt. Etiam si multi non totam ve
ritatem doceant; sed à nouissima eius
parte resiliant; quando solam liberta
tem essentialem, ad meritum & demer
itum actus sufficere negant contra aper
tam doctrinam Sancti Thomæ.* Bone
Deus! si res ita habet, ausim dicere,
Thomistarum verum esse neminem,
sed à prinio ad vltimum, falsitate
asperlos singulos.

Hac scena, mi Vincenti, te silere
iubeo. Theatro sisto, & ob oculos
pono, in primis antiquiores illos,
verè primitias spiritus Thomistici
habentes: sed quid dixerint, consi
dera diligentius, & tam inanis glo
riæ furtum non facies.

Prodeat primò Albertus ille Ma
gnus, Thomistarum omnium prima
Origo. Quid leges, quid inuenies,
quid ex tali fonte hauries? An nè
dogmatis tui partem aliquam, imò
vel apicem? An nè, quòd potestas
volendi oppositum, minimè ingre
diatur rationem essentialem liberta
tis? An nè quòd sine tali potestate
subsistat meritum aut demeritum,
actus? Accipe tres ex ipso textus
clarissimos, & noli sic de confectio
patrocinio gloriari.

Primus habetur in 3. dist. 18. art. 2.
in Corpore: ubi postquam retulera
duos modos confirmationis liberi
arbitrii in bono; subiungit tertium
modum & sic loquitur. Tertia est con
firmatio potentia ad actum hunc, per
necessitatem nature: ita quod oportet
hunc operari, & non possi non operari
hunc, nec possi alium operari. Et hæc
confirmatio tollit naturam totam liberi
arbitrii: quia omnis potentia rationalis
est ad opposita. Et nullus in patria est

In The
riaca 1.
2. c. 9.
scd. 2.
5. Veri
deinde.

confirmatus, ita quòd ipsum semper oporteat idem numero velle & non possit hoc non velle, & huius oppositum ponitur per naturam liberi arbitrij in omnibus: scilicet posse hoc & posse cessare ab hoc & posse aliud ab hoc, & ideo patet ex hoc, quod non est definitio libertatis arbitrij, posse velle bonum vel malum, sed potius accidit ei posse velle malum ex defectu: sed libertas eius consistit, in hoc quod possit velle hoc, & non velle hoc, & posse velle diuersum ab hoc. Non audis, hic totam naturam liberi arbitrij destrui per confirmationem seu determinationem potentie, qua ita oporteat operari, vt non possit non operari? Non audis hic ex vi naturæ liberæ potius poni contrarium in omnibus, scilicet posse hoc, & posse cessare ab hoc? Non audis hic libertatem eius consistere in hoc, quod possit velle hoc, & non velle hoc? Omnia ista nonne prædicant, imò & clamant potestatem volendi oppositum, ingredi rationem essentialem libertatis? Quomodo ergo Vincenti veri Thomistæ omnes tui sunt; si tam aperto calamo te confundit primus parens Thomistarum omnium?

Audi textum alterum æquali luce radiantem. Habetur in 2. dist. 25. art. 4. in corpore. Dicendum (inquit) quòd liberum ex natura non obligatur, nec ex habitu ad hoc vel ad illud. Et hæc est libertas inseparabilis in Deo, & Angelo, & homine. Nihil enim agunt, quin possint illud non agere, & quin possint aliud agere. Quid iterum locus hic deprecatur? Nonne essentialem rationem libertatis? Nonne id, quod inseparabiliter secum adfert in quocumque subiecto, siue creato, siue increato? Et in qua quæso formalitate id ipsum constituit? Profectò nulla alia, quàm in potestate agendi, & non agendi. Nihil enim agunt (inquit) aut Deus, aut An-

gelus, aut homo in quantum liberi, quin possint illud non agere, & quin possint aliud agere.

Sed & tertius textus non minoris est euidentiæ: videre illum licet in eodem 2. dist. 24. a. 5. in Corp. Verba ipsissima sunt: Voluntas neutra modo est obligata, quia non est affixa organo: nec etiam necessariò consentit; quia ratione distante hoc esse faciendum vel non, adhuc se habet ad quod voluerit, & potest contrarium velle, quàm quòd ex ratione diiudicatum est: & ideo voluntas libera est. Attende quæso ad verba ista vltima; & ideo voluntas libera est. Alberte præceptor beatissime; qua de causa voluntas est libera? Nonne quia ratione distante hoc esse faciendum vel non, adhuc se habet ad quod voluerit & potest contrarium velle? Quid ergo Vincentius mihi obmurmurat, adhuc liberam fore; quamuis ad oppositum non se haberet, nec posset aliud velle? Vade doctor singularis, & primam partem, tui dogmatis ex litera Alberti persuadeas cæcis, non videntibus.

Nunc verò de secunda parte quid dicendum sit; patet similiter. Si namque apud Albertum essentia libertatis non subsistit absque potestate ad oppositum, vt vidimus, quomodo siue tali potestate subsistet apud eundem essentia meriti aut demeriti, cum in 4. dist. 5. art. 2. ad 3. Manifestè admittat hanc propositionem Tulij, quod non potest aliter esse, non habet laudem & vituperium?

Alberto iungamus Petrum de Tarantasia, Diui Thomæ temporibus viciniorem; qui & postea Pontifex Maximus, Innocentius Quintus est nuncupatus. Scripta viri huius in quatuor libros Sententiarum, tantæ indignitatis, auctoritatisque à sapientissimis sunt habita, vt iam tandem iussu Reuerendissimorum Patrum Generalium Thomæ Turci & Ioannis

nis Baptistæ de Marinis, nouo Characterē prodierint. Sed nihil quod in ipsis inuenies, quod vel leuiter Dogmati Vincentiano Patrociniari possit.

In primis. in 1. Sent. Distin. 47. q. vnica art. 2. in Corpore sic fatur. *Disserunt potentia naturalis & rationalis (seu non libera, & libera) quod illa se habet ad vnum determinatè: hæc ad vtrumque. Vnde cum voluntas Dei sit potentia rationalis (hoc est libera) habet se ad vtrumlibet. Sed habere se ad vtrumlibet, dupliciter potest intelligi, aut per modum libertatis, eligendo quod vult: vel per modum vertibilitatis, conuertendo se ad aliud post electionem. Primum essentiale est omni potentia rationali, eò quod libera est: secundum accidentale, ex eo quod non est immutabilis. Et postea ad 4. explicans qualiter in Deo verificetur, quod per modum libertatis eligit quod vult; expressissimè subiungit, diuina intelligendo potest velle aliud; quasi dicat, quia absolute potest velle hoc, & non velle hoc.*

Non vides hic Vincenti primam opinionem tux partem manifeste iugulo peremptam? Tu asseris potentiam rationali, prout libera est, non esse essentialem potestatem volendi & non volendi: & Pontifex iste Thomisticus asserit, hoc quod est posse velle hoc & non velle, *essentiale esse omni potentia rationali, eò quod libera est.* Rursus tu asseris, potentiam liberam etiam vt liberè operantem; posse se habere ad vnum determinatè, & quidem determinatione summè necessaria, qualis conspicitur in potentia spirante Spiritum Sanctum; & Pontifex noster dicit, talem modum operandi, conuenire soli potentia naturali, vt contra liberam condistinguitur. Nunquid hoc est aperta contraditione tibi opponi? Quid patrociniū fingis, vbi tam

patientem Marte obrueris?

Sed & considera locum quem habet in 2. Dist. 7. q. 1. art. 1. ad 1. *Potestas rationalis (inquit) est oppositorum contraditione in genere natura, id est faciendi vel non faciendi: non autem oppositorum, vt priuatio & habitus in genere moris scilicet boni & mali: hoc enim accidentale est ei, non essentiale: vnde non est in Deo nec in bono Angelo.* Et iterum in eodem 2. Dist. 25. q. 1. art. 1. *Indeterminatio ad alterum duorum oppositorum contraditione, id est, ad faciendum aliquid vel non faciendum ad naturam liberi arbitrii pertinet generaliter, sed indeterminatio ad bonum vel malum, non.* En idem quod prius: duas indifferentias commemorat; & contrarietatis ad bonum & malum, & contraditionis ad facere vel non facere. Prima (inquit) accidentalis est potentia liberæ; non essentialis, supponens apertissimè, secundam, essentialē esse, nempe illam quæ est posse facere & non facere: vnde & in loco 2. concludit eam pertinere, *ad naturam liberi arbitrii generaliter;* hoc est, ita indispensabiliter, vt in omni operante liberè, siue Deo, siue Angelo, siue homine debeat reperiri. Necesse ergo est fateri, Thomistam hunc non Iansenianum seu Vincentianum esse, sed nostrum.

Et de secunda parte quantum ad meritum & demeritum, quis poterit de mente eius dubitare? Textus quam plurimos nobis offert, & singulos omnino contra Vincentium.

Primus in 2. Dist. 7. q. 1. art. 2. questuunc. 2. vbi tertium Argumentum erat. *Nemo peccat in eo quod vitare non potest, sed diabolus vitare non potest, quin velit malum, ergo in hoc non peccat.* Putas Vincenti, quod respondebit iuxta tua principia, negando maiorem, quasi aliquis peccet aut demereatur, faciendum id, quod tamen vitare non potest? Minimè

gentium. Audi responsum & nostra principia recolle attentius. *Quamuis* (inquit) *non possit vitare in vniuersali, potest tamen quemlibet actum in singulari, sicut dicitur de peccatis venialibus.* Nunquid hoc est recurrere ad potestatem faciendi & non faciendi, vt rationem peccati seu demeriti saluet? Sentit ergo sine tali potestate istam rationem non subsistere.

Iterum in 2. Dist. 39. q. 2. artic. 2. ad 2. *Naturalia illa* (inquit) *que ita determinata sunt quod non possunt fieri ad oppositum, non sunt laudanda vel vituperanda, sed illa que insunt cum possibilitate descedendi ad oppositum, laudanda sunt.* Est ne hoc dicere sicut Vincentius, quod tanta effusio, & determinationis robur, laudem meritumque vehementer auget & intendit? Inquit Pontifex, agentia quæ ita determinata sunt, quod non possunt flexi ad oppositum, non esse laudanda vel vituperanda, & Vincentius ad hæc; omnino laudanda esse adstruit, quantumuis ita essent determinata, vt etiam implicaret contradictionem flexibilitas ad oppositum. Velit nolit, tenetur hoc sateri; siquidem (vt supra vidimus) docet determinationem inentiam in spiratione Spiritus Sancti, quantum est ex se, vel si nil aliud obstarer, ad laudem & meritum sufficientem esse; cum tamen ea tanta sit tamque robusta, vt omnino flexibilitas ad oppositum, contradictionem implicet.

Iterum in eadem Distinctione, q. 1. art. 1. in Corpore, hanc dilucidā habet propositionem noster Tarentasiensis. *Quidam actus sunt, quorum non sumus domini: vt qui non sunt persuasibiles ratione, & in nō possunt dici peccata, quia non imputatur homini in culpam, nisi quod est in sua potestate vitare.* Quid clarius? Nunquid hoc est docere, requiri ad imputabilitatem actus seu ad rationem demeriti,

illam potestatem, quæ est cum indifferenteria faciendi & non faciendi?

Tandem in 4. Dist. 49. q. 1. art. 2. quaestiuinc. 2. in Corpore, discutiens qualiter appetitus beatitudinis sit meritorius, & qualiter non; expresse duas in eo adinuenit formalitates, vnam necessitatis & alteram libertatis penes posse appetere & non appetere, vt sub prima meritum excludat, sub secunda statuat. Accipe verba & sententiam habebis. *Appetitus beatitudinis* (inquit) *prout egreditur à voluntate naturali, non est meritorius, quia sic habet necessitatem: sed prout egreditur à voluntate deliberatiua, meritorius est, quia sic habet libertatem.* Vt intelligas, nota prius quod voluntas potest considerari vt natura quadam, & vt voluntas formaliter seu vt libera, vt latè declarabitur infra: ac proinde potest habere actum aliquem naturalem seu non liberum, & actum aliquem liberum. Est etiam expressa doctrina eiusdem Innocentij, dum in 1. Dist. 39. q. 2. art. 1. in 4. Argumento sed contra, dixit, *voluntas deliberatiua est etiam natura quadam, ergo habet actum naturalem aliquem, ergo non solum habet velle deliberatiuum sed naturale: Ergo eadem potentia est voluntas deliberatiua & naturalis.* Docet ergo in loco adducto; quod voluntas appetit beatitudinem & vt natura, & vt libera. Vt natura; quatenus appetit illam in communi; qua ratione illo appetitus est necessarius obiectiue seu specificatiue. Vt libera, quatenus appetit illam in particulari, qua ratione est liber, libertate indifferenter. Inquit igitur, quod solum sub secundaratione est meritorius, quia sic habet libertatem indifferenter, quam nos adstruimus, minimè autem sub prima; quia sic habet necessitatem: cum tamen certum sit, quod etiam sub prima illa ratione habeat cum

Infrā
lib. 2.
c. 5.

In The
riacal.
1. c. 22.
§. Sed
nonne
solum.

Supra
c. 1. &
2.

illa necessitate, simul libertatē essentialē Vincentij, utpote cū sit actus verē voluntarius. Nequit ergo vllō modo sentire, quod libertas illa essentialis sine potestate faciendi & nō faciendi sit ad meritum sufficiens. Vnde & ibidem ad secundum ostendens; qualiter ista potestas indifferentiæ requiratur, & in isto appetitu secundum aliquam rationem saluetur: *quauis non possit*, (inquit) *enitari quin beatitudo appetatur in vniuersali, enitari tamen potest, vt non appetatur in propria ratione, eo modo quo debet: vnde in hoc potest esse meritum.*

Vincenti, hi Antiquiores seu primi Scholæ nostræ Doctores, quos iam commemorauī, ita dilucidē tibi opponuntur, vt planē nesciam, quā via tibi in mentem venerit, sic de ipsorum patrocinio gloriari.

C A P V T I V.

Adducuntur contra Vincentium; Herueus & Petrus de Palude.

Sequuntur inter Thomistas Herueus & Petrus de Palude Hierosolimitanus quondam Patriarcha.

Primus Vincenti, inter nostros cognomento subtilis, in toto suo opere nec verbum quidem habet de libertate tua essentiali, quam actibus necessarijs affingis. Quotiescumque de libertate agit, tam super Sententias Magistrī, quā in quæstionibus quodlibeticis, nullius alterius veræ libertatis meminit, quā quæ est cum potestate indifferentiæ ad opposita: seu (quod idem est) solum adscribit libertatem libero arbitrio, prout est facultas ad actum vel eius oppositum contrariē vel contradi-

toriē.

Quodlibeto 1. q. 1. per totam, li-

bertas (inquit) non fundatur super potentias istas, intellectum & voluntatem, nudas, sed super aliquos actus illarum, medianibus quibus habemus dominium &c. Habemus autem dominium (dixerat antē) per hoc quod in potestate habentis est, agere vel non agere. En qualiter ille Thomista, tuus sit. Tu fundas etiam libertatem super actus, quos non habemus in potestate agere & non agere, cū tamen super huiuscemodi neget ipse libertatem fundari:

Et rursus ibidem: Per principium (ait) determinatum necessariō ad alterum oppositorum, non habemus dominium actuum nostrorum. Nonne & hoc directissimē contra te? Habere dominium alicuius actus, & esse liberum respectu eiusdem, omnino idem sunt, etiam vt tunc fateris: Ergo si Thomista Herueus negat nos habere dominium in actibus necessarijs; negat quoque nos esse liberos respectu illorum. Quid igitur in hac parte tibi & illi commune? Quod Thomista veritatis negat, tu affirmas.

Vltorius: in eodem loco definiat, liberum arbitrium, esse principium, quo possumus in aliquem actum vel eius oppositum: & postea subiungit. Liberum arbitrium est principium actus liberi, vt liber est. Quid quæso hæc duo sibi in vicem connexa, nisi quod actus liber vt liber, non prouenit nisi à principio, vt potente in actum vel eius oppositum? Est ne hoc, vel somniare Philosophiam tuā, quæ constanter asseris, actum liberum, vt liber est, etiam prouenire à principio, vt inopente ad oppositum?

Progrediamur iterum ad 2. in contrā, in fine eiusdem quæstionis. Distinguit ibidem subtilis Herueus hominem à bruto penes libertatem. Sed quæ putas distinctio ista erit? Profecto non alia, quā, quia bru-

In The
riaca l.
1. c. 21a
§. Et ta-
men ibi-
dem.

zum, licet possit elicere actum, non potest tamen in oppositum. Ergo sentit distinctum agentis liberi à non libero, esse illam indifferentiam agendi & non agendi. Quod si distinctum; ergo & essentiale constitutum.

Et quid quæso nobis dicit de merito? Sciendum (inquit quodlibeto 1. q. 14. art. 2. in principio) quod meritum consistit in aliquo actu, cuius ille, cui attribuitur meritum, dicitur esse dominus, & à tali liberè potest impendi ei, à quo expectatur merces. Et iterum. Mereri est elicere actum, cuius eliciens habet dominium. Quod autem per habere dominium & liberè impendi, intelligat potestatem & libertatem indifferentiæ, iam supra vidisti, & deinde non semel, sed quasi centies inculcat, quando de libertate agit. Sed singula non refero, nec docilioribus ingenijs molestior sim, iuxta dogma Poeticum:

Millia prætereo, quid enim recitasse iuuabit?

Diris ingenium malleus ipse domet.

Succedat iam Petrus de Palude Thomista exactissimus. Obiecerat sibi in 4. Dist. 49. q. 7. hoc argumentum. Meritum non consistit in actu necessario, sed aliqui merentur appetendo beatitudinem, ergo illam non appetunt necessario. Quid existimas Vincenti? Confugientne, ut meritum saluet, ad libertatem tuam essentialem, quam omni actui voluntatis etiam necessario & ad vnum determinato, inesse fingis? Audi quid respondeat. Ad 3. patet, quod beatitudinem in particulari, quantum ad illud in quo verè consistit, non appetimus naturaliter, (id est necessario sicut in argumento assumperat) sed liberè, & ideo in eius appetitu potest esse meritum & demeritum. Vbi breuissimè duo facit & utrumque contra te. Primum enim,

ut saluet appetitum illum esse liberum, & 2. ut saluet esse quoque meritum; dicit vñico verbo, non esse necessarium, secundum illam rationem, qua libertatis & meriti rationem obtinet: senties apertè, quod si secundum omnem sui rationem, necessarius esset; nec liber nec meritorius esset. Nonne hoc est euidenter utrumque dictum tui dogmatis, vno ictu necare? Per te actus voluntatis necessarius, est liber & libertate quidem sufficienti ad meritum; & per Thomistam istum, ut liber & meritorius declaretur; necessarius esse negatur. Certè nil quoque isti & tibi commune, nisi quod ambo estis termini pertinentes, non sequela sed repugnantia.

Sed accipe & alteram eius sententiam ex 3. Dist. 18. q. 1. art. 3. *Librum arbitrium* (inquit ibi) *intelligimus illud principium, per quod habemus dominium nostrorum actuum: non solum sicut communiter dicitur, quod omne agens dominatur suo passio, quia tunc omne agens esset liberum, quod falsum est; sed sic in potestate habentis tale principium est, exire in actum vel non exire.* Attende Vincenti. Nunquid legis hic, non omne agens esse liberum, licet omne agens in eo quod tale, dominetur passio? Non utique negas, nec de hoc inter nos est quæstio. Sed dicito: si non omne agens est liberum: quale tandem liberum erit? Nonne illud precisè, quod taliter dominatur suo actui, ut possit in illum exire & non exire? Sic

affirmat Petrus de Palude,

& si idem quoque

tu affirmaueris;

tuus erit

hic

Thomista, non iam amplius repugnantia sed sequela.

CAPVT V.

Adducuntur contra Vincentium Armandus de Bello Visu, & Robertus Holkoth.

IN scenam etiam descendant Armandus de Bello Visu, & Robertus Holkoth, viri in schola Thomistica notissimi.

Primus non solum nomine, sed & re belle videns: utpote qui quæstiones subtilissimas de rebus Theologicis oculo mentis acutissime perlustravit. Hic igitur postquam in sua declaratione difficilium terminorum textu secundo cap. 248. in fine, dixerat, in Deo non dari necessitatem coactionis, quia à nullo potest cogi vel violentari, nec etiam necessitatem desumptam à fine, quia actus eius non ordinantur ad alium finem, qui non sit ipse; sic deinde ad rem nostram fatur: *Tertia necessitas est immutabilitatis, quæ sumitur ex causis intrinsecis, siue ex forma & materia: & sic homo ex parte formæ est necessariò rationalis, & ex parte materiæ necessariò est mortalis: & hæc necessitas est immutabilitatis. Et est in Deo (inquit) quantum ad actus intrinsecos & immanentes, ut Pater generat Filium, & Pater & Filius spirant Spiritum Sanctum, quantum autem ad actus transeuntes in exteriorem materiam, non est in Deo talis necessitas: unde non de necessitate Deus mundum creat, aut gubernat, sed mera voluntate & libertate.* Perpendamus Vincenti pulchram hæc doctrinam. Nonne in primis expressè loquitur de ipsissimo actu productionis Spiritus Sancti, super quo nostra est concertatio? Nonne deinde isti productioni idipsum denegat, quod concedit actibus Diuinis transeuntibus? Hoc negare non

potes, cum actus Diuinos intrinsecos & immanentes, qualis est dicta productio, contra ponat ad actus Dei transeuntes: & quid quæso transeuntibus concedit? Nonne aperta voce, hoc quod est fieri *mera voluntate & libertate*? Hoc ergo ipsum manifeste denegat Spiritus Sancti productioni: hæc ergo iuxta mentem eius non sit mera voluntate & libertate, ac proinde nec liberè. Quid igitur clamas? Quid gloriaris? Armandus de Bello Visu tuus est? Profectò si hoc in scriptis eius vidisti, minimè belle vidisti. Bellum quod hic contra te mouet, oportebat vidisse, & fuisset utique tibi Armandus, non de Bello Visu, sed de bello viso.

In confirmationem huius subiungit idem Armandus in cap. 249. de causa agente libere; quod ut sic, *nunquam producit aliquid necessariò, cum sit aliquantulum indifferens ad opposita, propter quod, quæ ratione vnum, produceret & alterum.* En ubi iterum affirmat; quod agens liberum in quantum tale, nihil producit necessariò; sed semper cum protestate indifferenti ad opposita. Ergo si Pater & Filius producant Spiritum Sanctum necessariò, & sine ista indifferentia; quid sonnas Vincenti ibidem interuenire modum agendi verè liberum?

Accedat Holkothus, qui licet doctrinam Thomisticam in omnibus non sequatur, tamen cum Prædicatoris sit Familiz; omittere non possum. Eodem quoque rigore Vincenti, ad versantem tibi reperies. In Primo, q. 3. art. 2. in responsione ad articulum hæc habet. *Quantum ad quid rei istius termini, libertas voluntatis, dico quod est ipsa voluntas. Quantum verò ad quid nominis istius termini, libertas, secundum quod modò vtimur ea, & secundum quod Philosophus vocabatur, libertas est potestas quedam, quæ volun-*

voluntas concurrentibus omnibus causis requisitis ad suum effectum, habet quod possit cum eis coagere & ponere actum suum in effectum, vel non ponere sicut ei placuerit. Supponit libertatis nomen variè interdum accipi; sed in significatione magis famosa, prout à Philosopho adaptatur agentibus per intellectum & voluntatem, libertas (inquit) est potestas quædam quæ possitis omnibus requisitis, potest voluntas agere, & non agere. Quid clarius, imo & contra te Vincenti virgentius?

Estne respectu actuum necessario- rum in voluntate potestas agendi & non agendi, adhuc omnibus requisitis stantibus? Ingenue fateris non esse nisi potestatem determinatè ad agendum, & requisita omnia ita robustè tendere ad hoc vnum, vt negatio actus sit omnino impossibilis. Cur ergo, si Thomisticè loqui gestis, libertatem in talibus actibus non dissideris?

Sed quid de altera quadam consequentia eiusdem Holkothij ibidem articulo quarto? Probans voluntatem non esse potentiam passiuam tantum cui putas argumento innititur? Huic breuissimo, sed tui dogmatis peremptori. Si voluntas (inquit) esset potentia passiuæ tantum, non foret in potestate sua velle & non velle obiecto præsentè: consequens falsum; quia sic periret omnis libertas. Non audis hic omnem prorsus libertatem perituram, data semel hac hypothese, quod non foret in potestate voluntatis velle & non velle obiecto præsentè? Quid ergo libertatis potest subsistere, vbi obiectum rapit voluntatem necessariò, vt in actu inspirationis, & amoris beatifici contingit? Deo clarè viso præsentè, potestue voluntas adhuc illum velle & non velle? Certè sic non potest, vt cum Thomistis fateris, fatearis igitur iuxta eosdem, exulare à

tali actu omnem veram & propriam libertatem.

Veniamus etiam ad alium eius librum, in quo nonnullas habet determinationes, & eadem omnino sententia conspicietur. In determinationibus igitur q. 3. ad 5. principale, volens ostendere, qualiter voluntas quando producit actum, liberè tunc producat: Quia potuit (inquit) prius producere & non producere, etiam omnibus concurrentibus quæ ad actionem concurrunt. Nunquid hoc iterum est apertissimè sentit à sensu contrario, tunc liberè non producere, quando ante actum sic se habet, vt determinatè debeat producere, & non possit non producere?

Et quid quæso breuissima illa propositio eiusdem, operationes beatificas non ponimus liberè, licet in tempore causari? Hanc habet Vincenti in eisdem determinationibus, quæstione 11. ad 12. articuli quarti, estque tam efficax contra te testimonium vt & ipse modus loquendi, quasi quadam vniuersalitate Doctorum omnium te obruat. Non dicit: Operationes beatificas non pono liberè causari, sed; non ponimus, quasi supponens esse communem positionem inter sui temporis Magistros, asserere quod huiusmodi actus necessarij, qualis est amor beatificus, liberi non sunt. Tandem vt in nullo desit, proposito nostro Holkothius, accipe & aliud testimonium, quantum ad alteram partem de merito, & demerito. Actum meritorium esse laudandum, demeritorium verò vituperandum, constans est sententia, & tibi, & Scholasticis vniuersis: ast Doctori Holkothio constans etiam est, non esse laudandum nec vituperandum, si potestas indifferentiæ defuerit. Verba iterum subijcio, & fidem faciunt plenissimam. Ibidem q. 4. parum ante primam conclusionem sic discurrit.

Capio aliquem existentem in purgatorio pro peccato aliquo veniali. Quæro autem, aut illud peccatum potuit vitasse, vel non: si non, irrationabiliter punietur pro eo: quia sicut homo in nullo est laudandus, quia servat rationabiliter quod non potest amittere, ita in nullo est vituperandus, si aliquid fecerit, quod non potest vitare. En potestatem agendi, & non agendi requisitam ad rationem actus tam laudabilis, quam vituperabilis. Tu vis hominem vel Angelum beatum in eo quod servat rectitudinem iustitiz, quam (vt faceris) amittere non potest, laudandum esse; & doctissimus iste è contrà ait, quod homo in nullo laudandus est, quia servat, quod non potest amittere. Si hoc appellas tuum esse; pari lege inter contradictorias ipsas convenientiam fingere.

C A P V T VI.

Adducuntur contra Vincentium Diuus Antoninus, & Raynerius Pisanus.

Non omittamus etiam Diuum Antoninum Archiepiscopum Florentinum, & Raynerium Pisanum, Thomistas fidelissimos. Litteram tamen solius Antonini proferram, quia cum (ipso Antonino teste) eadem prorsus verba habeat Raynerius; esset aut actum agere, aut in vitium inutilis repetitionis ad nauseam declinare.

Quid ergo Sanctus hic Thomista in materia nostra determinat? An nè Vincentij paradoxum? An nè commentum illud de libertate cum summa necessitate compatibili? Profecto sicut exaltantur Celi à terra, sic exaltatæ sunt cogitationes Antonini à tam monstruoso dogmate.

Consultamus primam partem summæ eius, tit. 4. cap. 2. §. 2. & totus agit, vt necessitatem etiam voluntariæ inclinationis à libertate distinguat. Audi probantem liberum arbitrium esse in Deo. Liberum arbitrium (inquit) est eorum quæ non ex necessitate, vel naturali instinctu volumus, sed liberè: sed Deus necessariò vult bonitatem suam velut finem vltimum voluntatis Diuine: alia verò omnia vult quasi ordinata ad istum finem scilicet ad bonitatem suam: quæ quidem non necessariò vult sed liberè: eò quod sua bonitas, his quæ ad ipsam ordinantur, non indiget vnde remanet in eo iudicium liberum, ad volendum hoc vel illud. Non vides hic necessitatem etiam voluntariam expressissimè condistingui contra modum volendi liberè? Quæ (inquit) non ex necessitate, vel naturali instinctu volumus: en necessitas voluntaria: sed liberè: en istam necessitatem condistinctam à libertate. Et rursus: Deus vult necessariò bonitatem suam (en iterum necessitas summè voluntaria) alia verò omnia vult non necessariò, sed liberè: en iterum hanc à modo volendi libero condistinctam. Bis ergo in vno eodemque syllogismo vtrumque condistinguit, quod Vincentius millicies confundit.

Et postea obijciens; Liberum arbitrium in ætramque partem flecti potest, scilicet in malum & in bonum & viam habet ad opposita, sed Deus ad malum flecti non potest, ergo.

Respondet sic: Cùm malum culpæ dicatur per auersionem à bonitate Diuina, per quam Deus omnia vult; manifestum est, quod impossibile est, Deum vellet malum culpæ. Et tamen ad opposita se habet eius voluntas, in quantum potest vellet hoc esse vel non esse. Vbi notandum, quod ad rationem liberi arbitrij, non pertinet quod quis indeterminatè se habeat ad malum, & bonum. . . .

sed

sed ad libertatem arbitrii pertinet ut actionem aliquam facere vel non facere possit, & hoc Deo conuenit, quia bona quæ facit, potest non facere. Quam disertis verbis confugit ad potestatem faciendi & non faciendi, ut in Deo essentiam liberi arbitrii seu libertatis saluet! Si huiusmodi subsisteret per solum voluntarium perfectum, quantum vis ad vnam partem contradictionis determinatissimum (ut contendit Vincentius) & hoc idem sentiret noster Antoninus; nunquid vanè omnino ad indifferentiam recurreret? Poterat utique respondere: transeat quòd in Diuina voluntate nulla sit indifferentia, nec ad bonum & malum, nec etiam ad facere & non facere; ergo non est in Deo vera essentia liberi arbitrii; negatur consequentia, quia hæc subsistit per solum voluntarium perfectum: cum ergo Deus adhuc in illo casu omnes actus illos perfectæ voluntate faceret, sicut modo absque omni prorsus indifferentia, perfectæ voluntate producit Spiritum Sanctum; indubiè remaneret adhuc verè liber in omni illo actu. Hæc iuxta principia Vincentii, legitima poterat esse solutio; sed tamen, quia sensu & mente quam longissimè ab illa distabat Antoninus, non potuit non præterire, & vel ipso saltem silentio non contemnere, non reprobare,

Subiungamus iam alteram quoque partem de merito. Præsul Sanctissime requiritur ne ad meritum & demeritum, potestas faciendi & non faciendi? Vincentius putat nonnullos veros Thomistas illam minimè desiderare; sed edidisse nobis, utrum fortè tu de numero istorum sis. Nonne hæc propositiones tuæ de mente tua verissimæ; præcepta & prohibitiones non debent fieri nisi ei qui potest facere & non facere, alias frustra fierent? Et rursum; nullus debet premiari vel puni-

ri pro eo quòd non est in eius potestate facere & non facere? sic utique sic legitur in eadem tua prima parte eodem titulo, eodem capite, §. 3. Et quomodo ista coherent, si cum Vincentio sentires, posse præcipi & prohiberi, premiari & puniri etiam actus necessarios seu illos quos non est in potestate hominis facere & non facere? Nunquid immediata est contradictio, potest pro istis actibus fieri præceptum prohibitio; præmiu, punitio; & non potest pro istis actibus fieri præceptum, prohibitio, præmiu punitio? Si ergo in scriptis tuis hæc posterior negatiua, luce meridiana clarius patescit; quomodo, quo ordine, qua sinceritate poterit quis tibi affingere affirmatiua illam alteram? Certè Vincenti cerebro tuo illam insige, solusque tene, solusque posside, nam mentis alicuius verè Thomistica tibi in hac parte communio denegatur.

Posses & alia plura ex eodem Præfule producere, sed quia continuo, ut fidelis sancti Thomæ discipulus, non adfert nisi ipsissima eius verba, quæ infra, sedem propriam habebunt, omittenda censeo: hoc vnicum tantum annexens, quod ibidem habet §. 9. *utrum autem volendo huiusmodi quod de necessitate, vult, scilicet esse beatum, mereatur; dicendum (inquit) quòd aliquo modo sic, & aliquo modo non. Cum enim naturaliter appetat se esse completum in bonitate, scilicet se esse beatum... ideo appetendo Beatitudinem ita in communi, homo non meretur, quia hoc est ei naturale, & naturalibus homo non meretur. Appetitus ille est voluntarius, utpote actus voluntatis cognitione regulatus, & tamen quia est naturalis seu necessarius specificatiue, pro ea parte formaliter, ipsi rationem meriti denegat. Iterum contra te, qui ex isto capite voluntariæ necessitatis, meri-*
tum

cum potius augeri, constantissime adstruis.

De Raynerio Pisano celeberrimo quoque Thomista nil speciale commemoro, quia Antoninusmet (vt in principio annotauit ingenuè fatetur, se prædicta omnia ex eodem habere. Lege si placet Pantheologiam eius parte secunda de libero arbitrio c. 1. & ita inuenies.

CAPVT VII.

Adducuntur contra Vincentium Capreolus & Soncinas.

Quod si præfati viri pro mente Thomistarum tibi probanda non sufficiunt; adijciamus & alios duos eiusdem Scholæ, sed præstantissimos, exactissimosque: & primo quidem loco Thomistarum Theologorum Principem Capreolum.

Fateor autem Doctorem hunc in 1. Dist. 6. q. 1. art. 1. conclusione 5. affirmare Spiritum Sanctum procedere naturaliter seu necessario, cum hoc tamen liberè: sed de qua libertate loquitur; ipsemet ibidem apertè explicat; nimirum de libertate quæ dicitur immunitas à coactione: quam nec nos tali processioni inesse inficiamur. Vnde & idem in 2. Dist. 7. q. 1. art. 3. ad 17. Adæ contra primam dixit; quod omnis actus voluntatis, siue sit naturalis, siue electiuus, est liber, sed aliter & aliter: quia omnis actus voluntatis electiuus est liber duplici libertate, scilicet libertate à coactione, & libertate à necessitate. Sed quilibet actus voluntatis naturalis, potest dici liber; quia sine coactione, non tamen quia sine necessitate. Hoc ergo sensu vocat processionem Spiritus Sancti liberam, quia scilicet est à Patre & à Filio, non coactè. Sed quòd illa libertas à coactione, iuxta mentem Capreoli non

sit libertas essentialis, vera seu propriè talis, manifesto tibi Vincenti ex ore eius proprio. Inquit enim in 2. Dist. 24. q. 1. art. 3. ad 1. contra primam; nullus actus humanus præcedens electionem actualem voluntatis, dicitur propriè esse in potestate nostra, nisi pro quanto sequitur electionem veram, vel interpretatiuam de illo: hoc est dictum, quia voluntas elegit talem actualiter, vel si non actualiter elegit illum actum, tamen per suam electionem potuit impedire positionem illius actus, & non impedit. En qualiter asserit nullum actum voluntatis esse propriè in potestate nostra; nisi pro quanto ab eadem voluntate potest poni, & non poni, seu impediri. Quod si hoc apertè sentit; sentit quoque nullum actum sine tali conditione impedibilitatis esse propriè liberum: siquidem in tuamet opinione Vincenti, idem est, actum esse liberum, & esse in potestate voluntatis: ergo eo modo est liber, quo est in eius potestate: qui ergo sentit non esse in potestate nostra propriè, sentit quoque non esse liberum propriè.

Accedunt alia verba eiusdem in 1. Dist. 6. q. vnica, articulo 3. ad Argumenta Scoti contra 4. conclusionem, ita expressa & clara, vt nulla ratione te rguiersari queant. Illud dicitur agens naturale (inquit) quod possit omnibus requisitis ad agendum, & nullo existente impedimento, quin ipsum possit agere, necessario agit: neque est in eius potestate non agere. Illud verò agens dicitur liberum, quod eodem modo omnibus positis, ita vt possit agere, non necessario agit, sed in potestate eius est, vt agat, & non agat. Nonne hic euidenter distinguit, agens liberum contra agens tali necessitate, vt in eius potestate non sit non agere? Ergo sentit voluntatem, quotiescunque simili necessitate agit, vt oppositum agere non possit, non agere liberè

liberè vera aliqua seu propria voluntatis libertate.

Rursus in 1. Dist. 38. q. 1. art. 2. respondens ad Argumenta Gregorij, concedit illi absolutè & sine vlla limitatione, hanc eius propositionem, quam inter arguendum assumpserat; *causa libera est, quæ posita omnibus ad agendum requisitis, & actionem præcedentibus, potest agere & potest non agere*: at si sentiret illam potestatem indifferentem non esse de essentiali veræ libertatis, potius illam debuisset negare, quam concedere, ergo concedendo, certissimè supponit huiusmodi potestatem, conceptum essentiali lem veræ libertatis ingredi.

Vis & videre; qualiter in secunda parte de merito contra te pugnet? Audi alium eius locum ex 2. Dist. 7. q. 1. art. 3. ad 2. Adæ contra primam. Admiserat in quadam solutione, quod etiam in via, quamdiu per intellectum proponitur voluntati Deus, subtractione summi boni & infiniti & ultimi finis, tam diu diligitur sub illa ratione dilectione naturali, seu necessaria quo ad specificationem: & post hoc sic prosequitur. *Nec valet consequentia, igitur ex tali dilectione non meremur: quia licet in tali dilectione sit aliquid naturale & necessarium; tamen est ibi aliquid liberum & contingens. Necessarium siquidem est ibi specificatio actus, quia scilicet voluntas non potest Deum sic apprehensum odire vel respicere seu nolle: sed liberum & contingens in tali actu est ipsum exercitium actus & eius positio & continuatio, quia voluntas potest intellectum ad alia cogitanda diuertere, &c. Et quantum ad hoc potest mereri.* Vide, si non clarissimè confugit ad potestatem indifferentiæ, vt inerit rationem saluet. Est aliquid (inquit) in illo actu necessarium & aliquid liberum penes posse ponere & non ponere, & huic secundæ formalitati, meriti Rationem adscribit, minimè

autem primæ. Bone Deus! quàm tui sunt Vincenti omnes veri Thomistæ!

Nec certè aliud quidpiam sperare oportet ex Paulo Soncinate. Epitomen quaestionum Ioannis Capreoli super libros sententiarum, quam ipse Soncinas compilauit; peruolue attentius, si placet. Fateor iterum ingenuè, processione Spiritus Sancti dici liberam ab hoc Thomistæ, nam talis est Conclusio quarta in 1. Dist. 6. q. vnica, *Spiritus Sanctus procedit liberè*. Sed immediatè post declarans, quid per istam libertatem intendebat, subiungit sic. *Libertas accipitur dupliciter: vno modo vt opponitur naturali necessitati, & talis libertas est libertas indifferentiæ ad agere & non agere. Loquendo ergo de tali libertate, Concedo quod Spiritus Sanctus non producit liberè. Alio modo accipitur libertas, vt opponitur Coactioni, vt dicatur omne illud produci liberè, Cuius productio non est coacta, sed complacet. Et sic negatur &c.* Ergo hic in primis nil aliud habes, nisi quod in aliquo sensu potest dici libera ista productio, sumendo liberum pro non coactio. Sed quod iterum illa libertas à coactione, non sit vera, & propria, essentialis aut perfecta voluntatis libertas, iuxta mentem Soncinatæ, facillimè manifesto. Pergamus igitur ad ea quæ habet in 2. Dist. 24. quæst. vnica post quartam conclusionem. Arguit ibi Durandus, quod intellectus sit æque liber sicut voluntas, ex eo quod sicut voluntas non cogitur, ita nec intellectus. Ad quod Soncinas duplicem adhibet solutionem, & in secunda, quæ est ad nostrum propositum, sic resoluit. *Dicitur 2. quod Argumentum nihil concludit, nisi quod intellectus est liber à coactione sicut voluntas: sed in hac sola libertate non consistit liberum Arbitrium: quod quatuor includit. Primum est negatio coactionis.*

Secun-

Secundum est negatio absoluta necessitatis. Tertium est negatio causae mouentis eiusdem ordinis quoad exercitium actus vel ex parte subiecti actionis. Quartum est motiuitas aliarum potestatum quoad actus exercitium & ex parte subiecti actionis earum. Hæc autem quatuor in potētis anima, soli voluntati conueniunt formaliter, licet radix aliquorum sit in intellectu. Quam bella, quam insignis Doctrina contra te, Vincenti! Non legis hic, quod in sola libertate à coactione non consistit essentia liberi arbitrij, seu vera libertas; sed quod ultra illam inter cæteras condiciones etiam petat, negationem absolutæ necessitatis? Ergo iuxta placitum Soncinatis actus voluntatis habens necessitatem absolutam, qualis est productio Spiritus Sancti, caret vera Diuini arbitrij libertate.

Vnde iterum eodem in loco respondens argumento Godofredi, qui causam libertatis ponebat in tribus, nimirum in vniuersalitate obiecti, in indifferentia obiectorum, & in immaterialitate potentie, constantissime respondet; quod præter illa tria requiritur ad perfectam libertatem, quod potentia quæ dicitur formaliter libera, moueatur ab intrinseco quoad exercitiū, nec de necessitate exeat in actum &c. Quid euidentius, quid expressius? Si vera & perfecta libertas non de necessitate debet exire in suum actum; quid fingis voluntatem spirantem, aut Deum clarè visum adamantem, verè & perfectè liberam esse, vbi non nisi summa necessitate inspiratio nem & amorem prorumpit?

His omnibus adiungere libet locum quendam ex 9. Metaphisicæ, q. 17. parum ante solutionem argumentorum. Intendit ibi probare, potentiam liberam pro eodem instanti quo agit, esse potentem ad oppositum: & perpende quæso, qualis enthymemate hoc concludat. Quia in

hoc instanti (inquit) est potentia libera, ergo respectu contradictoriorum. Quæ iterum consequentia nulla esset, si aliquid esset tua opinio, Vincenti. Nam posset dici; concedo, quod in illo instanti est libera. Et nego illam consequentiam, ergo habet in eodem instanti potestatem ad oppositum: nam per te ad veram libertatem, ista potestas indifferentiæ non requiritur, sed sufficit quod voluntariè agat, licet cum determinata necessitate ad vnum. Necdum ergo capis, quæ tanta luce tibi obijciuntur? Sed fortè capies, si eodem tenore audieris & reliquos. Non recuso laborem: reliquos quoque proferamus.

C A P V T VIII.

Adducuntur contra Vincentium Dominicus de Flandria & Cardinalis Caietanus.

DOMINICVS de Flandria Philosophorum Thomistarum Princeps alijs quoque verbis tuam opinionem redarguit. Inspice Metaphisicæ eius librum nonum q. 2. art. 2. §. Sed instabas discipulus. Ostendit ibidem quare habentes rationem, sint liberi in agendo: & si aliud quid præter potestatem agendi & non agendi inueneris libertati tuæ subscribam. Voluntas (verba sunt Flandrensis) comparata ad essentiam, & naturam animæ rationalis, habet quod sit libera radicaliter & primordialiter: comparata verò ad intellectum, habet quod sit libera ex proximo, sed ipsa comparata ad seipsam, habet quod sit libera formaliter. Pro cuius declaratione (vt ipse prosequitur) considerandum est primò quod radicaliter libertas agendi competit rebus ex immaterialitate sue essentia vel nature, quia talia possunt se supra se

B con-

conuertere, & possunt se ipsa in aliquid ordinare, vel non ordinare, & per consequens possunt liberè agere vel non agere. Sed ex forma apprehensa per intellectū habet voluntas huiusmodi libertatem ex proximo: nam intellectus conuertens se supra speciem albi, intelligit album & oppositum albi. Ratio ergo quare potentia rationales se habent ad opposita, & quare habentes rationem sint liberi in agendo, est quia per eandem speciem intelligibilem intelligunt hoc & oppositū. Et ideo nos sumus liberi ad agendum hoc & oppositum, vel non agendum hoc & oppositū. Nulla hic speculatione opus est; nisi quòd totam libertatem voluntatis, tam radicalem, quàm proximam & formalem euentissimè reducat ad indifferentiam omnium suorum principiorum: quatenus scilicet possunt se ipsa supra se conuertendo, in aliquid ordinare, vel non ordinare, practicè apprehendere hoc vel oppositum, agere hoc, vel non agere. Ergo dogma Vincentij manifestè redarguit; utpote qui veram libertatem voluntatis formaliter & essentialiter subsistere contendit, cum omnimoda principiorum determinatione absque vlla prorsus indifferentia. Fateor tamen (sicut Capite præcedente fassus fui de Capreolo & Soncinate) Flandrensem quoque, quodam in loco vocare processionem Spiritus Sancti liberam, ut videre est §. Metaphysicæ, quæst. 5. art. 1. ad 4. Sed nec hoc Vincentium iuuare potest; nam vocat liberam, id est, immunem à coactione; qua ratione & liberam vocat ibidem productionem Filij in Diuinis, his verbis. *Necessitas quia Deus necessariò producit Filium, continetur sub quarto modo* (assignato scilicet à Philosopho inter modos necessitatis) *quia impossibile est, eum non producere Filium: nec tamen cogitur, sed liberè producit. Libertas enim non repugnat necessitati naturalis*

inclinationis, aut necessitati quarto modo sumpta, ut dicit Doctor sanctus in prima par. quæst. 82. articulo primo, ad 1. sed repugnat necessitati coactionis. En, ubi ipsam generationem Verbi Diuini propter immunitatem à coactione, liberam appellat. Ex hoc verò manifestè colligo, quando propter eandem rationem, liberam dicit productionem Spiritus Sancti, ipsum nomine libertatis, non intelligere veram libertatem, de qua nos disputamus, nempe illam quæ dicitur esse propria voluntati: si namque per hoc, quod est voluntatem non cogi in illa spiratione, veram & propriam voluntatis libertatem intelligeret; non vtiq; propter idem, actum intellectus, qualis est generatio Verbi, liberum diceret. Solum ergo actus illos liberos affirmat, in aliquo sensu, secundum quòd liberum sumitur pro non coacto, non verò secundum quòd sumitur pro vera libertate, quæ soli voluntati peculiaris est & propria.

Hæc de mente Flandrensis sufficiant: & ad Caietanum properemus qui non solum dogmati tuo contradicit, sed & arma tua propria confringit euidenter. Nonne præcipuus ensis, quem non semel sed iteratò contra nos vibras, est locus iste Sancti Thomæ 1. p. q. 82. art. 1. ad 1. *Quod verbum Augustini est intelligendum de necessariò necessitate coactionis, necessitas autem naturalis, non aufert libertatem voluntatis, ut ipsemet in eodem libro dicit?* Sed audi quid ad hunc locum notet Caietanus. *In responsione ad 1. (inquit) nota, quòd cum dicitur, necessitas naturalis non aufert libertatem, potest bene & malè intelligi. Malè quidè si intelligatur, quòd necessitas naturalis tam obiectiue quàm elictiue (id est quoad specificationem & exercitiū, ut nos disputamus) stat cum libertate illius actus. Hoc enim nō est intelligibile, &*

In The.
1. 1. c. 21
§. Hæc ve
ri neces
sitate.
Et ali
bi.

bene

bene verò, si intelligatur quod naturalis necessitas actus quoad specificationem seu obiectiue, non aufert libertatem eiusdem: quia stat quod liberè elicitur. En vbi (vt dixi) acutissimus Thomistarum ensen tuum præcipuum confringit; dum ex eodem loco, in quo opinionem tuam fundare niteris; in intelligibilem vocat primam illam partem, qua dicis, necessitatem naturalem quoad specificationem & exercitium, stare cum libertate eiusdem actus.

Imo si placet, inspicere & alium locum, & appellat opinionem tuam falsam. Disputans namque in eadem 1. parte. q. 4. 1. articulo 2. contra Scotum asserentem Spiritum Sanctum procedere liberè (sicut & tu asseris) sic satur: §. *Aduerte* 2. in fine paragraphi. *Et per hoc patet* (inquit) *responsio ad confirmationes*. Supponunt enim libertatem esse compossibilem necessitati simpliciter alicuius actus vt sic, quod vt in 9. *Metaphysicæ* patet, falsum est. Oportet enim libertatem esse respectu alicuius oppositionis. Ergo ex mente Caietani prima pars tue opinionis, sicut in intelligibis, ita & falsa est. Tu asseris libertatem compati in actu simpliciter necessario & vt sic, qualis est productio Spiritus Sancti, & Caietanus testimonio non solum proprio, sed etiam Philosophi, asserit hoc falsum esse.

Si dixeris, libertatem illam Philosophicam te parum curare; profecto hoc dictum tuum & nos minus curamus. Vt namque grauissimè & prudentissimè noster Aquinas, secutus consilium magni Augustini: *Mibi videtur tutius esse, vt hæc quæ Philosophi communes senserunt, & nostra Fidei non repugnant, neque sic esse asserenda, vt dogmata Fidei, licet aliquando sub nomine Philosophorum introducantur, neque sic esse neganda, tamquam Fidei contraria, ne sapientibus huius, mundi,*

contemnendi doctrinam Fidei occasio prabeatur. Hæc Aquinas opusculo 10. Et considera huiusmodi, Vincenti, vt dicas vtique Philosophi sapientiam non contemnere, sed potius Theologica modestia, vt par est, venerari.

Prodeat iterum Caietanus. Vide quid habeat 1. p. q. 22. art. 4. §. *In responsione ad 1.* Expressissimè docet infallibilitatem Diuinæ Prouidentiae compati cum natura causæ liberæ, eò quia huiusmodi infallibilitas nihil dat vel aufert causæ ad vtumlibet, sed cum ipsa stat, quod causæ habeat potentiam indifferentem ad illud infallibile & eius oppositum. At si sentiret, sicut tu sentis essentialem rationem causæ liberæ saluari absque potentia indifferente, frustra pro illa saluanda, ad indifferentiam confugisset: ergo apertissimè contra te sentit Caietanus, videlicet indifferentiam seu potestatem ad oppositum esse de conceptu essentiali causæ liberè operantis, ita vt ista non saluata, non saluetur essentia huius.

Et quid quæso de secunda parte, qua longè ineptius affirmas similem indifferentiam non requiri nec ad rationem meriti? Audi iterum quid dicat in priori illo loco ex questione 82. explicando solutionem ad 3. eiusdem articuli primi, vbi Sanctus Thomas dixerat: *Quod appetitus vltimus finis, non est de his quorum domini sumus: prosequitur acutissimus Thomista, sic. In responsione ad 3. recolecto, quod quemadmodum beatitudinis appetitus est naturalis obiectiue, ita non est in potestate nostra obiectiue, & quemadmodum est liber elicituè, ita est in potestate nostra elicituè: vnde appetendo beatitudinem in communi, non meremur ratione obiecti, sed ratione actus elicitæ. Quia nimirum exercitium illius possumus ponere, & non ponere, licet obiectum non possumus respicere.*

Nomine apertissimè hic fatetur, meritum non competere isti appetitui pro ea parte, qua est necessarius; sed solum pro ea qua est in potestate appetentis, illum elicere, & non elicere?

Cur ergo, Vincenti, clamore tuo Scholam Thomisticam perturbare non cessas? Non percepisti, quid singuli contra te dicant? Quid Albertus Magnus? Quid Innocentius Quintus? Quid Herueus? Quid Petrus de Palude? Quid Armandus? Quid Holkothius? Quid Antonius? Quid Raynerius Pisanus? Quid Capreolus? Quid Soncinas? Quid denique Flandrensis, & Caietanus? Sed scenam adhuc cohibere non possum. Superfunt ex Antiquioribus Ferrara, Conradus, Iauellus, Deza Hispalensis: & si eorum quoque placita audire non pigeat; nec commemorare utique pigebit.

C A P V T IX.

Adducuntur contra Vincentium Ferrara & Conradus.

IN scenam ergo pariter descendant Franciscus Ferrara, & Conradus, Thomistæ omni exceptione maiores.

Primus 3. contra gentes cap. 89. *§. ad secundum etiam patet, utramque tui dogmatis partem, disertissimis verbis destruit. Non est inconueniens (inquit) voluntatem non esse liberam, & dominam respectu omnium suorum actuum. Ad actus enim, ad quos naturaliter, & necessariò inclinatur à Deo, non habet libertatem, in quantum naturales sunt, & necessarij. En primam partem funditus destructam, qua tu Vincenti asseris, etiam ad illos actus prout sic, libertatem habere. Et de-*

inde prosequitur, & secundum illos ut sic, non meretur nec demeretur. En, alteram quoque partem de sufficiëntia ad meritum & demeritum eadem perspicuitate reprobata.

Scio eundem cap. 62. *§. ad 2. Negatur minor, & alibi docere, quod necessitas naturalis inclinationis libertati non repugnat; sed expresse addit; libertati non repugnat, qua aliquis à coactione est liber. Si ergo sic restringit, signum est, quod iudicat libertatem, quæ cum tali necessitate compatitur, non esse propriè & absolutè libertatem. Vnde in fine illius capituli absolutè; & sine restrictione loquens, negat talem actum liberum esse. Non repugnat (inquit) quod circa Deum, ut visio beatifica cognitum, non sit libera voluntas, sed determinata. Et rursus 2. contra gentes cap. 23. *§. Sed occurrit hoc loco dubium; respondetur (ait) quod licet Filius procedat per modum naturæ, & Spiritus Sanctus per modum voluntatis; non tamen hoc est intelligendum, quasi Filius naturaliter ac necessariò producatur; Spiritus autem Sanctus voluntariè & liberè, ita enim producit naturaliter Spiritus Sanctus sicut Filius, sed quia Filius procedit processione non præexigente aliam processionem, qui est modus naturæ, Spiritus Sanctus autem procedit processione, quæ aliam processionem præsupponit, qui est modus voluntatis. Quibus in locis, absolutè omnino, & sine ullo addito, negat actum amoris beatifici, & actum spirationis liberum esse: quasi non tanti faciens libertatem à coactione, ut ratione illius, titulum libertatis, absolutè mereantur actus huiusmodi.**

Consequenter ad ista docet 1. contra gentes cap. 88. in fine, quod actus necessarij Diuinæ voluntatis, necessarij (inquam) quoad substantiam & quoad terminationem, ad obiectum, non subsunt libertati Dei. Cuiusmodi sunt productio Spi-

Spiritus Sancti & amor suæ bonitatis. Verba eius sunt sequentia. *Aduertendum, cum dicitur, Deum esse maxime dominum suorum actuum, quod hoc intelligitur, non quoad substantiam actus, cum actus ita sit sibi naturalis, sicut essentia; sed intelligitur quoad terminationem ad obiecta. Quod enim hanc & illam creaturam producat, est in libertate Dei: ipsa tamen substantia productionis actus est sibi à natura & non subest libertati. Ex quibus sic argumentor. Secundum Ferrariensem, actus quo Deus creaturas producit, subest libertati Dei, quoad terminationem ad obiecta, non tamen quoad substantiam: quia substantia seu entitas actus est naturalis & necessaria. Ergo quando ipsa etiam terminatio ad obiectum est naturalis & necessaria, ut contingit in productione Spiritus Sancti & amore sui, sentit nulla ratione talem actum subesse libertati. Quid euidens? Quid Vincentiano dogmati magis repugnans?*

Sed perpendamus & alium locum ex Secundo contra gentes cap. 48. §. *Aduertendum 2. & manifestius adhuc apparebit, quod immunitatem à coactione solum vocet libertatem secundum quid. Explicans ibidem illam propositionem Diui Thomæ, animalia irrationalia sunt quodammodo liberi quidem motus siue actionis, non autem liberi iudicii, sic fatetur. Irrationalia esse liberi motus, nil aliud est, quam sibi ipsis esse causam motus: ita scilicet quod ipsa se ipsa moueant ad determinatum finem, non autem ab extrinseco tantum moueantur tanquam à principali mouente: sicut quæ à natura mouentur & quæ mouentur per violentiam. Sed tamen quia moueri simpliciter liberè, est habere in potestate sua moueri, & non moueri, quod brutis non conuenit, no uicit absolute Sanctus Thomas, quod sint liberi motus, sed addit, quodammodo, quasi dicat, sunt liberi*

motus secundum quid, non autem simpliciter. Non percipis hic Vincenti, quod ad moueri simpliciter liberè, requirat Ferrara, habere in potestate sua moueri & non moueri, taliter ut motum absque illa indifferentia elicito, iudicet solum liberum secundum quid, uidelicet quia non est coactus, nec violentus, nec tantum ab alio ut à causa principali? Ergo cum in actibus omnino necessariis, voluntas non habet in sua potestate moueri & non moueri, sed tantum sint huiusmodi actus non coacti seu non violenti, nec tantum ab alio ut à causa principali, sentit clarissime, voluntatem in illis actibus non moueri liberè simpliciter, sed tantum secundum quid, quatenus scilicet non coactè, nec violentè in illis mouetur, nec solum ab alio ut à causa principali, sicut inanimata. Hæc sole clariora, sunt Vincenti, ita ut nisi tenebricosus Genius possit contraniti.

Scenam iam exornet profundissimus Magister Conradus. De actu voluntatis necessario & elicto sine potestate ad oppositum cum determinatione ad vnum, quantumuis spontaneus & non coactus sit, taliter loquitur, ut non solum nomen libertatis ipsi non dignetur, sed expressissime libertati opponat. Nam 1. 2. q. 1 ad Articulum illum quartum, *utrum voluntas de necessitate moueatur ab exteriori motu quod est Deus? sic fatetur. Aduerte pro intellectu quasit, quod non capitur hic necessarium pro necessitate coactionis: patuit enim supra, quod voluntas cogi non potest: sed capitur necessarium, ut opponitur libero. Et sensus est, an Deus moueat voluntatē vniuersaliter determinando ad vnum, sic quod non possit in oppositum. Vide qualiter hoc quod est moueri necessario seu cum determinatione ad vnum, & absque potestate ad oppositum, expressissime motioni liberæ contraponat.*

Vnde & ibidem Art. 3. parum ante Argumentum *sed contra*, dicit, *ubi indicium practicum non est liberum, sed determinatum ad vnum, sicut respectu ultimi finis, ibi nec voluntas est libera.* Et iterum art. 1. ad 3. *natura ut sic determinata est ad vnum: si quid tamen sit, non solum natura sed cum hoc libera natura, in quantum liberum est, non erit determinatum ad vnum, imò habet se ad opposita.* Quid manifestius? Liberè moueri condistinguit contra id quod est moueri, non solum necessariò necessitate coactionis, sed etiam contra id quod est moueri necessariò, necessitate determinationis ad vnum seu absq; potestate ad oppositum.

Et si quæras de altera parte quantum ad meritum; resolutissimè respondet q. 114. art. 3. in explicatione corporis, oportet quod ad opus meritum concurrat liberum Arbitrium. Liberum autem arbitrium plusquam centies appellat voluntatem prout est potestas ad opposita. Sentit ergo ad rationem meriti, libertatem indifferentiæ requiri, & non sufficere illam tuam, quæ omnem etiam indifferentiam excludit.

Sed non prætereamus nitidam illam propositionem, quam habet in eadem Prima Secundæ q. 1. art. 1. notabili 3. Magister Conrado dic, quæso te, quando agit homo actionem liberam? Sic respondet loco citato. *Tunc homo agit actionem humanam liberam, quando ad eam habet absolute indifferentiam: sic quod potest eam agere & non agere: & potest velle & agere hoc vel illud.* Me hercle, est ne hoc dicere sicut dicit Vincentius, quod etiam tunc homo agit actionem liberam, quando ad eam nullam habet indifferentiam, sic quod non possit eam non agere?

*Verius apparet, quod Calo sidera desint
Quàm quòd Conradi consonet hoc Ge-
nio.*

CAPVT X.

Adducuntur contra Vincentium Iauellus & Deza Hispalensis.

Vix possum scenam cohibere: prodeant alij duo, & primo loco Chrysostomus Iauellus, Philosophus & Theologus inter Thomistas eruditissimus. De casu nostro nil ex ore ipsius audies, quod non sit contra te. In primis lib. 12. Metaphisicæ q. 1. §. *Quantum ad Deum, satur sic. Deus tantum bonitatem suam vult de necessitate naturæ: quatenus autem extra se non necessariò, sed merè liberè vult & agit.* Ecce modum agendi merè seu verè liberè contrapositum modo, quo Deus de necessitate naturæ amat suam bonitatem; sentit ergo modum illum non esse merè seu propriè liberum.

Rursus pondero locum quendam, 9. Metaphisicæ q. 4. §. *Quantum ad 2. aduerte.* Volens ibidem tradere condiciones requisitas ad rationem potentiæ rationalis seu liberæ; sequenti stylo eas exprimit. *Aduerte, quod completa potentia rationalis & libera libertate contradictionis, de qua hic propriè intendimus, prout scilicet potest in opposita contrariè vel contradictoriè, quatuor condiciones requirit. Primò quod non possit cogi: liberum enim posse cogi, est liberum non esse liberum. Secundò, quod non necessitetur absoluta necessitate.... Vnde voluntas respectu summi boni non est potentia libera, libertate in opposita &c.* Pondero in isto loco, id quod fortassis alicui videbitur contrarijs fauere: dum namque restringit de potentia libera libertate contradictionis, manifestè supponit dari aliam libertatem præter illam quæ est in opposita, quod contrarij prætendunt, Deinde cum subiungit, quod

quod voluntas reſpectu ſummi boni non eſt potentia libera libertate in-
opposita; iterum ſupponit idem; ni-
mirum eſſe liberam altera quadam
libertate; quam contrarij vocant eſ-
ſentialem. Ergo hic potiùs Vincentio
fauet, quàm obſit.

Nihilominus hoc concedere, om-
nino renuo. Et noto præciſe quod
poſt reſtrictionem illam, *de potentia
libera libertate contradictionis*, imme-
diate addiderit verba iſta, *de qua hic
proprie intendimus*: quibus apertè ſate-
tur, ſe alteram illam libertatem pro-
prie non intendere, quādo de liber-
tate hominis agit: quaſi nulla alia,
apud ipſum verè & proprie hominis
libertas ſit, quàm illa quæ eſt contra-
dictionis ſeu ad oppoſita. Igitur Vin-
centio obeſt, non fauet.

Sed attentius conſideremus, id
quod eodem libro q. 1. §. *Præterea
ad oppoſitum* ſcripſit contra Iandu-
num: qui defendebat iuxta ſenten-
tiam Commentatoris, quod nihil eſt
poſſibile, quin aliquando erit. Con-
tra huiusmodi ingenij hominem, ſic
argumentatur eruditiffimus Thomi-
ſta. *Si nihil eſt poſſibile, quin erit; ergo
nulla eſt potentia rationalis & libera:
quod eſt contra Philoſophum 9. Meta-
phiſicæ textu 3. Conſequentia probatur.
Liberum eſt, quod poteſt agere & non
agere contrariè vel contradicторè: ſed ſi
nihil eſt poſſibile, quin erit; omne agens de
neceſſitate agit quidquid poteſt agere;
ergo nullum erit agens liberum.*

Ecce Vincenti, ſi doctrina tua
vera eſt; conſequentia huius Tho-
miſtæ nulla erit: poterit enim ad il-
lam reſponderi, quod agens libe-
rum non dicitur liberum, quia poſ-
ſit agere & non agere, ſed quia agit
ex ratione, licet alias agit abſque
potestate ad oppoſitum. Et reuera
ſic reſponder de facto Iandunus. Au-
di quid Iauellus ſubiungat. *Huic (in-
quit) rationi reſpondens Iandunus, de-*

*ducit ſe ad hoc, quod agens liberum non
dicitur liberum, quia poſſit in oppoſita,
ſed quia agit ſecundum rationem & gra-
tia ſui, dato quod non habeat potentiam
non agendi. En tuam propriam ſolu-
tionem. Ergo doctrina tua non Tho-
miſtarum eſt, ſed cuiuſdam Ianduni
vix in Scholis cogniti.*

Sed rursus audi, quid Iauellus con-
tra illam. *Non aduertis (inquit) Ian-
dunus, quod ſic dicens, ſaluat libertatem
oppoſitam coactioni ſue violentiæ, non
autem libertatem contradictionis, qua
poteſt agens in oppoſita pro eodem in-
ſtanti: quam libertatem expreſſè poſuit
Philoſophus in 9. Metaphiſicæ textu 1.
&c. Patet ergo quod apud Philoſo-
phum non dicitur potentia libera ſolùm,
quia agit gratia ſui ſed quia poteſt in op-
poſita. Vnde Iandunus ſic reſpondens, con-
tradicit Philoſopho. Hæc Thomiſta no-
ſter contra Iandunum, & ego eadem
contra Vincentium. Vincentius ſic
reſpondens, videlicet ſufficere ad li-
bertatem veram agentis liberi, hoc
quod eſt agere ſecundum rationem
& gratia ſui, contradicit Philoſopho.*

Nec valet dicere, quòd non con-
tradicit: cum admittat præter liber-
tatem à coactione, etiam libertatem
contradictionis; licet eam vocet ac-
cidentalẽ.

Non inquam valet, nam licet ver-
bis admittat, re tamen ipſa negat.
Vera enim libertas contradictionis,
eſt poteſtas ad oppoſita pro eodem
inſtanti, vt Iauellus hic ex Philoſo-
pho ſupponit: quam tamen poteſta-
tem ſub motione efficaci primæ cau-
ſæ Vincentius negat, vt ſuprà cap.
2. annotauimus, & infra latius pate-
bit.

Ianello adiungamus Illuſtriſſi-
mum Archiepiſcopum Hiſpalenſem
Didacum de Deza. Tanta quo-
que luce, tantaque euidentia Vin-
centiani dogmatis tenebras diſſi-
pat, vt nullo pacto ad conſpectum.

Infrà li.
2. c. 12. §
Vnde J.
aliar.

eius queant subsistere.

Lege ipsum in 2. Dist. 24. q. 1. art. 4. §. Dicitur 2. ad Argumenta: & inuenies ibidem ad 3. hunc clarissimum discursum. *Licet intellectus determi- net voluntatem suo iudicio, quo indicat ali- quid esse bonum vel melius; hoc est, quia voluntas vult ad eius iudicium determi- nari: nam potest non se determinare ad illud, suspendendo actum suum, & ideo voluntas propriè & formaliter est libera & domina sui actus. Fige aciem Vin- centi in causalem illam, & videbis qua ratione voluntas sit propriè seu verè libera. Ideo (inquit) est propriè libera & domina sui actus; quia determinando se ad iudicium intel- lectus, potest non se determinare ad illud. Estne hoc (sicut tu som- nias) quòd etiam est propriè libe- ra, quando iudicium intellectus se- quitur de necessitate, & non potest non se ad illud determinare? Si quis tibi diceret, ideo homo est propriè rationalis, quia est rationalis: & tu responderes, etiam est propriè rati- onabilis, quamuis non sit rationalis; nunquid sic respondens, ex diame- tro cum tali dicente pugnares? Pugnas ergo pari lege cum nostro Archiepiscopo. Ille tibi dicit, ideo vol- untas est propriè libera, quia po- test se ad iudicium intellectus deter- minare & non determinare; & tu respondes, etiam est propriè libe- ra, licet non possit se cum tali indif- ferentia determinare. Non con- funderis, non hæsitas, non respi- cis?*

Lege & in eodem Secundo Dist. 4. q. 1. art. 4. §. *Ad argumenta contra 2. partem primæ conclusionis.* Ibidem ad 3. sic iterum satur. *Libertas voluntatis non consistit in posse velle aut agere bo- num, & posse velle aut agere malum: nam posse malum, defectus potentia est & libertatis.... Vera autem libertas stat in posse agere, vel non agere, & in posse*

agere hoc vel illud bonum. Non audis hic, quòd vera libertas consistit, seu stat in indifferentia agendi & non agendi? Quid ergo veram libertatem imaginaris absque tali indifferentia? Quid (inquam) imaginationes has nostris Thomistis affugis?

Iterum in 4. Dist. 49. q. 3. art. 3. §. *Septimò notandum: voluntas (inquit) non dicitur propriè loquendo, domina sui actus secundum quòd est natura, sed se- cundum quòd est voluntas.* Nota in via Diui Thomæ, quòd voluntas consi- deratur, vt natura præcisè respectu actuum necessariorum, quos elicit sine potestate ad oppositum: consi- deratur verò vt voluntas respectu actuum, quos potest elicere, & non eli- cere. Hoc ex professo ostendetur in- frà libro secundo, capite quinto. Di- cit ergo loco citato noster Deza, quòd voluntas secundum quòd est, natura, nempe respectu actuum ne- cessariorum, non dicitur propriè lo- quendo, domina sui actus. Nunquid hoc idem est, ac dicere, quòd respec- tu similibus actuum, propriè lo- quendo, non est libera? Volunta- tem esse liberam, & esse dominam sui actus per temet Vincenti, vnum & idem est. Ergo si asserit, respectu talium actuum non esse propriè do- minam, sentit quoque non esse propriè liberam. Nulla igitur secundum mentem eius est in huiusmodi acti- bus libertas, quæ verè & propriè li- bertas dici debeat.

Vnde consequenter ad ista, in- Primo, Dist. 45. q. 1. art. 3. §. 3. *No- tandum;* expresse condistinxit actus illos necessarios contra liberos his verbis. *Diuina voluntas sicut in propriū & per se obiectum, quòd est Diuina boni- tas, & per consequens in omne quòd Deus est, necessariò tendit necessitate absolu- ta, ita & ad illud necessitate absoluta & naturali determinata est.* En- actus necessarios Diuinæ voluntatis.

In The-
riaca l.
3. c. 21.
§. Et ra-
mū ibid.

Ad omnia autem volita alia à se, liberè & non necessariò se determinat, sicut & in illa non necessariò tendit volendo, sed liberè. En illos condistinctos contra actus liberos. Quis ergo, si fingendi non queratur licentia, audebit Thomistam hunc ad partes Vincen- tianas trahere?

Imo in eodem Primo, Dist. 6. q. 1. art. 4. ad 9. vocans Processionem Spiritus Sancti, & generationem Verbi Diuini, actus liberos, expressè apposuit particulare additum, seu limitationem quandam, ne quis eos absolute seu propriè liberos putaret. Accipe formalia verba, & acquiesco. *Pater, & Filius naturaliter & liberè produciunt Spiritum Sanctum; & Pater naturaliter, & liberè producit Filium, accipiendo (inquit) liberè, pro vt excludit violentiam vel coactionem.* Non vides, Vincenti, additum? Non vides limitationem? Quod si sic limitat; quid ex mente eius in productione Spiritus Sancti absolute & simpliciter libertatem deprædicat? Et certè si eandem cum ipso mentem haberes; cur libertatem quoque generationi Verbi non attribuis, sicut ipse? Hoc posterius nec in tua Theriaca, nec in epistolis tuis Prodrromis vsquam legi. Adscribis quidem libertatem productioni Spiritus Sancti, minimè tamen generationi Verbi. Ergo libertas tua essentialis, aliud quid est ab illa, quam Thomistæ in spiratione admittunt. Si namque eadem esset; vtique & illam generationi Verbi tribueres; sicut & Thomistæ tribuunt. Diuersa igitur est, & toto cælo diuersa; consilii que diuersitas in hoc, quod Thomistæ per liberè spirare, nil aliud volunt, quam spirare sine coactione: cumque ista libertas à coactione etiam inueniatur in generatione Verbi, ideo dicunt, Patrem liberè generare, id est non coactè: tu verò cum per liberè

spirare, intelligas aliquam libertatem, præter illam quæ est à coactione; quam voluntati etiam necessario operanti tribuis, non intellectui; manifestè contra mentem Thomistarum fingere comprobabis.

Sed quid caput frangimus in re tam euidenti? Veniamus ad alteram partem de merito, & vnus locus, isque clarissimus pro mille sufficiet. Vincentius docet (vt iam toties repetij) voluntatem in actu necessario non solum esse verè & propriè liberam, sed insuper illo posse mereri. Tu vero lector audi Thomistam nostrum de hac materia disserentem, in 2. Dist. 4. qu. 1. art. 3. §. *Notandum.* Coactus sustinere, qualiter Angeli in primo instanti non potuerit mereri potuerint, non obstante quod illa prima operatio fuerit à Deo auctore naturæ & minimè flexibilis ad malum. licet (inquit) voluntas Angelis in primo instanti non potuerit velle malum; potuit tamen velle alterum bonum, & velle & non velle id ipsum bonum, quod voluit: & potuit illud amare sic vel aliter: secundum plures rationes & circumstantias quibus amabile est: ratione cuius libertatem & dominium habuit ac electionem sui actus, ac per hoc potuit illi esse meritorius. Potestne quid expressius contra Vincentij fictitiam libertatem excogitari? Nonne ad indifferentiam agendi & non agendi recurrit, vt meriti rationem in primo actû Angelis saluet? Profecto si in actu quoque necessario eam saluari sentiret, ad quid sic recurreret? Cur non diceret cum Vincentio, actum illum esse à voluntate ex præiudicio iudicio intellectus, & hoc ad meriti rationem sufficere, etiam absque omni indifferentia?

Hac de causa in 4. Dist. 4. art. 3. §. 5. *Notandum;* expressè negat meritorium esse amorem, quo quis naturaliter amat seipsum, aut bonum ali-

quod

quod ad quod ex sui natura inclinatur. Quia ille amor, cum sit naturalis, caret pro ea parte omni indifferentia, nec potest sic vel aliter esse, & ex consequenti incapax est meriti & demeriti: iuxta illud; *naturalibus non meremur*. Notat autem pro huius intelligentia, quod amare seipsum contingit tripliciter. Vno modo secundum suam substantiam & naturam, & perfectiones naturam consequentes: & iste amor (inquit) est communis & naturalis omnibus hominibus. Alio modo amare seipsum contingit secundum meliorem & principaliorem partem sui, quæ est interior homo seu pars rationalis. Tercio modo contingit amare seipsum secundum partem carnalem & sensitivam. Quo prenotato, dicendum (inquit) quod amare seipsum primo modo amoris, simpliciter & absolute non est meritorium: quia naturaliter inest unicuique talis amor. Sed amare seipsum quantum ad aliqua specialia, scilicet sub Deo & propter Deum & ad obsequium Dei, est meritorium adiuncta gratia: eo quod ad ista specialia, non inest amor sui naturaliter, sed ista determinantur per rationem & discretionem hominis: unde volendo id quod quis naturaliter vult, non est meritorium vel demeritorium secundum se: sed volendo id quod naturaliter vult secundum specialem determinationem, quia nempe prout sic formaliter, admittit indifferentiam penes sic vel aliter posse amare, vel non amare, quam tamen non admittit, prout secundum se est naturalis. Hoc certè est apertissimis verbis fateri, ad meritum & demeritum requiri libertatem indifferentiam.

Sed libet in fauorem Vincentij obijcere, nam idem auctor in Secundo, dist. 25. art. 3 §. *Quaridò notandum*; sic habet. *Ad primum actum voluntatis, quo voluntas incipit velle, cum prius*

non veller; voluntas non mouet seipsam libero arbitrio, licet bene liberè. Ergo hic quantum ad primam partem de libertate, videtur cum Vincentio conuenire, nempe dari aliquem actum verè liberum, qui tamen non sit liberi arbitrij; seu quòd idem est, elicitus cum indifferentia.

Respondeo, quòd neque in hoc Vincentio fauet. Nam in verbis quæ immediatè ad istum locum premiserat, sufficienter se explicat, in quo sensu actum illum vocet liberum, nempe quia non coactus. Accipe verba, & simul mentem. *Huiusmodi motus voluntatis (scilicet primus) simul est naturalis & voluntarius ac liber*. Non secundum quod voluntarium distinguitur contra naturale, quòd scilicet est in potestate voluntatis, quòd sit, vel non sit: neque secundum quòd liberè denominatur à libero arbitrio: sed secundum quod voluntariè dicitur, quòd est à voluntate, & liberum à libertate, quæ solam coactionem excludit. Igitur illud primum actum voluntatis, licet naturalis & necessarius sit, solum vocat voluntarium, quia est actus voluntatis; & liberum, quia est liber à coactione: quòd nec nos inficiamur cum per hoc non habeatur, dari aliquam veram libertatem voluntati propriam, absque omni prorsus indifferentia: vt Vincentius contendit. Dari actum voluntatis necessarium, & liberum, id est non coactum; quis hoc neget? Sed quòd sola immunitas à coactione non constituat actum in ratione verè liberi, prout libertas dicitur esse proprietas voluntatis, sicut nos disputamus; etiam ex eo patet, quòd talis immunitas parè lege inueniatur in generatione Verbi æterni, cui tamen ipse Vincentius veram libertatem tribuere non audeat.

CAPVT XI.

Adducuntur contra Vincentium Ioannes de Neapoli, & Dominicus Soto.

S Cenam concludo, Vincenti, commemorando adhuc duos alios, nempe Ioannem de Neapoli, & Dominicum Soto. Prius ex Antiquioribus quoque nostræ Scholæ; sed posterior Princeps illorum est, qui temporibus nostris viciniore existunt: ut sic videas tam modernorum, quam antiquorum Thomistarum, non nisi eandem esse hac in parte doctrinam.

Ioannes igitur de Neapoli Thomista laudatissimus, his verbis tibi manifestissime opponitur. *Libertas* (inquit questione 14. puncto quinto §. *Ad primam ergo rationem*) importat indifferentiam quandam voluntatis ad volendum diuersa seu opposita: quæ quidem opposita seu diuersa, voluntas velle non possit, nisi indifferenter ab intellectu apprehendi possent, ut bona: propter quod in brutis, in quibus iudicium est determinatum ad vnum volendum, quod apprehenditur ut bonum, non est libertas. Ecce qualiter libertas ex mente huius Doctoris, indifferentiam claudat, tam ex parte voluntatis, quam ex parte intellectus: deinde, quia bruta simili indifferentia carent; libertate quoque carere asserit. Estne in his vel vllum tuæ opinionis vestigium?

Sed forte dices, tibi patrocinari, quia alio in loco, nempe quæst. septima puncto tertio ad Quintum, volens ostendere qualiter amor beatificus sit actus liber, dixit, quod non est contra rationem actus liberi, nec contra eius nobilitatem, quod sit actus necessarius.

Respondeo, iam hoc sæpius solutum esse. Vocat namque actum illum liberum, non in alio sensu, quam quia non coactus: & actui sic libero, necessitas profectò non repugnat. Vnde & quæst. 30. puncto tertio §. 3. *Opinio*, prope finem admisit in illo sensu liberos esse actus generationis & spirationis in Diuinis. *In neutra emanatione diuina* (inquit) *est necessitas coactionis..... & ita vna emanatio est libera sicut alia.* In hoc ergo minime patrocinator.

Sed vide iam in Dominico Soto, modernorum Thomistarum Principe, eandem cum tota antiquitate consonantiam. Et certè non alium ex modernis proferam vltius; ne hac mea prolixitate (ad quam cogis Vincenti) diutius Lectorem obtundam. Perpende igitur diligenter, quid doceat circa conditiones meriti, & conspicias, (si oculus ophthalmia non laborat) non à te, sed contra te pugnare. *Prima* (inquit libr. 3. de natura & gratia, capit. septimo prope medium) *conditio est, quod sit opus liberum, nam absque libertate, quemadmodum opus nec virtus, nec vitium, ita necque est meritum vel demeritum.* Quapropter Theologi qui cogitant, in naturalibus meritum esse posse, naturam eius ignorant. Et quod loquatur de libertate, prout dicit potestatem indifferentiæ: & similiter sub nomine naturalium comprehendat actum amoris beatifici, ita vti etiam te dicat naturam meriti ignorare, patet manifestissime.

Primum quidem, ex probatione quam adducit: nam *mereri* (inquit) *est aliquid dare alteri, & conferre in bonum ipsius, nemo vero dat, nisi illud cuius est Dominus, sumus autem Domini nostrarum actionum per liberum arbitrium: per quod scilicet* (ut libr. 1. cap. 15. prope medium præmiserat) *homo habet intellectum rationatum in*

virtutem.

utramque partem & eadem ratione voluntatem quæ in neutram sit determinata, sed in alterutram libera. Ecce ergo loquitur de libertate prout dicit potestatem indifferentiæ; & hanc prout sic, dicit ad meritum requiri.

Secundum etiam, quod nomine naturalium, quæ defectu libertatis, incapacia meriti esse dicit, comprehendat pariter amorem beatificum; patet non minus euidenter. Nam cum sibi lib.3. obieciſſet, quod dilectio Dei naturaliter conſequatur in Christo diſtinctionem beatificam, & tamen videtur fuiſſe meritoria; hoc argumentum (inquit) diluitur hac diſtinctione. Carentia libertatis triplex eſt. Alia ex natura ſubiecti, quæ potiùs eſt negatio, quàm priuatio: qualis eſt in brutis, & opera huiusmodi libertatis expertia, nec bona ſunt nec mala, atque adeo nec laude nec vituperio digna. Secunda eſt earentia libertatis ad malum, & hæc duplex, quædam quodammodo naturalis, qualis eſt in Beatis; ex illo enim inceſſabili intuitu Dei, naturali conſequentia ſequitur amor, qui natura ſua excludit omnem poſſibilitatem præuæ agendi: quamuis in hoc ſenſu liberè amant, quod ex voluntate Deo infixâ hoc faciunt; & ideo opera illorum licet optima ſint, & non ſolum laude ſed honore etiam digna, nullo tamen pacto ſunt merita. Atque idem parique ratione crudenſum eſt de dilectione beatifica Chriſti: haud enim vnquam crediderim, illam fuiſſe meritoriam in Chriſto: ſed merebatur per dilectionem quæ non habebat tamquam viator & per opera exinde procedentia. Quid iterum euidentius? Negat appetiſſimè amorem beatificum libertatem habere ſufficientem ad meritum: quia modo quodam naturali, ſeu cum determinatione ad vnum, elicitur: licet concedat in hoc ſenſu liberum eſſe, quod ex voluntate Deo infixâ fiat.

Nec dixeris in hoc ſecundo pri-

mam ſaltem opinionis tuæ partem iuari; ſi quidem aſſerit liberum eſſe, licet non ſufficienter ad meritum.

Ne (inquam) hoc dixeris; nam reuera & in hoc quoque tibi contrariatur. Non enim dicit abſolutè & ſimpliciter eſſe liberum ſeu habere eſſentialem arbitrij libertatem (vt tu multoties loqueris & inculcas) ſed potiùs cum addito, videlicet, *quamuis in hoc ſenſu liberè amant*, quod ex voluntate Deo infixâ id faciunt. Nota iſta verba, *quamuis in hoc ſenſu*, quaſi dicat, abſolutè & ſimpliciter liber non eſt, ſed tantum in hoc ſenſu, quod voluntariè fiat ſeu non coactè: quod certè, Vincenti, nec ego, nec vllus Theologorum tibi negabit. Eſt namque euident, amorem illum eſſe liberum cum quodam addito, videlicet in hoc ſenſu, quod non eſt coactus ſed voluntarius: propter hoc tamen ſimpliciter liber dici non debet, tamquam eſſentialem arbitrij libertatem habens.

Et hanc eſſe mentem Sapientiſſimi huius Thomiſtæ, ex alijs, quæ habet primo de natura & gratia, c. 16. in principio, patere poteſt luculentius. Obiecerat ſibi ibidem contra libertatem voluntatis; hoc argumentum: aut enim ſumus liberi in huiusmodi actionibus ante momentum temporis quo nos Deus mouet, aut præſente motione Dei: non ante, quia abſque Deo mouente moueri nequimus. Neque cum nos actu mouet; quia non ſtat, ipſum nos mouere, quin vnâ moueamur, ſunt enim mouere & moueri, eſſe actio & paſſio correlatiua. Ergo liberi nunquam ſumus.

Quid quæſo putas ab eo reſponderi? An nè idem quod a te? Videlicet ad veram libertatem ſufficere, quod quamuis voluntas ſub actuali Dei motione proximè expedita & inter vtrumque indifferens non permaneat,

In Ep.
Prodro-
ma ad
Petau.
pag. 11.

maneat, possit tamen se vertere in oppositum, excussa praesenti praedeterminatione, non ea tentata?

Certè sicut hoc risui est apud nos-
trates, ita nec intelligere nec credere
se posse, fatetur Soto. Audi ergo
responsum eius & ab errore tuo re-
sipisco. *Ad dissolvendum argumen-
tum hoc* (inquit) *supponenda est diffi-
nitione libertatis. Illa enim causa libe-
ra est, qua positis omnibus ad agen-
dum requisitis potest & agere & non a-
gere.* Ecce ubi supponit causam ab-
solutè & simpliciter liberam, non
esse nisi quæ operatur cum indiffe-
rentia ad opposita. *Sunt ergo* (pro-
sequitur) *inter Scholasticos (& tu inter
illos es, Vincenti) qui doceant, posito
concurso Dei, non esse utrumque in po-
testate voluntatis scilicet agere & non
agere, &c. hoc autem vel numquam
intellexi vel numquam credam. Nam
quamvis ille concursus sit praequisitus,
Nihilominus illo posito, tunc est etiam
in facultate voluntatis agere & cessare;
alias nullus dabitur requisitorum nume-
rus, quibus positis voluntas possit agere
& non agere, atque adedneque erit li-
bera. Nam ante divinum concursum
non potest agere, & quando ille adest
(ut isti aiunt & tu, Vincenti) non potest
non agere. Solutio ergo dubitationis est,
quod illo tunc temporis momento, quo
Deus mecum concurrit, sum liber, ut
tunc agere renuam: etenim dum liberè
moveor, possum in sensu diuiso non a-
gere. Non (ut tu somnias) Excussa
motione, sed illo tunc temporis mo-
mento, quo Deus mecum concurrit; ac
proinde motione stante & posita,
tunc etiam est facultas ad agendum
& cessandum: quod & ex eo probat;
quia alias potentia non erit libera. Sen-
tit ergo apertissimè nullam veram
libertatem voluntatis saluari in illis
actibus, in quibus potius est essentia-
lissima repugnantia ad oppositum:
ut præcipuè videre est in actibus pro-*

ductionis Spiritus Sancti & amoris,
quo Deus seipsum amat, quos tamen
tu aperto ore verè & absolutè libe-
ros esse fateris.

Age itaque iam, Vincenti, & iacta
omnes Thomistas tuos esse: absque
dubio tui sunt, sed interemptores.
Vel potiùs nobis ediscere, quos aut
quales tali honore digneris. Nonne
iudicio tuo veri Thomistæ habendi,
quotquot hucusque recensui? Recen-
sebo iterum, si placet. Primus in
Scena fuit Albertus Magnus, secun-
dus Innocentius Quintus seu Petrus
à Tarantasia, tertius Herueus, quar-
tus Petrus de Palude, quintus Ar-
mandus de Bello Visu, sextus Ro-
bertus Holkothius, septimus D. An-
toninus, octavus Raynerius Pisanus,
nonus Capreolus, decimus Soncinas,
vndecimus Dominicus de Flandria,
duodecimus Cardinalis Caietanus,
decimustertius Ferrara, decimus-
quartus Conradus, decimusquintus
Iauellus, decimussextus Deca Hispani-
ensis, decimusseptimus Ioannes de
Neapoli, postremus Dominicus So-
to. Nonne omnes hi apud te in Ca-
talogo sunt verorum Thomistarum?
Vel forte solus ille, quem vt auxilia-
rem præ cæteris ad signa tua vocas?
Dicendo, pro omnibus prodeat resolu-
tissimus Durandus, qui præter acciden-
talem, arbitrii libertatem; aliam essen-
tialiam quam libertatem absolutè sum-
ptam appellat, in voluntate ut à libero
arbitrio distinguitur, admittit.

Certè quamvis hunc tibi darem,
non ideo verus aliquis Thomista,
sed Thomisticus Apostata à te pu-
gnaret. Præterquam quod nec tali
te dignor honore, ut resolutissimus
ille à parte tua sit. Capitè iam iam
sequenti, idipsum manifestò, vt
omnibus numeris scena absoluta
maneat.

In Epi-
st Pro-
droma
ad Pe-
tau.
pag. 17.

CAPVT XII.

Adducuntur contra Vincentium Durandus, quem tamen præ ceteris sibi auxiliarem putat.

Non diffiteor, Vincenti, Durandum in loco à te adducto affirmare, quod libertas absolute sumpta & libertas arbitrij differunt: quia libertas absolute sumpta est in plus quam libertas arbitrij. Quod & sic explicat. Nam cum libertas sit in omni natura intellectuali & in illa solum, natura autem intellectualis includat intellectum & voluntatem, ideo omnis actus ad quem concurrat intellectus & voluntas; potest dici liber, etiamsi non esset possibilitas ad oppositum actum. Libertas enim sic absolute sumpta solum excludit à cognoscente & volente coactionem, quæ pertinet ad seruitutem absolute & simpliciter. Libertas verò arbitrij est, quæ quis potest in aliquem actum vel eius oppositum contrariè vel contradicorè. Et sic libertas excludit non solum coactionem, sed omnem necessariam habitudinem, necessariam dico necessitate absolute.

Non diffiteor (inquam) hæc à Durando dici, verum hoc tamen vicissim persuasum contendo, quod nomine libertatis absolute sumptæ non intelligat illam tuam libertatem essentialem, sed aliam toto cælo diuersam; sicut & ceteri Thomistæ: ac proinde tuus non erit, sed contra te pugnaus. Probo autem hoc assumptum ex Doctrina Durandi multipliciter.

Primo, quia libertas tua essentialis (vt iam pluries moui & vt in tua Theriaca doces) consistit in modo agendi, voluntati peculiari: vnde & nusquam affirmas, illam inueniri in actibus intellectus, vel saltim non

doces, illam inesse omni actui intellectus: quæ etiam de causa apud te non inuenitur, quod generatio verbi Divini, quæ est actus intellectus, sit libera libertate essentiali, quamuis passim id affirmes de spiratione Spiritus Sancti, at libertas absolute sumpta, de qua loquitur Durandus, non est peculiaris soli voluntati, sed reperitur etiam in omni actu ad quem concurrat intellectus, ergo non est eadem libertas, illa tua essentialis, & illa de qua loquitur Durandus.

Secundo, quia libertas tua essentialis, etiamsi non sit cum possibilitate ad oppositum, est sufficiens ad meritum: at libertas absolute sumpta, de qua loquitur Durandus, si possibilitas ad oppositum non adsit, non est ad meritum sufficiens. Ergo non est eadem. Discursus est in forma, & maior tua doctrina, minoremque probo patentissimè.

Primo quia Durandus in Secundo, Distinctione quinta questione, tertia ad Tertium expressè docet, quod vna ex conditionibus ad meritum requisitis: Et libertas operantis, vt operatio sit in potestate operantis; nihil autem est in potestate nostra: (inquit alio in loco) nisi actus nostri eliciti, vel imperati à libero arbitrio. Et rursus alio in loco, Per liberum arbitrium intelligimus illud principium, per quod habemus dominium nostrorum actuum, sic quod in potestate habentis tate principium, est exire in actum, vel non exire, & exire in aliquem actum vel eius oppositum. Sicut & in loco citato à Vincentio hic, ait, Quod libertas arbitrij est, quæ quis potest in aliquem actum vel eius oppositum contrariè vel contradicorè. Ergo de primo ad vltimum sentit libertatem requisitam ad meritum debere esse cum possibilitate ad oppositum. Patet consequentia, quia docet meritum debere esse actum existentem in

potest.

Durandus in 2. Dist. 24. q. 2. resp. 1. s. 1.

In The. 1. 1. c. 10. in initio & c. 24. § ad hoc autem.

In 2. dist. 26. q. 1. 6. Tertium apparet.

Ibidem dist. 24. q. 1. circa medium.

potestate operantis, & deinde quòd nil in potestate nostra est, nisi sit à libero arbitrio, quod rursus ait, non operari prout tale, absque potestate ad oppositum, ergo exigit ad meritum libertatem arbitrij, seu illam, quæ est cum possibilitate ad oppositum. Maximè cum in Secundo Dist. 24. quæstione tertia, conclusione secunda expresse resoluat de possibilitate ad oppositum, quòd illa sola dicitur libertas arbitrij.

Secundò manifestè id ipsum ostèdo ex quadam solutione, quam in Quarto, Dist. 49. quæstione octava, adhibet huic argumento. Meritum non consistit in actu necessario, sed aliqui merentur appetendo beatitudinem, ergo eam non appetunt saltem necessario. Ad hoc respondet Durandus, præmittendo prius, quòd beatitudo potest accipi vel in speciali pro eo in quo verè consistit, sicut est visio Divinæ essentia, vel potest accipi secundum communem & generalem rationem beatitudinis, quæ est bene se habere & carere malo. Si beatitudo (inquit) accipitur in speciali pro eo in quo verè consistit, sic voluntas viatoris non necessario vult beatitudinem, sed potest non velle negativè, & etiam nolle: si autem accipitur beatitudo secundum generalem rationem beatitudinis, hoc modo omnes volunt beatitudinem, &c. Quo præmisso sic respondet ad argumentum. Ad tertium patet, quòd beatitudinem in particulari, quantum ad id in quo verè consistit, non appetimus naturaliter sed liberè; & idè in eius appetitu potest esse meritum vel demeritum. Ecce ubi ad salvandam rationem meriti confugit aperte (sicut alij Thomistæ) ad libertatem qua quis potest velle vel non velle. Sentit ergo non sufficere libertatem illam absolutè sumptam, quam absque possibilitate ad oppositum definierat.

Quare resolutoriè dicendum est,

Durandum nomine *Libertatis absolutè sumptæ*, non intellexisse illam tuam libertatem essentialtem in sensu, quòd à te asseritur; sed solum voluisse, libertatem prout dicit immunitatem à coactione, quam & nos iam sæpè tibi in actibus necessarijs concessimus, & iterum infra cum omnibus Theologis concedemus.

Infra l.
1. c. 3.

Et hoc solum de Durandi mente fuisse, patet iterum ex verbis eius adductis: inquit enim: *Quòd libertas sic absolutè sumpta, solum excludit à cognoscendo & volente coactionem, quæ pertinet ad servilitatem absolutè & simpliciter.* Ergo per similem libertatem solum intendit immunitatem à coactione. Unde & idem Durandus, non obstante tali libertate in actu amoris beatifici, negavit absolutè & simpliciter eundem liberum esse, inquiens alio in loco sic: *Actus voluntatis respectu Dei in Patria, erit necessarius & non liber, sine in diligendo Deum amore benevolentia, sine fruendo Deo amore concupiscentia.* Quasi libertatem illam absolutam à coactione non tanti faciens, ut propter eam, amorem beatificum simpliciter liberum prædicaret.

In 4.
dist. 49.
q. 4. ad
1.

Hoc ergo iam actum est, Vincenti, quòd ostendimus, non omnes veros Thomistas tuos esse, quando & Thomisticum Apostatam tibi eripimus, cuius tamen honorem & gloriam in opinione tua usurpare contendis. Et certè eodem veritatis re-nore, post veteres hos à me enumeratos, possem & integram scenam necere, omnium quotquot ex isthola Thomistica deinceps prælo prodire: si non alia ratione studia instituissem; quam ut farragine textuum & citationum codices imple-rem. Namque & ingenuè fateor, id mihi ingenij non esse, cum plus delectet ratiocinatio & Theologicus discursus, veluti est apud S. Thomam & reli-

& reliquos Scholasticos perspicere, quam continuo verba aliorum, de libro (vt aiunt) in quinternium transferre. Hoc tamen hac in parte hic peractum sit, mihi que indultum; ne antiquæ nostræ scholæ noua monstra se ingerant & decorem eius suarum fæditate opinionum potius deturpent, quàm locietate honorent.

CAPVT XIII.

Diluntur euasiones, quibus Vincentius conatur testimonia veterum Thomistarum eludere.

TESTIMONIA, quæ hucusque ex veteribus Thomistis adduximus, putabit fortasse aliquis duplici via posse eludi.

Prima est, applicando illam distinctionem de duplici libertate, essentiali & accidentali, quam supra capite primo ex Vincentio adduximus: & dicendo veteres illos Thomistas solum loqui de libertate accidentali, quando vel potestatem indifferentem ad rationem libertatis requirunt, vel eandem libertatem actibus omnino necessarijs denegant. Ita vt mens illorum præcise sit, potestatem indifferentem requiri ad libertatem accidentalem, contrarietatis scilicet vel cōtradictionis, eamque solum actibus necessarijs deesse, minime autem omnem veram libertatem absolutè. Hanc viam indicat Vincentius in Theriaca lib. I. c. 26. §. Sic enim paulatim.

Secunda est, vtendo altera distinctione; quam licet alijs terminis, in re tamen confundit Vincentius cum præcedenti. Videlicet quod libertas, alia est liberi arbitrij generaliter sumpti, alia liberi arbitrij speciatim sumpti. Et cum liberum arbitrium

generaliter sumptum, nil aliud sit, quam quælibet libera voluntas siue finis siue medij, liberum autem arbitrium speciatim sumptum, determinatè sit voluntas libera circa media seu voluntas electiua; hinc sit, quòd prima libertas, possit dici libertas voluntatis absolutè, secunda autem, per Antonomasiam libertas arbitrij, vel etiam libertas voluntatis, prout est vis electiua. Primam libertatem docet Vincentius subsistere absque vlla prorsus formali indifferentia, sicque eam confundit cum libertate sua essentiali; Secundæ verò indifferentiam adscribit: sicque eam confundit cum accidentali: vtramque tamen eodem modo sustinet esse veram & propriam libertatem ad meritum sufficientem. Posset ergo dici, veteres illos Thomistas solum loqui de secunda libertate, quæ est libertas arbitrij speciatim sumpti, non autem de prima, quæ est libertas arbitrij generaliter sumpti seu libertas voluntatis; quando ad eius rationem indifferentiam requirunt, vel eam actibus necessarijs denegant. Hanc viam Vincentius indicat in Theriaca lib. I. cap. 21. in principio.

Sed rem consideranti attentius, apparet euasiones has friuolas esse.

Quantum ad Primam fateor libenter, Thomistas in præfatis Testimonijs non fuisse locutos, nisi de sola libertate contrarietatis vel contradictionis; quando ad rationem libertatis indifferentiam Exigunt, eandemque actibus voluntatis necessarijs denegant; cæterum quod præter hanc, adhuc aliam agnouerint in voluntate veram & propriam (& vt tu appellas) essentialem, hoc nego milles, & probo.

Primò, quia si illam tuam libertatem essentialem tecum in mente habuissent, propter quam & actus necessaria-

cessarij mererentur dici verè & propriè liberi, etsi aliàs carentes libertate contradictionis & contrarietatis; cur quæso propter solam huius carentiam, absolutè liberos esse negassent? Profecto nulla alia de causa id fieri potuit, quam quia omnis alia libertas, deficiente hac, ab ipsis insufficienti iudicabatur, ad propriam & veram tam humani quàm Diuini arbitrij libertatem saluandam.

Explico hoc, præsupponendo priùs, ideo secundum Vincentium libertatem contradictionis vocari accidentalem, quia aptitudo illa expandendi se vsque ad non agendum, oritur ex libertate essentiali, tamquam accidens quoddam nobis notius, quod aliquando interueniente obstaculo deest; vt contingit in productione Spiritus Sancti & amore beatifico, & vniuersaliter in quocumque actu voluntatis specificatiuè & elicituè necessario: in quibus, licet accidentalis illa aptitudo ad non agendum deficiat, subsistit tamen libertas essentialis consistens in modo agendi ex perfecta aduertentia rationis. Hoc præsupposito, explico argumentum inductum sic. Thomistæ absolutè & sine vllò addito denegant actibus omnino necessarijs libertatem: vt maxime patet ex illa propositione Ferrariensis, *ad actus, ad quos voluntas naturaliter & necessario inclinatur a Deo, non habet libertatem.* En libertatem sine vllò addito negatam. Et iterum ex illa. *Circa Deum vt visione beatifica cognitum, non est libera voluntas.* En rursus libertatem sine vlla restrictione, negatam. Et tandem ex illa Durandi, *actus voluntatis respectu Dei in patria eius necessarius & non liber.* En iterum libertatem negatam sine vlla Prorsus imitatione seu addito. Tunc sic; negant illis actibus absolutè & sine addito libertatem? Et

go sentiunt, id quod huiusmodi actibus deest in ratione liberi, esse plus quàm libertatem aliquam accidentalem.

Probo consequentiam, quia propter defectum solius accidentis, nequit absolutè & sine addito ratio aliqua de subiecto negari. Qua de causa falsum proferret, qui absolutè & sine addito diceret, Ostreas non sentire, licet aliàs ipsis desit aliqua perfectio accidentalis vitæ sensitiuæ, verbi gratia potentia loco motiua. Ergo pariter, licet respectu actuum necessariorum desit illa perfectio accidentalis libertatis, verbi gratia aptitudo expandendi se vsque ad non agendum, non tamen propter hoc, poterit absolutè dici actus illos non esse liberos.

Secundò: quia si acceptionem illam libertatis essentialis & accidentalis Thomistæ agnouissent; profecto ea aliquando, imò & semper in omnibus illis locis adductis vsi fuissent: cum namque ibidem de natura libertatis disputent, eiusque conditiones indagant, absque cubio ipsa causa rei postulabat, essentialem & propriam rationem libertatis tradere: si ergo nil aliud de ea continuo tradunt, quàm quòd libertas est facultas, seu aptitudo ad agere & non agere, ne vmbra quidem aliquius alterius libertatis insinuantes; quid, Vincenti, contendis, illos de sola libertate accidentali esse interpretandos?

Tertiò: vera libertas, de qua nos disputamus (vt tumet fateris) est illa quæ sufficit ad meritum: at præter libertatem contrarietatis & contradictionis nullam aliam Thomistæ agnoscunt ad meritum sufficientem, vt ex testimonijs omnibus & singulis patet: ergo nullam aliam veram, prout in præsentī disputamus, agnoscunt, quam con-

trarietatis vel contradictionis.

Quartò: quia si illa glossa de libertate accidentali admittatur; potius omnes textus Thomistarum falsificantur, quàm explicentur: ergo vt omnino aliena & spuria d. mente ipsorum debet rejici. Antecedens breuitatis causa, tantum ostendo in quatuor textibus. Primus sit ille Alberti Magni. *Libertas consistit in hoc, quòd possit velle hoc, & non velle hoc.* Quæro, Vincenti, qua veritate potuerit hoc Albertus asserere, si tecum sensit essentiam libertatis in ista indifferentia non consistere? Secundus sit ille alter Innocentij Quinti. *Habere se ad vtrumlibet, essentiale est omnipotentia rationali, eò quòd libera est.* Quæro iterum, qua veritate potuerit hoc dicere, si tecum sensit, illam indifferentiam ad vtrumlibet, solum esse accidens libertatis, & non eius essentiam? Tertius sit ille textus Caietani. *Libertatem esse compositibilem necessitati simpliciter alicuius actus, falsum est.* Dic rursus, qualiter hoc verum; si Caietanus (vt tu vis) tecum sensit, libertatem veram & propriam, imò & ipsam essentialem rationem libertatis, necessitati simpliciter alicuius actus compositibilem esse? Quartus tandem textus sit ille alter Conradi. *Tunc homo agit actionem humanam liberam, quando ad eam habet absolute indifferentiam, sic quòd potest eam agere & non agere.* Quæro iterum, qua veritate potuerit hoc dicere, si tecum sensit hominem, etiam extra casum omnis indifferentiæ, actionem humanam liberam agere? Et quidem libertate verissima, propria & essentiali? Certè quantum capio, quantum sapio, glossam huiusmodi nec capere possum, nec sapere: cum veritatem litteræ manifestè corrumpat & eludat.

His rationibus, Vincenti, puto primam illam tuam explicationem de

libertate essentiali & accidentali sufficienter explodi. Sed nunc videamus, quid veritatis contineat illa secunda, qua dicis Thomistas loqui de libertate arbitrij speciatim sumpti, non autem de libertate voluntatis absolute.

Dico igitur, quòd distinctio illa in se legitima quidem est, quæ scilicet diuidis veram libertatem, in libertatem voluntatis, & in libertatem arbitrij; seu alijs terminis, in libertatem arbitrij generaliter sumpti, & in libertatem arbitrij speciatim sumpti, seu prout vis est electiua, cæterum quòd iuxta mentem Thomistarum, indifferentia requiratur, solum ad libertatem arbitrij speciatim sumpti, non autem ad libertatem voluntatis seu arbitrij generaliter sumpti; hoc iterum totis viribus nego.

Quoad primum, quod scilicet distinctio illa in se legitima sit, patens est mihi ex expressa & aperta doctrina S. Thomæ, dum q. 24. de Veritate art. 1. ad 20. dixit, *quòd habemus respectu finis ultimi (scilicet in via) liberam voluntatem &c. non autem liberum iudicium* (id est arbitrium) *proprie loquendo, cum non cadat sub electione.* Ecce liberam voluntatem distinctam contra liberum iudicium seu liberum arbitrium: & ex consequenti, rectè distinguitur libertas voluntatis contra libertatem arbitrij proprie & speciatim sumpti. Ratio autem huius est, nam libera voluntas in plus patet, quàm liberum arbitrium, si id proprie & speciatim sumas: libera enim voluntas indifferenter dicitur tam de libera voluntate versante circa finem, quàm de libera voluntate versante circa media; liberum verò arbitrium, si id speciatim sumas, solum dicitur de libera voluntate versante circa media: cum nominet voluntatem precisè prout est vis electi-

na propriè, & electio propriè sumpta solum sit circa media, teste D. Thoma q. 22. de Veritate art. 15. in Corpore, dum ait, *proprium obiectum electionis est id quod est ad finem*. Qua de causa etiam docuit 3. Ethic. lectione 5. in fine, *volumus nos esse felices, quod est ultimus finis, & hoc dicimus nos velles: sed non conuenit dicere, quod eligamus nos esse felices; quia electio non est idem voluntati*. Rectè ergo distinguitur libertas voluntatis cōtra libertatem arbitrij speciatim sumpti, seu contra libertatem voluntatis, prout voluntas est vis electiua propriè.

Ceterum quod Thomistæ in locis citatis exigant indifferentiam, nō solum ad libertatem arbitrij speciatim sumpti, sed etiam ad libertatem arbitrij generaliter sumpti, seu ad quamcumque veram libertatem voluntatis, probō iterum & satis efficaciter.

Primò: quia exigentes indifferentiam ad libertatem, loquuntur de libertate sine vilo addito aut restrictione: ergo mens illorum est comprehendere omnem veram libertatem, tam voluntatis absolutè, quam arbitrij speciatim sumpti. Probo cōsequentiam, quia vbi ipsi non restringunt, nec nos restringere debemus. Et antecedens patet, in primis ex textu Caietani. *Oportet libertatem esse respectu alicuius oppositionis*. Ecce libertatē indefinitè & sine vlla restrictione. Deinde ex textu Ferrariensis. *Moueri simpliciter liberè, est habere in potestate sua moueri & non moueri*, nō dixit moueri liberè libertate arbitrij speciatim sumpti, sed, *moueri simpliciter liberè*. Rursus ex eo, quod communiter supponunt & approbant hanc definitionem, *potentia libera est quæ positis omnibus requisitis potest agere & non agere*. In qua definitione non determinatur prosectò de potentia libera sola libertate arbi-

trij, sed de potentia libera absolutè.

Secundò: quia nonnulli eorum negantes actibus necessarijs libertatem, expressis verbis nomināt libertatem etiam voluntatis: ergo perperam contenditur, solum negare libertatem arbitrij. Patet antecedens. Primò ex textu Ferrariensis, *circa Deum, ut visione beatifica cognitum, non est libera voluntas*. Non dixit solum, *non est liberum arbitrium*, sed *non est libera voluntas*: ergo negat illi adui etiam libertatem voluntatis; secundò ex textu Conradi. *Vbi iudicium practicum non est liberum, sed determinatū ad vnum, sicut respectu ultimi finis, ibi nec voluntas est libera*. Ecce iterum, non dixit, *ibi non est libera electio*, sed, *nec voluntas est libera*. Negat ergo etiam liberam voluntatem. Tertiò ex textu Caietani: siquidem illa, verba S. Thomæ, *necessitas autem naturalis non aufert libertatem voluntatis*; dicit solum posse verificari de necessitate quoad specificationem seu obiectiue, & non de necessitate tam obiectiue quam elicitiue: ergo hanc secundam sentit auferre, non solum libertatem arbitrij sed etiam voluntatis, de qua in illa propositione erat sermo.

Tertiò: quia exigunt indifferentiam ad libertatem nō qualitercumque; sed ex conceptu proprio veræ libertatis, in quantum libertas est reduplicatiue & formaliter; ergo sentiunt, illam debere reperiri respectu cuiuscumque actus, in quo est proprius conceptus libertatis in quantum libertas est, ergo tam respectu actus voluntatis finis, quam respectu actus voluntatis circa media; semel posito quod vterque verè & propriè liber sit. Consequentia sunt legitimæ, cum omne predicatum conueniens tali vt tali, debeat ipsum comitari vbiicumque est tale. Antecedens

dens verò, patet iterum ex illo textu Conradi, si quid sit non solum natura, sed cum hoc libera natura; in quantum liberum est, non erit determinatum ad unum. En exigit indifferentiam ad liberum formaliter in quantum liberum est. Rursus ex illo textu Armandi, causa agens liberè, ut sic nunquam producit aliquid necessariò. Ecce iterum sermonem, de agente libero reduplicatiuè prout sic, seu in quantum liberum est. Tertiò ex illa consequentia Soncinatis. *Voluntas in hoc instanti est potentia libera, ergo respectu contradietionum, Quæ consequentia nequit esse legitima & formalis, nisi consequens sequatur ex antecedenti in quantum tale est.* Ut si dicas, Petrus currit, ergo mouetur; motus sequitur ex currente in quantum currens est. Quartò tandem ex eo quòd libertatem per indifferentiā definiat, dicentes; *Causam liberam esse, quæ possit omnibus requisitis potest agere & non agere:* at omnis bona definitio debet competere definitio secundum, quod tale, ergo sentiunt indifferentiam competere principio libero secundum quod liberum est.

Hæc omnia Vincenti, ita solida & perspicua sunt, tamque indubitata de mente Thomistarum, ut nulla ratione tergiversari queant: quare resolutoriè dico, vtramque illam explicationem seu potius putatam euasione, à te insinuatam, friuolam esse, & omnino voluntariam absque ullo prorsus fundamento. Quod & exinde patet vberius. Nam vtramque illam explicationem posses accommodare sententijs Scholasticorum modernorum, eadem facilitate, qua de facto accommodas sententijs veterum; cum certè moderni non aliter de natura, seu essentia libertatis loquantur, quàm veteres: imò eodem quasi propositiones apud utrosque inveniuntur; nempe

quòd potentia libera sit illa, qua possit omnibus requisitis potest agere & non agere. Quòd actus liber sit ille quem possum facere & omittere. Quòd actus habentes absolutam necessitatem, non sunt verè & propriè liberi. Hæc (inquam) & similia passim inveniuntur tam in veteribus (sicut vidimus) quàm in modernis, sicut perlegenti illos constare potest. Ergo eadem lege posses dicere, Vincenti, quòd moderni in similibus sententijs non loquantur de libertate essentiali aut de libertate voluntatis, sed solum de libertate accidentali, aut de libertate arbitrij speciatim sumpti. Et ex consequenti, si per illam viam (ut putas) concilias tibi mentem veterum, constanter affirmans, illos omnes à te pugnare, cur pari passu per eandem non concilias tibi mentem omnium modernorum; ita ut eos etiam à partibus tuis stare affirmes? Quod cum minimè facias, sed potius ubique supponas, modernos Scholasticos non à te sed contra te pugnare; sit euidens, glossam illam omnino voluntariè pro veteribus fingi.

Sed non possum non apponere, quòd nihil responsi in toto tuo opere inueniam, quantum ad alteram illam partem de meritò, qualiter scilicet Thomistæ sint intelligendi; quando indifferentiam exigunt ad actionem meritoriam. Fortè id ipsum omisisti, quia consensit omnes veros Thomistas in hoc contra te pugnare. Sed si ita est; quid quæso solati ex hac nobili Schola tibi potest superesse? Nil aliud (ut video) quàm quòd asseras, id quidem à Thomistis dici, sed contra apertam doctrinam S. Thomæ.

Rideo, mi Vincenti, hanc tuam censuram. Quin imò nil contra Sacti Thomæ doctrinam apertius, quàm hæc censura tua; ut iam iam manifestò.

In The
riac. li.
2. ca. 9.
sect. 2.
9. Verò
deinde
Thomæ.

festis. Ponis ostium in fidelissimos discipulos, quasi illis eiectis, tibi soli discipulatum tanti præceptoris arrogans. Qui ergo Sancti Thomæ veri discipuli? Nonne tu qui solus Thomista es? Sed scriptum est, *Vae soli.*

Ecclesiast. 4.

CAPVT XIV.

Adducitur contra Vincentium Sanctus Thomas.

Sicut ostensum est, Vincenti, non omnes veros Thomistas tuos esse, sed apertissimè contra vtramque tuæ opinionis partem pugnare, ita dubitare fas non est, quin & eorum Ducem in ytraque parte contra te habeas. Millia fortè & millia locorum adduci possent, quæ huius rei fidem facerent: sed ne prolixitas tardium pariat, breuiora tantum eaque euidentiora secernam. Primo loco, ea quæ exigunt potestatem indifferentem, ad libertatem. Secundo loco, ea quæ exigunt potestatem indifferentem, ad meritum. Sed quia omnia & singula vno eodemque capite perstringi nequeunt, pluribus Sectionibus vtendum erit.

SECTIO I.

Expenduntur tria loca Sancti Thomae, in quibus exigit potestatem indifferentiam ad rationem Libertatis.

PRIMUM LOCVM desumo ex quæst. 22. de Veritate artic. 6. in fine Corporis, vbi sic satur. *Cum autem voluntas dicatur libera, in quantum necessitatem non habet, libertas voluntatis in tribus considerabitur, sci-*

licet quantum ad actum, in quantum potest velle vel non velle, & quantum ad obiectum, in quantum potest velle hoc vel illud & eius oppositum, & quantum ad ordinem finis, in quantum potest velle bonum vel malum. Ecce vbi libertatem solum agnoscit respectu triū, scilicet respectu actūs, respectu obiecti, & respectu ordinis in finem, apponendo in quolibet illorum, indifferentiam: in primo quidem respectu actūs, penes posse agere & non agere & hoc sonat indifferentiā contradictionis: in secundo, respectu obiecti, penes posse agere hoc vel eius oppositum, & hoc spectat ad indifferentiam contrarietatis: in tertio tandem respectu ordinis in finem, penes posse agere bonum vel malum, quod etiam spectat ad indifferentiam contrarietatis. Sentit ergo in actibus voluntatis elicitis cum omnimoda determinatione tam quoad actum, quam quoad obiectum seu ordinem in finem, quales sunt spiratio Spiritus Sancti, & amor beatificus, nullam inesse veram libertatem.

Et certè, Vincenti, neutra ex tuis glossis, hic locum habet. Non primæ, qua velles dicere Sanctum Thomam hic solum loqui de libertate accidentali Tum quia loquitur de libertate, à qua voluntas dicitur libera, absolutè, & sine vlllo addito: non dicitur autem absolutè libera, ab eo quod solum est accidens quoddam libertatis; sed magis ab eo, quod est ipsa libertatis essentia. Tum etiam, quia si solum fuit locutus de libertate accidentali, verè sentiens præter illam, dari adhuc aliam essentialē; ergo insufficienter resoluit, dicens, *Quod libertas voluntatis consideratur in tribus: rectius & magis doctrinaliter dixisset, quod consideratur quidem in illis tribus; sed potissimè & essentialiter adhuc in quodam alio, vt tu dicis.*

Secunda etiam glossa, qua velles dicere ipsum loqui de sola libertate arbitrij speciatim sumpti; manifestè repugnat textui. Inquit enim, *Cum autem voluntas dicatur libera*. Et deinde, *Libertas voluntatis considerabitur*, &c. Ergo loquitur de libertate arbitrij secundum quod generaliter idem est, ac quolibet libera voluntas, seu de libertate ipsius voluntatis.

SECUNDVS LOCVS fit ex quæst. secunda de potentia articulo tertio in principio Corporis. *Voluntas* (inquit) *in quantum voluntas, cum sit libera, ad vtrumlibet se habet*. Potest enim voluntas agere vel non agere, sic vel sic facere, velle & non velle, & si respectu alicuius, hoc voluntati non conveniat, hoc accidit voluntati, non in quantum voluntas est, sed ex inclinatione naturali, quam habet ad aliquid sicut ad ultimum finem, quem non potest non velle. Ex quibus verbis duplex conficio argumentum.

Ex prioribus quidem hoc. Nam dicendo, *voluntas in quantum voluntas, cum sit libera, ad vtrumlibet se habet*, virtualiter fecit hanc consequentiam. *Voluntas in quantum voluntas est libera, ergo prout talis, indifferenter se habet ad opposita*. Sed ista consequentia non valeret, si voluntas (vt vult Vincentius) posset esse, verissimè libera absque vlla indifferentia: ergo dicendum est secundum mentem Diui Thomæ, nullam dari veram libertatem sine indifferentia ad oppositum.

Ex posterioribus etiam verbis potest euidenter argui. Nam in illis (vt consideranti apparet) contraponit voluntatem vt operantem ex necessitate naturalis inclinationis ad vnum, cum voluntate vt operante liberè: ergo sentit liberam non esse, prout formaliter ex tali necessitate operatur.

Et si hic quoque glossam aliquam quis velit apponere, quod scilicet solum loquitur, aut de libertate accidentali, aut de libertate arbitrij, propter easdem rationes audiendus non est. Loquitur namque doctrinaliter, & indefinitè, qui modus loquendi æquiualeat propositioni vniuersali, ac proinde complectitur omnem veram libertatem. Deinde, quia etiam (vt supra) expressè nominat libertatem non arbitrij, sed voluntatis; ergo voluntariè restringis ad solam libertatem arbitrij.

TERTIVS LOCVS, non vnicus aut simplex est; sed potius varius & multiplex ex pluribus consistens. Inspiciantur igitur omnes & singulæ quæstiones, in quibus agit de libero arbitrio Diuino, Angelico, & Humano, & apparebit clarè, nullam vnquam aliam libertatem in libero arbitrio agnoscisse, præter illam, quam Vincentius accidentalem vocat contradictionis aut contrarietatis. Ergo alteram in eodem arbitrio velle collocare, nimirum libertatem essentialem, quæ absque indifferentia tam contradictionis, quàm contrarietatis subsistit, potius est fingere, quàm Diui Thomæ vestigijs inherere. Consequentiam iudico legitimam; & antecedens non aliter probo, quàm præcipua loca adducendo.

In primis primâ parte, quæst. 19. articulo 10. volens saluare libertatem arbitrij Diuini, quamuis impossibile sit, quòd Deus velit malum culpæ, respondet ad Secundum, hoc non obesse, quia equidem *ad opposita se habet in quantum velle potest hoc esse vel non esse*. Ecce recurrit ad indifferentiam contradictionis, vt saluet libertatem arbitrij Diuini.

Rursus ad idem, quæst. 16. de Malo, articulo quinto in Corpore: *Voluntas Dei* (inquit) *non sic fertur ad*

unum in suis effectibus, quin quantum est de se, possit in aliud, & secundum hoc competit ei libertas arbitrij. Ecce iterum probat indifferentiam, ut probet libertatem arbitrij Diuini.

Iterum in Secundo Distinct. 25. quæst. prima, art. primo ad Secundum. *Ad libertatem arbitrij pertinet, ut actionem aliquam facere, vel non facere possit; & hoc Deo conuenit, bona enim qua facit, potest non facere.* Ecce probat indifferentiam, ut saluet libertatem arbitrij Diuini.

Iterum eodem in loco ad Annib. artic. 1. in Corpore. *Quidquid Deus circa creaturas vult, tale est, ut absque eo nihilominus perfectio Diuina bonitatis saluetur.* Unde patet, quod illud non vult ex necessitate naturæ, sed ex arbitrij libertate: & sic concedimus, quod Deus habeat liberum arbitrium. Ecce iterum, ut saluet libertatem arbitrij Diuini circa creaturas, negat Deum illas velle ex necessitate naturalis inclinationis, & per consequens exigit indifferentiam.

Et qua via, procedit de libertate arbitrij Angelici? Profecto non alia, sed omnino eadem. Argumentum erat prima parte, quæst. 59. art. 3. ad probandum Angelum non esse liberi arbitrij, quia videlicet, liberum arbitrium se habet ad utrumlibet, & ista indifferentia seu indeterminatio videtur repugnare perfectioni voluntatis Angelicæ, &c. Respondet, negando quod repugnet. *Non pertinet (inquit) ad imperfectionem Angeli, si non habet voluntatem determinatam respectu eorum, qua infra ipsum sunt.* En manifestissime defensatam indeterminatorem, seu indifferentiam, ut saluet quoque libertatem arbitrij Angelici.

Ad idem facit locus ille ex Secundo contra gentes, capit. 48. ratione prima, ubi sic de substantijs intellectualibus satur. *Libertatem necesse*

est eas habere, si habent dominium sui actus, ut ostensum est: ostenderit autem cap. precedenti, ratione 2. dominium eas habere ratione voluntatis, utpote in ipsa existens agere, & non agere. Ergo idem quod prius, Sentit libertatem arbitrij Angelici non posse saluari, nisi saluetur indifferentia.

Tandem de libertate arbitrij humani, nil aliud ipsum docentem inuenies. Prima parte, quæstione 83. artic. 3. in Corpore. *Liberi (inquit) arbitrij esse dicimur, quia possumus unum recipere, alio recusato.* Ecce recurrit ad indifferentiam.

Rursus quæstione 24. de Veritate, articulo primo in quinto argumento, *Sed contra, in hominis potestate est facere & non facere, & ita est liberi arbitrij.* Ecce recursus ad indifferentiam.

Iterum in Secundo ad Annibaldum Distinct. 24. quæstione vnica, articulo secundo in Corpore. *Homo vero & iudicium de suis operibus habet & libertatem in iudicando. Quæ quidem libertas provenit, cum ex ratione quæ ad opposita viam habet, tum ex voluntate quæ non est determinata ad unum, & pro tanto dicitur esse liberi arbitrij.* Quid clarius? Libertatem arbitrij humani ex nullo alio capite provenire ostendit, quam ex indifferentia, tam rationis quam voluntatis. In longum abiret sermo, si singula essent recensenda. Videamus, Vincenti, quam glossam hic adhibere possis.

Absque dubio dices, Diuum Thomam in similibus locis sumero liberum arbitrium, speciatim prout est vis electiua: & in hoc sensu rectè ad eius rationem saluandam, exigere indifferentiam contradictionis vel contrarietatis: cum hoc tamen compati, quod, (si sumatur generaliter pro quavis voluntate libera) illam.

indifferentiam ad eius essentiam, non exigit.

Sed responsio reuera est insufficiens & solisterminis ludit. Quod sic ostendo. Primò: quia D. Thomas in omnibus istis textibus à me adductis, non solum nunquam assumit hæc nomina, *electio*, aut *voluntas prout est vis electiva*, sed nec recordatur quidem, ut ex littera patet: vel si in vno aut altero illorum de electione loquitur, absque vllò prorsus fundamento restringitur ad voluntatem electiuam speciatim sumptam, seu prout distinguitur contra voluntatem liberam finis. Ergo signum euidentis est; quando in singulis recurrit ad indifferentiam pro libertate arbitrij saluanda, quod loquitur de libero arbitrio generaliter pro quacumque voluntate libera, & non solum de voluntate libera speciatim electiua.

Secundò, quia si in omnibus istis solum loquitur de libertate voluntatis, prout est vis electiua speciatim sumpta; sequitur aperte (cum illa libertas per se, sit tantum accidentaliter potens per modum accidentis, libera voluntati adesse & abesse) quòd tantum ostenderit Deo, Angelis, & hominibus conuenire aliquod accidens libertatis: & sic conclusio ista, illata de Deo in questione 16. citata de Malo, & secundum hoc competit ei libertas arbitrij, faciet hunc sensum, quod propter aliquod accidentale in genere liberi, conuenit Deo libertas arbitrij, Et similiter illa illata de homine in Secundo ad Annibaldum, & pro tanto dicitur esse liberi arbitrij, eundem sensum faciet, quod scilicet homo propter aliquod accidens libertatis, dicitur esse liberi arbitrij. Quo quid absurdius & tanto Magistro indignius; qui conclusiones suas quantum possibile est, semper conatur ex rationibus earum,

formalibus deducere?

Tertiò: quia libertas arbitrij generaliter sumpti, & libertas arbitrij speciatim sumpti, tantum differunt ex parte obiecti attacki, non autem in modo illud liberè attingendi, ergo quod Sanctus Thomas petit pro libertate vnus, petit quoque pro libertate alterius: & sic, si indifferentiam exigit ad libertatem arbitrij specialiter sumpti (ut solutio fatetur) exigit quoque eandem ad libertatem arbitrij sumpti generaliter pro quacumque libera voluntate. Consequentia sunt legitima, & antecedens proba. Quia libertas arbitrij generaliter sumpti, & libertas arbitrij speciatim sumpti, tantum differunt penes hoc, quòd prima, est libera voluntas circa finem: secunda autem, libera voluntas circa media; cum prima, sit liber actus electionis propriè sumptæ, & hæc solum sit circa media. Vnde & Diuus Thomas: questione 14. de Veritate, articulo 1. ad Secundum dicit, *Quòd habemus respectu finis ultimi liberam voluntatem, &c. non autem liberum iudicium* (id est arbitrium) propriè loquendo, cum non cadat sub electione. Ecce solam differentiam, ex eo quòd vna libertas sit circa finem, altera circa media. Et iterum tertio Ethicorum lect. 5. in fine, *volumus nos esse felices* (inquit) *quod est ultimus finis; sed non cõuenit dicere, quòd eligimus nos esse felices; quia electio non est idem voluntati.* Ecce rursus solam differentiam ex parte obiectorum; quòd vna nimirum sit finis, altera mediorum. Ergo non differunt illæ libertates in modo libertatis, seu liberè attingendi suum obiectum, sed præcisè ex parte obiecti attacki. Imò & ex expressa doctrina Vincentij id ipsum patet, dum nullius alterius differentiam manifestat, quam prædictæ. *Aristoteles eandem anima potentiam* (inquit in Theriaca)

quàm

In The
circa ist.
I. c. 12.
S. Dñus
Thomas.

quàm voluntatem alijs generaliter appellant, in duas quasi facultates, voluntatem scilicet specialiter dictam, & liberum arbitrium partitur: ut voluntatis officium sit intendere finem, liberi arbitrij, eligere media ad finis affectionem. Si ergo solum differunt ex parte obiecti atq; ista libertates, non autem in modo illud liberè attingendi; planè profecto sequitur, rationem indifferentiæ, quam Dñus Thomas exigit pro libertate vnius, exigere quoque pro libertate alterius.

Explico hoc. Dñus Thomas nequit exigere indifferentiam ad libertatem voluntatis, prout vis est electiua, propter hanc rationem formaliter; quòd ipsa scilicet sit circa media: cum etiam circa media detur actus voluntatis absque ulla prorsus indifferentia, quando nimirum medium habet necessariam connexionem cum fine necessario amato. Exigit ergo indifferentiam, formalissimè propter aliam rationem; quia nimirum est circa media liberè, seu modo verè libero. Tunc vtrà. Ergo pro voluntate finis, quando ipsa quoque est circa finem liberè, seu modo verè libero; exigit pariter indifferentiam. Patet consequentia, quia quod exigitur pro aliquo, quatenus est hoc, pro omni tali per se exigitur. Certè, Vincenti, glossæ tuæ vnde quaque deficiunt.

SECTIO II.

Expenditur contra Vincenium locus famosus ex questione sexta de Malo, in quo & eius sententiam ut hæreticam censurari probatur.

PERGAMVS deinde ad locum quendam Sancti Thomæ, ex qu-

6. de Malo, articulo vnico, cuius & tu, Vincenti, meministi, & famosum appellas. Inquit ibi Angelicus Præceptor sic. Respondeo dicendum, quòd quidam posuerunt, quòd voluntas hominis ex necessitate mouetur ad aliquid eligendum: nec tamen ponebant, quòd voluntas cogeretur. Non enim omne necessarium est violentum, sed solum id cuius principium est extrà. Vnde & motus naturales inueniuntur aliqui necessarij, non tamen violenti. Violentum enim repugnat naturali, sicut & voluntario, cuius vtriusque principium est intrà: violenti autem principium est extrà. Hac autem opinio est hæretica. Tollit enim rationem meriti & demeriti in humanis actibus: non enim videtur esse meritorium vel demeritorium, quòd aliquis sic ex necessitate agit, quod vitare non possit. Est etiam annumeranda inter extraneas Philosophiæ opiniones; quia non solum contrariatur fidei; sed subuertit omnia principia Philosophiæ Moralis.

Profectò quando hunc locum attentè considero, nil aliud concipere possum, quàm ipsam tuam sententiam hic censurari, Vincenti, quantum ad id quod in ea de libertate humana discutris sub efficacis gratiæ tractu. Vt suprà capite secundo retuli, duo de libertate humana sub illo statu doces. Primum, quòd, quando voluntas in via per prædeterminationem gratiæ efficacis aliquid eligit, tunc in illo instanti se ingerit illa necessitas, quæ in amore beatifico interuenit. Et cum illa necessitas talis sit, ut vitari non possit; doces secundo & consequenter omnino, quòd voluntas in via, quando per prædeterminationem gratiæ efficacis in vnâ partem flectitur, in alteram se reflectere non possit, nisi prædeterminatione excussa, non ea retenta. Et certè quòd sic discutras, minime miror, supposita tua sententia,

tia, quod scilicet ad veram libertatem potestas ad oppositum non requiratur, imo & tam arcta necessitas sufficiat, qualis conspicitur in productione Spiritus Sancti.

Sed vis nunc videre, qualiter id ipsum D. Thomas in hoc loco, vt hæresim anatematizet & Argumentor sic. S. Doctor dicit, esse hæreticum, dicere voluntatem in via, sic de necessitate agere, quod hoc vitare non possit, potentia scilicet nec consequente nec antecedente: sed si opinio tua vera est, voluntas nostra in via, sic de necessitate agit, quod hoc secundum neutram potentiam vitare possit: ergo iuxta mentem D. Thomæ potius hæresim affirmas, quam dogma Thomisticum aut Catholicum. Consequentia est legitima, & maior est D. Thomæ: minor autem est tuum proprium dictum: vt namque dixi, doces voluntatem prædeterminatam tali necessitate agere, quali agit mens beati in amore beatifico; ea autem talis est, vt amorem vitare non possit nec potentia antecedente nec consequente, vt tumet cum Thomistis fateris: ergo apertè doces voluntatem in via sic de necessitate agere, quod hoc neutra potentia vitare possit. Deinde (vt expressis terminis fateris) voluntas prædeterminata in vnam partem, in alteram se reflectere non potest, nisi prædeterminatione præsentis excussa non ea retenta: ergo iterum ponis, stante & perseverante gratia efficaci, nullam in voluntate veram potentiam esse, vt possit a. ctum vitare: pater consequentia, quia si stante gratia adhuc vera potentia in voluntate esset ad vitandum; iam verè posset in oppositum non solum prædeterminatione præsentis excussa sed etiam ea retenta, Quod est contra te.

Respondes, hæc quidem vera esse, sed minimè cadere in censuram D.

Thomæ: nam ipse (vt tu explicas) solum loquitur in casu potentium voluntatem sic ex necessitate agere, sicut agunt bruta.

Sed hanc fugam duplici argumento euerto. Primò sic. Nam esto ibi damnatæ necessitatem brutalem: ratio tamen illam damnandi, eadem inuenitur in necessitate, quam prohibet Vincentius: ergo non solum brutalem sed etiam Vincentij necessitatem in re damnat. Probo antecedens. Ratio damnandi necessitatem brutalem, tamquam facultati electi hominis inimicam, est, quia secundum eam ponitur homo sic ex necessitate agere, quod vitare non possit: hanc enim & non illam D. Thomas in istis verbis assumpsit: ac huiusmodi, etiam est necessitas inducta à Vincentio, vt doctrina eius testatur: ergo ratio damnandi necessitatem brutalem eadem inuenitur in necessitate Vincentij.

Explico hoc, præsupponendo prius, quod necessitates tamquam Erroneæ damnatæ & libero Arbitrio repugnantes, sunt potissimum tres: necessitas nempe Stoica seu Fatalis (sub qua brutalis quoque comprehenditur) & necessitas Manichæa, & necessitas Caluinistica. Omnes hæc necessitates, in vno, quod maximè ad rem facit, conveniunt; licet in alio, quod ad rem non ita facit, discriminentur. Conveniunt quidem, quatenus quælibet illarum tam arcta est, tamque validè hominem in operando constringit, vt facere non possit oppositum illius, quod semel per istas necessitates statutum est. Hoc namque dicunt vniòrmiter & Stoici & Manichæi & Calvinistæ. Sed discriminantur in assignanda causa seu origine huius necessitatis. Stoici enim illam reducebant in fatum: intelligentes nomine fati, ferri inenitabilem causarum naturam

In The
ria. l. 1.
c. 8. sect.
7. 6. Cap.
1. 1. 1.

lium & præcipue Cælorum influxum qua de causa & dicebant (vt testatur ex Aristotele D. Thomas in hoc articulo vñico de Malo) quod talis est voluntas in hominibus, qualem inducit Pater virorum Deorumque, id est Cælum vel sol. Manichæi verò illam reducebant in animam malam, ita secum animam hominis bonam abripientem, vt eam non nisi malum vellet sineret. Sed Calvinistæ eam reducunt ad causam increatam, videlicet in motionem Diuinam, seu in Decretum Dei. Itaque præcisè differunt hæ necessitates ex parte causarum, & omnino in eo conueniunt, quod quælibet illarum constringit arbitrium sic, quod eam vitare non possit.

Hoc supposito, sic argumentum factum dilucido. Prædictæ necessitates, quoad præsens spectat, non tam damnantur propter earum causas, quàm propter intrinsecam earum inenitabilitatem, taliter vt non tam sint malæ & damnatæ, propter id in quo differant, quàm etiam propter id in quo conueniunt: imò necessitas Calvinistica ex parte causæ in qua differt, nil damnabile continet: reducere namque necessitatem eligendi (si quæ talis reuera esset) in causam primam & increatam, damnabile esse nequit. Damnantur ergo, formalissimè loquendo, quoad punctum libertatis, quia quælibet illarum absolute inenitabilis est, seu quia facit hominem, sic ex necessitate agere, quod vitare non possit; ista enim impotentia vitandi, ex quacumque causa extrinseca proueniat, si reuera talis est, vt absolute hic & nunc non possit homo in oppositum maximè libertati electionis repugnat. Cum ergo Vincentius in quælibet electione viz fateatur, talem se ingerere necessitatem pro instanti electionis, vt reuera hic & nunc ho-

mo eam vitare non possit, apertè sequitur sententiam eius in re hic à Sancto Thoma damnari.

Secundò principaliter impugno solutionem hoc argumento. Nam eo ipso, Vincenti, quod ponas voluntatem viatoris, sic ex necessitate agere, vt oppositum pro illo tunc agere non possit; ponis necessariò, quod agat sicut brutum quantum ad modum agendi; licet non sicut brutum quantum ad substantiam operis: sed non solùm est hæreticum dicere, quod agat sicut brutum, quantum ad substantiam operis; sed etiam quod agat sicut brutum, quantum ad modum agendi: ergo censuram Diui Thomæ non euadis. Discursus est legitimus; si maior & minor probentur.

Probo itaque in primis maiorem, & quidem dupliciter. Primò: quia Diuus Thomas quarto contra gentes capite 36. ratione quinta arguens contra Macharium Antiochenum, qui non ponebat nisi vnam tantum voluntatem in Christo; sic eum redarguit: Si in Christo voluntas humana non fuit; sequitur quod neque secundum naturam assumptam, liberi arbitrij fuit (loquitur apertè de libero arbitrio prout non solùm nominat nudam voluntatem, sed etiam prout propriam suam facultatem operandi & non operandi superaddit) igitur (immediate infert) non agebat Christus homo ad modum hominis, sed ad modum aliorum animalium, quæ libero arbitrio carent. Nihil igitur in eius actibus virtuosum & laudabile aut nobis imitandum fuit; contra illud Matthæ 11. discite à me &c. En breuissimè infert; si Christo homini potestas arbitrij ad agere & non agere defuisset quod ipse vt homo, operatus fuisset non ad modum hominis, sed ad modum aliorum animalium. Sentit ergo manifestè ex defectu talis indifferentiæ,

rentiæ, optimè deduci modum agendi brutalem: & ex consequenti iuxta mentem ipsius, qui ponit hominem in via prædeterminatum, ex necessitate agere, vt oppositum non possit; poniteum agere, sicut brutum quoad modum agendi, seu ad modum aliorum animalium, & non secundum modum proprium hominis. Imò hac de causâ expressè dicit quæst. 22. de veritate art. 5. ad 5. in contrarium; *quòd voluntas in quantum est rationalis, ad opposita se habet, hoc enim est considerare ipsam, secundum hoc quod est ei proprium.* En qualiter modum agendi cum indifferentia ad vtrumlibet vocet proprium, modum operandi voluntatis humane: sicut & 1. 2. quæst. 10. art. 1. *est autem alius modus causandi proprius voluntati, quæ est domina sui actus, præter modum qui conuenit naturæ, quæ est determinata ad vnum.* Ergo sentit voluntatem non agere modo sibi proprio seu modo humano, sed potius ad modum agentis naturalis seu brutalis, quotiescumque agit cum tali determinatione ad vnum, vt oppositum non possit.

Secundò probò eandem maiorem. Nam D. Thomas quotiescumque agit de modo agendi brutorum animalium & de modo agendi hominis in via, numquam ponit aliud discrimen, quàm quòd bruta animalia agant ex iudicio ab intrinseco determinato ad vnum, ita vt ex vi illius hic & nunc oppositum agere non possint; homines verò in via agant iudicio libero, indifferenter se habente ad multa, ita vt hic & nunc ex viceiudicio in oppositum possint. Sic docet fortè mille in locis: & videri potest in hac quæst. 6. de Malo, articulo vnicò citato in Corpore; & ad 3. & 1. p. quæst. 83. art. 1. in Corpore, & 1. 2. quæst. 13. art. 2. etiam in Corpore, & quæst. 24. de Veritate art. 2.

per totum. Ergo qui ponit voluntatem hominis in via, sic ex necessitate agere & cum tali determinatione ad vnum, vt hic & nunc oppositum agere non possit, vt tu, Vincenti; ponit necessariò ipsam agere sicut brutum, quantum ad modum agendi. Ac proinde vera est iuxta mentem D. Thomæ maior propositio, quàm in secundo argumento assumpsimus.

Sed iam probò etiam minorem, videlicet non solum esse hæreticum, dicere, quòd voluntas nostra agat sicut brutum, quantum ad substantiam operis; sed etiam, quòd agat sicut brutum, quantum ad modum agendi. Nam profecto in hac parte Caluinus damnatur vt hæreticus; non quia dixerit hominem sub motione Dei agere vt brutum, quantum ad substantiam operis, hoc enim nescio, si vnquam somniauit: certum namque erat ipsi (vt tumet Vincenti fateris) actus nostros sub motione Dei esse actus intellectus, & voluntatis, ac subinde substantialiter diuersos ab actibus brutorum; quòd ergo vt hæreticus damnetur, ideo est, quia asserbat huiusmodi actus sub motione Dei cum tali determinatione ad vnum à voluntate prodire, vt ex vi motionis non relinquatur potestas ad oppositum; ac proinde quia ponebat in voluntate necessitatem brutalem, quantum ad modum agendi, qui est cum intrinseca determinatione ad vnum, seu absque indifferentia. Ergo non solum est hæreticum, dicere quòd agat voluntas nostra sicut brutum, quoad substantiam operis; sed etiam, quòd agat sicut brutum, quoad modum agendi.

SED DICES modum agendi brutalem, non consistere in quali- cumq; determinatione ad vnum, sed in determinatione ad vnum, modo quodam seruilis, ita vt necessitas que-

In The-
riaca l.
2. c. 8.
sec 5. in
fine.

In Theo.
la. c. 5.
sect. 2.
per to-
tam.

dam à tergo quasi vrgens, ea in vnam partem affigat: & Caluinum peccasse, ex eo quod similem modum necessitatis in voluntate nostra posuerit. Dicebat enim (ais) sub impulsu Diuini Decreti voluntatem nostram, fatali quodam impetu, & necessitate coactiua sic abripi, vt actus eius liber & in potestate non esset.

In The-
ria. li. 1.
c. 5. sect.
1. & Nec
refert
quid Cal-
uinus.

Certe mi Vincenti, bella hæc verba sunt: sed magis Scholastica vellem audire. Dic, quæso te, quid in re significet voluntatem determinari ad vnum; modo quodam seruii, & necessitate quadam à tergo quasi vrgente, in vnam partem affigi? Estne aliud, quam voluntatem ita ab extrinseco agente determinatè moueri ad vnu, vt in oppositum non possit? Et rursus, quid in re significat, sub impulsu Diuini Decreti eam fatali quodam impetu, & necessitate coactiua sic abripi, vt actus eius liber & in potestate non sit? Nonne idem quod prius? Videlicet eam ab extrinseco agente sic determinatè moueri ad vnum, vt in oppositum non possit? Ergo qui hoc affirmat (sicut te affirmare ex dictis tuis probaui) in re profecto Caluinistice loquitur; licet non tanta verborum phrasi onustus, sicut deceptor ille.

Explico hoc. Caluinus non ponebat voluntatem nostram ex impulsu Diuini Decreti cogi, coactione omnino rigida, & violentante: siquidem fatebatur, eam concurrere motu spontaneo ad suas operationes. Similiter non ponebat perfectum iudicium rationis ex influxu Decreti perturbari & abripi: siquidem docebat non omnes actus humanos esse primò primos, & iudicium rationis anteuolare. 3. non ponebat voluntatem esse instrumentum inanime, seu merè passiuè se habere, vt erat error Lutheri: sed potius asseribat eam actiuè concurrere, & modo vi-

tali. Hæc tria, Vincenti, tumet in tua Theriaca de mente Caluini esto ingenuè fateris. Ergo de primo ad vltimum Caluinus in re fatebatur, sub Diuino Decreto actus nostros à voluntate exire, tamquam verè voluntarios. Probo istam consequentiam; quia motus exiens à voluntate, vt actiuè & spontaneè operante, ex perfecto iudicio rationis, exit ab illa, vt verè voluntarius: cum nil aliud ad rationem verè voluntarij desideretur. Tunc vltra, ergo nil aliud resistere potest, propter quod hæreticus ille damnetur; quàm quia ponebat talem necessitatem induci à Diuina motione, ita vt actum suum voluntas vitare non posset: licet aliàs verè voluntarium assereret. Qui ergo fateretur (vt tu Vincenti) voluntatem à Deo taliter prædeterminari in vnam partem, vt in alteram, eadem prædeterminatione retenta, se reflexere non possit, verè Caluinisticum dogma, profitetur, quantumvis rationem perfecti voluntarij saluet.

Nec valet dicere? Caluinum perfectam rationem voluntarij minimè saluasse; quia actiuitas, quam ille voluntati concedebat (vt tu ais) tam effrenis & præceps erat, vt sub ea voluntas raptim quasi fatali, potius ageretur, quàm se ipsam ageret; te verò ratione voluntarij perfectissimè saluare, quia actiuitatem ponis (vt iterum ais) molliorem & tractabiliorem, quam voluntas humana perfecta spontaneitate, ita se agat, vt in habendis & potestate sua motum suum retineat.

In Theo.
la. c. 5.
sect. 1. &
traque
cum Cal-
uinus.

Ibidem

Non inquam valet: nam hoc iterum est verbis tantum discernimen assignare & non reipsa. Probo sic. Nam siue actiuitatem Caluinisticam effrenem & præcipitem voces, siue non, ea tamen erat reipsa vera actiuitas, & potentie quidem vitalis, & vitaliter operantis cum perfecto iudicio rationis: non enim negabat Caluinus volun-

voluntatem sub motione Diuina, actiue & vitaliter cum pleno intellectu iudicio ad suas operationes concurrere. Ergo reuera ponebat se mouere, ea in primis actiuitate, quæ requiritur ad quodlibet viuens: & insuper modo quodam speciali, qui in solo viuente intellectuali & voluntario reperitur. Quid ergo mali, aut quid damnable hic subesse potuit? Profecto nil aliud, quam hoc quod hucusque inculcavimus, & quod D. Thomas vt hæreticum condemnat; nimirum, quia simul cum ista actiuitate & modo agendi intellectuali, ponebat voluntatem ex impulsu Decreti, sic ex necessitate agere, quod id ipsum vitare non possit. Quam certe necessitatem sic effrenem & præcipientem tumet in re concedis, Vincenti, licet verbis mollioribus & tractabilioribus vtaris. Si enim doces, voluntatem motione Diuina taliter in vnam partem prædeterminari, vt in alteram eadem prædeterminatione retenta, se reflectere non possit; quid iuvat alijs verba dicere, eandem voluntatem, perfectâ spontaneitate ita se agere, vt in habentis & potestate sua motum suum, retineat? Si motum suum stante tali prædeterminatione in alteram partem reflectere non potest; quomodo illum sub tali prædeterminatione in habentis & potestate sua retinet? Rideo sanè, nam rem nitentem, videlicet equum in potestate sua, motum suum retinere, qui tamen tam validè ab infessore in vnam partem impellitur, vt in alteram se reflectere non possit.

Sed iam audio propositionem illam tuam à te explicari: & dicis, quòd saltem *quantum est ex parte modi agendi*, voluntas prædeterminata potest in oppositum se flectere.

O Thomistica & vera explicatio! Sed prout à te asseritur & sustinetur,

verbalis tantum: quòd enim in ea, nec Thomisticum nec verum aliquem sensum habere possis; ostendo multipliciter, si tua principia teneantur.

Et in primis, quòd non sensum Thomisticum; ex eo redarguo primo: quia in tantum Thomistæ saluant, voluntatem prædeterminatam in instanti prædeterminationis posse se flectere in oppositum, *quantum est ex parte modi agendi*; in quantum asserunt ad omnem actionem verè liberam, ad quam voluntas prædeterminatur, concurrere iudicium indifferens de bonitate obiecti, quo illud non necessariò amandum iudicatur, etiam in eodem instanti, in quo liberè in actum suum exit: hoc enim iudicio instructa voluntas, licet ex vi prædeterminationis in vnam partem infallibiliter quo ad actum secundum exeat; tamen quantum est ex modo agendi, per iudicium videlicet sic indifferens, potest immediatè ex parte actus primi, in partem alteram: at in tuis principijs omnino contingit oppositum; nam asseris expressè voluntatem in instanti quòd liberè operatur, *se determinare iudicio quodam ita necessario, vt in illo instanti aliud medium immediatè eligere non possit*, imo ita necessario, sicut est iudicium regulatiuum amoris beatifici; quòd nulla ratione indifferens est, neque ex parte actus secundum, neque ex parte actus primi ergo in sensu Thomistico saluare non potes, voluntatem prædeterminatam posse in oppositum, *quantum est ex parte modi agendi*.

Secundò: quia Diuus Thomas in loco citato ex hac quæst. sexta de Malo in Corpore, expressè dicit, quòd *Deus voluntatem mouet secundum eius conditionem, non vt ex necessitate; sed vt indeterminatè se habentem ad multa*: ac proinde non mirum Thomistas saluare,

In The
ria. l. 2.
cap. 8.
sect. 7. §
Laudat
vt dicitur
Sicut Tho
mas
& in
epistol.
Prodro
ma ad
Petru.
pagina
22.

In The
ria. l. 2.
c. 23. §
Itaque
vera &
peripato
rica.

saluare, voluntatem, quantum est ex parte modi agendi, retinere potentiam ad oppositum: siquidem asserunt cum suo Duce, illam ex parte modi, moueri vt indeterminatè se habentem; at in tuis principijs tu asseris directissimè contrarium, siquidem affirmas, eam moueri vt determinatè se habentem ad vnum in instanti in quo operatur, & quidem tali necessitate, qualis est in amore beatifico: ergo in sensu Thomistico indifferentiam, quantum est ex parte modi agendi, saluare non potes.

Tertiò: quia Diuus Thomas postquam varijs in locis & præcipuè quæst. 24. de Veritate, articulo 3. in 3. argumento dixerat, quòd liberum arbitrium est potentia ad oppositos actus se habens, & alijs in locis, quod est, facultas rationis & voluntatis, tandem 1. p. quæst. 83. art. 2. ad Secundum illam definitionem explicans, sic facit. Ad secundum dicendum quod facultas nominat quandoque potestatem expeditam ad operandum, Et sic facultas ponitur in definitione liberi arbitrii. Hæc Diuus Thomas. Cui ego hoc notissimum superaddo: nimirum, quando voluntas nostra in via sub adiutorio gratiæ operatur, quod verè tunc operatur liberum eius arbitrium, etiam prout est vis electiua. Quis Catholicorum hoc neget? Ergo combinando hoc cum doctrina Diui Thomæ, necesse est, quòd in illo tunc operetur, cum potestate expedita ad oppositum. Quòd si ita est; ergo iterum non mirum, Thomistas verè saluare in voluntate nostra, sub adiutorio efficacia gratiæ, indifferentiam, quantum est ex parte modi agendi: siquidem asserunt cum suo Duce, adesse simul potestatem ad oppositum expeditam, seu proximam: at tu, Vincenti, omnino negas voluntatem sub prædeterminatione gratiæ proximè ad oppositum expeditam permanere: ergo

velis, nolis, indifferentiam Thomisticam quantum est ex parte modi agendi, saluare non potes.

Deinde quòd non solum in sensu Thomistico; sed nec in aliquo vero sensu, indifferentiam, quantum est ex parte modi agendi, saluare possis; sic probo. Quia (vt rei veritas habet, & tumet fatiis) voluntas nequit ferri in incognitum: vnde si quam indifferentiam habet ex modo agendi, nequit sanè illam habere; nisi pro illo tunc reguletur aliquo iudicio, etiam indifferenti quoad modum representandi bonitatem obiecti: si enim & bonitas representata sit determinata, & etiam modus illam representandi sit determinatus ad eam necessariò prosequendam; qua ratione modo quodam indifferenti voluntas illam prosequetur? Nisi fortè quis velit eam ex modo agendi, operari circa incognitum, quod est absurdum. Qua de causa Diuus Thomas constantissimè semper affirmat, & præcipuè quæstione 24. de Veritate art. 2. in principio Corporis, quòd tota ratio libertatis ex modo cognitionis dependet: quia videlicet nulla libertas potest reperiri in modo agendi voluntatis circa aliquod obiectum, nisi adsit indifferentia intellectus, seu iudicij in modo illud representandi; at tu fateris, quod in ultimo instanti, quo voluntas operatur, nulla indifferentia adsit ex parte intellectus seu iudicij, sed potius pro illo tunc se determinet iudicio ita necessario, vt aliud immediatè eligere non possit: ergo qua via secundum veritatem defendere potes, voluntatem in illo instanti, sic obiectum illud prosequi, vt quantum est ex parte modi agendi, actum suspendere possit? Dic queso, Vincenti, si voluntas ex vna parte non potest ferri in incognitum, & ex alia, nullo modo ei ostenditur possibilitas suspensionis actus, ratione deter-

In The
ria l. 1.
c. 6. 1.
Itaq; ve-
ra.

determinationis omnimodæ, ex parte iudicij ad agendum tantum; qualiter verificalis eam sic agere, vt ex modo agendi, non agere possit, si non agere, nullo modo ipsi vt possibile ostenditur? Aut (vt iterum verbis tuis vtar) si intellectus nullum aliud tunc medium immediatè eligibile ei re-
presentat?

Rursus ad idem sic Argumentor. Nam secundum tuam doctrinam, suprema illa & essentialissima (vt ita dicam) necessitas productionis Spiritus Sancti non obest libertati ad meritum sufficientis: & ex consequenti teneris fateri; quòd quamvis tam arcta necessitas inest actibus nostræ voluntatis in via, a quidem essent liberi vera libertate: I. cet iam hoc ipsum in epistola Prodrōma, parum tibi constans, media ex parte neges: sed sub tali necessitate Chimericum est, imò & periculosum in fide, velle ponere indifferentiam *quantum est ex parte modi agendi*, vt infra ex professo demonstrabitur: ergo reuera indifferentiam *ex modo agendi* saluare non potes, si principia, quæ de libertate tradis, sustineantur.

Dicta igitur recapitulantes, hoc contra te ostendimus Vincenti, quod certè censuras, illam famosam ex quæst. citata de Malo non enadis, Vt enim luxulenter satis probatum est, doces voluntatem nostram, *sic ex necessitate agere, quod vitare non possit*, & vt inquit ibidem S. Doctor, *hæc opinio hæretica est*. Appono etiam verba posteriora; quòd scilicet *annumeranda est inter extraneas Philosophiæ opiniones: quia non solum contrariatur fidei, sed subvertit omnia principia Philosophiæ Moralis*; quòd & suo loco in secundo Libro, vbi rationibus agemus, satis patebit.

SECTIO III.

Expenduntur plurima loca S.Thomæ, quibus exigit potestatem indifferentiæ ad rationem meriti: simulque ostenditur, Vincentium dolose egisse in citatione cuiusdam testimonij pro se.

PERGO, VINCENTI, ad secundam partem tuæ opinionis, qua asseris, quòd sit contra apertam doctrinam S. Thomæ, negare illam tuam libertatem essentialem omnis indifferentiæ expertem, sufficere ad meritum. Nescio profectò qualiter tibi simile commentum in mentem venerit: cdm oppositum in S. Doctore patentius sit, quàm quòd ostensione egeat. At verò, si expander amplius, proferreque lubet disputationem, etiam in his, quæ adeò manifesta sunt; imaginationi tuæ pareo libenter. Subijcio ergo potiora loca, quæ commentum tuum euidenter falsitatis arguunt.

PRIMUM desumo ex quæstione 22. de Veritate, articulo septimo, in quo Sanctus Doctor ipsissimam nostram difficultatem in proprijs terminis quærit, & disputat: videlicet, *num aliquis mereatur, volendo illud, quod de necessitate vult?* Et quòd subly de necessitate, comprehendat etiam necessitatem naturalis inclinationis, seu voluntariam (vt nos disputamus) patet manifestè ex argumentis, quæ pro parte negatiua statuit: & specialiter ex Tertio, quòd sic habet. *Nulius meretur nisi per actum virtutis, sed omnis actus virtutis est ex electione, non autem ex naturali inclinatione: ergo nullus meretur in eo, quod de necessitate vult.* (Intellige necessitate naturalis inclinationis, seu volunta-

In The-
riac-ibi-
dem.

In epist
Prodr.
ad Ri-
cord. 4. c.
2. 6. Vnde
h. in re-
bus

Infra 1.
3 cap 4
sect. 2.
per 10.
tam.

luntaria) Ecce argumentum intendens probare, actum elicitum ex necessitate naturalis inclinationis, seu voluntaria, non esse meritorium. Et quid quæso Angelicus Præceptor resoluit?

Audi resolutionem. Respondeo dicendum, quod aliquis volendo id, quod naturaliter vult, quodammodo meretur, & quodammodo non. Ad cuius evidentiam sciendum est; quod homini inditus est appetitus ultimi finis sui in communi, ut scilicet appetat se naturaliter esse completum in bonitate. Sed in quo ista completio consistat, utrum in virtutibus, vel scientiis, vel delectabilibus, vel huiusmodi alijs, non est determinatum à natura. Quando ergo ex propria ratione adiutus Divina gratia, apprehendit aliquod speciale bonum, ut suam beatitudinem, in quo verè sua beatitudo consistit, tunc meretur: non ex hoc quod appetit beatitudinem, quam naturaliter appetit; sed ex hoc quod appetit hoc speciale, quod non naturaliter appetit: ut visionem Dei: in quo tamen secundum rei veritatem sua beatitudo consistit. Patet igitur quod volendo id quod naturaliter vult, secundum se non est meritorium, sed secundum quod specificatur ad hoc vel illud, potest esse meritorium. Et hoc modo Sancti merentur (intellige in via) appetendo Deum vel vitam æternam. Et per hoc patet responsio ad obiecta.

Hæc ille mi Vincenti. Ex quibus patet (ut terminis Capreoli utar) Quod cum quis diligit Deum sub ratione ultimi finis vel beatitudinis, existens in gratia, meretur: non ex hoc quod appetit ultimum finem in quantum huiusmodi; quia hoc est sibi naturale & necessarium sed in quantum appetit vel diligit hoc speciale, quod non necessarium, nec naturaliter appetit, scilicet Deum Trinum & Unum. Nonne ergo aperte in negat Sanctus Doctor, actibus necessarijs necessitate naturalis inclinationis, formaliter quia tales sunt, inesse ra-

tionem meriti? Et nonne confugit pro illa saluanda, ad aliam formalitatem, videlicet, quatenus cum indifference specificantur ad hoc vel illud? Quia ergo phantasia motus, hoc ipsum contra Sanctum Doctorem esse, somnasti?

SECUNDVS LOCVS fit ex 4. dist. 49. quest. 1. art. 3. quæstiuncula 3. ad 2. Quod erat huiusmodi. Cum meritum & demeritum sint circa idem; nullus meretur in eo, quod vitare non potest, sicut nec peccat, ut dicit Augustinus: sed homo non potest non appetere beatitudinem, ergo nullus appetendo beatitudinem meretur. Quid iterum Sanctissimus Præceptor noster respondet? Erige aures, Vincenti. Ad 2. dicendum (inquit) quod quamvis nullus possit vitare, quin beatitudinem aliquo modo appetat; potest tamen vitare, quod non appetat eam hoc modo quo est appetenda: & sic potest mereri & demereri? Quid clarius? Estne hoc dicere, quod quis posset mereri per actus ita necessarios, sicut sunt productio Spiritus Sancti, & amor Beatificus, quos constat à suis agentibus nullo modo vitari posse? Prius certè tenebras luci patrocinari, mihi persuaseris quam Angelicum Præceptorem tibi.

SED TERTIVS adhuc virgentior est locus, qui & te nonnihil dolose egisse demonstrabit. Ille est quem habet in 3. dist. 18. quest. 1. art. 2. Cuius quintum argumentum conabatur meritum Christi destruere sub hac forma Naturalibus non meremur, propter hoc quod sunt determinata ad unum: sed liberum arbitrium in Christo, erat determinatum ad bonum: ergo ipse per liberum arbitrium mereri non potuit: & ita nullo modo, cum omne meritum sit ex libero arbitrio. Attende iterum responsionem. Ad 5. dicendum, quod liberum Arbitrium Christi, non erat determinatum ad unum secundum numerum, sed ad unum secundum genus,

D. nus,

nus, scilicet ad bonum, quia in malum non potest: sed hoc tamen (scilicet bonum) potest facere & non facere. Ecce iterum idem quod prius. Ut meriti rationem in libero Christi arbitrio saluet, ostendit illud habere indifferentiam exercitij contradictionis, penes hoc, quod bonum possit facere, & non facere, licet malum non possit. Estne hoc fateri, quod etiam si esset determinatum quoad exercitium; equidem ratio meriti in eodem subsisteret?

Sed hic iam dolus tuus detegendus venit. Paulisper attentiores simus, Vincenti. Post solutionem dictam, quam primo loco nobis dedit Sanctus Doctor, subiungit aliam, secundo loco hoc modo. *Vel dicendum, quod si etiam esset, liberum arbitrium Christi, determinatum ad unum numerum, sicut ad diligendum Deum, quod non facere non potest; tamen in hoc non amittit libertatem, aut rationem laudis siue meriti, quia in illud non coactè, sed sponte tendit, & ita est actus sui Dominus.* Quibus verbis (vt tu autumas) sententiæ tuæ omnino patrocinator videtur namque hac secunda solutione apertè velle, libertatem & meritum etiam absque indifferentia contradictionis in Christo subsistere.

Transeat hoc, Vincenti; nam gratis tibi dare volo; sententiam tuam, quantum ad Christi libertatem attinet, in hac secunda solutione contineri. Sed non possum non mirari duo. Primum, quod sic placidè primæ solutionis in scriptis tuis oblitus fueris: nusquam enim illam recitas, nusquam commemoras; ac si ea nec in Sancto Thoma extaret, nec sententiæ tuæ aduersaretur. Planè in hoc dolosè agis, & sic prætermittendo quod tibi capitaliter inimicum est, lectorem arguta fallacia circumuenis, vt credat hoc solum

à Sancto Thoma dici, quod tibi in exteriori specie fauere videtur. Alterum, quod æquè miror, est, vsque adeò secundam illam solutionem à te magnificari; quasi totus Achilles sit tuæ opinionis. *Hoc testimonium (inquis aduersus Petauium) toties tam vobis obiectum, cur non repellitis? Cur ara vestra Dodonæa hic silent, & Delphis oracula cessant? Ecce enim iterum in oculos tibi ingero: S. Thomas dicit, actum quo Christus viator amauit Deum, etiamsi non indifferens sed ad unum numerum determinatus esset; fuisse nihilominus liberum, laudis & meriti fontem, voluntatisque dominio subiectum. Quomodo igitur dicere potes (Petauium) Diuum Thomam non agnoscere nisi in solo liberi arbitrij utrimque flexilis actu, propriam libertatem, laudem & meritum?*

Hæc tu, Vincenti, aduersus capitales tuos hostes, & fastu satis arroganti, dum ipsos tintinnabuli diu nocturneque continuo crepitantis metaphora tamquam homines iusto loquaciores feris. Sed quidquid sit de hoc (non enim illorum, sed Sancti Thomæ & Thomistarum causam suscepi) transeamus ad rem nostram. Si fortè apud Petanianos oracula cessant, profecto in Scholæ Thomistica necdum: nisi fortè eam Dodonam imagineris, eiusque columbam oracula pandentem, ad vos euolasse. Rideo hoc. Coruus fortè euolauit, qui tibi veritatem Thomisticam, non puram sed sua nigredine conspersam, insufflauit.

Vis ergo puram audire? Ea est quam tibi prima solutio ostendit, non secunda; supposito tamen, quod proteruè contendas, in secunda; aliquid tuæ opinionis contineri. Quod ideo dico, quia aliàs absolutè iudico, secundam etiam posse in sano intellectu accipi & explicari, vt suo loco infra ostendam. Si

Epist.
Prodro-
ma ad
Petauium
pag. 24.

tamen

Infrà l.
1. cap.
1. Sect.
1. in
princi
pio.

tamen proteruè velis in ea sententiam tuam haberi; gratis do: sed nihil propterea in favorem tuum ex mente Sancti Thomæ conficis. Scias ergo solutionem illam secundam (admisso quod opinioni tuæ partim patrocinetur) fuisse ab Angelico Præceptore adhibitam, non ex mente propria sed aliorum, non ex propria officina, sed aliena: ut namque ex omnibus locis citatis constat; loquendo iuxta mentem propriam, semper continuus & constans fuit in exigendo pro ratione meriti, libertatem indifferentiæ. Quod ergo in Tertio Sententiarum contraria solutione semel usus fuerit; factum videtur, ut quibusdam viris doctis deferret, qui tunc temporis hoc verum vel probabile iudicabant. Neque enim hoc à Sanctis Præceptoribus omnino alienum, quod aliquando occasionaliter secundum opiniones aliorum loquantur, quas tamen ex mente propria nunquam asserere intendunt.

Simile huius rei habemus, & in magno Augustino, & in Diuvo Dionysio, & in Gregorio Magno, & etiam in ipso Sancto Thoma.

In Augustino quidem; nam ipse teste Diuvo Thoma 1. p. quæst. 54. ar. 5. ad 1. sæpius locutus fuit secundum opinionem illorum, qui posuerunt Angelos & Dæmones habere corpora: qua ratione dixit lib. 8. de ciuitate Dei cap. 6. in Angelis esse vitam *que intelligit & sentit*. Et rursus 21. de ciuitate cap. 10. hac via soluit quæstionem illam; qualiter ignis gehennalis, si corporalis est, possit malignos spiritus adurere: *quia sunt quedam (inquit) sua etiam Dæmonibus corpora, sicut doctis hominibus visum est*. Hac igitur opinio-
(ait Sanctus Thomas) frequenter Augustinus in libris suis vtitur, licet

eam asserere non intendat. En simile in Augustino: quod scilicet non semel tantum, sed & frequenter quedam dixerit ex mente aliorum, quæ tamen nunquam asserere intendebat ex propria.

In Diuvo etiam Dionysio hoc simile occurrit, & in eadem quidem materia; dum cap. 4. de Diuinis nominibus dixit; *est in Dæmonibus malum, furor irrationabilis, demens concupiscentia, phantasia proterua*: quasi sentiens Dæmones esse corporeos, seu naturæ sensitiuæ. Sed (ut occurrit ibidem lectione 19. Sanctus Thomas) *Dicit hoc secundum opinionem aliorum: quidam enim posuerunt Dæmones esse animalia corpore aerea, mente rationalia, animo passiva. . . . Hac autem opinio non fuit S. Dionysij*. En Diuinissimus Dionysius ab hoc quoque stylo non alienus: videlicet quod secundum mentem aliorum quandoque loquatur.

In Gregorio etiam Magno est & aliud simile: nam in Homilia de centum ouibus, vitur opinione dicente, omnes Angelos etiam supremæ Hierarchiæ interdum mitti ad exterius ministerium. Quod tamen contradicit Diuvo Dionysio, qui dicit se contrarium ab Apostolis accepisse, nimirum quod tales Angeli, nunquam ad exterius ministerium mittantur. Sed (ut iterum recte aduertit Sanctus Thomas) *hanc opinionem tangit Gregorius in Homilia; non tamen asserendo*. Non vides hic Gregorium etiam secundum opinionem aliorum loqui, quam tamen ipse ex propria mente asserere non intendit?

Sed accipe nunc simile in nostro quoque Præceptore Angelico. Ipse ergo in Quarto, Distinctione 49. quæst. prima, articulo quarto, quæstiuncula prima in Corpore docuerat; *beatitudinem animæ augeri etiam*

D. Th.
in 1. ad
Anni-
baldū,
Dist. 10
art. 1. in
Corp.

intensivè resumpto corpore: cum tamen expresse Prima Secundæ quæstione 4. articulo quinto ad Quintum id ipsum neget his verbis: Corpore resumpto beatitudo crescit, non intensivè, sed extensivè. Quæ loca advertens Caietanus, sic ad rem nostram satur: Per hanc opinionem (nempe libri quarti Sententiarum) in hoc loco (scilicet Prima Secundæ) ut falsam negavit: ipsaque negatione ex sua officina illam haberi minimè voluit. En Sanctus quoque Thomas, interdum ex aliena mente seu officina loquitur; quæ tamen idemmet falsa iudicat, loquens ex propria.

Sic ergo, Vincenti, de loco, quem nobis in favorem tuum tam gloriosè objicis, philosophari libet. Transeat quòd ibidem in secunda illa solutione (quantum ad libertatem Christi atinet) sententia tua usus fuerit; sed profecto potest dici, quòd utitur ex mente seu officina aliorum, apud quos, quod ipse ex proprijs, ut falsum iudicabat; probabile seu verum apparebat. Et ne putes similia, sine euidenti fundamento à me dici; accipe sequens argumentum, quo rem tibi manifestè probo.

Nam si S. Thomas solutionem illam secundam ex mente propria adhibuisset; eandem utique semper retinisset, quotiescumq; illi de tali materia sermo fuisset: at euidentiissimè fecit oppositum; siquidem septem in locis eandem omninò materiam, versans non secundam solutionem, sed primam adhibuit, secunda relicta: ergo signum euidens est, quod illam profecto non adhibuit; tamquam propriam; sed ut omninò alienam. De ista consequentia cordato Theologo, nè quidem semel dubitare fas est. Si namque (ut ex Caietano iam retuli) quia semel tantum sententiam quandam subiecit, & contrariam protulit, ex sua officina illam

haberi min me voluit, quanto minus ex sua officina venire censenda est, quam non semel tantum, sed septies subiecit, & quasi in tenebris sepeliuit?

Sed assumptum ostendamus, videlicet toties illam solutionem sic reliquisse, & subiecisse.

IN PRIMIS eamus ad quæst. 29. de Veritate, articulo sexto. *Utrum Christus mereri potuerit? Videtur (inquit) quòd non: omne enim meritum ex libertate arbitrij procedit, quia indeterminatè se habet ad multa: sed liberum arbitrium in Christo determinatè se habebat ad bonum: ergo mereri non potuit.* Nonne idem prorsus argumentum, eadem materia, imò & eadem quasi forma? Et quid quæso respondet? An nè adhibendo iterum duplicem illam solutionem, vel fortè secundam tantum? Minimè. Vnam quidem adhibet, sed primam tantum; non secundam. Hanc ut alienam, ut spuriam subiecit, relinquit, omittit. Verba sunt hæc, si fortè videre neglexisti. *Ad primum ergo dicendum, quòd licet anima Christi esset determinata ad unum secundum genus moris, scilicet ad bonum; non tamen erat determinata ad unum simpliciter: poterat enim hoc vel illud facere & non facere, & ideo libertas in illo remanebat, qua requiritur ad merendum.* Mi, Vincenti, his verbis finitur responsio. Ea non amplior, non extensior, non prolixior: hæc legitima statura eius; & nisi tu pro voluntate tua, cubicum alterum adieceris; secundam solutionem non inuenies.

EAMVS deinde ad summam eius Theologicam, quam doctus quisq; ut ultimam eius voluntatem veneratur ac laudat. Quid putas in ea inuenietur? Nec verbum quidem de secunda illa solutione. Constantè & immobiliter adhæret primæ. Audi argumentum. Habetur Ter-

ria parte, quæst. 18. articulo quarto. *Liberum arbitrium* (inquit) *se habet ad vtrumque, sed voluntas Christi fuit determinata ad bonum, quia non potuit peccare, sicut supra dictum est; ergo in Christo non fuit liberum arbitrium*: ac proinde nec mereri potuit. Ecce iterum eandem rem, eandem materiam. Sed quid? Redibitne secunda solutio? quasi ab intestato illam relinquit. Prodeat prima. *Ad tertium dicendum, quod voluntas Christi, licet sit determinata ad bonum; non tamen est determinata ad hoc vel illud bonum. Et idè pertinet ad Christum eligere per liberum arbitrium.* Nunquid hoc iterum est, secundam solutionem aperte deferere? Nunquid hoc est ad indifferentiam confugero, vt liberum arbitrium in Christo, ac proinde etiam capacitatem ad meritum saluet? Estne hoc fateri, sicut in illa secunda solutione, ipsum dixisse putas; quod etiam si liberum arbitrium Christi esset determinatum ad vnum numero, quod non facere non posset; equidem cum tali determinatione haberet sufficientiam laudis & meriti?

TERTIO inspiciamus doctrinam eius, quam habet quæstione 24. de Veritate articulo 1. ad 16. *Si aliqua creatura* (inquit ibi) *immobiliter adheret Deo* (vt scilicet de facto contingit in anima Christi) *non propter hoc priuatur libero arbitrio, quia potest adhaerendo, multa facere vel non facere.* Quid, quæso huiusmodi verbis rursum prætendit? An nè quidpiam aliud, præter id quod in prima solutione docuerat? Nonne iterum in creatura, quæ esset determinata ad bonum per immobilem adhesionem cum Deo, sicut contingit in anima Christi, eatenus libertatem arbitrij saluat, quatenus cum illa determinatione ad bonum in genere, manet potestas faciendi, & non

faciendi hoc vel illud bonum in particulari? Doctrinam ergo illius secundæ solutionis tertio subicit & relinquit.

Sed videamus, vtrum & quartò, & quintò, & sextò, & septimò idem faciat. Erat ergo in Secundo Sententiarum Distinct. 25. quæstione vnica, articulo primo, hoc argumentum positum secundo loco. *Ita hæc que secundum naturam sunt determinata ad vnam partem, non est liberum arbitrium; sed Deus ex natura sue conditione semper determinatè bonum videt; ergo videtur quod libero arbitrio careat.* En quartò quoad rei substantiam, idem argumentum: quod enim hic de Deo, idipsum in tuo loco arguebat de Christo. Sed responsum, audi, & non nisi primam solutionem audies. *Ad secundum dicendum* (inquit) *quod ad rationem liberi arbitrij non pertinet, vt indeterminatè se habeat ad bonum vel malum. Sed hoc ad libertatem arbitrij pertinet, vt actionem aliquam facere vel non facere possit. Et hoc Deo conuenit: bona enim que facit, potest non facere, nec tamen mala facere potest.* En nulla prorsus mentio secundæ solutionis: sepultam eam tenes & in lucem prodire non sinis. Quartò ergo idem fecisse, manifestè comprobatur.

R V R S V S Q V I N T O idem inuenies in eodem loco ad Annibaldum, art. primo: vbi tertium argumentum est huiusmodi, quasi eisdem terminis sicut præcedens. *Ille que sunt determinata ad vnum, non habent liberum Arbitrium, vt patet in rebus inanimatis: sed Dei virtus est determinata ad bonum, quia malitia esse non potest in eo; ergo in Deo non est liberum arbitrium.* Sed audi responsum. *Ad 3. dicendum, quod licet virtus operatiua diuina sit determinata ad bonum, quod contingit ex perfectione Diuina nature, que deficere non potest; non tamen est determinata*

ad vnum: quia Deus bene operando potest hoc vel illud facere vel non facere. Quid clarius? Tota responsio finitur doctrina primæ solutionis. Et secundam nec semel quidem in os assumere dignatur.

SUCCEDAT SEXTVS locus ex primo Sententiarum dist. 42. quaest. 2. art. 1. ad 3. Tertium erat; de ratione voluntatis est, ut libertatem ad vtrumlibet habeat, sed in Deo verissime inuenitur voluntas, ergo potest in vtrumlibet & bonum & malum: vel si non potest; in Deo non erit voluntas seu liberum arbitrium. Ast quid respondet? An nē dicit, in Deo esse liberum arbitrium, quia licet malum non possit, agit tamen bonum sponte & non coactē? Minimē profecto. Redibit constantissime prima solutio, ad indifferentiam confugiens. Ad 3. dicendum (inquit) quod posse peccare secundum Anselmum & Boetium, non pertinet ad libertatem voluntatis, sed magis est conditio voluntatis deficientis, in quantum est ex nihilo. Sed in hoc attenditur ratio libertatis, quod possit hoc facere vel non facere, aut hoc vel illud facere. Videtur aliud quidpiam præter primam solutionem? In posse facere vel non facere (inquit) attenditur ratio seu essentia libertatis; non in eo quod tu imaginaris, Vincenti.

SEPTIMO tandem (ut assumpto omni ex parte satisfaciam) accipe argumentum ex prima parte quaest. 19. art. 10. *Liberum arbitrium* (inquit) est facultas rationis & voluntatis, qua bonum & malum eligimus: sed Deus non vult malum, ut dictum est: ergo liberum arbitrium non est in Deo. Deus bone! Non audietur semel secunda illa solutio, qua Vincentius tam gloriose triumphat? Ad 2. dicendum (prosequitur, prædicat, proclamat iterum, indefesse, immobiliter, constantissime) quod cum ma-

lum culpæ dicatur per auersionem à bonitate Diuina, per quam Deus omnia vult, manifestum est, quod impossibile est, eum malum culpæ velle: & tamen ad opposita se habet, in quantum potest velle hoc esse vel non esse: sicut & nos non peccando, possumus velle sedere & non velle sedere. Quare non dicis Præceptor Angelice doctrinam illam, quā Vincentius, propriam tuam mentem esse, ita firmiter pntat? Videlicet Deum esse liberi arbitrij, quia licet operaretur cum omnimoda determinatione ad vnum, quod non facere non posset; faceret tamen hoc sponte & non coactē, & ita esset actus sui dominus? Quæ ratio, quod toties id tenebris silentij inuoluas, cum tamen mentem tuam esse, constantissime credat Vincentius? Profecto;

Credite cum Leni, qui vultis credere a nostrum est,

Angelicum, talem non docuisse fidem.

VADE ERGO, VINCENTI, & vel dolum tuum vel simulationem, cognosce & agnosce. Neque enim te latere potuit (ut & in hoc Thomistica lectionis studiosum te laudem) solutionem istam sic à Diuo Thoma fuisse derelictam, sicut iam monstratum est. Si tamen reuera latuit: ideo monstratum sit, ut credas aliter & discas magis.

Hoc vnum etiam in fauorem hostium tuorum apponere non dubito; quod si & tu oracula ipsorum attentius super hac re consulisses; profecto non muta ea aut tacentia, inuenisses. Nonne celeberrimum Societatis Iesu seu Scholæ Petauianæ oraculum eruditissimus **PATER SVAREZ**, quem & tu met hinc inde in nonnullam opinionis tux partem trahere conaris? & quid ille responsi edidit, eundem hunc locum nostrum commemorans? *Dupliciter* (inquit alibi) potest voluntas dici libera: scilicet vel tantum à coactione, quia vo-

Suarez
co. 3. in
3. p. di-
spu. 37.
sect. 2.
in prin-
cipio.

luntat-

luntariè operatur & non coactè: vel etiam à necessitate, quia scilicet aliquo modo habet in sua potestate operari & non oprari. Quidam ergo (de quorum numero tu Vincenti) voluntatem Christi faciunt liberam priori tantummodo & non posteriori, ut evitent difficultates quæ sunt in saluanda Christi libertate quoad indifferentiam & carentiam necessitatis. Quin potius etiam Divus Thomas in 3. dist. 18. quæst. 1. art. 2. ad 5. (ecce locum tuum, Vincenti, circa quem æra Dodonæa filere, falsò affirmas) in secunda solutione illius, hanc sententiam ut probabilem relinquit. (intellige iuxta mentem alienam) sed nunquam Divus Thomas in partibus hoc docuit, sed sæpe contrarium: est enim illa sententia omnino falsa & improbabilis. Non audis hic huius oraculi responsum? Non audis hic Divum Thomam hoc ut probabile secundum aliorum opinionem semel asseruisse, nunquam tamen in partibus (ex propria scilicet mente) id ipsum docuisse, sed sæpe contrarium? Quid ergo clamas Delphis oracula cessare & æra Dodonæa vel potius Petaviæna filere? Accipe Doctor Arausicanus in contradictionem tuam hoc verbum Aufonij; nec Dodonæi cessat trimittis abeni.

Sed antequam cum Divino Thoma finiam, dic & nobis ad hanc interrogationem. Esto tuæ sententiæ pars, in secunda solutione contineretur, nonne & tu fateri debes, nostram sententiam contineri in prima? Ita est, ita est, nisi evidentissimis verbis stare recuses. Si ergo ita est, si nostra sententia continetur in prima solutione, & tua in secunda; & vtræ quæ à Divino Thoma adhibetur; quæ ratione dicis, apertè contra Sanctum Doctorem sentire illos Thomistas, qui adhærent primæ solutioni & deserunt secundam, & te minime, qui deseris primam & adheres

secundæ? Nonne honestius æquali illos tecum honore dignareris? Nonne suavior stylus eoque gravior? si utrique sententiæ Thomisticam lauream appendisses? Cur ut speciale tibi arrogas id, quod gemina illa solutio potius sub communis boni participatione relinquit? visne fortè in Sacro monte Thabor, in illo inquam sublimi Theologorum verticè Thoma Aquinate, tibi soli tuisque, exclusis nostris, tabernaculum gloriæ figi? Certè absque censura ignorantie non licet. Non enim sciebat quid diceret. Vel etiam prærendis in domo Abraham dominari ancillam & ejici liberam? Sed quid dicit Scriptura? Ejice ancillam & filium eius, non enim heres erit filius ancillæ, cum filio libera. Nec tu, Vincenti, hæres in hac parte cum filijs Divi Thomæ. Opinio tua tamquam filia ancillæ reiicienda est: solutionem enim illam secundam, quæ tibi opinionem tuam tanta cum confidentia vel peperit, vel confirmavit; Sanctus Doctor non tamquam propriæ mentis partum, sed ut alienæ imaginationis phantasiæ, in sua Schola quasi spuriam, quasi ancillam, & minime liberam subiecit.

Imo dato adhuc, quod in illo loco, sententiæ nostræ non seniel memor fuisset, sed potius solutionem illam tibi fauentem, solam & unicam adduxisset, quid inde? Eset ne ideo tantæ auctoritatis, ut propter eam sententia nostra, Thomistica laurea deberet exui vel spoliari? Scias, Vincenti, inter Theologos circa mentem Divi Thomæ hanc servari regulam; ut nempe dicta eius super libros sententiarum, nullius prorsus censeantur roboris; quando partibus aut Summæ eius Theologicæ contrarie conspiciuntur. Pluribus hoc possem ostendere; sed quia res notissima, vno vel altero tantum exemplo firmabo.

Marci
9. versu
6.

Ad Gal.
latas 4.
versu 30.

Aufonius apud Aufonij
verbo
Dodonæi
naus

Et in primis id quod iam antè ad-
duxi ex Caietano, nonne clarissimè
id ipsum testatur? Docuit Diuus Tho-
mas in Quarto Sententiarum, *Beati-
tudinem animæ augeri etiam intensiue
resumpto corpore*. Sed quis quæso Tho-
mistarum, hoc tamquam doctrinam
Thomisticam amplectitur aut vene-
ratur? Nemo profecto: idque non
alia de causa, quam quia in partibus
expressis verbis docet contrarium, ut
iam superius vidimus.

Deinde in eodem Quarto, Dist.
19. quæst. secunda, articulo secundo,
quæstiuncula secunda docuit Iudi-
cem, vel Prælatum in peccato mor-
tali etiam occulto existentem, &
alios corripientem, seu iudicantem,
peccare, quia *quandocumque* (inquit)
aliquis indignè vitur officio suo, peccat:
*ille autem qui est in mortali peccato, e-
tiam occulto, indignè vitur officio Pra-
lationis, unde peccat corripiendo, vel
quidquid aliud propriè officij exequatur.*
Quæ iterum doctrina nullius inter
Thomistas momenti iudicatur; quia
resolutionibus eius in summa Theo-
logica contradicit: ubi teste Caieta-
no expressè statuit talem Iudicem
non peccare: inquit namque 2. 2.
quæst. 60. articulo secundo ad Ter-
tium. *Si autem non sunt publica* (pec-
cata) *sed occulta; & necessitas iudican-
di imminet; propter officium potest cum
humilitate & timore vel arguere vel iu-
dicare.*

Tandem in Secundo, Dist. 28. ar-
ticulo 2. disertè tradit, & ex profes-
so eninno, hominem in peccato
mortali existentem, non indigere
gratia iustificante, ut vitet oninia
mortalia collectiue, & ut diu ma-
neat absque peccato. Hanc autem
sententiam omnes Thomistæ vni-
versi consensu reiiciunt, ut in Caieta-
no, præsertim & Ferrariensi videre
est: inuenitur enim contrarium do-
cere. 1. 2. quæstione 109. articulo

octauo his verbis. *Antequam hominis
ratio, in qua est peccatum mortale, re-
paretur per gratiam iustificantem, potest
singula peccata mortalia vitare, & se-
cundum aliquod tempus, quia non est
necesse, quod continuo peccet in actu; sed
quod diu maneat, absque peccato mor-
tali, esse non potest.* Vbi manifestissime
gratiam iustificantem requirit, ut
omnia collectiue vitentur, licet non
ut vitentur singula diuiniue. Vnde
contradictionem istam aduertens
Ferrariensis, expressè concludit in
doctrina Thomistica tenendum esse,
non id quod docuerat in Sententijs,
sed id quod docet loco illo ex Prima
Secundæ.

Habemus ergo, Vincenti, nihil
auctoritatis Thomisticæ tibi posse
accrescere ex loco illo Sententiarum,
quem tanta confidentia obijcis, &
circumfers. Dato namque quod ibi-
dem sententiam nostram minimè te-
nuisset; sed solam tuam ut veram ap-
probasset: hoc vnicum omni viro
Theologo sufficere debet; quod no-
stram docuerit in partibus, imò & in
tot locis alijs, sicut iam luculenter
demonstratum est. Ex locis Sen-
tentiarum nihil fidei acquiri potest,
quando in voluntate sua vltima Sum-
mæ Theologicæ contrarium docere
comprobatur.

CAPVT XV.

*Ostenditur, Vincentium contra se quo-
que habere Sanctos Patres, ex
eo quod contra se habeat
Sanctum Thomam.*

VINCENTIVS suam opinio-
nem non solum Thomisticam;
sed & veterum Sanctorum Patrum
Philosophiam esse contendit. Præ-
cipuè autem id ipsum probat per
tria

Ferrara
1. cont.
gent. c.
160. in
huc.

tria capita suæ Theriacæ de Augustino, Prospero, Fulgentio, Damasceno, Anselmo, & Bernardo: nihil aliud ex eorum mente proferens, quam solenne hoc principium: VBI VOLUNTAS, IBI LIBERTAS. Ex quo omnino consequens putat, solum voluntarium ex perfecto iudicio rationis proficiscens, ad libertatem, & ad meritum ac demeritum sufficere.

Hoc sanè principium nos minimè negamus; sed potius vtraque manu amplectimur, si in sensu formali (vti intelligi debere, infra probabitur) capiatur: de voluntate scilicet vt formaliter voluntas est, non de voluntate vt natura est. Sed sic intellectum, tantum abest, quòd consequens Vincentij inferat, vt directissimè concludat oppositum, vt infra videbimus. Interim pro præsentis instituto mentem Sanctorum à parte quoque nostra contra Vincentium pugnare probemus, & quidem hoc argumento, quia pugnat contra ipsum Sanctus Thomas.

Volo ergo hoc principium; Si Diuus Thomas est contra Vincentium, nullus Sanctorum Patrum erit pro Vincentio; esse moraliter firmum & solidum; ita vt prudenti Scholastico de ista conditionali dubitare fas non sit.

Et vt incipiamus, nonne illud Caietani de Angelico Præceptore verissimum, Quia sacros Doctores summè veneratus est; ideo intellectum omnium quodammodo sortitus est? Imò & verissimum esse, ipse Caietanus probat. Scriptum est enim (inquit) quòd declaratio Diuinorum sermonum illuminat, & intellectum dat parulis: dantibus ergo operam declarationi Diuinorum sermonum per Prophetas, Apostolos, Doctoresque sacros, inueniuntur & intellectus ipsorum: vtpote parulis in oculis suis, & seipsos submittentibus illorum doctrinæ. Si ergo Diuus Thomas

præ cæteris Scholasticis operosius, Diuinos Sanctorum Patrum sermones seu sententias declarare semper studuit, summè in oculis suis paruulus, summè seipsum illorum doctrinæ submittens; quis negabit eum, lumen & intellectum omnium fuisse sortitum? Quod si hunc sortitus fuit; ergo intellectus Sancti Thomæ, est verus & genuinus intellectus Sanctorum: & ex consequenti, qui contra se habet hunc, habet & contra se illos.

Imò sicut, teste Diuo Antonino, sciscitanti quondam Thomæ à Diuo Paulo, num probè assecutus esset mentem epistolarum eius, Apostolus ipse respondit, quantum quidem esse qui potest quispiam in humano corpore; ita & de reliquorum Sanctorum mente id ipsum summa cum veritate non dubito posse dici: hanc videlicet in omnibus, & per omnia assecutum fuisse, quantum assequi potest quispiam in humano corpore. Quem namque ipse Apostolus summum & maximum inter omnes humanos suæ mentis interpretem agnouit, & prædicauit; ipsum non est, vt vel vllus Theologorum in interpretanda mente reliquorum Sanctorum excedere præsumat.

Sed obijciatur nobis, Cornelium Iansenium vniuersa opera Augustini decies & amplius, attentione acri, annotatione diligenti, libros rerd contra Pelagianos facillè trigies à capite ad calcem voluisse: ac proinde ipsum potius pro vero Augustini interprete habendum esse.

Profecto obijciatur, & euoluerit millies. Nullus tamen (teste Paulo) mentem suam ac proinde nec Augustini nec aliorum tam probè assecutus fuit, quam Thomas Aquinas. Plus Angelicus ille ex mente Sanctorum hausit, vel vnico solum intuitu quo ipsos perlustrauit, quam Iansenius

Anton.
3. part.
Hist.
tit. 37.
cap. 76.
12.

In Synopli
vi. x
Cornelii Iansenii
quæ habetur in
principio
prima
tom.

Infra l.
3. ca. 4.
sect. 1.
per totam.

Caieta.
2.2. qu.
148. art.
5. in fine
com
menta
rii.

D. Th.
1. p. qu.
5. s. art.
1. in
Corp.

nus tot iteratis vicibus à capite ad calcem euoluendo. Vt namque idemmet alibi fatur; *qui sunt fortioris intellectus, ex paucis multa capere possunt: fortioris autem intellectus inter Scholasticos omnes, Angelicum nostrum fuisse, certissima deuotione mihi persuasum habeo, præsertim si candor castitatis eius profundumque humilitatis perpendatur attentius: utroque enim illo, in gradu tam superexcedenti dotatus fuit, ut donorum potius quam simplicium virtutum rationem tam castitas quam humilitas in eo haberint. Quæ proinde cum ad plenitudinem intellectus qualis luminis, dispositiones sint optimæ & pulcherrimæ: quis vel leniter dubitabit, cum fortissimi & efficacissimi intellectus fuisse? vidit ergo, percepit, intellexit plura castissimus & humillimus Doctor Thomas, paucioribus fortè vicibus Augustinum meditando; quam Ianfenius tot iteratis cursibus in litera, pertinacius insudando. Ita ut & iure merito de ipso dici possit, id quod prima parte quæst. 58. art. 3. in Corpore, Angelicis mentibus attribuit: quod nempe statim in primo aspectu principiorum, totam virtutem eorum comprehendunt, intueudo quidquid ex eis Syllogizari potest. Sic Aquinas (utpote Doctor Angelicus) in primo aspectu Augustini, totam virtutem scripturum eius quasi comprehendit: quidquid ex eis Syllogizari poterat, clarissime intuenso. Sit igitur argumentum hoc, viro Theologo omnino efficax, Augustinum ac proinde & Sanctos reliquos, esse contra Vincentium; si contra ipsum est Doctor Thomas.*

D. Antoninus
vbi su.
171.

Accedat huc admirabilis illa visio, quam iterum Diuus Antoninus Alberto de Brixia contigisse refert. Conspiciebat is Augustinum & Thomam sibi simul apparentes: sed rei

causam ignorans, supplexque ab illis misterium quærens, responsum habuit ex ore illius, qui Pontificalibus insignitus cernebatur. *Quid Miraris Alberto? Ego sum Augustinus Doctor Ecclesie, qui sum missus ad declarandam gloriam Sancti Thomæ. Is est qui mecum est, qui doctrinam meam & Apostolicam in omnibus secutus est: qui totam Dei Ecclesiam sua doctrina fulgoribus mirabiliter illustrauit. En ipse Augustinus fatetur doctrinam Sancti Thomæ, suæ in omnibus conformem esse. Quod si rursus hoc verum est (vti pro verò à Sanctissimo Antonio refertur) per eandem omnino viam incessit uterque & Thomas & Augustinus: proindeque qui à via Diui Thomæ, vt à via quoque admirabilis Præfatus Augustini aberret, necesse est.*

Ad hoc idem respexisse videtur Urbanus Quintus, dum in Bulla ad Academiam Tholosanæ hoc nobile dedit de Sancto Thoma testimonium. *Attendentes quanta à Deo scientia dotatus, Ordinem Fratrum Predicatorum & vniuersalem Ecclesiam illustrauerit, ac Beati Augustini vestigia insecutus, eandem Ecclesiam doctrinis & scientijs quamplurimis ornauerit, &c.* En Pontifex eandem doctrinæ Angelice cum Augustiniana conformitatem, apertissime faretur. Quo ergo fundamento poterit pro opinione aliqua adduci Augustinus, contra quam euidentissimis verbis pugnat Sanctus Thomas?

Nonne etiam Sixtus Senensis debita omnino laude proclamat, huic vni verè Diuino viro Thomæ Aquinati tantam assertioem sententiarumque securitatem diuinitus obtigisse, vt in lectione eius, lector omni suspitione erroris liber, citra vllam offensam tutus & securus expedito gradu expatiari possit, veluti per viam regiam communi Ecclesiasticorum Patrum in-

Bulla
Urbanus
5. ad
vniuersitatem
Tholo-

Sixtus
Senensis
4. Bibl.

cessu

cessu tritam? Vocat Sancti Thomae doctrinam, viam regiam, viam communem Sanctorum Patrum, & audebitne Scholasticorum aliquis eisdem Sanctos Patres sibi Duces & Patronos praesumere, ubi a Sancti Thomae Doctrina longius aberrare comprobatur?

Bulla Pii V. in qua Pontifex hic fatetur, quod praedecessor suus Ioannes vigesimus secundus, adductus miraculorum signis a Diuo Thoma editis, & certissima regula Christianae Doctrinae, qua Doctor Sanctus Apostolicam Ecclesiam illustravit; ipsum in Sanctorum numerum retulit. Vbi pondero Sancti Thomae Doctrinam, vocari certissimam Christianae Doctrinae regulam. Quo sane sicut nil excellentius potuit, de ipso Sedes Apostolica declamare; ita quoque ad rem nostram, nil accommodatius. Sinamque scripta eius, certissima sunt Doctrinae Christianae regula; profecto & lydius lapis esse debent, ad quem ipsa mens sanctorum referenda & examinanda sit: ac proinde qui cum sui placiti vel Patronum vel inimicum habuerit, eadem quoque lege Sanctos ipsos, aut patronos aut inimicos est habiturus.

CAPVT XVI.

Philosophia Augustini. Vbi non est potestas ad oppositum, ibi non est libertas.

QVAMVIS sapienti veroque Theologo forte sufficientia, quae superiori capite diximus, circa mentem Sanctorum in generali, quod nimirum ea non debet credi alia a mente Diui Thomae; tamen ut etiam in particulari hoc ita esse appareat,

libet ulterius per diuersa capita idipsum ostendere: nominatim singulos Patres recensendo, & praecipue illos, quos Vincentius sibi Duces & Patronos praesumit.

Prodeat primo loco Princeps & Imperator omnium Augustinus; & eadem ex hoc Doctore verba assumo, quae tibi, Vincenti, fauere existimas. Ut expressè fateris in tua Thriaca; Augustinus lib. 3. de libero arbitrio cap. 1. sic distinguit inter motum voluntatis, qui dicitur liber, & inter motum, quo lapis deorsum ruit. Motus voluntatis non est vique naturalis, sed voluntarius: in eoque similis est illi motui, quo deorsum versus lapis fertur, quod sicut iste proprius est lapidis, sic ille animi: verumtamen in eo dissimilis, quod in potestate non habet lapis cohibere motum, quo fertur inferius: animus vero dum non vult, non ita mouetur, ut superioribus derelictis inferiora deligat: ideo lapidi naturalis est ille motus, animo vero iste voluntarius. Dic modo, Nonne hic sumit Augustinus, voluntarium pro eo quod nos vocamus liberum? Et quid quæso docet? Nonne apertissimè; ideo motum lapidis non esse liberum seu voluntarium, quia lapis in potestate non habet illum cohibere, ad differentiam voluntatis, quæ id ipsum respectu sui motus in potestate habet? At huiusmodi causalis esset omnino ineptè assignata, si potestas illa cohibendi, non foret essentialè requisitum libertatis, ut tua Philosophia contendit: ergo directè contra Augustinum Philosopharis. Minor ista subsumpta ostendi potest euidenter. Nam si potestas cohibendi non est essentialè requisitum pro libertate; sed solum signum ostensiuum illius, & tale quidem, ut sine eo actus verè liber elici & existere possit; dicat ergo aliquis in vi causalis, siue a priori siue a posteriori, ideo hoc non est

est viuens, quia non habet potestatem currendi; nonne omnino ineptè & ignoranter loquitur, cum talis potestas, nec causa nec ratio sit vitæ, nec vita per se & inseparabiliter cum illa connectatur tamquam cum effectu suo necessario? Ergo si potestas cohibendi, nec causa nec ratio est libertatis, nec libertas cum ea per se & inseparabiliter connectitur, omnino ineptè & ignoranter locutus fuit Augustinus, dicendo, ideo motus lapidis non est voluntarius seu liber, quia non habet lapis potestatem, illum cohibendi. Patet consequentia; quia sic libertatem negasset propter absentiam alicuius, sine quo adhuc vera libertas potest subsistere: sicut si rationem vitæ alicui enti denegares, propter hoc quod currere non potest: cum tamen verè viuentia sine potestate currendi, in ille & nulle inueniantur.

Hoc vnum professio verè in re satisfaceret; sed ut superabundans sit satisfactio; accipe & alia non minus certa. In eodem ergo libro tertio de Libero Arbitrio post longam disputationem cum suo Euodio, de causa, quæ facit voluntatem liberam peccare, tandem cap. 18. præscribit ipsi hanc compendiosam regulam. Si (inquit) laboriosum est, omnia mandare memoria, hoc brevissimum tene. Quæcumque ista causa est voluntatis, si non ei potest resisti; sine peccato ei ceditur: si autem potest, non ei cedatur, & non peccabitur. An foris fallit incautum? Ergo caueat, ne fallatur. An tanta fallacia est, ut caueri omnino non possit? Si ita est, nulla peccata sunt. Quis enim peccat in eo, quod nullo modo caueri potest? Peccatur autem; caueri igitur potest. Quid clarius? In his verbis tradit hanc infallibilem regulam. Voluntas liberè peccat; ergo peccatum caueri potest. Peccatum caueri non potest; ergo non

peccat. Sed hæc iterum non subsisterent, si daretur vera libertas sufficiens ad demeritum, absque potestate ad oppositum, siquidem staret, voluntatem liberè peccare; & tamen peccatum non posse caueri: sicut per te, Vincenti, stat Patrem in Diuinis liberè producere Spiritum Sanctum, & non posse productionem caueri: ergo perspicuè omnino Augustino contradicis.

Occurrit huic loco Antesignanus tuus Cornelius Iansenius, & asserit, Augustinum hanc regulam solum tradidisse pro peccatis naturæ integre; non verò pro peccatis naturæ lapsæ: ita ut sensus sit, quod homo in natura integra nullo modo peccasset, si peccatum caueri non potuisset. Ex quo proinde non habetur, quod modo quoque in natura lapsa, ut peccet, debeat hanc potestatem cauendi habere.

Sed contra hanc glossam obstant tria.

Primum; quod in terminis est ipsiusmet Caluini, ut infra lib. 5. c. 25. declarabo.

Secundum; quod verba Augustini, ipsa sua generalitate aperte clamant, regulam prædictam tradi vniuersaliter pro omnibus & pro omni statu. Inquit namque. Quis enim peccat in eo quod nullo modo caueri potest? Estne quæso iste modus loquendi de homine integro tantum? Amice Leætor, si tibi dicerem; Quis enim currit sine pedibus; nunquid statim intelligeres, mentem meam esse; quod nullus omnino cuiuscumque sit conditionis, sine pedibus currit, nec mulier nec vir, nec pauper, nec dives, nec vllus alius? Ergo si Augustinus doctrinaliter asserit; Quis enim peccat, in eo quod nullo modo caueri potest; mens eius indubiè est, quod nullus omnino in tali materia, quam vitare non potest, peccat, siue sit homo lapsus,

Cornel.
Iansen.
tom. 2.
l. 2. c. 4.
colum.
302.

lapsus, siue integer, siue quilibet alius.

Tertium: quia sufficit in contra- sola auctoritas Sancti Thomæ, qui citatam regulam Sancti Augustini sæpissimè adducit, & semper intelligit etiam de homine lapsò, siue in statu naturæ lapsæ. Vide eum si placeat in 12. quæst. 74. artic. secundo, & quæst. 109. art. 8. in primo argumento. Et in disputatis quæst. 24. de Veritate art. 12. in septimo argumento *Sed contra.*

Pergo ad alium locum ex eodem libro tertio de libero arbitrio, capite 25. Certè non minus conuincit quàm præcedens. Sic ibidem loquitur. *Quia voluntatem non allicit ad faciendum quodlibet, nisi aliquod visum; quid autem quisque sumat, vel respuat, est in potestate; sed quo visio tangatur; nulla potestas est: sciendum est ex superioribus & inferioribus visis animum tangi, ut rationalis substantia ex utroque sumat, quod voluerit, & ex merito sumendi, vel miseria, vel beatitas subsequatur.* Quibus verbis (ut notat glossa marginalis ibid.) ponit differentiam inter sentire obiectum, & assentiri obiecto: & asserit secundum; nempe assentiri obiecto, esse in nostra potestate: primum autem, nempe sentire obiectum in nostra potestate non esse. Quia videlicet circa sentire obiectum, non potest rationalis animus facere quod voluerit; si semel sensus ab obiecto applicato tangatur: hac enim applicatione supposita, velit, nolit, sentiet visus. Circa secundum autem, quod est assentiri obiecto: potest quod voluerit facere: verbi gratia, assentiri, vel non assentiri: ergo apertè sentit, non esse in nostra potestate, ac proinde nec liberum, id circa quod non exercetur potestas ad oppositum.

Quod idem manifestissimè confirmat libro de Spiritu, & Littera ad

Marcellinum cap. 31. *Vnde (inquit) hoc quisque in potestate habere dicitur, quod si vult; facit, si non vult; non facit.* Dic quæso, nonne istis verbis exprimit essẽtiale requisitum libertatis, seu liberæ potestatis? Et Bono Deus! Qualiter huiusmodi verificari possunt, de actibus omnino necessarijs, sicut sunt amor Diuine Bonitatis beatificus, & Spiratio Spiritus Sancti? Possetne sanæ mentis Theologus dicere: Pater si vult, spirat; si non vult, non spirat? Profecto quitalia diceret, non Theologiam; sed potius hæresim affirmaret: sit enim sensus, quod spirat quia vult, seu quando vult: ita ut voluntas, in quantum voluntas formaliter, sit principium, seu causa mouens ad spirandum: quod (ut infrà ex Diuo Thomâ ostendam) hæresim insert: licet enim verum sit, quod Pater volendo spiret, quod solum sonat concomitantiam voluntatis, sicut & volendo se esse Deum, est Deus; falsissimum tamen & erroneum est, quod spiret, quia vult, aut quando vult. Ergo si Augustinus ad potestatem liberam requirit: quod voluntas faciat, si velit; non faciat, si non velit: quæ tamen de talibus actibus verificari nequeunt; sentit sine dubio libertatem actibus huiusmodi non inesse.

Accedit ex eodem capite id quod in fine eiusdem dicit ad illum locum Ioannis 19. *Non haberes in me potestatem, nisi data tibi esset desuper.* Explicat sic: *Sed cum potestas datur, non necessitas utique imponitur.* Et hoc probat exemplo. *Vnde cum David (inquit) Saulis occidendi potestatem accepisset, maluit parcere, quàm ferire.* Ecce probat in Dauide non necessitatem, sed libertatem adiuisse, quia cum vtrumque posset, & ferire, & parcere: maluit parcere quàm ferire. Estne hoc dicere quod stat libertas absque potestate ad oppositum?

Rur-

Infrà l.
t. c. 19.
§. 1. *Ab
tamen,
& 6. Nec
dum cū
Bernar-
do.*

Rursus inspicere librum secundum de peccatorum meritis & remissione, cap. 18. *Quasi* operi nisi obtemperans (inquit) non solum voluntatis arbitrium, quod huc atque illuc librum flectitur, atque in eis naturalibus bonis est, quibus & male uti, malus potest; sed etiam voluntatem bonam, quæ iam in eis bonis est, quorum esse usus non potest malus, nisi ex Deo nobis esse non posse; nescio quemadmodum defendamus, quod dictum est, quid enim hæc, quod non accepisti? Quo sermone contendit non solum nos diuinus adipisci liberum arbitrium seu potentiam illam, qua liberè volumus, sed etiam ipsos actus liberos bonos, quos vocat bonam voluntatem, scilicet actualem: & per quid quæso illud liberum arbitrium seu potentiam illam in ratione liberi constituit? Certè per nil aliud quam per hoc, quod huc atque illuc librum flectitur: id est, quod potest facere & non facere, facere hoc vel aliud. Estne hoc iterum dicere, quod essentialis eius libertas saluatur absque potestate ad oppositum? Eia, Vincenti, errorem deponere, nam mens Augustini clarè satis tibi ostenditur.

Verum non possum omittere illud quod habet libro primo operis imperfecti contra secundam Iuliani responsionem. In ea responsione à capite 44. contendit Iulianus contra Augustinum probare, infantes non nasci cū aliquo peccato: ex eo quod ipsemet Augustinus peccatum definiat esse, voluntatem agendi quod iustitia vetat, & unde liberum est abstinere. Argumentabatur autem sic. Secundum te Augustine, peccatum est voluntas agendi, quod iustitia vetat, & unde liberum est abstinere: voluntas autem (prosequitur) est motus animi in iure suo habentis partem alterutram scilicet velle & nolle: qui motus non inuenitur, nisi in eo qui per amentem iudicio rationis & libero arbitrio uti potest.

Ostende ergo hæc duo in paruulis posse constare. Si nullum est sine voluntate peccatum; si nulla voluntas, ubi non est explicata libertas, si non est libertas, ubi non est facultas per rationem; quo monstro peccatum in infantibus reperitur, qui rationis usum non habent? Hanc else Iuliani argumentationem, constat legenti citatum librum à capite 44. usque ad 48. Et ut unico verbo dicam; summa est hæc. Secundum tuam et principia Augustine, peccatum est voluntas agendi, quod iustitia vetat, & unde liberum est abstinere: sed in paruulis talis voluntas seu libertas abstinendi non inuenitur, cum usu libertatis omnino careant: ergo in paruulis non nisi monstruosissimè fingi potest, inueniri peccatum. Quid putas, Vincenti, Augustinum nostrum hic respondere? Profecto te id ipsum ignorare, nec vel leuiter dubitare volo.

Respondet ergo capit. 47. hoc modo: videlicet se prædicta definitione non definiuisse peccatum in tota sua latitudine, ut verbi gratia comprehendit id quod est peccatum tantum & id quod est peccatum & pœna peccati simul, quo secundo sensu comprehendit etiam originale; sed solum definiuisse, id quod est peccatum tantum, quo sensu comprehendit solum peccatum actuale Adami & etiam actualia nostra, siue ea fiant absque vlla passione incitante, siue cum aliqua passione incitante, siue etiam ex ignorantia, vincibili tamen. Et rationem assignat, quia omnia ista actualia (Originali excepto) ab hominibus tali voluntate fiunt, ut liberum eis sit ab eisdem abstinere; licet nulli (inquit) tam liberum sit, quam illi (scilicet Adamo) Qui Deo suo, à quo erat cõditus relictus, nullo prorsus vizio deprauatus adstabat.

Ex hac eius doctrina sic argumentor ad rem nostram. Si opinionem tuam

C A P V T XVII.

Dilucidantur ex doctrina Sancti Thomae, quadam loca Augustini, in quibus videtur docere, libertatem sufficientem ad peccandum, subsistere absque potestate ad oppositum.

VIDETVR discursus superiori capite factus, ex loco contra Iulianum, aliquid falsi in doctrina Diui Augustini assumere: videlicet in hoc, quòd diximus, ipsum sub prædicta definitione peccati comprehendisse non solum peccatum primum Adami, sed etiam omne peccatum actuale nostrum, verè peccatum: quòd tamen contra Augustinum esse, probat Iansenius nonnullis, quæ secundum litteram satis apparent manifesta.

Iansen.
tom. 2.
li. 2. c. 4.
à colu.
na 102.

PRIMO PROBAT: nam libro illo primo operis imperfecti capite 44. cum Iulianus definitionem illam peccati, quæ requirit, *ut sit liberum inde abstinere*, suo calculo probasset, ut per eam peccatum originale ad hominem contra Augustinum euerteret; respondet Augustinus sic. *Hic peccatum definitum est, quod tantummodo peccatum est: non quod etiam pæna peccati: de hoc quippe agendum fuit, quando mali origo quærebatur: quale commissum est à primo homine ante omnes homines malum. Sed tu aut non potes intelligere, aut non vis.* En qualiter definitionem suam explicet de solo primo peccato à primo homine commissio. Et subiungit Iansenius, quòd eandem abstinendi libertatem inculcante Iuliano, eandem responsionem suam in eodem libro Augustinus inculcat. Quòd & ego verum esse fateor: imò & libet reliqua ex eodem libro in medium proferre, licet Iansenius ea speciatim ibidem

non

tuam sensisset Augustinus; potuisset illam suam definitionem non acceptare, non solum pro peccato originali, sed nec etiam pro vilo peccato actuali nostro: potuisset enim dicere se ibi peccatum non definiuisse, secundum aliquid essentialè, sed (ut tu dicis) secundum aliquam conditionem ipsi accidentalem, qualis est libertas contradictionis consistens in posse facere & non facere: at hoc non fecit, sed potius definitionem illam, etiam pro omni nostro actuali peccato acceptavit, asserens à quolibet illorum liberè posse hominem abstinere, licet non tam liberè, sicut potuit Adamus: ergo euidenter sentit, libertatem contradictionis, penes quam peccatum actuale definierat, esse de essentia omnis peccati ætinalis, tam nostri quàm Adami, nec vllum sine illa posse committi.

Huic loco iterum occurrit tuus Iansenius, & vult definitionem prædictam iuxta mentem Augustini, non esse de quolibet peccato intelligendam, sed de illo solo; quod in Paradiso primus Pater summa voluntatis libertate perperavit. Quasi aliqua dentur in natura lapsa, peccata verè peccata, à quibus liberum non sit abstinere: cuiusmodi asserit esse, peccata commissa ex inuincibili ignorantia iuris naturalis: quæ secundum Theologiam Iansenij (vel potius stultilogiam) veri peccati rationem habent, licet ab ipsis hic & nunc abstinere, liberum non sit.

Sed iterum dico, quòd hæc Glossa ad hanc Augustini definitionem, in terminis est ipsiusmèt Caluini. Ostendat hoc lib. 5. cap. 25. Interim, pro nunc liber probare, qualiter Augustino tribui non debeat simile cōmentum: pro quo caput sequens instituo.

In The
siaca l.
1. c. 2.
s. 1. au
tem ve
rat.

Iansen.
tom. 2.
li. 2. c. 4.
col. 102.

non commemoret: quia omnino iudico, Catholicam nostram sententiam ijs ipsis potius firuari quàm infringi.

SECUNDO ergo probatur idem: nam capite 47. iterum loquens de prædicta definitione, idem iterum Iuliano respondet. *Ios. est Adam (inquit) quem nostra definitio, quæ tibi placuit, intuebatur, cum dicerem; peccatum est voluntas agendi, quod iustitia vetat, & unde liberum est abstinere. Adam quippe omnino quando peccauit, nihil in se habebat mali, qui nolens & geretur ad operandum malum, & propter quod diceret, non quod volo facio bonum, sed quod nolo malum, hoc ago: ac per hoc id egit peccando, quod iustitia vetat, & unde illi liberum fuit abstinere. Nunc ei qui dicit; quod nolo malum hoc ago: abstinere inde liberum non est. Quid clarius? Dicit se intuitum fuisse Adamum, quando peccatum sic per indifferentiam contradictionis definiuit: ipsi enim (inquit) liberum fuit abstinere, nobis autem in natura lapsa, abstinere inde liberum non est. Ergo apertè sentire videtur, aliqua saltem peccata actualia nostra, subsistere absque libertate contradictionis, seu potestate abstinendi.*

TERTIO probatur: nam immediate post verba adducta, eidem Iuliano dicit; *scias aliud esse peccatum, aliud pœnam peccati, aliud utrumque, ad ista peccatum, ut ipsum sit etiam pœna peccati. Intelligis quid horum trium pertineat ad illam definitionem? Peccatum namque isto modo definitum est, non pœna peccati, non utrumque. Ergo expressè excludit ab illa definitione illud peccatum, quod ita est peccatum, ut etiam sit pœna peccati. Tunc ultra, at non solum originale, sed etiam multa actualia nostra verè peccata, sunt pœna peccati, ut de se patet, ergo non solum ori-*

ginale, sed etiam multa actualia nostra verè peccata, ab illa definitione excludit.

QUARTO probatur: quia adducens ibidem exemplum de illis tribus, scilicet de peccato tantum, de pœna tantum, de peccato & de pœna simul, sic fatur. *Horum sanè trium generum, si requirantur exempla; primi generis in Adam, sine ullo nodo questionis occurrit. Multa quoque sunt, quæ agunt homines mala, à quibus eis liberum est abstinere: sed nulli tam liberum est, quàm illi (scilicet Adamo) fuit. Ecce ubi ad primum genus peccati tantum, à quo nempe liberum est abstinere; reducit solum peccatum Adami, & ex nostris præcisè aliqua, non omnia: inquit enim: Multa quoque sunt &c. videlicet illa tantum, quæ committimus absque ullo prorsus incentiuo alicuius passionis, aut prauis habitibus, ex pura malitia. Sentit ergo iterum atque iterum, non omnia nostra peccata, sed ad summum multa esse talia, à quibus liberum est abstinere.*

QUINTO probatur: nam capite 105. diluens quandam obiectionem Iuliani, qua dixerat sequi ex dicta definitione, nullum peccatum non solum in conceptione; sed nec in moribus inueniri: sic respondet. *Cum igitur & illa fateamur in hominibus esse peccata, quæ committuntur non necessitate sed voluntate, quæ tantummodo peccata sunt, unde ab eis liberum est abstinere: & peccatis de ignorantia vel affectionum necessitate venientibus, quæ iam non solum peccata, verum etiam pœnae sunt peccatorum, plenum sit genus humanum; quomodo dicis definitionibus nostris, peccatum nec in moribus inueniri? Ecce ubi clarè & perspicuè condistinguit, peccata venientia de ignorantia vel alicuius passionis necessitate, contra illa à quibus liberum est abstinere: ac proinde cui-*
den-

denter sentit, non omnia peccata actualia nostra comprehendere sub illa definitione: qua dixerat, *peccatum est voluntas agendi quod iustitia vetat, & vnde liberum est abstinere*. Quod si ita est; agnoscit Philosophia Augustini, peccatum verè & propriè peccatum, & tamen commissum absque potestate indifferentiæ ad illud omitendum.

HORVM & similium incogitantia posset eruditum quemque hoc loco maximè fallere. Si enim non considerato Spiritu, sola littera inspicatur, putabitur iuxta sententiam Augustini, quædam peccata tali necessitate à nobis committi, vt ab eis abstinere homo non possit: ac proinde veram aliquam libertatem sufficientem ad demeritum, posse subsistere absque potestate ad oppositum. Sed monet Apostolus, quod littera occidit, Spiritus autem viuificat; vnde hunc diligentius consideremus, & diuino prosequente auxilio, claram & perspicuam dabimus explicationem.

Nulla Duce id fiet securius, quam præeunte D. Thoma, quem qui sequitur, absque vilo prorsus errore sequitur.

Nota igitur ex eius doctrina primò: quòd homo in statu naturæ integræ, & homo in statu naturæ lapsæ, quantum ad potestatem vitandi peccatum, in vno conueniunt, & in tribus discriminantur.

Conueniunt quidem in hoc, quòd sicut homo in statu naturæ integræ potuit virtute naturali omnia peccata diuine sumpta absolutè vitare, tam mortalia, quam venialia: ita idipsum virtute naturali, absolutè potest homo in statu naturæ lapsæ. Hoc est dictu, quòd nullum peccatum in particulari, cui in indiuiduo signabile sit, resp. à cuius homo lapsus proprijs viribus, & sine gratia, non

habeat veram potestatem abstinendi, sicut & illam habuit homo in statu naturæ integræ. Imò hoc tam constanter affirmat Diuus Thomas, vt oppositum asserat esse hæresim Manichæam, qua tollitur liberum arbitrium. Audi verba eius in Secundo ad Annibaldum Distin. 28. quæst. vnica, art. 1. in Corpore; & sic resoluentem inuenies. Agit ibidem de necessitate peccandi, & Respondeo (inquit) dicendum, quòd circa hanc questionem sic cautè loquendum est, vt neque excludendo necessitatem peccandi, necessitatem gratia tollamus secundum Pelagium, neque necessitatem peccandi ponendo, tollatur liberum arbitrium cum Manichæo. Sciendum est ergo, quòd liberum arbitrium se extendit ad aliquem particularem actum, non autem ad totius temporis cursum: in potestate enim liberi arbitrii est, quòd nunc velim hoc vel aliud, aut non velim: sed non est in potestate liberi arbitrii, quòd nullo tempore aliquid voliturus sim: non enim est in eius potestate immutabilitatem habere. Et ideo dicendum est, quòd homo etiam sine gratia, in peccato mortali existens, potest consentire vel non consentire in hoc peccatum quantum ad nunc; & qui contrarium diceret, tolleretur libertatem arbitrii. Sed non potest homo sine gratia firmare se, vt nullatenus in hoc vel illud peccatum consensurus sit: imò hac firmitas non potest ei esse, nisi ex adiutorio Diuine gratiæ: & ideo dicendum est, quòd homo in peccato mortali existens, potest singula peccata mortalia vitare (ac proinde & singula venialia, cum in ordine ad omnia diuine nullum extet discrimin) non tamen potest facere, quòd omnia videret, quia hoc eius electioni non subditur. Non vides hic ex mente Angelici Doctoris tolli libertatem arbitrii cum Manichæo, si ponatur talis necessitas peccandi respectu alicuius actus in indiuiduo, vt homo lapsus illum

sine gratia hic & nunc vitare non possit? Ergo quantum ad potestatem absolutam vitandi quodlibet peccatum in individuo, tam homo lapsus, quam integer conveniunt: nempe quod uterque absolute potest proprijs viribus omne peccatum hic & nunc occurrens, quantum ad hic & nunc vitare, absque ulla prorsus necessitate, hic & nunc cadendi. Et qui contrarium diceret; cum Manichæo sentiret, inquit Sanctus Doctor. Quod etiam in librum Proverbiorum capite 20. versu nono annotavit doctissimus Estius his verbis. *Gregorius lib. 18. Moralium cap. 4. sciendum est (inquit) quod sunt peccata quæ a iustis vitari non possunt. Non quod vllum sit nominatim quod seorsim vitari non possit, sed quia vniuersim secundum cursum presentis fragilitatis non vitantur... Nam alioquin error Manichæorum est, hominem non posse vitare peccatum, & similiter omnium fere hæreticorum nostri temporis. En idem notauit quod Sanctus Thomas: nempe errorem esse Manichæi, ponere talem necessitatem peccandi, vt homo hic & nunc peccatum vitare non possit. Dicendum ergo est, hominem tam in statu naturæ lapsæ quam in statu naturæ integræ, posse omnia peccata diuine vitare, virtute naturali seu absque gratia.*

Sed hac convenientia non obstante, adhuc differunt homo integer & homo lapsus in tribus quo ad modum vitandi.

PRIMO: quod in statu naturæ integræ non solum potuit singula peccata vitare absolute, sed insuper potuit hoc præstare sine vlla prorsus difficultate: hoc est dictum, quod respectu nullius peccati in individuo, pariebatur aliquam difficultatem: ille enim (inquit Augustinus contra Fortunatum disp. 2.) *sic factus erat, vt nihil omnino voluntati eius resisteret, si*

vellet Dei præcepta seruare. Et rursus 14. de Ciuit. Dei cap. 10. in illo statu erat deuitatio tranquilla peccati, quia videlicet nulla erat in ipso rebellio appetitus sensitiui contra rationem, sed perfecta subiectio huius partis ad istam. Vnde & in eodem capite 10. primi homines nullis (inquit) agitantur perturbationibus animorum, nullis corporum ladebantur incommodis. E contra verò homo in statu naturæ lapsæ; licet singula peccata absolute vitare possit; plurima tamen in individuo se offerunt, respectu quorum patitur vrgentissimas difficultates, propter vehementiam pugne inter vtramque illam partem, sensitiuam & rationalem, quæ post peccatum inceptit. Vnde & idem Augustinus libr. 3. de libero arbitrio capite 18. sunt reuera (inquit) omni peccanti animæ duo ista pericula, ignorantia & difficultas. Et rursus cap. 19. sibi ex persona aliorum obiciens; quid nos miseri fecimus, vt cum ignorantia cecitate, & cum difficultatis cruciatibus nasceremur? Et iterum cap. 20. vt autem de primo illo coniugio & cum ignorantia & cum difficultate nascamur reuera Moderatori Summo Deo iustissime placuit. Quæ verba explicans Sanctus Thomas 1. 2. quæst. 85. art. 3. ad 5. dicit, quod Augustinus per ignorantiam & difficultatem intelligit quatuor vulnera naturæ consequentia ex peccato; scilicet ignorantiam in intellectu, quam eximit nomine ignorantie, & malitiam in voluntate, infirmitatem in irascibili, concupiscentiam in concupiscibili, quæ tria comprehendit sub vnicò nomine difficultatis: quia nempe ratione horum, maior difficultas bene agendi ipsi accrescit & concupiscentia magis exardescit & facilius inclinatur ad peccandum & non facile tendit in bonum. Igitur in natura lapsa licet homo quodlibet peccatū hic & nunc

nunc absolute vitare possit; summa tamen difficultate non caret huiusmodi vitatio, propter vulnera naturæ ex peccato inflicta.

SECUNDVM discrimen est: quod homo in statu naturæ lapsæ, non solum patitur maximas illas difficultates in vitandis peccatis; sed insuper est verè impotens ad vitandum omnia peccata collectiue tam mortalia quam venialia, antequam per specialem gratiam dantem posse, roboretur. Secus erat de homine in statu naturæ integræ: ipse namque sine speciali gratia verè potens erat ad vitandum omnia etiam collectiue. Ratio huius discriminis est: nam homo infirmus non valet ex proprijs ad opus perfectissimum hominis sani, hoc distante naturali ratione: at opus perfectissimum, quod homo integer & sanus ex proprijs viribus efficere posset, esset vitatio omnium peccatorum collectiue: ergo ad illud homo lapsus ex proprijs viribus posse non habet. Accedit, quod ad posse vitare omnia peccata collectiue, requiritur posse vincere omnes difficultates simul: sed ad posse vincere omnes difficultates simul, fortiores vires requiruntur, quam ad posse vincere quamlibet difficultatem seorsim; ergo esto concedamus in homine lapsò potentiam antecedentem ad quamlibet difficultatem seorsim, ad omnes tamen difficultates collectiue superandas, qualiter ad totam collectionem peccatorum vitandam requiritur, vires sufficientes etiam per modum actus primi, ex proprijs non habet.

Ex hoc nascitur tertium discriminè: quod homo in statu naturæ lapsæ (si specialis illa gratia dans posse ad totam collectionem, desit) habet verè necessitatem cadendi in aliquod peccatum vagè: minimè verò homo in statu naturæ integræ. Ratio sumitur

ex dictis: nam si non habet veram potentiam ad totam collectionem; ergo necessitatur ad aliquod singulare vagè, sub ista collectione comprehensum: taliter vt necesse habeat aliquando cadere, nisi gratia omnem lapsum præueniat. Et certè ratio infirmitatis naturæ hoc etiam suadet: nam impossibile est, quod homo ex duabus naturis inter se pugnantibus compositus, semper vni conformis euadat, nisi ab extrinseco agente & fortiori adiuuetur: at homo lapsus ex duplici natura continuo pugnantem coalescit, rationali scilicet & sensitiua, quarum illa pugnat pro bono rationis, hæc pro bono sensibili, quod efficacius mouet: ergo impossibile debet censi, vt sibi relictus & viribus specialis gratiæ destitutus, semper conformiter ad rationem operetur, relicto bono sensibili efficacius mouente. Habet ergo necesse, quod aliquando à ratione discedat & ex consequenti peccet. Vnde sunt verba illa Diui Thomæ quæst. 24. de Veritate art. 12. ad 22. *Nisi homo per gratiam liberetur, necesse habet, quandoque incidere in peccatum.* Et iterum ad 23. *Desertus à luce gratiæ; necesse est, vt aliquando cadat.* En necessitatem in natura lapsa, committendi aliquod peccatum vagè: quæ tamen necessitas minimè erat in statu naturæ integræ, ratione perfectissimæ libertatis, quæ tunc erat ab omni pugna & difficultate libera.

Secundò nota ex doctrina Diui Thomæ, quod nec difficultas orta ex pugna appetitus sensitiui, nec necessitas cadendi in aliquod peccatum vagè, auferunt ab homine lapsò veram libertatem contradictionis respectu cuiuscumque peccati in singulari. Vtrumque clarissimè expresseit Sanctus Doctor loco iam citato ex q. 24. de veritate. Et primum quidem

de difficultate, habet in solutione ad 1. Explicans enim illam propositionem Augustini ex libr. 1. retractat c. 15. *cogenti cupiditati voluntas resistere non potest*; in qua videtur docere difficultatem concupiscentiæ tollere ab homine potestatem resistendi; sic factur. *Dicendum, quod cupiditas non potest intelligi esse cogens absolute liberum arbitrium, quia semper est liberum a coactione. Sed dicitur cogens propter vehementiam inclinationis, cui tamen resisti potest, licet cum difficultate.* En simul asseritam potentiam resistendi, cum difficultate orta ex concupiscentia. Imò & ipse Augustinus idem fatetur lib. 3. de lib. arbit. capit. 20. his verbis. *Quamquam enim in difficultate nata sit (humana natura scilicet) non tamen ad permanendum in eo quod nata est, aliqua necessitate comprimatur.* Quia nempe difficultas non est talis, cui non possit resisti. Alterum autem de necessitate cadendi in aliquod peccatum vagè; habet ibidem D. Thomas ad Septimum, explicans illud Psalmi; *De necessitatibus meis erue me Domine.* Inquit enim, *quod peccata dicuntur necessaria, in quantum non possunt vitari omnia (quia nempe ad aliquod vagè ex tota collectione necessitatur) quamvis possint vitari singula: quia nempe cum ista necessitate cadendi in aliquod vagè; subsistit potestas vitandi quælibet in singulari.* Et profecto si rationem huius desideres, ea est: quod necessitas ista cadendi in aliquod peccatum vagè, non est Physica; sed tantum Moralis; id est, proueniens ex occasionibus peccandi, quæ sicut singulæ seorsum sumptæ, non necessitant Physicè; sed tantum Moraliter ad peccandum inuitant: ita omnes simul collectiue, ad summum moraliter necessitare possunt: hæc autem est differentia inter necessitatem Moralem respectu alicuius collectionis, & Phy-

sicam respectu eiusdem; quod Physica semper inuenitur coniuncta cum necessitate exercitij circa aliquod singulare collectionis: minimè verò necessitas moralis. Rem declaro hoc exemplo. In homine namque, qui non est necessitatus Physicè ad aliquem determinatum locum, quia tamen est necessitatus Physicè ad esse dum vagè in aliquo loco, semper est coniuncta huiusmodi necessitas cum exercitio essendi in aliquo loco: quæ etiam de causa nullo modo potest homini, omnis loci occupatio aliquo præcepto prohiberi: quia cum necessitatem Physicam habeat respectu alicuius loci vagè, libertati eius non subest, non esse in aliquo. At in necessitate, seu impossibilitate Morali respectu alicuius collectionis, hoc non contingit. Moraliter namque impossibile est, vt ex tota multitudine hominum aliquis non sedeat: & tamen nullus eorum in particulari est necessitatus ad sedendum adhuc Moraliter. Sic pariter in nostro casu. Impossibile Moraliter est, vt ex tota multitudine alicuius hominis lapsi; aliquis saltem non euadat peccaminosus; sed cum hoc compatitur, quod nullus eorum in particulari sit peccaminosus de necessitate: & ex consequenti respectu cuiuscumque in indiuiduo, homo habet veram potestatem indifferentiæ. Hæc nota bene, & diligenter rumina: nam viam aperient intelligendi id, quod in præcedenti Capite controuertimus.

Dico igitur, ad propositum de mente Augustini reuertens, quod illa verba in eius definitione; *unde liberum est abstinere*, possunt accipi in duplici sensu: vno modo, ita vt sonent non qualemcumque potestatem abstinendi; sed talem, quæ nulli prorsus difficultati subiecta sit; nec etiam alicui necessitati ad peccandum vagè.

vagè. Et in hoc sensu, soli Adamo in statu innocentie liberum fuit abstinere à peccato: habebat enim sufficientissimam facultatem, qua & poterat cuilibet peccato in individuo, sine vlla prorsus difficultate resistere; & insuper omnia collectiue vitare, sine necessitate cadendi in aliquod vagè. Alio modo possunt accipi illa verba, ita vt solum foneret potestatem abstinendi absolute; licet non ita expertem difficultatis, nec ita liberam ab omni necessitate etiam peccandi vagè. Et in hoc sensu etiam homini in natura lapsa est liberum à peccato abstinere: *potest enim* (vt iam ex Diuo Thoma diximus) *singula peccata etiam sine gratia vitare*, licet aliqua non nisi cum magna difficultate vitet, & semper vitet, quodcumque virat, cum necessitate cadendi in aliquod vagè. Imò huic veritati velle obstrepere, Vincenti, est vel cum Manichæo libertatem arbitrij, vel cum Pelagio necessitatem tollere, gratiæ. Sic non ego, sed Doctor meus Angelicus.

Quibus omnibus apponit errorem Iuliani præcipue fuisse in eo, quod asserbat hominem tam quoad bonum faciendum, quam quoad malum vitandum, æqualis esse potestatis in natura lapsa, ac fuerat in natura integra: aiebat enim (vt videtur, est libro primo contra secundam Iuliani responsionem capite 19.) *Liberum autem arbitrium & post peccata tam plenum est, quam fuit ante peccata*. Ergo Augustinus Iulianum redarguens & asserens modò in natura lapsa non esse homini liberum à peccato abstinere, non intendit negare potestatem absolutam abstinendi; sed solum, esse modò tam plenam, ac perfectam, sicut erat autè; videlicet quoad carentiam difficultatis, & exclusionem omnis necessitatis peccandi, etiam vagè: vnde & idem libro

primo cōtra duas epistolas Pelagianorum sic habet. *Quis nostrum dicat, quod primi hominis peccato perierit liberum arbitrium de humano genere?* Id est potestas abstinendi hinc & nunc à peccato? *Libertas quidè perit peccatum; sed illa, qua in paradiso fuit, habendi plenam cum immortalitate iustitiam*. Quasi nulla alia perierit, nisi illa perfectissima libertas Adami.

Iam ergo ad soluendas tui Magistri probationes procedamus. Et certè vnico verbo omnis earum fumus euanescit.

AD PRIMAM ET SECVNDAM simul, dico Augustinum in prædicta definitione peccati, intuitum fuisse solum Adamum principaliter: & sumendo liberum in primo sensu, prout dicit potestatem abstinendi absque vlla prorsus difficultate & necessitate peccandi etiam vagè: cum quo tamen stat, etiam sub eadem definitione comprehendisse cetera peccata nostra actualia, minus principaliter, & sumendo liberum in secundo sensu, prout dicit potestatem abstinendi, licet cum difficultate & prædicta necessitate peccandi. Solutio est ipsiusmè Augustini, qui libro primo retract. cap. 15. arguens contra suam propriam doctrinam, qua sæpius dixerat: *Vsq̃ue adeò peccatum voluntarium malum est, vt nullo modo sit peccatum, si non sit voluntarium*, id est, si non sit liberum ab eo abstinere; arguens (inquam) contra hanc doctrinam, sic sibi objicit. *Potest etiam putari falsa esse ista sententia, qua diximus nusquam nisi in voluntate esse peccatum: quia dixit Apostolus; Si autem quod volo, hoc facio, iam non ego operor illud; sed id quod habitas in me peccatum*. Hoc enim peccatum usque adeò non est in voluntate, vt dicat, quod nolo, hoc facio, Quomodo ergo nusquam est, nisi in voluntate peccatum? Ad quod ipse sic respondet. *Sed hoc pec-*

tatum, de quo sic est locutus Apostolus, ideo peccatum vocatur, quia peccato factum est, & pœna peccati est: quandoquidem hoc de concupiscentia carnis dicitur, &c. Peccatum autem, quod nusquam est nisi in voluntate, illud præcipue intelligendum est, quod iusta damnatio consecuta est: hoc enim per unum hominem introiit in mundum: quamquam & hoc peccatum, quo consentitur peccato concupiscentia, non nisi voluntate committitur (vt enim cap. 13. præcedenti præmiserat) ille qui concupiscente aduersus spiritum carne, non ea quæ vult, facit; concupiscit quidem volens, & in eo non facit quod vult: sed si vincitur, concupiscentia consentit volens, & in eo non facit, nisi quod vult. Ecce vbi Solè clarius doctrinam suam de voluntario, seu de potestate abstinenti requisita ad rationem peccati, dicit quidem intelligendam esse de peccato primi hominis; sed non nisi præcipue, seu principaliter: non autem de solo illo absolute: quin potius absolute sub eadem doctrina comprehendit actualia à nobis in natura lapsa commissa, cum ponat expressè exemplum; quando nempe concupiscentia instiganti voluntariè, seu liberè consentimus.

AD TERTIAM dice eodem modo: solum enim intendit, peccatum quod est simul pœna peccati, non esse definitum principale & sumendo liberum in primo sensu: vel ideo dicit, se non definiuisse utrumque, quia utrumque, seu id quod est peccatum & pœna peccati simul, si sumatur àdequate & in tota sua latitudine, comprehendit etiam plura alia, quæ sub prædicta definitione in nullo sensu cadere possunt: comprehendit namque in primis peccatum originale: hoc enim & est peccatum & pœna peccati simul, à quo liberum nobis non est abstinere. Deinde comprehendit omnia, quæ fiunt ex igno-

rantia inuincibili contra aliquam legem seu præceptum, à quibus etiam liberum nobis non est abstinere, sicut nec verè peccata sunt. Nec te turbet, quòd Augustinus sæpius appellat huiusmodi facta, nomine peccati: non enim sic appellat, quasi propriè & verè peccata sint in sensu formali loquendo, sed quia impropriè seu materialiter peccata sunt, utpote in re, commissa quædam in materia prohibita, seu omissa in materia præcepta. Audi ipsum lib. 3. de lib. arbit. cap. 19. vbi id ipsum exemplo etiam declarat. Illud (inquit) quòd ignorans quisque non rectè facit, & quod rectè volens facere non potest, ideo dicuntur peccata, quia de peccato illo libera voluntatis (primi hominis) originem ducunt: illud enim præcedens meruit ista sequentia: nam sicut linguam dicimus, non solum membrum; quod mouemus in ore dum loquimur: sed etiam illud quod huius rei motum consequitur, id est formam tenoremque verborum, secundum quem modum dicitur alia lingua græca, alia latina: sic non solum peccatum illud dicimus, quod propriè vocatur peccatum (libera enim voluntate & ab scientie committitur) sed etiam illud quod iam de huius supplicio consequatur, necesse est. Cū ergo hoc utrumque seu id quod est peccatum & pœna peccati simul, comprehendat etiam huiusmodi peccata, impropriè peccata; rectè dixit Augustinus se hoc prædicta definitione absolute non definiuisse: cum quo tamen stat quòd eadem definitione definierit omnia illa, quæ taliter sunt peccata & pœna peccati, vt propriè etiam sint peccata: qualia sunt illa, quæ in pœnam alicuius præcedentis peccati actualis, permittit Deus à nobis fieri: ac proinde ab istis quæ propriè & verè peccata sunt, liberum nobis est abstinere.

AD QVARTAM respondeo, verba quæ ibi adducuntur, scilicet;

multa quoque sunt quæ agunt homines mala à quibus eis liberum est abstinere, sed nulli tam liberum est, quam illi fuit; esse apertam confirmationem nostræ sententiæ: illo enim modo loquendi clarissimè ostendit Augustinus, se loqui comparatiuè tantum ad illam perfectissimam libertatem Adami; quando aliquibus peccatis nostris dicit deesse, libertatem abstinendi. Ita ut sensus sit: multa quidem peccata sunt, quæ nos committimus cum tanta libertate abstinendi ab eis, quantam habuit Adam: videlicet ea quæ committimus absque ulla prorsus ignorantia & difficultatibus concupiscentiæ, sed potius scienter omnino & ex pura malitia: quo modo libertatis etiam Adamus primum suum peccatum commisit, utpote cum ad id nec ex ignorantia aliqua fuerit adductus, nec concupiscentia aliqua carnis illectus; cæterum propter huiusmodi libertatem in aliquibus peccatis (inquit Augustinus) adhuc non debet dici, nos tam liberos esse, sicut fuit Adamus: tum quia ab eisdem adhuc non abstinemus, nisi cum necessitate peccandi vagè, quæ Adamus caruit: tum etiam, quia penè infinita alia sunt, à quibus propter vehementes motus concupiscentiæ & frequentes casus etiam culpabili ignorantia, non nisi cum difficultate abstinere possumus: cum tamen Adamus in statu innocentia, nec respectu alicuius quidem peccati, similem difficultatem pati potuerit: ille enim (ut supra ex Augustino audiimus) sic factus erat, ut nihil omnino voluntati eius resisteret, si vellet Dei præcepta seruare. Hanc puto esse mentem huius sanctissimi Præceptoris, quidquid aduersarius oblatret: ex qua proinde non licet inferre, aliqua peccata verè & propriè peccata, à nobis committi necessitate absoluta hinc & nunc peccandi, seu

absque vera potestate abstinendi. Tenemus hoc firmiter, Vincenti, nisi velimus magno Augustino hæresim Manichæam quantum ad formalem rationem necessitatis peccandi, adscribere.

AD QUINTAM PROBATIONEM ex dictis patet, quid sit dicendum. Condistinguit enim Augustinus peccata venientia de ignorantia vel alicuius passionis necessitate, contra ea, à quibus liberum est abstinere, vel quia loquitur de solis illis quæ improprie & materialiter sunt peccata, utpote quæ proveniunt ex ignorantia inuincibili, seu passionis insuperabili defectu veræ potentia resistendi: vel si etiam de alijs quæ verè peccata sunt, loquitur; ideo illa contra huiusmodi condistinguit; non quia absolute loquendo, non sit respectu illorum hic & nunc potestas abstinendi, sed quia non est potestas abstinendi tam facilis & tam expers omnis difficultatis, sicut est respectu illorum, quæ scienter & mera malitia voluntatis committuntur, absque ulla prorsus ignorantia interueniente aut passione incitante.

Tam vero his omnibus puto circa mentem Augustini, quantum Dominus dedit, abundè satisfactum esse. Ex quo & operosum non erit, reliquorum Patrum sensus hac in parte indagare: utpote cum in rebus Theologicis, & maxime de libero arbitrio & gratia, sit Princeps & Antesignanus omnium Augustinus: cuius proinde vestigijs cæteri & semper & fidelissimè inhzere conspiciuntur. Pergitur ergo, Vincenti, & alio quoque capite Philosophiam.

Hieronymi, Damasceni
& Anselmi tibi Subjicio.

CAPUT XVIII.

Eadem Philosophia Hieronymi, Damasceni, & Anselmi; Vbi non est potestas ad oppositum, ibi non est libertas.

AVGUSTINO vicinus Hieronymus, etiam fidem faciet his, quæ hucusque diximus: videlicet non esse libertatem, vbi non est potestas ad oppositum.

Audiamus ergo ipsum lib. 3. Dialogorum aduersus Pelagium cum Critobulo suo sub persona Attici colloquentem. Expressissimè circa medium illius libri fatetur, *in nostra esse positum potestate, vel peccare vel non peccare.... ut liberum seruetur arbitrium.* Locus clarissimus est, & nulla tergiversatione celari potest. Potestatem indifferentiæ adstruit, ut liberum arbitrium seruetur: ergo sentit libertatem illius non saluari, vbi illa potestas deest, sicut contingit in actibus omnino necessarijs.

Deinde ad Galatas quinto, exponens & declarans, quam iussè Apostolus Galatas accusabat, ex eo quod veritati non obedierant, hac perspicuam nostræ communis sententiæ contestationem adfert. *Galatas* (inquit) *accusauerat, quare non obedierint veritati, ostendens in eorum arbitrio positum obedire, & non obedire: quasi à sensu contrario apertissimè supponens, si in eorum libertate non fuisset obedire vel nō obedire; quod minime iussè potuissent accusari.* Quo proinde argumento concluditur, ipsum exigere ad imputabilitatem alicuius operis, seu ad peccandum, illam indifferentiam, quæ est penes posse hoc facere, & non facere.

Rursus in epistola ad Damascum,

exponens parabolam Euangelicam, de Filio Prodigio, ad illa verba: *Dignisist illis substantiam, sic loquitur. Significantius in Græco legitur, dedit eis liberum arbitrium, dedit mentis propria libertatem: & ut vinceret unusquisque non ex imperio Dei, sed obsequio suo, id est, non ex necessitate, sed ex voluntate, ut virtus haberet locum, ut à ceteris animantibus distaretur, dum ad exemplum Dei permixtum est nobis facere quod velimus.* Perpende, Vincenti, illud vltimum: *dum ad exemplum Dei permixtum est nobis facere quod velimus.* Nonne hoc est exigere ad libertatem, permissionem faciendi quod libuerit? Et quis quæso similem permissionem dicet inesse actibus voluntatis omnino necessarijs? Estne ibi permixtum voluntati facere quod velit, vbi nil aliud potest, quàm vnum, tantum! Dicetne permixtum esse voluntati beati, facere circa amorem Dei quod velit, cum nulla via amorem ex seipsa possit abijcere? Cum nunquam possit non amare? Cum contradictionem implicet, quod ipsa actum suspendat? Certè eadem ratione poteris persuadere, permixtum esse homini circa mortem naturalem facere quod velit, quia non magis implicat hominem ex seipso mortē naturalem vitare, quàm voluntatem beati ex seipsa vitare illum amorem: quod cum absurdissimè dicatur; vide quàm absurda sit persuasio tua de libertate prædicti amoris.

Alia plura habet Hieronymus: sed ne longior sim, tantum insinuo. Vide ergo eum insuper libro primo, in Isaia, capite decimo ad illa verba. *Si volueritis, & audieritis me.* Et lib. 13. ibid. cap. 49. ad ista. *Et ego dixi, in vacuum laboravi.* Rursus libro 3. in Zachariam, capite vndecimo ad versum: *Et dixi ad eos, si bonum est in oculis vestris.* Et iterum in Commentario super Malachiam, capite

capite primo, ad illa verba: *Dilexi Jacob, Esau autem odio habui.* In omnibus his exigit ad libertatem, potestatem declinandi se in utramque partem.

Sed quid de Damasceno, viro plane Diuino loquo, & (vt tu asseris, Vincenti,) qui Græcos omnes Patres legit, & profundissime intellexit? O quam valde & mirabiliter erras, quando hunc vnum præ ceteris à parte tua pugnare iubes! Si quis tibi omnino ex proposito, seu formali intentione vellet contradicere; nescio si id præstare posset expressius, quam Damascenus præstitit.

Non est igitur, conficiendum argumentum de mente eius ex libro tertio Orthodoxæ Fidei capite 14. vbi te euidentius conficere putas: quia, dixit, *Arbitrij libertas, nihil aliud est, quam voluntas*: hoc enim qualiter intelligendum sit, iam ex professo præmiserat libro primo, capite 25. 26. & 27. vbi titulus expressissime est de eadem re, & materia, de qua & nostra disputatio: scilicet, *De libera potestate, liberoque quod in nobis est arbitrio: & quam ob causam libera potestatis & arbitrij facti sumus?* Quid ergo in his prioribus locis doceat, omnino videndum erat, antequam sequentia sic vel sic caperentur.

Ea autem quæ in prioribus illis habet, vide quam clara sint & perspicua. Conatur ostendere capite illo 25. aliqua in nobis nostraque potestate libera esse; & hunc in modum (inquit) ordiamur. *Eorum quæ sunt omnium, aut Deum dicunt causam esse, aut Necessitatem, aut Fatum, aut Naturam, aut Fortunam, aut Casum.* Cui igitur horum subiiciemus ea quæ per homines fiunt, si homo non est causa & principium actionum? Intellige causa & principium liberum. Non enim fas est Deo adscribere, quandoque turpes & iniustas actiones fore. Neque Necessita-

ti: nam non eorum sunt; quæ semper eodem modo se habent (præmiserat enim Necessitatis esse; motus eorum quæ semper eodem se habent modo) Neque Fato: nam non contingentium, sed necessariorum ea dicuntur esse, quæ fati sunt. Neque Natura: nam Natura opera, animantes & planta. Neque Fortune: non enim rara & inexpectata sunt hominum actiones. Neque Casui: nam inanimatorum & rationis immunitium, ea quæ à casu contingunt. Relinquitur igitur, hominem ipsum agentem & facientem, principium esse propriorum operum, & potestate arbitrioque liberum.

Quid ad rem nostram potest dici verius, & contra te, Vincenti, expressius? Probat hic Damascenus in homine debere dari liberam potestatem seu liberum arbitrium, ex eo quod aliqui effectus seu actiones in ipso conspiciantur, quæ nulli alteri causæ possunt subdi. Hoc quis neget, si litteram aut sensum litteræ negare non velit? Sed dic, quæso te: quæ & qualia excludit, & quæ aut qualia annumerat inter huiusmodi effectus seu actiones, quæ non nisi liberæ potestati seu arbitrio subdi possunt? Nonne euidentissime annumerat solos effectus seu actiones hominis contingentes, quæ possunt esse & non esse, excludens non solum ea quæ Fati, Naturæ, Fortune aut Casus sunt; sed etiam ea quæ sunt Necessitatis, seu quæ semper eodem modo se habent? Quid ergo iuxta mentem Damasceni contendis subdere libertati voluntatis actiones huiusmodi, quales sunt spiratio Spiritus Sancti, Amor beatificus, & aliæ similes? Nonne omnes hæc à numero contingentium actionum exulant? Nonne omnimodæ necessitatis sunt, & quæ semper eodem modo se habent, licet non sint Fati, aut etiam Naturæ, qualis est in brutis?

Et

Et per hoc ipsum profecto euaneſcit ſolutio; quam quis tuo nomine poſſet hic ſuggerere: uidelicet Damascenum per ea quæ ſunt Neceſſitatis, ſolum excludere ea quæ ſunt neceſſitatis cogentis, non autem ea, quæ ſunt neceſſitatis naturalis inclinationis.

Euanescit, inquam hæc ſolutio, & certè abſque eo quod magna attentione opus ſit. Tum, quia excludit neceſſitatem etiam ut conſiſtentiā a Fato & natura brutali, ſi quidem *Fatum, Naturam, & Neceſſitatem*, tamquam tres cauſas diſtinctas enumerat, omnium trium effectus excludens: ergo excludit non ſolum neceſſitatem quæ eſt coactionis, qualis viſitur per te in Fato & in Natura brutali, ſed etiam neceſſitatem naturalis inclinationis. Tum etiam, quia excludit neceſſitatem prout eſt vniuerſaliter omnium eorum, quæ ſemper eodem modo ſe habent: at in illa amplitudine comprehenditur etiam neceſſitas naturalis inclinationis, ut maniſeſtum eſt: ergo illam etiam excludit. Neſcio qua via poſſit huic Argumento ſatiſſieri. Verum adiſciamus & alium locum ex capite 26. ſequenti. Exemplificans ibidem conſequenter ad ea, quæ ſuperiori capite dixerat; quarum rerum, liberam ſimus adepti poteſtatem; ſic proſequitur. *Hæc verò ſunt, quæ in nobis ſunt adæquè contingentia: ut moueri & non moueri: quippiam cum conſultatione agere: appetere quæ non neceſſaria ſunt & non appetere: mentiri & non mentiri: erogare & non erogare: gaudere in quibus par eſt, & non gaudere: ſimiliter & in quibus minime decet: & quæcumque ſunt huiſmodi, in quibus ſunt virtutis & vitij opera: horum enim arbitrij libertatem per ſe, liberamque poteſtatem adepti ſumus. Ad primumlibet autem & adæquè contingentia ſunt etiam artes: nam in nobis eſt,*

quam volumus comparare & non comparare. Aperi oculos, Vincere, ad omnia iſta, & proſectio non cæcæ rupeſ ſunt aut latentis vel occultæ, ſed in crepuſculari etiam luce patentis: ſimæ, in quibus omnes tuas machinas collidi & conſringi, necelle eſt.

Sed ſpecialiter attende ad illa verba, *appetere quæ non neceſſaria ſunt, & non appetere*. Nonne verbis iſtis euidenter eximit a poteſtate liberi arbitrij, appetitum illarum rerum, quæ neceſſariò ab homine appetuntur? Et quid quæſo magis neceſſariò appetit, aut proſequitur, quàm Deum clarè viſum in Patria, aut quodlibet aliud obiectum, quod proſequitur neceſſitate ſpecificationis & exercitij? Dicetne ergo iuxta mentem Damasceni, huiſmodi neceſſarios actus ſeu appetitus ſub libertate voluntatis contineri? Dicit ipſe, contineri hoc quod eſt, *appetere quæ non neceſſaria ſunt; & necdum vides, te ipſi contradicere, ſi dixeris etiam contineri hoc quod eſt, appetere quæ neceſſaria ſunt*? Noſi quæſo in tanta luce cæcutire, oculiſque tuis collyrium propter eorum optimam uſuram adhibere.

Rationis expertia (proſequitur Damascenus capite 27.) *non ſunt liberi arbitrij poteſtate donata: nam ducuntur in agis à natura, quàm ducant: quapropter non contradicunt, reſiſtuntque naturali appetitui, ſed ſimul atque quidpiam appetierint, impetū feruntur ad proſecutionem. Verum homo, rationalis cum ſit, ducit magis naturam, quàm ducatur: quapropter appetens, ubi quippiam velit, poteſtatem habet reſrenare appetitum, aut ipſum ſequi. Quid iterum elatius? Docet bruta libertate carere, & duci magis à natura, quàm eam ducant: quia in ſuis motibus poteſtatem non habent reſiſtendi, aut faciendi oppoſitum. E contra liber-*

tate prædictum hominem affirmat, & naturam ipsam ducere, non ab ea duci, quia potestatem habet reſtenuandi motum, aut ſequendi. Nonne hoc eſt apertiffimè ſentire, libertatem nullam eſſe, ubi non eſt potestas ad oppositum? Sileas ergo de Damasceno, Vincenti, quia non tux, ſed communis ſententiæ Patronus eſt lucidiſſimus.

Reſtat iam vt videamus, vtrum etiam Anſelmus tuam Philoſophiam *impreſſius quàm omnes veſuſiores in- cileauerit*; ſicut tu credis.

Prodeat igitur caput ſextum Dia- logi, quem de libero arbitrio in perſona Magiſtri cum quodam Diſcipulo inſtituit. Integrum illud libet de verbo ad verbum adducere, quia, & ſpero Lectori, nec moleſtum fore nec iniucundum. Titulus eius eſt, *Quomodo noſtra voluntas ſit potens contra tentationes, licet videatur impotens*. Diſcipulus autem ſic illud incipit.

DISCIPVLVS. *Quamuis ſic omnia impugnantia voluntati noſtra ſubiicias, atque nullam tentationem illi dominari permittas, vt in nullo obuiare poſſim aſſentionibus tuis; non tamen poſſum diſſimulare, quandam impotentiam eſſe in eadem voluntate, quàm ſere omnes experimur, quando violentiæ tentationis ſuperantur: quapropter niſi illam potentiam, quam probas, & illam impotentiam, quam ſentimus, facias conuenire; non poteſt animus meus in quietem huius quaſtionis peruenire.*

MAGISTER RESPONDET. *iſtam impotentiam, quam dicis voluntatis, in quo putas eſſe?*

DISCIPVLVS. *In eo quia non poteſt perſeueranter reſtitudinem inherere.*

MAGISTER. *Si per impotentiam non adhareret, aliena vi auerſetur à reſtitudine.*

DISCIPVLVS. *Credo.*

MAGISTER. *Qua eſt hæc vis?*

DISCIPVLVS. *Vis tentationis.*

MAGISTER. *Hæc vis non auerſat à reſtitudine, ſi iſta non vult, quod ſuggerit tentatio.*

Quare, Vincenti, hic paulisper mentis aciem ſige & attende. Magiſter Anſelmus reſpondet diſcipulo; eo modo ſicut tu nobis. Scilicet vim illam ſeu neceſſitatem prouenientem à tentatione, libertatem voluntatis non tollere, quia illi non conſentit voluntas niſi volens: ac proinde liberè: nam (vt tu dicis) ubi voluntas, ibi libertas. Sed audi, quid diſcipulus vterius obijciat, quidue Magiſter vterius reſpondeat, & videbis non eſſe libertatem, ubi eſt voluntas qualitercumque; ſed ubi eſt voluntas cum potestate ad oppositum. Obijci itaque diſcipulus, per- gendo vterius.

DISCIPVLVS: *Ita eſt. Sed ipſa tentatio, ipſa ſua vi cogit eam velle, quod ſuggerit. Quasi dicens: concedo quòd illi non conſentit niſi volens; ſed hoc ad libertatem non ſufficit, nam tentatio cogit ipſam velle.*

MAGISTER. *Quomodo cogit eam velle? An ita, vt poſſit ea quidem nolle, ſed non ſine gravi moleſtia? An ita, vt nullatenus poſſit nolle? Ecce noſtrum prænũm.*

DISCIPVLVS. *Quamuis me ſateri oporteat, nos aliquando ſic premi tenta- tionibus, vt ſine difficultate, non valeamus nolle, quòd ſuggerunt; non tamen poſſum dicere, quòd ſi nos vñquam opprimant, vt quòd mouent, nullatenus nolle poſſimus. En qualiter diſcipulus ibi fateatur, non ſic voluntatem cogi ad velle, quin ſemper remaneat vera & abſoluta potestas ad nolle; licet non ita facilis & libera à difficultate, vt ſuprà capite præcedenti dicebam ex Auguſtino. Erige hic ergo aures, Vincenti. Magiſter arripiens iſtam confessionem diſcipuli; ex eadem met ad hominem, ipſum conuincit, ſaluam*

In The-
riaca l.
1. c. 5. 6.
Verum
cum po-
ſtea.

saluam manere hominis libertatem; quia scilicet tentatio, licet faciat voluntatem velle, non tamen hoc facit tali necessitate, quin remaneat potestas ad nolle. Audi verba Magistri, & noli mihi credere, sed tali crede Magistro.

MAGISTER ergo sic prosequitur approbando confessionem Discipuli. Nescio (inquit) *quomodo possit dici*. Scilicet sic nos vnquam opprimi a tentatione, vt nullatenus nolle possimus. *Sic enim vult homo mentiri, vt non sustineat mortem, vt seruet vitam ad tempus; quis dicit impossibile, velle eum non mentiri, vt vitet aeternam mortem, & sine fine viuat?* Apponit exemplum in eo qui sub comminatione mortis, tentatur ad mendacium. Quapropter iam dubitare hanc impotentiam seruandi rectitudinem non debes quam dicis in nostra voluntate esse, cum tentationibus consentimus, non ex impossibilitate, sed ex difficultate: frequenter namq; vsu dicimus, nos non posse aliquid non quia nobis est impossibile, sed quia sine difficultate non possumus. Hæc autem difficultas non permittit libertatem voluntatis vinci: impugnare namque potest voluntatem inuitam, expugnare nequit inuitam. Hoc itaque modo puto te posse videre (& ego quoque te, Vincenti,) quomodo conueniant potentia voluntatis (nempe libera) quam ratio veritatis asserit, & impotentia, quam humanitas nostra sentit. Sicut enim difficultas nequaquam voluntatis interimit libertatem, ita illa impotentia, quam non ob aliud in voluntate dicimus esse, nisi quia non potest tenere suam rectitudinem sine difficultate, non aufert eidem voluntati perseruandi in rectitudine potestatem.

Ecce quali modo ostendat Anselmus suo discipulo libertatem voluntatis subsistere. Non profecto (sicut tu contendis) per hoc præcise, quod sit volens, licet absque potestate ad

oppositum, sed potius per totum hoc; & quod sit volens, & tali modo volens, vt simul potestatem ad oppositum in illo actu retineat.

Idem profecto clarissimis verbis dixit in eodem dialogo cap. 5. antecedenti, & etiam capite nono sequenti. Imo in illo capite probat; quod voluntas verè cogeretur, si in via ab aliquo agente determinaretur taliter ad volendum vnum, vt oppositum velle non posset. De quo ex professo agam infra libro secundo: intensus Deo dante, quod esset vera Coactio in humana voluntate, si in via poneretur agere circa sua obiecta cum tali necessitate, qualem habet in Patria circa Deum.

Infra l.
2. c. 18.
§. Ex
hoc agi-
tur di-
ferimi-
ne.

C A P V T XIX.

Eadem Philosophia Bernardi, & Aelredi eius Contemporanei: Vbi non est potestas ad oppositum, ibi non est libertas.

PROFECTO non minori luce tibi opponitur Bernardus. Nam licet nullus (tuo videri) tam dabo & professo studio, operaque, tuam Philosophiam tradiderit; quam ineptè tamen, & sine fundamento hoc putes; sequentia euidenter demonstrant, Bernardi litterarum & sonum vocis, egregiè fuisse secutus; sed sensum & veram eius mentem, vel præterire voluisti, vel intelligere non potuisti.

In The-
riaca l.
1. c. 5. §.
2. d. Bernardi
dabo?

Diuinum appellas eius sermonem 81. super Cantica; sed vide quam bel- lè in fauorem communis sententiæ contra teipsum diuinaueris! Arbitrij libertas (inquit ibi cap. septimo) hæc est planè diuinum quidpiam præfulgens

in anima, tamquam gemma in auro. Ex hac nempe inest illi inter bonum quidem & malum, nec non inter vitam & mortem; sed & nihilominus inter lucem & tenebras, & cognitio & optio eligendi: & si quasunt alia, quæ similiter circa animæ habitum sese è regione respicere videantur: nihilominus inter ipsa censorius quidam arbiter is animæ oculus dijudicat & discernit, sicut arbiter in discernendo, ita in agendo liber: unde & liberum nominatur arbitrium, quod liceat versari in his pro arbitrio voluntatis. Hoc in conceptu assignat Bernardus, propriam & essentialem sphaeram liberi arbitrij, id est, ea extrema, quæ ab eius libertate formaliter debent inspicere, & à quibus essentialissimè specificatur, in quantum libertas est: quod si negaueris, conuincito te ex ipso contextu: expressè namque dicit, arbitrium per habitudinem ad talia extrema, nominari liberum, eo nempe, quod liceat versari in his pro arbitrio voluntatis: nihil autem tale vel tale nominatur, nisi per ordinem ad essentialia suum specificatum, à quo in ratione talis per se dependet.

Circa quod nota; quòd aliud est, rem ab aliquo nominari, aliud autem ab aliquo denominari. Denominari quidem contingit aliquando ab aliquo accidentali: quo sensu homo denominatur quid risibile à risibilitate: sed nominari non contingit, nisi à ratione essentiali: quo sensu homo non nominatur homo philosophicè loquendo, nisi à rationalitate. Et ratio est in promptu ex principijs Dialecticæ: nam nomen est notamen rei, non quaecumque; sed primum, id est, significans rem secundum primum & essentialem eius conceptum: qua de causa & casus obliqui excluduntur à ratione nominis, quia secundum primum conceptum rem non nominant; sed potius denomi-

nant: ac per hoc quasi secundò, & accidentaliter nominant, non primò. Attende ergo, Bernardum non dixisse, arbitrium ab illis extremis, quæ ibi assignabat, liberum denominari, sed potius, liberum nominari: satis clarè insinuans, ab ordine seu habitudine ad huiusmodi, eius primam & essentialem rationem desumi. Ex ipso igitur contextu vera est propositio assumpta, nimirum iuxta mentem eius assignari ibidem extrema, per ordinem ad quæ essentialis arbitrij libertas debet desumi.

Sed videamus nunc, cuiusmodi sint illa extrema, quæ sic pro essentiali libertatis sphaera seu obiecto assignat. Profectò ea sola sunt, vel opposita contrariè, vel opposita contradictoriè: contrariè quidem in his verbis, inter bonum & malum: contradictoriè autem in his, inter lucem & tenebras: quam utramque oppositionem, generali etiam propositione complectitur, inquit: *Et si quasunt alia, quæ similiter circa animæ habitum, sese è regione respicere videantur*: hoc est dictum; & generaliter quæcumque alia, quæ ipsa anima ut sese è regione respicientia, seu ut sibi inuicem opposita contemplatur: ut facere hoc vel illud, facere vel non facere, facere sic vel aliter, amare & amorem suspendere, & similia.

Concludo ergo breuiter ad nostrum propositum huc syllogismum. Bernardus assignat in præfato loco, extrema per ordinem ad quæ essentialis arbitrij libertas debet desumi, & specificari: at non assignat alia, quam quæ ab anima possunt inspicere cum oppositione seu indifferentia, vel contrarietatis, vel contradictionis: ergo sentit animæ essentialem libertatem, non exerceri in actibus omnino necessarijs, quos cum tali oppositione seu indifferentia non inspicit.

Et

Et dic iterum (ne ipsam etiam significacionem grammaticalem negligere videamur) quid quæso sonat ista propositio: *vnde & liberum nominatur arbitrium, quoddam liceat versari in his pro arbitrio voluntatis?* Potestne similis Grammatica cum proprietate sermonis verificari respectu actuum tam necessariorum, sicut sunt spiratio Spiritus Sancti, & Amor beatificus? Vbi est voluntas essentialissimè determinata ad vnum, ita vt illud euadere nequeat; imò & tali modo debeat attingere, vt quouis alio non possit; diceturne ibi licitum esse versari pro arbitrio voluntatis? Sanè qui sic Grammaticam torquet, licet Priscianum non macet, Grammatistes tamen est egregius. Ductum sequitur liberi sui arbitrij, non artem. Verba illa euidenter sonant, voluntatem in tantum, & non aliter dici liberam, in quantum potestatem habet faciendi hoc vel illud, faciendi & non faciendi, faciendi sic vel aliter, & qualitercumq; voluntati visum fuerit.

Imò quàm apertè mellissus Doctor id ipsum senscrit, in eodem capite apparet adhuc manifestius, si quædam alia eius verba ponderentur. Post propositionem iam dictam, sic ibidem profequitur. *Inde homo ad promerendum potest: omne etenim quod fecerit bonum, malumue, quod quidem non facere, liberum sit, merito ad meritum reputatur.* Ecce luce meridiana clarius, tuum dogma breuissimè iuglatum. Non dicit Bernardus vniuersaliter, omne bonum quod homo facit, esse meritorium; sed solum illud, quod sic facit, vt tamen non facere, liberum sit. Videtur sanè in mente habuisse ipsos actus bonos necessarios, de quibus nos disputamus. Boni quidem ij sunt, vt maximè apparet in amore beatifico: & homo etiam eos facit, sed quia non facere,

ipsi liberum non est; meriti capacitatem non obtinent. O bella, o fortis & robusta Philosophia, quæ omnia; Vincentij, crepitacula, quibus Sanctum Bernardum circumstrepit, silere iubet & diffringit. Diuinus ergo est sermo ille, sed non sicut aduersarius diuinavit. *In contrarium nostri praeliatoris versa est sententia.*

Asteamus nunc ad præclarum illum libellum de libero arbitrio, quem etiam asseris, Vincenti, *tua Philosophia peculiariter dedicatum*: crede mihi non cedit tibi felicius dedicatio, quam diuinatio. *Vita sensus*, (inquit ibi cap. 2.) *appetitus, memoria, ingenium, & si qua sunt talia, eo ipso subiacent necessitati, quo non planè subdita sunt voluntati.* Et post pauca: *nec tardum ingenium, nec labilis memoria nec inquietas appetitus, nec sensus obtusus, nec vita languens, reum per se statuunt hominem, sicut nec contraria innocentem.* Et hoc non ob aliud, nisi quia hæc necessaria, ac præter voluntatem posse provenire probantur. O sententiam mellissui verè melle Philosophico totam plenam? Omnes illæ res enumeratæ (inquit) liberæ nobis non sunt; & qua de causa Bernarde? Non ob aliud, nisi quia hæc necessaria. Et qua necessitate? Nulla alia, quàm quia, non planè subdita sunt voluntati, ac præter voluntatem posse provenire probantur. Hoc euidentissimè est dicere, me esse viuentem, me habere memoriam & similia, mihi libera non esse, nulla alia ratione quàm, quia mihi insunt, velim nolim. Age hic ergo, Vincenti, & nobis edisserere; quid magis ex his duobus sit, non subditum voluntati, vita Dei, an productio Spiritus Sancti? Dicetne magis subdi istam productionem, quam illam vitam? Certè qua ratione hoc dici queat, tu ipse videris. In vera, namque Philosophia, omnino æqualis necessitatis sunt (qualitercumque

Augustinus
ser. 117
de trin.
pote.

In The
ria. vbi
suprà
deinde
in pra
claro.

considerantur) Deum esse viuentem, & Spiritum Sanctum produci: sicut namque planè non subditur Diuinæ voluntati, quòd Deus sit Deus, ita pari omnino lege, eidem planè non subditur, quòd Deus sit viuens, & quòd Spiritus Sanctus producat. Ea enim omnia quæ Deitatis sunt, sine vllò respectu ad creaturas existentes, in viuenter nullæ subiacent voluntati, nec Humanæ nec Angelicæ, nec Diuinæ. Licet enim (teste Diuo Thoma 1. parte quæst. 41. art. 2. in corpore) *Deus voluntate sit Deus: in hoc sensu, quòd vult se esse Deum, & vult se generare Filium, & vult se producere Spiritum Sanctum; tamen nullum horum voluntati eius subditur, quia voluntas vt voluntas formaliter, non est horum principium. Et ideo Ariani (inquit ibidem Diuus Thomas) volentes ad hoc deducere, quòd Filius sit creatura; dixerunt quòd Pater genuit Filium voluntate, secundum quòd voluntas designat principium. Nobis autem dicendum est, quòd Pater genuit Filium non voluntate sed natura, sicut & ad tertium docet quòd Spiritus Sanctus producit non voluntate vt voluntas est, sed voluntate vt natura est. Si ergo Bernardus a libertate eximit, hoc quòd est Deum esse viuentem (vt pote qui vitam hominis à libertate eximit humanam) profecto quomodo libertati Diuinæ subijcere potest Spiritus Sancti productionem, quæ equè necessaria ac vita Diuina conspicitur?*

Nec valet Dicere, productionem Spiritus Sancti (ablatis tamen imperfectionibus) subdi imperio Diuinæ voluntatis, vt pote cum actus sit, quem ipsa voluntas ex se ipsa sibi imperat ex perfectissimo iudicio rationis: quòd tamen de vita Dei alijsque eius perfectionibus necessarijs dici nequit.

Non inquam valet: nam (vt iam

ex Diuo Thoma dixi, & infra latins ostendam) actus ille est à voluntate, non vt voluntas est formaliter, sed vt natura est: ac proinde, sicut nil naturale est ex vero imperio voluntatis, sed omnino præter illud; ita & actus ille productionis, cum naturalissimus sit, & non minus naturalis quam vita Dei; nullo modo Diuinæ voluntatis imperio subdi potest. Scio hic, Vincentium posse euasione intendere ex distinctione duplicis imperij; sed facillimo negotio infra præcludam, quando rationibus agetur.

Necdum cum Bernardo finis. In eodem libello cap. 3. ostendens, qualiter Christus libertatem habuerit in moriendo, & etiam in perferendo miseras humanas, expressè hoc probat per hanc causalem Prophetæ oblatum est quia ipse voluit. Super quem locum, fuit itaque (inquit) & ipse sub lege miseria, sed fuit quia voluit. Similiter cap. 6. præbens Adamum liberè peccasse, sic fatur. Peccauit autem, quia liberum ei fuit, nec aliunde profecto liberum, nisi ex libertate arbitrij. Et qua via hoc constat Bernardus? Nem eris peccauit (inquit) ex pesse quòd accepit, non tamen quia potuit, sed quia voluit. Ecce iterum vitur eadem causali ad probandam actus libertatem; quia nempe illum elicit, quia voluit. Et ne hic confugas ad libertatem status Innocentiæ, quam fateris sine indifferentia non subsistere; accipe aliud simile in natura lapsa. Nam capite 9. eodem modo argumentatur ad probandum, Petrum liberè negasse Christum. Fateatur quidem, ipsum ad negandum fuisse compulsum, sed non ab alio quam à propria voluntate: & hoc libertati dicit non obesse. Vim quippe (ait) quam ipsa sibi intulit, à se pertulit. Porro quòd à se voluntas pertulit, ex voluntate fuit: quòd ex voluntate fuit;

Infra l.
2. cap.
9. §. Mi-
nerum.
itaque.

Infra l.
2. cap.
7. §. Sed
ad om-
nia ista.

Itaque
51. ver.
7.

fuit; iam non ex necessitate, sed voluntarium fuit: si autem voluntarium; & liberum. Sed dic iterum Bernardus, quomodo probas compulsionem illam seu vim ex voluntate fuisse & quidem libera? Hoc scire desidero, ut Vincentio Philosophiam tuam, aliter quam ipse intelligit, ostendam: compulsum est (inquit) quia voluit. En iterum eandem prorsus causalem. Sentit ergo aperte, libertatem voluntatis etiam in natura lapsa non saluari, nisi ubi saluatur veritas prae dictae causalis. Sed tunc ultra; saluaturne bone, Vincenti, veritas prae dictae causalis in actibus voluntatis omnino necessarijs? Spirantne Pater & Filius, quia volunt? Hoc est professio secundum D. Thomam loqui cum haeticis. Audi ipsum in primo ad Aribal. dist. 11. quæst. vnica art. 1. in Corpore, ubi clarissimis verbis hæresim improbat sic loquenti. Si Spiritus Sanctus (inquit) procedit à Patre, quia Pater voluit; hic modus est, quo à Deo creatura procedunt. Sequitur ergo Spiritum Sanctum esse creaturam? quod est hæreticum. Vade ergo, Vincenti, & ne dixeris, Pater spirat quia vult, sed dicas cum D. Thoma, Pater volendo spirat, Pater spirat quia potest, non quia vult, sicut vice versa Bernardus dicit de Adamo, quod peccauit, non quia potuit, sed quia voluit.

Dic ergo iam, Vincenti, præfatum Bernardi libellum, tua Philosophia esse peculiariter dedicatum. Certè verissime id affirmaueris, si tamen dedicationis nomine, potius abdicationem tui dogmatis intellexeris.

Ast & vnum hoc ex eodem libello præterire non possum. Cap. 2. est ratio data voluntati (inquit) ut instruat illam, non destruat: destrueret autem, si necessitatem ei ullam imponeret, quominus liberè pro arbitrio sese volueret: at

in amore beatifico ratio omnimodam necessitatem voluntati imponit, cum tanta euentia proponat bonum infinitum, ut pro arbitrio suo nequeat se voluere voluntas in oppositum: ergo euidentissimè sentit quod ratione iudicij seu intellectus sic ad vnum determinati, libertas in illo amore destruitur. Velis nolis, Vincenti, nulla est hic fuga aut euasio. Et si plura ex eodem Bernardo desideras, plura certè non deerunt, si tractatum eius de præcepto & dispensatione inspexeris.

Placet & nunc videre, qua in Philosophia fuerit contemporaneus eius D. Aelredus? Inspice librum eius primum Speculi charitatis, & profecto nec vel vmbra tuæ opinionis in lymphido illo crystallo inuenies. Duas tantum sententias speculandas obijcio, ne longior sim. Prima est. Si homo careret iudicio, quod id quod vult, discernat ab eo, quod non vult; posset (inquit) fortè voluptuosa tantum appetere, carne more iumentorum sentire, non autem illis rationali quodam iudicio consentire, vel dissentire, quod est liberi arbitrij.

Secunda. Patet (ni fallor) ratio, quod nec gratia liberum arbitrium destruat, nec liberum arbitrium gratiam minuat. Quomodo enim gratia liberum arbitrium auferat, cum gratia non nisi in libero operetur arbitrio? Neque enim gratia ista, de qua loquimur, aut in brutis animalibus, aut in rebus operatur insensibilibus, sed in his tantum, quæ præceptionis, aut prohibitionis capaces audiunt, fac hoc & fac illud, & noli hoc & noli illud: quæ proculdubio non dicuntur, nisi his, quibus inest liberum arbitrium, quo possint velle hoc aut illud.

Vtraque ista speculi sententia, tam limpide, tamque perspicue ostentat, potestatem ad oppositum esse de essentia libertatis, ut addendo verba, fortè

fortè maculam adderem, non nitor-
rem: obnubilando potius quàm enu-
bilando. Ad alios Patres transca-
mus.

C A P V T XX.

Eadem Philosophia, Prosperi, Fulgen-
tij, & Richardi Sancti Victoris:

Vbi non est potestas ad
oppositum, ibi non
est libertas.

PHILOSOPHIAM etiam hanc à
maioribus, ad Prosperum, Ful-
gentium, & Richardum Sancti Vi-
ctoris deuenisse, & ab eisdem con-
stantissimè defensasam, nemo est qui
iure potest dubitare. Sed ponamus
prius motiuum, Vincentij, ex quo
Prosperum ad partes suas traxit.

Adducit igitur quedam ipsius ver-
ba ex libro contra Collatorem, ca-
pite 38. quibus asserit contra Semi-
pelagianos, ideo liberum arbitrium
non auferri, quatumvis ponatur Di-
uina gratia indigore: quia hoc non
obstante, volentes oramus, volentes lo-
quimur, volentes operamur salutem no-
stram, volentes denique Deum diligimus
& proximum.

Ecce (inquit Vincentius) quoties re-
plicat, illud volentes, & ideo libertatem
arbitrij in orando, loquendo, operando,
diligendo, gratia non euerti dicit; quia
volentes omnia ista facimus. Quod quid
aliud est, quàm voluntatem esse libe-
ram, & nos omnia libere agere, quæ vo-
luntate agimus? Quamuis (subintel-
lige) abque potestate ad oppositum,
vt contingit in amore beatifico.

Doctòr Catholice, vis videre, qua-
liter toto cælo à mente huius Sancti
viri aberres? Scias igitur ipsum loqui
de voluntate, non vt natura est, sed

de voluntate, vt voluntas est forma-
liter; qua ratione nullo modo con-
tingit ipsam velle sine potestate ad
oppositum, etiam pro eodem instan-
ti quo subest gratia, vt infra demon-
strabitur.

Ex apertissimis verbis Prosperi,
hoc tibi notum facio. Eamus ad li-
brum eius 1. de Vocatione gentium;
& plurimis in locis prædictum à me
sensum ibidem inuenies.

In primis cap. decimo, loquens
de Iulius, qui in exordio mundi fue-
runt, sic satur. Vnde apparet, quod iste
populus spiritualis antea fuit, ea vtique
voluntate, cui Spiritus Sanctus præside-
bat, impendens moderamenis sui regi-
men, vt declinandi ad vitia non adi-
meret potestatem. En sermonem de
voluntate, adhuc sub tractu gratia
potente ad oppositum.

Deinde capite duodecimo. Certissi-
mè nouerimus, multis qui iam iudicio
rationis vruntur, ideo liberum esse, di-
scedere, vt non discessisse sit premium. Et
vt, quod non potest nisi cooperante Spi-
ritu Dei fieri, eorum meritis deputetur,
quorum id potuit voluntate non fieri. En
iterum, qualiter opus supernatura-
le, quod non fit nisi Spiritu gratia
cooperante, possit nostra voluntate
non fieri.

Rursus capite 28. Qui ad obedi-
endum sibi, ipsum velle sic donat, vt etiam
à perseueraturis illam mutabilitatem,
quæ potest nolle, non auferat. Quid cla-
rius? Deus donans actuale velle per
gratiam, mutabilitatem ad opposi-
tum non aufert.

Et in eodem capite. Si ergo defecit
ra erat fides santi Apostoli, nisi pro eo
Christus oraret, inerat ei proculdubio
mutabilitas, quæ posset in tentatione mu-
tare. En idem quod prius.

Iterum ibidem. Et licet innumeris
Sanctis suis donet virtutem perseuerandi
vsque in finem Diuina protectio, à nul-
lis tamen aufert, quod ipsis repugnat ex
se ipsis,

Infra l.
2. c. 1.
& l. 1.
cap. 4.
sect. 2.

In The-
riaca l.
2. c. 4.
in prin-
cipio.

seipfis, vt in omnibus studijs eorum atque conatibus semper inter se velle & nolle decernit.

Iterum. Quamuis auxilio Dei steterint; tamen quia in se habebant unde caderent, ipsorum est meritum, quod steterunt.

Tandem (vt & sic locum concludam) Igitur sicut qui crediderunt, iuuantur vt in fide maneant, sic qui nondum crediderunt, iuuantur vt credant: & quemadmodum illi in sua habent potestate, vt exeat, ita & isti in sua habent potestate, ne veniant. O quam breuiter, & quam distincte omnia!

Videsue obsecro Lector, quantum distet hic sermo, ab eo, quem intulit falsa imaginatio obloquentis? Nonne quasi studuit, ea quæ rectissime Sanctus Prosper secundum communem Sententiam dixit, noua quadam & exquisita intelligentia, corrumpere? Si dixit, *ideo liberè, quis volentes oramus, volentes diligimus, volentes operamur*, profecto de ea se ostendit voluntate locutum, de qua omnibus illis in locis prædicat, operari eam ista omnia cum Potestate ad oppositum: non solum in eo sensu (vt Vincentius somniat) excussa præsentis prædeterminatione, non ea retenta; sed etiam pro eodem instanti, quo prædeterminatio adest: cum expressissime loquatur de voluntate actu credente, cui Spiritus Sanctus moderaminis sui regimen actu impendit, cui actu velle donat, ac proinde de voluntate actu à diuina gratia, prædeterminata.

Imò quòd plus est, si iuxta mentem Prosperi, sub ipso instanti prædeterminationis, potestas ad oppositum non adesset seu remaneret; ergo prædeterminatio pro tunc potestatem illam aufert; in hoc sensu, quòd id quod erat antea potestas, facit non esse potestatem pro tunc: quòd si verum est, quomodo non sibi con-

tradicit, dum ibidem asserit, quòd Diuina protectio seu gratia, à nullo aufert, quod ipsis repugnat ex se ipsis, vt in omnibus studijs eorum atque conatibus semper inter se velle & nolle decernit? Horum enim verborum sensus euident est, quòd adiutorium, gratia à nemine aufert illam repugnantiam, quam sibi ex se ipsa potest voluntas facere, vt scilicet dum actu vult, possit per nolle repugnare, non simul nolendo & volendo (hoc enim contradictionem respectu eiusdem implicat) sed volendo & simul retinendo posse, vt nolit. Vade ergo, Vincenti, nam non tibi sed nobis Prosper est prosper.

Duo tamen adhuc adducere non dubito, quia nimis manifesta sunt. Primum desumo ex responsionibus ad obiectiones Vincentianas obiectione quinta: vbi probans Deum non esse auctorem nostrorum peccatorum, sic loquitur. Non igitur cuiusquam peccati auctor est, sed natura creator est. Quæ cum potestatem habuerit non delinquendi, sponte deliquit, & deceptor suo proprio, propria voluntate se subdidit. Non vides ibi manifestè assumptum nostræ Philosophiæ principium, videlicet naturam humanam sponte seu liberè deliquisse, ex eo quòd potestatem habuerit non delinquendi? Ergo apertè sentit, quòd non liberè deliquisset, si potestate illa ad oppositum caruisset.

Nec valet dicere Sanctum Prosperum ibi solum loqui de libertate Adami in statu Innocentiæ, non autem de nostra.

Non (inquam) valet: nam quantum ad hoc eadem est ratio de nobis ac de Adamo. Licet enim ipse perfectiorem habuerit potestatem non delinquendi, quam nos modo habeamus (vt supra ex doctrina Augustini notauimus) tamen reuera mens Prosperi non est, eum liberè deliquisse, quia

Suprà
lib. I. c.
17. à .
Sed hæc
conueni
tia.

ha.

habuerit potestatem non delinquendi tam perfectam, sed quia habuit potestatem non delinquendi absolute & simpliciter: ac proinde pari lege sentit, nos quoque minime liberè peccaturos, si potestas non peccandi absolute & simpliciter, nobis deesset.

Secundum desumo ex responsionibus ad Excerpta Genuenium dubio quarto: vbi postquam dixerat, *Multi audiunt verbum veritatis, sed alij credunt, alij contradicunt, probans postea, ab illis hoc fieri liberè, sic subiungit. Et tamen illi quia voluerunt, crediderunt; illi quia noluerunt, non crediderunt.* En qualiter ad probandam libertatem, assumat eandem causalem Bernardi: quæ tamen (vt supra demonstravi) nequit in actibus omnino necessarijs verificari. De mente ego Prosperi dubitare, fas non est.

Prospero succedat Fulgentius. Lib. secundo de Veritate prædestinationis, & gratiæ, capite secundo sic habet. *Neque tamen libera voluntas ideo non est in homine, priusquam sanctur opere Divina conversionis: quia morbo magis vult obtemperare, quam medico; cum eo ipso quod obtemperat homo, vel non obtemperat, liberum sibi inesse arbitrium evidenter ostendat.* Probat nil obesse libertati hominis in natura lapsa, ipsum magis inclinare ad obtemperandum spiritualibus morbis, quam ad obtemperandum spirituali medico; quia licet ratione prævæ concupiscentiæ magis ad hos, quam ad hunc inclinet; tamen in hoc ipso, quod tandem obtemperat, vel non obtemperat, se liberum omnino ostendit: vt pote cum actus illi oppositi, à propria voluntate orti, sint signum intrinsecæ potestatis, quam habet ad opposita, & in qua, ipsa essentialis libertas consistit. Nonne hoc est, discretis verbis ostendere, li-

bertatem actuum non radicari nisi in principio, cui preut sic & formaliter, inest ad opposita potestas?

Consequenter ad hoc subiungit in capite quarto ad illa verba Isaie: *Si volueritis, & audieritis me, bona terra comedetis: quod si nolueritis, nec audieritis me; gladius denotabit vos: subiungit (inquam) his verbis quibus dicitur, si volueritis, & si nolueritis; proculdubio libertas humani declaratur arbitrij: velle enim & nolle, voluntatis esse, nullus ignorat.* Quasi dicat, vbi est velle & nolle, ibi ab effectu ostenditur voluntatis libertas: quia videlicet illi actus oppositi, non nisi in potestate ad opposita radicantur, quæ potestas vera & essentialis libertas est: licet actus ipsi accidentia tantum sint, libertatis ostensua, vt ex professo declarabo infra.

Et nota, quod ad inferendam libertatem, non assumptis velle tantum: sed velle & nolle simul: tacite innuens, solum velle non esse signum libertatis, nisi exerceatur simul cum potestate ad nolle circa idem obiectum.

Amén Sanctorum Patrum claudat Richardus Sancti Victoris, nobili illo tractatu primo de Statu primi hominis. Ibidem exponens locum illi a Isaie, *Omne caput languidum, & omne cor marens à planta pedis, &c.* comparat liberum arbitrium capiti, consilium cordi, & carnale desiderium pedi. Sed vide, quàm aptè ad rem nostram. *Caput* (inquit capite 2.) *toti corpori supereminet, & liberum arbitrium omni actioni præsidet: imò & appetitui; quia etiam cum malè egeris, cum iam foribus peccatum assuevit, subter te tamen erit appetitus eius, & tu dominaberis illius. Quid est, eris subter te? Nisi sub arbitrio tuo? Eò quod quivis appetitus in actum non prodeat sine nutu spontaneo & consensu voluntario.* Et quod per nutum sponta-

Isaie 1.
vcl. 19

Infrà 1.
2. ca. 4.
scilicet 4.
Et cor-
re quod
habet in
parte.

Isaie 5.
vcl. 4.

neum, consensumque voluntarium, nil aliud intelligat, nisi vim seu potestatem faciendi & non faciendi; patet ex his quæ subiungit cap. 6. ubi comparans potestatem liberi arbitrij, potestati Regiæ omnibus imperanti, sic prosequitur, *Vniuersa itaque terra Rex iste* (videlicet liberum arbitrium) *imperat: quia cum cætera omnia corporis membra, motus omnis ei ad nutum deserviat, illud etiam* (scilicet carnale desiderium) *quod solum ei pro voto non obtemperat, sed in magna sæpe contradictione rebeliat, potest & praeceptum ab actu refruare & esfratatum graui ultione percutere, & animositatis eius audaciam forti castigatione frangere & emulere. Sic itaque nec ipsum eius potestatem piende effugit, quod ei impudenter contradicit, fortiterque resistit. Rectè ergo (ut arbitror) capiti assimilatur, quod cæteris omnibus principatur. En apertissime Philosophiam nostram. Liberum arbitrium (inquit) omnibus imperat, & etiam carnali desiderio, quia potest & praeceptum ab actu esfrare. Sentit ergo non exerceri formaliter libertatem, ubi talis potestas ad oppositum non exercetur.*

Sed clarius adiuu capite decimo tertio. Non autem arbitrium hominis (ait) idcirco liberum dicimus, quia promptum habeat bonum vel malum facere; sed quia liberum habet, bono vel malo non consentire. Et post pauca, potest enim consentire, vel non consentire aspirationi Diuinæ, similiter & suggestioni Diabolicae. Vtrumque quidem ex libertate, neutrum autem oportet ex necessitate. Nonne hoc est splendidissima verborum luce veritatem nostræ Philosophiæ pandere? Conuenitne cum dictis huiusmodi illa tua Vincenti, qua asseris, adhuc liberum esse arbitrium, in casu quo altera contradictionis pars, omnino contradictionem implicat? Vbi vo-

luntas tali necessitate consentit, ut non possit non consentire, sicut videre est in actibus spirationis, & Amoris beatifici? Profectò hæc cum apertissima sint, miror summopere, te hominem alias doctum, in tanta luce deceptum.

Verum in fauorem tuum fortè obijcies sententiam illam, quam habet capite vigesimo tertio, cuius tibi superficies patrocinari videtur. Docet ibi Richardus hominem non modo libertate non carere; sed & magnam (imò summam) libertatem possidere, idque non alia de causa, quam quia voluntate agit quodcumque agit, absque eo quod potestatem indifferentiæ vllatenus commemoret. Verba eius sunt tenoris sequentis. Si igitur nulla violentia arbitrium potest sua priuare libertates, constat illud summam libertatem habere. Nihilominus tamen (ut superius demonstratum est) voluntas voluntati contradicit, & voluntas voluntati resistit, & alia ab alia impugnatur, & nunc hæc nunc illa captiuatur. Sed in nuius congressionis certamine, sicut voluntas est, quæ oppugnat, & voluntas quæ oppugnatur; sic voluntas est, quæ superat, & voluntas quæ superatur. Sed in his omnibus manet libertatis integritas, quia semper triumphas voluntas. En ubi probat voluntatem liberè contradicere, liberè resistere, liberè impugnari, liberè captiuari; ex nullo alio capite, quam quia voluntas ipsa est, quæ omnia ista facit, & peragit: sentit ergo potestatem indifferentiæ ad libertatem non requiri; sed sufficere, solam voluntatem.

Respondeo ad hunc locum, sicut in principio dixi ad locum Prosperi: nempe Richardum loqui de voluntate ut voluntas est formaliter: quo sensu idem est, voluntatem aliquid agere, & agere illud cum potestate ad oppositum, ut infrà patebit.

Infiat.
a. cap.
f. & l.
3. c. 4.
lect. 1.

bit. Quod autem loquatur de voluntate, ut voluntas est formaliter; adeo perspicue clarescit ex ipsa littera, ut ostensione non egeat: nam sermo ipsi est de voluntate, ut seipsam impugnante, ut sibi ipsa contradicente, ut denique de seipsa per motus contrarios triumphanteque omnia non conueniunt, nisi voluntati, ut voluntas est formaliter, non vero voluntati ut natura est, cum hæc contrariorum motuum incapax sit, utpote ad vnum tantum motum sibi naturalem & conuenientem determinata.

Igitur *Vir grauis, Doctor sapiens, vtrax Magister* (ut Verbis Prosperi con-

tra Collatorem capite trigesimo tertio, concludam) *redde nobis Catholicam definitionem* horum SS. Patrum, & noli amplius concordem ipsorum mentem, a communis sententiae societate, priuata tua intelligentia diuidere. Abundè enim (ut arbitror) his testimonijs demonstratum est, quantum Dominus adiuit, non in obscuro aut in ambiguo esse, quid de natura libertatis senserint; si omnes eorum sententiae, quas pro modulo nostro, sine ulla prorsus falsitate adijcere curauimus, tranquillo intuitu, & pacata mente conspiciantur.

LIBER SECVNDVS.

RATIONIBVS OSTENDITVR,

OMNEM ACTVM VERE LIBERVM

Debere elici, vel imperari cum potestate ad oppositum contrarietatis vel contradictionis.

CAPVT PRIMVM.

Proponitur multiplex acceptio libertatis.



PXPLOSA iam ab auctoritate, non solum Thomisticae Scholae, sed etiam Sanctorum Patrum, opinione Vincentij, non erit operosum ostendere, verane sit an falsa. Sed ut certa ab incertis se paremus, explicanda erit prius multiplex acceptio huius nominis *libertas*; tum quia eius ignorantia

posset fortè confusionem parere; tum etiam, quia non abs re erit, ut variae locutiones Patrum in hac materia debito sensu intelligantur. Libertas igitur potest sumi multipliciter.

Primò sumitur pro immunitate à culpa: & hæc dicitur libertas gratiae. In quo sensu soli iusti dicuntur liberi; quia immunes pro statu iustitiae, ab omni culpa, iuxta illud ad Romanos sexto, *Liberari autem à peccato*, &c. Quo sensu etiam Augustinus voluntatem eò dicit esse liberiores, quò est à culpa remotior. Vnde illud Epistolae 39. *Voluntas libera tantò erit liberior, quantò sanior: tantò autem sanior, quanto Diuina mi-*

seruicia, gratiaque subieffior.

Secundò sumitur pro immunitate à miseria: & hæc dicitur libertas gloriæ. In quo sensu soli beati dicuntur liberi, quia pro statu beatitudinis, immunes ab omni miseria, iuxta illud ad Romanos octauo, *Ipsa creatura liberabitur à seruitute corruptionis in libertatem gloria Filiorum Dei.*

Tertiò sumitur pro immunitate à iustitia: & hæc vocatur à D. Thoma ad Romanos 6. lectione 4. *libertas apparens, seu quantum ad opinionem.* In quo sensu soli peccatores, qui ex certo proposito peccant, dicuntur liberi. Nam illi qui ex infirmitate vel passione peccant, aliquo adhuc fræno iustitiæ detenti, peccant; ita vt non videantur à iustitia omnino liberi. Qua de causa, de peccantibus ex certo proposito, ait ibidem Apostolus, *cum serui essetis peccati, liberi fuistis iustitiæ*, id est, à fræno iustitiæ quasi immunes & soluti, iuxta illud Iob 11. *Vir vanus in superbiam erigitur, & tamquam pullum Onagri, liberum se putat.*

Quartò sumitur pro immunitate à lege: & hæc dicitur libertas exemptionis. Quo sensu dispensati & priuilegiati dicuntur liberi, quia immunes ab obligatione legis.

Quintò, sumitur, pro immunitate à coactione. In quo sensu omne non coactum seu spontaneum potest dici liberum. Sed coactio (vt rectè notat Durandus) adhuc dupliciter sumitur: vno modo, vt dicit solam impeditionem alicuius ab actu conuenienti, ad quem inclinatur; puta cum lapidi supponitur columna, dicitur cogi, ne descendat: quia à motu deorsum sibi conuenienti per columnam impeditur. Alio modo, vt dicit compulsionem ad actum inclinationi repugnantem. Sicut est in lapide sursum proiecto. Et hoc

etiam potest exemplificari in voluntate: voluntas enim in profundo aliquo somno, dicitur coacta primo modo: quia scilicet impeditur cognitio, & impedita cognitione impeditur volitio, cum voluntas non possit ferri in incognitum. Secundo autem modo cogeretur, si aliquod agens extrinsecum eam compelleret ad actum suæ inclinationi repugnantem. Quod tamen (vt communiter tenent Theologi & ex professo ostendit D. Thomas quæst. 22. de veritate art. 5.) impossibile est. Cum enim ipsa voluntas sit quædam inclinatio, eò quòd est appetitus quidam, non potest contingere, quòd voluntas aliquid actu suo velit, & inclinatio eius non sit in illud: & ex consequenti impossibile est, quòd compellatur ad actum inclinationi suæ repugnantem. Quæ ratio etiam conuincit de quilibet potentia in ordine ad proprium suum actum. Cum enim quælibet potentia in ordine ad actum sibi proprium sit quædam inclinatio; nulla potest in ordine ad actum sibi proprium contra inclinationem suam compelli. Licet verum sit, quòd adhuc quantum ad hoc, est discrimen inter voluntatem & alias potentias. Nam in actibus illarum, licet non possit inuenire coactio seu compulsio per comparisonem ad ipsasmet potentias, inuenitur tamen per comparisonem ad suppositum. Id est, licet intellectus verbi gratia, in nulla intellectione possit cogi; homo tamen in aliqua intellectione interdum potest cogi: at verò in actibus voluntatis nec potest esse coactio respectu voluntatis; nec respectu totius suppositi, id est, quòd non solum voluntas sed nec homo ipse in aliqua volitione potest cogi. Sit exemplum, vt nouitius possit percipere. Verbi gratia intellectus assentitur alicui verò euidenter conclusio demon-

Durandus in
2. dist.
25. q. 4.
6. Respon-
sio.

demonstrationem: tunc ipse intellectus non cogitur, cum eius naturalis inclinatio sit ad intelligendum omnia: sed homo in illo casu potest interdum dici coactus: puta, si voluntas forte imperabat oppositum assensum, vel ipsi oppositus assensus propter certa motiva magis placebat. Ratio autem huius discriminis traditur à D. Thoma loco citato ad 3. quia nimirum, non intellectus aut quævis alia potentia, sed sola voluntas ipsam inclinationem hominis nominat: unde quidquid fit secundum voluntatem fit secundum hominis inclinationem, & quidquid fit contra voluntatem, fit pariter contra hominis inclinationem: quia tamen inclinationes aliarum potentiarum ipsam inclinationem totius suppositi non nominant; possunt actus illarum esse conformes ipsis, & tamen non conformes inclinationi totius suppositi: ac proinde comparatiue ad illud possunt dici coacti. Et sic dicitur 5. Metaphysicæ, quod intellectus cogitur, vt aliquid de necessitate teneat: cogitur (inquam) respectiue ad voluntatem seu ad inclinationem suppositi, cui tale verum non placet.

Sextò sumitur libertas pro immunitate à necessaria determinatione ad vnum. Et in hoc sensu nil aliud est, quàm facultas ad opposita, siue contrariè siue contradictoriè: contrariè quidem, vt ad bonum vel malum, ad amorem vel odium, ad velle vel nolle: contradictoriè autem, vt ad amorem vel cessationem amoris, ad velle vel non velle, agere vel non agere &c. Et in hoc sensu sola voluntas dicitur libera formaliter, intellectus autem radicaliter. Voluntas quidem formaliter, quia ipsa est substantium, in qua est prædicta facultas ad opposita, vel verius dixerim, ipsamet est huiusmodi facultas. Vnde & dixit Damascenus, quod libe-

rum Arbitrium, per essentiam est ipsa voluntas, vt refert D. Thomas in Secundo ad Annibal. dist. 24. quæst. vnicæ art. 2. ad 2. intellectus autem radicaliter, quia causa, & radix indifferentie voluntatis, est indifferentia iudicii intellectus. Cum enim voluntas sit potentia cæca, sequens cognitionem; quòd fit determinata vel indifferens ad opposita, prouenire debet ex determinatione vel indifferentia ipsius cognitionis. Vnde & D. Thomas 1. 2. quæst. 17. art. 1. ad secundum Radix libertatis est voluntas sicut subiectum; sed sicut causa est ratio. Ex hoc enim voluntas liberè potest ad diuersa ferri, quia ratio potest habere diuersas cognitiones boni. Et iterum, quæst. 24. de Veritate art. 2. in Corpore. Tota ratio libertatis ex modo cognitionis dependet. Et paulò post; Totius libertatis radix est in ratione constituta.

Septimò tandem sumitur liberum pro omni eo quod est verè & propriè voluntarium. Est autem verè & propriè voluntarium testè D. Thoma 1. 2. quæst. 6. art. 1. & 2. id cuius principium est intra cum cognitione finis. Et in hoc sensu tam bruta quàm homines dicuntur agere liberè, quia agunt verè voluntariè, cum motus eorum sint à principio intrinseco cum cognitione finis. Sed verè voluntarium diuiditur in voluntarium perfectum & in voluntarium imperfectum. Perfectum definitur, quòd est ab intrinseco cum perfecta cognitione finis. Imperfectum verò, quòd est ab intrinseco cum cognitione imperfecta. Intelligitur autem nomine cognitionis perfectæ, cognitio intellectiua, non qualiscumque, sed illa, quæ plenè & perfecte diiudicat de bonitate vel malitia obiecti; sicut & nomine cognitionis imperfectæ, intelligitur cognitio sensitiua, vel etiã intellectiua, non plenè seu perfectè

dijudicans. Vnde sub voluntario perfecto continentur soli actus voluntatis procedentes ex perfecta aduertentia seu perfecto iudicio intellectus: sub voluntario autem imperfecto, comprehenduntur motus appetitiui brutorum, & motus tam appetitus quam voluntatis puerorum & amentium: & generaliter quorquor in nobis plenam aduertentiam rationis præueniunt, qui & dicuntur motus primo primi. Vnde tertio Ethicor. dicit Philosophus, & teste D. Thoma approbant Nizenus & Damascenus, quod *pueri & bruta animalia communicant voluntario*.

Ex hac ultima acceptione sequitur, quod actus voluntatis omnino necessarii, qui scilicet eliciuntur à principio ab intrinseco determinato ad vnum tam specificatiue quam elicituè, possint dici liberi, si liberum iuxta hanc acceptionem confundas cum solo voluntario perfecto. Ratio est manifesta: nam necessitas omnimodæ determinationis ad vnum, sicut non obest, quin actus sit ab intrinseco cum cognitione perfecta; ita non obest rationi perfecti voluntarii, ac proinde nec libertati iuxta hunc sensum.

Omnes hæ acceptiones libertatis, sunt omnino certæ apud Scholasticos. Solum oportet definire, quænam ex illis ad veram libertatem de se capacem meriti & demeriti, requiratur & sufficiat. Circa quod in primis hoc extra controuersiam est, quod non requiritur libertas gratiæ, nec libertas gloriæ, nec libertas à iustitia, nec etiam libertas à lege. Constat namque hominis naturalem libertatem, ex se ad meritum & demeritum sufficientem, subsistere; siue in statu gratiæ sit, siue extra illud, siue in statu gloriæ, siue extra illud, siue liber sit à iustitia, siue non, siue liber tandem à lege, siue non.

Neque hoc finistrè intelligas, quando audis extra statum gratiæ subsistere libertatem de se sufficientem ad meritum: non enim volo, quod status gratiæ non sit conditio requisita ad meritum supernaturale; sed quod non sit conditio requisita ad illam alteram conditionem meriti, quæ est libertas: ita vt stet in actu sine gratia elicitio, esse sufficientem libertatem ad meritum, licet non sit sufficiens condignitas defectu gratiæ.

Deinde eadem ratione certum est, requiri ad veram libertatem, immunitatem à coactione; prout coactio dicit compulsionem ad actum inclinationi repugnantem: actus enim verè liber debet in omni opinione esse sub dominio, seu potestate operantis; & quando sic coactus esset; sub dominio, seu potestate operantis non esset. Qualiter enim me Dominum probabis illius, quod contra meam voluntatem compellor facere? Vnde necessitas coactionis, in hoc sensu est id quod directè euerit, & destruit totum fundamentum veræ libertatis. Imò tantam habet cum ea repugnantiam, vt potentia coactionis capax, libera esse nequeat, non solum exercitè, seu in actu secundo; sed nec subiectuè, seu in actu primo: id est, quod non solum liberè non operabitur, sed nec naturam potentie liberæ obtinebit. Vnde capacitas ad coactionem, non solum arguit in actu ipso coactio deesse libertatem; sed & insuper deesse ipsam naturam seu subiectum libertatis in ipso principio, quod sic coactè operaretur: cum enim hæc natura, seu subiectum libertatis sit sola voluntas, quæ essentialissimè petit in actibus suis non posse cogi; semel posito, quod cogi posset, euidenter eius natura desineret, & sic voluntas non esset voluntas, ac proinde nec subiectuè, seu in actu primo libera

remans.

remanceret. Hac de causa dicit Sanctus Thomas questione 22. de Veritate, artic. quinto ad Primum in contrarium: *Quodd necessitas coactionis repugnat voluntati.* Et ad Secundum, *Quodd pertinere ad impotentiam seu infirmitatem voluntatis, si ab alio cogere- tur.* Et rursus ad Tertium ex Augustino, *Quodd libertas opponitur necessitati coactionis.* Et iterum ad Quartum, *Quodd necessitas coactionis repugnat dignitati voluntatis.* Vbi ponderandum est, non dixisse tantum quodd repugnat actibus voluntatis; sed potius quodd repugnat ipsi voluntati, ipsius dignitati, & quodd pertinere ad eius impotentiam seu infirmitatem: quasi apertissime ostendens ipsam naturam seu potentiam voluntatis, & eius intrinsecam dignitatem funditus eversam iri, si coactio in ipsam cadere posset: ac proinde coactio non solum tolleretur libertatem exercitam ipsius actus; sed etiam libertatem subiectivam seu in actu primo, ipsius potentie.

Quodd maxime notatum velim pro percipienda differentia, quae versatur inter necessitatem coactionis, & inter necessitatem naturalis inclinationis. Necessitas namque coactionis (vt iam dixi) & destruit libertatem actus, & libertatem ipsius potentie; ita vt voluntas semel coactionis capax, liberè non posset operari in ullo actu; si semel in aliquo poneretur posse cogi. At verò necessitas naturalis inclinationis, quantumvis ponatur in summo gradu, videlicet & quoad specificationem, & quoad exercitium; licet auferat libertatem ab actu, qui cum tali necessitate exercetur (vt in sequentibus contra Vincentium ostendam) non tamen auferat libertatem ab ipsa potentia, respectu aliorum actuum: cum naturæ voluntatis non repugnet; sed potius cum ipsa in eadem essentia vo-

luntatis compatibilis sit. Et hoc est, quodd dixit D. Thomas 1. p. q. 82. art. 1. ad 1. & etiam in locis illis citatis ex quaest. 22. de Veritate, *Quodd necessitas naturalis non auferat libertatem voluntatis.* Non in hoc sensu (sicut somniat Vincentius) quodd non auferat libertatem actus (hoc enim falsissimum est) sed quia non auferat aut destruit libertatem potentie, respectu aliorum actuum, sicut necessitas coactionis. Eadem namque potentia libera, scilicet voluntas, & est subiectum libertatis, & simul subiectum necessitatis naturalis inclinationis; licet eadem nequeat esse subiectum libertatis, & subiectum coactionis. Et quodd hæc sit mens S. Doctoris, patet manifestè in spicienti attentius ipsius verba: non enim dixit, quodd necessitas naturalis non auferat libertatem actus; sed *necessitas naturalis non auferat libertatem voluntatis.* Et in locis de Veritate, *necessitas naturalis non repugnat voluntati, non pertinet ad impotentiam voluntatis, non repugnat dignitati voluntatis.* Ecce vbi præcisè docet, non repugnare ipsi naturæ, seu dignitati, aut potentie principij liberi, non autem quodd non repugnet ipsis actibus liberis.

Igitur immunitatem à coactione, ad veram arbitrij libertatem, essentialiter requiri, certum est: & insuper quodd ea sola in tota sua amplitudine ad libertatem non sufficiat; etiam patet: nam in appetitu brutorum similis immunitas inuenitur, cum non moueantur contra suam inclinationem; sed omnino iuxta illam: in quibus tamen nulla vera aut propria libertas inuenitur, vt in confesso est apud omnes. Tota ergo disputatio ad hoc deuoluitur, vtrum videlicet sufficiat; si immunitati à coactione adiungatur perfectum voluntarium, & nil aliud: id est, vtrum actus euadat verè liber libertate essentiali arbitrij.

arbitrij, & sufficienti ad meritum, per hoc præcisè, quòd sit perfectè voluntarius, seu à voluntate proficiscatur ex perfectò iudicio rationis, licet cum omnimoda necessitate naturalis inclinationis, tam quoad exercitium actus, quàm quoad speciem, vt contingit in productione Spiritus Sãcti, & in amore quo Deus & Beati diligunt Diuinam bonitatem secundum se.

Communis sententia contra notum & singulare dogma Vincentij, negans est: asseritque vltra rationem perfecti voluntarij, requiri ad veram libertatem actus hanc conditionem, quòd scilicet proficiscatur à voluntate cum potestate ad oppositum: ita (vt si cum tali indifferentia ex parte principij non procedat) actus liber non sit, quantumvis aliàs sit perfectissimè voluntarius.

C A P V T I I.

Declaratur, quid significetur nomine potestatis ad oppositum, quando dicitur, illam requiri ad veram libertatem actus.

ANTEQVAM ad rationes pro communi sententia accedamus, prælibare oportet; quid intelligamus nomine potestatis; quando dicimus, non esse libertatem, vbi non est potestas ad oppositum.

SCIENDVM ERGO EST PRIMO: quod nomine potestatis requisitæ ad essentiam libertatis, intelligimus in primis, potestatem expeditam. Vt enim habet D. Thomas 1. parte quæst. 83. art. 2. ad 3. *facultas nominat quandoque potestatem expeditam ad operandum: & sic facultas po-*

nitur in definitione liberi arbitrij: quæ scilicet dicitur, quòd est facultas voluntatis & rationis &c.

Sed quia potestatem esse expeditam, nil aliud sonat, quàm potestatem esse facilem, & facile possit accipi dupliciter; ideo etiam potestas expedita potest in duplici sensu intelligi. Hunc autem duplicem sensum declarat D. Thomas quæst. 24. de veritate artic. 4. ad 1. vbi sic habet. *Aliquid dicitur esse facile dupliciter: vno modo propter remotionem impedimenti: alio modo propter appositionem adiutorij. Facilius ergo persinens ad habitum, est per adiutorij appositionem, nam habitus inclinat potentiam ad actum: hanc autem facilitatem non nominat liberum arbitrium: sed quòd quantum est de se, non inclinatur in vnum magis quàm in aliud. Sed nominat facilitatem, quæ est per remotionem impedimenti, eò quòd liberum arbitrium non impeditur aliqua cogente à propria operatione. Quod & breuius explicans in Secundo ad Annibaldum, distin. 24. quæst. vnica artic. 2. ad 1. homini (inquit) dicitur esse facile illud, respectu cuius non impeditur: & sic dicitur liberum arbitrium facultas, in quantum homo non impeditur, quin possit hoc facere vel non facere. Itaque actus liber debet esse à potentia habente facultatem expeditam ad oppositum, expeditam (inquam) quantum tenus semper potest hoc facere vel non facere, licet alias facilitas per appositionem adiutorij seu habitus ipsi desit.*

Ex quo sequitur, non necessariò debere esse expeditam moraliter, id est, liberam à difficultatibus seu circumstantijs, quæ difficultatem parere possunt: vt sunt motus concupiscentiæ, & alia impedimenta quæ pro varietate occasionum occurrere solent. Hoc enim falsum est, ad naturalem seu Physicam libertatem requiri:

quiri: cum solus Adam in statu Innocentiz potestatem sic expeditam habuerit. Sufficit ergo (vt dictum est) esse expeditam, id est non impeditam, quia absolute & simpliciter possit hoc facere vel non facere, licet vnum extremum ipsi difficilius sit quam alterum.

SCIENDVM EST SECVNDO: quod nomine potestatis, etiam intelligimus potestatem proximam: ita vt voluntas liberè operatura, debeat esse non solum expedita in sensu iam explicato, sed etiam proximè potens ad vtrumlibet. Vocant autem Dialectici potentiam proximam, illam, quæ absque vlla mutatione ex parte sui, hoc vel illud potest. Et ex consequenti voluntas proximè potens ad vtrumlibet, erit illa quæ absque vlla mutatione ex parte sui, potest indifferenter hoc vel eius oppositum. Absque vlla mutatione (inquam) ex parte sui quantum ad ea, quæ spectant ad vim operandi in actu primo: quod dico propter illa, quæ desiderantur ex parte actus secundi: licet namque huiusmodi requisita ponantur voluntati deesse; equidem saluatur, ipsam sine illis esse proximè potentem ad hoc vel illud; quia non desiderantur ad posse seu ad actum primum, sed solum ad operari seu ad actum secundum. Verbi gratia supponamus, voluntatem in instanti, quo instat præceptum supernaturale, non habere nisi auxilium gratiæ sufficientis, & deesse ipsi auxilium efficax, requisitum in sententia Thomistica, vt de facto præceptum illud adimpleat: in illo casu, adhuc voluntas dicitur proximè potens ad præcepti adimplentionem, licet vltiori mutatione per receptionem auxilij efficacis, indigeat ad de facto adimplendum: quia illud requisitum, nimirum auxilium efficax, non requiritur ad posse seu ex parte actus pri-

mi, sed solum ad operari seu ex parte actus secundi: est namque applicatio quædam ad actum, quæ posse non confert, sed posse præsupponit. Quo sensu intelligitur illud Bernardi; *Deus voluntatem applicat operi*: nempe per auxilium efficax, quod est ipsa applicatio.

Qua de causa oportet hic diligenter distinguere, ea quæ requiruntur ex parte actus primi, & ea quæ requiruntur ex parte actus secundi; vt appareat, cum quibus voluntas sit proximè potens, & sine quibus non sit proximè potens. Pro quo nota, quod ad omnem actum voluntatis, præuiè requiritur iudicium intellectus, tam ex parte actus primi, quam ex parte actus secundi: hoc est dictu; quod absque præuia cognitione obiecti, non solum voluntas non operabitur, sed nec operari possit. Ratio est manifesta ex communi proloquio, quo solet dici, quod voluntas est potentia cæca, ac proinde absque præuiò iudicio seu cognitione, nec operabitur, nec potest operari. Vnde & verissimè dixit Vincentius, *voluntatem in proxima quasi agendi potestate per iudicium intellectus compleri*. Sed, quoad præsens attinet, aliter requiritur iudicium, vt voluntas de facto liberè operetur, & aliter requiritur, vt proximè potens sit liberè operari. Vt proximè potens sit liberè operari; sufficit iudicium indifferens, representans bonitatem obiecti, vt non necessariò amandam: ac proinde vt eligibilem vel respuibilem: vt autem de facto liberè operetur, requiritur præter illud iudicium, aliud, vel idemmet aliter representans, videlicet talis conditionis, vt non solum repræsentet bonitatem obiecti tamquam nou necessariò amandam, sed vltra hoc etiam dicat, conueniens esse, hic & nunc illud amare, vel conueniens esse, hic & nunc actum su-

Bernardus de lib. arbit. ca. 12.

In Theoria l. 1. c. 24. g. Hinc ergo sequitur.

suspendere. Ratio huius est hæc. Nam ex vi prioris iudicii seu prioris repræsentationis voluntas solum habet posse indifferens respectu utriusque extremi, ut scilicet possit amare vel non amare, si libuerit: ergo ut de facto ex statu indifferentiæ, se determinet & applicet vni extremo determinatè, verbi gratia taliter amari, ut nequitiam suspensioni amoris, necessariò requiritur aliud iudicium vel alia repræsentatio, dictans simul cum illa indifferentia ex parte actus primi, determinatè ex parte actus secundi hic & nunc esse amandum potius, quam amorem suspendendum.

Et in hoc omnino hallucinatur noster Vincentius; dum negat voluntatem in illo instanti, quo liberè amat etiam libertate contradictionis (quam ipse accidentalem vocat) esse proxime accinctam ad suspendendum amorem. Fieri enim sæpissimè potest (inquit) *ut in illo instanti nulum auxilium iudicium aut cogitatio de utilitate suspensionis: sine quo tamen iudicio voluntas ad suspendendum, proxime accincta esse nequit. Ex quo concludit; quod licet actui positivo libero, quæo instanti elicitur, in eadem voluntate coniungatur, potestas ad suspendendum actum; non tamen proxima & accinctissima est, & si tamen talis potestas sit, quæ per imperium suum & applicationem intellectus ad conquirendas rationes possit se ad potestatem suspensioni proximam promovere.* Itaque in sententia Vincentij, voluntas non habet potestatem proximam ad suspendendum actum, in instanti quo liberè operatur, & hoc quidem, quia multoties in illo instanti non adest cogitatio aut iudicium de utilitate suspensionis.

In hoc (inquam) omnino Vincentius hallucinatur: licet enim verum sit, fieri posse sæpissimè, imo & sem-

per fiat, quod illo instanti quo voluntas liberè amat, nullum adest iudicium repræsentans, hic & nunc esse utilem actus suspensionem; cum potius tunc adest iudicium determinatè repræsentans hic & nunc utilem esse amorem seu actus positionem, falsissimum tamen est, defectu talis iudicii, voluntatem non habere proximam potestatem ad suspendendum actum. Et huius ratio est. Nam ad proximam potestatem per modum actus primi respectu suspensionis, non requiritur in illo instanti iudicium dictans hic & nunc suspensionem esse utilem; sed iudicium dictans suspensionem absolutè esse possibilem. Quod sanè iudicium in omni instanti, quo voluntas liberè operatur, semper adest & adesse debet. Et huius ratio iterum est: nam voluntas quotiescumque liberè operatur, semper debet regulari iudicio illo indifferenti ex parte actus primi, quod scilicet repræsentet bonitatem obiecti ut non necessariò amandam, sed ut liberè prosequibilem vel respiciibilem: in quo iudicio semper repræsentatur exercitè saltem, suspensionem amoris absolutè esse possibilem circa idem illud obiectum, licet non semper repræsentetur, illam hic & nunc esse utilem seu hic & nunc expedire: talis enim repræsentatio utilitatis solum requiritur ad actu suspendendum, non autem ad proximam potestatem suspendendi. Itaque illud iudicium indifferens; quod nos dicimus ad potestatem proximam requiri, & sufficere, cum habeat repræsentare obiectum ut non necessariò amandum, repræsentat ex consequenti, esse possibilem non amorem; licet aliquando (videlicet cum de facto voluntas amat) repræsentet de facto expedire amorem tantum. Et sic constituit voluntatem proximè accinctam, & potentem, ut possit amo-

amorem suspendere, pro ea scilicet parte, qua repræsentat suspensionem amoris esse possibilem; licet de facto determinet ad actum amandum potius, quam ad suspendendum pro illa alia parte, qua scilicet simul dicat cum illa possibilitate suspensionis, hic & nunc expedire seu utilem esse amorem tantum.

Fatentur quidem Thomistæ, in illo instanti, quo liberè amat, non esse voluntatem proximè accinctam ad suspendendum, si per se non proximè accinctam, intelligatur ipsi deesse aliquid, ex parte actus secundi, seu actualis exercitij suspensionis: hoc enim euidens est, & si qui contrarium contendant, quàm longissimè etiam reiiciendi sunt. Deest enim pro tunc iudicium dicans hic & nunc suspensionem expedire: sine quo iudicio voluntas nunquam actum suspendet; licet (vt dixi) sine illo proximè suspendere possit. Aliud namque est, posse proximè suspendere, aliud autem de facto suspendere. In illo instanti defunt quidem requisita ad hoc secundum, non tamen defunt requisita ad illud primum.

SCIENDVM EST TERTIO, quòd potestas ista expedita & proxima ad vtrumlibet, quam hucusque explicauimus, diuersimodè debet accipi respectu extremi positiui libertatis, & respectu extremi negatiui. Voco autem extremum positiuum libertatis facere seu operari; extremum verò negatiuum, non facere seu abstinere ab operatione. Respectu igitur extremi negatiui, vniuersaliter, & sine vlla limitatione debet esse verum, quòd voluntas liberè operans, sit in ordine naturali siue supernaturali, semper debet esse proximè potens in ordine ad huiusmodi extremum, verbi gratia, ad non facere. Patet hoc: quia vt quis proximè possit non facere actum siue natura-

lem siue supernaturalem, nulla alia facultas requiritur, quàm ex parte intellectus, iudicium indifferens iam explicatum, & ex parte voluntatis, ipsa naturalis virtus illius non impedita: cum ergo vtrumque hoc, de facto semper adsit pro quolibet instanti, quo voluntas liberè operatur, siue naturaliter siue supernaturaliter; sit consequens pro omni eo instanti, esse proximè potentem ad non faciendum, seu ad abstinendum ab illo actu. At verò respectu extremi positiui, non verificatur hoc vniuersaliter: nam non semper voluntas in omni instanti, quo liberè operatur, est proximè potens ad huiusmodi extremum: verbi gratia, ponamus quòd homo de facto peccet, actu aliquo positiuo odij Dei, opposito actui supernaturalis dilectionis: tunc quidem liberè peccat, licet pro illo instanti non sit proximè potens ad actum positiuum dilectionis supernaturalis ipsi oppositum. Certum enim est in Schola Thomistica, vt voluntas liberè pro aliquo instanti peccet, non requiri semper pro eodem, aliquam gratiam sufficientem intrinsecè receptam, qua proximè potens sit ad contrarium actum supernaturalè faciendum: hanc enim gratiam semper sic intrinsecè collaram, solus habuit Adam in statu innocentie.

Et si quæras; per quid tunc illo instanti, subsistat libertas in illo peccato; siquidem non est proximè potens voluntas ad oppositum extremum, verbi gratia, ad faciendum contrarium actum supernaturalem?

Respondéo subsistere per hoc, quòd licet illo instanti non sit proximè potens ad extremum illud positiuum; est tamen in eodem proximè potens ad extremum negatiuum. Taliter enim peccat illo peccato odij, vt possit proximè non peccare, seu ab illo peccato abstinere: cum

testè

teste Diuo Thoma, questione vigesima quarta de Veritate, articulo duodecimo ad Septimum in contrarium, *Ex naturali virtute possit singula mortalia vitare*: licet taliter non peccet, vt possit proximè ædum contrarium supernaturalem facere. Vnde aptissimè ad rem hanc Richardus S. Victoris, de statu primi hominis, capite decimotertio, *Non autem arbitrium hominis* (inquit) *idecirco liberum dicimus, quia promptum habeat bonum vel malum facere; sed quia liberum habet bono vel malo non consentire*. En vbi libertatem saluat, non quia promptam aut expeditam potentiam habeat homo ad faciendum bonum, quod est extremum positium; sed quia promptam & expeditam habet, ad non consentiendum siue bono siue malo, quod est extremum negatiuum.

Fateor tamen, quòd si illo instanti instet obligatio præcepti affirmatiui de diligendo Deum amore supernaturali, quòd tunc non solum debeat esse proximè potens ad extremum negatiuum: verbi gratia, ad non odio habendum; sed etiam ad alterum extremum positium: verbi gratia, ad amandum amore supernaturali. Et ratio est: nam (vt constantissimè docent Theologi tam extra quàm intra Scholam Diui Thomæ) nequit præceptum aliquod obligare ad sui obseruantiam, nisi homo habeat pro instanti obligationis verum seu proximum posse ad illius impletionem; non haberet autem illud posse respectu impletionis, si id ipsum non haberet ad ponendum ædum supernaturalis dilectionis: siquidem adimplere præceptum dilectionis, & ponere actum dilectionis, idem sunt. Ergo dicendum est, hominem debere esse proximè potentem, etiam respectu extremi positiui: verbi gratia, ad faciendum actum supernaturalis

dilectionis tempore videlicet seu instanti, quo præceptum affirmatiuum de tali dilectione obligat.

Vnde & consequenter nostri Thomistæ, licet contra aliquos Theologos doceant, non omnes & singulos homines recipere intrinsecè auxilia sufficientia, ad supernaturaliter credendum, sperandum, & diligendum, vt patet in infidelibus negatiuè, quibus talia auxilia de facto fuerunt negata, in pœnam peccati saltem originalis; tenent tamen, omnes & singulos huiusmodi auxilia de facto, & intrinsecè recipere, vel Deum saltem quantum est ex se, paratum esse ad illa largienda, loco & tempore, quo ad huiusmodi ætus inexcusabiliter obligantur: hoc est dictum, quod talia auxilia recipiunt, vel de lege communi parata habent in quacunque occasione, qua peccarēt, si tales ætus non facerent. Si namque ea non reciperent, aut saltem sic parata non haberent; verum posse pro huiusmodi ætibus non haberent, ac proinde nec peccarent, illos ætus non faciendo.

Quapropter constanter etiam docent, quòd infideles negatiuè, non peccant contra præceptum supernaturale Fidei, Spei, aut Charitatis; imò nec vniuersaliter contra vllum præceptum supernaturale; sed solum contra præcepta legis naturæ: quia videlicet præcisè respectu præceptorum legis naturæ habent verum posse, non autem respectu præceptorum supernaturalium; defectu gratiæ sufficientis, ipsis denegatæ, quæ sola & non alia dat verum posse respectu ætibus supernaturalis.

Et hoc est, quod expressissimè docuit Augustinus, dum epistola centesima quinta ad Syxtum Presbyterum parum post medium, loquens de ijs qui Fidei notitiam reiecerunt, & de ijs, qui nil de Fide audierunt; dixit,

dixit, quod ipsa ignorantia in eis qui intelligere noluerunt, sine dubitatione peccatum est, in eis autem qui non potuerunt, pœna peccati. Quia videlicet, licet non credere, sit peccatum in ijs, qui credere potuerunt, & credere noluerunt; tamen vice versa non est peccatum in eis, qui credere non potuerunt; cuiusmodi sunt infideles negativè: cum enim ipsis denegetur gratia sufficiens ad credendum, nimirum noticia mysteriorum Fidei, & interna supernaturalis morio voluntatis, sine quibus credere nemo potest; ipsum non credere, non imputatur eis ad culpam; sed solum habet rationem pœnæ.

QUARTO ET VLTIMO sciendum est, quod homo dicitur aliquid proximè posse, secundum duplicem potentiam; vel secundum potentiam antecedentem tantum, vel secundum antecedentem & consequentem simul. Voco autem potentiam antecedentem tantum, illam, quæ est virtus proximè sufficiens per modum actus primi respectu alicuius extremi, licet prout sic, nunquam sit cum illo extremo coniungenda. Quo sensu auxilium sufficiens in Schola Sancti Thomæ, seorsim sumptum ab efficaci, dat potentiam proximam, antecedentem respectu actus supernaturalis: quia nempe licet sit virtus sufficiens per modum actus primi, nunquam tamen sine efficaci auxilio est coniungendum cum actu. Voco verò potentiam consequentem, illam quæ insuper est cum actu coniungenda; quo sensu in eadem Schola voluntas simul cum auxilio efficaci, est ad alicuiam actus supernaturalis potens potentia consequente; quia nimirum cum illo auxilio, non solum potest operari; sed etiam de facto operabitur. Quando ergo ad actum liberum huc usque requisivimus, quod voluntas proximè possit

illum non agere, hoc non est sic intelligendum, ut possit illum non agere potentia etiam consequente; sed sufficit quod possit illum non agere potentia merè antecedente. Patet hoc manifesto exemplo. Nam Deus adhuc supposito decreto ab æterno, de producendo mundum in tempore, verè liberè in tempore illum producit, & tamen non est potens illum non producere potentia consequente, cum repugnet stante decreto, illum actu non produci. Igitur ad libertatem nõ requiritur posse oppositum potentia consequente. Ex dictis ergo constat, qualiter & in quo sensu debeat accipi potestas ad oppositum, quando illam de essentia libertatis esse contendimus: intelligimus namque potestatem expeditam, id est, non impeditam ullo cogente, quin possit hoc facere vel non facere potentia saltem antecedente, & insuper proximam, id est taliter instructam, ut nihil ipsi desit ex his quæ spectant ad actum primum: voluntas sub tali statu, est verè potens ad utrumlibet: quodlibet autem horum desit, verè potens censenda non est.

CAPVT III.

Premittitur, in quo sensu actus omnino necessarij (ut sunt Spiritus Sancti, & amor beatificus) possint dici liberi.

PRO RESOLUTIONE ergo presentis controuersie, DICO PRIMO, quod actus omnino necessarij (ut sunt amor beatificus, & productio Spiritus Sancti) in nullo alio sensu possunt dici liberi, quam quia immunes à coactione & insuper perfectè voluntarij.

Hoc

Hoc dictum duas habet partes, & utramq; ita certam; vt à nullo Theologo negari possit; imò & ita perspicuum, vt vix explicatione egeat. Quantum ergo ad primam, videlicet hos actus posse dici liberos, si sumatur liberum pro immuni à coactione, & pro perfectè voluntario, quis est, qui neget? Manifestum enim est, non compelli voluntatem in huiusmodi actibus ad aliquid suæ inclinationi repugnans; sed potius mouere se ad aliquid maxime suæ inclinationi conforme. Deinde actus illos ex perfectissimo iudicio rationis elici, quis est, qui dubitat? Amant siquidem Deus & Beati Diuinam bonitatem, producuntque Pater & Filius Spiritum Sanctum ex perfectissima cognitione: in Deo quidem comprehensione sua, in beatis verò quidditatiua; ergo sumendo liberum pro immuni à coactione, & pro perfectè voluntario, actus illi liberi dici possunt.

Quoad secundam etiam partem, quòd idipsum in nullo alio sensu affirmari possit, ab ipso quoque aduersario concedi debet. Nam loquendo ad rem nostram, nullus alius sensus superesse potest, quàm sumendo liberum pro principio operante cum indifferentia ad oppositum: quod tamen in præsentì verificari nequit, cum amor ille in Beatis & præcipue in Deo, similiterque productio Spiritus Sancti, sint à voluntate, non vt operante cum indifferentia ad oppositum amoris aut productionis; sed vt operante cum essentiali & necessaria determinatione, taliter ad amorem & productionem, vt oppositum esse, aut possibile esse, contradictionem implicet. Ergo actus isti amoris Diuinæ bonitatis, & productionis Spiritus Sancti, in nullo alio sensu ad rem nostram, possunt dici liberi; quàm sumendo liberum pro immuni à coactione & pro

perfectè voluntario.

Hinc intelligendus venit Angelicus Præceptor, quando quæst. 10. de Potentia art. 2. ad 5. dixit, quòd *Deus sua voluntate liberè amat seipsum, licet de necessitate amet seipsum*, & post pauca, *liberè Spiritus Sanctus procedit à Patre, non tamen possibiliter, sed ex necessitate*. Sumpsit namque liberum pro non coacto & pro perfectè voluntario: quod patet ex hoc, quod immediatè præmiserat: dixerat enim antè, *non est autem violentia vel coactio in hoc, quòd aliquid secundum ordinem suæ naturæ mouetur, sed magis in hoc, quòd naturalis motus impeditur: sicut cum impeditur graue, ne descendat ad medium*. Ex quo statim infert propositiones citatas, vnde *Deus sua voluntate liberè amat seipsum, &c.* Quasi nil aliud prætendens, quàm quòd huiusmodi actibus nulla insit coactio aut violentia, quantumuis in eis conspiciatur summa necessitas: ex eo videlicet, quòd Deus in huiusmodi moueatur voluntariè & complacenter, omnino secundum ordinem suæ naturæ & non contra illam. Sic explicant hunc locum Capreolus, Bannez, Corneio & Thomista omnes, quotquot de hac rescripserunt.

Quibus & ego subijcio non contemnendam rationem, cur sic explicari debeat. Nam Sanctus Doctor in illo articulo agebat contra hæreticos, vt patet ex Corpore, quod incipit; *Respondeo dicendum, quòd hæreticorum instantia coegit antiquos fidei Doctores de his quæ sunt fidei disputare: inter hæreticos autem (teste eodem Sancto Doctore prima parte, quæstione quadagesima prima, articulo secundo ad Primum) nonnulli fuerunt, qui ab actibus notionalibus, etiam concomitantiam Diuinæ voluntatis remouebant, taliter vt assererent Filium & Spiritum Sanctum pro-*

Capreolus m
1. dist. 4
q. 1. art.
2. ad
arg. co-
tra. 1.
Bannez
2. p. qu.
41. art.
2. dub.
3. Cor-
neio 2.
p. tra. 1.
qu. 27.
disp. 4.
dub. 2.
ad vlti-
mam.

produci natura, sic tamen ut voluntas producendi in producente non adesset: *sicut & nos* (ait ibidem Diuus Thomas) *multa naturali necessitate contra voluntatem patimur, ut mortem & senectutem, & huiusmodi defectus.* Vnde in opinione horum, personæ procedebant nolente Patre, vel coacto Patre. Contra hos ergo loquens Sanctus Doctor, non aliter dixit Spiritum Sanctum liberè procedere, quàm qualiter ab hæreticis negabatur: ab illis autem negabatur liberè procedere, quia coactè seu nolente Patre dicebant procedere. Ergo S. Doctor contra illorum sensum affirmans procedere liberè, nil aliud voluit, quàm quòd procedit non coactè, sed Patre potius volente seu omnino voluntariè se habente.

Imò & huius rei habemus manifestum simile in dictis Diui Hylarij: qui (teste etiam Diuo Thoma in primo Argumento, articuli iam citati ex prima parte) dixit in libro de Synodis; *quòd non naturali necessitate ductus, Pater genuit Filium:* cum tamen de fide sit, Patrem naturalissima necessitate Filium generare. Quomodo ergo dictum hoc Hylarij accipietur? Anne in tali sensu, ut veritatem fidei negauerit? Minimè. Loquebatur enim contra hæreticos, qui per naturalem necessitatem intelligebant coactionem; ac proinde illam hoc modo negans, solum coactionem negabat, non naturalem necessitatem voluntariè inclinationis. Sic pariter Diuus Thomas, affirmans Spiritum Sanctum liberè procedere contra sensum hæreticorum, qui dicebant procedere coactè, nil aliud per *ly liberè* voluit, quàm non coactè.

Ex his patet quàm ineptè, & pueriliter Vincentius ex illo loco questionis decimæ de Potentia, deduxerit Spiritum Sanctum iuxta mentem

Diui Thomæ procedere vera, propria & essentiali libertate, de se sufficienti ad meritum. Ut enim constat; nil aliud voluit, quàm quòd procedit non coactè sed voluntariè & complacenter; quod tamen ad veram, propriam, seu essentialem libertatem meriti non sufficit, ut deinceps in sequentibus ostendam.

C A P V T IV.

Actus omnino necessarios, non esse verè seu propriè liberos, ostenditur ex vulgari definitione potentie liberæ, qua dicitur, quòd est illa, Quæ positis omnibus ad agendum prærequisitis, potest agere & non agere.

PRÆLIBATIS his, quæ superius commemorauimus, non erit operosum, Philosophiam nostram rationibus comprobare; videlicet non subsistere veram aliquam aut essentialem arbitrij libertatem in actibus omnino necessarijs, qui eliciuntur absque potestate ad oppositum, expedita & proxima in sensu supra explicato.

Sed quia omnis, quæ ratione suscipitur de aliqua re disputatio, debet à definitione proficisci, ut intelligatur quid sit id, de quo disputatur; non abs re nos quoque discursum nostrum à definitione potentie liberæ incipimus; ut planum sit quis actus ab ea liberè eliciatur, quis non. Definatur ergo ex Doctrina Aristotelis tercio Ethicorum cap. septimo, potentia libera quòd est illa, *qua positis omnibus ad agendum prærequisitis, potest agere & non agere.* Ex hac autem definitione, brevis sed efficax conficitur argumentatio ad rem nostram.

Suprà
c. 1. per
totum.

stram. Nam si potentia libera est, quæ positis omnibus ad agendum prærequisitis, potest agere & non agere: ergo à sensu contrario, illa liberè non operatur, quæ positis omnibus ad agendum prærequisitis, taliter agit, ut non agere non possit: at voluntas in actibus specificatiuè & elicitiuè necessarijs, taliter agit, ut positis omnibus prærequisitis non agere non possit: ergo respectu illorum non operatur liberè, ac proinde nec actus huiusmodi liberi sunt.

Vincētius duplicem adhibet huic argumento solutionem.

PRIMA est; prædicta definitio, non desinitur potentiam liberam secundum libertatem suam essentialem, sed tantum secundum libertatem suam accidentalem.

Pro quo inquit, *Notandum est, definitionem esse accidentariam, & similem ferre huic hominis definitioni, homo est animal risibile. Per proprietatem enim quandam explicat, quid & qualis sit illa libertas, à qua potentia aliqua libera appellatur. Aptitudo quippe quædam expandendi se usque ad non agendum, ex essentiali voluntatis libertate resultat, per quam tamquam nobis notiolem, difficillima illa libertatis notio explicatur. Nam ex eo quod voluntas naturali suo modo agendi relicta, sub directione rationis, sine coactione actum suum sibi imperat. (in quo essentialem voluntatis libertatem constituit) oritur (inquit) etiam quædam aptitudo ad se expandendum usque ad cessationem actionis, nisi aliquod aliunde obstraculum intercedat.*

Itaque mens huius primæ solutionis est, in præfata definitione non tradi de potentia libera, rationem eius essentialem; sed solum quid accidentarium, quod interneniente obstraculo aliquando deest, ut est aptitudo seu potestas ad opposita. Unde sicut ex ista definitione homi-

nis, *homo est animal risibile*, non licet inferre, essentialem hominis rationem in risibilitate consistere, quia talis definitio essentialem eius rationem non tradit, sed solum per quid notius eam explicat: ita pariter ex definitione nostra, non licet argumentari, essentialem rationem potentie liberæ in aptitudine illa ad opposita consistere, quia non essentialem eius rationem tradit, sed solum per quid notius eandem explicat & declarat.

Et ex hoc soluitur argumentum factum, dicendo in actibus illis necessarijs, deesse quidem ex parte potentie, aptitudinem seu facultatem expandendi se usque ad cessationem actionis, cæterum non ob hoc carere vera & essentiali libertate; quia illa aptitudo est solum accidens quoddam potentie liberæ, quod ipsi interveniente obstraculo deesse potest, salua adhuc manente essentiali eius libertate in agendo.

SECUNDA SOLUTIO est, *Vbi summittendo, quod superiori definitione potentia libera libertate essentiali definitur; sed tunc (inquit) verus sensus esse debet, quod potentia liberè operans positis omnibus ad agendum prærequisitis sic agat, ut quantum est ex parte modi agendi, etiam non agere possit.*

Et si ipsi tunc obijcias, duo illa exempla de actu amoris beatifici & productione Spiritus Sancti, in quibus, adhuc quantum est ex parte modi agendi, nulla conspicitur indifferentia; certe quantum ad primum de amore beatifico, aperte hoc negat; docet enim, quod beati voluntas, illas angustias non patitur; sed actu & passu suo, visionis illas ductum, satis laxè, sponte, voluntariè, liberè, & contingenter, quantum est ex parte modi eius incedendi, sequitur. En adstruit indifferentiam ad non amorem, saltem ex modo agendi. Quantum autem

In The
ria. l. 1.
c. 25. §.
Vi aut
emur.

Vbi su-
pra §.
Tandem
igitur.

In The
ria. l.
c. 25.
§. Ex
sum.

tem ad illud alterum de productione Spiritus Sancti, nescio utrum idem auderet de tali productione dicere, videlicet ex modo productionis, ibi etiam adesse aliquam indifferentiam. Quam consequens tamen sit ad eius principia, hoc etiam debere dici, videbimus sectione secunda huius capituli, ubi secundam hanc solutionem examinabimus. Modò eamus ad examen primæ.

SECTIO I.

Expenditur prima solutio, qua Vincentius dicit, in vulgari illa definitione potentia libera, non definiri potentiam liberam secundum libertatem suam essentialem.

OSTENDIT profecto Vincentius, se doctrinam Diui Thomæ non legisse, quando tali Glossemate definitionem illam communem exponit.

Sciendum ergo est, iuxta mentem S. Doctoris, non accidentariam, sed essentialem esse prædicationem illam, qua dicitur, quòd potentia libera est, quæ potest agere & non agere &c.

HOC MANIFESTO IN PRIMIS, ex questione vigesima quarta de Veritate articulo quarto ubi querens Sanctus Præceptor, *Utrum liberum arbitrium sit potentia vel non?* Respondet esse potentiam, & id ipsum probat in secundo argumento sed contra hoc discursu. Nam hoc videtur inter potentiam & habitum distare, quòd potentia quæ se ad opposita habet, per habitum determinatur ad unum: sed liberum arbitrium nominat aliquid ad opposita se habens, nullo modo determinatum ad unum: ergo liberum arbitrium

est potentia & non habitus. En in primis, ubi affirmat, liberum arbitrium seu potentiam liberam, esse potentiam ad opposita se habentem. Sed vis nunc videre, qualiter iuxta mentem ipsius hoc quoque sit potentie liberæ omnino essentiale, & non accidentarium, ut Vincentius exponit? Attende solutionem ad duodecimum eiusdem Articuli. Argumentum procedebat ex auctoritate quadam Augustini, dicentis alibi, quòd liberum arbitrium est vitalis & rationalis animi motus: sed motus actum nominat: ergo liberum arbitrium est actus, & non potentia; intellige quæ ad opposita se habet, de qua loquebatur. Audi (querite) quid respondeat. Ad duodecimum (inquit) dicendum, quòd Augustinus definiit liberum arbitrium per actum proprium: eo quòd potentia per actum cognoscuntur: unde prædictio illa non est essentialis sed causalis. En iterum, ubi tacendo, non esse essentialem prædicationem illam, qua liberum arbitrium dicitur esse motus seu actus, apertissime supponit, essentialem esse illam alteram, qua dixerat esse potentiam ad opposita se habentem. Ac proinde hoc quod est posse agere & non egere, sentit esse omnino essentialia potentie liberæ.

Et certè quod hac in parte hallucinationem Vincentio peperit, nil aliud fuit, quàm non distinguere inter ipsos actus potentie liberæ, & ipsam aptitudinem proximam quam habet ad illos eliciendos. Aliud namque est, quòd actus ipsi, sint quidam effectus accidentales libertatis, per quos proinde potentia liberæ tamquam per quid notius definiri potest, sicut hic dicit Diuus Thomas, quòd potentia per actus cognoscuntur: aliud autem, quòd ipsa aptitudo proxima ad actum vel eius oppositum, effectus accidentalis sit: hoc enim falsum est, cum ipsa aptitudo proxima

ad actum & eius oppositum, sit re & ratione idem cum ipsa potentia libera, ac proinde essentialiter ipsissima libertas. Sicut namque aptitudo proxima ad intelligendum, non est effectus quidam accidentalis, potentie intellective; sed re & ratione omnino idem cum illa, & ex consequenti ipsissima eius essentialis ratio; ita pariter aptitudo proxima ad actum vel eius oppositum, non est effectus accidentalis potentie liberæ; sed omnino re & ratione idem cum illa: ac proinde essentialissima eius ratio.

Explico hoc. In omni potentia, siue intellectiva, siue appetitiva, siue vegetativa, siue sensitiva, tam motiva quam directiva, tam imperativa quam executiva; in omni (inquam) potentia uniuersaliter, semper ipsa aptitudo ad actum sibi conuenientem, est essentialissima ratio talis potentie: si quidem (vt constat ex prædicamento qualitatis) potentia nil aliud definitur esse, quam id, quo tamquam principio formali, subiectum potens est operari conuenienter ad suam naturam: cum ergo potentia libera, addat ad rationem communem potentie vt sic, hoc quod est ad opposita se habere; sequitur manifestè, ipsam aptitudinem ad actum vel eius oppositum, esse essentialissimam rationem talis potentie.

SECUNDO ARGVMENTOR ex loco Dini Thomæ, questione decima sexta de Malo, articulo quinto in Corpore: vbi postquam retulerat errorem Origenis, existimantis cuiuslibet creature liberum arbitrium, in quolibet statu esse veribile ad bonum & malum; statim sic prosequitur. *Considerandum est autem, quod hic Origenis error, ex hoc prouenit, quod non rectè considerauit, quid per se pertinet ad liberi arbitrii potestatem, sine qua homo in nullo statu inuenitur. Qui-*

bus dictis immediatè subiungit tres modos indifferentie, vnum contradictionis secundum differentiam rerum, quas potest quis velle, & non velle; alterum contrarietatis, secundum differentiam boni & mali; & tertium mutabilitatis, secundum differentiam mutationis, qua quis vnum & idem pro eodem tempore non vult, quod prius volebat. Primum ergo modum indifferentie asserit pertinere ad rationem liberi arbitrii per se, ita vt sine illo, in nullo statu subsistere possit; secundum autem & tertium, per accidens tantum: in quantum inuenitur liberum arbitrium in natura deficere potenti, & in natura mutabili. Quid expressius? Ergo non sentit (sicut Vincentius) potestatem seu aptitudinem ad agendum cum indifferentia contradictionis, esse accidens separabile à ratione essentiali liberi arbitrii, qua tale est; sed potius ita per se ad illam pertinere, vt sine huiusmodi aptitudine in ratione talis formaliter intelligi nequeat.

Confirmo hoc ipsum ex Tertio, Distinctione decima octaua, questione prima, articulo secundo ad Quintum: vbi ex Doctrina Anselmi docet, *Quod posse peccare, nec est libertas arbitrii, nec pars libertatis*: quod idem docet prima parte, questione sexagesima secunda, articulo octauo ad Tertium, & alijs in locis. Vnde & questione vigesima quarta de Veritate articulo nono ad Quintum, *Posse peccare (inquit) non facit ad meritum; sed ad meriti manifestationem, in quantum ostendit opus bonum esse voluntarium*. Ex qua Doctrina sic deduco ad propositum. Licet Angelicus Præceptor sæpius dixerit, posse peccare, non pertinere ad rationem essentialem libertatis; sed præcisè esse signum seu effectum manifestationis illius; tamen nunquam hoc ipsum affirmauit de eo quod est posse agere

agere & non agere, quin potius (vt loco iam citato ex quaestione decima sexta de Malo vidimus) expresse docuit potestatem contradictionis esse de ratione libertatis per se: ergo contra Sanctum Thomam est, asserere, cum Vincentio huiusmodi potestatem esse præcisè effectum accidentalem libertatis.

TERTIO DEFICIT prædicta solutio: nam non solum est contra, Dium Thomam; sed insuper ex ea sequitur, definitionem illam non esse artificiosam, quin potius omnino ineptam, & contra regulas definienti. Probo assumptum sic. Nam, quod hæc sit legitima definitio hominis, *homo est animal risibile*; hoc ideo est, quia licet risibile non sit ratio essentialis hominis, est tamē proprietas per se, & ex natura rei inseparabiliter connexa cum essentia illius; ita vt hominis essentia nequeat per se, aut ex natura rei subsistere sine risibili: at iuxta solutionem datam, potestas ad agere & non agere, non solum non est essentialis ratio libertatis; sed nec est proprietas illius, per se & ex natura rei inseparabiliter connexa cum illa; cum in opinione contraria, essentia libertatis perfectissimè subsistat in actibus omnino necessarijs (vt sunt productio Spiritus Sancti, & amor beatificus) respectu quorum tamen huiusmodi potestas non inuenitur: ergo omnino ineptè definitur libertas essentialis per huiusmodi potestatem. Et erit profectò definitio similis huic; qua quis definiret viuens, dicendo, *viuens est quod habet potestatem currendi*. Quam definitionem quis Philosophus vel mediocriter peritus, non irrideat? Definit enim viuens, nec per aliquid essentialē, nec per proprium quarto modo, conueniens omni & soli; sed per aliquod accidens, conueniens quidem soli, sed non omni. Quod

idem manifestissimè contingit iuxta præfatam solutionem in definitione tradita: cum potestas ad opposita, conueniat quidem soli potentiæ liberæ, non tamen omni; sitque accidens illius, non essentialē aliquid, nec proprium quarto modo.

VLTIMO IMPVGNO solutionem. Nam nimis chimæricum est, velle cordato viro persuadere, quod definitio libertatis, tam trita, tamque in Scholis recepta, non sit nisi purè accidentalis; maxime cum vique ad hæc nostra tempora; nulla vquam alia in Scholis audita fuerit; & res vbique terrarum notissima sit libertas. Quasi verò nemo nisi Vincentius, essentialē eius rationem, nobis pandere potuerit: vbi tamen, ante ipsum, tot à sæculo viri famosi; tot Theologi prælo insignes, tot Philosophi subtilissimi. Eia singularis Magister, desinat nouitas tua incelsere vetustatem, desinat Scholarum, quietem, inquietudo tua turbare; nisi fortè laudabilior tibi fuerit, præsumptionis tuæ singularis confidentia, quam communis sententiæ, humilis sequela. Cur tam gloriose putas, quod ab omnibus vsque modo ignoratum, à te singulariter esse inuentum? Dixit alibi Sanctus Thomas contra quosdam qui dicebant esse repugnantiam in eo quod aliquid sit causatum à Deo, & tamen semper fuerit; *Mirum est, quomodo nobilissimi Philosophorum hanc repugnantiam non viderunt*. Sic dico & ego tibi. Mirum est, Vincenti; quomodo nobilissimi Philosophorum illam tuam essentialē rationem libertatis non viderunt. Reijciatur igitur prima solutio, qualem adstruis, & videamus quid veritatis habeat illa, quam secundo loco subiungis.

S. Tho.
mas o-
pal. 17.

SECTIO II.

Expenditur secunda solutio, qua Vincentius admittit, vulgari illa definitione definiri quidem potentiam liberam, secundum libertatem suam essentialem; sed tunc sensum esse, quod possit non agere, quantum est ex parte modi agendi.

RESPONDET secundò Vincentius: admittendo quòd superiori definitione, potentia libera secundum suam libertatem essentialem definiatur: Sed tunc (inquit) verus sensus esse debet, quòd potentia liberè operans, positis omnibus ad agendum prærequisitis, sic agat, ut possit non agere, saltem quantum est ex parte modi agendi.

In The
siaca l.
7. c. 12.
§. Tandem
igitur.

Prosper
contra.
Coll. c.
16. cir-
ca hoc.

Vincenti (ut quondam Sanctus Prosper contra Collatorem) Miror valde, quomodo non vides, aut ab alijs existimas non videri, quòd teipsum tuo ore hic condemnas. Dicendo enim (ut hic dicis) apertè fateris ad libertatem etiam essentialem, requiri potestatem ad oppositum, saltem quantum est ex parte modi agendi. Quod si verum est (uti verissimum est) qua via potest subsistere id, quod toto opere tuo toties inculcas: actus videlicet spirationis Spiritus Sancti, & amoris beatifici, verè liberos esse? Cum etiam quantum est ex parte modi agendi, voluntas illos absque potestate ad oppositum operetur?

Dicelne fortasse hoc falsum esse, & voluntatem illos etiam actus verè elicere cum potestate ad oppositum, quantum est ex parte modi agendi? Certè nisi sic dixeris, vulnus quo te ipsum configis, non declinabis. Sed quam periculose in fide similia dicantur; attende.

Assumo (exempli gratia) adum illum spirationis, quo producit Spiritus Sanctus, cui libertatem essentialem inesse dicis. Nec mireris (ut de Ricardo tuo miraris) me toties hoc vnicum exemplum in ostentationem circumducere. Non enim hoc à me fieri, volo existimes; sicut de illo altero suspicaris, ut inuidiam tibi apud quosdam prouocem: nam nec ille alter, nec illi quidam, cogniti mihi sunt. Quod me vnice monet, est exempli illius tanta lux & claritas, ut eo solo totam tuam opinionem de libertate machinam, euertere me posse, non dubitem.

Age ergo, & qualiter cum exemplo isto, secundæ tuæ solutionis veritas non subsistat, inspiciamus. Argumtor sic. Pater & Filius taliter producant Spiritum Sanctum, ut nec etiam quantum est ex modo agendi, non possint non producere: ergo teneris fateri, vel solutionem tuam tibi contrariari, vel productionem illam liberam non esse libertate etiam essentiali, quod & non minus tibi contrariatur. Consequentia constat, & antecedens probò. Si Pater & Filius taliter producerent Spiritum Sanctum, ut quantum est ex modo agendi, possent non producere; Spiritus Sanctus quantum est ex modo suæ productionis, posset non esse: cum ipsum non produci, sit ipsum non esse, & ex consequenti, posse non produci quantum est ex modo suæ productionis, sit pariter posse non esse, quantum est ex modo suæ productionis: at hoc asserere, est hæreticum; cum teste Diuino Thoma quæst. secunda, de Potentia, art. 3. in Corpore, Omne id, quod quantum in se est, possibile est esse vel non esse, sit quid creatum, & propter hoc Ariani, qui ponebant Filium creaturam, dicebant ipsum genitum voluntate (scilicet libera) cuius omnem effectum quantum in se est,

In epi-
stola
prodr.
ad Ri-
car. c. 1.
in prin-
cipio.

est, possibile est esse vel non esse: ergo si hæresim vitare velis, dicendum est Patrem & Filium taliter producere Spiritum Sanctum, vt nec quantum est ex parte modi agendi, possint non producere.

Fortè respondebis (vt quendam semel pro te respondentem audiui) quòd hæc propositio, *Spiritus Sanctus quantum est ex modo suæ productionis, potest non produci*; in duplici sensu possit intelligi. Vno modo in sensu absoluto: alio modo in sensu conditionato, & quidem de conditione impossibili. In sensu absoluto; dices quidem esse hæreticam, sed à te non affirmari; quia datur intelligi, quòd Spiritus Sanctus absolute possit non procedere, quantum est ex modo suæ processionis: quod hæreticum est: quia sic ponitur, de facto procedere, vt creaturam, quantum est ex parte modi. In sensu autem conditionato, dices à te sustineri; sed prout sic, esse omnino catholicam & veram: quia tantum significatur, quòd quantum est ex modo actionis, qui est cum spontanea effusione voluntatis ex perfectissimo iudicio rationis, posset eodem indiuisibili modo permanente, non procedere, si possibile esset, non procedere: quod certè ab omni hæresi non solum remotissimum, sed & veritati omnino conforme esse affirmabis.

Bone Deus! Quàm miràda, quàm singularis, quàm falsa responsio! Contra insurgo manifestè.

PRIMO: quia sequitur ex illa, quòd principium Spiritus Sancti (scilicet Pater & Filius) sit ens magis necessarium, quam Spiritus Sanctus: at hoc etiam est aperta hæresis: ergo solutio seu responsio hæresim non declinat, sed potius in aliam incidit. Minori suppono, quia lædit æqualitatem personarum, quæ est de fide: & sequelam probo euidenter.

Quia (vt solutio fatetur) adhuc data hypothefi, quòd esset possibile, Spiritum Sanctum non procedere; maneret equidem idem indiuisibilis modus producendi seu agendi in principio Spirante, siquidem eodem modo manente, posset non procedere, si possibile esset, non procedere; & ex consequenti, esto daretur hypothefis de possibilitate non processionis, equidem intelligeretur in principio producente, perseverare idem modus producendi, qui de facto est: ergo principium spirans cum suo modo agendi, est ens magis necessarium, quàm Spiritus Sanctus. Probo consequentiam; quia id quod potest intelligi perseveraturum, etiam in casu quo alterum posset non esse; indubiè magis necessarium est, quàm illud alterum.

SECUNDO: quia eadem ratione poterit dici, quòd voluntas Diuina quantum est ex modo suo agendi, posset peccare, si ipsam peccare, esset possibile. Patet hoc: quia loquendo de repugnantia absoluta, æqualis est repugnantia vtrobique: tam enim repugnat Patri & Filio, Spiritum Sanctum non producere, quàm voluntati Diuinæ peccare: ergo si non obstante prima repugnantia, audet quis dicere, Patrem & Filium, quantum est ex modo agendi, posse non producere Spiritum Sanctum, si possibile esset non producere; poterit pariter quis dicere, eadem repugnantia non obstante, voluntatem Diuinam, quantum est ex modo suo agendi posse peccare, si ipsam peccare possibile esset. Sed tunc ultra: at hoc non solum hæreticum sed & blasphemum videtur: ergo. Probo istam minorem. Quia tali modo loquendi significatur, quòd Deo non repugnat malitia ex propria ratione Deitatis, sed solum facta suppositione quadam extrinseca impossibilitatis

tis malitiæ: sicut dicendo, quòd omnipotentia Diuina, quantum est ex parte sui, potest producere Chimæram, si ea possibilis esset, datur intelligi, quòd ipsi talis productio non repugnat ex propria ratione suæ virtutis, sed solum ob extrinsecam impossibilitatem obiecti: at blasphemum videtur, affirmare, Deo ex propria sua ratione non repugnare omnem malitiam, cum ex propria sua ratione, sit summè & infinitè perfectissima Sanctus: ergo.

TERTIO: nam illa propositio; *Spiritus Sanctus quantum est ex modo suæ processions, potest procedere vt Filius*; in quocumque sensu sumatur, vel est hæretica, vel ab omni prorsus veritate remotissima: ergo pariter & ista; *Spiritus Sanctus quantum est ex modo suæ processions, potest non procedere*; in quocumque sensu sumatur, eidem prorsus censuræ debet subiacere. Consequentiam iudico culdentem; quia modo suæ processions æqualiter repugnat, ipsum non procedere, ac procedere vt filium: imò si locus detur comparationi in prædicatis Diuinis necessarijs, magis repugnat, non procedere, quàm vt Filium procedere, cum primum ipsi opponatur contradictoriè, secundum non.

QUARTO impugno solutionem ratione à priori. Nam loquendo de repugnantia absoluta, ille modus agendi, quo Spiritus Sanctus producit, habet essentialissimam repugnantiam ad non productionem: sicut ipse Spiritus Sanctus eandem habet, ad non produci: ergo implicat quòd idem manens, extenderetur ad non producendum, etiam quacumque facta hypothesi de possibilitate ipsius non productionis. Probo consequentiam: quia illa hypothesi facta, talem essentialem repugnantiam non haberet, siquidem

tunc ad non productionem extenderetur: ergo non esset idem modus cum illo, qui essentialissimam repugnantiam ad hoc habet: sicut non potest esse eadem indiuisibilis forma, illa cui gradus vitæ essentialissimè repugnat, & illa cui talis gradus non sic repugnaret.

VLTIMO facit contra prædictam solutionem quòd aliud est, voluntas Diuina secundum se, & aliud, modus agendi quem ipsa determinatè habet in productione Spiritus Sancti. De voluntate Diuina secundum se, esto admitteretur, quòd quantum est ex parte sua vt sic, posset eadem manens, non producere Spiritum Sanctum, si possibile esset, ipsum non produci; tamen id ipsum nullo modo potest admitti de modo agendi, quem hic & nunc determinatè in ista productione habet: scilicet quòd illo quantum est ex parte sui, posset idem manens extendi ad non productionem. Cuius ratio etiam à priori est. Nam voluntas Diuina secundum se, latius patet & ad plura se potest extendere, quàm modus agendi quem in indiuiduo habet in productione Spiritus Sancti. Secundum se enim, etiam importat rationem principij indifferentis ad agere & non agere, vt patet in actionibus, quibus agit ad extra; ac proinde aliqua adhuc ratione posset alicui videri verum, quòd ipsi secundum se, non repugnat non producere Spiritum Sanctum, si non productio possibilis esset. At verò ipse modus agendi, seu voluntas vt tali modo subest in actuali productione, omnino rationem principij indifferentis excludit, cum modus ille ex se ipso essentialissimè ad productionem tantum sit determinatus: imò uagis intimè & efficaciter ad illam determinatus, quàm modus appetendi brutalis ad suum proprium

prium obiectum. Ergo sicut omnino absurdè diceretur, quòd brutum ex modo suo appetendi hoc obiectum, posset idem non appetere, si non appetere possibile esset; ita pariter absurdissimè diceretur, voluntatem Diuinam ut subest tali modo agendi, posse Spiritum Sanctum non producere, si non producere possibile esset.

His impugnationibus, Vincenti, puto secundam tuam solutionem manifestissimè infringi. Vnde definitionem vulgarem & Philosophicam potentiae liberæ vel debes rejicere; quòd tamen non audes, ne de te dicatur quod dixit Diuus Thomas de Auerroë, quòd non tam fuit peripateticus quàm peripatetica Philosophia deprauator: vel si admittis; fateri nobiscum necesse est, prædictos actus amoris beatifici & spirationis verè liberos non esse.

SECTIO III.

Ostenditur, Vincentium non posse sine totius suae opinionis iactura, denegare libertatem prædictis actibus, scilicet amoris beatifici & spirationis.

Epistol. Erodr. ad Pe. cau. pag. 19.

Epistol. Prodr. ad Ricard. capite 2. in principio.

ADVERTIT indubiè Vincentius, se duplici illo exemplo amoris beatifici & spirationis, fortiter omnino debellari. Hac de causa iam in epistolis suis prodromis dicere incipit, quòd ex illo exemplo productionis Spiritus Sancti, nullum vult creati præiudicium, libertati aliorum actuum necessariorum voluntatis creatæ. Imò addit, quòd parum amitteret, licet alterum etiam exemplum de ipso amore beatifico ipsi extorqueretur. Quasi ta-

citè insinuans, se absque vlla iactura suae opinionis, posse adhuc duobus illis actibus veram libertatem denegare, & nihilominus cum victoria principalis sui intenti permanere, circa libertatem aliorum actuum, quos nos in via elicimus sub efficacia gratiae tractu, etsi sine potestate ad oppositum.

Leçtor Theologe, hoc iam est, Vincentium ex parte ad Palinodiam redigi; imò non solum ad Palinodiam; sed velit nolit, ad totius suae opinionis iacturam, hac via cogitur.

De aliquali Palinodia, res est patentissima, mi Vincenti: nam in scriptis tuis frequenter nimis inculcasti, duos etiam illos actus libertate essentiali gaudere. *Doctior Catholica* (ut quondam Prosper contra Collatorem) *cui professionem suam deseris?* Sed improperando non dico: nam nauis ingenij tui sic leuiter vacillare incipiens, cum minus falsitate faburratam se ostendat, facilius periculum erroris euadet, & tandem ad serenissimæ veritatis portum fumosa relictæ caligine deuoluetur.

Sed quòd exinde oporteat, te totius tuae opinionis iacturam facere; etiam probo euidenti (ni fallor) argumento. Nam semel admissio, actus illos amoris & spirationis libertatem veram & essentialem non habere, corrui omnino toties, à te repetita Philosophia, VBI VOLUNTAS, IBI LIBERTAS: tunc enim, & voluntas erit in illis actibus, etiam perfectissima, & cum perfectissimo iudicio rationis, & tamen libertas nulla: certè non ob aliam rationem, nisi quia eliciuntur cum absoluta necessitate specificationis & exercitij, absque vlla potestate ad oppositum, ut sic. Quæ ergo via (hoc semel concessio) poterit tibi superesse ad demonstrandam libertatem in actibus viz,

Lib. 6. tra Col. lat. ca. 4.

In The. ria. l. 1. c. 3. 4. & f. & alibi 19. pe.

ob solam rationem perfecti voluntarij in ipsis inuentam?

Explico hoc. In casu istius admissionis, staret in illis duobus actibus perfectissima ratio voluntarij, absque vlla prorsus vera libertate; ita, vt ratio voluntarij ibidem ad veram libertatem se sola insufficiens conspiceretur: ergo nec in actibus via sub efficacis gratiae tractu illa sola ratio perfecti voluntarij erit sufficiens ad veram eorum libertatem saluandam; sed omnino debebit aliquid aliud superaddi, nimirum, quod adhuc sub illo tractu gratiae, voluntas illos elicit, non cum absoluta necessitate; sed potius cum absoluta potestate ad oppositum. Et hæc, Vincenti, est communis & Catholica nostra sententia: in quam si venis; arma depono, & gratias ago.

Nec valet dicere, ad libertatem saluandam in actibus viae sub instanti prædeterminationis gratiae, sufficere, quod respectu illorum ponatur potestas remota ad oppositum; quæ nimirum pro alio instanti abiecta, scilicet prædeterminatione, potest reddi proxima, *per intellectus fabricatoris operam* (vt ais) *qui potest sibi veluti pontem rationum & argumentorum struere, per quem transeat in partem contrariam, suspendendo amorem prioris boni aut amando bonum oppositum.*

Non (inquam) valet: nam in eodem prorsus sensu inuenitur potestas remota ad oppositum respectu amoris beatifici: ergo paritatem saltem quantum ad istum actum non euadis. Antecedens probo. Nam licet voluntati, pro instanti quo beatificetur amat, nullæ subsint rationes, quibus proximè potens sit ad amorem suspendendum, tamen pro eodem instanti adest illi potestas remota, quæ pro alio instanti (abiecta nimirum, visione) potest reddi proxima, per

operam quoque intellectus: ille enim quantumvis nequeat vllas rationes suspendendi subministrare pro signo quo lumine beatifico perfunditur, sicut nec in sententia Vincentij intellectus viatoris, pro illo signo, quo lumine efficacis gratiae tangitur; tamen pro alio instanti & abiecto illo lumine, potest idemmet pontem aliarum rationum voluntati struere, per quem in partem contrariam transeat, & ad suspendendum amorem, imo & contrarium actum ponendum proximè accincta sit: ergo in eodem prorsus sensu inuenitur potestas remota ad oppositum respectu amoris beatifici.

Hæc replica tam efficaciter meo videri, euerit totam Vincentij de libertate opinionem; vt non possim non diutius in eadem immorari. Resumamus ergo iterum, vt rei veritas magis pateat. Vincentius (vt iam dixi) oppressus difficultate duplicis illius exempli, insinuat se absque vlla iactura suæ opinionis, posse adhuc libertatem illis duobus actibus denegare: hæc scilicet via, quod quamuis admitteret, illos duos actus non esse liberos; equidem non cogeretur admittere, non fore liberos actus nostros in via sub efficacis gratiae tractu: quia saltem in istis conspicitur potestas ad oppositum, remota; quæ tamen in alijs duobus non conspicitur. Quasi verò sola potestas remota ad oppositum sufficeret ad veram libertatem actuum humanorum saluandam.

Dico, quòd ista euasio omnino contradicit suo Auctori; & insuper quòd absolute repugnat veritati.

Quantum ad primum; quòd omnino contradicat suo Auctori, patet ex iam dictis: nam semel admissio, potestatem remotam ad oppositum, inspicere ad humanorum actuum libertatem; non potest libertas denegari,

gari, saltem amoris beatifico, cum respectu illius conspiciatur potestas remota ad oppositum (vt probatum est) ergo negare ex vna parte, quod amor ille liber sit (vt Vincentius in ista euasione iam negat) & admittere ex alia, quod potestas remota, ad libertatem sufficiat (vt idem Vincentius admittit) est omnino sibi contradicere.

Quantum verò ad Secundum; quod etiam repugnet veritati, dicere ad libertatem humanorum actuum sufficere potestatem remotam ad oppositum, libet operosius comprobare.

PRIMO: quia semel dato (vt iam solutio dat) quod ad libertatem requiratur aliqua potestas ad oppositum; necessario fatendum, est iuxta modum libertatis debere esse modum potestatis: sicut quia ad voluntarium requiritur cognitio, bene sequitur, quod iuxta modum voluntarij debet esse modus cognitionis; verbi gratia, si voluntarium sit perfectum; cognitio debet esse perfecta: si verò imperfectum; cognitio debet esse imperfecta: ergo pariter bene sequetur; si libertas est perfecta; potestas ad oppositum debebit esse perfecta: si libertas est actualis, si formalis, si completa; potestas ad oppositum debebit esse actualis, formalis, & completa: si libertas sit radicalis tantum; potestas radicalis tantum: si proxima; potestas debebit esse proxima. Tunc ultra: sed quando homo in actu secundo liberè operatur, exercet omnino libertatem actualem, formalem, completam, & proximam: ergo pro illo tunc, debet adesse potestas ad oppositum, actualis, formalis, completa, & proxima: & ex consequenti remota non sufficit, quæ nullum horum habet in genere potestatis. Non enim est potestas verè actualis, non est forma-

lis, non est completa, nec proxima, vt de se patet.

SECUNDO argumentor: supponendo prius, quod quociescumque liberè amo in actu secundo; tunc non amor, est mihi liber in actu primo; siquidem (vt solutio fatetur) liberè amans, possum qualitercumque non amare. Tunc sic: vt amor sit mihi liber in actu secundo; debet adesse potentia non solum remota, sed etiam proxima actu amans: ergo pariter vt non amor, sit mihi liber in actu primo; debet adesse potentia, non solum remota, sed etiam proxima, potens non amare. Probo consequentiam euidenter: quia principium quod requiritur ad operationem in actu secundo; idem requiritur in actu primo, cum hoc præcisè discrimine, quod ad operationem in actu secundo, requiritur vt actu operans; ad operationem verò in actu primo, requiritur vt potens operari: ergo si ad libertatem amoris in actu secundo, requiritur potentia non solum remota sed etiam proxima actu amans; pariter ad libertatem non amoris in actu primo; requiretur potentia, non solum remota sed etiam proxima, potens non amare.

Tertiò rem conficio ex quadam doctrina Diui Thomæ, qui loquens questione sexta de Malo articulo vnico ad decimum nonum de voluntate nostra sub Diuina motionem, sic fatetur. *Licet ergo simul insit homini potentia voluntatis ad opposita se habens; tamen opposita illa ad quæ se habet voluntas, non sunt simul.* Quibus verbis ponit Sanctus Doctor discrimen, quantum ad rationem simultatis, inter ipsam potentiam quæ ad opposita se habet, & inter ipsa opposita: dicens potentiam ad opposita, simul seu pro eodem instanti esse in nostra voluntate, minimè verò ipsa opposi-

ta: at si solum intenderet, potentiam ad opposita, esse simul in nostra voluntate, in hoc sensu; quia videlicet est proxima pro vno tantum extremo & remota pro alio, nullum discrimen poneret inter ipsa opposita, quoad rationem similitudinis: ergo dicendum est, velle similitudinem potentiae in alio sensu, ita ut sicut est proxima pro vno extremo, sit quoque proxima pro alio. Discursus est clarissimus, & minor patet. Quia opposita etiam sunt simul in eodem instanti, si fiat sensus, quod in instanti, in quo est vnum oppositum proximè & formaliter, sit quoque alterum remotè & radicaliter: hoc enim verissimum est; cum nullam habeat repugnantiam, amorem (verbi gratia) existere in hoc instanti proximè & formaliter, & in eodem existere non amorem, remotè & radicaliter.

Quartò iterum argumentor ex alia Doctrina Diui Thomae, quam supra citavi: videlicet, quod facultas posita in definitione liberi arbitrii, nominat potestatem expeditam ad vtrumque oppositorum; quatenus scilicet non debet esse impedita, quin possit hoc facere, vel non facere. Tunc sic: sed facultas, quae tantum est proxima pro vno extremo, & remota pro alio, non est expedita ad vtrumlibet: ergo facultas in tali sensu non est sufficiens ad libertatem. Minor iterum est res patentissima: nam quis cordato Philosopho persuadebit, quod haec aliqua numero facultas sit de se, in hoc instanti B, expedita ad hoc faciendum, & non faciendum, si pro vno extremo desit ipsi vis proxima, vel aliquid ex parte virtutis requisitum? Appono exemplum, & capietur facillime. Si voluntati (verbi gratia) in hoc instanti B, desit iudicium intellectus, dicetne aliquis illam pro illo instanti esse expeditam ad volendum? Iterum

si oculo desit de facto species visibilis, dicetne aliquis illum de facto esse expeditum ad videndum? Certè qui talia dicet, Peripateticus non esset: & quæso de causa? Profectò non alia, quam quia voluntatem, & visum expeditas nominaret potentias, etiam in casu, quo vtrique deesset actus aliqua virtus proxima, vel aliquid ex parte virtutis requisitum ad volendum & videndum: Ergo pariter Peripateticus esse nequit, qui potentiam remotam dicit esse expeditam, cum tali potentiae, etiam aliquid potentiae seu virtutis desit, ad hoc vel illud præstandum. Dico autem aliquid potentia seu virtutis; quia (ut supra monui) licet contingat potentiae aliquid deesse ex parte actus secundi, non spectans ad rationem potentiae seu virtutis, cuiusmodi in sententia Thomistica est auxilium efficax, non propter hoc desinit potentia illa esse proxima seu expedita in ratione potentiae.

QVINTO argumentor à pari ex libertate Diuina: nostra namque libertas, cum sit quædam participatio illius; debet proportionem seruata, habere omnia illa, quæ habet libertas Diuina; si aliàs nulla adsit specialis repugnantia. Tunc iterum sic: at libertas Diuina in actu secundo, prouenit nostro modo intelligendi à potestate vtriusque proxima & non solum proxima pro vno extremo & remota pro alio: ergo pariter nostra nequit in actu secundo exerceri, nisi proueniat à potestate, etiam proxima pro vtroque extremo. Minor videtur omnino certa: nam quis negabit voluntatem Diuinam pro priori signo ad liberam volitionem creationis mundi, non fuisse etiam nostro modo intelligendi, & quæ proximè potentem ad non creandum? Et consequentiam probò: nam nulla specialis repugnantia, potest

Ibidem
§. Scien-
dum est
secundo.

Suprà
12. c. 1.
§. Scien-
dum est.
§. 2.º.

In hoc assignari respectu voluntatis creatæ. Tum quia similtas potentie utrimque æque proximæ ad opposita, non insert similtatem ipsorum, oppositorum, vt ostendit Doctrina Sancti Thomæ iam citata ex questione sexta de Malo. Tum etiam quia, facultas, quæ semel ponitur esse proxima ad liberam actionem eliciendam, ipso facto, & sine vilo prorsus addito, est quoque proxima ad non actionem, seu ad suspensionem illius: cum ad non agere (vt supra etiam monui) nulla alia facultas ex parte potentie requiratur, quam ipsa naturalis vis voluntatis, & iudicium, indifferens de bonitate ipsius actionis, quod in via circa quodlibet obiectum cum perfecta aduertentia propositum semper adest (vt infra ex professo ostendam) ergo nulla apparet hic specialis repugnantia, cur libertas voluntatis creatæ non possit quoque, ac debeat in potestate, utrimque proxima constitui.

VLTIMO tandem argumentor à posteriori: nam potestas ad opposita, requisita ad libertatem humanam, est illa quam negabant hæretici sub motione Diuina subsistere: at illa quam negabant sub motione Diuina subsistere, non erat proxima, pro vno extremo, & remota tantum pro alio: ergo dicendum est, in illo sensu potestatem ad oppositum, ad libertatem non sufficere. Minor mæo videri est euident. Nam Caluinus sicut non negauit hominem sub motione Diuina agere voluntariè & ex perfecto iudicio rationis (vt supra sæpius inculcatum est) ita negare non potuit in voluntate præmotâ ad amorem, remanere potestatem illam remotam, quæ se possit abiecta præmotione ad rationes conquirendas, & potestatem suspensioni proximam promouere: hæc enim potestas nil aliud est, quam ipsa natura hominis,

prout particeps est intellectus & voluntatis: quæ ipso facto prout sic, potens est rationes conquirere ad agendum & non agendum, si aliunde non impediatur. Cum ergo Caluinus non adeo infanauerit, vt naturam hominis negaret; sed solum dixerit, illam & modum eius agendi liberum ex motione impediri; euident est potestatem illam remotam ad non agendum sub motione agnouisse; quæ scilicet (si motio non adesset) posset se ad potestatem proximam tandem promouere.

Hæc omnia, Vincenti, mihi tam certa sunt, vt nullo modo possim opinionem tuam, aut vt Philosophicam, aut vt Catholicam approbare. Quoquo *versum ego te conferas* (vt iterum verbis Prospero vtar) *à temet- ipso & vinciris, & vinceris*. Vt enim abunde his tribus Sectionibus ostensum est, si definitionem illam vulgarem potentie liberæ admittis (sicut facere te putas) non saluus actus prædictos spirationis & amoris beatifici liberos esse: & si hos liberos esse, non saluos; non solum corruit Philosophia tua, VBI VOLUNTAS, IBI LIBERTAS; quin imò nec actus nostros in via sub efficacis gratiæ tractu, liberos esse, saluare poteris, nisi nobiscum potestatem proximam ad oppositum, apposueris.

Sed hic quædam tua Dicta necessariò diluenda sunt, quibus Satis effaciter videris velle persuadere, potestatem illam utrimque expeditam & proximam poni non debere. In forma Scholastica lubet ea proponere, vt clarius pateant.

PRIMO ergo Potest ex dictis tui argui. Quia per potestatem illam remotam in sensu à te explicato, sufficienter differt homo in ratione agentis liberi, à bruto: ergo frustra superadditur alia, quæ sit pro eodem instanti proxima. Consequentia con-

stat,

Prosper.
conat.
Collat.
27.

In The
riac. li.
1. c. 26.
& Si igitur
desi-
mpnari.

Vbi su-
prà 1.
Sicendū
est 30

Infra l.
2. c. 12.
à pen-
c. plo.

Suprà
l. 1. c. 14
sect. 2.
Explicet
hoc.

SECTIO II.

Expenditur secunda solutio, qua Vincentius admittit, vulgari illa definitione definiri quidem potentiam liberam, secundum libertatem suam essentialem; sed tunc sensum esse, quod possit non agere, quantum est ex parte modi agendi.

RESPONDET secundò Vincentius: admitteudo quòd superiori definitione, potentia libera, secundum suam libertatem essentialem definiatur: *Sed tunc* (inquit) *verus sensus esse debet, quòd potentia liberè operans, positis omnibus ad agendum praequisitis, sic agat, ut possit non agere, saltem quantum est ex parte modi agendi.*

In The-
riaca l.
7. c. 15.
§. Tandè
agitur.

Prosper
concr.
Coll. c.
16. cir-
ca hoc.

Vincenti (vt quondam Sanctus Prosper contra Collatorem) *Miror valde, quomodo non vides, aut ab alijs existens non videri, quòd teipsum tuo ore hic condemnas.* Dicendo enim (vt hic dicis) aperte fateris ad libertatem etiam essentialem, requiri potestatem ad oppositum, saltem quantum est ex parte modi agendi. Quod si verum est (vti verissimum est) qua via potest subsistere id, quod toto opere tuo toties inculcas: actus videlicet spirationis Spiritus Sancti, & amoris beatifici, verè liberos esse? Cùm etiam quantum est ex parte modi agendi, voluntas illos absque potestate ad oppositum operetur?

Dicelne fortasse hoc falsum esse, & voluntate illos etiam actus verè elicere cum potestate ad oppositum, quantum est ex parte modi agendi? Certè nisi sic dixeris, vulnus quo te ipsum configis, non declinabis. Sed quàm periculose in fide similia dicantur; attende.

Assumo (exempli gratia) actum illum spirationis, quo producit Spiritus Sanctus, cui libertatem essentialem inesse dicis. Nec mireris (vt de Ricardo tuo miraris) me toties hoc vnicum exemplum in ostentationem circumducere. Non enim hoc à me fieri, volo existimes; sicut de illo altero suspicaris, vt inuidiam tibi apud quosdam prouocem: nam nec ille alter, nec illi quidam, cogniti mihi sunt. Quod me vnicè mouet, est exempli illius tanta lux & claritas, vt eo solo totam tuam opinionis de libertate machinam, euertere me posse, non dubitem.

Age ergo, & qualiter cum exemplo isto, secundæ tuæ solutionis veritas non subsistat, inspiciamus. Argumentor sic. Pater & Filius taliter producant Spiritum Sanctum, vt nec etiam quantum est ex modo agendi, non possint non producere: ergo teneris fateri, vel solutionem tuam tibi contrariari, vel productionem illam liberam non esse libertate etiam essentiali, quod & non minus tibi contrariatur. Consequentia constat, & antecedens probo. Si Pater & Filius taliter producerent Spiritum Sanctum, vt quantum est ex modo agendi, possent non producere; Spiritus Sanctus quantum est ex modo suæ productionis, posset non esse: cùm ipsum non produci, sit ipsum non esse, & ex consequenti, posset non produci quantum est ex modo suæ productionis, sit pariter posse non esse, quantum est ex modo suæ productionis: at hoc asserere, est hæreticum, & cùm teste Diuio Thoma quæst. secunda, de Potentia, arr. 3. in Corpore, *Omne id, quod quantum in se est, possibile est esse vel non esse, sit quid creatum, & propter hoc Ariani, qui ponebant Filium creaturam, dicebant ipsum genitum voluntate* (scilicet libera) *cuius omnem effectum quantum in se est,*

In epi-
stola
prodr.
ad Ri-
car. c. 1.
in prin-
cipio.

est, possibile est esse vel non esse: ergo si hæresim vitare velis, dicendum est Patrem & Filium taliter producere Spiritum Sanctum, ut nec quantum est ex parte modi agendi, possint non producere.

Fortè respondebis (ut quendam semel pro te respondentem audiui) quòd hæc propositio, *Spiritus Sanctus quantum est ex modo suæ productionis, potest non produci*; in duplici sensu possit intelligi. Vno modo in sensu absoluto: alio modo in sensu conditionato, & quidem de conditione impossibili. In sensu absoluto; dices quidem esse hæreticam, sed à te non affirmari; quia datur intelligi, quòd Spiritus Sanctus absolute possit non procedere, quantum est ex modo suæ processionis: quod hæreticum est: quia sic ponitur, de facto procedere, ut creaturam, quantum est ex parte modi. In sensu autem conditionato, dices à te sustineri; sed prout sic, esse omnino catholicam & veram: quia tantum significatur, quòd quantum est ex modo actionis, qui est cum spontanea effusione voluntatis ex perfectissimo iudicio rationis, posset eodem indivisibili modo permanente, non procedere, si possibile esset, non procedere: quod certè ab omni hæresi non solum remotissimum, sed & veritati omnino conforme esse affirmabis.

Bone Deus! Quàm miràda, quàm singularis, quàm falsa responsio! Contra insurgo manifestè.

PRIMO: quia sequitur ex illa, quòd principium Spiritus Sancti (scilicet Pater & Filius) sit ens magis necessarium, quam Spiritus Sanctus: at hoc etiam est aperta hæresis: ergo solutio seu responsio hæresim non declinat, sed potius in aliam iucindit. Minore suppono, quia lædit æqualitatem personarum, quæ est de fide: & sequelam probò euidenter.

Quia (ut solutio fatetur) adhuc data hypothesis, quòd esset possibile Spiritum Sanctum non procedere; maneret equidem idem indivisibilis modus producendi seu agendi in principio Spirante, siquidem eodem modo manente, posset non procedere, si possibile esset, non procedere; & ex consequenti, esto daretur hypothesis de possibilitate non processionis, equidem intelligeretur in principio producente, perseverare idem modus producendi, qui de facto est: ergo principium spirans cum suo modo agendi, est ens magis necessarium, quàm Spiritus Sanctus. Probo consequentiam; quia id quod potest intelligi perseveraturum, etiam in casu quo alterum posset non esse; indubiè magis necessarium est, quàm illud alterum.

SECUNDO: quia eadem ratione poterit dici, quòd voluntas Diuina quantum est ex modo suo agendi, posset peccare, si ipsam peccare, esset possibile. Patet hoc: quia loquendo de repugnantia absoluta, æqualis est repugnantia utrobique: tam enim repugnat Patri & Filio, Spiritum Sanctum non producere, quàm voluntati Diuinæ peccare: ergo si non obstante prima repugnantia, audet quis dicere, Patrem & Filium, quantum est ex modo agendi, posse non producere Spiritum Sanctum, si possibile esset non producere; poterit pariter quis dicere, eadem repugnantia non obstante, voluntatem Diuinam, quantum est ex modo suo agendi posse peccare, si ipsam peccare possibile esset. Sed tunc ultra: at hoc non solum hæreticum sed & blasphemum videtur: ergo. Probo istam minorem. Quia tali modo loquendi significatur, quòd Deo non repugnat malitia ex propria ratione Deitatis, sed solum facta suppositione quadam extrinseca impossibilita-

tis malitiæ: sicut dicendo, quòd omnipotentia Diuina, quantum est ex parte sui, potest producere Chimæram, si ea possibilis esset, datur intelligi, quòd ipsi talis productio non repugnat ex propria ratione suæ virtutis, sed solum ob extrinsecam impossibilitatem obiecti: at blasphemum videtur, affirmare, Deo ex propria sua ratione non repugnare omnem malitiam, cum ex propria sua ratione, sit summè & infinitè per essentiam Sanctus: ergo.

TERTIO: nam illa propositio: *Spiritus Sanctus quantum est ex modo suæ processions, potest procedere vt Filius;* in quocumque sensu sumatur, vel est hæretica, vel ab omni prorsus veritate remotissima: ergo pariter & ista: *Spiritus Sanctus quantum est ex modo suæ processions, potest non procedere;* in quocumque sensu sumatur, eidem prorsus censuræ debet subiacere. Consequentiam iudico culdentem: quia modo suæ processions æqualiter repugnat, ipsum non procedere, ac procedere vt filium: imò si locus detur comparationi in prædicatis Diuinis necessarijs, magis repugnat, non procedere, quàm vt filium procedere, cum primum ipsi opponatur contradictoriè, secundum non.

QUARTO impugno solutionem ratione à priori. Nam loquendo de repugnantia absoluta, ille modus agendi, quo Spiritus Sanctus produciatur, habet essentialissimam repugnantiam ad non productionem: sicut ipse Spiritus Sanctus eandem habet, ad non produci: ergo implicat quòd idem manens, extenderetur ad non producendum, etiam quacumque facta hypothèsi de possibilitate ipsius non productionis. Probò consequentiam: quia illa hypothèsi facta, talem essentialem repugnantiam non haberet, siquidem

tunc ad non productionem extenderetur: ergo non esset idem modus cum illo, qui essentialissimam repugnantiam ad hoc habet: sicut non potest esse eadem indiuisibilis forma, illa cui gradus vitæ essentialissimè repugnat, & illa cui talis gradus non sic repugnet.

VLTIMO facit contra prædictam solutionem: quòd aliud est, voluntas Diuina secundum se, & aliud, modus agendi quem ipsa determinatè habet in productione Spiritus Sancti. De voluntate Diuina secundum se, esto admitteretur, quòd quantum est ex parte sua vt sic, posset eadem manens, non producere Spiritum Sanctum, si possibile esset, ipsum non produci; tamen idipsum nullo modo potest admitti de modo agendi, quem hic & nunc determinatè in ista productione habet: scilicet quòd ille quantum est ex parte sui, posset idem manens extendi ad non productionem. Cuius ratio etiam à priori est. Nam voluntas Diuina secundum se, latius patet & ad plura se potest extendere, quàm modus agendi quem in indiuiduo habet in productione Spiritus Sancti. Secundum se enim, etiam importat rationem principij indifferentis ad agere & non agere, vt patet in actionibus, quibus agit ad extra; ac proinde aliqua adhuc ratione posset alicui videri verum, quòd ipsi secundum se, non repugnat non producere Spiritum Sanctum, si non productio possibilis esset. At verò ipse modus agendi, seu voluntas vt tali modo subest in actuali productione, omnino rationem principij indifferentis excludit, cum modus ille ex se ipso essentialissimè ad productionem tantum sit determinatus: imò wagis intimè & efficaciter ad illam determinatus, quàm modus appetendi brutalis ad suum proprium

prium obiectum. Ergo sicut omnino absurdè diceretur, quòd brutum ex modo suo appetendi hoc obiectum, posset idem non appetere, si non appetere possibile esset; ita pariter absurdissimè diceretur, voluntatem Diuinam vt subest tali modo agendi, posse Spiritum Sanctum non producere, si non producere possibile esset.

His impugnationibus, Vincenti, puto secundam tuam solutionem manifestissimè infringi. Vnde definitionem vulgarem & Philosophicam potentiae liberae vel debes rejicere; quòd tamen non audes, ne de te dicatur quod dixit Diuus Thomas de Auerroè, quòd non tam fuit peripateticus quàm peripatetica Philosophia deprauator: vel si admittis; fateri nobiscum necesse est, praedictos actus amoris beatifici & spirationis verè liberos non esse.

SECTIO III.

Offenditur, Vincentium non posse sine totius suae opinionis iactura, denegare libertatem praedictis actibus, scilicet amoris beatifici & spirationis.

ADVERTIT indubiè Vincentius, se duplici illo exemplo amoris beatifici & spirationis, fortiter omnino debellari. Hac de causa iam in epistolis suis prodromis dicere incipit, quòd ex illo exemplo productionis Spiritus Sancti, nullum vult creari prauiudicium, libertati aliorum actuum necessariorum voluntatis creatæ. Imò addit, quòd parum amitteret, si alterum etiam exemplum de ipso amore beatifico ipsi extorqueretur. Quasi ta-

citè insinuans, se absque vlla iactura suae opinionis, posse adhuc duobus illis actibus veram libertatem denegare, & nihilominus cum victoria, principalis sui intenti permanere, circa libertatem aliorum actuum, quos nos in via elicimus sub efficacia gratiae tractu, et si sine potestate ad oppositum.

Lector Theologe, hoc iam est, Vincentium ex parte ad Palinodiam redigi; imò non solum ad Palinodiam; sed velit nolit, ad totius suae opinionis iacturam, hac via cogitur.

De aliquali Palinodia, res est patentissima, mi Vincenti: nam in scriptis tuis frequenter nimis inculcasti, duos etiam illos actus libertate essentiali gaudere. *Doct. Catholica* (vt quondam Prosper contra Collatorem) cur professionem tuam deseris? Sed improporando non dico: nam nauis ingenij tui sic leuiter vacillare incipiens, cum minus falsitate saburratam se ostendat, facilius periculum erroris euadet, & tandem ad scernissimæ veritatis portum fumosa relictæ caligine deuoluetur.

Sed quòd exinde oporteat, te totius tuae opinionis iacturam facere; etiam probo euidenti (ni fallor) argumento. Nam semel admissio, actus illos amoris & spirationis libertatem veram & essentialem non habere, corrui omnino toties, à te repetita Philosophia, VBI VOLUNTAS, IBI LIBERTAS: tunc enim, & voluntas erit in illis actibus, etiam perfectissima, & cum perfectissimo indicio rationis, & tamen libertas nulla: certè non ob aliam rationem, nisi quia eliciuntur cum absoluta necessitate specificationis & exercitii, absque vlla potestate ad oppositum, vt sic. Quæ ergo via (hoc semel concessio) poterit tibi superesse ad demonstrandam libertatem in actibus, viz,

ob

5. Th.
opusc.
16. ante
9. Offen.
so igi-
tur,

Lib. cõ-
tra Col-
lat. ca.
4.

Epistol.
Erodr.
ad Pe-
tr. ca.
p. 19.

Epistol.
Prodr.
ad Ri-
car. ca-
p. 2.
in prin-
cipio.

In The-
ria. l. 1.
c. 3. 4.
& 5. &
alibi qd
pe.

ob solam rationem perfecti voluntarij in ipsis inuentam?

Explico hoc. In casu istius ad missionis, staret in illis duobus actibus perfectissima ratio voluntarij, absque vlla prorsus vera libertate; ita, vt ratio voluntarij ibidem ad veram libertatem se sola insufficiens conspiceretur: ergo nec in actibus viae sub efficacis gratiae tractu illa sola ratio perfecti voluntarij erit sufficiens ad veram eorum libertatem saluandam; sed omnino debet aliquid aliud superaddi; nimirum, quod adhuc sub illo tractu gratiae, voluntas illos elicit, non cum absoluta necessitate; sed potius cum absoluta potestate ad oppositum. Et haec, Vincenti, est communis & Catholica nostra sententia: in quam si venis; arma depono, & gratias ago.

Nec valet dicere, ad libertatem saluandam in actibus viae sub instanti praedeterminationis gratiae, sufficere, quod respectu illorum ponatur potestas remota ad oppositum; quae nimirum pro alio instanti abiecta, scilicet praedeterminatione, potest reddi proxima, *per intellectus fabricatoris operam* (vt ais) *qui potest sibi veluti pontem rationum & argumentorum struere, per quem transeat in partem contrariam, suspendendo amorem prioris boni aut amando bonum oppositum.*

Non (inquam) valet: nam in eodem prorsus sensu inuenitur potestas remota ad oppositum respectu amoris beatifici: ergo paritatem saltem quantum ad istum actum non euadis. Antecedens proba. Nam licet voluntati, pro instanti quo beatifici amatur, nullae subsint rationes, quibus proximè potens sit ad amorem suspendendum, tamen pro eodem instanti adest illi potestas remota, quae pro alio instanti (abiecta nimirum visione) potest reddi proxima, per

operam quoque intellectus: ille enim quantumvis nequeat vllas rationes suspendendi subministrare pro signo quo lumine beatifico perfunditur, sicut nec in sententia Vincentij intellectus viatoris, pro illo signo, quo lumine efficacis gratiae tangitur; tamen pro alio instanti & abiecto illo lumine, potest idemmet pontem aliarum rationum voluntati struere, per quem in partem contrariam transeat, & ad suspendendum amorem, imo & contrarium actum ponendum proximè accincta sit: ergo in eodem prorsus sensu inuenitur potestas remota ad oppositum respectu amoris beatifici.

Haec replica tam efficaciter meo videri, euertit totam Vincentij de libertate opinionem; vt non possim non diutius in eadem immorari. Resumamus ergo iterum, vt rei veritas magis pateat. Vincentius (vt iam dixi) oppressus difficultate duplicis illius exempli, insinuat se absque vlla iactura suae opinionis, posse adhuc libertatem illis duobus actibus denegare: hac scilicet via, quod quamuis admitteret, illos duos actus non esse liberos; equidem non cogeretur admittere, non fore liberos actus nostros in via sub efficacis gratiae tractu: quia saltem in istis conspicitur potestas ad oppositum, remota; quae tamen in alijs duobus non conspicitur. Quasi verò sola potestas remota ad oppositum sufficeret ad veram libertatem actuum humanorum saluandam.

Dico, quod ista euasio omnino contradicit suo Auctori; & insuper quod absolute repugnat veritati.

Quantum ad primum; quod omnino contradicat suo Auctori, patet ex iam dictis: nam semel admissio, potestatem remotam ad oppositum, sufficere ad humanorum actuum libertatem; non potest libertas denegari,

gari, saltem amori beatifico, cum respectu illius conspiciatur potestas remota ad oppositum (vt probatum est) ergo negare ex vna parte, quod amor ille liber sit (vt Vincentius in ista euasione iam negat) & admittere ex alia, quod potestas remota, ad libertatem sufficiat (vt idem Vincentius admittit) est omnino sibi contradicere.

Quantum verò ad Secundum; quod etiam repugnet veritati, dicere ad libertatem humanorum actuum sufficere potestatem remotam ad oppositum, libet oporosiùs comprobare.

PRIMO: quia semel dato (vt iam solutio dat) quod ad libertatem requiratur aliqua potestas ad oppositum; necessario satendum, est iuxta modum libertatis debere esse modum potestatis: sicut quia ad voluntarium requiritur cognitio, bene sequitur, quod iuxta modum voluntarij debet esse modus cognitionis; verbi gratia, si voluntarium sit perfectum; cognitio debet esse perfecta: si verò imperfectum; cognitio debet esse imperfecta: ergo pariter bene sequetur: si libertas est perfecta; potestas ad oppositum debet esse perfecta: si libertas est actualis, si formalis, si completa; potestas ad oppositum debet esse actualis, formalis, & completa: si libertas sit radicalis tantum; potestas radicalis tantum: si proxima; potestas debet esse proxima. Tunc ultra: sed quando homo in actu secundo liberè operatur, exercet omnino libertatem, actualem, formalem, completam, & proximam: ergo pro illo tunc, debet adesse potestas ad oppositum, actualis, formalis, completa, & proxima: & ex consequenti remota non sufficit, quæ nullum horum habet in genere potestatis. Non enim est potestas verè actualis, non est forma-

lis, non est completa, nec proxima, vt de se patet.

• SECVNDO argumentor: supponendo prius, quod quotiescumque liberè amo in actu secundo; tunc non amor, est mihi liber in actu primo; siquidem (vt solutio fatetur) liberè amans, possum qualitercumque non amare. Tunc sic: vt amor sit mihi liber in actu secundo; debet adesse potentia non solum remota, sed etiam proxima actu amans: ergo pariter vt non amor, sit mihi liber in actu primo; debet adesse potentia, non solum remota, sed etiam proxima, potens non amare. Probo consequentiam euidenter: quia principium quod requiritur ad operationem in actu secundo; idem requiritur in actu primo, cum hoc præcisè discrimine, quod ad operationem, in actu secundo, requiritur vt actu operans; ad operationem verò in actu primo, requiritur vt potens operari: ergo si ad libertatem amoris in actu secundo, requiritur potentia non solum remota sed etiam proxima actu amans; pariter ad libertatem non amoris in actu primò; requireretur potentia, non solum remota sed etiam proxima, potens non amare.

Tertiò rem conficio ex quadam doctrina Diui Thomæ, qui loquens quæstione sexta de Malo articulo vnico ad decimum nonum de voluntate nostra sub Diuina motione, sic fatetur. *Licet ergo simul insit homini potentia voluntatis ad opposita se habens; tamen opposita illa ad quæ se habet voluntas, non sunt simul.* Quibus verbis ponit Sanctus Doctor discrimen, quantum ad rationem simultatis, inter ipsam potentiam quæ ad opposita se habet, & inter ipsa opposita: dicens potentiam ad opposita, simul seu pro eodem instanti esse in nostra voluntate, minimè verò ipsa opposi-

ta: at si solum intenderet, potentiam ad opposita, esse simul in nostra voluntate, in hoc sensu; quia videlicet est proxima pro vno tantum extremo & remota pro alio, nullum discrimen poneret inter ipsa opposita, quoad rationem similitudinis: ergo dicendum est, velle similitudinem potentie in alio sensu, ita ut sicut est proxima pro vno extremo, sit quoque proxima pro alio. Discursus est clarissimus, & minor patet. Quia opposita etiam sunt simul in eodem instanti, si fiat sensus, quod in instanti, in quo est vnum oppositum proxime & formaliter, sit quoque alterum remotè & radicaliter: hoc enim verissimum est; cum nullam habeat repugnantiam, amorem (verbi gratia) existere in hoc instanti proxime & formaliter, & in eodem existere non amorem, remotè & radicaliter.

Quartò iterum argumentor ex alia Doctrina Diui Thomæ, quam supra citavi: videlicet, quod facultas posita in definitione liberi arbitrij, nominat potestatem expeditam ad vtrumque oppositorum; quatenus scilicet non debet esse impedita, quin possit hoc facere, vel non facere. Tunc sic: sed facultas, quæ tantum est proxima pro vno extremo, & remota pro alio, non est expedita ad vtrumlibet: ergo facultas in tali sensu non est sufficiens ad libertatem. Minor iterum est res patentissima: nam quis cordato Philosopho persuadebit, quod hæc aliqua numero facultas sit de se, in hoc instanti B, expedita ad hoc faciendum, & non faciendum, si pro vno extremo desit ipsi vis proxima, vel aliquid ex parte virtutis requisitum? Appono exemplum, & capietur facillime. Si voluntati (verbi gratia) in hoc instanti B, desit iudicium intellectus, dicetne aliquis illam pro illo instanti esse expeditam ad volendum? Iterum

si oculo desit de facto species visibiles, dicetne aliquis illum de facto esse expeditum ad videndum? Certè qui talia dicet, Peripateticus non esset: & quæ quæso de causa? Profectò non alia, quàm quia voluntatem, & visum expeditas nominaret potentias, etiam in casu, quo vtrique desisset actu aliqua virtus proxima, vel aliquid ex parte virtutis requisitum ad volendum & videndum: Ergo pariter Peripateticus esse nequit, qui potentiam remotam dicit esse expeditam, cum tali potentie, etiam aliquid potentie seu virtutis desit, ad hoc vel illud præstandum. Dico autem aliquid potentie seu virtutis; quia (ut supra monui) licet contingat potentie aliquid deesse ex parte actus secundi, non spectans ad rationem potentie seu virtutis, cuiusmodi in sententia Thomistica est auxilium efficax, non propter hoc desinit potentia illa esse proxima seu expedita, in ratione potentie.

QVINTO argumentor à pari ex libertate Diuina: nostra namque libertas, cum sit quædam participatio illius; debet proportionem seruata, habere omnia illa, quæ habet libertas Diuina; si aliis nulla adsit specialis repugnantia. Tunc iterum sic: at libertas Diuina in actu secundo, prouenit nostro modo intelligendi à potestate vtriusque proxima & non solum proxima pro vno extremo & remota pro alio: ergo pariter nostra nequit in actu secundo exerceri, nisi proueniat à potestate, etiam proxima pro vtroque extremo. Minor videtur omnino certa: nam quis negabit voluntatem Diuinam pro priori signo ad liberam volitionem creationis mundi, non fuisse etiam nostro modo intelligendi, quæ proxime potentem ad non creatum? Et consequentiam probò: nam nulla specialis repugnantia, potest

ibidem
§. Sciendum est
secundo.

Suprà
I. 2. c. 1.
§. Sciendum est
dum er.
§. 18.

In hoc assignari respectu voluntatis creatæ. Tum quia si multas potentias utrimque æque proximas ad opposita, non infert simultatem ipsorum, oppositorum, vt ostendit Doctrina Sancti Thomæ iam citata ex quæstione sexta de Malo. Tum etiam quia facultas, quæ semel ponitur esse proxima ad liberam actionem eliciendam, ipso facto, & sine vilo prorsus addito, est quoque proxima ad non actionem, seu ad suspensionem illius: cum ad non agere (vt supra etiam monui) nulla alia facultas ex parte potentie requiratur, quam ipsa naturalis vis voluntatis, & iudicium indifferens de bonitate ipsius actionis, quod in via circa quodlibet obiectum cum perfecta aduertentia propositum semper adest (vt infra ex professo ostendani) ergo nulla apparet hic specialis repugnantia, cur libertas voluntatis creatæ non possit quoque, ac debeat in potestate, utrimque proxima constitui.

VLTIMO tandem argumentor à posteriori: nam potestas ad opposita, requisita ad libertatem humanam, est illa quam negabant hæretici sub motione Diuina subsistere: at illa quam negabant sub motione Diuina subsistere, non erat proxima, pro vno extremo, & remota tantum pro alio: ergo dicendum est, in illo sensu potestatem ad oppositum, ad libertatem non sufficere. Minor meo videri est euident. Nam Caluinus sicut non negauit hominem sub motione Diuina agere voluntariè & ex perfecto iudicio rationis (vt supra sæpius inculcatum est) ita negare non potuit in voluntate præmota ad amorem, remanere potestatem illam remotam, qua se possit abiecta præmotione ad rationes conquirendas, & potestatem suspensioni proximam promouere: hæc enim potestas nil aliud est, quam ipsa natura hominis,

prout particeps est intellectus & voluntatis: quæ ipso facto prout sic, potens est rationes conquirere ad agendum & non agendum, si aliunde non impediatur. Cum ergo Caluinus non adeò insaniuerit, vt naturam hominis negaret; sed solum dixerit, illam & modum eius agendi liberum ex motione impediri; euident est potestatem illam remotam ad non agendum sub motione agnouisse; quæ scilicet (si motio non adesset) posset se ad potestatem proximam tandem promouere.

Hæc omnia, Vincenti, mihi tam certa sunt, vt nullo modo possim opinionem tuam, aut vt Philosophicam, aut vt Catholicam approbare. Quoquo versum ergo se conseras (vt iterum verbis Prospero vtar) à semetipso & vincis, & vincis. Vt enim abundè his tribus Sectionibus ostensum est, si definitionem illam vulgarem potentie liberæ admittis (sicut facere te putas) non saluas actus prædictos spirationis & amoris beatifici liberos esse: & si hos liberos esse, non saluas; non solum corrui Philosophia tua, VBI VOLUNTAS, IBI LIBERTAS; quin imò nec actus nostros in via sub efficacia gratiæ tractu, liberos esse, saluare poteris, nisi nobiscum potestatem proximam ad oppositum, apposeris.

Sed hic quædam tua Discreta necessariò dilucida sunt, quibus Satis efficaciter videris velle persuadere, potestatem illam utrimque expeditam & proximam poni non debere. In forma Scholastica lubet ea proponere, vt clarius percipiantur.

PRIMO ergo Potest ex dictis tui argui. Quia per potestatem illam remotam in sensu à te explicato, sufficienter differt homo in ratione agentis liberi, à bruto: ergo frustra superadditur alia, quæ sit pro eodem instanti proxima. Consequentia con-

stat,

Vbi supra
p. 6.
Secundum
est 3.

Infra l.
2. c. 14.
à primo
caplo.

Supra
l. 1. c. 14.
sec. 2.
Explicat
om.

Prosper.
enat.
Collat
27.

In The
riac. li.
1. c. 26.
§. Si igitur
desi-
peremus.

stat, & antecedens probas: quia nequaquam possunt bruta hoc, quod est, tempore congruo fabricare sibi pontem rationum, per quem ab uno latere indifferentie ad oppositum aliquando transseant. Ergo præcisè per hoc, quòd absolutè ponatur id ipsum posse homo; sufficienter differt à bruto, licet posse illud pro quolibet instanti liberæ operationis, non sit proximum.

SECUNDO: Quia illa potestas ad libertatem sufficit, ratione cuius dicimur utrumque oppositorum in potestate habere: at dicimur (inquis) in potestate habere non tantum id, quod ita est in proxima potestate, ut iam iam immediatè manu apprehendere valeamus, sed etiam illud ad quod volendo & agendo nos pertingere possumus: ergo non requiritur, quòd pro quolibet instanti, quo libere volo aliquid, habeam in proxima potestate oppositum, sed sufficit quòd ad illud volendo & agendo postea possim pertingere. Discursus est legitimus, & minorem iterum probas duplici exemplo. Primò, quia hominem diutem (ais) nummos suos, arca quamvis inclusos, in potestate sua habere dicimus, quia scilicet utcumque potest ad illos pertingere. Secundò, quia Augustinus (inquis) dicit, primum hominem habuisse in potestate sua, perpetuò vivere; non quia de vite perpetuitate aut de fructu vite comedendo semper cogitaret, & ad eum carpendum perpetuò accinctus esset, sed quia voluntate sua tempore opportuno ad illum pertingere, carpere, edere, & sic vitam perpetuam prorogare poterat.

TERTIO: ad libertatem humanam non est necesse, ut eo liberæ suæ determinationis instanti, voluntas semper habeat actum ante oculos, argumenta illa aut rationes, quas intellectus ad contrarium suggerere potest: sed sine actuali præsentia il-

larum rationum non stat ad contrarium potestas proxima: ergo illa proxima ad libertatem humanam non est necessaria. Minorem cum consequentia supponis, & maiorem probas. Nam fieri potest, ut eo instanti, quo voluntas se liberè determinat, anima nullam aliam cogitationem ante oculos mentis habeat quàm illam, quæ se voluntas in amorem præsentis obiecti inclinat. Homo enim famelicus (ais) cibum ante se positum sumere liberè vult, etiamsi de abstinendo, aut de applicando intellectum, an sumere expediat, nihil cogitet. Ergo non est necesse ad libertatem humanam, ut eo liberæ suæ determinationis instanti, voluntas semper habeat actum, ante oculos argumenta & rationes; quas intellectus ad contrarium suggerere potest.

Hæc & similia sunt, Vincenti, quæ te mouent ad ponendam solam potestatem remotam, etiam ad libertatem contradictionis. Et certè si huiusmodi à Tyrunculis & Scholæ nouitj in disputationem induci viderem; non vtique mirarer, cum sua salutem exteriori specie difficultatis non careant; ob idque faciliè possint non exercitatum quemque turbare, aut confundere; sed quod hæc eadem sint, quæ virum aliàs Theologum à communi veritate, ad priuatam opinionem seducant, non possum non mirari, ut par est.

DICO AD PRIMVM: distinguendo antecedens. Per potestatem illam remotam sufficienter differt homo à bruto, in ratione agentis liberi; libertate radicali, concedo antecedens: sufficienter differt in ratione agentis liberi; libertate proxima, nego antecedens. Ergo frustra superadditur potestas quæ sit proxima, nego consequentiam: quia sicut homo in ratione liberi differt à bruto dupliciter, & in ratione liberi radicali,

Vbi supra §. Nec ad hoc ar-

Vbi supra §. In eodem & sapientie.

calis, quando scilicet non est proximè dispositus ad libertatem exercendā, defectu alicuius requisiti ex parte actus primi, & in ratione liberi proximè; quando omnia illa requisita ad sunt; ita pariter præter potestatem illam remotam, per quam constituitur in ratione liberi radicalis, debet poni potestas proxima; per quam constituatur in ratione agentis liberi proximè. Et certè si argumentum aliquid probaret, probaret utique; nullam debere poni potentiam proximam in anima (verbi gratia) ad intelligendum aut volendum: nam potest eodem modo argui & dici, quòd homo sufficienter differt à bruto in ratione intellectui aut volitui, per potestatem remotam intelligendi quæ est ipsa anima, cum brutum nec huiusmodi potestatem habeat: ergo non debet superaddi potentia proxima ad huiusmodi actus; nulla est consequentia, & viro Theologo prorsus indigna. Idem ergo dic in præsentī.

DICO AD SECVNDVM: concedendo maiorem: quòd scilicet illa potestas ad libertatem sufficit, ratione cuius dicimur vtrumque oppositorum in potestate habere; sed miminisse oportet istius quod supra in probationibus dixi, nimirum modum potestatis debere esse, iuxta modum libertatis. Ex quo fit ad libertatem radicalem sufficere potestatem ad oppositum remotam seu radicalem; ad libertatem verò proximam, qualem homo exercet in actu secundo liberè operans, non sufficere nisi potestatem ad oppositum proximam. Transeat ergo, quòd nōmo dicatur vtrumque, seu absolute in potestate habere, etiam id ad quod agendo & volendo pertingere potest, licet pro hoc vel illo instanti proximè non possit: cæterum ex eo nil inferitur ad propositum. Nam si

contingat ipsum taliter in aliquo actu se habere, ut proximè non possit facere oppositum; erit quidem in illo actu liber radicaliter, non tamen proximè; sed proxima eius libertas potius erit impedita, & ligata. Vnde cum in quolibet instanti, quo liberè operatur, fatendum sit, ipsum esse liberum libertate proxima; fatendum quoque est; ipsum habere potestatem ad oppositum expeditam & proximam, & non solum remotam. Per quod etiam patet ad exempla inducta. Circa primum de homine diuite, fateor ipsum absolute in potestate sua habere nummos, arcæ quamvis inclusos. Sed quid inde? Nil aliud profectò, quàm quòd circa ipsos sit liber radicaliter. Quando ergo erit liber circa illos in actu secundo? Respondeo, quòd tunc præcisè, quando circa illos exercet actum aliquem, vel internum, vel externum, taliter ut proximè possit non exercere, distribuendo (verbi gratia) taliter ut proximè possit non distribuere, vel volendo illos taliter distribuere, ut proximè possit non velle distribuere. Et per idem patet ad exemplum de Adamo. Ille quando ad esum fructus vitæ proximè accinctus non erat; non erat quoque proximè liber circa eundem, sed tantum remotè & radicaliter: tunc autem erat liber proximè, & non aliàs; quando taliter actu comedeat, ut posset proximè non comedere, vel taliter actu illum interius desiderabat, ut posset proximè non desiderare.

DICO AD TERTIVM: distinguendo de illis argumentis & rationibus, quas intellectus in contrarium suggerere potest. Si namque per huiusmodi rationes intelligantur ex, quæ requiruntur ad actu suspendendum, vel ad actu cessandum, fateor illas non semper, inò nunquam ad-

Suprà
l. 2. c. 2.
§. in hoc
in quam

se presentes; eo instanti, quo voluntas liberè se ad actum determinat (vt supra satis clarè insinuaui) Cæterum ex absentia illarum non infertur, voluntatem non esse proximè potentem ad suspensionem vel cessationem, cum proxima potestas huiusmodi rationes non requirat. Si verò intelligantur eæ, quæ desiderantur ad posse proximè suspendere vel cessare; sic dico, huiusmodi semper adesse, pro quocumque instanti liberæ operationis. Illæ enim nullæ aliæ rationes sunt, quàm vnica simplex ratio, seu iudicium indifferens de bonitate obiecti, quod circa quodlibet obiectum in via cum perfectâ aduertentia propositum semper inuenitur. Transeat ergo iterum, quòd homo famelicus libere sumat cibum, licet nil de actualiter abstinendo cogitet; dico tamen quod illum sumit (si vt homo sumat & non sicut brutum) ex iudicio indifferenti, ex vi cuius ita sumit, vt possit proximè non sumere. His puro, Vincenti, tribus tuis dictis abunde & perspicuè esse satisfactum.

C A P V T V.

Idem assumptum, nimirum actus omnino necessarios non esse verè seu propriè liberos, ostenditur ex eo, quòd omnis actus verè liber debeat procedere à voluntate, vt voluntas est, non à voluntate, vt natura est.

PRÆTER vulgarem illam definitionem (de qua vsque modo egimus) est & aliud principium non minus efficax ad nostram communem Philosophiam comprobendam: videlicet omnem actum verè liberum debere procedere à voluntate,

vt voluntas est, non à voluntate, vt natura est.

Pro quo scire oportet, in voluntate inueniri duplicem conceptum, vnum naturæ, alterum voluntatis formaliter. Conceptus naturæ est illi quasi communis cum alijs rebus: & in hoc consistit, quòd sicut aliæ res, sunt naturæ quædam, ad vnum quid determinatæ secundum propriam cuiusque exigentiam: verbi gratia, grauius ad motum deorsum, leuius ad motum sursum, viuientia ad hanc vel illam perfectionem naturalem; ita pariter & voluntas, cum res quædam sit; natura etiam quædam est, secundum propriam suam exigentiam, ad vnum quid determinata: sed conceptus voluntatis est illi soli proprius & peculiaris, in hoc consistens, quòd in ordine ad aliquam non determinata, sed potius indifferens, & indeterminata sit.

Hoc qui negat, negat expressissimam doctrinam Diui Thomæ, varijs in locis ab eo traditam. Videri potest Prima parte, quæstione quadragesima prima, articulo secundo in Corpore, & ad sextum: quæstione vigesima tertia de Veritate, articulo quarto in Corpore. Et specialiter quæstione vigesima secunda, de Veritate articulo quinto: vbi in Corpore duplicem illum conceptum sic declarat. *Sciendum est (inquit) quòd in rebus ordinatis oportet primum modum includi in secundo: & in secundo non solum inueniri, id quod sibi competit secundum rationem propriam; sed quod competit secundum rationem primi. Sicut homini conuenit non solum ratione vi, quod ei competit secundum propriam differentiam, quæ est rationale; sed vi sensu vel alimento, quòd ei competit secundum genus suum, quod est animal vel viuens &c. Natura autem & voluntas hoc modo sunt ordinata, vt ipsa voluntas quædam natura sit; quia omne quod*

in rebus inuenitur, natura quadam dicitur. Et ideo in voluntate oportet inueniri, non solum id quod voluntatis est; sed etiam quod naturæ est. Hoc autem est cuiuslibet natura creata vt à Deo sit ordinata in bonum; naturaliter appetens illud: unde & voluntati ipsi inest naturalis quidam appetitus sibi conuenientis boni, & præter hoc habet appetere aliquid secundum propriam determinationem (id est liberum beneplacitum) non necessitate (scilicet naturalis inclinationis) quod ei competit in quantum voluntas est. Ea ubi apertissime vtrumque conceptum, & naturæ & voluntatis, exprimit: asserens primum voluntati communem esse cum cæteris rebus, sicut homini commune est cum alijs, esse animal; secundum autem omnino ipsi esse peculiarem & proprium. Imò (sicut & nos diximus) tætetur primum consistere in naturali determinatione seu necessitate ad vnum; alterum autem non in tali necessitate sed potius in indifferencia.

Vnde & consequenter ad hæc in eodem articulo ad quintum in contrarium dixit, quod voluntas in quantum est rationalis, ad opposita se habet. Hoc enim est considerare ipsam, secundum hoc quod est ei proprium; sed prout est natura quadam, nihil prohibet eam determinari ad vnum. Et rursus questione secunda de potentia articulo tertio in Corpore, voluntas (inquit) in quantum voluntas, cum sit libera, ad vtrumlibet se habet. Potest enim voluntas agere vel non agere sic vel sic facere, velle & non velle, & si respectu alicuius hoc voluntati non conueniat; hoc accidet voluntati, non in quantum voluntas est, sed ex inclinatione naturali, prout scilicet quadam natura est.

Ex hoc ergo Principio, omnino validum conficio Argumentum. Omnis actus verè liber, formaliter quæ liber est, debet proficisci seu pro-

uenire à voluntate; vt voluntas est non à voluntate, vt natura est: sed actus absolutè necessarij necessitate, specificationis & exercitij seu respectu quorum non est potestas ad oppositum; vt spiratio & amor beatificus, non proueniunt à voluntate, vt voluntas est, sed omnino à voluntate vt natura est: ergo similes actus verè liberi non sunt. Discursus tenet in forma, si maior & minor probentur. Potest autem vtraque facillimè probari ex citata doctrina D. Thomæ.

MAIOR quidem sic: nam omnis actus verè liber, formaliter quæ liber; debet prouenire à voluntate secundum conceptum ipsi peculiarem & proprium: cum hoc quod est liberè operari, soli voluntati, vt ab omnibus rebus differt, formaliter competat: licet enim radix libertatis sit etiam in intellectu (vt dicam capite sequenti) libertas tamen formalis non est nisi in sola voluntate, sicut in primo sui subiecto. Quapropter idem Sanctus Doctor prima parte questione octuagesima tertia articulo quarto & in Secundo ad Anibaldum distinctione vigesima quarta questione vnica articulo secundo ad secundum & ad tertium, docet liberum arbitrium formaliter & in recto, pro nulla alia potentia supponere, quam pro voluntate: unde & ibidem dictum istud Damasceni approbat, quod liberum arbitrium nil aliud est quam voluntas, seu, per essentiam est ipsa voluntas. Quia videlicet quamvis intellectum connotet sicut sui radicem, seu in obliquo; formaliter tamen, seu in recto solam adfert voluntatem. Ex quo fit, quod liberè operari (formaliter loquendo) est proprium soli voluntati, prout ab omnibus alijs differt. Imò nec ipse Vincentius hoc negare potest: cum expressè fateatur, quod libertas etiam essentialis sit modus agendi vo-

In The
ria. lib.
I. c. 10.
in prin-
cipio.

luntati peculiaris. Sed ex hoc iam fit ulterius, quod omnis actus verè liber formaliter qua liber, debeat provenire à voluntate secundum conceptum sibi peculiarem & proprium, non verò secundum conceptum sibi cum alijs communem. Tunc ultra; conceptus voluntati peculiaris & proprius est solus conceptus voluntatis, ut voluntas est, non autem, ut natura est, cum in hoc secundo (teste Divo Thoma) cum alijs conveniat. Ergo omnis actus verè liber, formaliter qua liber, debet esse à voluntate secundum conceptum voluntatis, seu ut voluntas est, non verò secundum conceptum naturæ, seu ut natura est. Maior ergo argumenti principalis vera est.

DICES, etiam esse conceptum voluntati proprium, hoc quod est ipsam operari cum necessariâ determinatione ad unum, dummodo id fiat ex perfecto iudicio rationis, cum prout sic, nulli alteri rei competat: ac proinde à voluntate prout sic operante, posse etiam actum verè liberum provenire.

SED CONTRA. Quia in primis ista responsio est directè contra Divum Thomam: quòd sic patet: nam in præallegatis locis, hoc quod est voluntatem operari cum naturali determinatione ad unum, indubiè fumpsit, etiam prout fit ex perfecto iudicio rationis; siquidem loquitur de voluntate, intellectuàli modo operante, & non de motibus eius subitaneis aut de voluntate amentium seu puerorum: at ibidem expressè asserit, hoc convenire ipsi secundum conceptum naturæ, quem etiam condistinguit contra id, quod sibi competit secundum rationem propriam: ergo dicere, quòd talis modus operandi, quando fit ex perfecto iudicio rationis, conveniat voluntati secundum proprium & peculiarem eius

conceptum, est directè contra Divum Thomam.

Deinde quia solutio peccat, non distinguens in opere voluntatis id quod spectat ad substantiam operis, ab eo quod spectat ad modum operis. Ad substantiam eius spectat, hoc quod est eam operari ex perfecto iudicio rationis, cum ipsa substantialiter sit appetitus intellectuàlis. Ad modum autem spectat hoc quod est ipsam appetere cum determinatione ad unum, vel cum indifferentia. Quando ergo dicitur esse etiam proprium voluntati hoc quod est eam operari cum determinatione ad unum ex perfecto iudicio rationis; potest bene & malè intelligi: bene, si dicatur esse proprium id, quod ibi importatur tamquam spectans ad substantiam operis, scilicet operari intellectuàliter, seu ex iudicio rationis: hoc namq; soli voluntati proprium est: male autem, si dicatur esse proprium etiam id quod ibi importatur tamquam spectans ad modum operis, scilicet operari cum determinatione ad unum: hoc namque falsum est, cum modus ille sit appetendi cum tali determinatione, etiam competat alijs naturis. Quando ergo nos cum Divo Thoma negamus esse proprium voluntati, hoc quod est eam intellectuàliter appetere, cum naturali determinatione ad unum: solum excludimus ab eius proprietate modum illum naturalis determinationis, non autem substantiam ipsius intellectuàlitatis, quæ in opere voluntatis interuenit. Et hoc certè respondentem favere non potest: nam actus liber debet provenire à voluntate secundum conceptum ei proprium, etiam in modo operandi; taliter autem non est ei proprium hoc quod est operari ex iudicio rationis, cum hoc substantiam operis nominet, & non modum operis.

Ex

Ex quo proinde amplius confirmo probationem nostræ maioris principalis: nam omnis actus verè liber, quatenus liber, debet provenire à voluntate secundum conceptum ei proprium etiam in modo operandi, cum actus liber ut liber, non solum manifestet substantiā principij operantis sed etiam modum operandi: imò expressius ipsum modum operandi, quam operantis substantiam: at conceptus naturæ intellectualis, in voluntate repertus, non est ei proprius in modo operandi, cum habeat modum operandi communem cum alijs naturis: ergo implicat à voluntate sub conceptu naturæ provenire actum verè liberum.

Sed instabis. Aliqui actus puerorum & amentium sunt substantialiter actus voluntatis: cum iuxta communiorē sententiam Theologorum non omnes eorum actus ex sola imaginatione & appetitu sensitivo proveniant, sed nonnulli etiam à voluntate, licet necessario: quod etiam ex eo patet: quia discunt, discunt artes, timent, vident & lætantur: & tamen non fiunt ex perfecto iudicio rationis: ergo falso diximus, hoc quod est operari voluntatem ex perfecto iudicio rationis, spectare ad eius substantiam: sicque videtur spectare etiam ad proprium eius modum agendi.

Respondeo, esse quidem substantialiter actus voluntatis, si voluntas consideretur materialiter seu in esse physico, non autem si consideretur formaliter prout est appetitus intellectualis: prout sic enim considerata voluntate, nec substantialiter quidem, sunt actus voluntatis: cum ab ipsa non emanent prout formaliter utente intellectu seu ratione. Quam de causa dixit Divus Thomas Prima Secundæ quæstione decima articulo tertio in Corpore, quod de talibus

eadem est ratio sicut & de animalibus brutis, quæ ex necessitate sequuntur imperium passionis: in his enim non est aliquis rationis motus & per consequens nec voluntatis. Quasi in pueris & amentibus, etiam nullus sit motus rationis aut voluntatis formaliter. Vnde semper verum remanet, hoc quod est actum voluntatis esse ex perfecto iudicio rationis, spectare ad eius substantiam: si consideretur (inquam) eius substantia formaliter, seu prout est appetitus intellectualis: in quo sensu & non aliter, diximus hoc ad substantiam eius spectare.

Sed iam pergamus ad probationem Minoris: videlicet nullum actum necessarium, quæ talis est, provenire à voluntate, ut voluntas est, sed à voluntate, ut natura est. Minorem itaque hanc probat tripliciter.

PRIMO: quia (ut habet Divus Thomas in loco præallegato ex quæstione secunda de Potentia) *Voluntas in quantum voluntas, cum sit libera, indifferenter se habet ad utrumlibet; ergo voluntas ut voluntas nullum actum elicit omnino necessarium, cum ille eliciatur absque indifferentia.*

SECUNDO: quia ea de causa docet ibidem, nec generationem Verbi in Divinis, nec productionem Spiritus Sancti esse à voluntate, ut voluntas est; sed generationem ab intellectu ante omne imperium voluntatis, & productionem Spiritus Sancti à voluntate quidem, sed naturaliter seu sub conceptu naturæ, ut ibi habet ad undecimum. Et rationem assignat in Corpore: *quia omne illud cuius voluntas est principium, intellige de voluntate, ut voluntas est, quia de illa sub tali formalitate loquebatur quantum in se est, possibile est esse vel non esse, & esse tale vel tale, & tunc, vel nunc.* Quæ ratio æqualiter comincit de quolibet alio actu spe-

cificatiue, & elicitiue necessario: cum nullus talis (quantum est ex vi influxus ipsius voluntatis) habeat possibilitatem ad esse & non esse, sed potius omnino determinatus sit ad esse tantum. Ergo dicendum est nullum talem actum provenire a voluntate ut voluntas est.

TERTIO: quia de omni eo quod procedit a voluntate ut voluntas est, verum est dicere, quod ita est, quia voluntas vult. Patet hoc ex ipsis terminis: nam si actum aliquem elicit vel imperat formaliter in quantum voluntas est, ipsa in quantum vult, est causa illius actus: ergo de actu illo erit verum dicere, quod suum esse habet, quia voluntas vult. Vnde Divus Thomas in articulo iam citato, volens in tertio argumento probare, quod voluntas ut voluntas imperat actum intellectus, sicut & aliarum potentiarum, assumptis hanc causalem ex doctrina Anselmi, *Intelligo, quia volo, sicut & ambulo quia volo*. Imò & in quarto argumento idem probans in Divinis de actu predestinationis, quod scilicet sit a voluntate ut voluntas, eadem prorsus causali utitur. *Dicimus enim* (inquit) *quod Deus predestinavit Petrum, quia voluit*: at nihil horum potest verificari de actibus omnino necessariis: ergo nullus eorum est a voluntate, ut voluntas est. Probo istam minorem; tum quia aliis Pater & Filius spirarent, quia voluit, quod sapit hæresim, ut dictum est supra: tum etiam ratione a priori: quia actus omnino necessarij sunt naturales & a voluntate procedunt naturaliter, sicque formaliter loquendo, eandem habent necessitatem, quam habet ipsa natura voluntatis: ergo sicut voluntati non inest sua natura, quia ipsa vult; ita pariter isti actus non insunt ipsi, quia ipsa velle.

OBIECIES PRIMO: quia

actus voluntatis necessarij, solim procedunt a voluntate naturaliter: at non est idem procedere a voluntate naturaliter, & procedere a voluntate per modum naturæ: ergo falso asseritur huiusmodi actus procedere a voluntate sub conceptu naturæ. Minorem probat Vincentius ex questione decima de Potentia articulo secundo ad Quartum. Vbi distinguit Divus Thomas agere naturaliter & agere per modum naturæ, ut nempe voluntas naturaliter etiam aliquid agere dicatur, non tamen per modum naturæ. *Dicitur enim aliquid produci naturaliter*. (ait Divus Thomas) *propter naturalem habitudinem, quam habet ad suum principium*. Quam etiam (inquit Vincentius) habet actus voluntarius ad voluntatem. *Per modum vero naturæ produci dicitur, quod producitur ab aliis quo principio sic producente, sicut natura producit*. Id est (ut iterum glossat Vincentius) *essenti, & impotenti quodam impetu*.

Profecto quantum ad istam glossam, tam nitida, tamque insignis est: ut si ea est de mente Divi Thomæ, aperta hæresis ex eius Doctrina sequatur. Ponit enim ibi differentiam inter processionem Verbi in Divinis, & processionem Spiritus Sancti: asserens utramque processionem esse quidem a sua propria potentia, naturaliter: sed vnam tantum, nimirum processionem Verbi, esse per modum naturæ: ergo si ly *per modum naturæ*, in via Divi Thomæ idem est, ac *essenti, & impotenti quodam impetu* (ut Vincentius glossat) apertissime concedit Verbum in Divinis procedere essenti & impotenti quodam impetu. *Quis vero hæc ferat* (verbis utor Bernardi) *quis non claudat aures ad voces sacrilegas? Quis non horreat prophanas novitates, & vocem, & sensum? Dicitur ne Verbum*

in The
ria. l. 1.
ca. 2. in
princi-
pio.

Suprà
lib. I. c.
19. §
Ass. ca-
p. 1. &
§. Nece-
ssum Ber-
nardo.

Bernar-
dus Epi-
scopus.
fol.
119.

in Diuinis procedere effræni & impotenti quodam impetu? Hoc sanè Catholicus vt blasphemum accipere debet. Aliud enim est, quòd taliter procedat, vt non sit in potestate producendis, non procedere; & aliud est, quòd procedat effræni & impotenti quodam impetu: quòd sonat procedere cum imperfectione aliquis coactionis, & modo purè brutali, sen naturali cum præcisione. Vide ergo Lector, quàm theoricè noster Theologus inuisibilia Dei contempletur!

Sed argumento eius respondeo: actus necessarios voluntatis procedere à voluntate naturaliter, & insuper dico, hoc esse idem, ac procedere à voluntate sumpta per modum naturæ: non tamen in eo sensu quo ly *per modum naturæ* sumitur à Diuo Thoma, quando illud distinguit contra procedere naturaliter. Pro quo nota, quòd procedere per modum naturæ, potest accipi dupliciter: vno modo pro eo, quòd est procedere cum naturali determinatione ad vnum, & absque indifferentia: & in hoc sensu, omne procedens à voluntate naturaliter; procedit etiam ab eadem per modum naturæ: sicque (vt nos dicimus) spiratio Spiritus Sancti, & in vniuersum omnis actus necessarius voluntatis, per modum naturæ ab ea procedit. Neque in hoc sensu distinguit Diuus Thomas, procedere per modum naturæ, ab eo quòd est procedere naturaliter. Alio modo accipitur pro eo quòd est procedere, accipiendo ex vi processionis, similitudinem in natura cum principio generante; prout natura tolet dici vis ex similibus similia procreans: & in hoc sensu fateor, quòd Diuus Thomas distinguit procedere per modum naturæ, ab eo quòd est procedere naturaliter: siquidem Spiritus Sanctus non sic proce-

dit per modum naturæ: cum tamen procedat naturaliter: nec nos certè in hoc sensu dicimus, omnem actum necessarium voluntatis procedere ab ea per modum naturæ. Solum namque docemus omnem actum voluntatis necessarium procedere ab ea per modum naturæ, sumendo ly *per modum naturæ* pro eo, quòd est procedere cum naturali determinatione ad vnum & absque indifferentia. Et quòd hæc sit legitima mens Diui Thomæ, superuacaneum omnino est, demonstrare. Videatur doctrina eius loco citato in fine Corporis, & in solutione ad Septimum, & ad Vndecimum eiusdem articuli, & insuper in Primo, Distinctione sexta, questione prima, articulo tertio in Corpore.

OBIICIES SECVNDO: actus voluntatis necessarij, de quibus loquimur, sunt perfectè voluntarij: ergo non procedunt à voluntate per modum naturæ. Probo consequentiam: quia perfectè voluntarium diuiditur contra naturale.

Respondeo ex doctrina Sancti Thom. questione vigesima secunda de Veritate, articulo quinto ad Sextum in contrarium; vbi idem argumentum proponit, & sic soluit. *Ad sextum dicendum, quòd voluntas diuiditur contra appetitum naturalem cum præcisione sumptum, id est, qui est naturalis tantum: sicut homo contra id, quòd est animal tantum. Non autem diuiditur contra appetitum naturalem absolute, sed includit ipsum: sicut homo includit animal.* Sic ergo dicimus actus necessarios voluntatis esse perfectè voluntarios, & nihilominus procedere à voluntate per modum naturæ, seu esse naturales; non tamen naturales tantum, seu cum præcisione; sed naturales, & insuper superaddendo propriam differentiam perfecti voluntarij, ex eo quòd procedant

cedant ex perfecto iudicio rationis.

Contra doctrinam huius capituli, possent plura obijci ex Scoto, qui tenet quod voluntas nullum actum potest habere naturaliter; sed supersedendum ab eis iudicari: tum quia non tangunt specialem doctrinam, Vincentij: tum etiam quia abunde illa soluta inuenies apud Caietanum prima parte, questione quadragesima quarta, articulo secundo, §. *Num voluntatis actus, sit aliquis actus naturaliter.*

Ex dictis in hac secunda obiectione habes, quam directe contra Sanctum Thomam locutus fuerit in hoc puncto Cornelius Ianfenius: dum in suo Augustino relegauit a voluntate conceptum naturæ his verbis. *Aristoteles in Metaphysica distinguit liberum a naturali, & secundo Physicorum causam actiui in naturam & propositum.... proinde fieri non potest, ut eadem potentia voluntatis circa finem versetur, ut natura (quantumvis in eum ponatur ferri necessariò) & in ea quæ sunt ad finem, ut potentia libera; sic enim distingueretur eadem actiua potentia in seipsam & in oppositum sui.*

Habes (inquam) quam directe sit hoc contra Sanctum Thomam: qui expresse illum conceptum naturæ in voluntate circa finem ponit: imò & rationem Ianfenij soluit, explicans in allegata solutione, qualiter vo-

luntas seu principium libe-

rum contra naturale

diuidatur, & qua-

liter non

diuida-

tur,

sed potius est in ipsa etiam

voluntate inclu-

datur.

CAPVT VI.

Idem assumptum ostenditur ex eo, quod omnis actus verè liber, debeat regulari iudicio libero seu indifferenti.

TERTIAM RATIONEM suppeditat nobis vniuersale illud principium, videlicet omnem actum voluntatis verè liberum, debere regulari, aliquo iudicio libero seu indifferenti. Hoc quidem a Vincentio negatur, cum in Theriaca sua doceat, iudicium indifferens solum requiri ad libertatem accidentalem, non tamen ad omnem veram libertatem absolutè: cæterum quam expresse & directe hoc sit contra doctrinam Sancti Thomæ, discursus sequens manifestabit. Per iudicium autem liberum seu indifferens, intelligo iudicium repræsentans obiectum, non ut necessariò proseguendum, vel ut necessariò fugiendum, sed potius ut ad vtrumlibet indifferenter eligibile.

Argumentor ergo sic. Omnis actus verè liber debet, regulari iudicio libero seu indifferenti: sed actus voluntatis necessarij (de quibus loquimur) non regulantur iudicio libero seu indifferenti, cum procedant ex iudicio ab intrinseco determinato ad vnum, quod circa tale obiectum aliter se habere non potest, ut patet in iudicio regulante productionem Spiritus Sancti, & amorem beatificum: ergo actus necessarij de quibus loquimur non sunt verè liberi. Discursus est in forma, & minor certa, solumque difficilis est in maiori, quam Vincentius (ut iam dixi) in sensu vniuersali (sicut a nobis asseritur) negat. Sed illam probò ea Doctrina Dini Thomæ mani-

In The
ria. lib.
2. c. 1.
sect. 1.
in fine.

Tomo
3. lib. 7.
c. 13 cir
ca fine.

manifestissima ratione à priori.

Quia tota ratio libertatis ex modo cognitionis dependet. Est propositio Diui Thomæ, quæstione vigesima quarta de Veritate, articulo secundo in principio Corporis. Et rursus: *Totius libertatis radix est in ratione constituta.* Est propositio eiusdem ibidem circa Corporis medium. Vbi pondera ista verba, *tota ratio libertatis, & totius libertatis*, quæ manifestè indicant ipsum loqui vniuersaliter de omni libertate. Cuiuscumque ergo libertatis radix, & si quæ vera libertas sit, debet desumi ex ratione seu iudicio: at non ex iudicio qualicumque, sed ex libero seu indifferenti: ergo vniuersaliter omnis actus verè liber debet regulari iudicio libero seu indifferenti. Discursus iterum constat; & probo minorem ex eodem Diuo Thoma quadupliciter.

PRIMO: quia in eodem Corpore eiusdem articuli, probans in brutis nullam esse veram libertatem, bene autem in homine; sic satur. *In brutis est quadam similitudo liberi arbitrii, in quantum possunt agere vel non agere vnum & idem secundum suum iudicium, ut sic sit in ois quasi quadam conditionata libertas: possunt enim agere, si iudicant esse agendum, vel non agere, si non iudicant.* Sed quia iudicium eorum est determinatum ad vnum, per consequens & appetitus & actio ad vnum determinatur. Vnde secundum Augustinum super Genesim ad litteram, mouentur visis; & secundum Damascenum, aguntur passionibus; quia scilicet naturaliter de tali viso & tali passione sic iudicant: vnde necesse habent ab ipsa visione alicuius rei vel à passione insurgente moueri ad fugiendum vel prosequendum: sicut ovis viso lupone necesse habet timere & fugere: & canis insurgente passione ire, necesse habet latrare & prosequi ad nocendum. Sed homo non necessario mouetur ab his,

quæ sibi occurrunt, vel à passionibus insurgentibus: quia potest ea accipere vel refugere, & ideo homo est liberi arbitrii, non autem bruta. Ecce vbi totam libertatem hominis reducit ad indifferentiam iudicii, quo scilicet ipsi obiecta representantur, non ut necessario prosequenda, vel ut necessario fugienda, sicut contingit in brutis; sed ut prosequenda vel fugienda indifferenter. Sentit ergo apertissimè, in tantum actus eius verè liberos esse, in quantum regulantur iudicio libero seu indifferenti & non determinato ad vnum.

SECUNDO: quia in eodem articulo ad tertium, proponens & probans idem propositum, sic prosequitur. *Quamuis sit indifferentia ad agere & non agere in bruto, considerata ipsa actione secundum seipsam; tamen considerato ordine eius ad iudicium à quo provenit, quod est determinatum ad vnum; etiam ad ipsas actiones obligatio quedam derivatur, ut non possit in eis inueniri ratio libertatis absolute.* Ecce vbi iterum omnem veram libertatem bruto denegat, propter defectum indifferentiæ iudicii. Sentit ergo actum verè liberum, iudicio indifferenti debere regulari. Et idem repetit in solutione ad Septimum, & prima parte quæstione quinquagesima nona, articulo tertio & quæstione octuagesima tertia, articulo primo, & Secundo contra gentes capite quadragesimo octauo ratione secunda.

TERTIO probo ex articulo primo eiusdem quæstionis vigesima quartæ de Veritate: vbi in fine corporis hanc breuem habet propositionem. *Homo ideo est liberi arbitrii, ac si diceretur liberi iudicii de agendo vel non agendo. Quid clarius? Nonne hoc est exigere ad libertatem actus liberum iudicium seu indifferens ad agere & non agere?*

QUARTO patet clarissimè ex
H 4 Sc-

Secundo ad Annibaldum Distinctione vigesima quarta, quaestione vnicā, articulo secundo, ubi ad idem propositum sic docet. Respondeo dicendum, quod quaedam res sunt, quae operantur absque iudicio, sicut inanimata: quaedam verò cum iudicio, sed non libero, imò ex ipsa natura determinato ad vnum, sicut bruta, quae ex naturali assimatione, vnum appetunt & aliud resugunt: homo verò, & iudicium de suis operibus habet, & libertatem in iudicando: quae quidem libertas prouenit, cum ex ratione, quae ad opposita viam habet, tum ex voluntate, quae non est determinata ad vnum. Unde homo est dominus sui iudicii, quia potest sic vel aliter indicare de agendis, & pro tanto dicitur esse liberi arbitrii. Quid nitidius & breuius pro probatione nostri principij? Apertissime dicit, hominem habere libertatem, non ex qualicumque ratione, aut ex qualicumque voluntate (ut contendit Vincentius) sed ex voluntate non determinata ad vnum, & ex ratione habente se ad opposita. Nonne hoc iterum est exigere ad actum liberum rationem seu iudicium indifferens?

Dices Diuum Thomam in omnibus his & similibus solum loqui de libertate accidentali, aut de libertate arbitrii speciatim sumpti, non verò de omni libertate absolute, seu essentiali, aut illa quae dicitur libertas voluntatis vel arbitrii generaliter sumpti.

Haec est antiqua tua cantilena, Vincenti, & voluntaria tua, iurataque Glossa, Sed praeterquam, quod supra libro primo sufficienter improbatu sit; libet vterius in praesenti discutere. Argumentor contra illam dupliciter.

PRIMO: quia (ut patuit ex quaestione vigesima quarta de veritate) Diuus Thomas assignando pro radice libertatis in homine indiffe-

rentiam iudicii, putat se assignare radicem totius libertatis, ut ex contextu patet: ergo etiam libertatis essentialis, seu liberi arbitrii generaliter sumpti pro quacumque voluntate libera. Patet consequentia: quia, alias totius libertatis dixisset se assignasse radicem, & principalioris libertatis radicem omisisset. Rideo, Vincenti, voluntariam & ineptam illam Glossam.

SECUNDO: quia in omnibus istis locis putat se exclusisse à brutis omnem veram libertatem, ut maxime patet ex illis verbis de Veritate in solutione ad tertium, ut non possit in eis mueniri ratio libertatis absolute: quorum verborum sensus euidenter est, nullam libertatem verè & absolute loquendo, in brutis inueniri: at pro hoc probando, nullum aliud medium assumpsit, quam quia iudicium ipsorum est determinatum ad vnum & non indifferens: ergo sentit apertissime defectum indifferentiae iudicii, inferre exclusionem omnis verè libertatis: & ex consequenti etiam illius, quam Vincentius essentialem vocat, seu arbitrii generaliter sumpti.

Explico hoc. Si defectus indifferentiae iudicii seu determinatio illius solum argueret defectum libertatis accidentalis, aut arbitrii specialiter sumpti; Diuus Thomas ex vi illius defectus seu determinationis, non exclusisset à brutis omnem veram libertatem: quandoquidem in opinione Vincentij simul cum humani modi defectu & determinatione, stat vera & essentialis libertas: at putat se ex vi illius, omnem veram à brutis libertatem exclusisse: ergo necessario dicendum est, iuxta mentem Sancti Thomae, defectum indifferentiae iudicii seu determinationem illius, arguere non solum defectum libertatis accidentalis aut arbitrii speciatim

Suprà
lib. 2. c.
11. & c.
14. lect.
1. & 2. d.
resp. 1. d.

tim sumpti, sed etiam defectum omnis veræ libertatis.

Potest hic apparens quædam euasio excogitari; dicendo Diuum Thomam pro exclusione libertatis à brutis, non assumpsisse pro medio, defectum indifferentiæ, seu iudicium determinatum ad vnum qualitercumque, sed iudicium determinatum à natura: qua determinatione legitime excludit etiam libertatem essentialem: cæterum tale iudicium sic determinatum non inueniri in actibus necessarijs naturæ intellectualis; quia licet ibidem sit determinatum ad vnum, est tamen determinatum à ratione non à natura.

DICO, quòd hæc euasio solum est apparens, & reuera terminis ludit. Nam hoc quod est, esse iudicium determinatum ad vnum à natura, potest accipi dupliciter: vno modo pro eo quod est, esse determinatum à natura, id est, à bruto seu à natura brutali: alio modo pro eo, quod est, esse determinatum à natura, id est, ab intrinseco & ex vi principiorum essentialium, quæ ab Auctore naturæ accipit. Quòd in primo sensu non fuerit à Diuo Thoma assumptum pro medio, euident est; nam esset omnino inepta probatio & nullo modo artificiosa: fieret enim, sensus, bruta carere omni prorsus libertate, quia habent iudicium determinatum determinatione brutali; quòd idem est ac dicere, bruta non esse libera, quia sunt bruta: quam probationem, quis non videat esse omnino ineptam & tanto Doctore indignam? Licet enim rei veritas ita habeat, bruta non esse libera, quia sunt determinati iudicii brutaliter; nullo tamen modo declaratur in simili causali consequens per medium artificiosum, sed omnino per vnum & idem: de hoc namque queritur, quid scilicet sit in bruto radix obli-

omni libertati? Ergò respondere, hanc non esse aliam, quam ipsam determinationem brutalem, est omnino idem per idem resolvere. Declarare oportebat, quid aut qualis sit, aut in quo huiusmodi brutalis determinatio consistat: quod tamen hac via non præstatur. Quare dicendum est, medium illud fuisse assumptum in secunda acceptione; ita ut sensus sit, bruta ideo carere omni libertate, quia iudicium ipsorum est determinatum à natura, id est, ab intrinseco, & ex sibi essentialibus, quæ ab auctore suo accipit.

Sed tunc ultra: in hoc sensu, non minus iudicium intellectuale in actibus necessarijs est determinatum ad vnum, quam iudicium brutale: ergo si propter talem determinationem exulat ab actibus brutorum omnis vera libertas; pariter ob eandem ab actibus necessarijs hominis, omnis vera libertas exulabit. Consequentia constat & minor subsumpta est euident etiam in doctrina Vincentij: nam iudicium (verbi gratia) regulatiuum amoris beatifici circa Deum clarè visum, ita est ab intrinseco & ex sibi essentialibus determinatum, ad prosequendum tantum, ut non minus, imo magis necesse sit, beatum à Deo clarè viso moueri ad amorem, quam brutum ab obiecto inimico moueri ad fugam.

Urgeo hoc. Ideò brutum ab intrinseco, & ex sibi essentialibus est determinatum ad tale iudicium, scilicet hoc vel illo obiecto, tali aut tali præsentatione, quia Auctor naturæ bruti illud talis conditionis condidit, ut viso tali vel tali obiecto, non possit non tale iudicium habere, abique vlla prorsus potestate ad illud proprio motu suspendendum: sed pariter Auctor naturæ intellectualis, talis conditionis illam condidit, ut in actibus necessarijs, non possit non tale

tale iudicium habere, absque vlla prorsus potestate ad illud proprio motu suspendendum, licet forte aliud & ab extrinseco propter denegationem concursus possit suspendi. Ergo formaliter loquendo, quantum ad hoc quod est, esse determinatum ab intrinsecis principiis naturæ in ordine ad illud iudicium, æqualis inuenitur determinatio utrobique, & in bruto, & in homine.

Vnde & profundissimè Capreolus. *Nunc autem ita est, quod iudicium de prosecutione ultimi finis vel clarè visi, vel sub ratione perfecti boni apprehensi, non subest potestati voluntatis; sed est eidem præfixum à Deo. Ad hoc enim habemus quendam habitum connaturalem, qui dicitur synderesis, qui ita se habet respectu primorum principiorum in operabilibus, sicut habitus qui dicitur intellectus, se habet respectu principiorum in speculabilibus. Ecce ubi determinationem iudicii respectu actuum necessariorum refundit non in rationem propriam hominis, aut in eius voluntatem, sed in Deum, qui talis & non alterius naturæ intellectum & voluntatem condidit, ut circa aliqua obiecta non possint aliter se habere, quàm sic vel sic determinatè.*

Sed ad quid doctrinam tam solidam, non confirmare potius auctoritate ipsius Diui Thomæ? Prodeat ergo ipsemèt in Quarto, Distinctione quadragesima nona, quaestione prima, articulo tertio, quaestijuncula secunda. Vbi in Corpore sic rem nostram eloquitur. *Operatio causa secunda semper fundatur super operatione Causæ Primæ, & præsupponit eam. Et ideo oportet, quod omnis operatio animæ procedat ex suppositione eius, quod inditum est animæ ex impressione Primi Agentis scilicet Dei. Et ideo videmus ex parte intellectus, quod ad nihil intelligendum anima potest procedere, nisi*

ex suppositione illorum, quorum cognitio est ei innata. Et propter hoc non potest assentiri alicui, quod sit contrarium his principiis, quæ naturaliter cognoscit. Et similiter oportet esse ex parte voluntatis. Vnde cum ex impressione Primæ causæ Dei, hoc anima iussit, ut bonum velit, & perfectum bonum tamquam finem ultimum appetat; impossibile est, quod contrarium eius in appetitu illius cadat: & ideo nullus potest miseriam velle vel malum, nisi per accidens; quod contingit; dum appetit aliud quod malum, quod apprehendit ut bonum. En ex quo fonte doctrinam suam hauserit Capreolus. Nonne ex Doctore Angelico, qui hic omnem determinationem in actibus necessarij, tam ex parte intellectus, quàm ex parte voluntatis reducit ad impressionem Auctoris, Dei, vocans insuper huiusmodi iudicium, intellectum, seu innatum?

Et certè ibidem in solutione ad Primum adhuc breuius & clarius. *Ad primum (inquit) dicendum, quod potentia rationalis se habet ad opposita, in his quæ ei subsunt: & hæc sunt illa quæ per ipsam determinantur, non autem potest in opposita illorum, quæ sunt ei ab alio determinata. Et ideo voluntas non potest in oppositum eius ad quod ex Divina impressione determinatur, scilicet in oppositum finis ultimi: potest autem in oppositum illorum quæ ipsa sibi determinat; sicut sunt ea quæ ordinantur in finem ultimum, quorum electio ad ipsam pertinet.*

Domine aperi hic oculos viri huius Vincentij, ut videat se Doctori Angelico contradicere, dum asserit iudicium de fine ultimo clarè viso, determinatum quidem esse ad amorem, non à Divina impressione, aut ab Auctore Deo; sed ab ipsa ratione propria hominis. Certè, Doctorem Araucanicæ, intellectus tuus (ut spero) in patria habebit illud iudicium, &

voluntas tua istum amorem, non quia iste aut illa, hæc sibi determinent, aut pro libertate sua ita velint: sed quia Deus talis naturæ utramque istam potentiam condidit, ut eo devenientes; & lumine beatifico persusæ, non possint non tale iudicium & talem amorem habere; quia nimirum sic & non aliter ex impressione & determinatione eius acceperunt. Vnde sicut intellectum & voluntatem esse talis; aut talis naturæ, non est ex propria determinatione hominis; sed ex impressione Conditoris; ita pariter intellectum in Patria sic iudicare, & voluntatem sic amare, non ex propria determinatione est hominis; sed ex impressione provenit Conditoris. Hinc iterum Sanctus Thomas in Primo ad Annibaldum, distinctione quadragesima quinta, articulo primo in Corpore. *In hoc voluntas & natura differunt in causando, quod natura est causa determinati effectus: sed determinationis actus sui, ad talem effectum, ipsa non est causa; sicut non est causa sui ipsius: ex hoc enim quod talis natura est, ad talem effectum determinatur. Voluntas autem non solum effectus determinati causa est, sed etiam habitudinis suæ actionis ad determinatum effectum, quia in potestate voluntatis est, hunc vel illum effectum agere. Quia nempe, licet voluntas ut voluntas formaliter, sit causa determinationis sui ad hunc actum potius quam ad illum; tamen ut natura (qualiter concurret ad actus necessarios) non est causa huius determinationis, sicut nec est causa sui ipsius, sed tota determinatio est specialiter ab ipso Auctore.*

Et si plura circa hanc rem videre desideras, lege vltius Sanctum Doctorem, in loco præfato questionum secundæ: & questione vigesima secunda de Veritate, articulo quinto. Et Prima parte questione deci-

ma nona, articulo decimo: ubi expressè dicit similes determinaciones in actibus necessarijs voluntatis, esse specialiter à Deo Auctore naturæ creatæ. Imò & in loco primæ partis, vocat eas nomine *instinctus naturalis*, & comparat instinctui naturali aliorum animalium; non quia quoad substantiam non differant (ut iam sæpius notavi) sed quia quoad modum determinationis ab intrinseco, æqualis est utrobique: & sicut illa in brutis, specialiter tribuitur auctori, qui naturam bruti condidit, ita altera in homine, specialiter tribuenda est Conditori hominis.

OBIECTIO. Ad veram libertatem actus, sufficit habere tale iudicium, ut operans possit super illud reflecti: at super quodlibet iudicium quantumvis determinatum potest operans intellectuale reflecti, si cum perfecta aduertentia illud eliciat: ergo iudicium indifferens ad veram libertatem actus non requiritur. Minor cum consequentia constat, & maior videtur posse probari ex doctrina Divi Thomæ eadem questione vigesima quarta, de Veritate, articulo secundo in Corpore: ubi sic habet. *Si iudicium cognoscitivum non sit in potestate alicuius, sed sit aliunde determinatum; nec appetitus erit in potestate eius: & per consequens nec motus vel operatio absolutè. Iudicium autem est in potestate iudicantis, secundum quod potest de suo iudicio indicare: de eo enim quod est in nostra potestate, possumus indicare. Indicare autem de iudicio suo, est solius rationis, quæ super actum suum reflectitur, & cognoscit habitudines rerum de quibus iudicat & per quas iudicat: unde totius libertatis radix est in ratione constituta. Vbi (ut vides) illud asserit liberè operari, qui habet iudicium in sua potestate: & rursus illum asserit; habere iudicium in sua potestate, qui potest de suo iudicio*

cio iudicare: & tandem, iudicare (inquit) de suo iudicio, solius est rationis, quæ super actum suum reflectitur. Ergo de primo ad ultimum, sentit libertatem actus subsistere, per hoc præcisè quod eliciatur cum ratione, potente super suum iudicium reflecti.

Respondéo, intellectum posse dupliciter super suum iudicium, iudicando reflecti: vel speculatiue, cognoscendo dumtaxat quod quid est illius, vel practicè arbitrando & ferendo sententiam, an sit sequendum vel non. Primo modo reflectitur & iudicat de omnibus suis iudicijs quantumvis determinatis & necessarijs: potest enim cognoscere, quid sint & cuius conditionis vel naturæ sint: sicut & id ipsum cognoscere potest de quolibet ente. Secundo verò modo tantum potest reflecti super illa iudicia, quæ proponunt obiectum cum indifferentia. Cuius ratio est: nam, quādo obiectum proponitur vt omnino determinatum, & omni indifferentia seclusa, tam quoad speciem actus, quā quoad exercitium; tunc cum nulla ibi appareat ratio mali, sed totum sit bonum necessariò amandum, nullo modo relinquitur locus aut potestas arbitrandi, an sit sequendum vel non; sed voluntas per modum naturæ illud independentè ab arbitrio intellectus sequitur omnino determinatè. Hoc supposito dico, mentem Diui Thomæ in loco citato esse, quod tunc iudicium est in potestate iudicantis, quando potest ratio super illud reflecti & de illo iudicare non solum speculatiue, vt contingit in iudicijs necessarijs; sed etiam practicè & arbitrando, vt dumtaxat contingit in iudicijs indifferentibus.

Et quod huiusmodi non sit voluntaria explicatio, sed omnino ad mentem nostram Sancti Doctoris; patet ex

alio eius loco in Secundo ad Anibaldu, quæstione vigesima quinta, quæ habetur secundo loco: ibidem enim disertis verbis in Corpore articuli secundi dicit, quod, iudicium non est in potestate iudicantis, nisi in habentibus intellectum & rationem, quæ super suum iudicium reflectatur, ipsum discutendo: quæ sanè aperte indicant, requiri iudicium, super quod possit fieri reflexio, non qualiscumque aut merè speculatiua, sed practica & discussiua, seu examinatiua, an sit sequendum vel non. Idem reperit prima parte, quæstione quinquagesima nona, articulo tertio in Corpore. Et quæstione octuagesima tertia articulo primo etiam in Corpore. Vnde & mellissimus Bernardus (vt supra vidimus) intellectum prout est radix seu fundamentum libertatis, appellauit non qualitercumque, sed censuram quandam & arbitrium animæ oculum.

Hic tamen aduerte, nos non intelligere per reflexionem practicam seu discussiuam, illam quæ fit cum inquisitione dubia rationis; hanc enim, falsum est ad omnem actum liberum requiri: cum multi actus voluntatis liberè eliciantur absque præuia tali discussione seu arbitratione: vt patet in omnibus electionibus Diuinis, Angelicis, & quibusdam etiam humanis, quæ fiunt sine præcedente inquisitione dubia rationis, ex solo iudicio & sententia orta ex certa notitia utilitatis mediorum, & maioris utilitatis vnius quā alterius. Solum ergo volumus, ad omnem actum liberum requiri, tale iudicium, super quod intellectus possit sic reflecti, vt pro arbitrio suo possit dicere, esse sequendum vel non. Et hoc vniuersaliter verum est: nam eo ipso, quod ad omnem actum liberum requiratur iudicium, indifferenter proponens obiectum, saltem quoad exerci-

Supra
lib. I. c.
19. 6.
Dicitur
appellat

tium

tium actus circa illud; necessariò sequitur, posso intellectum de illo iudicio arbitrari, ipsumque discutere, determinando esse sequendum, vel non. Itaque iudicium regulatum actus liberi, debet esse indifferens in sensu iam sapius explicato, & eo ipso quòd sic indifferens sit, potest & debet ex parte sui, cadere sub reflectione practica intellectus, qua ipse ex propria sua determinatione possit statuere illud iudicium esse sequendum vel omittendum. Quod certè locum non habet in iudicijs necessarijs: siquidem hæc determinata sunt à natura in quibus proinde nil habet determinare intellectus nec quoad speciem actus nec quoad exercitium.

CAPVT VII.

Idem assumptum ostenditur, ex eo quòd omnis actus verè liber, debeat esse sub potestate seu dominio operantis.

Hoc etiam principium in Scholasticis tritum est: imò tam tritum, vt nec à Vincentio ipso negetur; videlicet omnem actum verè liberum debere esse sub potestate seu dominio operantis: & ratio est manifesta. Nam in eo quod dicitur, hominem operari liberè, denotatur quadam maior dignitas & perfectio eius super creaturas irracionales: vnde & Bernardus vbi supra, loquens de arbitrij libertate, *hæc est* (inquit) *plànè diuinum quidquam præfulgens in anima, tamquam gemma in ouro.* Hæc autem maior perfectio seu dignitas, in nullo alio consistit, quàm in dominio, quod exercet circa operationes suas liberarum: quo tamen bruta carent. Et certè non obscure id ipsum expri-

mit Sacra Pagina, dum pluribus in locis, disertè satis tribuit homini dominium & potestatem respectu suarum actionum. Genesis quarto, *Subter te erit appetitus tuus, & tu dominaberis illius.* primæ ad Corinthios septimo, *non habens necessitatem, potestatem autem habens suæ voluntatis.* Et alibi. Quare vt commune placitum debet recipi ab omnibus, actum verè liberum debere esse sub potestate seu dominio operantis: & hoc quidem vel entitatiuè, vel saltem terminatiuè, vt dicam inferius.

Sed videamus, qualiter Philosophia nostra ex hoc quoque principio concludatur. Discursum sic efformo. Omnis actus verè liber debet esse sub potestate seu dominio operantis: at actus omnino necessarij, de quibus loquimur, non sunt sub potestate seu dominio operantis: ergo nò sunt verè liberi. Maior supponitur, & minorem probatum auctoritatibus Diui Thomæ, tum etiam rationibus.

Prima auctoritas habetur in tertio Ethicorum, lectione vndecima, non longè à principio, vbi sic philosophatur. *Si operari est in potestate nostra, oportet etiam quòd non operari sit in potestate nostra.* Et vice versa, *In quibus rebus, non operari est in potestate nostra, per consequens etiam operari est in potestate nostra.* En vbi vniuersaliter docet, quòd in quibuscunque rebus, affirmatio actus est in potestate nostra, in eisdem & negatio actus est in potestate nostra, & contra: ergo apertè sentit, actus necessarios nò esse in potestate nostra seu in nostro dominio, siquidem (vt ipse aduersarius fateri debet) negatio eorundem actuum, potestati nostræ seu dominio non subest.

Secunda auctoritas est in Secundo ad Annibaldum, distinctione vigesima quinta, quaestione vnica, articulo primo ad secundum: vbi probat hanc

hunc vel illum motum sensualitatis esse in potestate nostra, quia possumus hunc vel illum impedire. Et rursus, omnes motus sensualitatis non esse in potestate nostra, quia non possumus facere, quod nullus motus sensualitatis inordinatus in nobis surgat. Ergo sentit actum omnino necessarium, quem cohibere non possumus, non esse in nostra potestate. Idem docet ibidem distinctione trigesima sexta, articulo secundo ad Secundum. *Adocus concupiscentia non est peccatum, ut est passio; sed prout est in potestate voluntatis existens, qua potest eum prohibere vel non prohibere.* Quibus verbis perspicue supponit, idem esse, quod aliquid sit in potestate voluntatis, & quod voluntas possit hoc prohibere vel non.

Tertia est etiam ad Annibaldum in eodem Secundo, Distinctione trigesima quinta, articulo secundo in Corpore. *Sicut actus inordinatus (inquit) rationem culpa non habet, nisi secundum hoc, quod voluntati est subiectus, ita nec actus omissionis, culpa rationem habere potest, nisi secundum quod voluntati subijcitur.* Ad hoc autem non requiritur aliquis actus voluntatis.... sed sufficit voluntatis potestas, quia potest facere & non facere. En clarissime voluntatis potestas, significata per hoc quod potest facere & non facere: ac proinde iuxta sensum eius, non sunt in potestate voluntatis, actus illi quos voluntas tali necessitate facit, ut non facere non possit.

Quarta sumitur ex Secundo, Distinctione vigesima quinta, quæ habetur secundo loco. Vbi in Corpore articuli secundi, explicans quid sit actionem esse in potestate agentis, *ut scilicet (inquit) possit eam agere, vel non agere.* Ergo idem quod prius.

Quinta habetur opusculo secundo, cap. centesimo nonagesimo sex-

to, ubi sic fatetur. *Hoc enim ad rationem culpa pertinere videtur (sicut supra dictum est) ut malum quod culpabile dicitur, sit in potestate eius cui imputatur in culpam, nullus enim culpatur de eo, quod non est in eo facere vel non facere.* En iterum, ubi manifestissime supponit, quod esse aliquid in potestate alicuius, nil aliud sit, quam esse in ipso facere vel non facere: & licet textus iste adducatur à Sancto Thoma per modum argumenti, iudicari tamen debet tamquam doctrina ipsius, cum seipsum sic docentem citet, aciens, sicut supra dictum est.

Sexta habetur questione vigesima secunda de Veritate, articulo quinto ad Septimum in Contrarium. *Proprium (inquit) est voluntati in quantum voluntas est, quod sit domina suorum actuum.* Si ergo dominium est proprium voluntati in quantum voluntas est; sanè non competit voluntati in quantum natura est: quæ ratione elicit actus necessarios, ut supra probauimus.

Septima extat in Prima Secundæ, questione sexta, articulo secundo ad Secundum, ubi docet, *Quod ex hoc contingit, quod homo est dominus sui actus, quod habet deliberationem de suis actibus.* Ex hoc enim quod ratio deliberans se habet ad opposita, voluntas in utrumque potest. Quid clarius? Nonne hoc est dicere, quod homo non habet dominium, nisi ratione potestatis ad oppositum?

Octava inuenitur in eadem Prima Secundæ, questione vigesima prima ad Primum. *Actus naturales (inquit) non sunt in potestate naturalis agentis, cum natura sit determinata ad unum: sed (ut supra vidimus) actus necessarij voluntatis, etiam vocantur à Sancto Thoma naturales, cum sint à voluntate prout determinata ad unum: ergo pariter iuxta mentem eius non sunt in potestate agentis.*

Supra
c. 5. per
totum.

Vbi
scilicet
c. 5.

Ultima habetur prima parte, quaestione octuagesima secunda, articulo primo ad Tertium. Vbi argumentum erat, ad probandum, quod actus voluntatis non potest esse necessarius: quia videlicet *per voluntatem sumus domini nostrorum actuum: sed eius quod ex necessitate est, non sumus domini: ergo actus voluntatis non potest de necessitate esse*. Quod argumentum sic soluit. *Ad tertium dicendum, quod sumus domini nostrorum actuum, secundum quod possumus hoc vel illud eligere: electio autem non est de fine, sed de his quae sunt ad finem, ut dicitur in tertio Ethicorum: vnde appetitus ultimi finis, non est de his quorum domini sumus*. Hæc autem responsio, si ad formam redigatur, est huiusmodi. *Per voluntatem sumus Domini nostrorum actuum; vniuersaliter loquendo, nego maiorem; nostrorum actuum, qui sunt circa media; concedo maiorem: sed eius quod ex necessitate est, non sumus Domini, concedo minorem; ergo actus voluntatis, non potest de necessitate esse, distinguo consequens; actus voluntatis qui est circa media; concedo consequentiam; actus circa finem, nego consequentiam*. Non vides hic aperte concedi, nos non esse dominos eius, quod est ex necessitate, & ex consequenti nec illius actus necessarii, qui est circa finem, pro ea parte, qua formaliter necessarius est.

Sed ad omnia ista potest ex doctrina Vincentij responderi, præmittendo duplicem acceptionem dominij, ut ipse in epistolis suis expressè meminit. Potest namque in eius opinione, dominium accipi in strictiori quadam significatione seu magis propria, prout dicit potestatem voluntatis rationalem ad opposita: & insuper in paulò generaliore, prout solum dicit facultatem voluntatis intellectualem, ad elicientiam actus sub directione & aduertentia intel-

lectus, quamvis potestas ad opposita non addit. Hac (inquam) distinctione præmissa, poterit quilibet Vincentianus dicere, D. Thomam loqui solum de dominio in strictiori illa significatione, non verò de omni dominio absolute, quando negat actus necessarios esse sub nostro dominio seu sub nostra potestate.

Profecto explicatio hæc, laruata potius est quam vera. Laruam ergo ei parum eleuamus, & statim falsitas apparebit.

Facit contra eam primò: quòd Diuus Thomas, si duplicem illam acceptionem dominij agnouisset, certè ea aliquando vsus fuisset; imò & semper in omnibus illis locis eam adduxisset.

Cur quæso primo loco, fecit istam consequentiam; *si operari est in nostra potestate, oportet etiam quòd non operari sit in potestate nostra?* Doctor Angelice, Vincentius dicit, quòd hoc non sic oportet: nam operari est in potestate nostra, præcisè per hoc quòd ratione aduertente fiat, licet non operari non sit in potestate nostra.

Rursus: cur secundo loco dicit, motum concupiscentiæ non esse peccatum, nisi prout est in potestate voluntatis existens, quæ potest eam prohibere vel non prohibere? Doctor Angelice, iuxta distinctionem illam Vincentij, etiam motus ille peccatum esset, licet voluntas illum sequeretur necessariò, absque potestate prohibendi.

Deinde: cur tertio, quarto & quinto loco dicit, actionem esse in potestate agentis, idem esse, ac posse eam agere vel non agere? Doctor Angelice (ut Vincentius vult) ista duo non sunt idem: nam præter hoc quòd est, posse actionem agere vel non agere, datur adhuc alius modus, per quem actio verè est in potestate agentis, scilicet,

scilicet agere eam ex perfecta aduertentia intellectus, licet posset ad non agere, desit.

Iterum: cur sexto loco, hoc quod est esse dominum sui actus, adscribitur tamquam quid proprium soli voluntati, *ut voluntas est*? Doctor Angelice, Vincentius dicit hoc etiam conuenire voluntati ut natura est; scilicet quando sub aduertentia rationis versatur circa ultimum finem, etiam cum omnimoda determinatione ad exercitium actus.

Adhuc: cur septimo loco probat, hominem esse dominum sui actus per deliberationem, *ex eo quod ratio deliberans se habet ad opposita, & sic voluntas in utrumlibet possit*? Doctor Angelice, si distinctio Vincentij vera est; assumis in probatione illa medium omnino extraneum & accidentale: nam quamuis ratio ad opposita non se haberet, nec voluntas in utrumque posset; equidem homo dominum sui actus haberet: non ergo propriam causam seu rationem formalem domini exprimis, dicendo, ideo homini dominium inesse; quia in utrumque potest.

Rursus: cur octavo loco, *actus naturales à potestate agentis naturalis, excludit, propter determinationem eorum ad vnum*? Doctor Angelice, nulla est ista consequentia, quia Vincentius tenet determinationem ad vnum, nihil obesse, quominus actus in potestate agentis sit.

Tandem: cur ultimo loco concedit absolute illam minorem; *eius quod ex necessitate est, non sumus domini*? Doctor Angelice, melius cum Vincentio distinguere de duplici illa acceptione domini, concedendo actum necessarium non esse quidem sub dominio in strictiori acceptione; sed audacter negando, non esse sub dominio nostro absolute.

Quando hæc & similia recte pec-

pendo, nescio si admirationi debeat esse vel potius risui similis explicatio. Vincenti, in re tam iusta, nulla deberet esse de mente Sancti Thomæ aut consultatio aut dubitatio: sed rationibus contra tuam distinctionem agamus.

PRIMA SIT, illa quam ipse Diuus Thomas habet in loco citato ex tertio Ethicorum. *Si enim non operari, non est in potestate nostra; ut contingit in casu actuum necessariorum, de quibus nos loquimur; impossibile est nos non operari.* Tunc ultra: *ergo necesse est nos operari, & sic operari non est ex nobis, sed ex necessitate, quod libertati contrariatur; ut Sanctus Doctor supponit.*

Nec valet dicere, non quamlibet necessitatem libertati contrariari, sed solam necessitatem cogentem; quæ tamen in actibus necessarijs voluntatis non reperitur, quando eliciuntur ex perfecta aduertentia rationis.

Non inquam valet; nam sic Respondendo, rationem Diui Thomæ non sequeris, sed potius soluis. Patet sequela. Nam Diuus Thomas in prædicta ratione supponit, induci necessitatem contrariam libertati, eo ipso, quod impossibile est nos non operari; ut ex contextu patet: at tu affirmas, non eo ipso induci talem necessitatem, si actus sit ex perfecta aduertentia rationis: ergo rationem Diui Thomæ non sequeris sed potius soluis.

SECUNDA RATIO vrgentior est; & assumo (exempli gratia) productionem Spiritus Sancti, quam essentialiter liberam fateris. Sed ediscere nobis, qualiter hæc productio sit sub potestate seu dominio Spirantis; cum actum aliquem esse sub dominio agentis, sonet quandam subiectionem ipsius actus ad ipsum agentem, quatenus vel illum vel saltem terminum

nam illius pro arbitrio suo potest ponere vel non ponere. Dixi *vel saltem terminum illius*; quia non me latet, actiones Diuinas liberas, non esse sub dominio Dei operantis, si sumantur entitatiuè & quoad suam substantiam: debent tamen esse sub dominio illius, saltem terminatiuè, id est, si sumantur ex parte termini quem produciunt, quatenus possunt illum ponere vel non ponere.

Respondes in epistola ad Petauum, sicut ista verba, *producere, generare, spirare, dependentias suas & omnes creatas imperfectiones exuere debent, vt eleuentur ad illud ineffabile mysterium Trinitatis, ita verbum imperare seu dominari, omnes creatas imperfectiones exuere debet, vt eidem mysterio applicetur*. Quod in re idem est, ac dicere, verum dominium seu imperium in Deo Patre reperiri respectu productionis Spiritus Sancti, ablata tamen imperfectione subiectionis; quam in altero extremo creati dominij cernere est.

Certe insignis Philosophia. Possetne poni in Deo vera ratio scientiæ, si illa clauderet imperfectionem accidentis, non qualitercumque, sed etiam in conceptu suo essentiali? Profecto hoc in casu, nemo Philosophorum aut Theologorum, scientiam secundum propriam & veram rationem scientiæ, in Deo poneret: at sic est, quod vera ratio dominij claudit illam imperfectionem subiectionis in altero extremorum, non qualitercumque sed etiam ex conceptu suo essentiali: ergo chimericè ponitur in Deo Patre vera ratio dominij respectiue ad Spiritum Sanctum, ablata illa imperfectione. Disensus iste est legitimus, si minor illa subsumpta probetur. Probo ergo dupliciter; nimirum imperfectionem illam subiectionis in altero extremorum, claudi non qualitercumque in conceptu

dominij, sed etiam essentialiter & omnino formaliter.

PRIMO ex ipsa formali significatione nominis. Si enim terminis standum est; quid aliud quæso significat, habere dominium circa rem aliquam, quam habere superioritatem quandam, prædientiam seu principatum ad sic vel sic de disponendum? Si namque non licet mihi, facere circa hoc, id quod volo, nempe hoc vel illud; sed solum hoc determinatè, & quidem modo ita determinato, vt aliter non solù non liceat, sed etiam contradictionem implicet; quale quæso dominium aut quis principatus mihi inest circa talem rem, quam sic facere debeo, & aliter facere non possum? Ergo vera ratio dominij essentialissimè inuoluit imperfectionem illam subiectionis in altero extremorum, vt scilicet agens possit de illo sic vel aliter disponere, facere hoc vel facere illud, facere vel non facere. Quod certè non obscure significauit Magnus Gregorius, dum homilia trigesima quarta sic satur. *Principari est inter reliquos priorem existere; dominari verò est etiam subditos quosque possidere*. En ubi hoc quod est dominari seu esse dominium, expressissimè definit per ordinem ad extremum non qualecumque, sed subditum seu subiectum.

SECUNDO: quia si in suo conceptu essentiali imperfectionem illam subiectionis non inuolueret, sequitur absolute posse dici, quod Pater & Filius spirando, dominantur Spiritui Sancto: quod tamen euidenter euerit æqualitatem personarum: poterunt enim tunc Pater & Filius in aliquo vero sensu, dici dominus, in quo tamen non poterit sic dici dominus, Spiritus Sanctus, quod est hæreticum. Sequelam verò probo. Nam ideo absolute & sine addito potest dici, & dicitur, *Deus est sciens, Deus*

est sapiens, quia nec scientia, nec sapientia in suo conceptu essentiali, vllam inuolunt imperfectionem: ergo si per te, Vincenti, vera & essentialis ratio dominij, in altero extremorum nullam ex suo conceptu essentiali imperfectionem inuoluit, poterit profecto, absolute & sine addito dici, Patrem & Filium esse dominum Spiritus Sancti.

Si forte dicas, hoc posse dici, intelligendo tamen per esse dominum Spiritus Sancti, hoc quod est spirare seu effundere ipsum perfecta spontaneitate.

In contrā est. Quia peto a te. In hoc quod est spirare seu effundere Spiritum Sanctum perfecta spontaneitate, vel saluatur conceptus essentialis communis & analogus veri dominij vt sic, sicut saluatur conceptus essentialis scientiæ vt sic, in hoc quod est cognoscere rem per suas causas absque modo accidentis, vel non saluatur? Si primum; ergo non soluitur argumentum, & sine vlla restrictione poterit dici, quod Pater & Filius sunt verē dominus Spiritus Sancti, sicut sine vlla restrictione dicitur, quod Deus est verē sciens: & hoc (iterum libet inculcare) euidenter euerit æqualitatem personarum. Si dicatur secundum; videlicet non saluari in perfecta illa spontaneitate conceptum essentialē veri dominij: ergo nec saluatur conceptus essentialis veræ libertatis. Patet consequentia, quia etiam secundum te (vt in exordio huius rationis annotaui) requiritur ad veram libertatem vera ratio dominij. Et si fortē hoc iterum neges; non solum tamquam tibi ipsi inconstans damnaberis, sed & euerfor es manifestus totius Philosophiæ Doctorum & Patrum, quā nil communius dicitur, quā quod per libertatem sumus verē domini nostrorum actuum.

Confirmo dicta hæc; apertissima doctrina Sancti Thomæ ex quaestione secunda de Potentia, articulo tertio: vbi quaerens, Vtrum potentia generatiua (in Diuinis) in actu generationis procedat per impetum voluntatis, seu (quod idem est) sit ex dominio voluntatis? Resoluit negatiue, sine vlla prorsus distinctione. Et id ipsum clarissimis verbis docet de potentia spirandi: asserens, nec Filium per generationem, nec Spiritum Sanctum per spirationem procedere ex imperio seu dominio voluntatis. Quod & generali ratione probat, quæ pariter conuincit de amore beatifico, & de quocumque actu necessario; quia videlicet, omne id, cuius voluntas est principium (intellige per impetum seu dominium, de quo loquebatur) quantum in se est, possibile est esse vel non esse, & esse, tale vel tale, & tunc vel nunc: sed certē, si sentiret, dominium in suo conceptu essentiali, illam imperfectionem subiectionis ad esse vel non esse, in altero extremorum non inuoluere; absolute hoc non negaret, sed potius absolute concederet: sicut propter carentiam omnis imperfectionis in conceptu essentiali scientiæ, absolute concessit Deo rationem scientiæ: ergo signum euidentis est, etiam iuxta mentem Diui Thomæ, istam imperfectionem subiectionis ad esse vel non esse, in altero extremorum dominij essentialissime inuolui.

Confirmo vltcrius. Nam vnā personam esse dominā respectu alterius, nequit intelligi, quin illa altera sit sub dominio illius at illa prepositio, sub, denotat inferioritatem seu subiectionem, quam ponere in diuinis, est hæreticum: ergo de primo ad vltimum conceptus essentialis dominij inuoluit in altero extremorum imperfectionem aliquam Deo repugnantem. Maior ex terminis

nis videtur manifesta; nam quid quæso aliud est, Petrum esse dominum respectu Ioannis, quam Ioannem esse sub dominio Petri? Minor etiam suadetur aperte: nam sicut vnum cælum esse sub altero quoad situm, denotat inferioritatem in illo secundum locum; ita vnam personam esse sub dominio alterius, quoad suum esse, non potest non denotare inferioritatem in illa secundum virtutem seu perfectionem.

Nec valet dicere, vnam personam in diuinis posse dici sub dominio alterius, taliter vt præpositio sub solum designet ordinem liberæ originis, & non minorationis seu inferioritatis.

Non (inquam) valet: nam in contra est doctrina Sancti Thomæ in primo ad Annibaldum distinct. duodecima, quæstione vnica, articulo 4. ad secundum: vbi sic habet. *Ad secundum dicendum, quod quidam vtuntur nomine subauthoritatis in Filio, sicut nomen authoritatis in Patre, intelligentes per præpositionem designari ordinem originis & non minorationis: sed quia hoc nomen in vsu Sanctorum non inuenitur & quandam subiectionem importat; videtur ideo alijs esse tacendum.* Ex qua doctrina sic argumentor. Non minus importat subiectionem quandam, hoc quod est esse sub dominio alterius quam hoc quod est habere sub authoritatem: deinde non minus alienum est ab vsu Sanctorum, quod Spiritus Sanctus sit sub dominio Patris, quam quod Filius habeat subauthoritatē respectu Patris: at ob istas rationes à Diuinis releganda est ratio subauthoritatis: ergo ob eandem releganda est à Diuinis ratio essendi sub dominio.

Sed obijcies, hinc potius possum argumentum in fauorem Vincentij hoc modo. Nam Theologi ponunt in Patre authoritatem in spi-

rando Spiritum Sanctum, absque eo tamen quod in Filio ponatur subauthoritas respectu eiusdem, vt loco citato tradit Sanctus Thomas: ergo pariter poterit poni in Patre dominium respectu processionis Spiritus Sancti, licet eadem processio non ponatur esse sub dominio illius. Patet consequentia: nam quæ ratio quod author non debeat dici correlatiuè ad subauthorem, & quod dominus debeat dici correlatiuè ad id quod est sub ipso?

Respondeo disparitatem esse clarissimam: vt enim supra in Corpore docet Angelicus Præceptor, nomen authoritatis nil aliud designat, quam primam originem: ille enim dicitur author alicuius sermonis, qui primo illum inuenit: de ratione autem primæ originis duo sunt: quorum vnum est, vt ab ea sit aliquid: aliud est, vt non sit ab aliquo: vnde adæquatus conceptus authoris formalissimè saluatur per hoc præcisè, quod ipse sit primum principium alterius sine principio: in quo certè nulla inuoluitur correlatio ad aliquid, quod sit subauthor, sed solum ad aliquid quod ab ipso sit, cum ipse non sit ab vilo. At verò cum (teste Gregorio Magno) dominari nil aliud sit, quam subditum quemque possidere; si hoc ipsum correlatiuè dicitur; ad nil sanè correlatiuè dici potest, quam ad extremum subditum, seu sub dominio existens.

Et per hoc, Vincentius euasceit cætilena illa de istis verbis, *procedere, generare & spirare*: fateor enim ista, cum omni proprietate, ablatis imperfectionibus, in diuinis verificari. Sed longè dispar est ratio de nostro verbo, *dominari seu agere cum domino*: nam priora illa verba in conceptu suo essentiali imperfectionem non claudunt, nec ex parte subiecti seu principij, nec ex parte termini:

vnde non mirum, posse cum omni proprietate, ablatis imperfectionibus, in diuinis verificari. At verò verbum hoc, *dominari*, imperfectionem claudit, saltem ex parte termini, formalissimè & in conceptu suo essentiali: ac proinde, si omnis imperfectio auferatur, cum proprietate verificari non poterit.

E si quæras, vnde colligatur, priora illa verba imperfectionem non claudere? Respondeo inde colligi; quia fides ex vna parte docet Patrem verè esse Patrem, ac proinde verè generare: & Spiritum Sanctum verè esse Spiritum Sanctum, ac proinde, verè spirari: & cum ex alia parte nil imperfectionis possit Deo tribui; cuius sit, si ipsi tribuitur cum omni proprietate generare & spirare; quod huiusmodi, nullam imperfectionem claudunt. At verò fides potius dicitur oppositum in nostro casu: licet namque in Sacris Litteris, Concilijs & Patribus inueniatur, Deum esse verum dominum respectu creaturarum; nusquam tamen inuenitur, sed vbique apertissimè damnatur, quòd vna persona diuina sit verè domina respectu alterius. Lege Symbolum Athanasij, & intelliges. *Fides Catholica hac est*, vt in Sanctissima Trinitate, non tres aut duos dominos dicamus, sed vnum Dominum & hunc præcisè respectu creaturarum: ergo in eadè Trinitate Dominum etiam nominare respectu Spiritus Sancti, fidei contradicit. Vnde illud Augustini 5. de Trinitate capite decimo sexto. *Hæc relatiua appellatio, Dominus, Deo conuenit ex tempore*: quòd si ex tempore; ergo non nisi respectu creaturarum. Rursus illud Sancti Thomæ prima parte, quæstione decima tertia, articulo septimo ad Quintum. *Eo modo Deus dicitur Dominus, quo creatura ei subiecta est*. Et iterum ad Sextum ibidem: *In signifi-*

catione Domini clauditur quòd habeat seruum, & paulò post: *Deus non fuit Dominus, antequam haberet creaturam sibi subiectam*. Euidens ergo fundamentum habemus, ad dicendū, quòd hoc, quod est esse dominum, imperfectionem subiectionis inuoluat in altero extremorū, minime verò hoc, quod est generare, aut spirare.

Nec obijciant mihi hic, qui speculatiuæ Theologiæ studia semper sunt exosi, omnia ista inutiliter a me disputari, ex eo quòd absconditum illud Trinitatis mysterium tangant, quod proinde tutius expectaretur intelligendum in Patria, quàm traderetur in præsentī vita discutendum.

Non (inquam) similes osiores hoc obijciant, nam aurea est mihi doctrina quædam in Sancto meo Thoma; qua os taliter obloquētium obstruere possum. *Sancti Patres* (inquit quæstione nona de Potentia artic. quinto in Corpore) *propter instantiam eorum qui fidei contradicunt, coacti sunt & de hoc differere & de alijs, quæ spectant ad fidem, modeste tamen & reuerenter, absque comprehendendi presumptione. Nec talis inquisitio est inutilis, cum per eam eleuetur animus ad aliquid veritatis capiendum, quod sufficiat ad excludendos errores*. Non audis hic, discussionem seu inquisitionem mysteriorum fidei inutilem non esse, si absque comprehendendi presumptione fiat? Non audis etiam, animi per eam eleuari, ad aliquid saltem veritatis capiendum, quo errores valeant sufficienter excludi? Hæc ergo mea est intentio, quando in præsentī, vel alijs in locis, de altissimis etiam mysterijs fidei, inquisitionem quæstionemque speculatiuam instituo. Absit enim, vt comprehendere præsumam, quod solum in Patria intelligendum relinquitur. Id vnicum mihi curæ est, vt aliqualis saltem noti-

notitia habeatur, qua animus legentis occurrentes hinc inde errores salubriter discernere, discretosque valeat per lumen fidei veraciter excludere. Et audiant profectio idem speculationum osiores, id quod hac in parte Sanctissimus Pater Hylarius nobis præscripsit, libro secundo de Trinitate inter principium & medium. Loquens ibidem, in id & sollicitè inquirens mysterium Trinitatis omnium maximum; *Hoc credendo (inquit) incipe, percurrere, persiste, & si non perventurum me sciam, tamen gratulabor profectum. Qui enim pie infinita profectus, etsi non contingat aliquando, tamen proficiet procedendo.* Hanc litterarum osiores idiotæ admonitionem arripiant. Si ipsi de altissimis speculari vel ex pigritia negligunt, vel ex imperitia non possunt; alijs saltem sublimitatem speculationis non obijciant, aut potius inuideant. Sinant eos cum Hylario incipere, percurrere, persistere, etiam infinita utcumque inquirendo: nam etsi non detur inter præsentis vitæ tenebras, ad plenum & perfectum posse pertingere; datur tamen fructu solertis indaginis non carere.

Ex dictis ergo collige, quod author contrariæ opinionis, non possit Catholicè loqui de mysterio Trinitatis. Tenetur enim concedere absolute, & sine vlla restrictione (ut iam probatum est) quod vna persona Divina est domina respectu alterius, sicut absolute, & sine vlla restrictione concedit, quod vna persona Divina, nimirum Pater, liberè producit aliam nimirum Spiritum Sanctum.

Sed obijcies, Sanctum Thomam hoc ipsum absolute, & sine vlla restrictione concessisse & docuisse: quâdo videlicet questione decima de Potentia, articulo secundo ad Quintum dixit, quod liberè Spiritus Sanctus pro-

cedit à Patre. Ergo vel fatendum est, ipsum quoque Catholicè non fuisse locutum de hoc mysterio, vel omnino Catholicè loqui Vincentium.

Respondeo, negando, quod Divus Thomas, absolute & sine vlla restrictione, alibi concesserit aut docuerit, Spiritum Sanctum liberè procedere à Patre. Quod enim in illo loco ex questione decima de Potentia hoc dixerit, certè absque restrictione aut addito non dixit. Nam licet explicitè additum non apposuerit; gratia, tamen materiz, de qua agebat, ipsum additum, sufficienter intelligebatur. Agebat namque (ut supra demonstravi) contra hæreticos, qui dicebāt Spiritum Sanctum procedere coacto Patre vel nolente Patre: ac proinde, quando ibidè affirmavit, ipsum procedere liberè; idem fuit, ac cū addito dicere, quod procedit liberè, id est *nō coactè*: cum quo addito, propositio omnino Catholica est.

Vincenti (quæso te) respicere, & dictis meis communibus acquiesce: nam qui Divinam istā Philosophiā, ne verum videat, videre non vult, opinione noui cuiusdam dogmatis excæcatus; profectio iste talis (ut tu alibi contra tuos) *orationibus potius, quàm argumentis innandus est.*

Supra
l. 2. c. 3.
6. Hinc
intelligi
gendus.

In Th.
riaca l.
1. cap. 5.
circum
fuit.

C A P V T VIII.

Idem assumptum ostenditur argumento ad hominem, ex eo quod Vincentius doceat iuxta sententiam Suarii, posse Deum motionem aliquam præternaturali libertatem voluntati adimere, etiam stante iudicio indifferenti, & perfecta aduertentia rationis.

DOCET VINCENTIVS in sua Theriaca, ex doctrina,
I 3 Sua.

In The
riaca I.
2. cap. 2
scd. 1.

Suarij, *posse Deum omnipotentia sua voluntatem creatam, sub plena etiam aduertentia rationis stantem, sic abripere, vt non quidem omnem cooperandi rationem; sed tamen libertatem adimeret.* Hoc est dicere, de potentia absoluta compati posse ista duo: videlicet & quod ex vna parte actus eliciatur à voluntate sub plena aduertentia rationis, & quod ex alia liber non sit, quia Deus in illo casu voluntatem per vim quandam seu efficaciam praternaturalem moueret ad agendum. *Hoc (inquit Vincentius) Franciscus Suarez egregie docet: dum disputatione decima nona Metaphysica, sectione tertia dixit, quod ad actum liberum voluntatis, non satis est facultas ex se libera cum indifferente obiecti seu iudicii, nisi etiam superior causa nullam vim seu praternaturalem efficaciam inferat; sed ipsam voluntatem sinat suo connaturali modo operari.* Et rursus, dum prologomeno primo capite quarto hanc statuit conclusionem. *Dico ergo Deum ita posse mouere voluntatem stante integro iudicio rationis de obiecto ex se indifferente seu non necessario, vt motu non libero, sed simpliciter necessario in illud feratur.*

Miror, hunc casum Suarij à Vincentio in fauorem suæ opinionis adduci, cum manifestè possit, ex eodem falsitatis redargui, principalis sua opinio. Vt autem hoc ostendam; supponendum est prius, ea de causa à Vincentio adduci, vt explicet qualiter non sola coactio rigida seu violenta libertatem lædat, sed etiam coactio illa, quam ipse improprie seu non ita rigidam appellat, qualem cerpere est in appetitibus brutorum, & cui ipsum etiam agens non renititur, sed potius cooperatur. Nā in illo casu (inquit) praternaturalis motionis, voluntas verè cooperaretur, imò quod plus est, cooperaretur ex perfecta aduertentia rationis:

& tamen actus liber non esset, quia interueniret aliqua saltem coactionis seu violentiæ mixtura: ergo non solum rigidissima illa coactio libertatem lædit; sed etiam alia, quæ est cum cooperatione agentis.

Si autem ab eo quæras, qualiter ibi sit aliqua coactionis seu violentiæ mixtura; respondet ex doctrina eiusdem Suarij sic. *Videtur enim (ait optimè ibidè Suarez) necessitas illa esse aliqua ex parte violenta, quia priuatur voluntas naturali dominio, quod habet in suum actum, & impeditur, ne vt possit naturali potestate suspendendi illum.*

Quis non videat, hominem istum alieno ensē, quem hic attripit & approbat, se tradere iugulandum? Eri-ge quæso mentem Vincenti, & attentius considera, quid Suarez dicat: latet enim, imò patens est in dictis eius mortale pro te venenum. Nonne, apertissimè totam radicem aliqualis coactionis seu violentiæ in casu prædicto, reducit ad hoc, quia voluntas impeditur, ne vt possit naturali potestate suspendendi actum? Et quid quæso verba ista sibi volunt? An nè aliud, quam ideo voluntatem liberè non operaturam eum praternaturali ista motione; quia licet operaretur voluntariè, seu ex perfecta aduertentia rationis, operaretur tamen absque potestate expedita ad oppositum?

Hoc certè expressissimè significat ipse textus verborum. Sed vt ulterius pateat, non esse aliam mētem Suarij quam prædictam; alia eius verba libet adhuc proferre ex eodem prologomeno, numero decimo tertio. Probans ibi conclusionem suam, quæ dixerat, Deum posse voluntatem non liberè; sed necessariò mouere, stante integro iudicio rationis; sic discurret. *Ex parte ipsius voluntatis nulla est ad hoc specialis repugnantia; quia licet habeat duplicem potestatem agendi scilicet & non agendi, potest per omni-*

tentiam Dei secundum alteram fini operari, & secundum alteram impediri, ne suammet operationem posset suspendere: tunc autem operatio erit necessaria & non libera quoad exercitium: quia libertas in operatione est denominatio à potestate agendi & non agendi, utique ad utrumque expedita: ergo tunc actus carebit tali denominatione, & consequenter erit necessarius. Nonne hoc est euidenter supponere, quod motio illa præternaturalis auferret, vel impediret potestatem ad oppositum, & quod pro tanto voluntas esset quasi violentata, & actus eius minimè liber?

In hoc certe Suarez optimè philosophatur, & casu illo talis motionis semel admissio, omnis quoque Thomista dicet, voluntatem tunc non liberè operaturam. Quid mirum? Operabitur namque tunc, omnipotentia sic premente & constringente, ut oppositum facere non possit; quæ est nostra & communis Philosophia.

Sed vide iam, qualiter casus iste tuam opinionem iugulet. Si illum approbat (ut diserte facis ad duplicem tuam coactionem explicandam) euidenter sequitur contra te hoc argumentum. Nam in illo casu voluntas verè voluntariè operatur, utpote ex integro & perfectio iudicio rationis: & tamen non operatur liberè, sed potius cum aliqua coactionis mixtura: non alia de causa, quàm quia non finitur operari cum potestate ad oppositum: ergo si per te voluntas sub adiutorio efficacis gratiæ semper sic operatur, ut pro illo tunc non sinatur operari cum potestate ad oppositum, nunquam operabitur liberè, sed potius cum aliqua mixtura coactionis, licet aliàs opcretur voluntariè seu ex perfectio & integro iudicio rationis.

Explico hoc. In tua opinione &

iuxta principia tuæ doctrinæ, Vincendi, omnis gratia efficax mouet voluntatem æquè præternaturaliter, ac motio illa Suarii: at (ut tu met fateris) illa Motio Suarii libertatem lædit: ergo & tua gratia efficax pariter libertatem lædit. Consequentia cum minori constat, & maiorem probo. Præternaturalitas motionis illius, quam ponit Suarez, in nullo alio consistit, quàm in efficacia impediende in re potestatem voluntatis ad oppositum, ita ut illa stante non possit proximè voluntas suam operationem suspendere; hoc enim & nil aliud Suarez in sua ratione adducit; at gratia tua efficax, etiam talis est efficacia, ut in re impediatur potestatem voluntatis ad oppositum, siquidem doces illa stante non posse proximè voluntatem, operationem suam suspendere; ergo æquè præternaturaliter voluntatem mouet, ac motio illa Suarii.

Explico ulterius. In tuis principiis, quamuis voluntas viatoris ex vi gratiæ ferretur in actum tam necessaria determinatione sicut fertur Diuina in productionem Spiritus Sancti; equidem verè liberè ageret libertate sufficienti ad meritum: at illa necessaria determinatio, qua fertur Diuina voluntas ad productionem Spiritus Sancti, talis naturæ est, ut non solum potestatem proximam ad oppositum, sed etiam remotam excludat: ergo gratia tua efficax non solum ponitur potestatem proximam voluntatis impedire, sed & posse, potestatem eius remotam essentialissimè excludere. Qua ergo via potes libertatem cum tali efficacia componere; si ex alia parte approbas, non posse eandem componi cum efficacia motionis Suarii, quæ adhuc remotam potestatem relinqueret & solum proximam impediret?

Dices fortè, gratiam tuam impe-

dire quidem potestatem proximam ad oppositum, ceterum nullam vim præternaturalem voluntati inferre, qua consensum eius quasi per coactionem extorqueat: sed potius voluntatem suauiter in actum suum deducere; & modum eius connaturalem agendi minimè turbare, sicut Thomistæ asserunt de sua physica prædeterminatione.

Sed profecto huiusmodi responsio solum excogitatur ad sugam & non continet nisi verba & voces. Argumentor contra illam.

PRIMO: quia Suarez apertè supponit in sua doctrina, esse vnum & idem, ista duo: videlicet impedire voluntatis proximam potestatem ad agendum & non agendum; & voluntati inferre vim quandam præternaturalem; taliter vt ista indispensabiliter conuertantur, loquendo de voluntate in via & prout nominat principium liberum: ergo si istam doctrinam approbas, Vincenti, non potes non concedere, gratiam tuam, inferre quoque vim præternaturalem voluntati, cum in ea eandem efficaciam, impediens proximam illam potestatem expressè ponas, imò & maiorem efficaciam excludentem etiam potestatem remotam, cum ea compatibilem esse affirmes. Consequentia constat, & antecedens non minus. Nam Suarez illo loco supponit communem Philosophiam: videlicet connaturalem modum agendi voluntatis liberæ consistere in eo, quòd agat cum potestate proxima & expedita ad oppositum, vel in sensu composito (vt vult ipse cum suis) vel si in sensu diuiso (vt volunt Thomistæ) saltem in tali, qui verè saluet ipso liberæ operationis instanti, voluntatem esse reuera proximè potentem ad oppositum: & ex illo principio deducit, quòd si daretur aliqua motio quæ illam potestatem

impediret; ea indubiè naturalem modum agendi voluntatis liberæ turbaret, ac proinde præternaturalem quandam vim ipsi inferret: Ergo in eius doctrina, omnino idem sunt, seu adinuicem conuertibilia ista duo; videlicet proximam voluntatis potestatem impedire, & voluntati vim præternaturalem inferre. Terminis ergo verè ludit, qui hoc approbans, ex vna parte concedit motionem gratiæ impedire proximam illam potestatem, & ex alia euadere vult, quòd nullam præternaturalem vim inferat.

SECUNDO: quia quòd Thomistæ de sua Physica prædeterminatione cum veritate possint dicere, quòd ea vim præternaturalem voluntati non infert, sed potius ipsam suauiter in actum suum deducat; hoc ideo est, quia constantissimè sustinent, adhuc ea stante & manente, proximam voluntatis potestatem ad oppositum perseverare illam. Hoc ego, nomine omnium Thomistarum resolutissimè affirmo & infra probabo: taliter, vt ne nomen quidem Thomistæ mereatur, qui sub Physica prædeterminatione & ea stante, illam non defendit voluntatis proximam ad oppositum potestatem: at tu, Vincenti, stante prædeterminatione gratiæ, talem proximam potestatem non defendis, cum doceas voluntatem non posse proximè in oppositum, nisi prædeterminatione excussa non ea retenta: ergo nulla ratione potes cum gratia tua efficaci, simul suauitatem Thomisticam adstruere.

TERTIO: quia (vt infra ex professo ostendam) licet voluntas absque vlla mixtura violentiæ, aliquando possit agere tali necessitate, vt proximè pro illo tunc potens non sit ad oppositum: verbi gratia, quando in patria versatur circa bonum infinitum

Infrà l.
3. c. 1.
sect. 4.
& 5. ap-
pèdice.

In epi-
stol. ad
Petrum.
pag. 13.

Infrà l.
2. c. 18.
per to-
tum.

ditum clarè visum; tamen tali necessitate nequit aperire in via circa vllum obiectum cum perfecta aduer- tentia ipsi propositum; quin semper ipso facto, aliqua violentia & co- actio interueniret: ergo cum Vincen- tius in omni operatione viz sub effi- cacia gratiæ tractu, talem necessita- tem voluntati affigat, vt proximè pro illo tunc ad oppositum potens non sit; qua ratione aut fundamento potest coactionis & violentiæ mixtu- ram euadere?

Maneat igitur argumentum hoc ad hominem, omnino efficax: vide- licet Vincentium non posse concede- re, libertati obesse motionem præ- ternaturalem suarum; quin pariter teneatur concedere, suam quoque efficacia gratiæ motionem, eidem lib- ertati obesse.

CAPUT IX.

Idem assumptum ostenditur aliò argu- mento ad hominem, ex eo quòd Vin- centius doceat, non posse Deum iustè imputare peccata, quæ ex neces- sitate Manichæa committerentur.

DOCET INSUPER VINCE- TIVS (& bene quidem) Deum non posse iustè imputare peccata, quæ ex necessitate Manichæa com- mitterentur; posse autem, quæ ex concupiscentiæ necessitate ab homi- ne lapsò perpetrantur. Ratio diversi- tatis (inquit) est; quia licet anima ma- la Manichæorum, non cogeret anima bona voluntatem malè agere, impetu & necessitate tali coactina, quali bruta & agentia inanimata à natura in actiones suas propelluntur; tamen quia illa ani- ma mala, naturaliter anima bona domi- natur, & nil nisi malum velle potest;

numquam animam bonam aliquid boni velle fines, sed essentialem eius liberta- tem necessariò in aliquod malum semper flectet. Unde Sanctus Augustinus (pro- sequitur ipse) hanc malè volendi Ma- nichæam necessitatem etiam naturalem appellat: quia licet non impetu cetero- rum agentium naturalium agat; tamen à natura mala animæ hominis Manichæi venit; qua non est ad bonum & malum indifferens, sicut natura creata volun- tatis, sed ad malum essentialiter & ne- cessariò determinata. Unde consequens est, vt Deus ab anima bona nullum actum bonum iustè exigere possit, cuius potestatem liberam & à tyrannide ani- mæ malè expeditam numquam debet: nemo enim debet quod non accepit: & quisquis debet, cui debet, nisi à quo ac- cepit? At libro tertio capite vigesimo primo de libero arbitrio Sanctus Augu- stinus, Deus verò à voluntate hominis lapsi opera bona & legis naturæ imple- tionem iustè exigere potest quia in prima natura humana institutione plenissimam & liberrimam bene volendi & operan- di potestatem ei dedit, quam sua culpa amisit. Unde iam impotentiam ad bo- num inde consecutam, sibi imputare de- bet.

Eandem rationem quantum ad primam partem de anima mala Ma- nichæa etiam explicat in epistola, Prodoma ad Ricardum; sed bre- uius. Cum Manichæi (inquit) suppo- nerent animam bonam sub iugo gentis tenebrarum (siue animæ malæ) ab ini- tio sic institutam fuisse; non potest illi imputari tale peccatum, etiamsi neces- sitate voluntaria, non coactina perpe- tratum. Nulla enim culpa est, operantì secundum suam institutionem.

Hanc Vincentij rationem quan- tum ad illam partem de necessitate Manichæa, non possum non vtraque manu amplecti; quia verissima est & omnino iuxta mentem Magni Patris Augustini; qui & breuissimè de illa neces-

Epistol
Prodr.
ad Ri-
car. pa-
g. 24.

In The-
ria. lib.
2. ca. 2.
sect. 2.
§ Sed
distin-
guant.

necessitate, eandem rationem explanavit libro tertio de Libero Arbitrio capite decimo octavo, loquens de peccatis, quia homo facit ex necessitate concupiscentiæ, cuius loco Manichæi ponebant animam malam, tamquam alteram partem essentialem hominis cum anima bona. Nam si non est ista (inquit Augustinus) pena hominis, sed natura (ut scilicet dicebant Manichæi) nulla iste peccata sunt: si enim non recedunt ab eomodo, quo naturaliter factus est, ita ut melius esse non possit: ita quæ debet homo, facit, cum hoc faciat & ex consequenti ipsi talia facta imputari nequeunt.

Sed iam iterum ad rem nostram, vide efficax argumentum contra te, Vincenti: Quod namque voluntas, necessitate voluntaria, non coactiva operetur malè; non est sufficiens libertas ad culpam, si hoc faciat secundum suam institutionem, ut hic verissime concedis in casu Manichæo: ergo a sensu contrario, quod voluntas necessitate voluntaria, non coactiva operetur bene, non est libertas sufficiens ad meritum; si hoc faciat pariter secundum suam institutionem. Consequentia est evidens, cum æqualis libertas requiratur ad actum bonum laudabilem, ac ad actum malum culpabilem. Sed tunc sic subsumo. At voluntas (verbi gratia) amans Deum in Patria necessitate voluntaria, & non coactiva, amat ipsum secundum suam institutionem siquidem amat ipsum (ut supra vidimus) non in quantum voluntas formaliter; sed in quantum natura, ac proinde prout ab authore suo sic instituta ad amorem: ergo non amat libertate insufficienti ad meritum.

Explico hoc. Ideo per te, Vincenti, necessitas Manichæa obest libertati sufficiens ad demeritum, quia

licet voluntaria & non cogens sicut necessitas brutalis; est tamen reuera naturalis; necessariò & naturaliter determinata ad malum ergo (si consequenter loqui velis) teneris fateri, voluntatem non operari libertate sufficiens ad meritum; quociescumque operatur necessitate reuera naturali, & essentialiter determinata ad bonum: at tali necessitate operatio in amore beatifico, & maxime si illam in suis actibus necessitatem haberet, qualem habet Divina voluntas in productione Spiritus Sancti; ergo implicat similes necessitates de se esse ad meritum sufficientes. Puto consequentias tenere; & minorem subsumptam probabo. Nam in primis, illi actus sunt reuera naturales; ideoque (ut super etiam vidimus) vocantur a Sancto Thoma instinctus naturales; & dicuntur esse à voluntate, ut natura; rursus in se anime ex particulari impressione authoris; quæ omnia indicant, non minus à natura venire necessitatem talium actuum (à natura bona inquam) quam veniebat necessitas Manichæa à natura mala. Deinde quod sint à principio, necessariò, & essentialiter determinato ad bonum; etiam patet: nam voluntas Beati stante visione clara Dei, nulla potestate proxima, antecedente aut consequente, potest in oppositum illius amoris, ut in tota hac disputatione suppono; & saltem de principio productionis Spiritus Sancti, quis Catholicorum audebit negare, illud esse necessariò & essentialissimè ad unum quid determinatum: taliter scilicet ad productionem, ut nullo modo sit indifferens ad negationem productionis. Ergo huiusmodi actus sunt reuera naturales & à principio essentialiter & necessariò determinati ad bonum.

Argumentum factum brevis est, sed

Supra
lib. 2. c.
5. & 6.

Supra
lib. 2. c.
5. & 6.

sed rem perpendenti, efficax invenietur.

Adverte tamen, quando hic audis, prædictos actus amoris beatifici & spirationalis esse naturales: nos non fumere naturale, ut distinguitur contra supernaturale: tali enim sensu naturales minime sunt: cum potius intrinsecè & quoad substantiam sint in se supernaturales. Summus ergo naturalis, ut distinguitur contra liberum, seu prout idem est, ac omne, quod non est ex propria determinatione voluntatis, sed potius ex ipsa rei natura seu essentia, independenti à quacumque voluntatis libera determinatione: quo sensu attributa Dei, licet intrinsecè supernaturalia, dicuntur perfectiones ipsius naturales: & similiter habitus infusi, non obstante eorum intrinsecè supernaturalitate, dicuntur perfectiones naturales gratiæ, utpote ex natura seu essentia gratiæ, ipsi naturalissimè convenientes ante omnem liberam voluntatis determinationem.

mon. p. 10. v. 10.

CAPUT X.

Idem assumptum ostenditur ab inconvenienti, quia videlicet sequitur ex opinione Vincentij, hominem peccare in eo quod vitare non potest: seu peccare, non faciendo quod facere non potest.

ARGUMENTA etiam ab inconvenienti non desunt, ad opinionem Vincentij improbandam. Ut primum estorquetur, si supponenda est veritas illius axiomatis omnino inter Theologos recepti, videlicet, quod nemo peccat in eo quod vitare non potest. Quod quidem axioma de-

sumptum est ex Augustino libro tertio de libero arbitrio, capite decimo octavo, ubi expressissimis verbis id ipsum tradit. Quis enim peccat (inquit) in eo quod nullo modo cauere potest?

Et licet supra libro primo veritatem hanc à quadam falsa Glossa Iansenitarum vindicaverimus; libet tamen in præsentì superaddere, quòd ea ipsa tantæ certitudinis & euidentiæ apud Augustinum sit, ut contrarium velle asserere, dicat esse, summa iniquitatis & insanitiæ. Audi verba eius libro de duabus animabus capite duodecimo. Peccati reum teneri quemquam, quia non fecit, quòd facere non posuit; summa (inquit) iniquitatis est & insanitiæ.

Et ne hac quidem censura contentus; vult iterum hoc usque adeò esse notum & per se manifestum; ut non solum à nemine ignoretur; sed & insuper à toto genere humano canteur & declametur. Considera sententiam, quam eodem libro capite undecimo præmiserat, de hac eadem veritate differens. Nonne ista (inquit) cantant & in montibus pastores, & in Theatris poete, & indocti in Circulis, & docti in Bibliothecis, & Magistri in Scholis, & Antistites in sacris locis, & in orbe terrarum genus humanum? Ex mente Augustini quàm sit communis, quàm per se nota hæc veritas, quòd scilicet nemo peccat, non faciendo quòd facere non potuit; seu (quod in idem redit) quòd nemo peccat in eo quòd vitare non potest, cantatur in montibus, cantatur in Theatris, cantatur in Circulis, in Bibliothecis, in Scholis, in sacris locis, in orbe terrarum uniuerso, passim à Pastoribus, passim à Poetis, passim ab indoctis, à Magistris, à Prælatiis, à toto denique humano genere. O Vincenti! utinam & à te non dico cantaretur, sed, vel veraciter

Supra
lib. I. c.
16. §.
Occurrit
huic loco

ter saltem admitteretur !

Et certe ratio Theologica suadet hanc communem veritatem efficacissime. Ea sumitur ex illa sententia Concilij Tridentini, sessione sexta, capite vndecimo, *Deus impossibilia non iubet*. Si namque aliquando contingeret, hominem peccare in eo quod vitare non potest; reuera Deus impossibilia iuberet. Cum enim non peccetur, nisi vel omittendo præceptum affirmatiuum, vel committendo aliquid contra præceptum negatiuum; si semel nec commissio- nem nec omissionem vitare homo posset; iam præcepti adimpletio esset ipsi impossibilis; & ex consequenti Deus impossibilia præciperet: quod certe est Deum facere non bonum Dominum, sed crudelem Tyrannum.

Supra lib. 2. c. 2. §. Quarto de utriusque. Repete tamen in memoriam hic, id quod supra etiam annotauimus. Nempe quod homo dicitur aliquid non posse, dupliciter: vel sola impotentia consequente, cum potentia tamen antecedente, vel utraque impotentia simul tam antecedente, quam consequente. Voco autem potentiam antecedentem, illam quæ est virtus sufficiens per modum actus primi, licet prout sic, nunquam sit coniungenda cum actu. Potentiam verò consequentem, illam quæ insuper est cum actu infallibiliter coniungenda. Axioma ergo in principio adductum, intelligitur de eo quod homo vitare non potest, potentia saltem antecedente; ita ut sensus sit, hominem non peccare in eo, quod saltem potentia antecedente vitare non potest, per virtutem nempe ex se sufficientem per modum actus primi, licet alias ipsi desit potentia consequens. Quod ideo dixerim, quia stat hominem in ordine ad aliquid, carere potentia consequente, & nihilominus in omissione

vel commissione illius peccare; si ex alia parte in ordine ad illud habeat potentiam antecedentem. Paret hoc in homine lapsa, qui in communiori sententia non potest sine gratia, graui tentationi resistere potentia consequente, & tamen non resistendo peccat, quamuis gratia ipsi desit, quia sine illa potest saltem potentia antecedente. Paret etiam in illo, cui instante aliquo præcepto supernaturali, denegatur auxilium efficax pro adimpletione illius: ille talis non adimplendo peccat; quia licet sine auxilio efficaci non possit præceptum adimplere potentia consequente; potest tamen sine illo, potentia antecedente per solum auxilium sufficiens. Vnde si contingeret verumque auxilium, tam sufficiens quam efficax denegari, reuera non peccaret: nam denegato sufficienti, non habet potentiam adhuc antecedentem; & sic adimpletio esset ipsi simpliciter impossibilis. Hoc ergo axiomate supposito:

ARGVMENTOR SIC. Sequitur ex opinione Vincentij, hominem in natura lapsa posse peccare, in eo quod vitare non potest, nec potentia consequente, nec antecedente; at hoc est maximum inconueniens, utpote communi & Catholico axiomati repugnans: ergo. Si negetur sequela, potest clarissime probari ex doctrina Vincentij: ipse namque tenet, esse sufficientem libertatem ad demeritam, hoc quod est facere aliquid, voluntate intellectuati seu ex perfecto iudicio rationis, licet cum tali necessitate, qualis conspiciatur in amore beatifico, ubi nulla est ad oppositum potentia, nec antecedens nec consequens; ut modo suppono: ergo consequenter tenetur dicere, hominem posse peccare; etiam omni potestate non peccandi destitutum, per hoc præcisè, quod voluntarie

tariè omitteret vel committeret.

In The
tia. l. 2
c. 3 lect
3. Cum
igitur li
berum.

Et reuera sic de facto docet in Theriaca: asserens hominem in natura lapsa, *omni gratia destitutum*, tam sufficienti nempe quam efficaci, adhuc remanere subiectum omnibus legibus sui Conditoris, sicut eisdem subiectus erat in natura integra: certum autem est, inter ceteras leges, aliquas esse supernaturales, quas proinde sine omni gratia, non potest homo adimplere nec potentia antecedente nec consequente. Faretur ergo, de facto illum obligari ad nonnulla, quæ ipsi pro præsentis statu sunt obseruatu impossibilia, & ex consequenti peccare in eo, quod modo vitare non potest, nec potentia consequente nec antecedente.

Quibus adiunge stultissimum illud dogma Iansenij, tomo secundo, libro secundo, capite secundo, nempe hominem peccare, non faciendo legem, quam etiam innincibiliter ignorat. In quo pariter casu manifestè ponitur, ipsum peccare sine vlla prorsus potentia ad peccatum vitandum.

Sed his non obstantibus, videamus quid Vincentius possit respondere.

FORTE IN FAVOREM ipsius, negabit quis sequelam: iuxta id quod alibi docet, nempe hominem omni gratia destitutum liberè adhuc peccare libertatè contradictionis, *Sic enim peccat* (inquit in Theriaca) *ut possit ipso facto non peccare, hoc peccatum scilicet, peccando tamen aliud: ut quando tentatus ad libidinem ex vana gloria fornicari omittit.* In quo casu etiam iuxta principia Thomistica, homo ille absque omni gratia, verè adimplet præceptum non fornicandi quoad substantiam, licet ex motiuo inhonesto: sicut verè adimplet præceptum eleemosynæ, qui illam indigenti elargitur ex motiuo vanitatis. Vnde quando idem ille homo de facto fornicaretur; taliter illud pecca-

tum committeret, ut reuera illud vitare posset, illud (inquam) in particulari, licet committeret necessariò aliud. Non ergo ex eius opinione sequitur hominem peccare in eo quod vitare non potest.

SED HÆC SOLVTIO in primis falsa est, & deinde minimè ad rem. Falsa quidem propter duo.

Prinò: quia supponit hominem in natura lapsa non aliter posse sine gratia resistere tentationi, quam ex motiuo inhonesto, seu committendo necessariò aliud peccatum; quod vniuersaliter verum non est. Nam (ut ostendunt nostri Thomistæ Primæ Secundæ, quæstione centesima nona, articulo secundo & tertio) vel tentatio est levis, vel grauis: si levis, potest homo lapsus, etiam omni gratia destitutus, resistere, nedum ex motiuo inhonesto; sed etiam ex motiuo honesto naturali, nedum potentia antecedente; sed etiam consequente. Si autem sit gravis, licet illi sine omni gratia ex motiuo honesto resistere nequeat potentia consequente, vera tamen sententia tenet, posse potentia saltem antecedente. Ergo falsum est hominem in natura lapsa, & omni gratia destitutum non posse aliter tentationem euadere, quam ex motiuo inhonesto seu committendo aliud peccatum.

Secundò: quia etiam supponit liberum arbitrium in natura lapsa ex proprijs viribus ad nil valere nisi ad peccandum, sicque hominem, quantumvis fidelem, non posse virtute naturali aliquod opus bonum morale facere; sed potius habere necessitatem hic & nunc peccandi in omni suo opere, aliquo saltem peccato in genere, si ex sola virtute liberi arbitrij ponatur operari: quæ omnia qualiter damnata sint in Bulla Pij Quinti contra Baium; licet non sit præsentis instituti examinare, hoc tamen vni-

In Th
tia. l. 1
ca 26.
hoc quo
que præ
teriti.

vaicum scito, apertissimè pugnare cum doctrina Sancti Thomæ, dum Secunda Secundæ, quæstione decima, articulo quarto etiam de ipsis infidelibus docet, quòd talem necessitatem non habeant his verbis. *Manifestum est quòd infideles.... bona opera, ad quæ sufficit bonum natura, aliquæ qualiter operari possunt. Unde non oportet quòd in omni suo opere peccent.*

Deinde etiam solutio non est ad rem: nam non liberat opinionem Vincentij ab inconuenienti illato, absolute & simpliciter; sed ad summum in aliquo casu particulari (verbi gratia) instante obligatione alicuius præcepti negatiui vel affirmatiui naturalis. In quo casu esto admitteretur, Vincentium sufficienter saluare potestatem vitandi peccatum modo dicto, nempe committendo aliud; tamen hoc effugium locum non habet in alijs casibus: videlicet quando instat obligatio alicuius præcepti affirmatiui supernaturalis (verbi gratia) de diligendo Deum auctorem gratiæ: hoc enim præceptum nequit aliter adimpleri, quàm ponendo determinatè actum supernaturalis amoris: quem etiam homo omni gratia sufficienti destitutus ponere non potest, nec potentia consequente nec antecedente, vt contra Pelagium teneat omnes Catholici: & tamen Vincentius fatetur hominem sic destitutum peccare, si illum actum præcepti non ponat: ergo tenetur concedere in tali casu peccare, non faciendo id quod tamen facere non potest, nec potentia consequente nec antecedente, quidquid sit de altero casu quem adducebat solutio.

HANC DIFFICULTATEM vidit & notauit Antesignanus Vincentij Cornelius Iansenius, eamque contra se in fauorem nostrum his verbis vult. *Sed maior in affirmatiuis præceptis adimplendis difficultas est. Cùm*

enim libertate boni faciendi infideles careant. Quo pacto erubunt peccatum illud, quod committitur in transgressione seu omissione, non dico moralium officiorum miserendi pauperis, honorandi parentes.... sed in transgressione illius præcepti affirmatiui, quo iubetur credere ac diligere Deum, ipsaq; officia bona quæ facit, ad finem illum bonæ fidei intentione retorquere? Neque enim hic dici potest, illud peccatum alio peccato posse vitari. Quidquid enim boni fecerit, idem peccatum omissionis aduersus idem præceptum perpetrabitur. Imò verò quid faciet, cùm idem præceptum diligendi Dei per se ipsum obligabit? Neque enim existimandum est, ad vltimum finem expetendum & ad illud primum principium se referendum, nullius præcepti vinculo creaturam rationalem astringi: cùm potius vis eius sit perpetua & in omnes actus directione atque dilectione voluntatis eo referendus exseratur. Hic voluntas suapte infirmitate in faciendo deficit: gratia quæ facere possit, caret: quo se vertetur? Hoc laqueo (concludit) stringi se sentientes recentiores aliqui, per portam patentissimam gratiæ sufficientis exeunt: quam omnibus hominibus ad præcepta facienda Deum impertiri, nouo profecto & primis gratia defensoribus inaudito dogmate constituunt.

Sic vrget contra se Iansenius, & eidem ego contra ipsum vrgeo. Imò nisi & ipse per portam illam patentissimam gratiæ sufficientis exire hic conetur, quam Deus omnibus hominibus vel de facto impertiat, vel saltem absque noua hominis culpa impertiri paratus sit, tempore quo præceptum supernaturale obligat; profectò alteram quandam portam omnino damnabilem, uempe Manicheismi intrare compellitur. Quod & sic probò.

Nam (vt suprà libro primo ex Sancto Thoma ostendimus) cum

Ma-

Manichæo negat libertatem arbitrij, quilibet talem necessitatem peccandi ponit, ut non possit homo sine gratia hic & nunc in indiuiduo hoc numero peccatum vilo modo vitare: talis namque necessitas, non solum est necessitas peccandi vagè seu aliquando, sicut nos ponimus: nec solum est necessitas committendi hic & nunc aliquod peccatum in genere, sicut ponebat prima solutio: quæ dux necessitates admittunt secum indifferentiam exercitij; sed est necessitas omnino absoluta omnem indifferentiam, etiam exercitij excludens: quam ipsemet Iansenius ab Ecclesia damnatam proficitur, quando hanc propositionem proseripsit, *homo peccat etiam damnabiliter in eo quod necessariò facit*. At in casu nostro huiusmodi necessitatem peccandi contrarij admittere tenentur: siquidem in instanti quo obligat præceptum supernaturals dilectionis, nulla via restat homini destituto omni gratia, qua illud numero peccatum omissionis in indiuiduo vitare possit. Ergo portam damnabilem Manichæismi intrare compelluntur. Minor ista iuxta contrariorum principia patet euidenter. Nam (ut ipsi volunt) non sufficit ad peccatum illud omissionis vitandum, quod homo non apponat obicem noui peccati, ut nos infra sufficere ostendemus; sed expressè requirunt, quod ponat actum ipsum præceptum supernaturals dilectionis: cum igitur istum, omni gratia sufficienti destitutus, ponere nequeat, ut est de fide contra Pelagium; sequitur manifestè, quod taliter hic & nunc illud numero peccatum omissionis incurrat, ut idipsum in indiuiduo nullo modo vitare possit.

AST RESPONDET Iansenius, adhuc in isto casu indifferentiam subsistere: quod & sic declarat. Nam il-

le homo (inquit) tali præcepto dilectionis obligatus: alternum sine gratia facturus est, ut vel Deum diligit, vel non diligit. Si diligit, sub ratione boni priuati Deum diligit, Deum ad se, non se ad Deum velut vltimum finem retorquendo. . . . Quod si nolit diligere Deum, hoc ipsum faciet sub ratione boni creati ac proprii, quod in omnibus actionibus & omissionibus velut vltimum inuenitur. . . . Quapropter utrobique est libertas seu indifferentia quantum ad exercitium respectu duorum illorum actuum volendi & nolendi, seu etiam non volendi diligere Deum, quantumvis uterque fiat sub ratione boni creati & priuati, quod voluntas immobiliter in utroque respicit, & ita uterque sit necessarius, quantum ad specificationem seu contrarietatem & uterque malus. . . . Quo sane modo & Beatus liber est ad quemcumque actum vel faciendum vel omitendum. Verum enim fecerit, sub ratione boni Divini faciet, & ita necessariò operabitur, quantum ad specificationem, libere quantum ad exercitium.

Iansenius videris mihi hic potius de Troiano Bello differere, quam ad rem loqui. Amice Lector, argumentum factum non petit assignari indifferentiam respectu huius quod est diligere Deum utcumque & non diligere Deum utcumque; sed respectu huius, quod est hic & nunc vitare peccatum illud omissionis contra præceptum affirmatiuum dilectionis supernaturals: vtrum nempe homo omni gratia destitutus, taliter hic & nunc illud incurrat, ut possit hic & nunc non incurrere, seu peccatum illud vitare: cum ergo argumentum factum euidentissimè conuincat, tali necessitate idipsum incurri, ut hic & nunc nequeat non incurri, seu vitari, omnino in suo robore manet: licet alias assignetur indifferentia aliqua penes posse utcumque dili-

Tomo
1. 4 c.
1. 4 c.
666.

Infra l.
4 c. 16.
5. Ter
instaur.
dem.

Iansen.
10. 1. c.
14. p. 3.
46.

diligere & non diligere.

Explico hoc. Fatetur hominem omni gratia destitutum, Deum utrumque posse diligere & non diligere, nempe sub ratione boni priuati semper, siue diligit, siue non diligit. Sed quid hoc ad rem? Quæro, euadetne peccatum omissionis, diligendo Deum taliter? Verbi gratia, sub ratione boni priuati? Dicit Iansenius, quod non, cum illa dilectio sit peccaminosa. Euadetne ergo non diligendo, referendo etiam omissionem ab bonum suum priuatum? Dicit iterum Iansenius quod non: cum & illa omisio seu non dilectio sit peccaminosa. Qua ergo via euadet, aut euadere poterit peccatum, illud omissionis oppositum præcepto dilectionis supernaturalis? Profecto nulla via, ratione nulla, nullo modo: cum quidquid voluntas fecerit & qualitercumque fecerit, quidquid non fecerit, & qualitercumque non fecerit, semper maneat necessitata hic & nunc ad hoc numero peccatum omissionis, pro instanti non dilectio supernaturalis obligat. Habet quidem indifferentiam ad vestendum illud peccatum hoc vel illo motiuo turpi; sed ista indifferentia motiuorum (ut euident est) nullam indifferentiam ponit, quoad hoc numero peccatum quantum ad suam substantiam: quandoquidem sub quocumque motiuo se verterit voluntas, semper ad hoc numero peccatum omissionis, quantum ad substantiam perpetrandum necessitata maneat. Qua ratione etiam illi Scholastici, qui Christo solum concedunt indifferentiam ad non moriendum ex hoc vel illo motiuo: ingenuè etiam fatentur, se nullam indifferentiam ipsi concedere respectu mortis quo ad substantiam.

Et per hoc etiam patet, quod illud alterum de libertate Beatorum,

minimè sit ad rem. Illi enim ad nulum actum hic & nunc sic necessitantur, nisi ad amorem Diuinæ bonitatis secundum se: reliquos omnes possunt facere & non facere, non solum ex hoc vel illo motiuo, sed etiam absolute & quoad substantiam.

Hæc ergo est porta Manichæismi, quam intrare cogitur, quisquis portam gratiæ sufficientis modo à nobis explicato, præcludere conatur. Ut namque probatum manet, sequitur necessitas absoluta incurrendi hic & nunc in hoc numero peccatum.

QVAPROPTER SI ITERVM aliter respondeatur (ut in eodem loco Theriæ Vincentius insinuat & etiam alibi Iansenius) adhuc in illo casu, actum supernaturalis dilectionis esse reuera in potestate hominis, supposito tamen Diuino auxilio, siquæ non esse simpliciter impossibile, vitare illud peccatum omissionis contra huiusmodi præceptum. Ut namque docet Diuus Thomas Prima Secundæ, questione centesima nona, articulo quarto ad Secundum: *Illud quod possumus cum auxilio Diuino, non est nobis omnino impossibile, secundum illud Philosophi, Tertio Ethicorum, quæ per amicos possumus, per nos possumus.*

Si (inquam) sic respondeatur; in contra iterum est, quod nec hoc vilo modo Vincentium iuuare potest: nam licet actus supernaturalis præcepti, reuera sit in potestate hominis, mediante Diuino auxilio intellige de sufficienti) quando illud instante præcepto, homo actu habet: vel saltem Deus paratus est, absque noua hominis culpa illud tunc conferre, qualiter Diuus Thomas loquitur, iuxta illud eius dictum Tertio contra gentes, capite centesimo quinquagesimo nono: *Deus quantum in se est, paratus est omnibus gratiam dare.*

In Thera. ubi (supra).

Iansen. to. 1. li. 3. c. 17. in principio & in fine.

dare. Et iuxta illud Leonis Papæ, sermone centesimo decimo sexto, iussit nobis instat præcepto, qui præstat auxilium; tamen nullo modo dicendus est, esse in potestate hominis, in casu quo nec actu illud auxilium habet, nec Deus paratus sit illi dare: qualiter modo in natura lapsa multoties contingere docet Vincentius. Vult enim hominem in natura lapsa supernaturalibus præceptis inexcusabiliter obligari, & tamen non solum actu non habere auxilium (sufficiens, sed nec Deum paratum, esse ad illi dandum) eo quod post naturæ lapsum continua (vt ipse ait) gratia sufficientis assistentia decidimus. Ergo nullo modo saluare potest, in casu quo ipse loquitur, de homine scilicet omni gratia destituto, actum supernaturalis præcepti esse in potestate ipsius, adhuc mediante Diuino auxilio.

Explico hoc. In tantum dicitur quis posse per seipsum, ea quæ potest per alium, in quantum ille alius est eius amicus: & rursus in tantum est eius amicus, in quantum paratus est illi de facultatibus suis conferre, & adiutorium præstare tempore necessitatis: quomodo enim amicus meus erit, aut vt amicum se geret, qui de facultatibus suis, nec adiutorium, mihi præstat, nec præstare paratus est? Ergo in casu quo Deus, non solum mihi non det suæ gratiæ auxilium, sed nec paratus sit dare (vt Vincentius fatetur) nequit verificari, me per ipsum, vt per amicum posse: & cum alias etiam non possim ex me ipso, vt suppono; sequitur manifeste, me modo obligari ad aliquid, quod modo non possum ex me ipso, nec per Deum, quod est obligari ad impossibile simpliciter pro præsentis statu.

HIS omnibus non obstantibus, videtur adhuc alijs vocabis velle

equadere Iansenius. Respondetur (inquit) præcepta Dei esse homini possibilis seu posse ab homine fieri, & consequenter hominem ea posse facere. Profecto vera locutio, verba Catholica, sed audiamus quid de re ipse sentiat. Etenim (prosequitur) si iam iustificatus est, habet charitatem seu bonam voluntatem, per quam Deum diligere & consequenter totam legem implere potest. Plenitudo enim legis, dilectio (inquit Apostolus) si autem fidelis quidem, sed nondum iustificatus est, habet aliquid bonæ voluntatis, quatenus credit, nam ubi est initium fidei, est etiam initium bonæ, hoc est piæ voluntatis: per hanc autem potest mundari, potest vberius auxilium innocare & consequenter rectè pièque viuere. Quod si etiam fide Christi caret, habet liberum voluntatis arbitrium, per quod, vt carni titillanti, ita & Spiritui illuminanti consentire, & vt peccare, ita & rectè viuere potest. Quocumque verò possibilitatis modo ex illis tribus quos iam diximus, homo possit præcepta Dei facere, & si alio modo proxime non possit, satis est, vt si non fecerit, sit inexcusabilis. En ex mento proprii authoris, quid rei subistit verbis illis Catholicis, quibus tam confidenter dixerat, præcepta Dei esse homini possibilis.

D I C O ea omnia omnino esse extra propositum, & difficultati nostræ nec vel in minimo puncto satisfacere. Quæstio quæ contra te est, Iansenius; non est de homine habente iam illa dona, verbi gratia, formam iustificantem, aut etiam gratiam fidei; sed de homine sic destituto, cui Deus nec dat illa dona, nec illa aut quodcumque aliud supernaturale dare paratus est, vt vos in natura lapsa contingere docetis, illene sic destitutus, habet potestatem? Illine in tali statu, sunt præcepta supernaturalia possibilis? Ille exclusis prædictis, habetne aliquid

Iansen.
to 3. l. 2.
p. c. 15.
column.
na 41.

aliud, quam meram nudamque liberi facultatem arbitrij? Et quæ quæso potestas libero arbitrio sic nudè considerato inest, respectu supernaturalium præceptorum? An ne vlla alia quam vaeua quædam capacitas seu potentia obedientialis, quæ potestatem à Deo recipere potest, si Deus illam dare voluerit? Quidd si hæc ad inexcusabilem obligationem sufficit, dicas pariter Deum mihi iustissimè posse præcipere volatum, etiam in casu quo nec alas dat, nec dare vlllo modo paratus sit. Sequela est euidentiissima: nam non minus est in me potentia obedientialis ad alas à Deo recipiendas, si Deus dare voluerit; quam sit respectu donorum supernaturalium ad illa recipienda, si Deus quoque dare voluerit. Quis verò Catholicorum hoc vel simile delirium vnquam cogitauit? Quis doctrinam Christianam hoc vnquam opprobrio aspersit, vt dixerit perinde esse, mihi dilectionem supernaturalem præcipi, ac præcipi volatum?

Si fortè dicatur, disparem esse casum, quia Deus numquam alas homini promissit aut promittit, nec eas citra miraculum conferre potest, potestatem autem sua præcepta seruandi, & promissit & continuo promittit & citra vllum miraculum aliquando dat & dare potest.

Si inquam sic dicatur; disparitatem profecto agnosco, sed qualiter ad rem sit, non video. Nonne quòd Deus ista dona promiserit & promittat, voluntati meæ omnino extrinsecum est? Nonne & illud alterum æquè extrinsecum, quòd illa, citra miraculum dare possit? quomodo ergo his omnibus impotentia mea iuuatur, si ex altera parte nihil horum Deus de facto mihi confert nec conferre paratus est?

Imo ex ipsa promissione, sic res-

pondentem redarguo: nam si Deus homini dona sua verè promittit, ergo signum est, quòd Deus illa dare paratus sit, si per hominem non steterit: quomodo enim verè promittit, qui promissi conferendi quantum in se est, paratam voluntatem non habet? Iansenitz nummos centum, vobis promitto, sed hoc etiam scitote, quòd parata voluntas illos dandi, longe à me sit, etiam absque omni culpa vestra; nonne quisque sanz mentis, me sic promittentem, Iansenitas dicet illudere? Quid ergo? Sicne ridendæ erunt promissiones diuinæ? Absit: venerandæ sunt, suscipiendæ sunt, quia veræ sunt, quia Deus, si per nos non steterit, promissis conferendi paratissimam habet voluntatem.

PRÆTEREA IANSENIUS expressè fatetur, impotentiam illius qui caret breuiario ad horas, quas ignorat, recitandus, & illius qui caret rebus temporalibus ad largiendam elemosynam à præcepti obligatione excusare: & assignans rationem, in huiusmodi.... (inquit) non est culpa voluntatis quòd non fiat, sed pura inopia potestatis: & sic eo ipso vel præceptum extinguitur, vel certè ad illud implendum, is cui præcipitur, non amplius obligatus est. At pariter in casu nostro, quo homini destituito omni gratia præcipitur dilectio supernaturalis; quòd non diligat, non est culpa voluntatis, sed pura inopia potestatis, cum tam sit inops potestatis ad diligendum, quàm ille alter inops diuitiarum ad elargiendum; ergo vel propriam vocem ignorat, vel pari ratione tenetur fateri, istum quoque à dilectione supernaturali excusari.

Sed instat & ait, impotentiam alterius ad elargiendum, esse ex defectu alicuius, quod non potest quantumlibet magna voluntate, hoc est quantumlibet

Iansen. ubi su. præ col. 241.

bcs

bet fortiter volendo, suppleri: impotentiam vero diuina mandata seruandi esse vice versa ex defectu alicuius quod ipsa voluntate suppleri potest, velim enim homines (inquit) pleneque velint, mox implebuntur: si autem nolint, ideoque non possint, quis nisi volentibus vitio vitari daritiam inique voluntatis securumque defectum potestatis?

Iansen. dico iterum, te hic non nisi verbis ludere. Dic mihi: de qua voluntate disceris, quando ais impotentiam hanc esse ex defectu alicuius, quod potest ipsa voluntate suppleri? Nonne sermo est, de voluntate omni gratia tam sufficienti quam efficaci destituta, ac proinde de voluntate, pure considerata secundum vim suam volendi naturalem, qualem & non aliam pro tali statu destitutionis homo ille habet? Certè de illa sermo esse debet, vel ad rem non loqueris, cum illam & non aliam Scholastici tibi obijciunt. Edissergo, qualiter huiusmodi voluntas, quæ penes se nullum alium thesaurum habet, quam facultatem suam naturalem, possit requisitum istud gratiæ sufficientis ad diligendum, supplere? Potestne vel villo saltè modo volendi ex omnibus volendi modis; quos pro tali statu penes se habet? Certè non poterit, quantumvis fortiter se exerceat in omnes modos volendi simul, quos pro illo statu in thesauris suis habet aut etiam habere potest: eum enim singuli seorsim & omnes simul, non sint nisi modi volendi pure naturales, implicatio est, quod vel villo illorum vel omnibus simul, dilectionem supernaturalem implicat vel implere possit. Quæ ergo veritate dicis, defectum huiusmodi, tam misera tamque impotenti voluntate posse suppleri? Si non nisi volitiones naturales pro illo statu est potens clicere, & ex ipse quantum-

uis in illo ordine fortissimæ, sint adhuc pro dilectione insufficientes, quæ via mihi obtrudis, per illas dilectionem posse præstare? Fateor quidem præstare posse, sed non nisi per volitiones supernaturales, aut viles ad sic volendum; à Deo conferendas: quas cum tali voluntati de facto non conferat, nec etiam conferre paratus sit; sequitur euentissimè, casu quo ipsa non diligit, non esse culpam voluntatis; sed puram inopiam potestatis. Vnde & sit, quod per eam omnino à te dicatur, voluntatem istam non posse diligere, quia non vult: dici namque debet, ideo non velle, ideo non diligere, quia non potest nec velle nec diligere, tali volitione aut dilectione, qualis præcipitur. Vt ergo culpa in voluntate adstruatur, dicendum est (sicut nos diximus) potestatem in ipsa debere præsupponi per auxilium sufficiens, vel actu receptum, vel saltè de communi lege paratum.

Quod & amplius libet confirmare ex quadam doctrina Diui Thomæ tertia parte, quæstione octuagesima septima; articulo primo ad Primum, ubi sic loquitur. *Ad primum dicendum quod homo in gratia constitutus, potest vitare omnia peccata moralia & singularia: potest etiam vitare singula peccata venialia: sed non omnia; ut patet ex his quæ in secunda parte dicta sunt: & ideo penitentia de peccatis mortalibus requirit, quod homo proponat abstinere ab omnibus & singulis peccatis mortalibus; sed ad penitentiam peccatorum venialium, requiritur quod homo proponat abstinere à singulis, non tamen ab omnibus: quia hoc infirmitas huius vite non patitur.* Ex qua doctrina sic argumentor. Secundum Diuum Thomam tenetur homo ad habendum propositum abstinendi ab omnibus mortalibus collectivè, non verò abstinendi collectivè ab omnibus venialibus.

nialibus, quia primum est ei impossibile per gratiam de communi lege paratam; secundum autem non; licet aliis ei possibile sit per gratiam specialissimam privilegii, quam Deus ipsi (si placuerit) conferre potest, sicut de facto contulit Divæ Virgini. Ergo sentit manifestè ad nullum præceptum teneri, nisi ponatur ipsi esse possibile saltem per gratiam de communi lege paratam: ac proinde non sufficere ad inexcusabilem obligationem, id quod dicit Iansenius (verbi gratia) quod habeat liberum voluntatis arbitrium cum naturali capacitate ad vires à Deo utcumque recipiendas. Patet sequela, quia cum huiusmodi omnia, etiam habeat respectu abstinentiæ ab omnibus venialibus collectiue; indubiè ad simile propositum abstinentiæ teneretur. Quod contra Angelicum Præceptorem aperte militat; imò & contra communem cōsensum Theologorum, qui (ut videre est Secunda Secundæ, quæstione octuagesima octava, articulo secundo) hac ratione docent, votum nunquam peccandi venialiter, invalidum esse, quia est de re moraliter impossibili, non solum per naturam; verum & per gratiam de lege ordinaria paratam. Vnde omnino fatendum est, Deum hominibus præcipientem, minime ipsis sua gratia sufficiente deesse, quæ possint illa, quæ præcepta sunt, præstare & exequi.

Nec valet, Iansenii, tuus ille definitivus clamor; Si dicas, *habent semper præsiō sufficientem gratiam, quæ possint, sexcentis Augustini locis totiq; molī doctrina ipsius, adeoque & ipsi Ecclesiæ, quæ docet ac monet, eos petere quod non possunt, repugnabis. Si enim iam gratiam quæ possint, habent; sultum est petere, quasi non haberent.*

Non (inquam) valet, nam quæ facilitate sic clamas, eadem & con-

temneris, Vellem vel unum locum Augustini mihi ostendi, qui iuxta principia Thomistica non habeat verissimam, planissimam, securissimamque interpretationem. Illud autem quod obijcis de Ecclesiā, quæ nos monet petere quod non possumus, infra libro quarto explicabitur. Alterum verò; *quia si iam gratiam quæ possint, habent; sultum est petere, quasi non haberent*, puerile omnino est: nam vel loqueris de gratia sufficiente, quam iam actū in se receperint; vel de illa, prout solum ex parte Dei parata: si de actu recepta; fateor quod necesse non habent, eam petere; sed potius gratias pro recepta agere; habent tamen necesse petere ulteriorem efficacem, ut nempe possint etiam potentia consequente, quod per solam sufficientem tantum poterant potentia antecedente. Si verò loquaris de illa gratia, prout ex parte Dei parata; utique prout sic necesse habent eandem petere; non ut parata sit, quæ parata est; sed ut de facto detur: potest namque non dari, si homo (verbi gratia) novi peccati obicem poneret.

Hæc omnia Iansenitæ, vera sunt, & Catholica Augustini doctrinæ cōformia: ita ut consequens omnino sit, falsam quoque esse secundam illam solutionem, quæ superius dicebatur, possibile esse homini præcepta, supposito tamen Divino auxilio: hoc enim (ut iam ostensum est) in tali sensu asseritis, ut minime iuvet ad obiectionis nostræ nodum dissolvendum.

QVAPROPTER NVLLA ALIA via respondendi vobis restat, quam concedendo sequelam argumenti facti; videlicet hominem in calu posito peccare, non faciendo id, quod facere non potest: cæterum asserendo illud non esse inconueniens propter hanc rationem: quia nempe,

Infrā.
4 c. 16.
in hoc.

Iansen.
to 1. li.
1. c. 14.
col. 330

Tridē.
sess. 6. c.
11.

nempe, licet Deus præcipere nequeat quod est impossibile impotentia homini inuoluntaria, qualiter præcepisset primo homini ante peccatum, si auxilium sufficiens non dedisset; potest tamen præcipere, quod est impossibile impotentia homini voluntaria: qualiter modò nobis in natura lapsa præcipit, licet auxilia sufficientia non det, nec dare amplius paratus sit: nam quòd modo præcepta eius adimplere non possumus defectu auxilij sufficientis, hoc nobis voluntarium est, scilicet in capite, ratione culpæ originalis: ex qua ista impotentia iustissime fuit relicta. Et sic non obstante prædicta impotentia extare potest inexcusabilis obligatio, præcepta adimplendi. Sic docet alibi Iansenius & etiam Vincentius varijs in locis suæ Theriacæ, ex quibus hunc commemorare libet. *Impunitas (inquit) in culpam & culpæ cognatam penam; si non ex perfecta ad operandum iam bonum libertate (qualis fuit in Adamo) nascatur; debet saltem ex simili, qua fuerit olim libertate, originem ducere, ut natura peccans sibi ipsi merito imputare possit, quòd iam malè agat: cum olim integram bene agendi à Conditor potestatem accepit, quæ sua culpa amisit. Aliàs Conditor nimis durus, nec Dominus, sed tyrannus creaturæ rationalis, suæ quædam esset. Saluat igitur in tantum nobis omissiones præceptorum imputari, licet modò nullum adimplere possimus; quia hoc quod est modò nos non possit, voluntarium nobis fuit voluntate Adami, in qua omnes acceptam semel potestatem præcepta faciendi, sponte & nostra culpa perdidimus.*

O solutionem longè duriorem, omnino inordinatam, & infinitæ Dei bonitati totaliter auersantem! Eam in terminis tradidit Calvinus (ut infra libro quinto ostendam) & noster

doctissimus Victoria illam ut parum Catholicam rejicit, & ut talem merito rejiciendam esse; lubet multis demonstrare: pro quo caput sequens instituo.

Vi Ate
lectio-
ne vlti-
ma, par
te 1. a.
6.

CAPVT XL

Redarguieur solutio, qua Vincentius dicit, ad imputabilitatem peccati sufficere, nos potentiam illud videndi, in Adamo habuisse, & in eodem, sponte perdidisse.

VOLUNTARIUM in capite ad rationem peccati personalis non sufficere, potest multis, euidentissimisque argumentis conuinci. Ea tali ordine proferam, ut primò non nisi ipsum Augustinum, deinde non nisi Thomam Aquinatem sim recitaturus. Quid quæso hac in parte contenditis Iansenitæ? Antiquitus mille & mille in errorem redacti sunt, non potentes intelligere aut vilo modo capere, qualiter voluntarium in capite sufficeret in paruulis ad culpam originis; & vultis vos modò vestris definitionibus persuadere, quòd huiusmodi voluntarium sufficiat etiam ad culpam personæ, seu ad hic & nunc peccandum personaliter? Perpendite ergo, ut ab errore vestro rescipiscatis, quanta luce hoc in dogmate pugnet contra vos Augustinus.

PRIMO: quia hæc sunt expressa, eius verba libro tertio de libero arbitrio, capite decimo octauo. *Quæcumque ista causa est voluntatis, si non potest ei resisti, sine peccato ei ceditur.* In quo loco Sanctissimus Doctor (ut legenti textum patebit) de causis ex peccato originali relictis & nos incitantibus ad peccatum, sermonem facit;

K 3 quæ

Iansen.
to. 1. c.
14. col.
331.

In The
ria. lib.
2. ca. 1.
sect. 3.
4. Mani
cheorum
verò.

Infra 1.
lib. 2. 4.

quæ proinde causæ nobis voluntariæ sunt voluntarietate capitis: & tamen asserit, si tales sunt, vt eis resisti non possit, eis cedere; peccatum non esse: ergo manifestè fentit, solum voluntarium in capite ad imputabilitatem & inexcusabilem obligationem non sufficere, sed insuper requiri potestatem, qua tali causæ personaliter resisti possit. Ac proinde quamuis carentia auxilij sufficientis, ex qua necesse est, præceptum non adimplere, sit nobis ratione culpæ originalis voluntaria in capite; dicendum tamen erit, iuxta mentem Augustini hoc non sufficere, vt non adimpletio, tamquam peccatum personale imputetur: siquidem istam carentiam seu defectum (casu quo nobis propter solum originale insit) personaliter repellere non possumus.

SECUNDO pondero alium locum eiusdem ex libro de correctione & gratia, capite vndecimo: ubi loquens de primo homine & de auxilio sufficienti ipsi collato, sic discurrit. *Si autem hoc adiutorium vel Angelo vel primo homini, cum primum facti sunt, defuisset; quoniam non talis natura facta erat, vt sine adiutorio diuino posset manere si vellet, non utique sua culpa cecidissent: adiutorium quippe defuisset, sine quo manere non possent. Nunc autem quibus deest tale adiutorium, iam pena peccati est.* In quo loco Augustinus adiunxerit contraponit, ex vna parte Adamum in casu quo ipsi defuisset auxilium sufficiens, & ex alia homines, quibus modo idem auxilium desit. Sed ponderandum est, quòd in hac contrapositione non continuò affirmet, de huiusmodi hominibus, id quod negauerat de Adamo: videlicet illos modò sua culpa cadere, quamuis auxilium ipsis desit, vbi tamen primus homo sua culpa non cecidisset, si auxilium de-

fuisse: non (inquam) hoc affirmat, nec in eo contrapositionem facit, sed præcisè in hoc, quòd Adamus sine culpa cecidisset, si adiutorium defuisset (quia scilicet necdum culpa aliqua præcesserat) nunc autem quibus deest, iustissimè desit in penam saltem peccati originalis, quod modo supponitur præcessisse: ita vt loquens de hominibus cautè terminos mutet, non dicens: *nunc autem sua culpa cadunt*, sed, *nunc autem quibus deest tale adiutorium, iam pena peccati est.* Quasi apertè volens, non quòd sua culpa cadant, quibus modò deest; sed solum, quibus deest, iustissimè in penam desit. Ergo mens Augustini est, illos homines in natura lapsa à noua culpa excusare, licet aliàs carentiæ auxilij tanquam iustæ pænæ eos subiiciat. Probo istam consequentiam; nam si sentiret, negato etiam auxilio, nouam culpam ab ipsis committi; poterat sanè terminos significatiuos culpæ, à quibus discursum de Adamo inceperat, etiam ipsis hominibus applicare, dicendo ipsos sua culpa cadere, etsi auxilium desit, minimè autem Adamum, si defuisset; quod certè non fecit, sed huiusmodi terminos, loquens de hominibus, in terminos solius pænæ commutauit. Ergo signum euidentius est, quòd illos à culpa personali excuset; licet non à pœna, in casu quo auxilium sufficiens illis propter solum originale desit. Itaque lanfentia, secundum Augustinum, & secundum doctrinam nostram, si casus sit, quod mihi auxilium sufficiens propter solum originale desit, & ex defectu eius impotens sim ad præceptum adimplendum; non adimplendo, non cado, non pecco, non culpam aliquam committo, sed tantum pœna est, quòd auxilio caream, sicut & pœna quædam est, non peccatum, ipsa non adimpletio ex tali

carentia necessariò subsecuta.

TERTIO idipsum evidentissimè patet ex epistola centesima quinta. *Ipsa ignorantia* (inquit) *in eis qui intelligere noluerunt, sine dubitatione peccatum est, in eis autem qui non potuerunt* (defectu scilicet auxilij sufficientis, quod ad posse datur) *pæna peccati.* Doctor Sanctissimus, Iansenitè docent quòd etiam in eis, qui intelligere seu credere non potuerunt, ipsa ignorantia sit peccatum, siquidem quòd non possint, est ex culpa quam in capite contraxerunt, quòd ipsi volunt ad rationem peccati sufficiens esse. Cur ergo, sicut affirmas in intelligere nolentibus, esse peccatum; id ipsum pari passu non doces in intelligere non potentibus; sed potius dicis in istis esse pænam peccati? Certè nulla alia de causa sic terminos mutat, in istis asserens esse pænam, in alijs peccatum, quàm quia longè aliter sentit, quàm Iansenitè: videlicet in credere quidem nolentibus, ipsam ignorantiam esse peccatum, in credere tamen non potentibus, non esse peccatum, sed solum pænam ex peccato originali relictam. Defectus ergo auxilij sufficientis secundùm Augustinum à peccato personali excusat, licet ex causa voluntaria in capite consequatur.

QUARTO non minori luce patet illud, quod habet libro de Natura & Gratia, capite sexagesimo septimo, dum asserit, non tibi imputatur ad culpam, quod iniutus ignoras, sed quòd negligis querere, quod ignoras. Nonne hic homini lapsò minimè ad culpam imputat, ipsum non scire seu non credere, quando hoc contingit homine inuito, seu inuoluntario, si- cut reuera contingit, quando omni gratia sufficienti ad posse scire, seu credere, est destitutus? Sentit ergo iterum, excusare à culpa, ipsam carentiam potestatis seu auxilij suffi-

cientis, licet aliàs talis carentia ex præcedente culpa originali originem trahat. Vnde ad hunc eundem locum disertis verbis sic satur Sanctus Thomas quæstione tertia de Malo, articulo septimo, ad septimum ignorantia quæ est omnino inuoluntaria, non est peccatum. Et hoc est, quod Augustinus dicit, non tibi imputatur ad culpam, si iniutus ignores.

QUINTO: Nonne ipsemet Iansenius iuxta doctrinam Augustini alibi docet, ignorantiam iuris diuini inuincibilem, à peccato immunem reddere, ac proinde gentiles, qui nihil de fide Christi audierunt, non credendo, non peccare? Hoc ita asseueranter docet, ut & quatuor Augustini testimonijs probare non dubites. Primum elicit ex libro tertio ad Bonifacium capite tertio, ubi illum locum Euangelij tractans, si non venissem & locutus eis non fuisset, peccatum non haberent, nunc autem excusationem non habent de peccato suo, docet non de quolibet sed de illo peccato magno infidelitatis eum accipiendum esse, quo Christo ad eos non veniente, caruissent. Non enim (inquit) peccatum antea non habebant, sed ipsam voluit intelligi diffidentiam, quæ nec præfenti, & loquenti crediderunt. Secundum elicit ex epist. quinquagesima in fine his verbis. Aliquod proprium peccatum intelligi voluit, id est, quo in eum venientem non crediderunt: hoc enim non haberent peccatum, si non venires. Tertium adducit ex tractatibus in Ioannem, tractatu octuagesimo nono, ubi Augustinus proponens sibi quæstionem, utrum hi ad quos non venit Christus, nec locutus est eis per se ipsum vel per discipulos suos, habeant excusationem de peccato suos respondet, habere illos excusationem non de omni peccato suo, sed de hoc peccato, quo in Christum non crediderunt, ad quos non venit, & quibus non est locutus. Quar-

Iansen.
Tom. 2.
l. 2 c. 5.
col. 109

tum denique recitat ex eodem loco, dum dixit, *restat inquirere, utrum hi, qui priusquam Christus veniret in Ecclesia ad gentes, & priusquam Evangelium eius audirent, vita huius sine prauentis sunt seu praueniuntur, possunt habere hanc excusationem?* Et respondet iterum: *possunt planè: sed non ideo possunt effugere damnationem: propter alia, scilicet peccata, quibus lex naturæ violatur.* Quòd si omnia ista iuxta Augustini mentem docet Iansenius, & verissimè quidem; quomodo vera esse potest iuxta mentem eiusdem, doctrina hæc, quam hoc capite impugnamus, nempe voluntarium in capite ad inexcusabilem obligationem sufficere? Arguuntur sic. Augustinus dicit, excusationem habere de sua infidelitate gentiles, qui nihil de fide Christi audierunt, ac proinde qui defectu notitiæ fidei, nullum auxilium sufficiens ad credendum habuerunt: & tamen certum est, huiusmodi gentilibus notitiam fidei aliaque auxilia ad credendum non esse denegata, nisi ad minus propter culpam originalem, sicque talis denegatio ipsis voluntaria fuit in capite: ergo luce meridiana clarius sentit, talem voluntarietatem in capite minimè ad inexcusabilem obligationem sufficere.

Explico hoc. Augustinus (teste Diuo Thoma Secunda Secundæ quæst. prima, articulo primo) sentit in illis testimonijs, dari aliquam infidelitatem negatiuam, id est talem, quæ non sit verè & propriè peccatum sicut contingit in illis qui nihil de fide audierunt: at si sentiret simul cum hoc, voluntarium in capite sufficere ad inexcusabilem obligationem; sentiret utique nullam dari talem infidelitatem, sed potius omnis infidelitas iuxta mentem eius esset peccatum: ergo apertè sibi contradicentia sentiret. Probo minorem. Nam

in illis qui nihil de fide audierunt, & sic credere non potuerunt, ipsa talis impotentia est saltem ex præcedente culpa originali: ergo est illis voluntaria in capite: ergo si hoc ad peccandum sufficit, quilibet illorum non credendo peccat, & ex consequenti, omnes sunt infideles contra-riè, & nullus negatiuè.

Imò non video, qualiter hic Iansenius sibi non contradicant: ut namque præcedenti capite patuit: docent hominem, quamuis omni gratia sufficienti destitutum, ab obseruantia legum minimè excusari: ac proinde nec à lege credendi; hic autem cum Augustino excusari dicunt à lege credendi, illum qui nullam gratiam ad credendum vnquam recepit. An ne forrè dicent (ut contradicatio euanescat) talem hominem non excusari quidem ab obseruantia legum naturæ, excusari verò à lege credendi, & cæteris supernaturalibus? Profectò si sic dicatur, nescio qua rationis disparitate dici queat. Quod enim alibi docet Iansenius, ignorantiam inuincibilem iuris naturæ ac proinde impotentiam illud adimplendi, esse pœnalem, sicque à culpa minimè excusare, ignorantiam verò inuincibilem iuris Diuini, & impotentiam illud faciendi, pœnalem non esse, sicque vice versà à culpa excusare; hoc reuera falsissimum est, & minimè ad rem. Falsissimum quidem, quia teste Sancto Thoma Secunda Secundæ, quæstione decima, articulo primo, infidelitas, si accipiat secundum negationem puram, sicut in illis qui nihil audierunt de fide, non habet rationem peccati; sed magis, pœna, quia talis ignorantia Diuinorum ex peccato primi parentis consecuta est. En qualiter ignorantia inuincibilis iuris Diuini sit etiam pœnalis: vnde & Augustinum superius de cuiuscunque iuris ignorantia indiscrimi-

Iansen.
to. 2. li.
2. ca. 6.
columna
310
& 311.

tim loquentem audiuius; *in ijs autem qui intelligere vel scire non poterant*, ipsa ignorantia est *pœna peccati*. Deinde etiam minimè est ad rem, nam siue ignorantia alicuius iuris sit pœnalis, siue non; eo ipso quòd invincibilis est, relinquit mihi hic & nunc legem prorsus impossibilem, non minus quàm sit impossibilis volatus, ut superiori capite ponderavi: ergo vel utraque excusat à peccato, vel neutra.

Aut fortè ad euadendam contradictionem dixerint aliter: nempe quando hominem sine gratia sufficienti ad credendum, à lege credendi excusant, se loqui de homine gentili, qui nihil vnquam de fide audiuit: quando verò etiam sine gratia sufficienti, hominem legi credendi inexcusabiliter subiiciunt, se loqui de homine fideli: quod proinde nulla est contradictio.

In contrà etiam est; quòd nec hac via contradictio dissolvitur: nam siue gentilis, qui nihil vnquam de fide audiuit; est verè impotens ad credendum, istaque impotentia est ei voluntaria in capite, ita pariter fidelis, si ponatur carere gratia sufficienti ad posse credere, est verè impotens ad credendum, & etiam ista impotentia non est ei voluntaria nisi in capite, si ponatur ipsi esse denegata talis gratia propter solum originale: ergo vel uterque à præcepto fidei excusatur vel neuter.

Tum etiam, quia hoc ipsum quod dicitur de homine fideli, est contradictio manifesta: nam si ex vna parte fidelis est; quomodo ex altera stat, quòd ad credendum careat gratia sufficienti? Nonne si fidelis est; necesse est, id ipsum habitum fidei esse præditum, & interdum etiam nonnullis inspirationibus supernaturalibus ad credendum in voluntate affici? Hæc certè auxilium sufficiens

constituunt, quo quis redditur potens credere, potentia per modum actus primi sufficientis. Ergo implicatio est, quòd fidelis sit, & quòd gratia sufficienti ad credendum careat. Nisi forte (ut alibi Iansenius insinuat) intelligant nonnòe gratiæ sufficientis, illam quæ non solum dat posse; sed & actu credere. Verùm hæc gratia, nec in Schola Thomistica, nec apud extraneos est gratia sufficiens, sed efficax: unde cum præter istam, nullam veram sufficientem in natura lapsa, nec etiam tempore præcepti Iansenitæ agnoscant; cogitur, velint nolint, ad Manichæismum, ut supra probauimus.

SED QUID QUID SIT DE HOC; utrum sibi contradicant vel non, satis superque demonstratum arbitror, solam voluntarietatem in capite ad culpam personalem in via Sanctissimi Præfultis Augustini minime sufficere. Nunc videndum restat, utrum Doctor noster Angelicus, eisdem quoque principijs innodet. Et pars quidem affirmatiua, vsque adeo mihi perspicua est, ut nec dimidio quidem oculo in scriptis eius iudicem posse præteriri.

PRIMO itaque arguor & adduco locum illum ex tertio contragentes, capite centesimo sexagesimo, qui sic habet. *Quamvis autem illi qui in peccato sunt, vitare non possint per propriam potestatem, quin impedimentum gratiæ prestent vel ponant (intellige aliquando seu vagè) ut ostensum est, nisi auxilio gratiæ proueniantur; nihilominus tamen hoc eis imputatur ad culpam, quia hic defectus ex culpa præcedente, personali (ut ex contextu patet) in eis relinquitur: sicut ebrius ab homicidio non excusatur, quod per ebrietatem committit, quam sua culpa incurrit. Præterea licet ille qui est in peccato, non habeat hoc in potestate, quòd omnino vitet peccatum, habet tamen*

Iansen.
tom. 3.
lib. 3. c.
15. c.
340 &
341.

Suprà
capite
præce-
denti §.
Sic ut-
get c. 11-
tra se.

pote-

potestatem nunc vitare hoc vel illud peccatum, ut dictum est: unde quodcumque committit, voluntarie committit, & ita non immerito imputatur ad culpam. Hic Diuus Thomas, postquam ostenderat impotentiam homini existentis in peccato, ad totius legis obseruantiam collectiuè, ut componeret cum hac impotentia, quòd illi non obseruantia legis imputetur ad culpam, recurrit vel ad hoc quòd carentia gratiæ quæ daret potentiam, est ei voluntaria propter peccatum personale præcedens: vel quia licet ille, qui est in peccato, non habeat hoc in propria potestate, quòd omnino, seu collectiuè peccatum vitet; habet tamen in potestate nunc vitare hoc vel illud diuisiuè, unde quodcumque committit in singulari, voluntarie committit: at si sentiret solum voluntarium in capite, ad imputabilitatem sufficere, isti recursus necessarii non essent: cum sufficeret istam impotentiam ex peccato originali contractam fuisse, ut Vincentius cum suo Iansenio contendit: ergo manifestè sentit, istud genus voluntarii ad personaliter peccandum non sufficere.

SECUNDO ad idem considero, id quod sibi obijcit quæstione vigesima quarta de Veritate, articulo duodecimo in septimo Argumento *sed contra*, ad probandum liberum arbitrium sine gratia, in statu peccati mortalis, posse peccatum mortale vitare. Ibidem ergo sic argumentatur, assumens idem prorsus principium ex Augustino, quod ego toto capite præcedenti Vincentio obieci. Secundum Augustinum (inquit) nullus peccat in eo quod vitare non potest: quia iam hoc esset necessarium: si ergo aliquis in peccato existens, peccatum vitare non posset, peccatum committendo, non peccat: quod est absurdum. En præsentem nostram difficultatem,

licet terminis generalioribus propositam. Sed quid quæso Angelicus Magister ad eam respondet? An ne quod Vincentius, hominem, licet impotentem ad vitandum, peccare; quia impotens factus est ex culpa originali? Nihil minus: sed in prius: *Ad septimum dicendum* (ait) quòd aliquis existens in peccato mortali, potest vitare omnia peccata mortalia auxilio gratiæ, ex communi scilicet lege paratæ: ad differentiam peccatorum venialium, quæ omnia collectiuè homo vitare non potest adhuc cum auxilio gratiæ ex communi lege, cum requiratur gratia specialissimi priuilegij. Deinde aliam solutionem subiungens potest etiam (inquit) ex naturali virtute singula vitare, quamuis non omnia: & ideo non sequitur, quòd peccatum committendo, non peccet. En dupliciter responderet, & in neutra profecto solutione fatetur (sicut Vincentius) hominem quidem esse impotentem: & nihilominus peccatum ei imputari, quia impotentia est ei voluntaria ratione peccati originalis, sed longè aliter philosophatur. Constantè adstruit & tuetur, ipsum potestatem habere vitandi, vel omnia mortalia collectiuè ex auxilio gratiæ communiter paratæ, vel saltem singula diuisiuè ex viribus naturæ, ne argumentum concludat, aliquem peccare in eo quod vitare non potest, nec per se, nec per gratiam communi lege paratam. Sentit ergo clarissimè, ad imputabilitatem non sufficere, quòd homo potestatem vitandi in suo capite habuerit, & quòd eandem in eodem capite perdiderit.

TERTIO argumentor ex eo quod supra libro primo ex Sancto Thoma annotaui: nimirum eum, quotiescumque repetit, quòd nullus peccat in eo, quod vitare non potest, profecto non solum loqui de primo homine ante pec-

Supra
lib. 1. c.
16. 6.
Sed con-
tra hanc
gloriam.

pec-

peccatum, seu prout erat in statu naturæ integræ; sed vniuersaliter de omnibus, prout modò sunt, etiam in statu naturæ lapsæ: quibus si auxilia si sufficiantia aliquando denegantur; certum est denegari propter culpam saltem originalem. Ergo dubio procul supponit, nos etiam in hoc statu minimè peccare, si casus sit, quòd absolutè simus impotentes ad peccatum vitandum, licet alias impotentes simus ex culpa originis nobis in capite voluntaria.

Q V A R T O ostendo idipsum à priori. Nam peccatum vt peccatum, debet esse voluntarium: ergo quo modo est peccatum, eo modo debet esse voluntarium. Ergo peccatum personale (qualia sunt nostra post peccatum Adæ) debet esse voluntarium voluntate personæ, & non solum voluntate naturæ in ipso capite. At peccatum originale, & ea quæ ex ipso in nobis relinquuntur, sicut inter cætera sunt, denegatio auxiliorum sufficientium, & non adimpletio præcepti defectu illorum, solum nobis voluntaria sunt voluntate naturæ, non voluntate personæ. Ergo hoc genus voluntarij est insufficiens, vt homini imputetur ad culpam personalem, præcepti non adimpletio. Et hæc ratio quæ est omnino demonstratiua & peremptoria, traditur expressis terminis à Dno Thoma, in Secundo, Distinctione trigesima, articulo secundo in Corpore. *Oportet (inquit) quòd secundum hoc, quòd aliquid rationem culpæ habet, secundum hoc ratio voluntarij in ipso reperiatur. Sicut autem est quoddam bonum, quod respicit naturam, & quoddam quod respicit personam, ita etiam est quædam culpa naturæ & quædam personæ. Unde ad culpam personalem requiritur voluntas personæ, sicut patet in culpa adultus, quæ per actum personæ committitur: ad culpam vero naturæ (qualis*

est peccatum originale) non requiritur nisi voluntas in natura illa. Idem docet opusculo secundo, capit. centesimo nonagesimo sexto. Quid vero clarius, quid euentius? Si ad culpam personalem requiritur voluntas personæ; ergo impotentia ex denegato auxilio sufficienti, in casu quo mihi voluntaria non sit, voluntate personæ; sed solum voluntate naturæ, sicut contingit, quæto merè propter originale infligitur, non est sufficiens ad inducendam culpam personalem. Vincenti, nimis apertè Sancto Thomæ, & veritati resistis.

Q V I N T O rem concludo, ex eo quòd non solum contradicat hæc doctrina Diuisi Augustino & Thomæ, sicut iam ostendimus, verum & ipsi Concilio Tridentino. Suppone concilium sessione quinta decreto de peccato originali circa finem, definiuisse tamquam certum de fide, motus sensualitatis non esse peccata. Et si verba desideras, hæc sunt. *Hæc concupiscentiam quam aliquando Apostolus peccatum appellat, Sancta Synodus declarat, Ecclesiam Catholicam nunquam intellexisse, peccatum appellari, quòd verè & propriè in rationali peccatum sit; sed quia ex peccato est, & ad peccatum inclinat: si quis autem contrarium senserit, Anathema sit.* Hoc supposito sic argueatur. Sequitur ex dicta doctrina Iansenitarum, omnes motus sensualitatis imputari homini ad culpam: at hoc consequens est hæreticum, vt patet ex concilio: ergo concilio quoque repugnat antecedens. Minor cum consequentia constant & sequelam maioris probat. Nam iuxta principium contrariorum quod impugnauimus, ad imputabilitatem sufficit, sequi causam voluntariam in capite, at omnes motus sensualitatis, talem causam sequuntur, nempe earentiam iustitiæ originalis, quæ nobis in capite volunt-

luntaria est : ergo sequitur , omnes motus sensualitatis imputari homini ad culpam .

Hæc omnia, Vincenti, vel evidentia sunt, vel omnino certa & Catholica, ita ut non possim iterum atque iterum, tuam opinionem non reprobare. Recole quæso attentius cuius dogmatis sis Magister, vel potius quàm absurdæ doctrinæ iuratum te discipulum præbueris.

C A P V T XII.

Idem principale assumptum ostenditur ab alio inconuenienti : quod videlicet sequatur ex opinione Vincentij, omnia humana negotia sub efficacia gratiæ tractu, posse euenire de necessitate absoluta, salua adhuc vera humani arbitrij libertate.

NON possum non post inconueniens capite decimo illatum, aliud quoque adijcere, idque grauißimum, quod ex opinione Vincentij vterius sequitur. Videlicet posse omnia humana negotia, quæ sub efficacia gratiæ tractu fiunt, euenire de necessitate absoluta, salua adhuc vera nostri arbitrij libertate.

Pro quo sciendum est primò ex Diuo Thoma prima parte, quæstione decima nona, articulo tertio in Corpore, quòd necessarium dicitur aliquod dupliciter, scilicet absolute & ex suppositione. Necessarium absolute iudicatur aliquid ex habitu dine terminorum, vt pote quia prædicatum est in definitione subiecti : sicut necessarium est, hominem esse animal sic autem non est necessarium sortem sedere, (quia scilicet Sortes ex se ipso non habet necessariam habitudinem ad sessionem) vnde non est necessarium absolu-

tè, sed potest dici necessarium ex suppositione : supposito enim quòd sedeat, necesse est eum sedere, dum sedet.

Ex quo sequitur, voluntatem tunc habere necessitatem absolutam respectu alicuius actus, quando in ordine ad obiectum actus ex se ipsa habet habitudinem necessariam. Sicut voluntas diuina habet necessitatem absolutam respectu amoris sui ipsius, quia ex se ipsa habet habitudinem necessariam ad suam bonitatem, quæ est obiectum proprium illius amoris. Sic docet Diuus Thomas loco citato. Tunc autem voluntas habebit necessitatem ex suppositione tantum (quæ etiam dicitur necessitas conditionalis) quando licet non adsit necessaria habitudo ex vi terminorum seu ex natura ipsa voluntatis, adest tamen necessaria habitudo ratione alicuius conditionis appositæ : modò conditio appositæ sit ipse actus voluntatis, vt dicendo, voluntas dum vult, necesse est eam velle, modò sit aliquid distinctum ab actu ; vt dicendo, voluntas dum efficaciter à Deo mouetur ad amorem, necesse habet amare.

Sciendum est vterius, nil communis, nil constantius à Doctõribus Catholicis dici, quàm, gratiam & prædestinationem non imponere rebus humanis necessitatem absolutam ; licet imponent necessitatem ex suppositione seu conditionalem. Ratio huius omnibus in promptu, nulla alia est ; quàm quòd tolleretur libertas arbitrij, si ex prædestinatione aut gratia, necessitas absoluta proveniret. Itaque licet sentiant necessitatem ex suppositione, seu conditionalem, cum libertate compati ; sustinent tamen vnanimiter necessitatem absolutam cum eadem libertate incompatibilem esse, hacque de causa minimè à gratia similem necessitatem imponi. Consultatur loco

loco omnium Diuus Thomas, qui huius Catholice veritatis indefessus est assertor. Prima parte, questione decima nona, articulo octauo quaerit, *Utrum voluntas Dei necessitatem rebus volitis imponat?* Et in Corpore respondet, quod *Diuina voluntas quibusdam volitis necessitatem imponit* (scilicet absolutam) *non tamen omnibus*. Et rationem reddiderat in argumento sed contra, *si eius voluntas imponat rebus volitis necessitatem* (absolutam) *sequitur quod omnia bona ex necessitate* (absoluta) *eueniant: & sic perit liberum arbitrium*. Et in responsione ad Tertium: *Quæ sunt* (inquit) *à voluntate Diuina, talem necessitatem habent, qualem Deus vult illa habere, scilicet vel absolutam vel conditionalem tantum: & sic non omnia sunt necessaria absolute, videlicet humana negotia, quæ ratione libertatis à necessitate absoluta immunia sunt*. Et iterum Primo contra gentes capite octuagesimo quinto in principio, *Diuina voluntas* (inquit) *contingentiam non tollit, nec necessitatem absolutam rebus imponit*. Et ibidem in fine, *Ex voluntate Diuina non potest concludi in rebus creatis necessitas absoluta: hæc autem sola excludit contingentiam, ac proinde libertatem*. Tandem questione vigesima quarta de Veritate, articulo primo, ad Decimum tertium sic fatur. *Dicendum quod ex præsentia Dei non potest concludi, quod actus nostri sint necessarij necessitate absoluta, quæ dicitur necessitas consequentis; sed necessitate conditionata, quæ dicitur necessitas consequentia*. Igitur apud Doctores Catholicos, gratia & prædestinatio non imponunt rebus humanis necessitatem absolutam, quia communi calculo similis necessitas censetur libertati arbitrij repugnare.

MOD' AVTEM SIC efformo inconueniens propositum. Quia nimirum sequitur ex opinione Vincen-

tij, omnia humana negotia sub efficacis gratiæ tractu posse euenire de necessitate absoluta, absque præiudicio libertatis: consequens est contra præallegatam doctrinam Diui Thomæ, & (vt rectè notat Suarez) *contra sententiam omnium, qui de libero arbitrio loquuntur: cum nil apud ipsos communius, quàm docere, quod gratia & prædestinatio necessitatem absolutam rebus non imponunt, vt arbitrij vera libertas saluetur: ergo opinio Vincentij, ex quæ tale quid sequitur, est à Scholis releganda*. Minor cum consequentia constat, & sequela patet dupliciter. Primò quia vt (libro primo dictum est) iuxta principia Vincentij, nulla necessitas voluntaria, etsi arctissima sit, ac proinde quamuis pertingat ad gradum necessitatis absolutæ, repugnat libertati arbitrij, imò quò atctior, eò magis facit voluntatem velle, & sic liberius velle, vt ipse loquitur: ergo tenetur fateri, omnia humana negotia sub efficacis gratiæ tractu posse euenire de necessitate absoluta absque præiudicio libertatis. Secundo quia (vt ibidem etiam dictum est) necessitas quæ inuenitur in productione Spiritus Sancti, & in amore beatifico, de se est sufficiens in eius opinione ad veram arbitrij libertatem: at istæ necessitates sunt absolutæ & non solum ex suppositione, cum sint ex ipsa habitudine terminorum iuxta præallegatam Diui Thomæ Doctrinam: ergo cum simili necessitate poterunt omnia humana negotia sub tractu gratiæ, absque præiudicio libertatis euenire.

SI FORTE DICATUR, iuxta Vincentium, necessitatem absolutam conpati quidem cum libertate arbitrij essentiali; non tamen cum libertate arbitrij accidentali seu contradictionis: & cum inter humana negotia, plurima etiam sint, quæ cum

Suarez
3. part.
dist. 37
sect. 2.
§. Tertio
probat

Lib. 1.
cap. 1.
& 2.

cum libertate accidentali seu contradictionis exerceantur; ideo ex eius opinione non sequi, omnia humana negotia posse de necessitate absoluta evenire, salva arbitrii libertate; quia licet cum tali necessitate saluaretur libertas arbitrii essentialis; non saluatur tamen omnis libertas absolutè, nimirum accidentalis seu contradictionis, quam etiam constat rebus humanis intervenire.

In contra est: quia inconueniens à nobis illatum, non loquitur de omnibus humanis negotijs absolutè: sed solum de omnibus quæ sunt sub efficacis gratiæ tractu: at illa quæ sunt sub efficacis gratiæ tractu in opinione Vincentij non sunt libertate contradictionis, sed sola libertate essentiali, cum qua necessitas absoluta compatibilis est, ut solutio fateatur: ergo inconueniens illatum subsistit: nimirum omnia negotia humana, saltem illa quæ sunt sub tractu gratiæ, posse evenire de necessitate absoluta, salva eorum libertate. Maior cum consequentia constat, & minorem probat: nam libertas contradictionis est illa, quæ potest agens in opposita pro eodem instanti: at in opinione Vincentij, humana negotia non sunt sub tractu gratiæ, tali libertate, ut possit agens in opposita pro eodem instanti, cum iuxta eius principia solum possit voluntas in oppositum, *excessu præsentis prædeterminatione non ea retenta*: ac proinde non pro eodem sed pro diuerso instanti: ergo humana negotia quæ sunt sub efficacis gratiæ tractu in opinione Vincentij non sunt libertate contradictionis, sed sola libertate essentiali.

Nec valet dicere, libertatem contradictionis non consistere in potestate ad duo opposita pro eodem instanti, proxima; sed solum in potestate pro eodem instanti proxima ad

unum extremum & remota ad aliud: in quo sensu Vincentius saluat sub tractu gratiæ voluntatem agere cum potestate ad opposita pro eodem instanti, ac proinde saluat libertatem contradictionis.

Non inquam valet; nam hæc negatio supra lauculenter impugnata est; dum ostendimus ad omnem veram libertatem, requiri potestatem ad opposita pro eodem instanti, non qualemcumque sed proximam ad utrumque extremum.

VNDE SI ALITER DICATUR, concedendo tandem proximam potestatem ad utrumque extremum pro eodem instanti requiri, sed dicendo hanc à Vincentio sub efficacis gratiæ tractu in humana voluntate non negari; nisi ad summum in sensu composito, loquendo scilicet de potestate proxima consequente, quæ est potestas coniungenda cum negatione actus, non autem de potestate proxima absolutè.

In contra est primò: quod si hoc Vincentius fateatur; fateor & ego, me nullam prorsus litem in materia efficacis gratiæ, cum ipso habere, nec habere velle. Hoc enim iam est Thomisticè sentire & loqui, ad minus in illo puncto efficaciæ. Si namque solum negat stante prædeterminatione gratiæ potentiam proximam ad oppositum, consequentem, non autem potentiam proximam ad oppositum, antecedentem seu absolutam; in nullo prorsus à sensu Thomistico recedit.

Sed contra est secundò, quòd similem explicationem verba Vincentij minime admittunt.

PRIMO: quia si veram potestatem proximam, antecedentem seu absolutam stante gratia constituitur; cur docet voluntatem prædeterminatam non aliter posse in oppositum quam præsentis prædeterminatione excessu,

Supra
l. 2. c. 4.
sect. 3.
Hæc replicat.

Epist.
ad
Faventium
128. 22

Epist.
ad Pe-
trium
pag. 21
§. hoc est
"prior."

missa, non ea reserata? Certe si voluntas stante gratia pro eodem instanti est verè proximè potens ad oppositum, licet potentia antecedente seu absoluta; ergo absolute prædeterminatione retenta potest proximè severtere in oppositum & non solum ea excussa.

Epist.
Petri.
pag. 22

Explico hoc: nam verba Vincentij hac in parte sunt huiusmodi. Hoc est opinor quod dicere voluit Thomistæ Doctores, quando aiunt voluntatem prædeterminatam posse revertere se in oppositum, in sensu diuina, non in sensu composito; id est excussa præsentis prædeterminatione, non ea reserata. Ergo Vincentius cū illis Doctores Thomistis quos sibi ipse confingit; negat veram esse stante prædeterminatione hanc propositionem. Voluntas prædeterminata potest revertere se in oppositum; hæc autem propositio si Rudimenta Thomistica consulantur, facit ex propria forma verborum sensum diuisum, non verò compositum; sicque non importat potentiam proximam consequentem, sed solum potentiam proximam antecedentem. Ergo si illam negat; negat utique pro instanti prædeterminationis potentiam proximam antecedentem. Quod autem prædicta propositio solum faciat sensum diuisum, nō compositum, luce meridiana clarius est. Lege Diuum Thomam opusculo 4. de Modalibus, & Magistrum Soto libro tertio summarum, & sic docentes inuicem; nimirum quod modalis diuisa, quæ sensum diuisum facit, est illa, in qua modus interponitur inter partes dictæ; vt prædestinatus potest damnari, album potest esse nigrum. Cuius forma est quoque nostra propositio; voluntas prædeterminata potest revertere se in oppositum; ad differentiam modalis compositæ, in qua modus vñ interponitur inter partes dictæ, sed potius totum dictum subij-

citur & modus prædicatur; dicendo. prædestinatus damnari, est possibile: album esse nigrum, est possibile: voluntatem prædeterminatam se revertere in oppositum, est possibile.

SECVNDO: quia in quodam loco suæ Theriacæ, explicans qualiter in illo instanti, quo voluntas se determinat, cum ea determinatione componatur appetitudo voluntatis, non restricta ad illud nomen latius, quo potentia se determinat; sed expansa usque ad oppositum; expressissimè definit: hoc non sic debere intelligi; quasi semper voluntas illo instanti tam proximè ad suspensionem actus quàm ad eliciendum, actum accincta sit,.... sed quia rationes, aliquæ subsunt, quas voluntas sibi applicare potest, propter quas actum suum suspendere possit. Quod idem alijs verbis postea prosequitur. Licet actui positiuo libero (inquit) qui eo instanti elicitur, in eadem voluntate coniungatur potestas ad suspendendum, actum; non tamen proxima & accinctissima est; est tamen talis potestas sit, quæ per imperium suum & applicationem intellectus ad conquirendas rationes possit se ad potestatem suspensioni proximam promouere. Ecce quàm disertè doceat, ipso instanti liberæ operationis, esse quidem in voluntate potestatem ad oppositum, non tamen proximam; sed solum remotam, vt pote qua solum possit per alia quæ tunc non adsunt, sed ad potestatem suspensioni proximam promouere.

TERCIO: quia alio in loco expressissimè approbat ex Bellarmino, in quaui electione (vix scilicet, ac proinde etiam in illa quæ fit sub efficacis gratiæ tractu) necessitatem illam se ingerere, quæ in amore beatifico interuenit; at talis necessitas excludit potestatem proximam ad oppositum, cum (vt modò suppono.) sit necessitas absoluta & ex ipsa habitudine terminorum, voluntatis scilicet ad bonum.

In The-
ria. l. 1.
c. 16. §.
Sicitur
& §. Ex
quibus
tam.

In The-
ria. l. 1.
c. 13.
§. Vnde
quod ma-
gis.

bonum infinitum clarè visum: ergo sub efficacia gratiæ tractu, talem potestatem admittere non potest.

P R Æ T E R Q V A M quòd & hoc amplius ad rem nostram adiicio: nèpe Vincetium, siue sub efficacia gratiæ tractu potestatem proximam ad oppositum de facto saluet, siue non; eisdem non euadere inconueniens illatum. Illud namque non est, quòd ex opinione eius sequatur omnia humana negotia sub instanti gratiæ euenire secundum necessitatem absolutam de facto; sed præcisè quòd sequatur, posse euenire de possibili, licet de facto aliter eueniant. Ergo quamuis admissa potestate proxima ad oppositum euadat, negotia nostra de facto cum tali necessitate non euenire; non tamen euadit, non posse sic euenire; quod præcisè, & nil aliud nos in præfenti intendimus.

Itaque (vt vno verbo dicatur) secundum Vincetium, quæcumque necessitas voluntaria, etiam pertinens vsque ad gradum necessitatis absolutæ, ac proinde quæ omnem prorsus potestatem ad oppositum excludat, est de se compatibilis ad veram libertatem sufficientem ad meritum: ergo esto saluaret actus liberos nostros meritorios sub tractu gratiæ, non euenire de facto cum tali necessitate; tenetur tamen fateri, posse cum tali necessitate euenire salua manente vera & integra ratione meritoriz libertatis. Patet consequentia, quia possibile est, rem euenire cum omni eo, quod cum ipsius vera & propria ratione compatibile est: ergo si cum vera & propria ratione meritoriz libertatis, compatibile est quæcumque talis necessitas, poterit sanè cum quacumque tali euenire, absque eo quod vel in minimo lædatur humani arbitrij aut meritum aut libertas. Quod si verum est, nescio profecto qualiter non

vanus sit totius Ecclesiæ Catholice labor & conatus in releganda tanto studio à prædestinatione & gratiâ, necessitate absoluta. Si namque cum eadem (quantumuis arctissima) & libertas & meritum in humanis actibus adhuc illaesa subsisterent; cur quæso tanta cum sollicitudine, hanc, ne ista læderetur, relegaret? Vide iterum, Vincenti, (vt superiori capite etiam monui) qualis dogmatis sis magister: tale quippe est, si verum est; vt totius Ecclesiæ conatum circa prædestinationem & gratiam, tamquam vanum & irritum eludere, manifestè probetur.

S E D Q V I A H V I V S M O D I, non leuiter partem tuam premere conspiciuntur, fortè dices, necessitatem absolutam, quam Ecclesia conatur relegare à prædestinatione & gratiâ, tamquam libertati & merito incompatibilem; nou esse qualem eumque necessitatem absolutam, verbè gratia, voluntariam; sed solum talem, qualis conspicitur in rebus naturalibus. Vnde Sanctus Thomas (inquis) cum sibi prima parte, questione vigesima tertia, articulo primo in primo Argumento obiecit Damascenum dicentem; *Omnia quidem præcognoscit Deus; sed non omnia prædeterminat*, respondet, quòd *Damascenus nominat prædeterminationem, impositionem necessitatis, sicut est in rebus naturalibus, quæ sunt determinatæ ad vnum*. Ac proinde, modò voluntas à prædeterminatione, more agètiū naturalium non necessitetur, satis erit, vt iuxta mentem Ecclesiæ, sua ei libertas constet, licet aliàs arctissima necessitas voluntaria adest, omnis prorsus potestatis ad oppositum expers.

Respondeo, quòd ista solutio saluum assumit: & Ecclesiam relegare à prædestinatione & gratiâ, etiam necessitatem absolutam voluntariam,

Epist.
ad Pe-
troulu
pag. 30
§. Vñ
vñio.

riam, probo multipliciter.

PRIMO ex doctrina citata Diui Thomæ, in principio huius capituli, ex prima parte, questione decima nona. Ibidem enim postquam articulo tertio definierat necessitatem absolutam esse illam, quæ est ex habitudine terminorum, & exemplificauerat in amore voluntario Dei respectu sui ipsius: postea articulo octauo docet, voluntatem Diuinam, rebus volitis talem necessitatem non imponere, ne libertas pereat: ergo apertissimè sentit necessitatem absolutam, etiam voluntariam, cum libertate humanorum actuum esse incompatibilem, ac proinde ab eisdem omnino relegandam. Patet consequentia, quia excludens à libertate necessitatem absolutam, talem indubiè excludit, qualem autè definierat & exemplificauerat: ergo si definierat & exemplificauerat in necessitate absoluta voluntaria; illà etiam absq; dubio excludere voluit.

SECUNDO: quia idèò necessitas talis, qualis conspicitur in rebus naturalibus, est à gratia & prædestinatione releganda, quia est necessitas absoluta & ex habitudine terminorum, quæ ex principijs sibi intrinsecis aliter se habere non potest: at etiam necessitas voluntaria potest esse talis ac tanta, vt sit absoluta & ex vi terminorū, ita vt ex principijs sibi intrinsecis aliter se habere non possit, vt patet in amore Dei increato, & in productione Spiritus Sancti: ergo similes necessitates in tali gradu, sunt pari passu tamquam omnino incompatibiles cum libertate à gratia, & prædestinatione relegandæ.

Explico hoc. Quòd aliqua necessitas sit sicut necessitas naturalis, potest dupliciter intelligi: vno modo, quòd sit sicut necessitas naturalis, etiam entitatiuè & materialiter; alio

modo quòd sit sicut necessitas naturalis solum formaliter, id est, quantum ad rationem formalem necessitatis. Sicut ostendi potest exemplo necessitatis ex suppositione: ista enim duæ necessitates ex suppositione, *neceffe est canem currere, dum currit, & neceffe est hominem sedere, dum sedet*, sunt quidem similes formaliter quantum ad rationem formalem necessitatis ex suppositione, non tamen similes materialiter seu entitatiuè, quia potius sunt in dissimili materia, dissimilibusque subiectis. Necessitas ergo absoluta voluntaria & intellectualis, quæ est absq; villa prorsus potestate ad oppositum, licet non sit sicut necessitas rerum naturalium, entitatiuè & materialiter, cum non sit necessitas cuiusdam bruti: sed potius rationalis voluntatis; est tamen sicut necessitas naturalis formaliter, videlicet quoad rationem formalem necessitatis, cum sit æquè absoluta, æquè ex habitudine terminorum, æquè determinata ad hoc vnum, ac necessitas brutorum, & cæterarum rerum naturalium: ergo non est, cur hæc non ita sollicitè relegetur à libertate humanorum actuum, ac illa altera. Probo consequentiam, tum quia necessitas inuenitur obesse libertati, potius ratione sui formalis, quàm ratione sui materialis. Tum etiam, quia hæretici nostri temporis, non ponunt (sicut teste Diuo Thoma questione sexta, de Malo, articulo vnico quidam antiqui) intellectum non differre à sensu, sed potius essentialem inter vtrumque differentiam agnoscunt: ergo quando necessitatem absolutam nostris actibus sub motione diuina affigant, non affigunt profecto necessitatem aliquam, quæ entitatiuè sit sicut necessitas alicuius rei puræ naturalis seu sensitiuæ, sed ad summum necessitatem, quæ quoad rationem

formalem necessitatis talis sit, nempe tam absoluta, tam ex habitudine terminorum, tam determinata, denique ad vnum sicut illa: & tamen hoc non obstante ab Ecclesia damnantur tanquam liberi arbitrij eueriores: ergo damnabilis est non solum necessitas entitatiue naturalis sed etiam voluntaria in eo gradu, quod naturali necessitati quoad rationem formalem necessitatis æqualis sit.

Et per hoc patet explicatio ad locum Diui Thomæ quem Vincentius inducebat. Quando enim docet ex Damasceno à voluntate seu prædeterminatione diuina non imponi nostris actibus necessitatem, sicut est in rebus naturalibus, ly sicut, non tam dicit similitudinem entitatiuam seu materialem (cum taleni non imponi, sit res notissima etiam inter hæreticos) quam similitudinem formalem, seu illam, quæ dicit conuenientiam in ratione formali necessitatis: ita vt mens illius sit, relegare à prædeterminatione & gratia, omnem impositionem necessitatis, quæ æquè absoluta, æquè ex habitudine terminorum, æquè ad vnum determinata sit, ac necessitas quæ in rebus naturalibus conspicitur, licet aliàs entitatiue seu materialiter diuersa sit. Præterquam quod in phrasi Sancti Doctoris, nomineretur naturalium, etiam venit voluntas, vt natura quædam est, sicut ceteræ res naturales, vnde (vt supra vidimus) quosdam etiam motus ipsius vocat naturales: quapropter quando hic dicit, non imponi necessitatem sicut est in rebus naturalibus, manifestè comprehendit etiam illam necessitatem, quæ inest voluntati operanti per modum naturæ absque ulla prorsus indifferentia. Nil ergo Vincentius ex loco adducto concludit.

In confirmationem horum addu-

ci possunt vterius ea, quibus Priori libro probauimus, Vincentium non euadere censuram Diui Thomæ in questione sexta de Malo; cui loco similem explicationem adhibebat, sicut hic nostro Argumento adhibet, videlicet D. Thomam solum damnare necessitatem brutalem, stoicam &c. quod ibidem fusè impugnatum est.

CAPVT XIII.

Idem assumptum ostenditur ab alio inconuenienti, quia videlicet sequitur ex opinione Vincentij, omnes electiones humanas sub efficacia gratiæ tractu de facto fieri absque contingentiâ.

VINCENTIVS DOCET, vt iam sæpius inculcatum est, in quauis electione viz illam necessitatem se ingerere, quæ in amore beatifico interuenit, alleritq; hoc non obstâre, libertatem minimè euerit; quia illa necessitas non est coactionis, non violentiæ, non fixa, non dominans; sed necessitas merè simplex & coactionis experta: de qua & ipse quodam in loco suæ Theriacæ sit fatur: *Talis est necessitas in amore beatifico, in The*
imo in omni electione, quando voluntas
omnibus consideratis ex vnicò vltimo iudicio practico se resoluit, si Aristoteli, & Sancto Thomæ, Peripateticis, & Thomistis, si Bellarmino credimus, qui libro tertio, capite octauo de Gratia & Libero Arbitrio docet, voluntatem in eligendo sequi necessariò iudicium vltimum practicum, nec fieri posse, vt actum suum magis suspendat, quàm Beati ab amore beatifico cessare valeant. Itaque ex mente Aristotelis, Diui Thomæ, & Peripateticorum vult verum esse hoc prin-
ci-

Suprà
l. i. cap.
14. sect.
2. §. Sed
vix nunc
videtur.

Suprà
l. i. c. 5.
per to-
tum &
c. 6. §.
Dominus
appt.

In The
tiæ. l. 2.
cap. 2.
sect. 1.
§. Vnde
iam san-
citur.

eipsum; videlicet voluntatem in via, tali necessitate in electiones suas se de facto resolvere, quali se resoluit in amore beatificum voluntas beati. Sed sanè quàm absurda sit hæc Philosophia, consideret Lector ab inconuenienti, quod modo contra eam efformo.

SEQUITVR NAMQVE ex tali positione, omnes electiones humanas sub efficacia gratiæ tractu fieri absque contingentia: consequens non est Catholicum. Ergo sequela patet, nam positio adstruit, illas fieri tali necessitate, quali sit amor beatificus: at ille sit absque contingentia: ergo & electiones humane absque contingentia fiunt.

Huic syllogismo nil potest responderi, nisi negando amorem beatificum fieri absque contingentia: & videtur certè à Vincentio negari, dum inquit, *quod voluntas Beati, visionis illius ductum, satis laxè, sponte, voluntariè, liberè & contingenter (quantum est ex parte modi incendiendi eius) sequitur.* En ubi docere videtur, amorem beatificum, esse contingentem, seu fieri quantum est ex parte modi, cum contingentia.

Sed hæc responsio, præterquam, quod est contra omnes Thomistas, qui amoris beatifico omnem veram contingentiam contra Scotum denegant, est sufficienter à nobis impugnata, dum supra ostendimus, nullam nec ex parte nodi agendi reperiri potentiam ad oppositum respectu actuum, qui specificatiue & eliciuiue sunt necessarii, qualis inter reliquos est amor beatificus. Si namque (ut ibidem demonstratum est) non eliciuntur cum potestate ad oppositum, etiam quantum est ex parte modi; quamnam quæso contingentia ex parte modi rursus inesse potest? Profecto contingentia alicuius actionis in eo sita est, quod actio possit esse vel

non esse ex vi suorum principiorum: ergo si actus omnino necessarii, ne quidem ex parte modi, hanc possibilitatem habent, cum eorum principia sint ab intrinseco determinata ad essendum tantum; utique omnis contingentia expertes sunt.

Verum non solum contra Thomistas est hæc responsio, sed teste Doctore extatico & planè diuino, Dionysio Carthusiano, est quoque communis doctrina Doctorum contraria: nam, veram contingentiam seu vllam possibilitatem ad oppositum, menti beati inesse circa Dei amorem, negant (inquit) ille, *vir verè heroici & perfecti mysticæ Theologiæ eminenter experti, Augustinus, Bernardus, Thomas, Hugo, Alexander, Bonaventura & similes eis. Et sicut ex Guiljelmo Parisiensi viro profundi sensus ac seruido, modò inductum est, aliter sentire, est hominis prorsus ignari, qui diuinæ naturæ proprietates & animarum naturam nec ad modicum nouit.*

Deinde non minus est contra proprium suum Authorem. Nam ipse alibi fatetur cum Diuo Thoma, prima parte quæstione sexta, articulo ultimo, verissimum esse; *quicumque videt Deum per essentiam, impossibile est, quin diligat ipsum.* Ex quo etiam cum reliquis Thomistis infert, impossibile esse ut Beati voluntas cessationem illius amoris sibi imperet: atque adeo lentit, necessariò amare necessitate ab intrinseco seu ex natura rei, absque omni indifferentia, quoad exercitium: qua ergo via potest simul cum ista necessitate in eodem amore adstruere contingentiam? Certè Scotus qui amorem hunc simpliciter contingentem prædicauit, consequenter ab eodem necessitatem intrinsecam & ex natura rei, relegauit; utpote cum similis necessitas directè contingentia opponatur. Ergo Vincentius ex vna

Dionysius carthusianus in 4. dist. 49. q. 5. §. In cuius dicitur.

In Theologia L. 1. c. 16.

In Theologia lib. 1. c. 28. §. Et ita.

Supra l. 1. c. 4. sect. 2. per totam.

parte cum Thomistis affirmās, amorem illum ex natura sua & ab intrinseco esse necessarium, & ex alia volens cum Scoto in eodem anore adstruere contingentiam; apertissime ponit duo directe sibi contradictoria.

Facit insuper contra dictā resolutionem (quod & hic potissimum intendendo) quod saltem poterit dici, humanas electiones sub efficacia gratiæ tractu, non euenire cum maiori contingentia, quā eueniat amor beatificus sub ductu claræ visionis: & hoc certè ambas meas aures tinnire facit, Vincenti, nescio cur non tuas. Lege Diuum Thomam Prima Secundæ quæst. decima, articulo quarto, & non sine ratione hoc à me dici inuenies. Probat ibi Angelus præceptor Authoritate Scripturæ, Ecclesiastici decimo quinto, *Deus ab initio constituit hominem, & reliquit eum in manu consilij sui*; hæc propositionem: *sic Deus voluntatem mouet, quod non ex necessitate ad vnum determinet, sed remanet motus eius contingens, nisi in his ad quæ natura iter mouetur*, qualiter indubiè mouetur in amore beatifico & in omni actu simpliciter necessario, vt ostensum est supra: sentit ergo contra Scripturam esse, motus electiuos nostræ voluntatis non esse aliter contingentes, quam sit Amor beatificus, cui perspicuè omnino, ibi contingentiam denegat, ad minus talem, qualem habent motus nostri liberi in via. Quod autem contrarium ex tua positione sequatur, pater manifestè: nam ponis electiones viæ (vt supra vidimus) tali necessitate fieri, quali sit amor beatificus: ergo siue amor ille sit contingens, siue non; hoc saltem habemus, electiones nostras non habere maiorem contingentiam quā habet ille amor. Patet consequentia, quia inter ea quæ sunt æquali necessitate, vnum

non potest esse magis contingens quā aliud.

C A P V T XIV.

Idem assumptum ostenditur ex propositione damnata in Bulla Pij Quinti; Quod voluntariè fit, etiam si necessitate fiat, liberè tamen fit.

SCIRE oportet pro intelligentia tituli, quondam in Academia Louaniensi grauem fuisse inter Doctores contentionem, grauesque tumultus. Id in causa erat, quod quidam inter ipsos, etiam Doctorem nomine Michael Baius, præcipuus illius Academiæ, & magnæ in ea auctoritatis, non solū doceret plurimas propositiones à veritate alienas; sed & insuper contra sententias aliorum Doctorum acerrimis censuris insultaret. Ad componendas igitur, seu potius ad compellendas has lites edita fuit à Pio V. anno 1567. secundo verò sui Pontificatus, Bulla quædam, quam postea Gregorius XIII. anno 1579. sui vero Pontificatus anno octauo confirmauit: in qua Bulla prædicti Pontifices, tum vt Catholicam veritatem stabilirent, tum vt omnem occasionem scandali è medio tollerent, plurimas illas Baij propositiones hoc tenore damnarunt. *Quas sententias stricto coram nobis examine ponderatas, quamquam nonnullæ aliquo pacto susineri possent; in rigore & proprio verborum sensu ab assertoribus intento, hæreticas, erroneas, suspectas, temerarias, scandalosas, & in pias aures offensionem immitcentes, respiciuè, & quæcumque superius verbo scriptoque emissa, præsentium auctoritate damnamus, circumseribimus, & abolemus.*

Inter

Suprà
l. 1. c. 5.

Suprà
l. 1. c. 2.
9. Terrè
d. m.
l. 1. c. 10

In The
riaca l.
2. cap. 7
sect. 6.

Inter huiusmodi autem sententias, vna continetur, quæ ad rem nostram facit: nimirum; *Quod voluntariè fit, etiamsi necessitate fiat; liberè tamen fit.* Quam propositionem cum reliquis eiusdem Authoris in Bulla recensitis, ab illis Pontificibus esse damnatam, nullus est qui ambigat & ipsi quoque Vincentio constans est, dum alibi in Theriaca sic satur. *Quam propositionem meritò in Lutheranis & Calvinistis, eo sensu damnat Pontifex, quo Ecclesia olim in Manicheis, Stoicis, Astrologis, Abailardo, Vnicuerso eam damnauit.*

Sed probemus iam opinionem Vincentij, huic damnationi directè opponi. Pro quo rursus scire oportet, in prædicta propositione, *Quod voluntariè fit, etiamsi necessitate fiat, liberè tamen fit;* subiectum propositionis supponere determinatè. Ratio sumitur ex regula, quam circa suppositionem determinatam communi calculo tradunt Dialectici: inquirunt enim, quòd terminus communis, aut nullo signo, aut signo particulari determinatus: supponit determinatè: at tale est subiectum nostræ propositionis; ergo supponit determinatè. Minor patet: nam subiectum est totum hoc, *Quod voluntariè fit, etiamsi necessitate fiat,* quod æquiualeat huic complexo, *actus qui voluntariè fit, etiamsi sit necessarius:* hoc autem subiectum est terminus communis, nullo signo determinatus, licet afficiatur relativo, quod est pars extremi: ergo subiectum istius propositionis est terminus communis nullo signo determinatus: ac proinde (vt diximus) supponit determinatè.

Explico hoc à simili: nam istæ duæ propositiones, *Quòd est rationale, etiamsi sit binnibile, est homo, & omne quod est rationale, etiamsi sit binnibile, est homo,* sunt quoad speciem suppositionis omnino similes his; *Quòd est*

voluntariu, etiamsi fiat necessariò, sit tamen liberè; & omne quod est voluntarium, etiamsi fiat necessariò, sit tamen liberè; at in duabus primis subiectum primæ supponit determinatè, & subiectum secundæ distributiue: ergo pariter in nostro casu, subiectum primæ determinatè supponet, licet distributiue supponat subiectum secundæ: ac per consequens in hac propositione, *quod voluntariè fit, &c.* subiectum supponit determinatè.

Ex hoc sequitur, quòd ad sui veritatem, non petat nisi vnā singularem veram: verbi gratia, quòd detur hic & nunc aliquod voluntarium, etsi factum necessariò, factum tamen liberè. Sicut namque propositio cuius subiectum supponit distributiue, petit ad sui veritatem, quòd prædicatum conueniat omni singulari contento sub subiecto; ita propositio, cuius subiectum supponit determinatè, non petit nisi quòd conueniat vni tantum.

Hoc igitur prælibato, sic arguamur: & probò Vincentium ad lapidem damnationis seu censuræ Pontificum, pedem suum offendere. Nam supposita eius sententia tamquam vera, damnata illa propositio est pariter vera. Ergo dicendum est, sententiam eius damnationi Pontificum directè opponi. Constat consequentia, & antecedens probò: nam propositio determinatæ suppositionis ex parte subiecti, cuius vna singularis est vera, tota est vera, seu vera simpliciter: at propositio illa damnata, est ex parte subiecti determinatæ suppositionis, vt iam explicauimus: & supposita sententia Vincentij habet vnā singularem veram: ergo tota est vera, seu vera simpliciter. Consequentia iterum constat, & probò id in quo est difficultas, nempe quòd habeat iuxta principia Vincentij vnā singularem veram: ipse

Suprà
l. c. 10
& 11.

namque (vt suprà diximus) docet hominem peccare contra præceptũ, affirmatiuum etiam in casu, quo omnino impotens est illud peccatũ euitare: & ex consequenti tunc datur aliquod voluntarium, nimirum culpabilis omisso istius præcepti, quæ licet omnimoda necessitate fiat, tam exercitij, quàm specificationis; simul tamen (vt ipse vult) verè liberè fit. Ergo hæc propositio; *Quod voluntariè fit, etiamsi necessitate fiat, liberè tamen fit*, in eius opinione habet vnã singularem veram, ac proinde tota est vera seu vera simpliciter.

SEID DICES, in eius opinione, nullam habere singularem veram in sensu formali, id est, prout formaliter est damnata, in sensu quem intendebat Baius: licet habeat singularem veram absolutè, seu vt termini sonant. Vnde non sequitur, doceri à Vincentio propositionem, in sensu quo est damnata; sed solum quòd doceat propositionem, quæ cum damnata, materialiter tantum & sono vocis conuenit.

CONTRA multipliciter. Primò, quia gratis dato, quòd solum doceat propositionem damnatam materialiter, seu in sono vocis; ad minus sequitur, Vincentium damnatis vocibus uti, non quidem secundum sensum; sed secundum sonum verborum: quod quàm parum Magistris Catholicos deceat, consideremus paulò fufius ex varijs documentis Sancti Thomæ.

In primis Tertia parte, quæstione decima sexta, articulo octauo in Corpore: Respondeo (inquit) dicendum, quòd (sicut Hieronymus dicit) ex verbis inordinatè prolatis incurritur hæresis: vnde cum hæreticis nec nomina debemus habere communia, ne eorum errori fauere videamur. En cum hæreticis non solum nõ communè sensum; sed nec nomina debemus habere cõ-

munia, Si ergo Vincētius voces damnatas seu nomina damnata approbat (esto alium sensum intenderet) reuera more Catholico non procedit.

Rursus prima parte, quæstione trigesima prima, artic. secundo in Corpore, postquam ex Hieronymo idem docuerat, quòd ex verbis inordinatè prolatis incurritur hæresis; concludit in rebus fidei cum cautela & modestiã esse agendum, vitando scilicet nõ solum sensus damnatos sed etiam damnatas voces, seu nomina. Cuius rei nonnulla adfert exempla in mysterio Trinitatis, dicens; ad euitandum errorem Arrii, vitare debemus in diuinis, nomen diuersitatis & differentia, ne tollatur vnitas essentie..... ne autem tollatur simplicitas diuinæ essentie, vitandum est nomen separationis & diuisionis..... ne autem tollatur aequalitas, vitandum est nomen disparitatis: ne verò tollatur similitudo, vitandum est nomen alieni & discrepantis &c. Ecce vbi omnia illa nomina, ad euitandum errorem Arrii, vitanda esse docet, licet nonnulla sanum sensum possent admittere, imò & fortè in aliqua scriptura autentica inueniantur. Ergo similiter ad euitandum errorem Baii, vitanda sunt hæc nomina seu hæc voces; quòd voluntariè fit &c. esto sanum aliquem sensum possent admittere. Ad quid ergo similem loquelam in Scholas conatur inuehere Vincentius?

Deinde audiamus aliud eiusdem Sancti Doctoris documentum ex eadem prima parte, quæst. trigesima tertia, articulo primo ad Secundum. Apud Græcos (inquit) inuenitur de Filio vel Spiritu Sancto dici, quòd principientur: sed hoc non est in vsu nostrorum Doctorum: quia licet attribuamus Patri aliquid authoritatis ratione principij, nihil tamen ad subiectionem vel minorationem quocumque modo pertinet, attribuimus Filio vel Spiritui Sancto: vt vitetur omnis erroris occasio. Ecce iterum,

tum, vbi docet Filium in diuinis non debere dici principiatum, nec etiam Spiritum Sanctum sic debere appellari, vt vitetur omnis erroris occasio: licet in sano sensu tam Filius quam Spiritus Sanctus à Græcis dicatur principiatum. Ex quo rursus concludo (vt pariter vitetur omnis Baiani erroris occasio) voces Baij damnatas à Schola Catholica esse relegandas, esto eundem sensum quis non intenderet.

Accedat illud quod habet eadem parte, quæst. vigesima nona, articulo secundo ad secundum, quia nomen substantia quod secundum proprietatem significationis respondet hypostasi, æquiuocatur apud nos, cum quandoque significet essentiam, quandoque hypostasim; ne possit esse erroris occasio, maluerunt doctores nostri, pro hypostasi transferre subsistentiam quam substantiam. Vnde quæstione trigesima, articulo primo ad primum inferunt, nos non consueimus dicere, tres substantias, ne intelligerentur tres essentia propter nominis æquiuocationem. Docet Ecclesiæ Latinæ Doctores fateri quidem in Diuinis tres subsistentias, non tamen tres substantias; quia hoc nomen substantia apud Latinos est æquiuocum pro essentia, & pro subsistentia: & sic dicendo dari in Deo tres substantias; fortè esset occasio credendi tres essentias, quod est erroneum. Apertissimè innuens ab ore Catholicorum releganda esse nomina, quæ sunt æquiuoca ad sensum verum, & ad sensum damnatum. Ergo esto admitteretur, hanc propositionem; quod voluntariè sit, etiamsi necessitate fiat, liberè tamen sit, habere aliquem sensum verum, vt docetur à Vincentio; tamen quia æquiuoca est, & simul habet alium sensum damnatum, omnino ab ore Catholici Doctoris est releganda, ne possit esse erroris occasio.

Aliud occurrit ex Opusculo secundo, capite centesimo trigesimo octauo; vbi postquam docuerat, fati nomen posse accipi dupliciter, vel pro infallibilitate proueniente ex vi positionis siderum, in quo sensu positio fati est erronea: vel pro infallibilitate proueniente ex vi Diuinæ Providentiæ, in quo sensu positio fati est Catholica; tandem sic concludit. Sed quia cum infidelibus, quantum possumus, nec nomina debemus habere communia, ne à non intelligentibus erroris occasio sumi possit; cautius est fidelibus, vt nomen fati reticeant, propter hoc quod factum conuenientius & communius secundum primam acceptionem sumitur: vnde & Augustinus Quinto de Ciuitate Dei dicit, quòd si quis secundo modo fatum esse credat; sententiam teneat, & linguam corrigat. Ex quo iterum sic argumentor. Quia nomen fati est commune ad sensum erroneum & ad sensum Catholicum; monet Diuus Thomas, nomen istud à fidelibus esse reticendum, & Augustinus dicit, linguam circa hoc esse corrigendam. Ergo pariter prædicta nostra propositio, esto admitteretur habere aliquem sensum Catholicum; tamen quia communis est, etiam ad sensum erroneum, debet pari lege, ab ore Catholici Doctoris relegari & reticere.

Imò tanti semper habita fuit apud Doctores hæc monitio, vt maluerint aliquando veritatem fidei titulo tenus non fateri, quam fatendo, sola etiam voca cum hæreticis conuenire. Damascenus hic pròdeat, & rei huius exemplum præbebit luculentissimum. Teste Diuo Thoma in Tertio ad Annibaldum, Distinctione quarta, quæstione vnica; articulo tertio ad Primum; hæc sunt alibi Damasceni verba. *In istè & verè Theotocion* (id est Dei Genitricem) *Sanctam Virginem nominamus; Christog-*

con verò (id est Christi genitricem) non dicimus *Virginem* . Vide quanta verborum claritate renuet hic Damascenus fateri Beatam Virginem esse Matrem Christi ! *Christotocon* (inquit) seu *Christi Genitricem* non dicimus *Virginem* . Quid ais cultor Virginis fidelissime ? Matrem Dei , creaturarum omnium dignissimam , Sanctissimam , Matrem Christi confiteri non audes ? Nonne fides nostra hanc veritatem docet ? Nonne Ecclesie preces eam publicè protestantur , dum toties auditur , toties canitur , MATER CHRISTI , ORA PRO NOBIS ? Quæ ergo ratio , quis zelus , quis ardor te impulit ad hoc subticendum ? Audi Lector Diuinum Aquinatis ingenium , attende responsum eius sapientissimum , & nulla prorsus circa hoc manebit perturbatio , dubitatio nulla . *Ad illud (inquit) quod obijciatur de Damasceno ; dicendum quòd non intendit negare , quin sit vera Mater Christi ; sed non in eo intellectu , quo dicebant hæretici , per Christum personam hominis tantum ; non Dei intelligentes . Cum hæreticis autem (vt ait Hieronymus) nec debemus habere vocabula communia .* Profecto quàm integra , quàm iusta Damasceni excusatio ! Erant tunc temporis hæretici , qui hæc blasphema voce exultabant , quòd nempe Beata Virgo non esset Theotocon seu Mater Dei ; sed tantum Christotocon seu Mater Christi , intelligentes nomine Christi purum hominē . Damascenus igitur , si Christotocon quoque fassus fuisset , voce tenus utique cum illis hæreticis conuenisset , licet sensu planè Catholico ab eis remotissimus ? Quid ergo ? Quasi zelo fidei mirabiliter impulsus , & in omnem omnino hæreticæ prauitatis speciem vehementer accensus ; maluit veritatem fidei retinere sensu Catholico , voce tenus non fateri :

quàm Catholicis solam etiam vocem cum hæreticis conueniendi ansam præbere .

Hæc sunt , Vincenti , quæ memorie mente reponere oportet , etiam circa propositionem , de qua nos disputamus . In ea profecto (esto non sensus à te intentus) voces tamen ad minus damnatæ sunt , & à Sancta Sede proscriptæ . Ab ore ergo Doctoris oportet eas exulare quàm longissimè , si veraciter rejicit quidquid vel à sinceritate Catholica censetur alienum , vel cum prauitate hæretica inuenitur esse commune . Verùm quòd voces huiusmodi ab ore tuo relegare nequeas , Vincenti , nisi pariter rejicias voces tuæ propriæ sententiæ : patet manifestè . Nam secundum regulas Dialecticæ , bene sequitur à singulari ad determinatam ; hæc transgressio præcepti facta à voluntate Petri , etiamsi necessitate fiat , liberè tamen fit : ergo quod voluntariè fit , etsi necessitate fiat ; liberè tamen fit : Sed in bona consequentia , cum nequeat dari antecedens verum , & consequens falsum ; nequit consequens negari , non negato antecedenti : ergo nequis , Vincenti , negare hanc , quæ est consequens , quod voluntariè fit , &c. nisi neques pariter hanc , quæ est antecedens : hæc transgressio præcepti facta à voluntate Petri ; etiamsi necessitate fiat , liberè tamen fit . Tunc ultra ; sed istud antecedens est ipsissima tua sententia , Vincenti ; vt constat ex dictis supra : ergo nequis voces propositionis damnatæ ab ore tuo relegare , nisi releges pariter voces tuæ propriæ sententiæ .

Habemus ergo , si solutio data subsistit ; Vincentium saltem in sono vocum damnatè loqui ; esto admitteretur , sanum sensum sub huiusmodi vocibus habere . Quod sanè quàm directè sit , contra præallegata docu-

Suprà
L. 2. c. 10
& 11.

documenta Diui Thomæ, quæ virum Theologum summè decet venerari; iam satis superque demonstratum est. Vincenti, sententiam licet posses tenere; linguam tamen corrigere deberes.

Ast lubet vlteriùs demonstrare, quòd non solum coueniat cum propositione damnata, materialiter, seu in sono vocis; sed etiam formaliter, & prout est damnata. Argumentor iterum sic. Propositio illa est damnata *in rigore*: hoc est secundum sensum, quem ex vi verborum facit. Ergo cum Vincentius teneatur illam admittere in rigore, seu secundum sensum quem ex vi verborum facit, vt iam probatum relinquo; tenetur profecto admittere illam, prout formaliter est damnata. Consequentia constat, & antecedens non minus, si verba Bullæ inspiciantur: inquit enim Pontifices, se damnare sententias illas, *in rigore, & proprio verborum sensu ab assertoribus intento*. En vbi expressè dicunt, damnare se illas in rigore, seu proprio sensu, quem verba ex vi sua faciunt, quemque assertores ipsi intendebant: ergo propositio est damnata secundum sensum, quem verba ex rigore suæ significationis sonant. Ergo qui fatetur illam ex rigore vocis, & propriæ significationis esse veram, fatetur vtique esse veram, prout formaliter est damnata.

Nec valet dicere, Pontifices potius asserere, illas in rigore & proprio sensu, posse sustineri, siquidem verba illa, *quamquam nonnullæ aliquo pacto sustineri possent*, legi debent sine interiectione commatis per modum vnius sententiæ cum sequentibus, dicendo sic, *quamquam nonnullæ aliquo pacto sustineri possent in rigore & proprio verborum sensu, &c.*

Non (inquam) valet: nam si sic sine interiectione commatis legi de-

berent, Pontifices sibi contradicerent; vtpote cum tunc nonnullæ, non solum aliquo pacto; sed & simpliciter, & absolute possent sustineri: siquidem fieret sensus, quòd possent etiam sustineri in rigore & sensu proprio: quod certè est posse sustineri absolute, & simpliciter. Propositio namque, quæ ex vi sua & prout sonat, potest sustineri; absolute & simpliciter sustineri potest. Tum etiam, quia absurdissimum est, dicere Pontifices damnare sententias, quas ipsimet in rigore & proprio sensu iudicarent posse sustineri: ergo legenda sunt verba cum commatis interiectione, & tamquam facientia sensum verè aduersatiuum; videlicet hunc; *quamquam nonnullæ aliquo pacto sustineri possent* (quia nempe aliquæ in sano sensu possent vtrumque explicari) tamen in rigore & in proprio sensu, quem verba præ se ferunt; damnamus. Ille est sensus Bullæ clarissimus, & alium velle substituere, potius est Bullam eludere, quam venerari.

Secundò argumentor. Quia si Iansenitæ propter aliquam rationem, non inciderent in hanc propositionem damnatam, formaliter vt damnatam; maximè quia non damnatur in sensu, quem ipsi intendunt; sed in alio longè diuerso: at hoc falsum est; ergo incidunt in hanc damnatam, prout damnatam formaliter. Probare libet istam minorem, recensendo & improbando singulos sensus, quos in excusationem suam possunt adducere.

PRIMVS SENSVS esse potest, in illa damnatione, *respectum haberi ad significationem huius temporis, quo liberum nil dicitur à Scholasticis, nisi quod sit cum indifferentia saltem contraditionis, & quidquid non ita sit, non liberum vocant*: hoc ergo sensu vulgarissimo pro-

Iansen.
tom. 3.
l. b. 6. c.
26. col.
724.

propositio falsa est, & iuste damnata. Non enim sufficit ad illam libertatem, quod sit voluntarium; sed opus est, ut qui liber dicitur, possit opus facere & non facere. Sic Cornelius Iansenius.

Notet prius Lector, Iansenium hic fateri, etiam temporibus Pij V. vulgatissimam, & receptissimam Scholasticis fuisse illam significationem; qua liberum nil dicitur, nisi quod sit cum indifferentia saltem contradictionis. Quod si hoc ita est; nonne quilibet cordatus Theologus sibi firmiter persuadebit, eandem significationem fuisse & ante tempora Pij Quinti vulgatissimam? A quo etenim Scholastici illius temporis eam potuerint recepisse, & votis quidem tam communibus, si nulla concors ea de re fuit apud prædecessores sententia? Diciturne ex proprio ipsorum cerebro profluxisse absque ullo præiudicio Doctorum cætu, hoc sic unanimiter statuente, hoc sic communiter approbante? Profecto si sic profluxisse credunt Iansenitæ; nominare necesse habent primum Scholasticum, è cuius cerebro tunc temporis sic profluxit: quem cum nominare nec possint, nec ullo umquam modo poterint; sit euidentissimum, & ante tempora Pij Quinti, & rursus ante, & iterum ante (donec primus mihi nominetur) fuisse significationem illam libertatis Scholasticis receptissimam, Sua ergo confessione propria de ingentissima temeritate contrarij conuincitur; utpote qui à tam recepta tamque vulgata ante tot tempora inter Catholicos Doctores sententia, audaci suo Marte recedere non pertimescunt.

Sed hoc non nisi incidenter. Sensum propositum sic euerto. Nam si significatio illa illius & huius temporis, quo liberum nihil dicitur, nisi quod sit cum indifferentia saltem

contradictionis; vel indicabatur à Prædictis Pontificibus esse vera, loquendo de libertate requisita ad meritum & demeritum (suppono enim de tali libertate Bullam debere intelligi) vel potius indicabatur esse falsa, sicut iudicat Vincentius: si vera; habemus intentum, nimirum Pontifices sentire, voluntarium quod est necessarium, non posse dici liberum libertate sufficienti ad meritum & demeritum: si autem falsa; hoc absurdum sequitur, videlicet damnasse propositionem, quia opponebatur significationi cuidam Scholasticorum, quam ipsimet Pontifices, iudicabant esse falsam. Quo quid irrationabilius? Eò namque magis non damnari sed approbari debebat propositio, quod directius falsæ Scholasticorum significationi opponebatur, Elige, Vincenti, ex hoc dilemmate, partem quam malueris, & offendes utique.

SECUNDVS SENSVS esse potest propositionem illam non damnari, nisi quatenus eò tendit, ut motus illi concupiscentiæ, qui rationem antevertunt, sint liberi: quod Author affirmabat, ut patet ex propositione eius quadragesima octaua; *Praua desideria quibus ratio non consentit, & quæ homo iniquis patitur, sunt prohibita præcepto, non concupisces.* Quod sine dubio falsum est. Vnde non damnatur propositio, de qua nos disputamus, absolute seu separatim & ratione sui, quo sensu & non aliter, potest dici, quod asseritur à Vincentio; sed prout viani sternit ad illam alteram de libertate motuum concupiscentiæ, quo sensu potest dici, quod à Vincentio non asseritur. Sic iterum insinuat Iansenius.

Sed contra iterum: nam hoc omnino voluntarie & sine fundamento dicitur: si namque propositio; quod voluntarie sit &c. inter damnatas re-

Iansen.
vbi (q.
præ,

cenfetur, vt fimpliciter diftincta ab illa altera de libertate motuum, cum hæc numeretur & vocetur quadragefima oñaua, illa autem noſtra, trigefima nona; quo fundamento poteſt dici, non damnari vt diftinctam ſeu ſeparatim, ſed ſolum vt viam ſternit ad alteram? Profecto qua facilitate hoc ſubinducitur, eadem debet reijci.

Tum etiam; quia vel propositio noſtra ſternit viam ad illam alteram ex meritis ſux propriæ ſignificationis, vel ſolum ab extrinſeco, quatenus ex prauo intellectu Authoris eò dirigebatur: ſi primum; ergo damnabilis eſt ratione ſui & ſecundum ſibi propria: ac proinde etiam vt diſtincta à quacumque ſignificatione alterius proſitionis. Si ſecundum; ergo perperam dicunt Pontifices ſe omnes illas ſententias damnare *in rigore*; ſed potius debebant dixiſſe, ſe aliquas vel aliquam damnare, non in rigore, ſed ſolum propter prauum intellectum Authoris, quem proſitioni attingebat. Imò cum ipſe intellectus Authoris ſit ſententiæ & eius ſignificationi omnino extrinſecus, non debebant dixiſſe generaliter, *damnamus ſententias*, ſed ſolum: *damnamus in hac vel in illa prauum intellectum Authoris*, quo hanc vel illam accipit.

TERTIVS SENSVS eſſe poteſt, quod etiam vt à cæteris proſitionibus amha damnatur; ſed ideo quia facit ſenſum generalem ſeu vniuerſalem; nimirum omne voluntarium etiam illud quod eſt ſine plena aduertentia rationis, eſſe liberum. Sic rurſum Ianſenius eodem in loco videtur indicare.

Sed contra ex dictis: quia (vt ſupra in principio huius capituli probaui) proſitio habet ex parte ſubiecti ſuppoſitionem determinatam, non autem diſtributiuiam: ergo non

facit ſenſum generalem pro omni voluntario, ſed ſolum pro aliquo: ita vt ſenſus ſit, aliquod voluntarium etiam ſi neceſſarium; eſſe equidem liberum: ac proinde cum hoc non obſtante, damnatur; ſentiunt proculdubio Pontifices, nullum voluntarium quod eſt neceſſarium, eſſe liberum: ſicut ſi damnaretur illa proſitio particularis; *quod eſt rationale, eſt album*; vt damnatio eſſet vera, nullum deberet dari rationale album.

QVARTVS tandem & vltimus ſenſus eſſe poteſt, proſitionem damnari eo ſenſu, quo Eccleſia olim in Manichæis, Stoicis, Astrologis, Abailardo, Vicleſſo eam damnauiſſe, qui dicebant liberè etiam fieri, id quod ſit neceſſitate naturali aut impetu irrefiſibili, modò voluntas cooperaretur. Sic expreſſe gloſſat Vincentius.

Sed mirum in primis, quod tam fidelis diſcipulus nullam ex ſui Magiſtri gloſſis adhibuerit: ſignum dubio procul, omnes illas vel ſuſpectas vel inſufficientes iudicaſſe. Quid ergo? ipſiſſe gloſſa vera & ſufficiens? Minimè geutum. Vera quidem; ſed inſufficientis, vt damnationem euadat: nam (vt ex dictis abundè conſtat) Vincentius in re idem dicit: ponit enim actus noſtræ voluntatis fore liberos etiam in caſu quo haberent ſummum gradum neceſſitatis abſolutæ, ſpecificationis ſcilicet & exercitiij: at talis neceſſitas eſt naturalis, vtpote à voluntate vt natura; & ſit omnino irrefiſibilitèr, vtpote tali propenſione & vi, vt natura voluntatis nullo prorsus modo ei poſſit reſiſtere: ergo in re docet, liberè etiam fieri quod ſit neceſſitate naturali & virtute irrefiſibili. Quod quia à ſe doceri optinè nouerat Ianſenius; ſimilem proſecto gloſſam, non adduxit; ſed alias ſibi conſinxit.

Vc.

Vincentius in
Thema
ca. li. 2.
c. 7. ſect.
6.

Ianſen.
vbi ſu-
pra

Verum nec illæ aliæ, nec ista Vincentij, ad rem vllatenus pertinere, comprobantur. Vide dicta libro primo, capite decimo quarto, sectione secunda: & libro secundo, capite quinto & sexto, & decimo & vndecimo; vbi necessitatem Calvinisticam, Stoicam, & Manichæam Iansenitis improbauimus.

CAPVT XV.

Occasione præcedentis propositionis damnata, ostenditur quàm irreuerenter & quàm liberè contra auctoritatem Sanctæ Romanæ Ecclesiæ locutus fuerit Antesignanus Vincentij Cornelius Iansenius.

HABEMVS ex præcedenti capite, nullum ex sensibus subductis secundum rei veritatem subsistere: ac proinde aduersarios, vndeque se vertant; ad lapidem censuræ pedem offendere. Quapropter meo videri, consequentius hic responderent id, quod ad aliam quandam propositionem damnatam respondit eorum Antesignanus Iansenius. Quid ergo (obiicit ibi) ad propositionem quam proscripsit Apostolica Sedes? Et immediatissime respondet; *Hæreo, fateor. Sed quid ad doctrinam Augustini clarissimam, constantissimamq; quam toties probauit & sequitur sequendamq; monuit Apostolica Sedes? Quibus profecto verbis sensum non quærit, vt damnationem euadat, sicut capite præcedenti; sed potius damnationem apertissimè fatetur, & (vt se excuset) tacitè culpam reijcit in Ecclesiam, tamquam ea sibi ignoranter vel imprudenter contraria, damnauerit tunc in Augustino hoc ipsum, quod ipsamet olim toties*

probauit, sequendumq; monuit. Vnde & ibidem post multa concludit, quod si vel tunc ostendi potuisset, hanc aliasq; nullas propositiones, ab Augustino. esse. traditas. numquam arbitror huiusmodi decretum ab Apostolica Sede promanasset: Quasi tantè ignorantè decretum Pij Quinti redarguens, vt si tanta in discernendo non adfuisset, nunquam Ecclesia, quod tunc decreuit, decreuisset.

Viri Iansenitæ, hæreo & ego hic, imò & tota mente obstupesco in tanta Magistri vestri irreuerentia, libertate dicendi tanta? Ipso auditu horreo (inquit Bernardus epistola centesima nonagesima) & ipsum horrorem puto sufficere ad refellendum. Attamen ad rem nostram dico, quod hæc eadem Magistri vestri responsio, consequentiùs quoque adhiberetur ad propositionem damnatam capitibus præcedentis, quæ de libertate agebat: cum pari passu putetis, esse clarissimam, constantissimamque Augustini doctrinam, eam quam de libertate traditis.

Sed reuera quantum huiusmodi à Catholica synceritate exorbitent, quantumque hæreticæ prauitatis sapiant spiritum; melius poterit Lector internè meditari, quam ego verbis exprimere. Quid? Audebitne Doctor aliàs Catholicus Ecclesiam, tanquam sibi imprudenter contrariam reprehendere? Audebitne proseriptiones ipsius apertissimè fateri, & deinde eandem velut ignoranter, vel non rectè factas redarguere? O tempora, o mores! O Iansenitæ in tali Magistro milles deplorandi! Audite Maximum in epistola Orientalibus directâ, & si disciplinam non contemnitis, sanius erudiemini. *Omnes fines orbis (inquit) qui Dominum syncerè receperint, & ubique terrarum Catholici veram fidem consentientes, in Ecclesia*

Iansen.
tom. 2.
lib. 3. de
Scara
puræ
naturæ.
cap. 21.
fol. 97^o

Mar-
mas &
pus d
Di
uum
Thom
Opusc.
1. circa
finem.

eleſiam Romanorum tamquam in Solem reſpiciunt, & ex ipſa lumen Catholica & Apoſtolica fidei recipiunt. Et Bone Deus! Eſtne hoc in Eccleſiam Romanorum tamquam in Solem reſpicere, ſi nos priuati, eiufdem Eccleſiæ decreta proſcriptioneſque redarguimus, reprehendimus? Eſtne hoc lumen ab ipſa velle recipere, ſi volumus & ipſi lumen porrigere, quo videat, quid damnandum, quid non...?

Et quid ad hæc Sacer ille Cyrillus in libro Theſaurorum? *Vt membra* (inquit) *maneamus in capite noſtro Apoſtolico Throno Romanorum Pontificum, à quo noſtrum eſt quære, quid credere, & quid tenere debemus. Si noſtrum eſt à Throno Romano quære, quid credere & quid tenere debemus; quomodo noſtrum eſſe poſteſt, eidem Throno præſcribere, quid rectè tenere debeat, quid damnare? Audite iterum Cyrillum: Ipſius ſcilicet Apoſtolici Throni Romanorum Pontificum, ſolius eſt reprehendere, corrigere, ſtatuerè, ſoluere, diſponere, & loco illius ligare, qui ipſum ædificauit. Si ad ſolum hunc omni laude digniſſimum Thronum ſpectat reprehenſio, correſctio, ſolutio, diſpoſitio, ligatio, quid nos priuati homunciones eiufdem Throni acta reprehendere contendimus? Quomodo non erubescimus, corrigere, ſtatuerè, ſoluere, diſponere, ligare; ſi omnia iſta, ſolius eſſe Throni Romani veraciter credimus?*

Et nonne iſtud Sancti Thomæ veriſſimum: *Subeſſe Romano Pontifici eſt de neceſſitate ſalutis?* Quomodo autem ſubelt, qui eiufdem Pontificis decreta, vel ignorantia, vel etiam contradictionis nota incurrere non veretur? Et nonne ſic inurit, qui eò irreuerentia, & libertatis deuenit, vt conſtanter audeat arbitrari, quòd nunquam ab Eccleſia tale decretum

promanaſſet, ſi ipſa mentem Auguſtini ſciuiſſet, ſicut ſe eam ſcire ipſe iacſtat? Et ruruſ; qui ita hæret, ita fatetur (verba illa eius tango, *barreo, ſacer*) vt potius apertè indicet, Pium Quintum in materia dogmatica damnaſſe, quod tamen antiqui Pontifices probauerunt, ſequondumque monuerunt? Nonne hoc eſt, Eccleſiam in Eccleſias diuidere, & ſub contradicentibus ſibi Capitibus, vnitatem eius, inſallibilitatem dogmaticam euertere? Eſtne hoc obedire? Eſtne hoc ſubeſſe? Eſtne hoc authoritatem Romanorum Pontificum Catholicè reuereri? O puniendæ potius vocis temeritatem! Ideo Ianſeni Eccleſiæ addixiſti, iuramento obedientiam, vt eandem ſcripto tuo ſic contemneres? O crudelitatem! Dic quæ cauſa contemnendi? Forſitan quòd tibi in conſecratione Sacerdotij dæmonum tradidit poteſtatem? Forſitan quòd elargito tibi in Episcopali inſula Crucifixi patrimonio, fecit ſubueniendi pauperibus facultatem? O verbum totius ſuperbiæ! contemnis Eccleſiam, quæ cuuſta gubernat, quæ portis inferi imperat, cui obtemperat terra, cui Imperatoriæ & Regiæ ſubiacent poteſtates, quam denique Diuinus Martyr Ignatius non dubitauit appellare, *Sanctiſſimam, illuminatam, Deo dignam, caſſiſſimam, beatificandam, Spiritu Sancto plenam.*

Proſecto quam in eius præiudiciuſit libertas tua dicendi, iam ita fortiter innotuit, vt ea de cauſa, ipſi etiam Eccleſiæ hoſtes non dubitauerint ſibi congratulandum. Perpendite Ianſenitæ peſtiferam illam Synopſim de gratia, quam famoſiſſimus ille hæreticus Samuel Mareſius iam nuper in lucem edidit, & videbitis non ſine iuſtiſſimo dolore, calamum meum ita contra vos inardeſcere. Nonne paſſim malignus ille

Ignatius Martyr in epiſtol. ad Romanos.

Cyr. a. pod D. Thom. ibidem

Cyrill. ibidem

D. Th. Opulc. l. circa finem.

con-

contra Authoritatem Sanctæ Sedis insultat? Nonne passim gloriatur eandem iam continuo labascere, & hoc quidem propter vestras liberrimas responsiones defensionesque, quas contra Romanorum Pontificum damnationes audetis non proferre solum sed & contumaciter tueri? Audite verba ipsa hæretici, de vestro patrocínio confidentissimi, & sentietis utique, quam grande malum vestra in dicendo libertas pepererit. Dicit quodam in loco, ore omnino blasphemio se planè sperare Antichristianismi & idololatriæ in Papatu eversionem, & cur id dicat, imò & planè speret; *gyanes* (inquit) *habeo rationes. Primo enim ipsius Papæ authoritas sensim labascit, non solum per ea quæ ab Arnaldo Sorbonista... scripta & facta sunt... sed etiam per has ipsas controuersias de gratia, in quibus Pauli & Augustini sequaces* (Intelligit Iansenitas) *plurimas defendunt ac tuentur propositiones, quas Pius Quintus & Gregorius decimus tertius & Urbanus octauus in Jesuitarum gratiam censura notauerant. Non legitis hic Authoritatem Papæ sensim labascere per vestras propositiones, quas contra Romanorum Pontificum censuram, defenditis, propugnatis? Nonne hæc est huius hæretici confessio? Nonne & insigne doctrinæ vestræ encomium? Quomodo ergo iuxta verbum Maximi in Ecclesiam Romanorum tamquam in solem respicitis, si sic censorium eius oculum dicta scriptaque vestra obnubilant, ut ipsi etiam hæretici spem exinde capiant triumphantis?*

Sed videtur Vincentius velle occurrere, & Magistri sui liberrima verba, quæ in principio adduximus, excusare, tamquam ea Ecclesiæ Authoritati iniuriosa non sint. Contendit ergo in epistola prodromia ad Richardum, verba illa potius Ioannis

11. *& tot aliorum veterum Pontificum, qui sancti Augustini Doctrinam approbaverunt, authoritatem cum nouissima ista Pij Bulla librare & in æquilibrio ponere: quod si hoc verbis huiusmodi fit, si sic æquali lance authoritatem veterum Pontificum cum authoritate Pij Quinti appendunt; profecto nullius authoritati detrahunt, sed potius authoritatem omnium, pari passu attollunt.*

Me hercle, hoc ego consequens non video, nec vllus quauis intelligentia præditus videre poterit. Speciosum planè est pallium, quo temeritatem sermonis obtegere nititur, sed ratio ipsa primo etiam aspectu eandem prodit. Fateor ingenuè, ita esse, quòd per illa verba authoritas veterum Pontificum cum authoritate Bullæ Pij Quinti libretur & in æquilibrio ponatur: sed in quo quæso æquilibrio? In quo libramento? Profecto non aliter, quàm si in statéra aliqua duo vtrimque contradictoria appenderes, & tam pertinaci authoritate negaret vnum, affirmaret alterum, ut omnino hæreret animus, penderet æquus, cuius velleret authoritati in tam pertinaci pugna subscribere.

Dic quæso, Vincenti, quid sibi vult illud *hæreo*, illud *fateor*, ad propositionem quam proscripsit Apostolica Sedes regnante Pio? Nonne qui sic hæret, & simul fateatur; ipsam utique propositionem à Pio proscriptam esse constitutur? Et deinde, quid sibi vult illud alterum, *sed quid ad doctrinam Augustini clarissimam. quam toties probauit & sequitur sequendamque monuit Apostolica sedes?* Nonne hoc dicto ponitur aduersatiua, quasi latenter dicatur; fateor Pij proscriptionem, sed non video quia possit ea esse legitima, cum pugnet cum clarissima doctrina toties ab eadem sede probata? Reuera qui

Epistola
prodroma
ad
Richardum
pag.
91.

Samuel
Mare-
fitus præ-
fatione
in Ca-
thece-
mū de
gratia
cum
Scholijs
pag. 3.

huic

hunc sensum negat, soli lucem dene-
gat: & qui eundem fatetur (sicut
fateri necesse est) in æquilibrio pon-
nit evidentissimæ contradictionis
authoritatem Sanctæ Sedis, ac si ea
sub Pio damnasset, quod sub alijs
Pontificibus approbat & probavit.

Et quid quæso circa sensum tam
evidentem caput nostrum frangi-
mus? Perpendamus verba tua pro-
pria, Vincenti, & eodem Magistri
tui iusculo te persusum, eadem (in-
quam) libertate dicendi te imbu-
tum probabant. Nonne Epistola illa
dedicatoria ANATOMIÆ HOMI-
NIS præfixa, quæ ex ultimo occiden-
tis angulo Eminentissimum & Reue-
rendissimum Principem FRANCI-
SCVM BARBERINVM S. R. Ec-
clesiæ Cardinalem alloquitur, tua
est? Profecto tam tua est, vt omnem
omnino Proteum ibidem exuens,
simpliciter subscribas; *Eminentissima
D. S. Humillimus & deuotissimus seruus
L. FROMONDVS.* Ibi detecta
fronte Fromondus, qui in Theriaca,
simulata quadam lenitate, Vincen-
tius. Verum in Epistola illa quid ha-
bes? Qua modestia, quæ reuerentia
de Bulla illa Pij Quinti loqueris? *Hoc
super omnia (inquis) in Bulla Pij &
Gregory annotandum: in explicatione
eius sic gubernandam esse doctrinam na-
uem, vt non in veterum Pontificum, In-
nocentij, Zozimi, Bonifacij, Cælestini,
Sixti, Leonis, aliorumque, & doctrinam
S. Augustini Scopulos impingat.* En, in
explicatione Bullæ cauendos esse
mones veterum Pontificum scopulos
seu contradictorias definitiones,
quasi Bulla ipsa, sæ rigore prohibi-
tionis ansam præberet in eas impin-
gendi. Hoc certe, Viuenti, non est
Bullam venerari, aut iustum de ea
formare iudicium, sed potius vete-
rum definitionibus Pontificum, taci-
tè & latenter opponere.

Subiungis deinde; *nec tanta nouis-*

*simorum illorum Pontificum sollicitudi-
ne oportet occupari, vt vetustiorum cu-
ra omittatur.* Quid iterum hoc? Mo-
nes hic per eminentissimum Principem
BARBERINVM, ipsam Eccle-
siam, ne plus iusto (hoc est, omit-
tendo curam vetustiorum Pontifi-
cum) distrahatur circa decreta no-
uissimorum. Si me aut priuatim
quemque Theologum sic admonere-
res; profecto digna esset, quæ am-
babus manibus & arrectis auribus
reciperetur admonitio: in indagando
quippe vero sensu Ecclesiæ (quan-
do is necdum est explicatus) oportet
Theologum definitiones Pontificum
sic perscrutari, vt nec vni nec alteri
plus deferat: cum non nisi æqualis
sit singulorum in definiendo Autho-
ritas. Verum cum hac eadem admo-
nitione non nisi ipsam compellos Ec-
clesiam; quasi apud eam (vt quidam
ex vestris conqueritur) iniquè tradu-
ctus sit Iansenius, quasi ipsa per pro-
hibitionem Libri *Authoritatem Augu-
stini & veterum Pontificum læserit*,
quasi penitus debuisset Librum exa-
minasse; cum (inquam) sub talibus
circumstantijs monitorias hæc ef-
formes; quis non videat, te simili
modo agendi, ipsam iterum Eccle-
siam, tum ignorantiz, tum contra-
dictionis nota inurere? Ignorantiz
quidem; nam monendo, vt veterum
hac in parte Pontificum cura non
omittatur, vt Liber penitus exami-
netur; nonne quasi apertè supponis,
in prohibitione Libri, vtrumque de-
fuisse, & illorum curam Pontificum,
& debiti examinis discussionem? Er-
quis hic primam ignorantiz notam,
Ecclesiæ obiectam non videat? Deinde
cum tacitè insinuas, plus eam ad
nouissimos quam ad veteres atten-
disse Pontifices, ex eoque defectu
prohibitionem emanasse, nonne ite-
rum quasi Pontifices Pontificibus
opponis, tamquam nimia nouissi-
morum

Vide
Bullam
Illustra-
tioni
Mechli-
nienfis,
datam
Bruxel-
læ die
29. Mar-
tij An-
no
1651.

In Ana-
tomia
homi-
nis epi-
stola de
dicato-
ria ad
Cardi-
nalem
Barberi-
num

morum sequela, occasionem dederit veteribus contrahendi? Et quis ibi alteram contradictionis notam pariter obiectam non percipiat? Hoc (dico iterum) est verè non inuare Ecclesiam, sed impugnare, non sequi sed redarguere, non obedire sed velle corrigere. Parum vobis Iansenitz profuerit, verbis obedientiam fateri, & dicere, *Pro Pontificia auctoritate defendenda paratos*, etiam vos esse, *vitam & sanguinem effundere*, si ex altera parte tam sacram, tamque Diuinam auctoritatem, modò latentibus, modò manifestis etiam calumnijs vellicare non desistitis. Imò mirabilis nimis est illa vestra voluntas Martyrij, si (quod modò dicam) argumentum perpendatur: quomodo namque paratos vos probabit, fundere pro Ecclesia sanguinem; qui vnus miseri LIBRI prohibitionem ab Ecclesia factam, æquo animo ferre non potestis? Imò tam obtorto collo renitimini, vt iam quasi rauca factæ sint fauces Ecclesie, clamore valido & fortè etiam lachrymis obedientiam inculcando. Et quid scio, si vsque in hodiernum diem exaudita sit pro sua reuerentia? Quidquid tamen sit, Mater nostra es, crescas in mille milia, & possideat semen tuum portas micorum suorum.

Fratres (inquit iterum Cyrillus) *se Christum imitatur, vt ipsius oues vocem eius audiamus, manentes in Ecclesia Petri, & non insemur vento superbia, ne fortè tortuosus serpens propter nostram contentionem nos eiciat, vt Aënam olim de Paradiso. Hoc ergo Doctores Iansenitz dogma arripiant huic monitioni humiliter veraciterque studeant, si velint in coadunata & fundata super petram Petri vniuersali Ecclesia remanere, & in viam gentium non abire. Absit omnino, vt putemus Ecclesiam Catholicam*

dubia sibi æstimatione pendulam, & non magis totum quod in ea est, certa ac solida veritate subnixum, oraculis & miraculis diuinitus persuasum, stabilitum, *Consecratum Partu Virginis, Sanguine Redemptoris, Gloria resurgentis*. Ex testimonijs huiusmodi, Ecclesia Dei certa & stabilis & sibi constans facta est nimis.

Et certè dato, sed non concessio, quòd Ecclesia hanc aut illam Augustini propositionem damnaasset; quid inde? An nè ideo deberet ipsa vel corrigi, vel ignorantiz redargui? Me hercle, in casu damnationis, cui esset standum? Ecclesie dampnanti, vel Augustino dampnato? Respondeat Diuus Thomas. *Magis standum est auctoritati Ecclesie quàm auctoritati vel Augustini, vel Hieronymi, vel cuiuscumq; Doctoris. Et iterum: Magis est standum Sententie Papa quàm in iudicio profert, quàm quorumcumq; sapientum hominum in Scripturis opinioni: cum Caiphas, quamuis nequam, tamen quia Pontifex, legitur etiam inscius prophetaffe. Sed & ipse respondeat Augustinus: Lectorem meum (inquit) nolo mihi esse deditum. ille non me amet amplius, quàm Catholicam fidem.* Ergo ipsius confessione Augustini, non ipsi Augustino, sed Ecclesie (extra quam nulla est Catholica fides) standum est. Iansenitz est profecto hic, quòd omnes in vniuersum Scholæ mirentur. Augustini discipuli esse vultis, & Augustini obedientiam, Augustini filialem timorem, non

solum
non
attenditis sed & verbis & factis negatis.

Vid.
Bul. II.
Iustr.
Mech.
lin.

Genes.
24.

Cyrtill.
vbi su-
pra.

Ber-
nard.
epistul.
190.

D. Th.
22. quæ-
stio. 10.
art. 19.
in Cor-
por.

Quod-
libero
9. art.
16. u.
Corp.

Aug. II.
1. de
Trinit.
cap. 1.

CAPVT XVI.

*Assumptum principale ostenditur ex
definitione Concilij Tri-
dentini.*

SACROSANCTA OEcumenica,
& Generalis Tridentina Synodus
(neque enim dignè satis de ea loqui
possumus) inter reliquos Canones
sessionis sextæ de iustificacione, quar-
tum habet omnino celebrem de na-
tura libertatis sub tractu gratiæ. Est
autem huiusmodi. *Si quis dixerit li-
berum hominis arbitrium à Deo motum
& excitatum, nihil cooperari assentien-
do Deo excitanti & vocanti, quo ad ob-
tinendam iustificacionis gratiam se dispo-
nat ac præparet, neque posse dissentire,
si velit, sed veluti inanime quoddam ni-
hil omnino agere, mererque passivè se ha-
bere, Anathema sit.*

In hoc Canone, ut omnes docto-
res Catholici fatentur, damnantur
duo illi inter novatores hæreticos
præcipui, Caluinus & Lutherus.
Quod ut rectè percipiatur, simul-
que ex eo vires capiat nostri proba-
tio assumpti; non abs re erit illorum
errorem (quoad præsens spectat)
breuiter hic perscrutari. Conne-
niebant igitur in vno & discrimina-
bantur in alio. Conueniebant qui-
dem in eo quod unanimi consensu li-
berum hominis negabant arbitrium
ducti hoc argumento. Quia vide-
licet secundum Scripturas, admit-
tenda est gratia seu motio à se ipsa
efficax, quæ facit ut infallibiliter fa-
ciamus & cui resistere non possu-
mus, ut patet ex illo Ezechielis se-
cundum lectionem Augustini, *faciam
ut iudicia mea facias*: ex illo
Isaïæ decimo quarto *Dominus exerci-
tuum decreuit, & quis poterit infirma-*

re? ex illo Esther decimo tertio, *non
est qui possit tua resistere voluntati si de-
creueris saluare Israel*: denique ex illo
ad Romanos nono voluntati eius quis
resistit? sed cum motione seu gratia
iea à se ipsa efficaci, ut ipsa opus no-
strum faciat, & eidem resistere non
possimus, non compatitur dari libe-
rum arbitrium: ergo illud non datur.
Et sic dicebant arbitrium esse titu-
lum sine re, vel rem de solo titulo.
Itaque gratiam à se ipsa efficacem, &
quæ ipsum velle in nobis operatur,
apertissimè ad mittebant: sed ex hoc
impie argumentantes, ergo non datur
liberum arbitrium, pro consequente
intulerunt. Audi consequentias Lu-
theri, & vehementer satis vel potius
nimio id agunt. *Gratia prædicatur* (in-
quit) *ergo liberum arbitrium tollitur.*
Auxilium gratiæ commendatur: ergo li-
berum arbitrium destruitur. Et iterum:
*Quotquot sunt loca in Scripturis Diuinis,
quæ meminerunt auxilij, tot sunt quæ
tollunt liberum arbitrium.* Tandemque
concludit: *Hæc est sanè collectio, & rata
consequentia, quam nec inferorum portæ
subuertent.*

Et quidem si hæc ipsorum ener-
gia, siue Genius attentè inspiciatur;
inuenitur ex diametro cum Pelagij
argumentatione pugnare. Ille oppo-
situm consequentis Caluinistici, ni-
mirum *liberum arbitrium dari*, asu-
mens pro certo ex Scripturis, intulit
constantissimè oppositum Caluini-
stici antecedentis: nimirum *talem
gratiam sic efficacem non dari*: vice
versa in hunc modum arguens. Libe-
rum arbitrium datur, ut Scripturæ
passim clamant: ergo non datur gra-
tia ita à se ipsa efficax, ut velle no-
strum operetur. Et consequenter ad
hæc, fatebatur hominem posse sine
gratia ex proprijs viribus quodeum-
que opus bonum facere. Certè cau-
sa labendi vna & eadem fuit in veris-
que, lapsus tamen diuersus. Causa

Luthe-
rus li-
bro de
seruo
arbitrio
post ma-
dum.

M laben-

labendi eadem : quia scilicet nemo illorum capere poterat, qualiter stare possent simul gratia à seipsa efficax, & liberi potestas arbitrij : vnde vel vnum vel alterum concludebant negandum. Lapsus tamen diuersus, quia Pelagius eligens se patronum, facere arbitrij, negauit gratiam, vice versa Caluinus & Lutherus volentes causam suscipere gratiæ, negauerunt arbitrium.

Verba Caluini quodam in loco sic habent. *Neque secus accipi sententia Christi potest: omnis qui audiuit à patre meo, venit ad me, quam vt EFFICACEM A SEIPSA Dei gratiam doceat: quemadmodum & Augustinus contendit. En admittit hic cum Augustino (sicut & nos Thomistæ facimus) gratiam A SEIPSA EFFICACEM. Sed quòd liberum exinde neget arbitrium seu potestatem dissentienti, in quo à Thomistis differt; ex alio quoque loco patet, vbi sic loquitur. Sequitur tertium membrum de efficaci gratiæ operatione. Nego igitur gratiam sic nobis offerri, vt nostræ postea sit optionis vel obtemperare vel refragari, & Paulo post; proinde efficaciter formari voluntatem nostram constituo, vt Spiritus Sancti dictum sequatur necessarium. Quibus verbis constituit gratiam ita efficacem, vt non relinquit homini potestatem dissentienti, sed potius inducat necessitatem: ac proinde liberum arbitrium euertit.*

Vnde & clarissima eius de hac recessio varijs in locis extat, & præcipue in Antidoto Canonum Concilij Tridentini: ibidem namque in Canone quintum sic habet. *De verbo ne moueamus rixam. Sed quia per liberum arbitrium intelligunt (Catholici scilicet) eligendi facultatem, qua sit in vtramque partem libera & soluta, titulum sine re esse, qui affirmant (nempe hæretici) Christum habent autorem, cum dicunt liberos fore, quos Filius libera-*

uit: alios esse seruos peccati. Libertas certè & seruitus contraria sunt. En vbi liberum arbitrium prout nominat potestatem indifferente, expresse negat.

Hinc etiam solam rationem voluntarij, seu spontanei in operibus nostris admittit. Redarguens enim Patres Tridétinos circa illum locum Prophetæ, *Conuertimini ad me, & ego conuertar ad vos*, ex quo ipsi liberum arbitrium eliciebant; sic respondet.

Rursum ex his verbis, conuertimini ad me, & ego conuertar ad vos, liberi arbitrij vim eliciunt. Scio alicubi Augustinum hac distinctione vti; sed longè diuerso sensu. Dissert enim testatur, idq; plurimis locis, gratiam Dei sic operari in nobis, vt ex nolentibus volentes faciat. Vnde etiam concludit, nihil hominem boni facere, quod Deus in ipso non faciat. Quid ergo (inquies) sibi vult Augustinus, cum de libertate voluntatis loquitur? Nempe quod toties repetit: non cogi bonum inuitos Dei gratia, sed voluntarios regi, vt sponte pareant ac sequantur. En solam rationem voluntarij seu spontanei nobis sub tractu gratiæ cōcedit.

Et iterum §. immediate sequenti, *Sed insistant (inquit) Prophætæ verbis, quod conuersionem à nobis exigendo, liberum arbitrium compellet: quod frustrà faceret eorum quidem opinione, nisi aliud esset liberum arbitrium. Fateor sane absurdas fore huiusmodi locutiones, nisi esset aliqua in homine voluntas: non tamen propterea concedo, liberam obsequendi facultatē inde posse colligi. Valde enim nouitios esse oportet venerandos Patres (O Caluini dementiam!) si ex præceptis astimant, quid valeat homo: cum idè potius requiratur à nobis Deus; quod supra vires nostras est, vt imbecillitate nostra conuicti, superbiam omnem exuamus. Meminerimus ergo aliud esse voluntatē in homine, aliud liberā boni ac mali electionē. Sublata enim post lapsū primi hominis eligendi libertate, sola voluntas relicta est, quæ sub peccati tyrannide cap-*

Calu.
in Anti-
doto
sexte
Sessio-
nis. 6.
Sæpius
pate as-
sum.

Calui-
nus in
Institu-
tionibus
de
cogni-
tione
homi-
nis c. 8.
nu. 56.

Calui-
nus de
lib. ar-
bit. con-
tra Pi-
gbiū in
librum
4. 9. Se-
quitur
tertium
membrum.

tiua usque adeo tenetur, ut non nisi ad malum feratur. Negat ergo liberum arbitrium, seu libertatem, licet voluntatem seu voluntarium spontaneumque concedat. Qua de causa etiam Pighio dicenti nec se nec quemquam dubitasse orthodoxorum, quin nemo peccet, nisi liberè volens, sic alibi respondet, his subscribimus nos quoque, si liberè pro sponte positum interpretemur.

Evidens ergo est, Caluinum ex vna parte gratiam A SE IPSA EFFICACEM admisisse, sed ex altera audacter & impie nimis, liberum arbitrium negasse. Non enim capere poterat, qualiter vlla potestas dissentiendi cum gratia à se ipsa efficaci compati posset. Quod namque nos Thomistæ dicimus, compati cum illa efficacia potestatem dissentiendi absolutam, seu in sensu diuino, sicque liberum arbitrium verè saluari, hoc Caluinus non solum repudiat, sed & detestatur his verbis: *quod de absoluta potestate nugantur Scholastici, non solum repudio sed etiam detestor.* Et hoc certè fuit ipsi præcipua errandi occasio: Si enim absolutam illam potestatem dissentiendi sub efficacis gratiæ tractu intelligere voluisset, non utique necesse habuisset, essentiam liberi arbitrij negare: nunc autem cum & eam repudiet & detestetur, consequens omnino est, ut veram libertatem è medio tollat: utpote quæ ad minus potestatem hanc absolutam, ad essentialem sui rationem requirit. Et hoc summo opere notatum velim, ut liquido appareat, quam falsa sit calumnia eorum, qui nobis Calvinismum obijciunt. Fatemur quidem gratiam A SE IPSA EFFICACEM, sicut & Caluinus ex Augustino fatebatur; sed in hoc, toto cælo distamus, quod ipse nullam veram potestatem dissentiendi, etiam absolutam, sub ista gratia agnoscebat:

quam tamen nos constanter agnoscimus, imò & ad essentiam libertatis saluandam sufficere, infra luculenter ostendemus. Hæc circa mentem Caluini.

Et quantum ad Lutherum; in eodem prorsus errore fuit & ipse. Gratiæ efficacem pariter admisit; sed ita efficacem, ut necessitatem absolutam induceret & libertatem seu potestatem aliter faciendi euerteret. Accipe verba eius ex libro de sermo arbitrio circa medium. *Si præciuit (inquit) Deus, Iudam fore proditorem, necessariò Iudas fiebat proditor: Nec erat in manu Iudæ aut ullius creaturæ aliter facere aut voluntatem mutare: licet id fecerit volendo, non coactus: sed velle, erat opus illius, quod omnipotentia sua mouebat Deus, sicut & omnia alia, En fatetur motionem Dei ita efficacem, ut omnia opera nostra de necessitate dicat euenire, & nullus possit aliter facere: sicque clarissimè liberum arbitrium alio in loco negat his verbis. Liberum arbitrium post peccatum res est de solo titulo, & dum facit quod in se est, peccat mortaliter. Liberum arbitrium est signum in rebus, seu titulus sine re: quia nulli est in manu sua quidpiam cogitare boni aut mali, sed omnia (ut VVr. cles articulus constantiæ damnatus rectè docet) de necessitate absoluta eueniunt. Quod & Poeta voluit, quando dixit certa sunt omnia lege.*

Hinc etiam responsionem Catholicorum Doctorum, qua communiter dicitur, à Præscientia Dei non induci necessitatem consequentis sed solius consequentiæ, irritet & exhibat, dicitque signum & nium phantasma esse. Libro de seruo arbitrio, senserunt (inquit) Sapientia (sic appellat Doctores Catholicos) vim inuictam & insensibilem huius argumenti: ideo finxerunt necessitatem consequentiæ & consequentis.

Infra l.
3. ca. 1.
lect. 5.
appedi-
ce per
totam.

Iu-
the-
rus in
allego-
riis
ad Leo-
nem X.
art. 36.

Sed quàm nihil hoc figmentum efficiat, suprà docuimus. Et post paucas necessitas vero consequentis, qua illi se solent merum phantasma est... Rogo te, quomodo conueniunt ista duo. Iudas potest non proderi velle, & necesse est (necessitate consequentia) vt Iudas proderi velit? Nonne directè contradicunt & pugnant? Quasi apertè negans (sicut Calvinus) cum necessitate consequentia subsistere, yllam veram seu absolutam potestatem aliter faciendi: vt nos Thomistæ docemus.

Vnde de eodem Luthero obseruauit Concilium Senonense: Quòd in errore Manichæi inciderit Lutherus, dum nimis anxie & scrupulosè deuitat Pelagianum: metuens namq; liberum arbitrium cum Pelagio nimis efferre; omne bonum opus, quod est in homine, Deo tribuit, & Diuinæ gratiæ, nihil prorsus libero arbitrio: siq; tollens omnino liberum arbitrium Lutherus factus est Manichæus, dum refugit esse Pelagianus. Et hoc quidem à Concilio verissimè dici, verbis ipsius Lutheri probatur manifestè. Nisi enim totum (inquit) & omnia libero arbitrio tribueris, exemplo Pelagianorum; manet nihilominus Scripturæ repugnantia..... ideo ad extrema eundum est, vt totum negetur liberum arbitrium & omnia ad Deum referantur: sic non pugnant Scriptura. En vt refugiendo Pelagianismum, negat liberum arbitrium cum Manichæo. Ex quibus liquet tam Lutherum quàm Calvinum in eo conuenisse, quòd vterque gratiam à seipso quidem efficacem admiserit; sed liberum interim arbitrium, talis gratiæ vi vterque oppressus, negauerit.

ID AVTEM in quo discrimina-bantur, fuit circa modum concurrendi, quem diuersimodè in voluntate nostra sub efficacis gratiæ tractu constituebant. Lutherus namque ponebat, nos nullam in opere bono inter-no habere actiuitatem, & concurrere

merè passiuè, recipiendo motum à solo Deo productum: vnde quodam in loco super Psalmos sic scribit. Error est liberum arbitrium habere actiuitatem in bono opere, quando de interno opere loquimur; velle enim illud, quod credere, sperare, diligere iam diximus, motus, rapus, ductus verbi Dei, & quædam continua purgatio & renouatio mentis & sensus de die in diem in agnitionem Dei, licet non semper aequè iuxta sit illa passio; tamen semper est passio. Ecce (inquit Hieremias) sicut lutum in manu figuli, ita vos domus Israel in manu mea. Quid obsecro actiuitatis habet lutum, quado figulus ei formam assignat? Nonne mera passio ibi cernitur? Sed Calvinus temperans vt cumque hunc errorem, videtur nobis actiuitatem tribuere, ita vt operationes nostræ verè sint à naturali nostra actiua facultate. Extranea (inquit) est illa similitudo, quæ nos inuidiosè grauat. Quis enim ita desipit, vt hominis motionem à iactu lapidis nihil differre autumat? Neque verò quidquam simile consequitur ex nostra doctrina: in naturalis hominis facultates referimus, approbare, respondere, velle, nolle &c. En qualiter affirmat, hominis motionem à motibus inanimatorum differre, eò quòd actus hominis sub Diuina motionem, sint à naturali eius facultate, vtique actiua.

IGITUR in Canone Concilij Tridentini, quem adduximus, isti errores damnantur. In primis namque, dum dicitur: *Liberum arbitrium à Deo motum & excitatum.... posse dissentire si velit*; definitur contra id in quo vterque ille hæreticus conueniebat: videlicet efficaciam gratiæ seu Diuinæ motionis tollere libertatem. Si enim homo adhuc à Deo motus ad consensum, potest dissentire, si velit: ergo in manu eius est, voluntatem suam mutare, & ex consequenti libertas illa subsistit. Rursus dum ibidem additur, non se habere merè passiuè

Con.
P. ou.
Senon.
celebra-
ti anp.
1528. in
vixat.
Cõcilij.

Luther,
no. de
seruo
arbitrio
possi me-
cium.

Luther
in operat.
in Psal-
mos su-
per Psal-
mum 5.

Calvin
Instru-
de co-
gitatione
hære-
tis.

passiue aut veluti inanime quoddam, damnatur (specialiter id, quod sentiebat Lutherus: videlicet voluntatem nostram, nullam in opere interno habere actiuitatem. Si enim non se habet merè passiue; ergo actiue. Si non veluti inanime quoddam; ergo quantum ad modum concurrendi, non simpliciter sicut lutum in manu figuli, omni actiuitate carens.

SE D REDEAMVS iam ad opinionem Vincentij: probandum namque nobis est, veritatem huius Canonis, principiis eius aperte contradicere.

ARGVMENTOR SIC. Patres Tridentini definiunt hic liberum arbitrium, stante motione efficacia gratiæ, posse dissentire si velit: at hoc non alia ratione definiunt, quam quia iudicant potentiam illam dissentiendi esse de essentia veræ & meritoria libertatis: ergo contra Vincentium, qui iudicat potentiam huiusmodi, ad essentiam talis libertatis non requiri. Discursus est legitimus, si maior & minor probentur.

Probemus ergo primo loco maiorem: & quidem quod definiunt adesse potentiam dissentiendi stante motione, patet ex eo quod tribuant illud posse arbitrio, non qualitercumque, sed vt actualiter motum & excitato: at arbitrium actualiter motum & excitatum, posse dissentire, est idem ac stante motione posse dissentire: ergo definiunt potentiam dissentiendi ipsi inesse stante motione. Rursus quod loquantur de motione gratiæ efficacia & non solius sufficientis; probo tripliciter. Primò, quia iuxta confessionem contrariorum, nulla datur in natura lapsa gratia sufficiens, sed omnis est efficax: at Patres ibi loquuntur de gratia seu motione quam Deus præbet naturæ lapsæ: ergo non de sufficienti, sed de efficaci loquuntur. Secundò,

quia loquuntur de motione, quæ homo ad obtinendam iustificationis gratiam se disponat ac præparet: at motio illa est efficax, cum habeat coniunctum effectum actualis dispositionis seu præparationis: ergo loquuntur de gratia efficaci. Tertiò tandem, quia disserunt de illa gratia, quam Lutherus & Calvinus dicebant libertatem tollere; at illa eorum opinio est gratia efficax: ergo de huiusmodi loquuntur. Et sic tota maior est vera: nimirum Patres Tridentinos ibi definire, liberum arbitrium stante motione efficacia gratiæ, posse dissentire.

Deinde quod hoc non alia ratione definiant, quam quia iudicant potentiam illam dissentiendi esse de essentia veræ & meritoria libertatis (quod est subsumptum minoris) sic probo. Quia eo motiuo hoc definiunt, vt ostendant contra Caluinum & Lutherum, indemnem manere naturam nostræ libertatis, & non qualiscumque, sed illius quæ findat meritum & demeritum, qualem illi hæretici negabant: ergo si ad hoc ostendendum, assumunt pro medio, manere cum gratia potentiam dissentiendi; sentiunt indubiè, quod sine illa potentia, natura seu essentia libertatis salua non subsistat.

Explico hoc. Patres Tridentini, vel sentiunt sine ista potentia saluari veram naturam libertatis prout ad meritum & demeritum requiritur, vel sentiunt non saluari; si hoc secundum habeo intentum. Si primum, nempe quod sentiant saluari: ergo ad quid pro ea saluanda, tam sollicitè potentiam dissentiendi stabiliunt? Certè vanum & otiosum est, fideles compellere ad credendum, se posse diuinæ gratiæ dissentire, eo sine vt firmiter teneant, se esse verè liberos, si ex alia parte adhuc verè liberi essent, etiam quam-

uis dissentire non possent.

Explico ulterius: si vera natura libertatis prout ad meritum & demeritum requiritur, subsistit (ut tu autumas) absque potentia dissentiendi: ergo Caluinus qui solum istam potentiam negauit & reliqua libertatis requisita concessit; non negauit reuera essentiam liberi arbitrii. Consequens est contra omnes Catholicos: ergo & antecedens quod est tua opinio. Sequela meo videri est euident, si verum est id quod ibi suppono: videlicet Caluinum reliqua libertatis requisita concessisse, & solum potentiam dissentiendi negasse. Hoc autem verum esse, patet ex his, quæ in principio ex Caluino adduximus: tum etiam ex dictis supra libro primo: ubi ostendimus Caluinum sub motione gratiæ admisisse in voluntate nostra immunitatem à coactione, & perfectam rationem voluntarij: unde & quodam in loco ait, *Nos ex quo semel Domini virtute in iusticiæ obsequium edomiti sumus, vltro pergere, & propensos esse, ad sequendum gratiæ actionem: est enim certissimum, ubi gratia Dei regnat, talem esse obsequendi promptitudinem.* En fatetur nos vltro, cum propensione & promptitudine ductum gratiæ sequi, & indubiè non sicut equus & mulus quoad substantiam, id est absque intellectuali cognitione & perfecto rationis iudicio (hoc enim nescio si somniauit) sed potius cum cognitione & pleno iudicio, & insuper actiue concurrendo: ergo cætera libertatis requisita, nimirum immunitatem à coactione, & perfectam voluntarij rationem, admittebat, & solum potentiam dissentiendi negabar.

Quod & amplius confirmari potest ex Luthero, qui omnino dilucidis verbis id ipsum faceret. Libro de Seruo Arbitrio sic loquentem inuen-

nies. *Homo cum vacat Spiritu Dei, non quidem violentia velut raptus obtorquetur, nolens facit malum, quemadmodum fur aut latro nolens ad penam ducitur; sed sponte & libenti voluntate facit. Verum hanc libentiam seu voluntatem faciendi, non potest suis viribus omittere, coercere, aut mutare. Non vides hic, immunitatem à coactione, & rationem voluntarij clarissimè admitti, & solum potestatem indifferentiæ negari? Accipe & aliam eius sententiam sub tractu gratiæ. Si Deus (inquit) in nobis operatur; mutata & blandè assibulata per Spiritum Dei, voluntas iterum mera lubentia & prouitate ac sponte, sua vult & facit, non coactè: vt nullis contrarijs mutari in aliud possit... vt nec hic sit vlla libertas ad liberum arbitrium aliò se se vertendi, aut aliud volendi, donec durat Spiritus & gratia Dei in homine. Nescio quid expressius adduci possit, ad probandum, Hæreticos reliqua libertatis requisita admisisse, & solum potentiam aliò se vertendi negasse. Imò quod caput est, hæc Lutheri verba sunt eadem sermè cum verbis Vincentij. Ipse alibi dixit, quòd voluntas prædeterminatione gratiæ retenta non potest se flectere in oppositum; & Lutherus hic; nulla (inquit) libertas est in homine aliò se se vertendi, donec durat gratia Dei in homine.*

Nec valet dicere, hæreticos illos simul cum omnibus his posuisse, voluntatem nostram naturæ quodam irresistibili impetu ad vnam partem alligari, quo modo essentiam liberi arbitrii indubiè euerit, ut vult Vincentius.

Non (inquam) valet, nam te ipsa ad idem cogere, Vincenti. Et quidem hoc argumento. Nam peto à te, utrum stante motione gratiæ efficacis, voluntas possit dissentire, licet non potentia dissensui conuincta (hæc enim bene cum Thomistis negas) potentia

Supr. li.
1. c. 14.
sect. 2.
§. 2. capitulum
eo hoc.

Calu.
in Insti-
tut. ho-
minis
c. 2. nu.
37.

In Ti-
ria. lib.
2. c. 1.
sect. 14.
§. 2. nu.
37.

Thom.
§. Si ta-
men.

Supr. l.
2. cap.
13. *Nota
habetur.*

tentia tamen verè proxima & expedita quantum ad ea quæ requiruntur ex parte actus primi, ad dissentendum: vel potius hanc quoque potentiam neget: si illam fateris; fateor & ego quòd nulla mihi tecum sit in hoc puncto concertatio, ut alias quodam in loco supra monui; sed quòd illam non fatearis, ostendi quoque ibidem ex dictis tuis proprijs. Ergo in re ad Calvinismum cogeris. Probo istam consequentiam. Nam ideo equus (verbi gratia) in prosecutione sui obiecti, irresistibili quodam naturæ impetu, ad vnam partem alligatur, quia positus omnibus requisitis ex parte actus primi, non potest proximè eisdem perseverantibus nõ prosequi, potentia nedum negationi coniuncta; sed nec potentia aliqua absoluta seu antecedente, verè tali pro instanti istorum requisitorum: hoc ipso namque quòd actus primus & omnia eius requisita, careant intrinsecè illa indifferentia æquè ad prosequi & non prosequi; iam est ex parte principiorum constituentium posse, irresistibilis alligatio ad prosequi tantum: cum posse respectu prosecutionis, quod idem manens non est verum posse respectu negationis actus, sit posse irresistibiliter determinatum ad vnum tantum pro illo tunc. Dico autem, ad vnum pro illo tunc, quia quòd alias in agente inueniatur posse aliter pro alio instanti, mutatis scilicet requisitis ex parte actus primi, & aduenientibus alijs; hoc ad libertatem nihil prorsus potest conducere, nec ideo irresistibilis alligatio ad vnum tollitur: siquidem æquus etiam tale posse habet respectu non prosecutionis, mutatis videlicet requisitis ex parte actus primi, & aduenientibus alijs: cum tunc etiam possit non prosequi. Igitur irresistibilis alligatio ad vnum per modum naturæ, in illo so-

lumi potest consistere, quòd pro instanti quo ad sunt requisita ex parte actus primi ad operandum, non adsit proximè id est ex vi eorundem requisitorum potestas æquè indifferens & expedita ad non operandum. Et certè huius rei aliam explicationem nemo poterit inuenire, nisi petendo principium, & dicendo verbi gratia, ideo equum ad vnum quid per modum naturæ irresistibili impetu alligari, quia est equus & non homo: quæ absurditas vero Philosopho indigna est. Ergo si per te, Vincenti, stante efficaci motione Dei, non potest homo illi dissentire, potentia ne dum negationi consensui coniuncta, sed nec potentia aliqua proxima quantum ad ea quæ requiruntur ex parte actus primi; reuera ex vi motionis alligabitur irresistibili quodam naturæ impetu ad vnum tantum, non minus quam equus: sicque re ipsa ad Calvinismum cogeris, licet voce dissitearis.

Et ex his etiam patet, quàm vana & friuola sit glossa illa, quam quodam in loco, Concilio apposuit Cornelius Iansenius. Nempe quod Concilium istius potestatis dissentendi mentitur, non ut in ea libertatem arbitrii sitam traderet, sed ut ostenderet ex contrario, arbitrium sub gratia, non nihil omnino agere, non veluti inane quoddam, non merè passivè se habere, sed aliquid agere instar rei animatæ... quasi diceret Concilium, hoc est argumentum infallibile, quòd non merè passivè se habet homo, quia id quod recipit, potest etiam abijcere, seu dissentire si velit.

Patet (inquam) ex dictis, glossam illam vanam & friuolam omnino esse: quod & iterum hoc argumento ostendo. Nam si ita est, quòd Concilium illa sua definitione, solum velit nos aduèrsum istar rei animatæ agere; ideoque potestatem dissentendi, tamquam huius activitatis

Iansen.
to. 2. l.
8. c. 17.
column.
863.

argumentum, adduxerit; sequitur aperte, non fuisse ibi damnatum Caluinum, sed solum Lutherum, quod communi sensui Catholicorum contradicit. Patet sequela: nam (vt ex loco Caluini superius adducto constat) ipse expressè docuit hominem sub tractu gratiæ per modum rei animatæ agere, & non merè passiuè se habere: ergo si Concilium hoc tantum stabilire voluit; reuera in illo Canone nil contra ipsum statuit, ac proinde ibi damnatus non fuit. Quare constantissimè tenendum est, potestatem illam dissentienti fuisse à Patribus adductam, eo fine sicut nos diximus: videlicet vt liberi arbitrij naturam in ea sitam, sub gratia illam remanere, contra vtrumque hæreticum ostenderent.

Confirmo hoc ipsum. Nam præcipuus scopus Ecclesiæ contra illos hæreticos fuit, vt ostenderetur liberum arbitrium per efficaciam gratiæ non euerti. sicut ipsi contendebant: hoc igitur in aliquo Canone Ecclesiæ statuit & dehinc: quomodo enim præcipui sui Scopi definitionem vlla via poterat omittere? sed in nullo alio Canone id ipsum definiuit, quàm in quarto à nobis adducto, cum in quinto, qui etiam de libertate agit nullo modo gratiæ efficacis mentionem faciat, sed solum definiat, *liberū hominis arbitrium post Adæ peccatum amissum & extingui non esse, nec rem esse de solo titulo, aut titulum sine re: ergo cum in quarto, hoc non aliter definiat, quàm dicendo, sub gratia manere potestatem dissentienti; euidentis fit, Concilio idem fuisse, liberum arbitrium & potestatem dissentienti: ac proinde illud in illa consistere.*

Explico hoc. Necessariò fateendum est, Tridentinum alibi definiuisse, per efficaciam gratiæ non euerti liberum arbitrium, cum hoc in materia libertatis fuerit præcipuus eius

scopus; sed nullibi hoc definiuit, quàm in Canone illo quarto: & ibidem non aliter definiuit, quàm dicendo per gratiam non euerti potestatem dissentienti: ergo Tridentino idem omnino fuit, per gratiam non euerti potestatem dissentienti, ac per gratiam non euerti liberum arbitrium. Quid clarius? Quid euidentius? Igitur ex mente Tridentini, natura liberi arbitrij & potestas dissentienti conuertuntur. Domine (iterum atque iterum dico) aperi oculos horum cæcorum, vt videant.

C A P V T XVII.

Plurimò impugnatur Sententia Vincentij à singularitate.

HO C etiam in infirmationem Vincentiani dogmatis apponere non dubito, quòd vix sciam, quem Patronum inter Catholicos habeat, præter vnicum suum Vincentium, ex his qui Scholasticam Theologiam prælo commiserunt.

Quòd enim in his Belgij partibus, nonnulli non Scriptores; imò & vix inter Scholarem plebem perfecti auditores, viro isti adherere conspiciantur; hoc certè opinioni nullam potest fidem facere. Vt quondam Mardocheo Iudæo in Aula Asueri clauum regni moderante, nemo non ferè studebat Iudæorum fauorem atque beneuolentiam sibi comparare; in tantum vt (sicut Sacer Textus eloquitur) *plures alterius gētis & si illa eorum religioni & ceremonijs iungerentur; quid mirum, quòd & nunc in Aula Academica Louaniensi, Vincentique clauum facultatis, moderante, sint quamplurimi, qui fauoris sibi comparandi gratia, eius opinioni præcipiti quodam affectu iungantur?* Hoc profic-

Cælest.
in epi-
sto. pro
Prospe-
ro &
Hilar.
cap. 1.

profecio (vt iam dixi) nullam potest pro veritate rei , fidem facere . Scholasticorum Scriptorum quærenda est multitudo , si velimus nobis in dictis Theologicis fidem & authoritatem conciliari . *Quid enim illius spei est (vt alibi loquitur Cælestinus Papa) vbi magistri sacentibus , illi loquuntur , qui (si ita est) discipuli non fuerunt ?* Quid & tibi exinde spei , Vincenti ; quòd Scholaris plebis tumultuarium os pro te loquatur , vbi Magistri , id est Scholastici Scriptores , non solum tacent , verum & apertissimè libris suis tibi obloquuntur ?

Nonne præter veteres Thomistas , libro primo contra te enumeratos , omnes hi Magistri & Scriptores laudatissimi ?

*Bañez , Alvarez ,
Medina , Ledesma ,
Raphael de la Torre ,
Raphael Ripa ,
Matthæus de Rispolis ,
Bartholomæus Sibilla ,
Asturicensis , Gonzalez , Nuño ,
Nauarrete , Nazarius , Araujo ,
Ioannes à Sancto Thoma ,
Martinez , Marcus Serra ,
Curiel , Ildephonsus ,
Cabrera , Lorca ,
Montesinos , Victoria ,
Cipullo , Salmanticenses ,
Complutenses , Corneio ,
Choquetius , Syluius ,
Estius , Malderis ,
Vuiggers , Ludonicus à Dola .*

Et innumeri alij ? Omnes hos & singulos (vt totam adhuc Societatis IESV Scholam cum centenis & centenis pertranscam) circa disputationem nostram accuratè inspexi : & quid quæso ? Non solum pro dogmate tuo non loquuntur , sed & euidentissimis signis , vel vt erroneum supponunt , vel vt falsum & impro-

babile debere reijci , comprobant , & ostendunt .

Quibus hoc adijcio , quòd contra te summa cum veritate citare possum nobilissimam totius Christiani orbis (aut vt absit inuidia , quæ inter nobilissimas iure merito computari potest & debet) vniuersitatem Salmantinam . In hac etenim per vndecim annos studijs Philosophicis & Theologicis incumbens , numquam aliquid à domesticis aut ab extraneis Magistris audiui , quod vel leuiter tuæ opinioni fauere posset . Quia , imò si toto illo tempore , semel somniata fuerit ; nec inter quotidianas fabulas recitatum memini . Quare , mi Vincenti , cum singularitatem semper abhorreant sapientes ; singularitati tuæ subscribendum non est . Quidquidenim ab aliquo vno , vel præter omnes , vel contra omnes , nouum & inauditum subinducitur , id non ad veritatem , sed ad præsumptionem potius intelligitur pertinere . Extremæ quippe temeritatis est , in medio & perspicuo die tot Scholasticorum , commentitiam facem , pro cognitione libertatis velle accendere , vbi lux veritatis iam dudum reperta est . Sed quàm bellè Imperator Martianus in Cōcilio Chalcedonenſi ! *Qui post veritatem repertam , aliquid vltius discunt ; mendacium querit .*

Et dic quæso te , nonne doctus quisque Molinam præsumptionis redarguit , dum se primum & singularem concordie liberi arbitrij cum diuina gratia , inuentorem iactitat ? Cur ergo & eadem nota inuri non times , dum te aut Episcopum tuum CLAVEM ARCANORVM SANCTI AVGVSTINI inuenisse gloriaris ? Ea , Vincenti , hæc alterius Vincentij verba in Medicinam tuam recipe . *O Sacerdos O Doctor , si te diuinum munus idoneum fecit*

In The-
tica l.
2. cap. 9
sect. 1.
6. hanc
Malder-
ius.

Vincē. *est ingenij exercitatione.... pretiosas di-*
 Lyrinē *mini dogmatis gemmas sculpe fideliter,*
 sis 2. p. *coapta, adorna sapienter, adisco splen-*
 tom. 5. *dorem, gratiam, venustatem, ea-*
 Bibl. *dem tamen quæ didicisti, ita doce, ut*
 ret Pat. *cum dicis nouè, non dicas noua.*

In The *Sed obloquentem audio: non te*
 riacia l. *noua dicere, sed omnino veterem &*
 1. ca. 3. *Græcorum Patrum Philosophiam*
 & de in- *pandere. Sic alibi in Theriaca.*
 cepts.

Astorū *Sanè facillimo negotio id ipsum*
 2. & ib. *crederem, si reliquorum Doctorum,*
 Christo. *quos citavi, testimonio tibi adsta-*
rent. Stans autem Petrus (ait Sacer
Textus) cum undecim leuauit vocem
suam. Quid est cum reliquis undecim?
Interrogat Chrysostomus: commu-
nem quidem vocem (inquit) edebant:
at Petrus omnium erat os: sed adstabant
illi undecim, testimonio suo comprobantes
ea quæ ab illo dicebantur. Efficax
planè argumentatio. Petrum tam-
quam os omnium Apostolorum lo-
cutum fuisse, firmisimè credo: quia
reliqui testimonio suo comprobantes,
illi adstabant: & te quoque,
Vincenti, tamquam os Sanctorum
Patrum locutum fuisse credam, quā-
do non solus, sed reliquorum Scho-
lasticorum testimonio associatus,
hoc dixeris.

Mira res. Tot sunt hoc sæculo moderni Scholastici, tot & ante tempora nostra extitere versatissimi, qui non libellos sed & integra volumina rebus Theologicis dedicarunt, & te solum supra omnes veterum & Sanctorum Patrum intelligentiam associutum fuisse credam? Quotquot citui, putant se in sententia, quam contra te habent, Sanctis Patribus minimè contradicere: imò tot iam annis ante te, eorum libri tamquam Sanctis Patribus gloriosissimè conformes, ab Ecclesia non solum tollerantur; sed & honorantur, ab vniuersitatibus suscipiuntur, in Scholis præleguntur, in disputationibus pro-

palantur, citantur, acclamantur; & credam ego (te modò cum glossa tua noua subintrante) omnes hos à mente Sanctorum aberrare, & te solum veraciter accedere? Si moderni sunt, eaque de causa non sic opinione tua audiendi, sicut veteres, qua via tu, modernus quocumque cum sis, imò & longè modernior, securius & confidentius præ cæteris audiri contendis? An nē solius tui dicti, tuique Episcopi Authoritas tantum ponderis habebit, ut possit habita intelligentia tot illustrium, vobis solis in expositione Sanctorum debeat decantari **HONORET GLORIA?**

Certè non credam, nec credere tu-
 tò licet. *Mira sunt quæ dicitis (verbis*
 vtor Augustini) *nona sunt quæ dicitis,*
falsa sunt quæ dicitis: mira stupemus,
nona cauemus, falsa conuincimus. In
 exponendis quippe Sanctorum Pa-
 trum Sententijs, vocem oportet le-
 uare communem cum reliquis *unde-*
cim, id est, expositionem oportet ad-
 hibere, quam reliqua turba Schola-
 stici germinis amplectitur, non quam
 vnius hominis priuata intelligentia
 sibi confinxit. Nam si hoc idem non
 sapiunt omnes, sed vnus potius contra
 omnes, iam nec periculo nec præ-
 sumptione, tanta potest carere sin-
 gularitas. Credamus, Vincenti, esse
 de mente Sanctorum Patrum &
 veterum Theologorum, non id quod
 tu solus, sed quod reliqua turba
 Scholasticorum dementè ipsorum,
 esse dicit. *Scholastici (inquit tuus*
Iansenius) libertatem à peccato, longè
aliter exponunt, quàm Augustinus.
(inquit idem) proprijs opinionibus præ-
occupati, Sanctorum Patrum verba quo-
quo modo in suas partes trahunt. Plus
iudant, præconceptam suam opinionem
in Patribus stabiliendo, quàm genuinū
sensum Patrum indagando. Et bone
 Deus! Credamne ista veraciter de
 Scholasticis dici (maximè cum tam
 gene-

Libr. 1.
 contra
 Iulian.
 cap. 3.
 in fine.

Iansen.
 in In-
 dice to-
 mi ter-
 tij ver-
 bo Scho-
 lastica.

Beana.
epistol.
150.

generaliter dicantur de omnibus ubi ab uno solo homine dicuntur? Quid ergo tu Iansenii (vt alibi loquitur Bernardus) quid melius affers, quid subtilius inuenis? quid secretius tibi reuelatum iactas, quod tot praterierit Sanctos, effugerit Sapientes? Aquas furtiuas, & panes absconditos nobis apponis, quibus (dico iterum) nec credam, nec vlli cordato viro credere licet. Quasi verò solus Iansenius non aliter res Theologicas exponat, quam exponit Augustinus: quasi verò solus ille verba Sanctorum in partes suas non trahat, propria opinione non preoccupatis: quasi verò solus ille, geminum sensum Patrum indaget, & preconceptam suam opinionem in Patribus stabilire non labore. O Doctor singulariter mirabilis & mirabiliter singularis! Sed ideo non audiendus, quia homo cum sis (sicut ceteri) tam singularem te facis, tamque singulariter mirabilem.

Libr. 1.
eoperat.
lul. ca.
30. cir-
ca me-
dium.

Vti libet contra vos argumento Augustini contra Iulianum. Vsq̃ adeo (inquit alibi) permiscuit imis summa longus dies... vt videant Pelagius, Caelestius, Iulianus; & cæci sint Hylarius, Gregorius, Ambrosius? Vsq̃ adeo (dico & ego vobis) permiscuit imis summa, longus dies, vt his temporibus videant Iansenius, Vincentius, & cæci sint reliqui Scholastici?

Si fortè, Vincenti, respondeas; ista à Iansenio tuo non dici generaliter de omnibus modernis Scholasticis; sed tantum de quodam Scholasticorum genere, ac per consequens nec te, nec tuum Iansenium, simpliciter singulares esse, aut omnes Scholasticos modernos contemnere.

Profec̃o nescio si vera sit huiusmodi responsio. Quidquid tamen sit; tale genus Scholasticorum contemnis, tam robustum, tam firmum, tam nobile, tam electum,

tam regale, tam venerandum, vt illo semel spreto, euidentissimè apud vos, nulla sit erga reliquos omnes reuerentia.

Nunc idem tuus Iansenius ex magisteriali sua cathedra sic ausus fuit desinire: Qui prædeterminationem Physicam in generali subordinatione causæ secundæ ad primam fundant, adeo vteam ad gratiam hominis integri & Angelorum extendant, Augustini doctrinam funditus, peruertant, Scripturis non exiguum vim inferant, imò & subvertant? Et quale quæso genus Scholasticorum hic contemnitur, imò & infamatur? Suppono enim infamiam esse, eamque grauissimam, totalem peruersorem doctrinæ Sancti Augustini, violentumque Scripturarum, interpretem, vel dici, vel cogitari. Quale (inquam) genus Scholasticorum hic infamatur? Nullum profec̃o aliud, quam regale illud Thomisticum, cum suo Sanctissimo præceptore Thoma Aquinate, membrana purissima Diuinæ Sapientiæ: in qua Physica prædeterminatio, in generali subordinatione causæ secundæ ad primam fundata, dilucidis verbis impressa conspicitur. Nam Prima, Secunda, quæstione centesima nona, articulo nono assignans duas rationes, ob quas homo infirmus sanatus per gratiam adhuc indiget ulteriori auxilio mouente ipsum ad opus; sic satur. Homo indiget huiusmodi auxilio, & hoc propter duo. Primo quidem ratione generali, propter hoc quòd (sicut supra dictum est) nulla res creata (eñ generalem subordinationem causæ secundæ ad primam) potest in quemcumque actum prodire, nisi virtute motionis Diuinæ. Secundo, ratione speciali &c. propter infirmitatem scilicet status naturæ lapsæ. Unde & articulo secundo illius quæstionis, loquens etiam de statu naturæ integræ, dixerat, secundum virumque statum

Iansen.
in In-
dice to-
mi 3.
verbo
Præde-
termina-
tio Phy-
sica. Et
tomo 3.
l. 1. cap.
3. col-
721.

statum natura humana indiget auxilio Diuino ad faciendum vel volendū quodcumque bonum, sicut primo mouente. Et rursus articulo primo ibidem: quatumcumque natura aliqua corporalis vel spiritalis (en extensam prædeterminationem etiam ad gratiam hominis integri & Angelorum) ponatur perfecta, non potest in suum actum procedere, nisi moueatur à Deo. Nonne hoc est apertissimis verbis, prædeterminationem, quā moderni Thomistæ Physicam vocant, fundare in generali subordinatione causæ secundæ ad Primam, ita vt ad omnem statum ad omnem creaturam, siue humanam siue Angelicam extendi debeat? Si ergo id ipsum apud vos, Vincenti, est funditus peruertere doctrinam Sancti Augustini; & Scripturis non exiguum vim inferre; profecto non solum Thomistas; sed & ipsum Sanctissimum Præceptorem contemnitis, infamatis.

Præterea, nonne disertis verbis docet idem Angelicus, peccato originali non deberi pœnam sensus? Legatur in Distinct. trigesima tertia, quæstione secunda, articulo primo, & præcipue quæstione quinta de Malo articulo secundo, vbi titulus est, *utrum peccato originali debeatur pœna sensus?* Resoluit in argumento sed contra ex mellifluo Bernardo sic. *Sed contra est quod Bernardus dicit, quod sola propria voluntas ardet in inferno: sed originale peccatum non est peccatum propriæ voluntatis, imò consequitur ex voluntate aliena, ergo peccato originali non debetur pœna sensus.* Præterea Innocentius Tertius dicit in decretali, *pœna sensus debetur peccato actuali, sed originale peccatum non est actuale: ergo ei pœna sensus non debetur.* Deinde in Corpore articuli Respondet (inquit) dicendum, quod sicut communiter dicitur (notetur phrasis; vocat sententiam communem) peccato originali

non debetur pœna sensus, sed solum pœna damni, scilicet carentia visionis diuinæ. Imò postea respondens ad duas auctoritates Augustini, in quarum vna Augustinus dixerat, quod paruuli decedentes sine baptismo, experientur gehennam, & in altera huiusmodi paruulos, esse æterno supplicio puniendos; sic concludit. *Ad Primum ergo dicendum, quod nomen tormenti, supplicij, gehennæ, & cruciatus vel si quid simile in dictis Sanctorum inueniatur; est largè accipiendum pro pœna, vt ponatur species pro genere. Ideo autem Sancti tali modo loquendi vsi sunt, vt detestabilem redderent errorem Pelagianorum, qui asserbant in paruulis nullum peccatum esse, nec eis aliquam pœnam deberi. Et per hoc patet solutio ad secundum & tertium & ad omnia similia.*

Ex quibus patet, sententiam negantem, peccato originali correspondere pœnam sensus, doceri à Sancto Thoma, non solum tamquam Bernardi, aut Innocentij, aut Augustini, sed vt suo tempore communem, & tantæ quidem auctoritatis, vt iuxta illam dicta reliquorum Sanctorum debeant explicari. Et quid quæso resolutissimus definitor Iansenius de istiusmodi sententia, omnibus his non obstantibus iudicat? Audiamus verba ipsius, vt iudicium quoque sciamus. De pœnis verò paruulorum (inquit) post hanc vitam, pœnæ superfluum est, nouum laborem suscipere. Jam enim ante paucos annos Illustrissimus iuxta atque eruditissimus vir Dominus Florentius Conruius Archiepiscopus Tuamensis opusculo hac de re scripto, perquam accuratè demonstrauit, paruulos absque baptismo ex hac vita decedentes, pœnis non tantum damni, sed sensibilibus & quidem æterni ignis secundum Augustini Doctrinam plecti. Cui operi quamuis quedam addi possent, quædam etiam iuxta Sanctum Augustinum

Iansen.
tom. 2.
li. 2. de
statu
naturæ
lapic.
25. col.
428.

nam rectius aliter dici, quemadmodum nos quodam loco declarauimus; rectissime tamen ostendit id, quod in ista controuerfia præcipuum ac medulla est, longe ab Augustini & fortassis Ecclesiæ, quæ Pelagianos iuxta eius principia damnauit, mente recessisse Scholasticos, qui paruulis sine baptismo morientibus vel beatitudinem naturalem vel immunitatem à sensibilibus ignis æterni pœnis tribuerunt. Quapropter ne altum agamus, vel eius lucubraciones in hæc scripta nostra transferamus, remittimus diligentem lectorem ad ipsum tractatum eius. In quo quidquid ab aduersarijs pro paruulorum causa benignius quàm sapientius opponitur; ex profundissimi Doctoris Augustini sensu ac verbis refutatur. Non vides hic iterum lector mirabilem istius hominis singularitatem?

Profecto non est nobis iam sermo, de Sententiæ aliqua à modernis Scholasticis inuenta aut excogitata; sed de sententiâ quædam quæm Sanctissimus Aquinas docet esse, & suam & Bernardi & Innocentij & Augustini & reliquorum Sanctorum & insuper communem inter sui temporis Magistros. Et quid ad hæc Iansenius? Non solùm quasi plus sapiens quàm Aquinas, contrariani approbat; sed & insuper cum quodam domino Florentio Conrio, iudicat Sæctum Thomam, Bernardum, Innocetium, cum omnibus Scholasticis tam antiquis quàm modernis eam tenentibus, ab Augustini & fortassis Ecclesiæ mente longe recedere.

Pro Paradoxum insolens & stupendum! Ab Augustini & fortassis ab Ecclesiæ mente recedit Sanctissimus Aquinas? Quid in his verbis intollerabilis iudicem, insolentiam, an arrogantiam? Quid damnabilius, temeritatem an irreuerentiam? An non iustus, os loquens talia censuris runderetur, quàm rationibus retelle-

retur? Nonne omnium meritò Thomistarum in se prouocat iram, cuius lingua & calamus contra Thomam? Quàm bellè concinat (verbis vtor Iansenij) contra quosdam quàm bellè (inquam) concinat ista censurarum acrimonia..... cum tot elogijs antiquorum..... cum illis oraculis Pontificum Romanorum, quibus (vt supra vidimus) asserunt Sæctum Thomam Beati Augustini vestigia fuisse insecutum, eiusque scripta certissimâ esse Christianæ Doctrinæ regulam, & insuper viam regiam communi Ecclesiasticorum Patrum incessu tritam! Vade Doctor mirabilis: nam singularitas tua Ecclesiæ Catholicæ firmitatem vellicat & concutere nititur, quando sic in Sæctum Præceptorem iniuriola conspiciatur.

Non ergo, Vincenti, solùm vobis familiare est, aliquod genus Scholasticorum Modernorum flocci facere, sed & insuper eò ascendit vestra singularitas, vestra arrogancia, vt in ipsum etiam Scholasticæ Theologiæ Coriphæum Thomam Aquinatem, vestro iudicio anathema terre non vereamini. Plus igitur cunctis, vultis vos soli sapere? Cunctisque plus genuini Augustinæ mentis interpretes videri? Mira res (dico iterum) Mira res.

Atque quondâ zelo ductus Elias; Domine Prophetas tuos occiderunt, Altaria tua dest uerunt, & remansi ego solus. Respondit ei Dominus. Reliqui mihi septem millia: quasi diceret: ne putes Elia, te solum pro defeusione mei honoris superstitem remansisse: nam adhuc præter te, septem millia ministrantium mihi præstò sunt. Quærit Rabanus, qualiter Propheta, aliis domino tam familiaris, hanc superstitem multitudinē ignorare potuerit: tanto Propheta (inquit) quid difficile fuit cognoscere in hoc mundo famulos remansisse Deo? Apprime

Iansen.
tom. 2.
l. prox.
m. ali. c.
16. col.
38.

Suprà
lib. 1. c.
15.

1. Reg.
19.

Raban.
ibidem
in glossa
ordinaria.

profecto quæsito satisfacit. *Qui humilis, etiam occulta Dei nouerat, elatus, etiam aperta nesciebat.* Sed iam ad rem nostram. Putat Vincentius se solum cum suo Iansenio pro vera intelligentia Sanctorum tradenda remansisse, cæterosque Modernos Scholasticos, potius peruersis glossis Sanctos Patres occidere, quàm declarare. Quid ergo? Nonne dominus in Ecclesia sua reliquit præter Vincentium plusquam septem millia interpretum? Qua via igitur idipsum vir alias tam eximius potest ignorare? Quia nimirum, elatus & aperta nescit. *Quasi verò, Domine, Scholastici Sanctos tuos Patres glossis suis occidunt, Altaria genuini eorum sensus destrunt & remansi ego solus legitime eos exponens.* Apagæ singularis interpres, & doctrinam Rabani attentamente peruolues *voce Dei* (prosequitur) *ad Eliam solum se assimilantem, dicitur, reliqui mihi septem millia viro- rum, ut dum non solum se remansisse cognosceret; elationis gloriam, quæ ei de singularitate surgebat, inclinaret.* Et vos ergo Iansenitæ inclinate capita vestra.

Primi Regû duodecimo, Samuel volens populo Israelitico, quantum æquitate ipsum rexisset, ostendere; expressè aliorum illustrium, qui eidem quoque populo præfuerant, mentionem facit. *Et ait Samuel ad populum* (inquit Sacer Textus) *Dominus qui fecit Moysen & Aaron, & eduxit Patres nostros de terra Aegypti.* In virtutis suæ specimen volens pandere, Moysen quoque & Aaron, celeberrimos viros sibi adiungit. Audiamus magnum Gregorium. *Quid est hoc aliud* (inquit) *nisi quia & virtutis suæ culmen ostendit; sed in tanto culmine solus apparere noluit: quasi latentibus sensibus dicat, in tanta animi virute mirandus non sum, quia in ea solus non sum.* Bella sententia. Vin-

centi, magnum nobis tui ingenij culmen ostendis, de libertate discurrens. Ascribis te essentialiæ eius rationem absque indifferentia, in Arcanis Augultini inuenisse, quidquid tota Schola Modernorum reclamer. Vtique in tanta ingenij & mentis perspicacia, mirandus es, quia in ea solus es.

Sed quid de nostro Caietano? Possetne & ipse singularitatem tuam aliquo encomio exornare? Poterit profecto. *Simon Ioannis* (aitbat Saluator) *diligis me plus his? Dicit ei, etiam Domine, tu scis quia amo te.* Notat Caietanus, duo quæri à Christo, & ad vnum tantum à Petro fuisse responsum. Quærebat Christus & vtrum diligeret, & vtrum plusquam reliqui Apostoli? Sed Petrus ad vnam tantum partem quæsitæ respondens, ait. *Domine tu scis, quia amo te.* Quare ad secundam quoque partem, nempe, *plusquam hi*, responsum non dedit? Acutissimè & verissimè Caietanus? *Refugit Petrus respondere ad secundam quæsitæ partem, scilicet plusquam hi; hoc enim non nisi temerè & præsumptuosè potuisses affirmare.* En, elegans omnino & concinnum pro tua singularitate encomium. *Vincenti, intelligis naturam liberi arbitrij plus his?* Id est plusquam omnes Moderni Scholastici? Si dixeris; *Tu scis quia intelligo*, vti que rollerabo. Si autem ad secundam quoque partem addideris; *Plusquam omnes Moderni Scholastici;* hoc non nisi temerè & præsumptuosè potes affirmare.

Sequamur potius consilium doctissimi Philonis; *præstat hic mauere* (inquit ille) *oberrando inter mortales, sicut magna pars humani generis, quàm ad Cælum à se ipsis elatos, subuertere, sicut multis Sophistis contingit.* Præstat (inquam) hic manere, oberrando inter communes Sententias, sicut magna pars Scholastici germinis, quàm

102.11.

Caiet. ib d.

Greg. 1
Reg. 12Philo
li. de
Migra-
tione
Abra-
hami
post
mediā.

quàm ad priuatas Sententias à seipsis elatos, subuerti.

Bernardus
E. pistol.
115.

Et nonne etiam rectissimè melliflua sapientia Bernardi? *Falleris Thoma* (ait alibi) *si videre Dominum desideras, à collegio Apostolorum segregatus. Non amat veritas angulos, diuersoria ei non placent: in medio stat: communi vita, communi disciplina delectatur.* Falleris tu quoque, Vincenti, si veritatem Augustini videre desideras, à Collegio Scholasticorum segregatus. Non amat veritas Augustiniana angulos: diuersoria priuata intelligenti ei non placent, sed communi potius disciplina, communique sensu gaudet exponi.

Verum adhuc fortè obmurmuras: si essent moderni Scholastici tales Doctores, quales fuerunt Hylarius, Hieronymus, Augustinus, Prosperi sequeremur eos: modo autem tales non sunt; sed longè alij, longèque inferiores: vnde à communi eorum sensu recedere; nobis vitio verti non debet. Hanc esse quætionem vestram; semel à doctissimo quodam & fidedigno audiui.

Sed audire quoque iam Chrysostomum, siue quis alius fuerit in Commentarijs super Matthæum imperfectis homilia quadragesima quinta. *Cum audieris* (inquit os aureum) *aliquem beatificantem antiquos Doctores, proba qualis sit circa suos Doctores. Si enim illos sustinet & honorat, cum quibus viuit; sine dubio & illos honoraturus fuerat, si cum illis vixisset. Si autem suos contemnit, verè & illos contempturus fuerat, si cum illis vixisset.* Hæc enus ille, quasi Iansenitarum morem prophetice describens. Dicunt summa cum confidentia, se antiquos Doctores venerari, Augustinum amplecti, Hieronymum prosequi, Prosperum attendere; sed quantus qualisque sit huiusmodi venerationis spiritus, ex verbis Chry-

sostomi iam didicimus. Venerantur ne Doctores sui temporis? Amplectuntur ne illos Magistros cum quibus viuunt? honorant ne tam laudatam à tanto tempore cateruam Scholasticorum, quibus Catholica Scholæ fulgent vt sole luna? Certè qui hoc probare voluerit, vtrum similes venerentur vel non, legat librum Proximalem Iansenij in triginta capita distinctum, & nescio si vel vnum caput legenti occurrerit; in quo non continuus sit Scholasticorum omnium & Modernorum vilissimus contemptus. Si ergo tales sunt Iansenitæ circa sui temporis Doctores; frustra omnino honores mihi deferunt erga Doctores Antiquos, frustra illos laudibus attollunt: nam si (teste Chrysostomo) Beatificans antiquos Doctores, probandus primò est, qualis sit circa suos Doctores; iam vtrique millies & millies probati inueniuntur Iansenitæ, quòd antiquorum quoque cõtemptores fuissent, vtpote qui tam prolixa tamque insolenti arrogantia Modernis omnibus & singulis in sultant.

Non sic profecto Doctor noster Angelicus, humillimus, veneratio-ne plenissimus: qui sicut Antiquos Doctores lumine fuit semper veneratus, ita & in laudem Modernorum sui temporis, hoc elogium proferre quodam in loco non dubitauit. *Non est mirum, si Moderni fidei Doctores post varios errores exortos, cautius & quasi elimatius loquuntur* (quàm Sancti antiqui) *circa Doctrinam fidei, ad omnem hæresim euitandam.* Hoc vobis Iansenitæ loco speculi inferujat, vt nouicia vestra arrogantia confundatur. Quid Scholasticorum morem contemnitis. Quid vicitatissimos, clarissimos, præmeditatissimosque modernæ Scholæ terminos abijcitis? Nonne teste Aquinate ea methodo cautius & quasi elimatius ad omnem hæ-

Sanct.
Thom.
opul.
contra
errores
græcorum
in
prin.

hæresim euitandam sermo sit? Hic ergo mos si vobis in scriptis vestris cordi fuisset; calamus utique vester exinde cautior & eliminator; non tot iam hæreticorum deliria integris penè homilij profudisset.

Nec villo modo iuuat, quod paginæ vestræ imò & linæ, Augustinum spirent continuò. Spirant litteram, sed longè è sensu Augustini, ad vestrum priuatum proximè adspirant: quo fit vt & Spiritus Augustini fidelis & Catholicus, sub onere litteræ, vt à vobis adducitur, suspiret omnino. Et nonne hoc ipsissimo pallio hæreses suas inuoluere, nouit accuratissimè Caluinus? Sanè tam frequens ipsi fuit eloqui Augustiniani vsus, tam familiare Augustini patrocinium; vt ipsemet alibi in fauorem suum de scriptis suis affirmauerit;

Caluinus de libe. arbitr. contra Pighiū in libr. 9. §. huiusmodi:

Nullum est caput quod non prope ad verbum sapius apud Augustinum occurrat: certè nullum est, quod non luculentius eius testimonio confirmare liceat. Si ergo hoc Scriptoris Catholici causam iustificat, quod in citandis Augustini testimonijs sit continuus; profecto inter Catholicos, pari lege numerari poterit Caluinus. Quod cum à veritate sit alienissimum, à fide quoque orthodoxa remotissimū; quis ad eò stupidus, vt ea de causa lauream asscutæ Augustinianæ mētis, Iansenitis appendat? Hoc (vt dixi) obseruandum est, vt Augustinus, cum pro veritate confirmanda adducitur, non contra communem Scholasticorum adducatur intelligentiam; sed potius tali sensu exornetur, quem (si possibile sit) suscipiant omnes venerentur singuli. Reliquum, est damnandæ singularitatis notam incurere, in priuatos errores abire, angulos querere, diuersoria seligere, cum tamen sincera & vera veritas in medio stet, communivita, communiq; gaudeat disciplina.

Profecto limites suos exiret nostræ disputatio, si singularitas Iansenitarum serio redarguenda esset. Eam cum humilibus, proindeque sapientioribus abhorreamus, ne in magnos casus eosque miserabiles redigamur. *Eum vero periculosum est,* (inquit iterum Philo) *animam incomitam ad contemplationem eius qui est, ascendere.* Periculosum (dico) est, intellectum Doctoris incomitatum, id est, Scholasticis sui temporis comitibus destitutum, ad contemplanda Sanctorum Patrum profundissima arcana velle ascendere.

Philo ubi in pri.

C A P V T XVIII.

Ostenditur, gratis posse admitti, esse verè liberos, actus spirationis & amoris beatifici; exinde tamen non sequi, fore cum eadem necessitate verè liberos actus hominis viatoris.

PRÆCEDENTIBVS argumentis puto falsitatem Vincentiani dogmatis sufficienter esse demonstratam. Sed adhuc in animo est, aliam conclusionem superaddere, quæ & gratis aliquid ipsi concedemus; ostendendo tamen adhuc eo concesso, principali intento Vincetium frustrari. Quod hucusque ergo peractum est, eò semper destinauimus, vt ostenderetur, non omnem actum perfectè voluntarium, esse eo ipso liberum, vera libertate sufficienti ad meritum. Siquidem (vt iam auctoritatibus Sanctorum & rationibus tam Philosophicis, quàm Theologicis luculenter comprobauimus) ad actum verè liberum requiritur potestas ex parte principij, eque proxima & expedita ad actum, atque

ad negationem actus, quæ tamen potestas in omni actu verè voluntario non reperitur: vt maxime patet in spiratione Spiritus Sancti, & in amore beatifico.

Iam verò libet omnibus istis superaddere, quòd etsi gratis daretur, actus istos spirationis & beatifici amoris, esse verè liberos; adhuc tamen non sequatur, liberos fore actus nostræ voluntatis in via, si semel ponantur tam absoluta necessitate elici, quali prædicti actus eliciuntur, Itaque mens est, demonstrare, quòd necessitas spirationis & amoris beatifici, si in actibus viæ poneretur; euidenter læderet libertatem actuum hominis viatoris, adhuc gratis dato, quod non lædat libertatem actuum voluntatis Diuinæ circa productionem Spiritus Sancti, & humanæ circa amorem Dei clarè visi in Patria.

Quod certè efficaciter probari potest, ex discrimine quod versatur inter modum tendendi, quem habet voluntas in patria circa bonum infinitum clarè visum, & modum tendendi, quem habet in via, circa quodlibet aliud obiectum sibi propositum. Discrimen autem in eo situm est, quòd voluntatis natura habet hoc, quòd in patria moueatur necessario à bono infinito clarè viso, necessitate quoad exercitium: sic verò per se loquendo, moueri non potest ab vilo obiecto sibi proposito in via. Est doctrina expressa S. Thomæ, Prima Secundæ, quæstione decima, articulo secundo in Corpore, ubi sic loquitur, *Voluntas mouetur dupliciter: vno modo quantum ad exercitium actus, alio modo quantum ad specificationem actus, quæ est ex obiecto. Primo ergo modo voluntas à nullo obiecto ex necessitate mouetur, intellige, à nullo obiecto in via, vt ex contextu patet. Itaque natura voluntatis est,*

moueri circa bonum infinitum clarè visum (vt contingit in patria) omnimoda cum determinatione ad vñ, etiam quoad exercitium: natura verò voluntatis in via, est moueri circa quodlibet obiectum plene & aduertenter sibi propositum, non cum tali determinatione ad vñ, sed potius cum indifferentia ad minus quoad exercitium.

Et si rationem desideres, ea est: præsupponendo prius, quòd sicut necessitas, quoad specificationem postulat vt in obiecto nulla possit apparere ratio mali, aut impedimentum alicuius boni, ita necessitas quoad exercitium actus postulat, ne in ipso exercitio similis ratio mali, aut impedimentum boni possit apprehendi: si enim aliquid horum apprehendatur, voluntas non manebit necessitata ad huiusmodi exercitium; sed potius cum indifferentia, vt se applicet, vel non applicet ad illud. Quippe ex qua parte iudicatur bonum, poterit appeti & poni in opere à voluntate: ex qua verò apprehenditur in eo aliquid mali, vel impedimentum boni, poterit respui & suspendi. Hoc præsupposito, ratio est: quoniam quàm diu sumus in via, nullus est actus voluntatis, in cuius exercitio intellectus apprehendere non possit aliquid mali vel impedimentum boni: ergo nullus est qui necessitet voluntatem quoad sui exercitium. Consequentia constat ex facta suppositione, & antecedens probatur. Nam cum prædictum exercitium non sit summum bonum, nec inuoluat possessionem summi boni, sicut inuoluit exercitium amoris beatifici in Patria, non est, cui intellectus inuenire non possit aliquod aliud bonum maius sibi placens, & simul impossibile cum tali exercitio, proindeque apprehendere ipsum exercitium vt

malum & disconueniens, in quantum videlicet esset impeditiuum illius boni magis arrendentis. Rursus intellectus potest apprehendere in quolibet exercitio actuum voluntatis viæ, aliquid fastidij, & molestiæ: cum enim, quamdiu sumus in viâ, omnes actus exercentur dependenter à potentijs sensitiuis & corporeis quæ agendo repatiuntur; potest huiusmodi repatiio apprehendi vt laboriosa, atque ita fastidiri: ergo saltem ad vitandum hoc fastidium, poterit voluntas repellere à se tale exercitium; vel per omnimodam cessationem; vt fieret per somnum; vel diligendo aliud obiectum & distinctum exercitium assumendo. Constans ergo est, eam esse naturam voluntatis in viâ, vt circa quodlibet obiectum sub plena aduertentia sibi propositum, possit elicere actum, & non elicere. Ac consequenter tali necessitate, aut determinatione, nequit in viâ moueri, quali mouetur in Patria circa summum bonum, clarè visum, vbi nulla ratio mali aut impedimentum boni potest occurrere.

EX HOC IGITUR DISCRIMINE sic breuiter argumentor ad rem nostram. Si voluntas tali necessitate exercitij moueretur circa obiecta sibi proposita in viâ, quali mouetur circa summum bonum clarè visum in Patria; voluntas cogeretur: sed coactio in omni opinione (vt etiam Vincentius fatetur) tollit libertatem: ergo actus illi in viâ, tali necessitate elicit, liberi minimè essent. Minor cum consequentia constat, & maiorem probo. Nam illud cogitur, quod contra inditam sibi naturam & conditionem mouetur: cum id quod est contra inditam proprietatem naturæ, sit etiam contra inclinationem internam ac proinde coactum, imò & violentum; sed na-

tura seu propria conditio voluntatis, est vt circa omnia obiecta sibi proposita in viâ per se moueatur, absque necessitate exercitij, vt iam probaui: ergo ponendo quòd circa illa, tali necessitate moueretur sequitur manifestè voluntatem cogi.

Explico hoc. Vincentius (vt supra vidimus) ex doctrina Suarij fatetur, quòd *necessitas illa est aliqua ex parte violenta, qua impeditur voluntas, ne vti possit naturali potestate suspendendi actum*: at si tali necessitate mouetur in viâ, quali mouetur in patria, manifestè impediretur, ne vti posset naturali potestate suspendendi actum, cum illa necessitas patriæ omnem veram potestatem tam consequentem, quam antecedentem, respectu oppositi excludat: ergo apertissimè voluntas cogetur, si ex simili necessitate ageret in viâ.

Nec valet dicere, quòd necessitas Patriæ est summè voluntaria, ac proinde si eadem poneretur in voluntate viæ, quòd minimè induceret coactionem sed potius generaret maximam & perfectissimam voluntarietatem.

Non (inquam) valet: nam licet sit summè voluntaria suppositis supponendis, (verbi gratia) supposita propositione clara obiecti infiniti, nullam continentis in se rationem mali, sed potius ostendentis omnem rationem boni; tamen non est summè voluntaria absolute, seu respectuè ad quodcumque obiectum: illud namque si ex meritis suæ bonitatis non sit necessariò amabile, sed potius indifferenter vel amabile vel repugnabile, sicut semper contingit in obiectis viæ, quando sub plena aduertentia attinguntur; profecto nequit voluntatem sic allicere, vt actum suum circa illud suspendere non possit: vnde si hoc non obstat, talcm

Supra
lib. I. c.
8. §. Si
autem
in eo.

talem necessitatem erga ipsum voluntas sentiret, vt omnis vera potestas suspendendi actum, ipsi deesset; signum certè manifestum esset, quod contra naturam aliunde cogere-
retur.

Vnde Diuus Thomas & Sãcti Patres, loquentes de voluntate hominis in via, seu prout versatur circa obiecta, extra casum claræ visionis, passim pro eodem vsurpant, voluntatem cogi & sic ex necessitate agere, vt oppositum facere non possit. Cum tamen loquentes de voluntate hominis in patria circa Deum clarè visum, ista duo semper distinguant, vt reuera distingui debent. Non enim sequitur, voluntatem beati cogi, quantumvis sit ea necessitate amari, vt non amare non possit. Et ratio est perspicua ex dictis. Nam talis necessitas in patria est iuxta naturam voluntatis respectiue ad bonũ infinitum clarè visum: in via autem potius est contra naturam voluntatis respectiue ad reliqua obiecta, quæ ipsi in via proponuntur: cum in ordine ad omnia (supposita perfecta obiectione aduertentia) ex propria conditione & naturali suo modo agendi sit indifferens, ad minus quoad exercitium. Ego ponere, quod in via haberet illam necessitatem Patriæ; est profecto ponere necessitatem cogentem, ac proinde quæ libertatem eius absque dubio destrueret. Dixi *supposita perfecta aduertentia obiectione*, quia non me latet ex defectu perfectæ cognitionis obiectionis, posse aliquando voluntatem etiam in via quoad exercitium necessitari: vt patet in motibus primis primis, in quibus tamen nulla est vera coactio; sed potius essentialis ratio voluntarij licet imperfecti, hoc etiam exigente natura voluntatis, vt erga similia obiecta sic imperfectè proposita, necessario feratur.

Quod autem Diuus Thomas & Sãcti Patres loquentes de voluntate hominis circa alia obiecta seu extra casum claræ visionis Dei, pro eodem vsurpent ista duo; voluntatem cogi & sic de necessitate operari, vt oppositum facere non possit; patet si quis attentè loca sequentia inspicere velit.

IN PRIMIS DIUVS THOMAS clarissimè sic loquitur in Secundo ad Annibaldum Distinctione vigesima quarta, quæstione vnica, articulo secundo ad Primum: nam explanans ibi qualiter *liberum arbitrium non impeditur aliquo cogente, à propria operatione*; vt loquitur quæstione vigesima quarta de Veritate, articulo quarto ad Primum, dixit in loco ad Annibaldum; *dicetur liberum arbitrium facultas, in quantum homo non impeditur; quin possit hoc facere vel non facere*. Quia nempe extra casum claræ visionis idem est, impediti aliquo cogente, & impediti ne possit facere oppositum.

Rursus apertissimè prima parte, quæst. octuagesima secunda, articulo primo in Corpore, disertis verbis docet, quod *necessitas coactionis est illa quæ conuenit alicui ex agente, sicut cum aliquis cogitur ab aliquo agente, ita quod non possit contrarium agere*. Quid clarius? Nonne hoc est dicere, fore coactionem, si voluntas nostra sic moueretur (scilicet in via) vt non possit contrarium facere?

Iterum in Secundo, Distinctione vigesima quinta, quæstione vnica, articulo secundo in Corpore. *Voluntas (inquit) neque sub illo cogi potest, cum non sit organo affixa, neque obiecto: quantumcumque enim aliquid ostendatur esse bonum, in potestate eius remanet, eligere illud, vel non eligere*. En euidentissimè tradit pro causa adæquata incogibilitatis, hoc quod est, quocumque bono proposito

(nempe extra casum claræ visionis) posse voluntatem illud eligere vel non eligere. Sentit ergo, quod si non posset eligere & non eligere; quod cogeretur. Patet consequentia; quia in causis adæquatis; si affirmatio est causa affirmationis, negatio est causa negationis.

Tandem Opusculo tertio contra Græcos, Armenos & Saracenos, capite decimo in fine, hanc habet clarissimis verbis propositionem. *Est autem hic modus naturalis homini, ut liberè agat, non coactus, quia rationales potestates ad opposita se habent.* Non vides iterum pro eodem usurpari, ista duo, non coactè agere & agere cum potestate ad oppositum: ergo à sensu contrario sentit etiam idem esse, agere sine potestate ad oppositum, & agere coactè.

SED ÆQUE CLARE fatetur idipsum Augustinus, libro contra Secundinum Manichæum capite 19. *Si cogitur (inquit) consentire, ita ut non sit in eius potestate aliter facere, non ergo, ut dicebas, voluntate peccat, quando non voluntate consentit.* In breuissimè pro eodem usurpatum, voluntatem cogi & ipsam sic necessariò consentire, ut non sit in eius potestate aliter facere.

ANSELMVS etiam in eodem est sensu: nam Dialogo de libero arbitrio, capite nono, etiam de voluntate extra casum claræ visionis sic fatetur. *Nempe si dicimus, quia cum vult mentiri, ne perdat vitam aut salutem; cogitur deserere timore mortis aut tormenti, veritatem, non est verum. Non enim cogitur magis velle veritatem: sed quoniam vi aliena prohibetur, virtutemque seruare simul; ipsa eligit, quod vult. Sponte utique & non inuita, quamuis in necessitate vitæ amaret deserendi posita sit, non sponte, sed inuita. Quo discursu (si attentè respicias) probat voluntatem metu mortis non cogi de-*

terminatè ad mendacium, quia metus ille non facit sic determinatè velle mendacium, ut non possit velle mortem, ac proinde mendacium vitare. Ergo manifestè supponit quod cogeret, si sic determinatè faceret velle mendacium, ut mortem potius velle non posset, sicque mendacium vitare. Vnde & à sensu contrario, probat quod ad alterum horum indeterminatè, cogitur; quia vtrumque simul vitare non potest. Sunt ergo idem iuxta mentem Anselmi; voluntatem cogi, & sic de necessitate agere, ut oppositum non possit.

IDEM INVENTITVR in Richardo de Sancto Victore, qui eodem modo tractatu de statu primi hominis, capite decimo tertio probans libertatis esse, *quod consensus eius extorqueri vel cohiberi non potest*; non aliam rationem adducit; quam quia sic homo consentit, ut possit non consentire. *Potest enim (inquit) consentire aspirationi diuinæ, similiter & suggestioni diabolica.* En apertissimè supponit fore extorsionē seu coactionem si sic determinatè faceret vnum, ut alterum facere non posset.

TANDEM Optatus Mileuitanus libro septimo contra Parmen. *Homicida scelus (inquit) dum nemo cogit, potest & facere, potest & non facere. Adulterium machus, dum de foris nemo compellit, potest admittere, potest & non admittere:* à sensu contrario quasi supponit, si non posset facere & non facere; quod aliunde cogeretur, vel quis eum de foris compelleret.

IAM ERGO VIDES, Vincenti, quod gratis tibi dare possemus, actus istos spirationis & amoris beatifici, tamquam verè & essentialiter liberos; & nihilominus negare, sic liberos esse, reliquos omnes, quos in via exercemus, si semel eadem in illis necessitas poneretur. Siqui-

dem

dem (vt ratio ostendit & modus loquendi Sanctorum confirmat) actus viz sub tali necessitate essent verè coacti, minimè autem isti actus Patriæ sub eadem cogi conspiciuntur. Vnde licet (quantum est ex isto capite) vera & essentialis libertas ipsis concederetur; adhuc tamen concedi non deberet actibus viz. Ex quo etiam habes, quàm falsum sit dictum illud Antesignani tui Iansenij, dum loquens de gratia, rapiente voluntatem Patriæ, in dilectionem Dei; hanc stabilire voluit sententiam; quòd & si eademmet daretur etiam in praesenti exilio, non violaret sed summè perficeret arbitrij libertatem. Arbitrari quippe, quòd perfectio gratiæ libertatem destruat, stultitia singularis est. Dico quòd potius est stultitiz singularis huiusmodi sententia: nam (teste Diuio Thoma Prima secundæ, questione decima, articulo quarto in Corpore) ad prouidentiam diuinam non pertinet naturam rerum corrumpere sed seruare: vnde omnia mouet secundum eorum conditionem, ita quòd ex causis necessarijs per motionem diui-

nam consequuntur effectus ex necessitate, ex causis autem contingentibus sequuntur effectus contingentiter. Quia igitur voluntas est actuum principium non determinatum ad vnum, sed indifferenter se habens ad multa: sic Deus ipsam mouet, quòd non ex necessitate ad vnum determinat, sed remanet motus eius contingens & necessarius nisi in his ad quæ naturaliter mouetur. Ex qua doctrina liquidò constat, quòd Deus potius naturam arbitrij corrumpere, quam seruare aut perficeret; si illud in ordine ad ea obiecta, ad quæ natura eius se habet contingentiter seu indifferenter, moueret tam efficaci gratia sicut mouet in ordine ad ea, ad quæ se habet necessariò seu naturaliter, sicut est bonum infinitum, clarè visum.

Quare videamus nunc, quid roboris habeant fundamenta tua, quibus oppositum nobis commentum, persuadere niteris. Primò proponam ea, quæ ex Diuio Thoma, deinde quæ ex Sanctis Patribus, tandem quæ ex ratione & experientia conficis.

LIBER TERTIVS.

SOLVUNTUR OBIECTIONES

QVAS VINCENTIVS ADDVCIT

Ex Diuio Thoma & Sanctis Patribus.

CAPVT PRIMVM.

Proponuntur in genere loca, quæ Vincentius adducit ex S. Thoma,

DIXIT quondam Innocentius VI. in Sermone de laudibus Sā-

cti Thomæ; quòd eius doctrina, *Sermo* praeter ceteris (excepta Canonica) habet *ne qui incipit, excipiat* proprietatem verborum, modum dicendorum, veritatem Sententiarum, ita vt nunquam qui eam tenuit, inueniatur à *quā Salomō* tramite veritatis deuiasse: & qui eam impugnauit, semper fuerit de veritate suspectus. Elogium hoc (vt pote à tanto viro & de tanto Praeceptore

dictum) puto in causa esse, quod vix hodie reperiatur Theologorum aliquis, qui non diligentissime studeat Dinum Thomam ad partes suas trahere. Quid nō? Cum nemo prudens, nemo sapiens velit se, aut a tramite veritatis deuiare, aut de veritate esse suspectum. Contendit ergo eadem de causa Vincentius, Præceptorem nostrum partibus suis omni studio adiungere: colligens hinc inde ex ora Doctrinæ Thomisticæ nescio quas lacrimas, ut suam quoque opinionem, si non reipsa, saltem Thomisticè consutilem apparere faciat. Sed quam cassio labore; ex sequentibus patebit.

Ut autem recta methodo procedamus, & quasi per viam compendij, varia quæ hinc inde spargit Sancti Thomæ testimonia, ad quatuor classes reducemus. In prima expendent illa, quibus videtur Angelicus præceptor docere, solam rationem, perfecti Voluntarij sufficere ad libertatem, quantumvis sit cum omnimoda determinatione ad vnum. In secunda statuentes alia, quibus absolute adstruit, necessitatem naturalis inclinationis, libertati non obesse. Rursus in tertia, proponentes ea, quibus multoties videtur asserere, hominem esse naturaliter liberi arbitrij per solam libertatem a coactione. Tandem in quarta, adducuntur ea, quibus docet prædeterminationem seu motionem gratiæ efficacis, tollere a voluntate, pro instanti quocumque afficit, potestatem proximam ad oppositum; cum tamen constans sit, adhuc pro illo instanti, voluntatem liberè operari.

Ex his omnibus & singulis, putat Vincentius Thomisticam lauream, se adeptum. Ex prima Classe arguit sic. Secundum Sanctum Thomam, sola ratio perfecti voluntarij, & si sit cum omnimoda determinatione ad

vnum, ad libertatem sufficit. Ergo secundum eundem non requiritur potestas indifferens ad oppositum. Ex secunda iterum sic. Iuxta Sanctum Thomam, necessitas naturalis inclinationis non obest libertati. Ergo iuxta eundem, actus voluntatis necessarii sunt verè liberi. Ex Tertia sic. Iuxta Sanctum Thomam sola coactio destruit libertatem: ergo iuxta eundem actus voluntatis, quantumvis necessarii, modo sint expertes coactionis, erunt verè liberi. Ex quarta denique sic infert. Docet Diuus Thomas sub efficaci motione gratiæ & ea perseverante, hominem non posse se scdere in alteram partem; & tamen de fide est illum sub eadem gratia liberè agere: ergo potestas ad oppositum, iuxta mentem Sancti Thomæ, non est de essentia libertatis. Sed examinemus singula, ut appareat, quam veritatem habeant; & qualiter concludant.

SECTIO I.

Soluntur specialiter loca Sancti Thomæ, spectantia ad primam classem.

AD PRIMAM CLASSEM pertinet primò locus quidam Tertio, distinctione decima octava, quæstione prima, artic. secundo ad Quintum, quem Vincentius sic citat. Dicendum, quod si etiam (liberum arbitrium Christi) esset determinatum ad vnum numerum, sicut ad diligendum Deum (quod non facere non potest) tamen ex hoc non amittit libertatem, aut rationem laudis sue meritis quia in illud non coactè, sed sponte tendit. Et iterum actus sui Dominus. Ex isto loco sic conficit argumentum. Sanctus Thomas dicit, actum quo Christus viator amavit Deum.

Vinc.
art. 18.
pro. 1.
ad Pe.
taurum
pag. 34

Deum, etiam si non indifferens, sed ad unum numero determinatus esset, fuisse nihilominus liberum, laudis & meriti fontem, voluntariisque dominio subiectum. Quomodo igitur dici potest, Divinum Thomam non agnoscere, nisi in solo liberi arbitrii utrimque flexibus actu, propriam libertatem, laudem & meritum? Quasi alijs terminis arguens; liberum arbitrium Christi, in illo actu Amoris agit cum determinatione ad unum; ita ut illud non facere, non possit; & tamen (teste Sancto Thoma) agit in eodem actu liberè & meritorie, quia agit sponte & non coactè; ex perfectò scilicet voluntario: ergo sentit, quod sola ratio perfectè voluntarij, est sic cum omni moda determinatione ad unum, ad libertatem meritoriam sufficiat.

RESPONDEO IN PRIMIS, hic notari debere, locum istum non satis sincere citari. Citatur namque, tamquam si esset unica & adæquata resolutio Divi Thomæ; cum tamen unica & adæquata non sit. Non enim inquit absolute; *dicendum*, sicut Vincentius citat; sed cum addito; *vel dicendum*. Pro cuius intellectu nota, quod quintum argumentum, ad quod Sanctus Doctor ibi respondet, est huiusmodi. Naturalibus non meremur propter hoc quod sunt determinata ad unum; sed liberum arbitrium in Christo erat determinatum ad bonum: ergo ipse per liberum arbitrium mereri non potuit; & ita nullo modo, cum omne meritum sit ex libero arbitrio. Huic argumento adhibet duas solutiones. In prima, apertissimis verbis fatetur nostram sententiam, sic inquit. Ad quintum. *dicendum*, quod liberum arbitrium Christi non erat determinatum ad unum secundum numerum, sed secundum genus, scilicet ad bonum, quia in malum non potest; sed tamen hoc potest facere, & non facere; & hoc non excludit libertatem arbitrii, quia posse pecca-

re, nec est libertas arbitrii, nec pars libertatis, ut dicit Anselmus. En ubi luce meridiana clarius, conspigit ad indifferentiam penes posse facere & non facere hoc vel illud bonum, ut Christi libertatem componat, cum necessaria determinatione ad bonum in genere. Deinde subiungens secundam solutionem, prosequitur; *vel dicendum*, quod si etiam esset determinatum ad unum numero &c. Vbi (ut manifestè vides) verbis istis non tradit unicam & adæquatam suam resolutionem; sed potius secundam quandam subnectit. Qua ergo sinceritate citatur à Vincentio sine illa particula *vel*? Inquit Sanctus Thomas, *vel dicendum*; & citat Vincentius quasi absolute, *dicendum*. An nè unum & idem; *dicendum*, & *vel dicendum*? Professor diversæ sunt: nam ly *vel dicendum*, supponit aliud prius dictum, & fortè verius, mentique authoris conformius. Hoc ergo non debuerat sublevisse aut omisisse, si plenam sibi integramque fidem contendebat Vincentius.

Sed quidquid sit de parva ista sinceritate, dico ad locum inductum, dupliciter. Primo (ut dixi supra libro primo) admittendo videlicet Sanctum Thomam in illa secundæ solutione, uti (quantum ad libertatem Christi attinet) sententia, quam docet Vincentius; sed dicendo, quod illam asserere non intendit: ut enim ibidem fusè satis ostendimus; non videtur illa ex mente propria; sed ex mente aliquorum, qui tunc temporis id sentiebant. Sicut & (teste Duio Thoma) alij magni Doctores, ut Augustinus, Dionysius, Gregorius interdum aliorum opinionibus usi fuere; quas tamen nunquam asserere intendebant. Et etiam (teste Caietano) ipse Divus Thomas usus fuit in libris Sententiarum, illa opinione, quod beatitudo animæ

Supra
l. 1. cap.
14. sect.
3. 6. Sed
hæc iam
dixi.

resumpto corpore crescit intensius, quam tamen propriam eius mentem non esse, constat ex Prima Secundæ.

Item & his omnibus addo alia tria exempla: vnum ex Hieronymo, qui idem fecisse comprobatur: dum scribens ad Marcellum dixit, quod quidam in fine mundi, qui reperientur viui, Domino veniente ad iudicium, non morientur: sed (vt notat Sanctus Thomas quest. quarta de Malo, articulo sexto ad Primum.) *Hieronymus non ponit hoc asserendo, sed secundum opinionem quorundam, vt patet ex epistola, quam scribit ad Mineruum de resurrectione carnis.*

Alterum ex ipso etiam Aristotele, qui alibi dixit, quod intelligere est operatio coniuncti, sicut texere, & ædificare: & rursus alibi, quod intelligere corrumpitur, interius quodam corrupto, scilicet vel corde, vel calore naturali; quasi ipsum intelligere, secundum mentem eius esset actio corporalis. Sed audi Sanctum Thomam questione vnica de Anima, articulo decimo quinto ad primum & ad quintum; & qualiter hæc ab ipso dicta sint, percipies. *Ad primum (inquit) dicendum, quod illa verba Aristoteles dicit, non secundum propriam sententiam sed secundum opinionem illorum, qui dicebant quod intelligere est moueri; & rursus; Ad quintum dicendum, quod Philosophus loquitur secundum opinionem quorundam qui posuerunt intellectum habere organum corporale sicut & sensum.* En ab Aristotele minimè alienum, loqui interdum, non secundum mentem propriam, sed secundum mentem aliorum.

Tertium iterum est ex ipso Sancto Thoma prima parte, questione vigesima quinta, articulo 1. ad quartum: vbi Sanctus præceptor duas etiam adhibet solutiones. In prima

dicens, potentiam executiuam distinguere in Deo, ratione nostra ab intellectu & voluntate; in secunda autem dicens, non distinguere adhuc ratione: quam secundam solutionem, omnes Thomistæ relicta prima, iudicant esse propriam ipsius mentem, eo quod varijs in locis illà adhibuerit, primam autem, quia non nisi semel adhibuit, secundum mentem aliorum processisse iudicant. Sic pariter dico in præsentibus; quod videlicet secundam illam solutionem, quam Vincentius pro sua opinione citat, non adhibuerit vt propriam suam mentem, sed vt omnino spuriam & alienam, si quidem (vt supra monstratum est) septem vicibus eandem materiam versans, semper illam subiecit, non nisi memor primæ. Ergo nil ex tali loco contra nostram communem doctrinam potest ex mente ipsius confici.

RESPONDEO SECUNDO, omnino negando Sententiam Vincentij in illa secunda solutione contineri. Quando enim dicit, liberum arbitrium Christi non amittere libertatem, etiam si esset determinatum ad vnum numero sicut ad diligendum Deum quod non facere non potest; non est mens illius docere, Christum adhuc posse esse liberum, in illo actu, nulla considerata indifferentia, vt contendit Vincentius; sed solum, quod in eodem potest absolute esse liber. seruatis tamen seruandis: videlicet assignando sub aliqua consideratione indifferentiam, licet sub vna tantæ sit necessitatis, vt illum non facere non possit. Quod vtique verissimum est, & communi nostræ sententiæ minimè contradicens: nam (vt dicitur infra libro quarto) actus dilectionis beatificæ in Christo, licet sub vna consideratione fuerit necessarius & non potuerit non elici, sub alia tamen fuit verè liber,

liber, ita vt absolute potuerit illum sub tali vel tali terminatione, non habere.

Itaque mens Angelici nostri Preceptoris in loco citato est huiusmodi. Argumentum intendebat oppugnare libertatem Christi, ex necessaria eius determinatione ad bonum seu quia in malum non potest. Ad quod ipse respondet dupliciter. Primo ostendendo illam determinationem ad bonum libertati non obesse, ex eo quod solum sit determinatio ad bonum in genere: quæ secum compatitur indifferentiam ad hoc vel illud bonum in particulari, quod proinde hic & nunc potest facere & non facere. Deinde in secunda solutione, quasi volens arguenti adhuc plus dare quam Argumentum petebat; subiungit; *vel dicendum, quod si etiam, liberum eius arbitrium, esset determinatum ad vnum numero sicut ad diligendum Deum, quod non facere non potest, tamen ex hoc non amittit libertatem.* Quod fuit idem ac si dixisset. Quin imò etiamsi admitteretur; Christum non fuisse indifferentem ad multa bona, quæ potuit facere & non facere; sed potius fuisse determinatum ad vnum numero bonum sicut ad dilectionem Dei, quam non potuit non facere, tamen adhuc in hoc potest saluari eius libertas, & de facto saluatur: seruatis scilicet seruandis, quæ alijs in locis ipse postea tradidit, & nos pariter libro quarto trademus; ostendendo qualiter adhuc in illo actu habuerit indifferentiam.

Sed instabis. Ergo perperam assignauit Diuus Thomas pro ostendendo libertate istius actus, hanc causalem; quia in illum non coactè, sed sponte tendit; sed debebat dixisse, quia adhuc respectu istius actus habet suam indifferentiam; sicut nos dicimus.

Respondeo, quod dicere illud pri-

um, idem fuit in re, ac si dixisset illud secundum. Loquitur enim de Christo, prout formaliter erat viator: & in viatore voluntas spontanea ex perfecto iudicio rationis, item est in re, ac voluntas indifferens: cum (vt supra ostensum est) nullus detur in voluntate viatoris actus, ita necessarius, circa obiectum perfectè si bi propositum; quin possit voluntas illum non elicere. Vnde & rectissime sanctissimus Preceptor, quasi ostendens se per spontaneum, in re nil aliud intellexisse, quàm liberum seu indifferens; in mediata intulit; *& ita est actus sui dominus.* Quod sanè inferre non poterat, nisi ex modo agendi indifferenter; quandoquidem in Corpore eiusdem articuli dixerat, quod Christus, *actus sui Dominus erat per libertatem voluntatis*, id est, in via Diui Thomæ, per modum agendi cum indifferentia.

Et si dicas; quomodo ergo Sanctus Thomas dixit, sicut ad diligendum Deum, quod non facere non potest? In hoc enim apertè videtur significare, actum illum dilectionis esse liberum, etiam sub illa formalitate, prout Christus illum non poterat non facere.

Respondeo quod aliud est dicere; Christum esse liberum in aliquo actu quem non potest non facere: & aliud; Christum esse liberum in aliquo actu etiam reduplicatiuè, prout illum non potest non facere. Primum dixit Sanctus Thomas, minime autem secundum: & primum verum est, præcisè per hoc quod actus ille sub vna formalitate sit liber, & sub alia ita necessarius, vt illum Christus non facere non potuit. Ad secundum autem quod intendit Vincensius, requireretur, quod sub vna & eadem formalitate, qua necessarius, esset quoque liber. Hæc de primo illo loco iutuant.

Supra
l. 2. cap.
18. per
tutum.

Infrà l.
4. c. 13.
per totum.

resumpto corpore crescit intensius, quam tamen propriam eius mentem non esse, constat ex Prima Secundæ.

Imò & his omnibus addo alia tria exempla: vnum ex Hieronymo, qui idem fecisse comprobatur: dum scribens ad Marcellum dixit, quòd quidam in fine mundi, qui reperientur viui, Domino veniente ad iudicium, non morientur: sed (vt notat Sanctus Thomas quæst. quarta de Malo, articulo sexto ad Primum.) Hieronymus non ponit hoc asserendo, sed secundum opinionem quorundam, vt patet ex epistola, quam scribis ad Mineruium de resurrectione carnis.

Alterum ex ipso etiam Aristotele, qui alibi dixit, quòd intelligere est operatio coniuncti, sicut texere, & ædificare: & rursus alibi, quòd intelligere corrumpitur, interiorius quodam corrupto, scilicet vel corde, vel calore naturali; quasi ipsum intelligere, secundum mentem eius esset actio corporalis. Sed audi Sanctum Thomam quæstione vnica de Anima, articulo decimo quinto ad primum & ad quintum; & qualiter hæc ab ipso dicta sint, percipies. *Ad primum* (inquit) *dicendum, quòd illa verba Aristoteles dicit, non secundum propriam sententiam sed secundum opinionem illorum, qui dicebant quòd intelligere est moueri; & rursus; Ad quintum dicendum, quòd Philosophus loquitur secundum opinionem quorundam qui posuerunt intellectum habere organum corporale sicut & sensum.* En ab Aristotele minimè alienum, loqui interdum, non secundum mentem propriam, sed secundum mentem aliorum.

Tertium iterum est ex ipso Sancto Thoma prima parte, quæstione vigesima quinta, articulo 1. ad quartum: vbi Sanctus præceptor duas etiam adhibet solutiones, In prima

dicens, potentiam executiuam distinguì in Deo, ratione nostra ab intellectu & voluntate; in secunda autem dicens, non distinguì adhuc ratione: quam secundam solutionem omnes Thomistæ relictæ prima, iudicant esse propriam ipsius mentem, eo quòd varijs in locis illà adhibuerit, primam autem, quia non nisi semel adhibuit, secundum mentem aliorum processisse iudicant. Sic pariter dico in præsentì; quòd videlicet secundam illam solutionem, quam Vincentius pro sua opinione citat, non adhibuerit vt propriam suam mentem, sed vt omnino spuriam & alienam, si quidem (vt supra monstratum est) septem vicibus eandem materiam versans, semper illam subticuit, non nisi memor primæ. Ergo nil ex tali loco contra nostram communem doctrinam potest ex mente ipsius confici.

RESPONDEO SECVNDO, omnino negando Sententiam Vincentij in illa secunda solutione contineri. Quando enim dicit, liberum arbitrium Christi non amittere libertatem, etiamsi esset determinatum ad vnum numero sicut ad diligendum Deum quod non facere non potest; non est mens illius docere, Christum adhuc posse esse liberum, in illo actu, nulla considerata indifferencia, vt contendit Vincentius; sed solum, quòd in eodem potest absolute esse liber, seruatis tamen seruandis: videlicet assignando sub aliqua consideratione indifferenciam, licet sub vna tantæ sit necessitatis, vt illum non facere non possit. Quod vtique verissimum est, & communi nostræ sententiæ minimè contradicens: nam (vt dicitur infra libro quarto) actus dilectionis beatificæ in Christo, licet sub vna consideratione fuerit necessarius & non potuerit non elici, sub alia tamen sunt verè liber,

liber, ita ut absolutē potuerit illum sub tali vel tali terminatione, non habere.

Itaque mens Angelici nostri Præceptoris in loco citato est huiusmodi. Argumentum intendebat oppugnare libertatem Christi, ex necessaria eius determinatione ad bonum seu quia in malum non potest. Ad quod ipse respondet dupliciter. Primum ostendendo illam determinationem ad bonum libertati non obesse, ex eo quod solum sit determinatio ad bonum in genere: quæ secum compatitur indifferentiam ad hoc vel illud bonum in particulari, quod proinde hic & nunc potest facere & non facere. Deinde in secunda solutione, quasi volens arguenti adhuc plus dare quam Argumentum petebat; subiungit; *vel dicendum, quod si etiam, liberum eius arbitrium, esset determinatum ad unum numero sicut ad diligendum Deum, quod non facere non potest, tamen ex hoc non amittit libertatem.* Quod fuit idem ac si dixisset. Quin imò etiam si admitteretur; Christum non fuisse indifferentem ad multa bona, quæ potuit facere & non facere; sed potius fuisse determinatum ad unum numero bonum sicut ad dilectionem Dei, quam non potuit non facere, tamen adhuc in hoc potest saluari eius libertas, & de facto saluatur: seruatis scilicet seruandis, quæ alijs in locis ipse postea tradidit, & nos pariter libro quarto trademus; respondendo qualiter adhuc in illo actu habuerit indifferentiam.

Sed instabis. Ergo perperam assignauit Diuus Thomas pro ostendendo libertate istius actus, hanc causalem; quia in illum non coactè, sed sponte tendit; sed debebat dixisse, quia adhuc respectu istius actus habet suam indifferentiam; sicut nos dicimus.

Respondeo, quod dicere illud pri-

um, idem fuit in re, ac si dixisset illud secundum. Loquitur enim de Christo, prout formaliter erat viator: & in viatore voluntas spontanea ex perfectio iudicio rationis, i. lem, est in re, ac voluntas indifferens: cum (ut supra ostensum est) nullus detur in voluntate viatoris actus, ita necessarius, circa obiectum perfectè si bi propositum; quin possit voluntas illum non elicere. Vnde & rectissime sanctissimus Præceptor, quasi ostendens se per spontaneum, in re, nil aliud intellexit, quam liberum seu indifferentem; in mediâtè intulit; & ita est actus sui dominus. Quod sanè inferre non poterat, nisi ex modo agendi indifferenter; quandoquidem in Corpore eiusdem articuli dixerat, quod Christus, actus sui Dominus erat per libertatem voluntatis, id est, in via Diui Thomæ, per modum agendi cum indifferentia.

Et si dicas; quomodo ergo Sanctus Thomas dixit, sicut ad diligendum Deum, quod non facere non potest? In hoc enim aperte videtur significare, actum illum dilectionis esse liberum, etiam sub illa formalitate, prout Christus illum non poterat non facere.

Respondeo quod aliud est dicere; Christum esse liberum in aliquo actu quem non potest non facere; & aliud; Christum esse liberum in aliquo actu etiam reduplicatiuè, prout illum non potest non facere. Primum dixit Sanctus Thomas, minimè autem secundum: & primum verum est, præcisè per hoc quod actus ille sub vna formalitate sit liber, & sub alia ita necessarius, ut illum Christus non facere non possit. Ad secundum autem quod intendit Vincentius, requirebatur, quod sub vna & eadem formalitate, qua necessarius, esset quoque liber. Hæc de primo illo loco sufficiant.

SECUNDO PERTINET ad eandem Classē, alius ille locus, quem habet in eodem Tercio, Distinctione duodecima, questione secunda, articulo primo ad Tertium. *Impotentia* (inquit) *coactionis, quæ opponitur voluntariis, solis ratione meriti & demeriti: non impotentia, quæ est ex perfectione in bonitate vel malitia; quia hoc voluntarium non tollit; sed potius voluntatem confirmat ad vnum.* Idem repetit in Tercio ad Anubaldum in eadem Distinct. questione unica, articulo tertio ad Primum, asserens, quod *impossibilitas vitandi bonum, dupliciter potest intelligi, vel ex necessitate coactionis, vel ex necessitate immutabilitatis voluntatis; primo modo excludit meritum, secundo modo non, quia non excludit voluntarium.* Ecce (concludit Vincentius) *ut voluntarium ad libertatem & ad meritum ac demeritum sufficit.*

RESPONDEO conclusionem illam deduci ex verbis citatis, absque ullo profus fundamento: nam aliud est, quod impotentia non ex coactione; sed ex perfectione in bono, ex proprio suo genere voluntarium non tollat, ac proinde nec rationem libertatis aut meriti: aliud autem, quod ipso facto & quibuscumque non obstantibus sit ad libertatem seu meritum sufficiens. Primum, videlicet impotentiam non ex coactione sed ex perfectione in bono, quantum est ex se, voluntarium, aut meritum non tollere, dicit ibi Sanctus Thomas & verissimum est. Secundum, verò, videlicet ipso facto & quibuscumque non obstantibus, ad libertatem seu meritum sufficere, ex malo intellecto inter Vincentius, & est falsissimum: nam (ut ex superioribus luculentissime constat) si voluntaria perfectio in bono, sit admixta cum omnimoda determinatione ad vnum, tam quoad speciem actus,

quàm quoad exercitium; est omnino ad libertatem meritumque insufficientis.

Nec oppositum potest ex locis citatis colligi: Nam Diuus Thomas reuera loquitur ibi, de impotentia, quæ est ex perfectione in bono non cum determinatione ad bonum secundum numerum; sed cum determinatione ad bonum secundum genus tantum: quæ prout sic compatitur cum indifferentia exercitij respectu huius vel illius boni in particulari. Et quod de impotentia ex perfectione in bono præcisè secundum genus loquatur; patet manifestè: nam loquitur de impotentia peccandi eodem quo de facto erat in Christo Domino: ut patet ex Argumento, ad quod ibi respondet; quod ex impotentia Christi Domini ad peccandum, procedebat ad meritum eius destruendum: illa autem impotentia prout de facto erat in Christo, tantum erat cum determinatione ad bonum secundum genus, non autem cum determinatione ad bonum etiam secundum numerum, ut suprà, Sanctum Thomam sæpius asserentem audiimus.

SED IN FAVOREM Vincentij obijcies. Si Diuus Thomas in re loquebatur de impotentia peccandi, quæ in Christo respectu boni habebat admixtam indifferentiam exercitij; rectius solvisset argumentum, dicendo (sicut nos dicimus) ultimam impotentiam meritum non tollere, quia non tollit omnem indifferentiam; at tali modo non respondit; sed dixit quod meritum non tollit, quia non tollit voluntarium, licet ponat voluntatem confirmatam ad vnum; ergo sentit determinationem ad vnum, qualiscumque illa sit, merito non obesse, dummodo salvetur ratio voluntarij.

RESPONDEO, negando quod rectius

In The
112.1.1.
22p. 11.
S. D. Tho
mam.

Sup. 1
lib. 1. c.
14. sec.
3.

re Alius soluiſſet, conſugiendo ad indifferen-
tiam. Ratio eſt: quia argu-
mentum (vt artiſicioſè & clarè ſol-
ueretur) debebat ſolui formaliter eo
modo, quo erat propoſitum. Erat au-
tem propoſitum hoc modo: *Sicut pec-
catum requirit voluntatem* (id eſt vo-
luntarium) ita & meritum: ſed ſecun-
dum Auguſtinum nullus peccat in eo
quod vitare non poſteſt: ergo etiam nullus
meretur vel laudatur de hoc quod dimit-
tere non poſteſt, ſi ergo Chriſtus non potuit
peccare, non eſt laudandus de hoc quod
non peccauit, vel (vt inferit in eodem
loco ad Annibaldum) bene faciendo
non meruit. Iſtud argumentum vnum
ſupponit & alterum aſſumit pro me-
dio: ſupponit quidem Chriſtum ha-
buiſſe impotentiam peccandi; ſed ea
ſuppoſita aſſumit pro medio ad de-
ſtruendum eius meritum negatio-
nem voluntarij, quod eſt radix om-
nis meriti, licet ſe ſolo ad meritum
non ſufficiat: quaſi procederet hoc
modo; Chriſtus non potuit peccare:
ergo non peccare ſeu benefacere non
fuit ipſi voluntarium: ergo nec meri-
torium. Sic autem Arguens (vt con-
ſideranti apparet) nil aliud petit
quam dari ſibi ſatisfactionem, qua-
liter ſuppoſita impotentia peccandi,
ſaluetur in Chriſto ratio voluntarij
ad meritum requiſita: vt ergo artiſi-
cioſè ipſi reſpondeatur, non oportet
conſugere ad indifferentiam; quia
hoc eſſet reſpondere plus, quam ar-
guens petit; ſed ſufficit oſtendere,
qualiter præciſa ratio voluntarij ex
iſta impotentia peccandi non læda-
tur. Quod Diuus Thomas ingenio-
ſiſſime facit, aſſignando immedia-
tam huius cauſam; videlicet quia
iſta impotentia non oritur ex co-
actione, quæ ſola voluntarium lædit,
ſed ex perfectione in bono quæ po-
tius vt ſic voluntatem magis firmet.
Itaq; aliud eſt id, per quod reiſa
ſolueretur argumentum; aliud au-

tem, per quod ſolueretur artiſicioſè
in re quidem & abſolutè fuiſſet ſolu-
tum, ſi conſugiſſet ad indifferentiam,
non tamen fuiſſet ſolutum artiſicio-
ſè, niſi conſugiendo ad oſtentionem
voluntarij, quia in ſola illius ratione
arguens difficultatem & vim facie-
bat.

FERTIO SPECTAT ad eandem
clauſam, quidam locus ex Tertio con-
tra gentes, capite centeſimo trigēſi-
mo octauo: vbi S. Thomas ſic loqui-
tur. *Eſt enim duplex neceſſitas, qua-
dam coactionis, & hac laudem virtu-
ſorum actum diminuit, quia voluntario
contrariatur: coactum enim eſt, quod eſt
voluntati contrarium. Eſt autem qua-
dam neceſſitas ex interiori inclinatione
procedens: & hac laudem virtuſus actus
non minuit, ſed augeat: facit enim vo-
luntatem magis intenſè tendere in ac-
tum virtutis. Patet enim quod habitus
virtutis, quanto fuerit perfectior, tanto
vehementius facit voluntatem tendere
in bonum virtutis: & minus ab eo deſi-
cere: quod ſi ad finem perfectionis deue-
nerit; quondam neceſſitatem inferat ad
bene agendum, ſicut eſt in Beatis, qui
peccare non poſſunt: vt infra patebit.
Nec tamen propter hoc aut libertati vo-
luntatis aliquid deperit, aut actus boni-
tati. Hunc locum etiam multoties* In The-
ria. l. 1.
c. 22. l.
2. c. 1.
ſed.

repetit Vincentius, & vt difficultas
eius appareat, ſic poſteſt in forma
ergeri. Diuus Thomas docet hic, ha-
bitum charitatis in Patria in fine
perfectionis iam exiſtente, inferre
in Beatis neceſſitatem bene agendi:
& tamen inquit hanc neceſſitatem,
libertatem non lædere, quia eſt vo-
luntaria ſeu procedens ex interiori
inclinatione ipſius voluntatis: ergo
ſentit actum neceſſarium eſſe libe-
rum, per hoc præciſè quod ſit volun-
tarius.

RESPONDEO nec iſtum locum
Vincentio ſauere. iterum ex malo
intellectu eundem interpretatur:
nam

nam aliud est, necessitas agendi absolute, & aliud, necessitas bene agendi. Necessitas ergo, quam Sanctus Doctor, dicit in Beatis non obesse libertati, est necessitas, non agendi absolute, sed bene agendi: & de hac verissimè dicit, libertati non obesse; licet verum sit, quòd eidem noceat necessitas agendi absolute. Ratio est manifesta: nam sola necessitas bene agendi, cum sit necessitas specificationis, compatitur secum indifferentiam exercitij, vt suprà Diuum Thomam de Deo & de Christo differentem audiuius. Vnde in præsentì loco mens eius eadem est. Nimirum similem necessitatem bene agendi in Beatis, libertatem quoque non lædere: nam cum illa compatitur; quòd multa bona (excepto amore beatifico) quæ faciunt, possint non facere. Vt sunt (verbi gratia) omnes actus illi quos exercent circa Diuinam bonitatem, pro vt formaliter est ratio diligendi creaturas.

ET PER HOC euanescent impugnationes, quibus Vincentius quoddam in loco contendit Diuum Thomam etiam loqui de necessitate ipsius amoris beatifici; quasi ipsius necessitas, libertati eiudem non obstit. Quod & probat ibidem tripliciter.

PRIMO: quia euidenter loquitur de actu illius habitus, qui ad finem perfectionis deuenit, qualis est habitus charitatis in Beatis, Deum facie ad faciem intuentibus: ergo etiam loquitur de amore beatifico.

SECUNDO: nam loquitur de actibus, quibus Beati ita bene viuunt; vt abono deficere non possint: Sed Beati præcipuè bene viuunt, effundendo amorem beatificum: ergo etiam de illo loquitur.

TERTIO: quia cæteri rerum, creaturarum in Beatis amores, ab il-

lo beatifico amore tamquam à fonte proficiuntur: ergo quadam etiam necessitate voluntaria ab illo amore asperguntur: & ex consequenti, si illorum necessitatem asserit, libertati non obesse, idem pariter sentit de necessitate amoris beatifici.

DICO, quòd istæ impugnationes friuolæ sunt.

PRIMA quidem, quia licet loquatur de habitu Charitatis existente in patria, non tamen loquitur de illo, respectiue ad omnes actus, quos ibi elicit, cum nullum sit verbum in textu, istam generalitatem indicans; sed tantum loquitur de illo, respectiue ad aliquos actus, quos videlicet elicit circa Deum vt est ratio diligendi creaturas, qui actus verè liberi sunt, cum taliter Beatus illos eliciat, vt etiam possit non elicere, licet aliis eliciantur cum necessitate specificationis ad bene agendum.

Nec valet dicere, illos etiam actus prout sic, cadere aliquando sub præcepto, vel esse ad minus de consilio, ac proinde à Beatis necessario exerceri, cum fieri non possit vt contra voluntatem Dei agant, aut non faciant, quòd ipsi Maximè placet.

Non (inquam) valet: nam sicut in Christo, impotentia ad male faciendum, non obfuit quominus opera præcepti & consilij liberè exercuerit, libertate contradictionis, vt Theologi ostendunt tertia parte, questione decima octaua, articulo quarto, & nos pariter infra ostendemus; ita pariter in Beatis impotentia ad malè faciendum, non obest, quominus opera præcepti & consilij verè liberè libertate contradictionis exercent.

SECUNDA etiam impugnatio friuola est: nam respondeo sicut ad primam: loqui quidem Sanctum Thomam, de actibus quibus beati bene

Suprà
l. i. cap.
14. sect.
3. à 6.
Sed as-
sumptum
ostendit
nos.

In epist.
ad Pe-
trou pag.
39.

Infra l.
4. c. 12.
per to-
rum.

bene viuunt, ſed non vniuerſaliter de omnibus. Sufficiebat namque eius intento (quod erat; neceſſitatem bene agendi vt ſic, non lædere libertatem) actus aliquos dari in Beatis cum tali neceſſitate, & tamen cum vera libertate.

SED TERTIA impugnatio omnino aberrat, imò & indicat doctri-
nam Diui Thomæ ab autore ſuo ignorari. Sanctus namque Doctor quæſtione ſecunda de potentia, articulo tertio in ſimili materia eandem obiectionem poſuit & ſoluit. Sextum Argumentum ibi erat, ad probandum, quòd in eodem ſuppoſito non ſit prior ratio naturæ, quam ratio voluntatis. Nam cum natura ſit determinata ad vnum, ſi voluntatem moueat; eam ad vnum tantum mouebit: quod eſt contra rationem voluntatis quæ ſecundum quod huiusmodi, libera eſt. Ad quod Reſpondet; Ad ſextum dicendum, quòd in diuerſis conſiderando, alio voluntatis, alionem naturæ præcedit. Vnde totius naturæ inferioris alio ex voluntate Dei gubernantis procedit. Sed in eodem oportet quòd alio natura præcedat alionem voluntatis: natura enim ſecundum intellectum præcedit voluntatem: cum natura intelligatur eſſe principium quo res ſubſiſtit; voluntas vero, vltimum, quo ad finem ordinatur. Nec tamen ſequitur, quòd tollatur ratio voluntatis. Quamuis enim ad inclinationem naturæ voluntas ad aliquod vnum determinetur, quod eſt vltimus finis à natura intentus; reſpectu tamen aliorum indeterminata manet: ſicut patet in homine, qui naturaliter vult beatitudinem & de neceſſitate; non autem alia. Sic ergo in Deo natura alio, alionem voluntatis præcedit natura & intellectum, nam generatio Filij eſt ratio omnium illorum quæ per voluntatem producuntur, ſcilicet creaturarum. Ecce vbi Diuus Thomas profundiffimè docet & declarat, qualiter actus vo-

luntatis liberi, ſeu actus voluntati vt voluntas eſt, originem ducant tamquam ex fonte, ex ipſo actu voluntatis neceſſario, ſeu ex actu ipſius vt natura eſt: abſque eo tamen quod eadem neceſſitate ſui fontis aſpergantur. Quod & declarat exemplo in Diuinis. Nam generatio in Diuinis neceſſaria, eſt ſons & origo producendi omnem creaturam; & tamen productio creaturarum fluit ex illo fonte liberè, & cum iudifferentia. Et etiam patet in amore quòd Pater & Filius ſe inuicem amant: ille uamque amor omnino neceſſarius, eſt ſimiliter ſons & origo omnis amoris liberi circa creaturas, abſque eo quòd hæc neceſſitas fontis ad riuulos iſtos deriuetur, aut libertatem illorum lædat. Sic pariter dico de amore beatifico: fateor quòd ex illo tamquam ex fonte, omnis alius Beatorum amor deriuetur; ſed nego quod eadem neceſſitate fontis aſpergatur; quin potius liber remanet ille & indifferens, ſed ſons neceſſarius & determinatus, quia ſons ſe occupat circa vltimum finem, vt eſt ratio diligendi bonitatem increatam ſecundum ſe; riuuli autem circa eundem quidem ſe occupant; ſed prout eſt ratio diligendi creaturas ſeu bonitatem creatam. Circa hoc vide etiam Sanctum Thomam prima parte, quæſtione octuageſima ſecunda, articulo primo in fine Corporis: & quæſtione vigeſima quarta de Veritate articulo primo ad Decimum octauum; & Prima Secundæ, quæſtione decima tertia, articulo ſexto ad Primum.

SECUNDO POTEST reſponderi aliter ad totum iſtum locum ex Tercio contra gentes: admittendo cum Ferrara ibidem, quòd Diuus Thomas etiam loquatur de amore beatifico: cæterum tunc explicandus eſt de libertate prout opponitur coactioni,

ctiōni, non autem de libertate propriè tali, quæ etiam debet opponi necessitati naturalis inclinationis. Itaque admissio, quod Sanctus Doctor ibidem doceret, necessitatem amoris beatifici, non obesse libertati; sensus est quod non obest immunitati à coactione: & hoc non est contra nos, vt constat ex his, quæ diximus libro secundo.

<sup>Suprà
l. 2. c. 3.</sup> QUARTO tandem & vltimò huius quoque classis est, ille locus ex Prima Secundæ, quæstione sexta, articulo secundo: vbi (sicut Vincentius ait) de libertate disputans, non quærit, *Vtrum liberum*; sed *Vtrum voluntarium reperitur in brutis*? Et responsione ad Tertium, *dicendum est* (inquit) *quod laus & vituperium, consequuntur actum voluntarium, secundum perfectam voluntarij rationem, qualis non inuenitur in brutis. Vbi cernis* (insert iterum Vincentius) *voluntarium secundum perfectam voluntarij rationem, quod nempe dirigitur à perfecto indicio rationis, idem prorsus esse ac liberum, quod negat reperiri in brutis.*

In The
112. li. 1.
c. 5. §. 6.
Diuus
Thomæ,

RESPONDEO iterum dupliciter. Primò gratis admittendu Vincentio (licet falsum sit) Sanctum Thomam ibi disputare de libertate, & reputare pro eodem liberum ac voluntarium perfectum. Sed vis scire, quæ de causa? Dicendum esset in illa hypothese, vel quod loqueretur de voluntario perfecto hominis viatoris, quod semper admixtam habet libertatem indifferentiæ, saltem contradictionis; vel quod loqueretur ex parte subiecti: quia ratione perfectum voluntarium & liberum possunt dici idem, quatenus in subiecto semper conueniunt, siue in via siue extra illam: perfectum namque voluntarium nullibi potest esse nisi in subiecto capaci quoque libertatis. Ex quo nil conficitur contra nos. Nam so-

lūm sequitur, quod tunc doceret vtramque illam rationem se inuicem in via comitari, vel semper esse idem subiecto; quod nos vtique non negamus; cum hoc non obstat, semper maneat verum, nullum dari liberum verè & propriè tale, absque indifferentia, sicut nos intendimus.

Præterquam, quod adhuc data illa hypothese; doctrina articuli est potius contra Vincentium, quàm in fauorem illius. Si namque Diuus Thomas ibi reputat pro eodem, voluntarium perfectum & liberum; profecto per voluntarium perfectum probabitur potius intellexisse, principium operans cum indifferentia, quàm principium operans cum necessaria determinatione ad vnum: ibidem enim in Corpore articuli explicans quid per voluntarium perfectum intendebat; sic satur: *perfectam igitur cognitionem finis sequitur voluntarium secundum rationem perfectam, prout sciit apprehenso fine aliquis potest deliberans de fine & de his quæ sunt ad finem, moueri in finem vel non moueri.* En indifferentiam contradictionis: ac proinde potius fundamentum præbet nostræ communi sententiæ, quàm opinioni Vincentij. Imò hoc adeò verum est, vt Vasquez ex illo articulo motus fuerit, ad docendum, nullum dari actum perfectè voluntarium, qui non sit liber, libertate, quæ apud ipsum & nos est libertas contrarietatis vel ad minus contradictionis: vt ipsi namque videbatur; Diuus Thomas in illo articulo expressè includit in ipsa ratione perfecti voluntarij, rationem deliberationis seu libertatis indifferentiæ, ita vt sine illa sentiat rationem perfecti voluntarij non subsistere. Sicq; Vasquez docet defectum libertatis indifferentiæ, actus illos amoris beatifici & spirationis Spiritus Sancti, non

esse

Vasq.
11. disp
23. c. 4.
nu. 30.

eſſe perfectè voluntarios. Longè ergo à veritate abeſt, quòd Sanctus præceptor in illo articulo ſtaret pro opinione aſſerente, rationem libertatis compati poſſe cum omni moda determinatione ad vnum, abſque indifferentia tam contradictionis quàm contrarietatis, vt contendit Vincentius.

SED SECVNDO RESPONDETUR, & indubiè ad mentem litterarum; quòd ſcilicet Diuus Thomas ibi loquatur, non confundendo perfectum voluntarium cum libero, ſed tradendo propriam & formalem eius rationem, prout à libero diſtinguitur, licet in Corpore (vt iam ex verbis relatis conſtat) illud in quadam ſpecie determinata voluntarij liberi exemplificet. Nec contra hoc Reſponſio inducta ad tertium, aliquid conuincit. Non enim ibi dicit, voluntarium ſecundùm perfectam rationem voluntarij, idem eſſe ac liberum, vt Vincentius contendit; ſed ſolum, quòd liberum ſeu laus & vituperium perfectam rationem voluntarij conſequantur, quod, vtique verum eſt, licet non omne perfectum voluntarium, ſit liberum, laudabile aut vituperabile. Ad veritatem namque iſtius propoſitionis, *laus & vituperium conſequantur actum voluntarium ſecundùm perfectam voluntarij rationem*, ſufficit quod huiusmodi, ubi cumque conſequantur, non conſequantur niſi actum perfectè voluntarium. Quod certè longe aliud eſt, ac dicere, quòd conſequantur omnem actum perfectè voluntarium, generaliter & ſemper. Sicut aliud eſt dicere, *malitia peccati conſequitur actum creaturæ*; ſed non conſequitur niſi actum creaturæ, & aliud, *malitia peccati conſequitur omnem actum creaturæ*.

Et hanc eſſe ipſiſſimam mentem Angelici præceptoris, euidenter patet.

tet conſideranti intentum argumenti, ad quod ibi Reſpondet. Erat namque ſcopus eius probare, in brutis non dari voluntarium, quia teſte damaſceno, *actus voluntarios ſequitur laus & vituperium*, quæ tamen actibus brutorum non debentur: cui ſatisfacit dicendo, non bene ſequi intentum huiusmodi, ſi ſermo ſit de voluntario imperfecto; quia quòd laus & vituperium dicantur conſequi actus voluntarios, hoc debet intelligi de actibus voluntarijs ſecundùm perfectam voluntarij rationem, non autem de actibus voluntarijs ſecundùm rationem imperfectam, qualiter ponitur in brutis. Ex quo modo Reſpondendi, quis quaſo (niſi fortè malignari velit) poteſt inferre hanc vniuerſalem, quòd laus & vituperium ſequantur ad omnem actum perfectè voluntarium? Nonne rectiſſimè & omnino artiſticiſe argumentum ſoluitur, per hoc præciſe, quòd laus & vituperium, ſi alibi conſequantur, non conſequantur, niſi perfectum voluntarium, licet non omne? Profecto, Vincenti, qui plus hoc in loco quaerit, vel malignator eſt aut Sophiſta, vel nodum in ſcirpo quaerere comprobatur.

SECTION II.

Soluuntur loca Sancti Thomæ Speſtancia ad ſecundam Claſſem.

AD SECVNDAM CLASSEM pertinet primò, id quod habetur quaſtione decima de Potentia, articulo ſecundo ad Quintum. *Naturalis neceſſitas ſecundùm quam voluntas aliquid ex neceſſitate velle dicitur, vel ſalutem, libertati voluntatis non repugnans.*

repugnat. Ex quo & infert quòd Deus sua voluntate liberè amat seipsum, licet de necessitate amet seipsum. Et deinde quòd liberè Spiritus Sanctus procedit à Patre, non tamen possibiliter; sed ex necessitate.

SECUNDO PERTINET, articulus ille quintus quæstionis vigesimæ secundæ de Veritate: vbi in responsione ad argumenta in contrarium ter repetit eandem illam propositionem, quòd videlicet necessitas naturalis libertatem non destruat. *Ad primum in contrarium* (inquit) *dicendum, quòd auctoritas illa est intelligenda de necessitate coactionis, quæ repugnat voluntati: non autem de necessitate naturalis inclinationis, quæ secundum Augustinum in Quinto de Civitate Dei voluntati non repugnat. Ad tertium ibidem. Libertas secundum Augustinum opponitur necessitati coactionis, non autem naturalis inclinationis. Iterum ad Quartum, necessitas naturalis non repugnat dignitati voluntatis: sed sola necessitas coactionis. Quod etiam habet prima parte, quæstione octuagesima secunda, articulo primo ad Primum. Dicendum* (inquit) *quòd verbum Augustini est intelligendum de necessario necessitate coactionis, necessitas autem naturalis non aufert libertatem voluntatis, ut ipsemet in eodem libro dicit. Ex his omnibus locis deducit Vincentius, iuxta mentem Sancti Doctoris, actum necessarium necessitate specificationis & exercitij, verè posse esse liberum; siquidem (ut hic apparet) fatetur necessitatem naturalis inclinationis, qualis in huiusmodi actibus reperitur, libertati non repugnare.*

MIROR DOCTOR THOMASTICE, te tam superficialiter litteram Sancti Thomæ inspicere. Duc paulisper in altum magis seu profundum, mentis tuæ aciem, & geminam latitantem nostræ veritatis,

non tuæ falsitatis conspicias.

Primus locus ex quæstione decima de Potentia, iam supra à me evidentiissimè explicatus est: loquitur enim Sanctus Thomas de libertate non, strictè & ptopriè, pro illa quæ ex se sufficit ad meritum; sed de libertate prout idem est ac immunitas à coactione. Et hanc dicit compari, cum actu necessitatio necessitate naturalis inclinationis, ut est productio Spiritus Sancti, & amor Divinæ Bonitatis. Rationem huius explicationis (ne actum iterum agamus) vide ibidem, si videre placet melius & profundius.

Sed ad reliqua alia ex quæstione, illa de Veritate, & ex prima parte, illam solutionem non adhibeo. Loquitur enim in omnibus illis, ut ex contextu patet, de libertate magis absolute & generaliter, ut etiam comprehendit libertatem verè & ptopriè talem. Sed quid? An nè ideo voti tui compos, quia de illa loquens, dicit per necessitatem naturalem non destrui? Minimè. Inspice (ut dixi) profundius, & veritatem nostram videbis, non falsitatem tuam.

DVPLICEM ERGO explicationem habent, aliam & diuersam, sed absque vlla prorsus ratione dubitandi, utramque genuinam & legitimam.

PRIMA SIT (& supra etiam attigi) Divum Thomam in illis locis solum docere, necessitatem naturalis inclinationis non repugnare libertati voluntatis: quod verissimum est: cum naturæ potentia libera non repugnet habere actum necessarium necessitate naturalis inclinationis. Eadem enim potentia libera, qualis est voluntas, sicut potest habere actus liberos, ita & potest habere aliquos actus necessarios naturali necessitate. Sed hoc, Vincenti, intento tuo non sufficit.

In Th
ria. l. 1.
c. 10. §.
eum
enim Et
c. 12. §.
diant vo
ro.

Supra
libr. 2.
ca. 3. §.
Hinc in
telligenda.

Supra
libr. 2.
ca. 1. §.
Dicitur
eodem.

ſufficit ; nam probandum tibi erat ulterius, quòd & ipſimet actus ſic neceſſarij, dicerentur à Divo Thoma liberi . Quod tamen in nullo ex prædictis locis, nec vel leuiter ſemel indicat . Itaque aliud eſt, quòd neceſſitas naturalis inclinationis, non repugnet potentiz liberæ ſeu libertati potentiz ; aliud autem, quòd non repugnet libertati actus . Primum dixit Diuus Thomas, & hoc nos fatemur . Secundum tu ex malo intellectu ei aſſingis, & diſſitemur . Nam licet principium horum actuum, vere in re liberum ſit, cum ſit idem principium cum principio actuum liberorum (eadem namque potentia voluntatis libera, & elicit actus neceſſarios, & actus liberos) ipſi tamen actus neceſſarij, liberi non ſunt, nec liberi vquam à Divo Thoma dicuntur ; quando de libertate vera & propria ſermonem facit .

Hæc explicatio eſt ipſiſſima doctrina Diui Thomæ alio in loco ; quem ſi perpendiſſes, Vincenti ; forte ad fallam tuam imaginationem Sanctum Preceptorem trahere minime ſtudiſſes . Itaque Prima Secundæ quæſtione decima, articulo tertio ad primum, explicans quendam locum Pauli, ſic ſatur . *Eiſi voluntas non poſſit facere, quin motus concupiſcentiæ inſurgat, de quo Apoſtolus dicit Romanorum ſepimo, quod odi Malum illud facio, id eſt concupiſco, tamen poſteſt voluntas non velle concupiſcere: aut concupiſcentiæ non conſentire, & ſic non ex neceſſitate ſequitur concupiſcentiæ motum.* Ex hoc autem loco Apoſtoli, faciens quæſtione ſexta de malo argumentum ad probandum, hominem non eſſe liberæ electionis, quia qui facit quod non vult, non habet liberam electionem : ſed homo facit quod non vult, ad Romanos ſepimo, quod odi malum, illud facio: ergo homo non habet liberam electionem ; Reſpondet hoc modo, ad

duodecimum dicendum, quòd ille qui facit quod non vult, non habet liberam actionem ; ſed poſteſt habere liberam voluntatem . Ecce vbi aſſirmat hominem reſpectu motuum neceſſariorum appetitus ſenſitiui ſeu concupiſcentiæ, eſſe quidem liberæ voluntatis, non tamen liberæ actionis : quia nimirum neceſſitas illorum motuum licet auferat libertatem ab ipſis motibus ; non tamen auferat libertatem ab ipſa potentia voluntatis : nam illa poſteſt concupiſcentiæ ſeu motibus conſentire & non conſentire, alio, ſcilicet actu à ſe elicit . Sic pariter dicimus, mentem illius eſſe, quando docet, neceſſitatem naturalem, in ipſis actibus voluntatis non obefſe libertati voluntatis : ſenſus enim eſt, non quòd illa neceſſitas non auferat libertatem ab illis actibus ſic neceſſarijs, ſed quòd non auferat libertatem ab ipſa voluntate : nam tali neceſſitate actuum non obſtante, poſteſt equidem liberè operari, alijs ſcilicet actibus .

Sed vis nunc videre, qualiter hæc explicatio, ſit abſque vlla proſus ratione dubitandi, ipſiſſima Sancti Doctoris mens etiam in locis à te adductis, Vincenti ?

Probo hoc primò ex ipſis verbis . Nam in nullo illorum dixit, quòd neceſſitas naturalis non repugnat libertati actus ; ſed, non repugnat voluntati, non repugnat dignitati voluntatis, non auferat libertatem voluntatis . Eſtne hoc dicere, quòd nec libertati ipſius actus repugnat ? Tu hoc ſomnias, Vincenti, Diuus Thomas non dicit .

Secundò : quia in principio corporis articuli ſic ſatur . *Duplex eſt neceſſitas, neceſſitas ſcilicet coactionis, & hæc in volente nullo modo cadere poſteſt: & neceſſitas naturalis inclinationis, & tali neceſſitate voluntas aliquid de neceſſitate vult.* Ecce vbi præciſe dicit, neceſſitatem

sitatem naturalem posse cadere in volentem seu in voluntatem. Quid ergo fingis posse cadere etiam in ipsum actum liberum?

Tertio: quia argumenta in contrarium solum conabantur probare, quod voluntas nihil poterat velle de necessitate; assumendo pro medio, quia *voluntas est potentia libera*, seu rationalis potentia ad opposita se habens, & inferendo; ergo debet esse libera in omni suo actu, seu; *ergo omne quod voluntas vult, potest velle & non velle*, & ita non de necessitate aliquid vult. Hoc est ita euidenter intentum argumentorum, ut contrarium asserere, sit apertissime velle malignari vel contumacia contendere. Hanc autem intento satisfacit Divus Thomas in omnibus illis responsionibus sub hac forma: concedendo scilicet quod voluntas est potentia libera, seu ad opposita se habens; sed negando quod ideo liberè debeat velle in omni suo actu, quia etiam in aliquibus actibus potest aliquid velle necessariò, necessitate non coactionis sed naturali, cum necessitas naturalis secundum Augustinum voluntati non repugnet aut eius libertati seu dignitati. Ergo sic respondendo, tantum abest, quod actibus illis necessarijs tribuat libertatem, ut potius expressissimè ipsos contra liberos distinguat; asserens non obstante illorum necessitate, libertatem potentie equidem non ladi, sed potius remanere: respectu scilicet aliorum actuum, quos libere elicit.

Quarto: quia Sanctus Doctor solum intendit assignare discrimen inter actum necessarium necessitate, coactionis, & actum necessarium necessitate naturalis inclinationis, penes hoc, quod primus in potentiam liberam nullo modo cadere potest, bene autem secundus; at hoc discrimen integrè & perfectissimè salua-

tur, absque eo quod actus secundi generis dicantur verè liberi, ut consideranti apparet: ergo omnino perperam & absque fundamento ex similibus locis deducitur actus illos necessarios, verè liberos esse.

Itaque, Vincenti, (iterum libet iaculare) mens Divi Thomæ est, actus illos non obstante sua necessitate, elici à potentia verè & secundum rem libera, nimirum à voluntate, licet liberè non eliciantur. Vnde: libertas quidem potentie seu voluntatis semper manet, nulla tamen vera libertas ad ipsos actus transiit: quia necessitas etiam naturalis, si sit cum omnimoda determinatione ad unum, inimica est libertati actus, licet amica sit & sociæ libertati potentie: ad differentiam necessitatis coactionis, quæ inimica est utique, & libertati actus & libertati potentie, utpote cum nullus actus necessarius necessitate coactionis possit recipi à potentia libera seu à voluntate, provenire, ut supra satis explicatum est.

SED MODO SIT SECUNDA explicatio, per quam omnibus istis locis etiam potest satisfieri. Est autem huiusmodi: videlicet admittendo quod loquatur, non solum de libertate potentie; sed etiam de libertate actus: ita ut sensus sit, necessitatem naturalem nec libertati quidem ipsius actus obesse. Tunc sanè deberet dici cum Caietano, quod loquitur de necessitate naturali quoad specificationem tantum: hanc enim libertati actus non obesse, constans est, cum indifferentiam admittat penes exercitium. Verba Caietani sunt hæc. In Responsione ad Primum nota: quod cum dicitur, quod necessitas naturalis non aufert libertatem; potest bene & malè intelligi. Malè quidem, si intelligatur quod necessitas naturalis, tam obiectivè quàm elicitive, fiat cum libertate

Supra
l. c. c. i.
§. 2. rursus
se sumitur.

Caiet.
l. p. qu.
81. art.
1. §. in
responsione
ad
1.

illius,

illius actus hoc enim non est intelligibile. Bene verò, intelligendo, quòd naturalis neceſſitas actus quoad ſpecificationem ſeu obiectiue, non auferat libertatem eiſdem, quia ſtat, quòd liberè eliciatur. Itaque iuxta hanc doctrinam Caietani, ſecunda explicatio eſt, quòd neceſſitas naturalis inclinationis non auferat libertatem; intelligendo videlicet de neceſſitate naturali quoad ſpeciem actus tantum, non autem de neceſſitate naturali quoad ſpeciem, & quoad exercitium ſimul: hanc enim, libertatem actus auferre, ita clarum & euident eſt, vt contrarium ſit in intelligibile.

igitur, Vincenti, dicta recapitulando, hoc tibi dilemma breuiter propono. Vel loca Sancti Thomæ, vis intelligi de neceſſitate naturali quoad ſpeciem, & quoad exercitium ſimul; vel potius de neceſſitate naturali quoad ſpeciem tantum. Si primo modo; dico quòd loquitur de libertate potentie, non de libertate actus; quando dicit ſimilem neceſſitatem, libertatem non auferre. Si ſecundo modo; admitto etiam, quòd loquatur de libertate actus; ſed nil conficis contra nos: quia iſta neceſſitas quoad ſpecificationem tantum, habet admixtam indifferentiam.

SECTIO III.

Soluuntur loca Sancti Thomæ ſpeſſantia ad tertiam Claſſem.

AD TERTIAM CLASSEM pertinent vniuerſaliter omnia illa loca, in quibus Sanctus Thomas multoties videtur aſſerere, hominem naturaliter eſſe liberi arbitrii, per ſolam libertatem à coactione: vt eſt præci-

pue ille locus ex prima parte, quaſtione octuageſima tertia, articulo ſecundo ad Tertium, vbi inquit, *Quòd homo peccando liberum arbitrium dicitur perdidiffe, non quantum ad libertatem naturalem, quæ eſt à coactione; ſed quantum ad libertatem, quæ eſt à culpa & miſeria.* Vbi videtur contra nos ſupponere, libertatem naturalem ſeu eſſentialem ſaluari per ſolam libertatem à coactione.

Huius loco, plures alios agglomerat Cornelius Ianſenius in ſuo Auguſtino, ſed breuitatis cauſa omitto, quia explicato vno; explicabuntur & reliqui.

Ianſen.
to. 3. l. 2.
6. ca. 6.
& 11.

RESPONDEO Igitur, quòd locus inductus, & alij ſimiles explicari debent iuxta doctrinam traditam ſeſſione præcedenti in prima ſolutione. Pro quo nota, hominem retinere libertatem ſuam naturalem, per hoc præciſe quòd maneat liber à coactione; poſſe intelligi in duplici ſenſu vno modo, vt per hoc præciſe retineat libertatem naturalem quoad potentiam tantum: alio modo, vt per hoc præciſe habeat etiam libertatem naturalem quoad actum. In primo ſenſu verum eſt, & ſic docetur à Sancto Thoma: in ſecundo autem falſum eſt, & non docetur. Itaque, mens Sancti Doctoris in illo & alijs ſimilibus locis eſt probare, quòd homo verè & in re ſemper manet & manſit cum voluntate ſua libera ſeu libero ſuo arbitrio, quoad potentiam ex eo quod in nullo ſtatu ſubdatur aut ſubdi poſſit coactioni. Et hæc probatio omnino efficax eſt & legitime concludit: nam eſſentialis incogibilitas, ſeu hoc quod eſt in ſuis actibus non poſſe cogi, identicè ſeu in re eſt iſta entitas voluntatis ſeu potentie libera, cum iſta incogibilitas ſolè voluntati ſit eſſentialis, vt ſuprà oſtendimus: vnde & Diuus Thomas quaſtione vigefima quarta, de-

Suprà
l. 2. c. 1.
§. Deinde
de eod.

Veritate, articulo quarto ad vndecimum inquit, *quod facultas quæ est per remotionem coactionis, addit determinatam naturam potentie.* Indicans in hoc, incogibilitatem licet dicatur per negationem; nominare in re, ipsam naturam potentie liberæ. Ergo probando, hominem in nullo statu perdidisse illam incogibilitatem, optimè quoque probat, in nullo statu perdidisse potentiam seu voluntatem, qua liberè potest operari. Maxime cum ista incogibilitas, sit primum fundamentum & radix, ex qua voluntas habet prohibito suo posse operari & non operari. Ex hoc tamen non habetur, quòd ipso facto liberè quoque semper operetur in actu secundo, quotiescumque operatur sine coactione, etiam si cæter a desint (verbi gratia) indifferentia, in modo eliciendi actum. Hoc namque falsissimum est, vt ex toto libro secundo satis constat. Licet enim sola incogibilitas seu negatio coactionis, argumentum sit, hominem habere naturam potentie liberæ, cum incogibilitas non nisi ipsamet potentia libera sit; sola tamen illa argumentum non est, hominem in actu secundo liberè operari, si indifferentia exercita non adsit. Nam idemmet principium seu potentia libera potest etiam operari necessario seu non liberè: scilicet quando operatur vt natura. Vnde licet quotiescumque operatur, operetur sine coactione; non tamen quotiescumque operatur, operatur liberè, nisi ponatur operari circa obiecta proposita cum indifferentia & absque essentiali seu intrinseca determinatione ad vnum.

Et pro hac explicatione, est mihi locus euidens in Sancto Thoma primo contra gentes, capite sexagesimo octavo, in fine: vbi aureis plane verbis tradit, ad libertatem in actu se-

cundo non sufficere exclusionem coactionis, si cætera quoque non adsint, scilicet indifferentia seu exclusio determinationis ad vnum. *Dominium* (inquit ibi elegantissime) *quod habet voluntas supra suos actus, per quod in eius est potestate, velle vel non velle, excludit determinationem virtutis ad vnum & violentiam causæ exterius agentis.* Quid clarius? Quid nitidius. Quid magis ad rem nostram? *Dominium* (ait) *quod habet voluntas supra suos actus, seu (quod idem est) libertas quam in suis actibus exercet; excludit duo, & violentiam causæ exterius agentis (ecce coactionem) & determinationem virtutis ad vnum, ecce alterum requisitum.* Quid ergo clamatis ex mente Sancti Thomæ, per solam exclusionem coactionis, in actibus voluntatis libertatem subsistere, etiam cum determinatione virtutis ad vnum? Soli tenebras iniicitis, qui hoc commentum Sancto præceptorum affingitis.

SED INSTABIS fortè ex quæstione vigesima quarta de Veritate, articulo primo: vbi argumentum septimum intendebat probare, hominem semel existentem in peccato, deinceps non liberè peccare, ex eo quòd seruitus libertati opponitur, & in tali homine seruitus peccati inueniatur, iuxta illud Ioannis octauo, *qui facit peccatum, seruus est peccati.* Ad quòd argumentum respondet hoc modo. *Ad septimum dicendum, quòd seruitus peccati non dicit coactionem, sed vel inclinationem, in quantum peccatum præcedens aliquo modo inducit ad sequentia, vel per defectum virtutis naturalis, quæ non potest se à macula peccati eripere, cui se semel subdidit: & ideo semper in homine remanet libertas à coactione, per quam naturaliter est liberi arbitrii.* Vbi sanctus Doctor videtur probare, hominem semel existentem in peccato, non solum habere liberum arbitrium.

arbitrium quoad potentiam; sed etiam quod de facto liberē deinceps peccet; ex illo solo capite, quia peccatum præcedens ipsum ad sequentia non cogit: ergo sentit per solam libertatem à coactione saluari libertatem arbitrij, non solum quoad potentiam, sed etiam quoad actum. Patet consequentia, quia supponit illum peccatorem deinceps liberē in actu secundo peccare, & hoc non alia de causa quàm quia agit non coactē.

Dico verum esse, Sanctum Thomam in illo loco, non solum probare liberum arbitrium quoad potentiam; sed etiam libertatem eius in actu secundo; sed scire oportet quod hoc non probet ex libertate à coactione nude sumpta seu præcisa indifferentia; sed ex libertate à coactione, prout simul exercitium indifferentiæ ad non peccandum adiunctum habet. Quod patet tum ratione, tum etiam ex ipso textu. Ratione quidem; quia loquitur de homine viatore, in quo (vt supra ostendimus) idem est agere non coactē circa obiectum sibi perfectē propositum, & agere cum potestate ad non agendum circa illud. Ex textu etiam; quia dixit, seruitutem peccati non cogere hominem; sed tantum aliquo modo ipsum ad peccandum inducere, videlicet per aliqualem inclinationem, cui tamen (vt loquitur ibi articulo duodecimo ad Duodecesimum) *potest resisti licet cum difficultate*. Ergo sentit necessitatem provenientem à seruitute peccati, talem esse, vt potestatem ad non peccandum, absolutē non lædat. Et ex consequenti sub illa necessitate seu seruitute non solum operatur homo non coactē qualitercumque, sed insuper operatur cum potestate ad oppositum. Ex quo proinde legitime intulit peccatorem etiam retinere libertatem suam.

quoad actum: quod & nos quoque, secundum nostram Philosophiam fateamur. Nam licet dicamus solam libertatem à coactione in omni sua latitudine, seu secundum se ad veram libertatem actus non sufficere, vt sufficienter in productione Spiritus Sancti, & amore beatifico ostendimus; dicimus tamen eam sufficere, quando cum potestate indifferentiæ in actum exit; sicut semper contingit in via circa quodlibet obiectum, ubi iudicium rationis non absorbetur.

IGITUR, VINCENTI, iterum concludo cum dilemmate, sicut feci sectione præcedenti. Vel enim loca Sancti Thomæ, indicantia libertatem saluari per remotionem coactionis, vis intelligi de libertate quoad potentiam, vel etiam de libertate quoad actum. Si de libertate quoad potentiam; nil profecto concludis. Nam cum incapacitas ad coactionem, seu incogibilitas, sit identicè potentia libera, & potentia necessaria; rectè ex illa sola inferri potest, hominem esse liberi arbitrij quoad Potentiam; absque eo quod sequatur, esse per eam solam liberæ quoque operationis in omni actu, cum & nonnullos habeat, non coactos, necessarios tamen & non liberos. Si autem velis intelligi etiam de libertate quoad actum, tunc debent explicari, sicut iam statim dixi; videlicet quod non loquantur de incogibilitate nudè sumpta seu præcisa indifferentiæ; sed de incogibilitate hominis viatoris, quæ semper indifferentiam adiunctam habet, quando in actum secundum exire conspicitur. Imò (vt supra latè probavi) idem est liberum arbitrium hominis viatoris non cogi, ac remanere cum potestate faciendi, & non faciendi.

Supra
lib. 2. c.
18.

SECTIO IV.

Soluntur loca Sancti Thomæ, & spectantia ad quartam Classen.

AD QUARTAM ET VLTIMAM CLASSEM, reduco illa loca, in quibus (iuxta interpretationem Vincentij) videtur Sanctus Thomas dicere, quod voluntas præmota auxilio efficaci, non possit illo stante seu retento, se flectere in oppositum: cum tamen constans sit, adhuc illo stante, voluntatem liberè operari: ac proinde in eius sententia videtur libertas in actu subsistere, licet cum omnimoda determinatione ad vnum, & absque indifferentia principij operantis eliciatur. Huiusmodi loca, fortè plura sunt; sed quia vnus tantum specialiter meminit Vincentius; hinc & vnus tantum mentionem faciemus.

Loquens igitur Vincentius de mente Thomistarum in hac materia (à qua tamen absque dubio toto cælo distat) *Magister eorum* (inquit) *Sanctus Thomas*, cum sibi obieisset, non esse possibile ut voluntas non velit id, ad quod Deus eam mouet, non respondet, quod vos faceretis, Petavi & Ricarde, liberum arbitrium manere adhuc veluti nutabundum, & si vellet, alterum non minus eligere posset: sed si Deus (inquit Sanctus Doctor) mouet voluntatem ad aliquid, impossibile est huic positioni, ut voluntas ad illud non moueatur. Non tamen est impossibile simpliciter. Unde non sequitur, quod voluntas à Deo ex necessitate moueatur.

MIROR, VINCENTI, qualiter hunc locum, aut vllum illorum in hac materia, pro essentiali tua libertate possis adducere.

IN PRIMIS consideremus verba, quæ ibidem habet in Corpore articuli. Postquam dixerat, *Quod Deus omnia mouet secundum eorum conditionem*, sic concludit. *Quia igitur voluntas est actuum Principium non determinatum ad vnum; sed indifferenter se habens ad multa, sic Deus ipsam mouet, quod non ex necessitate ad vnum determinet; sed remanet motus eius contingens, & non necessarius, nisi in his ad quæ naturaliter mouetur.* Dic obsecro, Vincenti, nonne hic apertissime docet Sanctus Præceptor, voluntatem à Deo diuersimodè moueri, in his ad quæ mouetur naturaliter (verbi gratia) ad amorem vltimi finis clarè visi, & in his ad quæ mouetur non naturaliter (verbi gratia) ad reliquos actus quos sub directione rationis exercet in via? Et in quo quæso sensu diuersitatem collocat? Nonne euidenter in hoc, quod ad amorem vltimi finis, ipsam ex necessitate determinat ad vnum, absque indifferentia & contingentia, non sic autem in alijs actibus via? Qua ergo phantasia somnare potes, esse de mente Sancti Thomæ tuam opinionem de libertate essentiali, qua asseris actus nostros in via fore adhuc vetè liberos, quantumvis tali necessitate voluntas ad illos mouetur, quali mouetur ad amorem beatificum in patria? Dicere sicut hic dicit Sanctus Thomas, voluntatem nostram in actibus via moueri, seruata indifferentia & contingentia ad amorem verò beatificum moueri sine indifferentia & contingentia; estne hoc dicere, sicut tu ex Bellarmino approbas, in quavis electione (etiam via) necessitatem illam se ingerere, qua in amore beatifico interuenit? Vade, Vincenti, & si velis dicere cum Sancto Thoma, non approbet dictum illud Bellarmini (si fortè hoc dixit) sed potius considera & appro-

1. 1. qu.
10. art.
4. 2. 1.

In Th.
ria li. 1.
c. 17. 6.
Fol.
quid me
est.

ba dictum Capreoli, qui ex mente
ſui Angelici Præceptoris dixit longè
aliud. *Aliter* (inquit) *Mouet apprehenſio
ultimi finis, & aliter apprehenſio
aliorum obiectorum, & aliter cognitio
viæ, quàm patria, & ideo alia eſt ne-
ceſſitas dilectionis Patriæ, quàm viæ.*
Niſi hoc idem dixeris, nihil tibi cum
Sancto Thoma in hac materia erit
commune: nec ullis cum ſunibus
(non minus quam tuus Petauus) in
tuam tuorumque ſic determinatæ li-
bertatis opinionem pertrahes, priuſ-
quam ſuam ei prædeterminationem
extorſeris.

VIS ERGO SCIRE, qualis ſit
vera & legitima Sancti noſtri Do-
ctoris prædeterminatio? Omnino
dilucidis verbis tibi dicere oportebit,
& neſcio proſecto qualibus, cum
cæcitas tua viſque adeo nimia ſit, vt
nec ipſa verba Sancti Thomæ ſole-
clariora, tibi ad videndum ſufficiant.
Dicam igitur, per negationem po-
tius quàm per affirmationem, co-
gitans talem me præ manibus habe-
re, cui claritatis gratia (ne dicam
hebetudinis cauſa) dici debeat, quid
res non ſit, vt aliqualiſter capiat, quid
ſit.

Scias ergo, non eſſe talem neceſ-
ſitatem Thomiſtica prædetermina-
tionis, qualis eſt neceſſitas motio-
nis, qua voluntas mouetur ad aman-
dum Deum in Patria: nec certè qua-
lis vlla eſt, qua mouetur ad actum
ſpecificatiuè & elicitiuè neceſſariū.
Ratio eſt manifeſta: & (vt appareat
adhuc manifeſtior) perſequamur in
exemplo amoris beatifici: duplex
namque diſcrimen reperitur ſecun-
dum viam Diui Thomæ in vno & in
altero caſu: vnum ex parte intelle-
ctus ſeu iudicii, alterum ex parte
voluntatis.

Ex parte quidem intellectus ſeu
iudicii conſiſtit in hoc, quòd intel-
lectus videntis Deum, habet iudicium

eſſentialiſſimè determinatum, deter-
minatione etiam ex parte actus pri-
mi, tam quoad exercitium, quam
quoad ſpeciem actus. Hoc eſt dicere,
quòd dicat non ſolum neceſſariò
Deum eſſe amandum aut non odio
habendum; ſed etiam neceſſariò non
omittendum amorem aut ab illo ceſ-
ſandum: quia videlicet euidentiffimè
repræſentat ſub omnimoda ratione
boni, non ſolum ipſum obiectum, ſed
etiam exercitium anioris circa illud:
ita vt in neutro ſinat apparere vel
minimam rationem mali aut defectū
boni. At verò intellectus viatoris ad-
huc ſub inſtanti prædeterminationis,
habet iudicium indiſſerens, ad minus
quo ad exercitium actus, indiſſeren-
tia ex parte actus primi, vt ſuprà ex-
plicauimus: quia videlicet à ſenſu con-
trario, nullum eius iudicium, ſi ple-
nam aduertentiam obiecti habeat, ſa-
tale eſt; quin ex vi illius ſinatur ap-
parere aliqua ratio mali vel defectus
boni ſaltem in ipſo exercitio actus, vt
etiam ſuprà oſenſum eſt. Vnde re-
ſiſſimè Angelicus Præceptor in ſe-
cundo ſententiarum, diſtinctione vi-
geſima quinta, quaſtione vnica, arti-
culo ſecundo, in corpore, dixit, quòd
*in his quæ ad finem vltimum ordinantur
nihil inuenitur adeo malū, quin aliquod
bonum admixtum habeat, nec aliquod
adeo bonum, quod in omnibus ſufficiat.*
*Vnde quantumcumque oſendatur bo-
num (per iudicium ſcilicet) vel ma-
lum ſemper poteſt (voluntas) adherere
& fugere in contrarium.* Itaque iudi-
cium in Patria eſt determinatum, e-
tiam determinatione ex parte actus
primi, in viâ autem circa quodlibet
obiectum eſt indiſſerens ſeu ex parte
actus primi indeterminatum, ſaltem
quoad exercitium.

Ex quo naſcitur ſecundum diſcri-
men ex parte voluntatis, conſiſtens
ſimiliter in hoc, quòd voluntas vi-
dentis Deum viſione retenta & per-
ſe-

Suprà
l. 2. c. 2.
§. 2.
de can-
ſa.

Suprà
l. 2. c. 2.
§. 2.
de ratio-
nem.

seuerante, nullam habet potentiam expeditam aut proximam, nec in sensu diuisio, nec in sensu composito, ad omittendum proprio motu amorem, aut suspendendum illum. Dico *motu proprio*; nam alijs poterit omittere & suspendere etiam in sensu composito, si Deus concursus ad amorem neget; voluntas verò viatoris prædeterminatione retenta & perseverante (verbi gratia ad amorem) habet ex se ipsa potentiam expeditam & proximam ad amorem, proprio etiam motu omittendum, in sensu saltem diuiso: non taliter (vt Vincentius glossat) quod sit proximè potens ad negationem amoris facta diuisione prædeterminationis à potentia, seu prædeterminatione excus-
In epist
ad Pe-
tau. pr.
4. g. bre-
est.
sa; (hoc enim in Schola Thomistica ridiculum est; nec Caluinus hoc negare potuit: imò & in beatis huiusmodi potentia ad non amandum inuenitur: excusa videlicet visione, non ea retenta) sed in alio sensu longè diuerso: quia videlicet adhuc prædeterminatione retenta, cum illa & sub illa remanet æquè proximè potens ad non amandum: sicut ante prædeterminationem ex se ipsa proximè ad hoc potens erat. Prædeterminatio enim ad amorem, quantumuis insuperabilis infallibilitatis sit; cum tamen moueat iuxta naturam & conditionem potentie liberæ, non tollit indifferentiam iudicii aut naturalem facultatem voluntatis, cui superuenit: ac proinde uoc tollit potentiam proximam ad amandum: quia sola illa duo, nimirum indifferentia iudicii & naturalis facultas voluntatis, ad proximam potentiam non amandi sufficiunt, quocumque alio secluso. Ex quo etiam habes, cur sub visione non maneat voluntas proximè potens ad negationem amoris: quia videlicet, licet sub visione remaneat naturalis facultas vo-

luntatis; deest tamen illud alterum, requisitum, nimirum indifferentia iudicii, quæ ad proximam potestatem non amandi indispensabiliter etiam requiritur.

Igitur ex mente Sancti Thomæ, prædeterminatio gratiæ efficacis non est talis, quæ auferat vel impediatur potestatem proximam ad oppositum (vt Vincentius imaginatur) sed potius illam illasam relinquit, tamque proximam finit esse ad negationem actus, quam ad eius positionem. Ad differentiam motionis, qua mouetur voluntas Beati ad amorem Dei. Hæc namque cum moueat iuxta naturam intellectus perfusi lumine gloriæ, & ad eum determinati, minimeque indifferentis; mouet vtique nullam sinendo in voluntate subsistere potentiam proximam ad negationem amoris. Vnde communiter Thomistis solet dici, quod voluntas Beati stante visione, non solum non est, non amatura; sed nec potest non amare: voluntas tamen viatoris prædeterminata, licet stante prædeterminatione non amatura non sit; stante tamen eadem potest non amare.

SECTIO V.

APPENDIX.

Ostenditur, etiam errare in Schola Thomistica circa materiam libertatis Petanum & Ricardum: simulque declaratur, qualiter Physica prædeterminatio libertatem non ledat.

SECTIONE PRÆCEDENTI diximus voluntatem viatoris adhuc sub prædeterminatione ad amorem,

rem, esse proximè potentem ad non amandum, ita ut verum sit dicere, ipsam retenta prædeterminatione ad amorem, posse proximè non amare. Hoc tamen non sic dici velim, quasi ipse etiam non amor, retenta prædeterminatione sit cum illa possibilis seu simul composibilis; id enim est commentum Petauij & Ricardi, qui dicunt liberratem actûs non saluari, nisi ipsa etiam negatio actûs ponatur composibilis, cum omni eo quod ante actum prærequiritur, cuiusmodi in sententia nostra, est prædeterminatio. Quod sanè Schola nostra Thomistica non docet. Constantissimè quippe tenet ad liberam elicentiam actûs pro aliquo instanti, sufficere, quòd voluntas sit proximè pro eodem potens non agere, licet pro eodemmet ipsa negatio actûs sit impossibilis, ratione alicuius prærequisiti tunc existentis, & cum quo ipsa negatio actûs essentialem habet repugnantiam. Itaque aliud est, voluntatem retenta prædeterminatione ad actum, posse proximè in eodem instanti, non agere; & aliud, quòd ipsa negatio actûs, etiam retenta prædeterminatione ad actum sit in eodemmet instanti possibilis. Primum Thomistæ fatemur, nimirum quòd retenta prædeterminatione proximè potens sit voluntas ad non agendum; sed secundum diffitemur, nimirum quòd retenta prædeterminatione sit pro tunc possibilis negatio actûs.

Declaremus hoc, quia fortè fecit doctissimos hallucinari. Dicunt Philosophici, partem substantialeni (verbi gratia) formam, etiam extra totum esse verè potentem ad componendum: sed in quo quæso sensu? An nè quia extra totum sit possibilis ipsa actualis compositio? Hoc sanè implicatorium est: cum actualis compositio non extra sed solum intra totum

possibilis sit. Solum ergo volunt, quòd pars extra totum sit verè potens ad componendum, in hoc sensu quòd habeat quidem potentiam ad componendum, etiam in statu quo est extra totum, licet actualis compositio in illo statu nunquam sit possibilis. Et si quæzatur, quomodo ista stare possint, nempe potentia pro hoc statu, & quòd extremum pro eodem statu possibile non sit; Respondeo rationem esse: nam ad hoc ut alicui insit pro aliquo statu seu duratione, vera potentia ad aliquid, non requiritur, quòd illud aliquid, etiam pro illo statu seu duratione sit possibile, sed sufficit quòd sit possibile absolute. Potentia namque non specificatur ab extremo possibili pro omni statu sed ab extremo possibili absolute. Ut patet manifestè in Deo: ipse namque, adhuc supposito decreto de non creando alio mundo, habet verè potentiam ad creandum alium mundum: quia alius mundus, licet supposito illo decreto possibilis non sit; est tamen possibilis absolute. Sic ergo pars, etiam in statu quo est extra totum, habet veram potentiam ad componendum, licet extra totum actualis compositio possibilis non sit, per hoc præcisè quòd sit possibilis absolute. Hoc nota bene & eodem prorsus modo quoad rem nostram Philosophare, si Thomistice loqui velis de sensu composito & diuiso in materia Physicæ prædeterminationis.

Voluntas quippe nostra, etiam in statu quo actu retinet prædeterminationem ad amorem, est verè proximèque potens ad non amandum. Sed in quo quæso sensu? An nè quia sub illo statu etiam sit possibilis actualis positio non amoris? Hoc sanè implicatorium est: cum in via Diui Thomæ prædeterminatio efficax infallibilem & insuperabilem connexionem

nem habeat cum positione amoris. Solum ergo volumus, quod voluntas nostra etiam in statu quo actu retinet prædeterminationem ad amorem, sit verè proximeque potens ad non amandum; in hoc sensu, quod habeat quidem proximam potetiam etiam pro illo statu retentæ prædeterminationis; licet actualis positio non amoris, nunquam sit retentæ prædeterminatione possibilis: nam ad hoc ut voluntas, etiam retentæ prædeterminatione sit proximè potens ad extremum oppositum, non requiritur quod illud extremum etiam retentæ prædeterminatione sit possibile, sed sufficit quod sit possibile absolute.

Alit modo, quod illa possibilitas extremi oppositi, absoluta, licet non pro statu retentæ prædeterminationis, sit quoque ad libertatem salvandam sufficiens, probari potest hac ratione ad hominem, eaque clarissima.

Supponendo prius cum Petauio & Ricardo, quod (verbi gratia) dum loquor, in ipso instanti quo loquor, liberè loquar. Quæ suppositio est communiter recepta & expressis terminis tradita ab Anselmo libro primo *cur Deus homo*, capite decimo octavo, dum dixit: *est necessitas sequens, quam res facit, ut dum loqueris, ex necessitate loqueris & tamen liberè*. Capiamus ergo illud instans liberæ nre locutionis;

ET SIC ARGVMENTOR.

In instanti quo loquor, ipsa locutione mea iam existente & reduplicata, impossibilis est pro tunc actualis negatio locutionis: quia alias duo contradictoria possent esse simul, nimirum locutio & non locutio. Tunc ultra; & tamen pro illo tunc, locutio mea est libera, cum liberè loquar, ut supponimus: ergo stat libertas locutionis pro aliquo nunc, pro quo ta-

men nunc, non sit possibile oppositum, nimirum negatio locutionis. Quæro ergo, per quid locutio illa pro illo tunc eualet libera? Non certè per hoc, quod pro eodem tunc sit etiam possibile non loqui, cum potius non loqui, sit tunc impossibile: ergo præcisè per hoc quod non loqui, sit possibile absolute. Cur ergo idem non poterimus nos dicere in casu Physicæ nostræ prædeterminationis? Nimirum quod amor cum illa & sub illa elicited, sit verè liber, licet cum illa & sub illa non sit possibilis pro tunc negatio amoris, dummodo sit possibilis absolute, sicut reuera possibilis est?

Explico hoc. Cum locutione & sub locutione actu exercita, adhuc liberè loquor: quia licet negatio locutionis sit pro illo tunc impossibilis, est tamen possibilis absolute: ex quo etiam fit, quod adhuc cum locutione & sub locutione sim proximè potens ad non loquendum, quia ad istam proximam potentiam pro illo tunc salvandam, non requiritur, quod non loqui sit possibile cum locutione, & sub locutione, sed sufficit quod sit possibile absolute: at totum hoc pari passu verificatur in casu Physicæ nostræ prædeterminationis: ergo adhuc cum illa & sub illa, liberè amo. Probo istam minorem: nam cum prædeterminatione & sub illa, ita amo, ut quamvis non amor cum illa sit impossibilis, sit tamen possibilis absolute: ergo ratione istius possibilitatis absolute, verificari debet, quod adhuc cum illa & sub illa, sim proximè potens ad non amandum. Patet consequentia, nam proxima potentia ad aliquod extremum, non petit possibilitatem illius extremi pro eodem tunc quo est potentia, sed tantum possibilitatem illius absolute.

RESPONDERVNT Petauius & Ri-

Ricardus, non esse simile in illo casu liberæ meæ locutionis & in casu Physicæ prædeterminationis. Quia hoc quod est (inquiunt) impossibile esse non loqui pro illo tunc, quo existit locutio, est solum impossibilitas ex suppositione: videlicet quod tunc loquar: quæ suppositio, cum egomet libera mea voluntate eandem posuerim in esse; si aliquam alterius extremi impossibilitatem adfert, sanè libertati obesse nequit, quia simpliciter originem ducit ex mea libera voluntate, quæ se ad alterum extremum liberè determinauit, & sic est mera impossibilitas seu necessitas ex libera quadam suppositione consequens, quæ nunquam libertati obesse potest. Est verò impossibile esse non amorem pro illo tunc quo existit Physica prædeterminatio; hæc (aiunt) impossibilitas est impossibilitas seu necessitas antecedens, cum ortum non ducat ex mea libera voluntate, seu ex aliqua suppositione, quam ego liberè posuerim; sed potius ex suppositione meam liberam voluntatem præueniente: nimirum ex qualitate quadam Physicæ prædeterminante: quæ proinde suppositio seu necessitas, si alterius extremi impossibilitatem infert, non potest non libertati obesse: utpote cum ea sit quasi ligamen seu vinculum indifferentiæ, non consequens ex mea voluntate, & ex consequenti omnino contra illam.

Sic prædicti Patres respondent. Et certè si quis nil aliud de prædeterminatione Physica cogitare velit, quàm id quod in ista responsione dicitur; erit utique responsio omnino conuincens. Semel namque posito quod ea sit natura prædeterminationis, ut secum adducat impossibilitatem alterius extremi, omnino contra meam voluntatem, sit euidentis eā esse ligamen seu vinculum inimicum

indifferentiæ & libertatis. At res non ita habet: & qui tali glossæ prædeterminationem Physicam inuoluit, potius peruersum ei sensum imponit, quàm verum & Thomisticum exponat. Est ergo longè quicquid de ea considerandum: videlicet prædeterminationem Physicam ad amorem, inducere quidem pro illo tunc impossibilitatem ad non amorem; sed neutiquam cōtra liberam meam voluntatem, ut responsio pro conperto videtur supponere. Licet namque prædeterminatio, utpote antecedens & præueniens libertatem, non ducat ex eadem libertate originem, sicut ducit libera mea locutio, quæ libertatem consequitur, ac proinde quantum ad hoc sit euidentis disparitas inter vtrumque, nimirum inter prædeterminationem & ipsam liberam locutionem; quod videlicet prædeterminationis suppositio sit antecedens, locutionis verò consequens; tamen quantum ad illud aliud, quod est libertati non contrariari; sed potius eam edificare, omnino conueniunt, tam prædeterminatio quàm ipsa libera locutio.

Ostendo hoc assumptum, in ipsa paritate persistendo quidem, sed vltèrius interrogando: cur nempe impossibilitas alterius extremi pro aliquo tunc, orta ex suppositione consequente libertatem, qualis est suppositio actus liberi, seu liberæ locutionis, libertatem non lædat? Vos omnes, ô Osiores Physicæ prædeterminationis hac interrogatione compello. Dicite quæso, cur libertatem non lædet, impossibilitas alterius extremi orta ex suppositione consequente libertatem? Vel alijs terminis; cur id quod libertatem consequitur, & consequendo facit alterum extremorum pro tunc impossibile; cur (inquam) id libertatem non lædet? Nunquid omnino vno ore dice-

dicetis, ideo id minimè lædere, quia eo ipso quòd libertatem consequitur, est vtique ipsius libertatis effectus, ac proinde potius signum libertatem ostendens, quàm eam destruens? Profecto hæc sicut omnium concors, ita & verissima est responsio: ex qua apertissimè conuincitur; me adhuc dum loquor, liberè loqui, quia licet dum loquor, impossibile sit non loqui, illa tamen impossibilitas ex ipsa libertate per modum effectus consequitur, & sic eandem non destruit, sed ostendit.

AST NVNC AD REM NOTSTRAM. Si secundum vos, & secundum rei veritatem suppositio consequens non lædit libertatem, ea ratio quia est libertatis effectus: quid putatis fore dicendum; si daretur altera quædam suppositio, antecedens quidem & non consequens; sed quæ antecessione sua, ipsius libertatis esset causa? Dicite iterum; hæne libertatem læderet, destrueret, aut corrumpere; sicut vos de Physica prædeterminatione omnes clamat? Libet repetere, inculcare libertati daretur suppositio antecedens, quæ esset causa libertatis; sicut datur illa altera consequens, quæ est effectus libertatis; illane libertatem perderet aut destrueret? Sanè qui hoc contenderet, vel ex ipsa posset terminorum euidencia conuinci: implicat namque quòd aliquid, libertatem antecedit vt causa libertatis, & quod libertatem destruat: sicut pari lege implicat, quòd propria causa destruat proprium effectum: causa effectum suum ædificat, non destruit. Causa ergo libertatis, libertatem ædificaret, non destrueret. Si igitur aliqua suppositio poneretur libertatem antecedere per modum causæ illius; nullus integræ mentis posset contra huiusmodi suppositionem, calumniam vllam prætexere. Ea li-

bertatem quidem antecederet, & sic ex libertate originem non duceret; sed quia ex altera parte antecederet vt libertatis causa, ex ea profecto nõ periret, sed potius originem duceret libertas. Ex quo vterius fieret (& hoc sedulò meditare) quòd omnis impossibilitas, omnis necessitas, quæ ex tali suppositione respectu alterius extremi induceretur, perinde esset, ac si ex ipsa mea libertate esset consequens. Patet hoc, quia esset consequens ex aliquo, quod esset ipsissima causa meæ libertatis; ergo perinde esset, ac si ex ipsa consequeretur libertate: quòd namque ex ipsa libertatis causa, vt actu eam causante descendit, quomodo potest ex ipsa quæque libertate non descendere? Habeamus ergo pro re patentissima, etiam apud quemcumque aduersarium, veritatem huius conditionalis; nimirum si daretur aliqua suppositio libertatem antecedens vt causa eiusdem, quòd ea libertatem non læderet: sed potius illius esset origo: ac proinde omnis impossibilitas ab ea inducta, perinde esset, ac si ipsammet libertatem consequeretur, non minus quàm illa altera, quæ ad suppositionem ipsius actus liberi, seu libertæ locutionis ponitur consequens.

QVORSVM VERO OMNIA ISTA? Certè vt exinde in particulari ad Physicam nostram prædeterminationem descendam, simulque fiat manifestum, qualiter impossibilitas non amoris, ex eadem pro eodem tunc proueniens, non sit nisi merè impossibilitas ex libertate consequens, ac proinde libertatem non lædens: sicut ea de causa libertatem non lædit impossibilitas orta ex suppositione ipsius actus liberi, de quo paritatem institueram. Putantque prædeterminationis Physicæ inimici, quòd ipsa libertatem nostram

ante;

antecedat aliter, quàm id quod est ipsissima libertatis causa? Putantne aliter antecedere, quàm id quod libertatem nostram originat, quàm id quod libertatem nostram facit, efficit, operatur? Certè si hoc putant, se ipsos corrigant, & correcti capere poterunt, qualiter non magis lædat libertatem suppositio prædeterminationis, quàm suppositio ipsius actus liberi, seu liberæ locutionis.

PRÆDETERMINATIO (Patres mei) antecedit, **VT CAUSA LIBERTATIS**: antecedit, **VT ORIGINANS LIBERTATEM**: antecedit, **VT FACTRIX**, **VT EFFECTRIX**, **VT OPERATRIX LIBERTATIS**: sicut à sensu contrario, ipse liber actus libertatem subsequitur vt effectus illius, subsequitur vt factus ab illa, subsequitur denique vt originatus ab illa. Hoc Thomistæ fatemur, hoc constantissimè dicimus, hoc verbo & scripto prædicamus. Vnde sicut iuxta contrarios, impossibilitas consecuta ad suppositionem actus liberi, libertatem non lædit, sed ostendit, quia est originata & facta ab ipsa libertate; ita pariter nos dicimus quod impossibilitas consecuta ad suppositionem prædeterminationis, libertatem minimè lædat; sed potius ædificet: quia cum prædeterminatio libertatem ponatur causare & originare, perinde est huiusmodi impossibilitas, ac si esset ex ipsa libertate facta seu originata: sicque non minus consequens esse conuincitur, quàm ea impossibilitas, quæ ad suppositionem actus liberi consequitur.

Sed quia discursus iste perspicue satis intentum ostendit, indubiè contrarij negabunt principium, quod hic supponimus, nimirum eam posse esse prædeterminationis Physicæ naturam, vt libertatem antecedat, & eam nihilominus antecedendo cau-

set. Hoc ergo vnicum si posse fieri, ostendero; profecto prædeterminatio liberabitur à seruitute corruptionis, qua contrarij eam sedare conantur, in libertatem gloriæ, qua eandem Thomistæ extollunt, laudant ac prædicant.

Ostendamus igitur, & considerantes primò, quid præcipuè in prædeterminatione Physica sit petra scandali & lapis offensionis imperfectis. Vt ex eorum libris, scriptis & disputationibus quotidie accipimus, ante omnia grauissimè causantur uomen ipsum, quo dicitur & insignitur, nimirum **PHYSICA PRÆDETERMINATIO**: quasi statim sibi persuadentes, quòd Physicam, seu naturalem determinationem ad vnum habeat, sicut qualibet forma agentis naturalis, quæ per modum naturæ ad vnum quid est determinata: & certè si ita esset; minimè accommodata esset modo agendi libero: cum agere liberè, & agere cum determinatione ad vnum per modum naturæ, sint modi essentialissimè repugnantes.

DICO ERGO ad hoc breuiter quòd **PHYSICA** dicitur, non quasi forma naturalis sit, seu per modum naturæ ad vnum determinata; sed quia ex propria essentia, & ab intrinseco est efficax, independenter à quocumque creato consensu. Hoc est, esse Physicam, non Philosophicè, sed Physicam Theologicè: exemplum tibi dat Thomista, dum docet gratiam Physicè expellere peccatum. An nè quasi gratia exerceat oppositionem formæ naturalis seu Physicæ? Delirare est hoc; sed quia oppositionem habet ex sua propria essentia, & ab intrinseco independenter à quacumque lege extrinseca. Tali ergo ratione prædeterminatio gratiæ Physica dicitur. Efficacia inest ei ex proprijs, ab intrinseco, & independent-

ter à quocumque extrinseco consensu nostro.

Deinde nihil minus capiunt, quā ista duo, quæ spectant ad rem ipsam, nimirum & quod sit motio, quæ Deus voluntatem nostram præuenit, & rursus quod ab intrinseco tam efficax sit, vt infallibiliter omnino, actum inferat, tanta etiam infallibilitate, vt stante motione prorsus sit impossibile, actum non sequi. Hæc duo (inquiunt) nimirum motio præueniens, & tanta efficacia seu infallibilitas, si veraciter de prædeterminatione dicuntur, manifestè ostendunt, illam non esse LIBERTATIS CAUSAM; sed perditionem, potius & ruinam. Et quare hoc? Nam si meam voluntatem simpliciter præuenit, & præueniendo ex propria vi infallibilissimè connectit cum vno extremo tantum, videlicet cum actu: qua via (clamant) excusabitur à necessitate antecedente? Nonne tanta infallibilitas, ipsissima est necessitas: & rursus si præuenit, si præintelligitur ante actum, nonne quoque necessitas antecedens? Quod si necessitas antecedens; hæc professio (teste Anselmo) libertatem non causat; sed tollit, strangulat, & corrumpit.

DICO ITERVM, non omnem motionem præuenientem, etiam intrinseca infallibilitate actum interentem, esse necessitatem antecedentem, sed solum illam, quæ sic præuenit & infallibiliter infert, vt connaturali modo agendi voluntatis liberæ, vel non conformetur, vel illum impediatur. Exemplum primi iuxta Scholam Thomisticam est in motionem quam Deus præbet voluntati Beati ad amorem beatificum: illa est necessitas antecedens vel saltem cum ea connectitur aut eam supponit, quia non est conformis modo agendi voluntatis liberæ, sed potius modo agē-

di voluntatis determinatæ ad vnum ex vi iudicij. Exemplum secundi esset in casu illo, quem supra retulimus ex Patre Suarez, de motione illa præternaturali. Hæc pariter esset necessitas antecedens; quia modo agendi voluntatis liberæ, non solum non conformaretur, sed & illum positivè impediret, vt Suarez supponit. Neutrum autem horum habet Physica, nostra prædeterminatio. Nam licet sit motio præueniens & infallibilissima, à modo tamen agendi libero nec discrepat, nec illum impedit. Non discrepat, quia indifferentiam iudicij & naturalem facultatem voluntatis intactā relinquit: non etiam impedit; quia fortissimè & suauissimè voluntatem ducit ad actum agendum, non minùs liberè, imò longè liberius quàm si sola voluntas seipsam ad actum duceret.

Et quia radix horum omnium ex eo pendet, quod prædeterminatio antecedit, VT CAUSANS LIBERTATEM; hoc operosius iam probandum est.

IN PRIMIS Itaque, nonne omnes Sancti unanimi voce clamant, quod efficacia diuinæ virtutis liberum non lædit arbitrium, quandoquidem non nisi libertatem in libero operetur arbitrio?

QVID ALIVD sibi vult illud Augustini de gratia Christi contra Cælestium & Pelagium capite decimo quarto, *gratia est effectrix bonæ voluntatis*? Et illud de gratia & libero arbitrio capite decimo sexto, *certum est nos facere cum facimus, sed ille facit, vt faciamus, præbendo vires efficacissimas voluntati*? Et illud libro primo contra duas epistolas Pelagianorum capite secundo, *Deus cor regis occultissima & efficacissima potestate convertit*? Et illud de correptione & gratia capite decimo quarto, *Deus intus agit, corda tenet, corda mo-*

Supra
l. l. c. 8.
per
volumen.

ut, eosque voluntatibus eorum, quas ipse in illis operatus est, trahit? Et illud ibidem capite duodecimo, humana voluntas diuina gratia indeclinabiliter & insuperabiliter agitur? Et illud libro tertio hypognost. præcedit misericordissima gratia sua Deus, hominis voluntatem ut eum se quære faciat? Et illud libro primo retractationum capite nono, gratia Dei nisi voluntatem hominis præueniret? Et illud epistola centesima septima, ad Vitalem parum a principio, gratia præuenit hominis voluntatem bonam, nec eam cuiusquam inuenit in corde, sed facit? Et illud de correptione & gratia capite octauo, voluntas humana non libertate consequitur gratiam, sed gratia potius libertatem & in superabilem fortitudinem?

ET ILLVD PROSPERI epistola de libero arbitrio ad Rufinum; in libero arbitrio gratia Dei affectum credendi generat?

ET ILLVD CÆLESTINI primi in epistola ad Episcopos Galliarum capite primo, Deus operatur in ipsum liberum arbitrium, ut omnis bonus motus voluntatis ex Deo sit?

ET ILLVD BERNARDI de libero arbitrio capite duodecimo, Deus & voluntatem applicat operi & opus explicat voluntati?

ET ILLVD FVLGENTII de veritate prædestinationis capite decimo octauo, in nobis gratia Dei bona efficii voluntatem?

ET ILLVD DIUI DIONYSII capite quinto de Diuinis nominibus lectione tertia apud Sanctum Thomam; Exemplaria esse in Deo dicimus diuinas & bonas voluntates existentium prædeterminatas & effectiuas?

ET ILLVD DIUI THOMÆ in Secundo, Distinctione vigesima quinta, quæstione prima, articulo secundo, ad Primum, Deus operatur in voluntate, & in libero arbitrio se-

cundum eius exigentiam: unde etiam si voluntatem hominis in aliud mutet, nihilominus tamen hoc sua Omnipotentia facit, ut illud in quod mutatur, voluntariè velit?

ET ILLVD TANDEM Prima parte, quæstione octuagesima tertia, articulo primo ad Tertium, Deus mouendo causas voluntarias, non auferit quin actiones earum sint voluntariæ; sed potius hoc in eis facit?

Nonne omnia ista apertissimè clamant, Deum operari in nostro libero arbitrio, aliquid reale intrinsecū, quod habeat ex sibi proprijs, vim præueniendi, præcedendi, prædeterminandi, efficiendi, faciendi, generandi, actus ipsos liberos? Et tanta quidem infallibilitate ut efficacissima sit, ut indeclinabilis sit, & denique insuperabilis fortitudinis? Quid ergo? Per motionem ita præcedentem, prædeterminantem, & infallibilem, nos Thomistæ liberum arbitriū euacuamus? Absit; sed magis liberum arbitrium statuimus. Si namque præcedit, prædeterminat & infallibiliter applicat operi; hoc sanè non aliter facit, quàm faciendo, efficiendo, & generando ipsam libertatem, ut Sanctissimi Præceptores vno ore fatentur.

ET CERTE STVPORE me afficit, Petaui & Ricarde, voluntatem ex seipsa, seipsam liberè posse ducere ad consensum (sicut vos in re docere comprobamini) & quòd hoc idem non possit in voluntate operari, qui illam condidit & creauit. Nonne iterum verissimum est illud Augustini de Correptione & Gratia, capite decimo quarto; Magis habet (Deus) in potestate voluntates hominum, quàm ipsi suas? Et illud Sancti Thomæ, quæstione vigesima secunda de Veritate, articulo octauo, sicut voluntas potest immutare actum suum, ita & multò amplius Deus? Si ergo creata voluntas seipsam quasi sualiber-

bertate præueniens, potest se in consensum liberum determinare; cur Omnipotens eandem sua efficacia præueniens, idem facere non poterit? Quæso vos, sine penitentia arripite Catholicum illud & nobile principium Scholæ Thomisticae, quod Creator voluntatis est primum liberum, ac proinde potens suæ antecessione causalitatis, in secundo libero causare, & substantiam actûs & modum eius qui est libertas. Voluntas hoc potest illâ libertate per vos; cur illâ eadem, non poterit hoc voluntatis Creator infinitè potentior?

Non cogitatis alterius esse virtutis, altioris esse efficacæ, intimioris esse penetrationis, Diuini potentiam brachij, quàm cuiuslibet causæ inferioris, etiam Angelicæ potestatem? De hac sane & similibus, vobis damus, quod voluntatem nostram prædeterminare efficaciter nequeant sine præiudicio libertatis: vt enim rectissimè quodam in loco Doctor subtilis; *Contra naturam voluntatis est, determinari à causa inferiori, quia hoc ipso non esset superior: sed cur huiusmodi vim luprenæ & omnipotentissimæ denegabimus Causæ? Nonne ea talis est, vt ipsi volenti saluum facere, nullum hominis resistat arbitrium? Nonne ea talis est, vt velle & nolle, in volentis quidem aut nolentis sit potestate; sic tamen vt Diuinam voluntatem non impediatur, nec superet potestatem? Nonne ea talis est, vt de his qui faciunt, quæ ipsa non vult, faciat ipsa quæ vult? Nonne ea talis est, vt miris & occultissimis modis intus operando, ex nolentibus faciat volentes? Nonne denique talis est, vt intimior sit voluntati nostræ, quàm ipsa sibi? Si ergo talis, si vsque adeo sortis & efficacæ, vsque adeo penetrans & intima, si super velle & nolle nostrum,*

amplissimè & suauissimè dominatur, cur timebimus per diuinas eius voluntates prædeterminatiuas & effectiuas (vt diuinè loquitur Dionysius) liberum arbitrium euacuari?

Audite iterum Scotum, non est contra naturam voluntatis determinari à causa superiori. Sed audite & Thomam; ex parte voluntatis mutare actû voluntatis non potest, nisi quod operatur intra voluntatem, & hoc est ipsa voluntas, & id quod est causa esse voluntatis, quod secundum fidem solus Deus est: vnde solus Deus potest inclinationem voluntatis quam ei dedit, transferre de vno in aliud, secundum quod vult. Deus ergo gloriosus & solus habet inclinandorum cordium, quocumque voluerit, omnipotentissimam potestatem. Et dum illam habet, sicut verissimè habet, quis nisi iniuste & insipienter causabitur, se ab illa potestate præueniri, prædeterminari? Esse non potes, O homo! nisi dependenter ab omnipotenti esse, & vis liber esse independenter ab illo esse? Si omnipotens illud esse fateris; cur ei potentiam super tuum velle negas? Si primum in genere liberi, illud esse prædicas; cur inferiorem tuam libertatem, ab illa prima libertate eximere contendis? Qui creauit totum te ex nihilo, non poterit partem tui, nempe libertatem causare ex aliquo? Patres mei hoc nisi credamus, periclitatur ipsum nostræ fidei confessionis initium, qua nos in Deum Patrem Omnipotentem credere confitemur. Neque enim veraciter ob aliud vocatur omnipotens, quàm quia in omnem rationem entis potens est. Inter rationes autem entis, non solum est substantia actûs, sed & modus eius qui est libertas. Vnde vel vtrumque ab eo causari, necesse est, vel omnipotens censendus non est.

Quod & eruditissimè & profundissimè

Scotus
vbi su-
pra.
S. Tho-
mas q.
21 de
verita-
te art. 9

Scotus in
4. Dist.
49. q.
6 & D. 23
ergo.

Ansel.
lib. de
concor
dia pæ
sciētiz
& præ
dest. c.
1.

diffimè docuit Anselmus, dum alibi dixit; quòd Deus vult, non potest non esse: cum vult hominis voluntatem, nulla cogi vel prohiberi necessitate ad volendum vel non volendum, & vult effectum sequi voluntatem, tunc necesse est voluntatem esse liberam, & esse quod vult. En voluntatem nostram, ita infallibiliter præventam à Divina, vt ipsa velit effectum sequi ad nostram, & tamen ex altera parte, seu potius eo ipso, libertatem eius non destruat sed causatā. Illa nēpe est secreta & altissima vis diuinæ efficaciz, qua absolutè prius ipsa vult, quòd velim & quòd liberè velim, in vno causans substantiam, & in altero modum non prætermittens.

IMO ET ALIAM RATIONEM non minus efficacem suppeditat nobis sententia vestri Suarez, dum in opusculis suis, libro primo de auxilijs, capite secundo, numero duodecimo, & alibi (vt supra vidimus) docet, Deum stante indifferentia iudicij, posse voluntatem nostram necessitare, auferendo libertatem, & determinando taliter ad volendum, vt non possit non velle. Quem casum esse possibilem, ipse sic probat. Quia cum in voluntate libera duplex sit potestas, ad volendum scilicet & non volendum, neutra earum est infinitæ virtutis & efficaciz, ergo in vtraque potest superari à Deo superiori agente, qui est infinitæ virtutis & efficaciz: ergo stante & perseverante adhuc indifferentia iudicij, potest ita à Deo moveri & agi voluntas nostra, quatenus habet potestatem volendi, vt sit prorsus impotens ad resistendum, nec possit villo modo vti altera potestate quàm habet ad volendum. Ergo tunc in tali actu non erit usus libertatis, etiam si facultas in se sit libera, & obiectum ita sit propositum, vt necessitatem non inferat. Hæc (inquam) sententia vel potius eius ratio suppeditat nobis aliud argu-

mentum, quo multo melius probemus esse possibilem casum nostræ Physicæ prædeterminationis: videlicet quòd Deus valeat, stante libertate, prædeterminare ad infallibiliter operandum, ita vt antecedens illa infallibilitas, nil prorsus libertati noccat.

Sic ostendo hoc assumptum. Secundum vestrum Suarez, stante iudicio indifferenti, Deus potest à voluntate auferre libertatem, determinando ad vnum tantum: quia facultas eius ad vtrumlibet est finita, ac proinde à superiori agente Deo superabilis. At similiter facultas voluntatis operandi fallibiliter, est finita: ergo adhuc stante libertate, illa fallibilitatem sua infinita efficaciz, superare potest Deus: & sic determinabitur quidem voluntas ad operandum infallibiliter, liberè tamen seu libertate illæsa manente.

SI PRO VESTRO SVAREZ respondeatis; quòd licet facultas voluntatis ad fallibiliter operandum, sit finita; est tamen modus ille fallibiliter operandi, essentialiter connexus cum libertate: ac proinde libertate manente, fallibilitatem auferre non potest, faciendo infallibilitatem, quia essentiam rei destrueret.

Si (inquam) sic respondeatis, idem nos dicemus: quòd licet libera facultas voluntatis ad agendum & non agendum sit finita; est tamen essentialiter connexa illa facultas cum indifferentia ipsa iudicij: siquidem facultas libera voluntatis ad agendum & non agendum, nil aliud est, quàm ipsissima potentia voluntatis, vt connotans obiectum indifferenter propositum: vnde modum illum facultatis indifferentis ad agendum & non agendum, auferre non potest aut impedire, stante voluntate sub iudicij, indifferentia, quia essentiam

Suprà
l. a. c. 8.
in prin.
cip.

rei destrueret. Ergo vel dicendum est, quod casum suum contra Thomistas, vellet Suarez non probet, vel si probat, quod efficacius ex eodem principio contra vos probemus casum nostræ Physicæ prædeterminationis.

Et certè non est de essentia libertatis, fallibiliter operari; sed indifferenter operari. Quod utique stat cum infallibilitate: ut patet in Deo, qui ad extra operatur indifferenter, id est cum potestate operandi & non operandi, & tamen operatur omnino infallibiliter. Stabit ergo pariter id ipsum in voluntate nostrâ ex participatione diuinæ libertatis, quæ nobis per prædeterminationem communicatur: scilicet & quod ex vna parte operemur indifferenter, id est, cum potestate operandi & non operandi; & ex alia infallibiliter: siue infallibilitas sit consequens, ut aliquibus ex postis placuit, siue sit antecedens, ut in communiori modo dicendi Thomistarum verè antecedens est quantum ad infallibilitatis formam, licet sit consequens quantum ad rationem necessitatis, ut iam ante ostendi.

DICTA IGITUR recapitulantes, relinquitur ad liberam eliciendam actus, verbi gratia pro instanti quo reduplicatur prædeterminatio, non requiri, quod pro eodem tunc sit possibile oppositum: sed sufficere, quod sit possibile absolute. Licet semper requiratur, quod pro eodem tunc voluntas sit verè, proximè & expeditè potens ad oppositum. Illa enim duo distingui omnino debent, voluntas pro hoc nunc est proximè potens non agere; & ipsa non actio pro hoc nunc est possibilis. Primum, ad libertatem requiritur, secundum minimè. Primum verum est, etiam retenta prædeterminatione; nam aliàs illa retenta, non liberè ageret. Se-

cundum, falsum: nam retenta prædeterminatione, non actio pro illo tunc est impossibilis. Et hoc est, quod Thomistæ communiter dicimus, non requiri ad libertatem, potentiam ad oppositum in sensu composito, quoniam sit possibile poni tam non actum, quam actum cum omni prærequisito; sed sufficere potentiam in sensu diuiso, diuidere quidem ad prædeterminationem prærequisita negationem actus, tamquam cum ipsa incompossibile; non tamen (ut perperam etiam contendit Vincentius) diuidere ad prædeterminationem potentiam proximam & expeditam ad negationem actus absolute.

EX HIS SEQUITUR id quod in titulo præsentis sectionis promissimus; nimirum in materia libertatis, nec Thomisticè loqui Petauium aut Ricardum, nec etiam Vincentium. Peccant duo primi, quia ad liberè operandum sub tractu gratiæ, volunt pro eodem tunc, possibile esse utrumque extremum, tam actum quam negationem actus, quantum est ex vi illorum, quæ gratia intrinsecè & ex natura sua claudit: quod tamen Thomistæ negant, & bene etiam negat Vincentius: siquidem nobiscum fateatur, saltem in natura lapsa, gratiam ita ab intrinseco efficacem, & ita infallibiliter connexam cum actu, ut negatio actus pro illo tunc sit impossibilis. Peccat tamen non minus etiam ipse in quodam alio; quia videlicet nec vult fateri, voluntatem pro eodem tunc debere esse proximè potentem ad negationem actus; ut namque eius vocè utar; voluntas non se potest proximè in oppositum flectere, nisi *extulsa præsentis prædeterminatione, non ea retenta*. Quod etià aperte contra Scholam Thomisticam pugnat. Vtpote quæ constantissimè fateatur, voluntatem adhuc prædeterminatione gratiæ retenta, esse proxime

mè potentem ad non agendum, ita verè & expedite quantum ad rationem potentiz, sicut erat ante prædeterminationem: licet ipsa retenta, non agere, sit pro tunc impossibile. Et rationem huius iam antè assignauimus; quia nimirum, cum potentia non specificetur nisi ab extremo possibili absolute, non autem ab extremo possibili pro omni nunc; bene potest voluntas esse proximè potens ad aliquod extremum, retenta prædeterminatione, quod tamen extremum illa retenta possibile non sit, per hoc præcisè, quòd sit possibile absolute.

ET N E QVISPIAM obijciat, omnia ista à me dici quidem; sed non Thomisticè; lubet rem vno vel altero testimonio comprobare. ipsiusmet, qui huius Scholæ est Author & Dux & Patronus.

PRIMUM SIT, ex questione vigesima tertia de Veritate, articulo quinto ad Tertium. Ibidem namque sicut dogma iugular Petauij & Ricardi, ita, & non minus ipsius Vincentij. *Quamuis* (inquit) *non esse effectus Diuinae voluntatis, non possit simul stare cum Diuina voluntate; tamen potentia deficiendi effectum, stat cum Diuina voluntate.* En prioribus verbis iugulatos duos primos: nam asserit, nò posse simul stare cum Diuina voluntate seu cum Diuina motione, quòd effectus eius non sequatur; quòd tamen vterque ille negat; nam motionem taliter efficacem & infallibilem, neuter agnoscit. Sed vide & iugulatum Vincentiū verbis posterioribus. Nam simul cum illa infallibilitate, *potentia* (inquit) *deficiendi effectum, stat cum Diuina voluntate: cum Deo scilicet adhuc volente, seu motione eius stante, quandoquidem de Deo adu efficaciter volente seu mouente loquitur. Sentit ergo cum & sub motione, voluntatem nostram adhuc*

verè remanere potentem ad non ponendum effectum motionis, licet negatio seu non positio illius pro tunc impossibilis sit.

SECUNDVM SIT, ex eodem loco, quem Vincentius sectione præcedenti pro sua opinione allegauit. *Ad Tertium* (inquit ibi) *dicendum quòd si Deus mouet voluntatem ad aliquid, impossibile est poni, quòd voluntas ad illud non moueatur: non tamen est impossibile simpliciter.* En idem quod prius. Contra vos Petauij, Ricarde: nam contenditis, non sic posse Deum voluntatem nostram mouere, quin cum quacumque motione, quantum est ex intrinsecis illius, possibile sit poni oppositum. Sed & contra te, Vincentis; nam dum simul asserit; *oppositum non esse impossibile simpliciter; licet impossibile pro illo tunc; manifestissimè supponit, in voluntato adhuc manere, veram, proximam, expeditamque potentiam respectu illius: nam ad illam (vt in principio annotauimus) sufficit possibilis extremi absolute seu simpliciter.*

TERTIVM SIT, ex questione sexta de Malo, articulo unico, ad decimum nonum. *Simul inest* (inquit) *homini potentia voluntatis ad opposita se habens.* En contra te, Vincenti. Veram ac proinde proximam potentiam ad agendum & non agendum apertissimè fatetur inesse voluntati simul, seu pro eodem nunc.

Et clarius adhuc loquens in casu nostro diuinæ motionis, quodlibeto septimo, articulo secundo, *Deus* (inquit) *mouet omnia secundum modum eorum: & ideo Diuina morio à quibusdam participatur cum necessitate, à natura autem rationali cum libertate, propter hoc quòd virtus rationalis se habet ad opposita.* Et ideo sic Deus mouet mentem humanam ad bonum, quòd tamen potest huic motioni resistere. Quid expressius? dicit quòd Deus mouet,

& quòd homo potest resistere. Ergo Deo mouente adhuc posse remanet respectu oppositi: posse inquam; sed iterum libet inculcare, quòd intelligat de posse proximo, ita vt nihil ex parte actus priui amplius desideretur. Secundum quòd questione vigesima quarta de veritate, articulo secundo ad septimum dixerat: *quòd in potestate hominum est, vt eisdem rebus similiter representatis..... eligant vel fugiant iudicio rationis.* En proprium modum libertatis, quòd scilicet eodem actu primo inuariato manente, tam ex parte representationis seu iudicii intellectus, quam dispositionis voluntatis, possint idem eligere & fugere. Vnde & prima parte, questione octuagesima tertia, articulo secundo ad secundum, explicans qualiter liberum arbitrium sit potentia ad oppositos actus se habens, dixit, *quòd facultas nominat quandoque potentiam expeditam ad operandum, & sic facultas ponitur in definitione liberi arbitrii.* Quid iterum expressius? Si liberum arbitrium nominat facultatem expeditam ad opposita: ergo eademmet sine sui variatione, qua via potest expeditè seu proximè velle, eadem potest expeditè seu proximè non velle. Et ex consequenti sentit, quòd Deo mouente, adhuc potest homo potentia expedita, motioni resistere. Sed ne hoc intelligas de resistentia formali: nam formaliter resistere motioni Diuinæ efficaci, cum sit simpliciter impossibile; humana voluntas nequit habere aliquod verum posse respectu illius. Intellige ergo de resistentia materiali, id est ex parte rei, ad quam Deus mouet, ita vt sensus sit, *homo potest motioni resistere* (id est) potest rem illam ad quam Deus mouet, non ponere. Et hoc verum est vsque adeo, vt si posset illud non haberet respectu oppo-

siti ad quòd Deus mouet, reuera homo sub illa motione non moueretur liberè, sed de necessitate, sicut mouetur ad amorem Dei secundum se, in patria.

Rem ergo concludamus, nam manifestè satis comprobata iudico. Ad testimonia quartæ Classis (si quæ sunt alia, præter id quod sectione præcedenti in principio adduximus) vnico verbo respondeo: videlicet Diuum Thomam nusquam denegare voluntati nostræ sub instanti prædeterminationis veram & proximam potentiam ad omissionem actus: licet namque neget pro illo tunc, possibilitatem ipsius actualis omissionis, non tamen negat, (vt vidimus) pro eodem instanti, ipsi voluntati suam potentiam veram & proximam quam habebat ante. Vt enim illam sub eodem instanti verè & proximè possideat, non requiritur possibilitas omissionis pro eodem instanti, sed sufficit possibilitas omissionis absolute: cum potentia non debeat specificari ab extremo possibili pro omni instanti sui duratione, sed solum ab extremo possibili absolute: omisio autem actus, ad quem Deus mouet, est possibilis absolute: nam (vt in eodem loco Sanctus Doctor habet) *non tamen est impossibile simpliciter.* Exemplum tibi, Vincenti, dat id, quòd tota hac sectione contra Petauium & Ricardum vrsi, de locutione libera. Sicut enim, dum loquor; liberè loquor; taliter vt proximè possim non loqui, licet dum loquor, impossibile sit non loqui, per hoc præcise quòd non loqui sit possibile absolute; ita pariter, dum sum prædeterminatus ad amorem, liberè amo, taliter vt proximè possim non amare, licet dum sum prædeterminatus, impossibile sit pro tunc non amare, quia reuera est possibile absolute. Itaque iuxta mentem Diui Thomæ non magis tollit

tollit proximam facultatem potentiz ad negationem actus Physica. Dei motio, quam tollat liberum exercitium locutionis proximam facultatem ad non loquendum. Vnde sicut illud exercitium hanc non tollit (nisi fortè velis, & quam Barbare! ex coniunctione cum proprio actu potentiam non perfici sed destrui) ita pariter illa prædeterminationio facultatem proximam eiusdem potentiz non tollit, quia non minus connaturaliter & liberè illam perficit, quam ipsum exercitium actus liberi seu liberæ locutionis.

In vanum ergo (vt eò se recipiat nostra disputatio, quò fuerat egressa) laborasti & fortè adhuc laboras, Vincenti, quando ex mente nostri Angelici Præceptoris conaris deducere, veram aliquam libertatem in actibus nostris posse subsistere, absque vera & proxima potestate ad oppositum ex parte voluntatis.

SECTIO VI.

Explicatur locus quidam Sancti Thomæ, cuius specialiter meminit Iansenius; nec non alius, qui in fauorem Vincentij adduci potest.

SEd adhuc scrupulum mihi facit locus quidam, quem omnibus prædictis superaddit Cornelius Iansenius ex Secundo, Distinctione vigesima quinta, quæstione vnica articulo primo ad quartum, vbi Sanctus Thomas sic satur. *Ad quartum dicendum, quòd illud quod est ad finem, est duplex: quoddam enim est distans à fine, & quoddam est coniunctum fini: vt patet in generatione naturali. Imperfectus enim calor, qui est dispositio ad formam ignis, dum est in alteratione præcedente, non coniungitur ipsi fini:*

sed caliditas vltima, qua est in terminis alterationis, coniungitur formæ substantiali, nec excluditur per eam. Ita dico, quòd quedam ordinata sunt ad suum vltimum Beatitudinis quæ ipsi fini coniungunt, vt videre, amare & huiusmodi. Et respectu horum erit sempiterna & libera electio, non autem imperfectorum quæ à fine distant, vt fides, spes & huiusmodi. Hic (inquit Iansenius) expressè docet Sanctus Thomas, electionem Beatorum, qua volunt amare Deum, esse liberam: cum tamen (vt nos fatemur) respectu istius voluntatis, nulla sit indifferentia, seu potestas ad oppositum.

HVIC LOCO pro coronide totius dubitationis satisfaciendum est, vt omnibus numeris maneat mens Sancti Thomæ declarata & absoluta.

DICO IGITUR, quod actus, quo Beati volunt amare Deum, est ipse amor Beatificus: eodem enim amore, quo ipsum amant, volunt quoquecum amare. Sed hunc actum, prout ad Deum secundum se terminatur, non esse liberam electionem, nec sub electione posse cadere, satis superque demonstratum est toto illo libro primo & secundo. Vnde quando hic dicit, respectu horum, nempe videre & amare, esse in Beatis liberam electionem; loquitur de huiusmodi actibus, non prout terminantur ad Deum secundum se; sed prout est ratio videndi vel amandi has vel illas creaturas, quæ cum Deo non habent necessariam habitudinem. Et sub hac formalitate nos quoque fatemur huiusmodi actus esse liberos, & cadere sub electione; sed certè non sine indifferentia, aut potestate ad oppositum. Licet namque Beatus non possit velle cessare à visione aut amore Dei, prout est bonum infinitum in se; potest tamen velle cessare à visione & amore Dei

Iansen.
tom. 3.
l. 6. cap.
24. in
fine. Et
cap. 34.
etiam
in fine
& cap.
35. an.
te § Sed
hec est.

secundum terminationem ad has vel illas creaturas : cum nec visio nec amor, prout sic formaliter, adferant benitatem, quæ necessariò rapiat voluntatem . Sed de hoc latius libro quarto, capite decimo quarto. Quod autem Sanctus Thomas de huiusmodi actibus in sensu à nobis explicato loquatur ; potest deduci ex ipso textu. Non enim dixit, quòd *respectu videre & amare Deum, sit sempiterna & libera electio* ; sed quòd *respectu videre & amare sit libera electio* : sumens videre & amare sine determinatione ad Deum, ac proinde quasi vt connotant aliud obiectum præter Deum, quod est visibile, & amabile aliquod creatum.

Quæ etiam explicatio manifestè colligitur ex ipso intento argumenti. Hoc enim erat huiusmodi : *electio est eorum quæ sunt ad finem, cum ergo Beati fini ultimo coniuncti sint, videtur quòd ad eos non pertinet electio, & per consequens nec liberum arbitrium*. Ad quod respondet, aliqua media esse, quæ ratione suæ imperfectionis, quæ essentialiter annexam habent, repugnant ipsi fini iam habito : sicut est quodlibet credibile & sperabile, respectu Dei clarè visi. Horum ergo non est electio in Beatis, quia credere & sperare illis repugnat, ob imperfectionem quam ista important. At alia sunt (inquit) quæ nullam imperfectionem visioni clarè Dei repugnantem adferunt, vt visibilia & amabilia, quæ proinde Beatus videndo & amando Deum, videre & amare potest. Et liberè quidem seu cum potestate indifferentiæ, quia non sunt obiecta habentia cum Deo connexionem necessariam. Ex quo proinde non licet inferre, Diuum Thomam ibi docere, quòd ipsa visio & amor Dei secundum se, libertatem habeat, vt Iansenius contendit.

Nil ergo ulterius contra nos ad-

duci potest, quàm textus quidam. Sancti Thomæ ex questione vigesima quarta de Veritate, articulo primo ad Vigessimum, quem semel in fauorem Vincentij à quodam ex nostris commemorari audiui. Hunc si iam cum reliquis explicauero, nulla poterit amplius ratio dubitandi remanere.

OBIIECIEBATVR igitur in gratiam eius hoc modo. Nam Angelicus Præceptor loco illo sic satur. *Sicut de primis principijs non indicamus ea examinantes ; sed naturaliter eis assentimus, ita & in appetibilibus, de fine ultimo non indicamus iudicio discussionis, vel examinationis ; sed naturaliter approbamus ; propter quod de eo non est electio, sed voluntas*. Habemus ergo respectu eius liberam voluntatem, cum necessitas naturalis inclinationis libertati non repugnet secundum Augustinum Quinto de Civitate Dei ; non autem liberum iudicium propriè loquendo, cum non cadat sub electione. Quibus verbis manifestè condistinguit liberam voluntatem à libero iudicio seu arbitrio propriè seu speciatim sumpto. Ergo sentit aliquam liberam voluntatem subsistere absque libertate contradictionis, cum hæc libertas sit solius arbitrij speciatim sumpti.

RESPONDEO, quòd (sicut supra ostendimus) verum omnino est iuxta mentem Sancti Doctoris liberam voluntatem distingui à libero arbitrio speciatim sumpto, seu prout nominat vim electiuam propriè. Cæterum ex hoc non sequitur, quòd sentiat, dari aliquam liberam voluntatem, absque indifferentia etiam contradictionis, sicut imaginatur Vincentius. Illa namque libera voluntas circa finem ultimum, sicut reuera libera est (scilicet in via) ita, & cum vera indifferentia exercitij elicitur. Teste enim Caietano pri-

Supra
lib. I. c.
13. §
2. ad
1.

ma parte, quæstione octuagesima, secunda, articulo primo ad tertium, quemadmodum *Beatitudinis* (seu finis ultimi) appetitus est liber elicitive, ita est in potestate nostra elicitive: quatenus videlicet potest homo illum elicere, & non elicere. Licet ergo illa voluntas non sit libera electio, sumpta electione proprie, pro actu terminato ad media; est tamen reuera libera voluntas, quia cum vera indifferencia elicitor. Naturalis namque necessitas alijs quo ad specificationem seu obiectum (qualem & non aliam habet illa voluntas in via) non aufert libertatem eiusdem, quia stat quod libere elicitor, ut iterum ait Caietanus ibidem ad primum. Vnde & probatio consequentiarum, quam obijciens inducit, videlicet quod libertas contradictionis sit solius arbitrij speciatim sumpti, omnino falsum assumit. Dici enim debet, quod huiusmodi indifferencia seu libertas, communis sit omni actui verè libero, modò versetur circa finem, modò circa media per modum electionis. Et hoc etiam supra libro primo ostendimus, probantes ex Diuo Thoma, indifferenciam requiri tam ad libertatem voluntatis circa finem, quam ad libertatem electionis circa media. Videantur dicta ibidem.

DICES. Si etiam ipse appetitus finis est liber seu indifferens (ut nos contendimus) ergo verè istius appetitus sumus Domini: contra Diuum Thomam prima parte, quæstione octuagesima secunda, articulo primo ad Tertium, *Appetitus ultimi finis, non est de his quorum domini sumus.*

RESPONDEO non esse verè dominos istius appetitus, quoad elicentiam. Possumus enim in via illum elicere & non elicere. Nec hoc est contra Sanctum Thomam: nam dicendo quod iste appetitus non est

de his, quorum domini sumus, solum voluit negare dominium ex parte obiecti: quod utique verum est. Nam licet sub nostro dominio sit elicentia huiusmodi appetitus, non tamen est sub dominio nostro obiectum illius. Supposito enim, quod actum circa illud obiectum velimus elicere, non possumus illud respicere, sed tantum proficui. Vnde & Angelicus præceptor non dixit, quod ipsiusmet appetitus non sumus domini, sed quod appetitus iste non est de his quorum domini sumus (id est) non est de tali obiecto, quod in nostra potestate sit respicere vel proficui, cum de necessitate illud debeamus proficui tantum.

Vincenti, si omnia ista non sufficiant ad te reducendum; noli amplius me aut vllum Thomistarum querere: sed potius vocem clamantem in deserto, aut etiam Orpheo more eanentem querere, necesse erit: quæ sicut quondam Sylvas & arbores ad obedientiam traxisse dicitur, ita & te sine dubio ad veritatis Thomisticæ sinceritatem pertrahet. Sed iam de Testimonijs Sæcti Thomæ dictum est satis. Pergamus ad illa quæ ex veteribus Patribus adducis.

CAPVT II.

Ostenditur, in tradendo Sanctorum Patrum sensu, non continuò attendi debere ad nudam ipsorum litteram; sed præcipuè ad definitiones Ecclesiæ, si quæ subsunt; & iuxta normam earum, litteram esse regulandam.

AVTHORITATEM SANCTORVM, & veterum Patrum maximè esse in rebus Theolo-

gicis venerandam, nulli Catholicorum fas est dubitare. Quod quidem à varijs Authoribus luculenter iam demonstratum, orationem meam non desiderat. Audi Augustinum libro secundo contra Iulianum, capite octavo, non longè à fine. *Hoc autem probauimus* (inquit) *Catholicorum auctoritate Sanctorum, qui & hoc asserunt, quod de originali peccato dicimus, & illa quinque esse vera omnia, continentur: ac per hoc non est consequens, ut hoc falsum sit; quia vera sunt illa. Tales quippe ac tanti viri, secundum Catholicam fidem, quæ vique toto orbe diffunditur, & hoc & illa esse vera confirmant, ut vestra fragilis & argutula nouitas, sola auctoritate conteratur illorum.* En Iulianum falsitatis arguit in nonnullis de peccato originali sententijs, ex eo solum quod auctoritati Sanctorum in eisdem contradicat. Qua de causa etiam Bernardus reprehendens Petrum Abailardum, sic fatit epistola centesima nonagesima ad Innocentium. *Ecclesiasticorum Doctorum vnam omnium de hac re* (Abailardus) *dicit esse sententiam, & ipsam ponit ac spernit, & gloriatur se habere meliorem, non veritus contra præceptum Sapientis, transgredi terminos antiquos, quos posuerunt Patres nostri.*

Itaque veneranda est sine dubio Sanctorum Patrum Auctoritas, ac proinde & cui libet Theologo, officioso studio curandum, tales sibi in suis sententijs asciscere Patronos taliumque munimen. Verùm hoc non obstante, vicissim persuasum contendo, in querendo huiusmodi virorum patrocinio, non continuò attendi debere ad illum sensum, quem sonat nuda ipsorum littera, sed vel maxime ad ipsas definitiones Ecclesiæ, si quæ fortè subsunt. Si namque in dictis alicuius Sancti quid vel definitioni Ecclesiæ repugnans aut dissonum inueniatur; tunc certè vel de-

ferendus est iste Sanctus, vel corrigendus, vel saniori (quo potest) modo explicandus.

Hoc sic à me dictum, sic intellectum velim, non vt in aliquo auctoritati Sanctorum (quod Diuina auertat gratia) detrahā; sed vt Iansenitæ tantummodo moniti sint, qui nullius prorsus alterius rei rationem habentes, ita indiscriminatim & pertinaciter ad Sanctorum veterum lectionem appellant visum & animū, vt se nil in ipsis, nisi nudam litteram sectari ac tueri gloriantur. Quod sanè si probè fiti audeo dicere, probitate excellere peruersissimos etiam hæreticos: cū & ipsi id genus studiij iuxta nudum corticem litteræ pro suis tuendis dogmatibus, accuratissime peregisse conspiciantur. Demonstremus igitur in lectione Sanctorum, eorumque sensu tradendo, præter litteræ superficiem, rationem habendam esse etiam Ecclesiasticarum definitionum; ita vt iuxta huiusmodi regulas, aliquando hic vel ille Sanctus, aut deseri debeat, aut corrigi, aut explicari.

EXORDIUM nobis præbeat (nō enim nisi interpretem ago Thomisticum) solidissima illa Doctrina Sancti Thomæ secunda secundæ, questione decima, articulo duodecimo, in Corpore: quam etiam habet quodlibet secundo, articulo septimo in Corpore. *Ipsa Doctrina Catholicorum Doctorum* (inquit) *ab Ecclesia auctoritatem habet. Vnde magis standum est auctoritati Ecclesiæ, quam auctoritati vel Augustini vel Hieronymi vel cuiuscumque Doctoris.* En assertum nostrum, rationemque eius à priori. Si (teste Diuo Thoma) ipsa Sanctorum Doctrina ab Ecclesia auctoritatem habet, ita vt magis standum sit auctoritati Ecclesiæ, quam auctoritati vel Augustini vel Hieronymi vel cuiuscumque Doctoris: ergo
casu

casu quo contingeret, litteram alicuius Sancti non ita conformem esse Ecclesiæ definitionibus; profecto vel ea hæc in parte deferenda esset vel corrigenda vel explicanda. Nunc Ecclesia, si dicatis Sanctorum auctoritatem dat, ipsis utique Sanctis longo intervallo est anteponenda? Quod si anteponenda; ergo ipsi ut regulæ & mensuræ standum est: ergo ad ipsam quorumlibet sententiæ, quamvis Sanctissimorum & laudatorum hominum, tamquam ad Lydium lapidem sunt referendæ. Explicare ergo Sanctorum litteram necesse erit, vel potius corrigere aut deferere, eo modo quo Ecclesiasticæ veritas definitionis id postulauerit.

Occurrit in huius rei confirmationem aurea planè & solo Aquinate, digna resolutio ex quodlibeto tertio, articulo decimo. Querit ibidem Præceptor Angelicus, *Utrum auditores diuersorum Magistrorum Theologiæ habentium contrarias opiniones, excusentur à peccato, si sequantur falsas opiniones Magistrorum suorum*: Sed considera, quam modeste, quam sanctè, quam reuerenter pro auctoritate Ecclesiæ quæstionem determinet, magistris omnibus longè polthabitis. Respondeo (inquit) *dicendum, quod diuersæ opiniones Doctorum Sacre Scripturæ, si quidem non pertineant ad fidem & bonos mores; absque periculo auditores utramque opinionem sequi possunt. Tunc enim habet locum, quod Apostolus dicit ad Romanos decimo quarto, unusquisque in suo sensu abundat. In his verò quæ pertinent ad fidem & bonos mores, nullus excusatur, si sequatur erroneam opinionem alicuius magistri: in talibus enim ignorantia non excusat: alioquin immunes à peccato fuissent, qui secuti sunt opinionem Arrii, Nestorij, & aliorum hæresiarum. Nec potest excusationem habere propter simplicitatem auditorum, si in talibus erroneam opinio-*

nem sequatur. In rebus enim dubijs non est de facili præstandus assensus. Quinimò (ut Augustinus dicit in libro tertio de Doctrina Christiana) consulere debet quis regulam fidei, quam de Scripturarum planioribus locis & Ecclesiæ auctoritate percepit. Qui ergo assentit opinioni alicuius magistri contra manifestum Scripturæ testimonium, siue contra id quod publicè tenetur secundum Ecclesiæ auctoritatem, non potest ab erroris vitio excusari. Hæc Sanctus Thomas. Vbi Diuino planè sermone determinat, in sequendis quorumcumque magistrorum opinionibus, non de facili in hanc vel illam partem dandum esse assensum, sed ante omnia consuli debere regulam fidei, quæ est tum manifestum Scripturæ testimonium, tum publica Ecclesiæ auctoritas, si ab erroris vitio immunes esse volumus. Quod si hoc verum est, imò & tamquam dogma fidei indubitanter tenendum; quid mihi caput frangitur, vel cum Angustino, vel cum Hieronymo, vel cum Prospero, vel cum quolibet Magistro etiam Sanctissimo & laudatissimo, in casu quo horum asserta à definitionibus Ecclesiæ dissona reperirentur? Me Herce, amicus Plato; sed magis amica veritas: amicus (inquam) Augustinus, amicus Hieronymus sed magis amica Ecclesia, quæ (teste Paulo) columna & firmamentum est veritatis. Sancti igitur Præceptores omni honore digni quidem, singularique studio venerandi; sed ad aras vsque: vsque eò (inquam) ut eorum tamen in dicendo auctoritas non ascendat altius, quam Cathedræ Petri in definiendo maiestas.

Hinc idem Angelicus Præceptor prima parte, quæstione trigesima sexta, articulo secundo in tertio argumento, obiciens sibi Auctoritatem Sancti Damasceni, dicentis Spiritum Sanctum non procedere à Filio,

Præterea
ad Ti.
moth.
3.

lio, quod fuit error Nestorianorum; expresse dicit Damascenum in hoc non esse audiendum. *Ad tertium* (inquit) dicendum, quod Spiritum Sanctum non procedere à Filio, primò fuit à Nestorianis introductum, ut patet in quodam symbolo Nestorianorum damnato in Ephesina Synodo. Et hunc errorem sequutus fuit Theodoricus Nestorianus, & plures post ipsum, inter quos etiam fuit Damascenus: unde in hoc eius sententia non est standum. Non vides hic, sententiam Damasceni standum non esse; quia definitioni Ecclesie dissona reperitur? Idem reperire est quaestione decima de Potentia, articulo quarto ad ultimum. Hanc (inquit) Theodoricus sententiam sequutus est postmodum Damascenus, quamvis dogmata eiusdem Theodoricus sint in quinta Synodo condemnata. Unde in hoc non est standum sententia Damasceni. Indubitanter omnino & sine ullo prorsus scrupulo, sententiam Damasceni rejicit, quia Ecclesie non consonat.

Habe ergo Lector Ecclesie rationem, & noli sic cæco amore litteram Sanctorum prosequi.

Accedat id quod docet tertia parte, quaestione sexagesima quarta, articulo nono, nimirum hæreticos verè Sacramenta conferre, si non omittant ea quæ sunt de necessitate Sacramenti. Imò hoc definitum conspicitur in Tridentino, sessione septima, canone quarto, his verbis: *Si quis dixerit, Baptismum qui etiam datur ab hæreticis in nomine Patris & Filij & Spiritus Sancti, cum intentione faciendi, quod facit Ecclesia, non esse verum Baptismum, anathema sit.* Sed quid de verbis quibusdam Sanctissimi Martyris Cypriani, dum dixit, *omnia quacumque faciunt hæretici, carnalia sunt, & inania & falsa?* Quibus verbis asserit Sacramenta ab hæreticis collata, nec vera nec valida esse. Audebitne aliquis litteræ isti inhæ-

rere, & determinationem contrariam Ecclesie non attendere? Audi Sanctum Thomam. Cyprianus (inquit) nullo modo Sacramentum conferre hæreticos posse credebat, sed in hoc eius sententia non tenetur. Ergo idem quod prius: habenda est Ecclesiastica definitio ratio, & iuxta illam dictis Sanctorum assensus præbendus vel negandus.

Iterum quaestione quinta de spiritualibus creaturis, quæ est vnica de Charitate, articulo sexto, docet quolibet peccato mortali amitti gratiam, quod pariter est de fide, & definit idem Tridentinum sessione sexta, capite decimoquinto sic; *Adversus etiam hominum quorundam callida ingenia, qui per dulces sermones & benedictiones seducunt corda innocentium, asserendum est non modo infidelitate, per quam & ipsa fides amittitur, sed etiam quocumque alio mortali peccato, quamvis non amittatur fides, acceptam iustificationis gratiam amitti.* Cum tamen aliqua verba Bernardi contrarium sonent. Inquit enim (teste Diuo Thoma ibi in secundo atque argumento) quòd Charitas in Petro, quando Christum negavit, non fuit extincta, sed sopita. Quasi illo mortali peccato negationis non fuisset amissa. Quid ergo Præceptor Sancte de huiusmodi littera diceret? An nè eidem indiscriminatim adharerebimus, veritate Catholica neglecta? Audi Sanctum Thomam. *Ad secundum dicendum, quòd verbum Bernardi non videtur suslinendum, nisi intelligatur, charitas in Petro non fuisse extincta, quia citò resurrexit.* Ea enim quæ parum distant, nihil distare videntur. Quasi tacitè insinuans Bernardum non fore audiendum, casu quo verba illius commodam illam explanationem non admitterent? Et meritò quidem; nam licet contemnenda non sit Sanctorum Patrum auctoritas, præferenda tamen est Ecclesiastica.

fiasticarum dignitas, & excellentia definitionum.

Præterea tertia parte, quæstione quarta, articulo tertio in Corpore, docet Sanctus Thomas, opinionem erroneam esse, quæ tenet Filium Dei assumpsisse hominem. Et obijciens sibi in primo argumento auctoritatem Augustini dicentis, quod Filius Dei hominem assumpsit; profecto nudam litteram non attendit, sed piè explicandam esse affirmat. *Ad primum ergo dicendum* (ait) *quod huiusmodi locutiones non sunt extendendæ tamquam propriæ; sed piè sunt exponendæ, ubicumque à Sacris Doctoribus ponuntur, ut dicamus hominem assumptum, quia eius natura est assumpta.* Nonne hoc est, generalem omnino regulam tradere pro sensu Sanctorum debite & ut par est, tradendo? Nempe ut conformitas ad Ecclesiastica dogmata obseruetur, & si quid dissonum repetiatur, non extendatur, sed piè explicetur? Si ergo quis velit viam hanc pertinaciter negligere, & nudæ tantum litteræ inhærere, vtiq; non sensum aut sapientiam Sanctorum enarrabit; sed potius errorem, & hæresim sequetur.

Adijcio id quod habet in eadem tertia parte, quæstione septuagesima quinta, articulo primo, ubi in Corpore docet, quod quidam non attendentes, posuerunt Corpus & Sanguinem Christi non esse in hoc Sacramento (scilicet Altaris) nisi sicut in signo. *Quod est tamquam hæreticum, abiciendum, utpote verbis Christi contrarium.* Unde & Berengarius, qui primus huius erroris author fuerat, postea coactus est, suum errorem revocare & veritatem fidei confiteri. Sed Sanctissimè præceptor edidisse nobis iterum, quid in hac parte agendum sit de littera D. Augustini: illa enim prædicto errori (ut verba sonant) patrocinari vi-

detur: inquit namque super Psalmum nonagesimum octavum, *Non hoc Corpus quod videtis, Manducaturi estis, nec bibaturi illum Sanguinem, quem sursi sunt, qui me Crucifigent.* Nonne ista verba primò aspectu dicunt, nos non manducaturos reale & verum Corpus Christi, nec bibituros realem & verum eius Sanguinem? Licebitne ergo nudæ significationis corticem auellere, & illo pasci & illo delectari? Profecto famosissimi hæretici sic decorticarunt & in cortice luxuriati sunt, sed Catholicis hoc non licet. Audi iterum atque iterum responsum Sancti Thomæ. *Ad primum* (inquit) *dicendum, quod ex hac auctoritate, prædicti hæretici, occasionem errandi sumpserunt, malè verba Augustini intelligentes, utpote solam litteram rapientes & Catholicum sensum negligentes.* Prosequitur igitur Sanctus Doctor. *Cum Augustinus dicit, non hoc Corpus quod videtis, manducaturi estis, non intendit excludere veritatem Corporis Christi, sed quod non erat manducandum in hac specie, qua ab eis videbatur.* Bone Deus, si quis non sic explicaret, sed in nuda tantum littera contenderet; quàm infelicitè contra fidem erraret!

Sed non omitteremus articulum illum quintum ex prima parte, quæstione trigesima nona. Resolvit ibi, essentialia nomina in Divinis minime posse in abstracto pro Persona supponere: & circa hoc (inquit) erravit Abbas Ioachim, asserens quod sicut dicitur, *Deus genuit Deum, ita potest dici, quod essentia genuit essentiam.* Et opponens iterum in primo argumento verba Augustini, dicentis quod Pater & Filius sunt sigillatim sapientia de sapientia, sicut essentia de essentia, Respondet ad primum sic. *Dicendum quod ad exprimendam unitatem essentia & persona, Sancti Doctores aliquando expressius loquuti sunt, quàm*

quàm proprietates locutionis Patiatur. Vnde huiusmodi locutiones non sunt extendenda, sed exponenda: ut scilicet nomina abstracta exponantur per concreta, vel etiam per nomina personalia. Ut cum dicitur, *essentia de essentia, vel sapientia de sapientia, sit sensus, Filius qui est essentia & sapientia*. Non audis hic manifestissimè, Sanctos interdum aliter loqui, quàm sermonis proprietates patiatur? Illorum locutiones non esse continuò extendendas sed exponendas? Qua ergo securitate poterit contendere Theologus, passim litteræ esse inhzendum, Sanctorumque sensum de ea sola, sine ullo respectu ad Ecclesiasticas definitiones esse tradendum? Si sic sapias, si sic in eorum lectione insanire velis; absque dubio te & illos millies in errorem abduces.

Nonne & illud alterum verissimum est, quod Sanctus Doctor scripsit in caput primum Ioannis, lectione septima? *Antiqui Doctores & Sancti* (ait ibidem) *emergentes errores circa fidem ita persequabantur, ut interdum viderentur in errores labi contrarios*. Sicut Augustinus contra Manichæos, qui destruebant libertatem arbitrii, taliter disputat, quòd videtur in hæresim Pelagij incidisse. Me Hercle, hæc ipsa materia est, quam toto hoc opere de libertate discutimus: sed dic, quæso te; si Augustinus eandem contra Manichæos taliter disputat, quòd videtur in hæresim Pelagij incidisse; eritne viri prudentis, ductum litteræ sine cautela sequi, sine discrimine solam Grammaticam venerari, sine spiritu discretionis nudas voces amplecti, in eisque examinandis Ecclesiasticarum regulam definitionum negligere, præterire? Profecto eiusmodi tibi integrum esse nequit, nisi plus Augustinum, quàm Ecclesiam admaueris. Et quàm hoc ab ipsa Augustini synceritate exorbitat!

Leſorem meum (inquit libro tertio de Trinitate, capite decimo) *nolo mihi esse deditum. . . ille non me amet amplius quàm Catholicam fidem*. Vnde si millies contingeret Augustini litteram à definitionibus Ecclesiæ dissonare: millies utique vel non audiendus, vel corrigendus esset Augustinus.

Nec in hoc certè Augustini, aut vllius Sanctorum honorificentia detrahimus. Ipsum Augustinum sequimur, ipsius documenta sectamur. Scribens namque ad Hieronymum, epistola decima nona, non longè à principio, *Identidem rogo* (ait) *ut me fideliter corrigas, ubi mihi hoc opus esse perspexeris. Quamquam enim secundum Honorum vocabula, quæ iam Ecclesiæ vsus obtinuit, Episcopatus Presbyterio maior sit; tamen in multis rebus, Augustinus Hieronymo minor est: licet etiam à minore quolibet non sit refugienda, vel dedignanda correctio*. En libenter se Episcopum corrigi vult à Presbytero Hieronymo, necessitate id postulante, siue maior ille sit, siue minor. Quantò ergo magis correctionem pateretur ab Ecclesia, quæ semper Augustino maior, nunquam minor? Utique id est, quòd solidissimè & verissimè dixit Sanctus Thomas. *Ipsa Doctrina Catholicorum Doctorum ab Ecclesia auctoritatem habet: vnde magis standum est auctoritati Ecclesiæ, quàm auctoritati vel Augustini, vel Hieronymi, vel cuiuscumque Doctoris*. Teneamus igitur firmiter hoc: nempe in tradendo Sanctorum Patrum sensu, non continuò attendi debere ad nudam ipsorum litteram: sed potissimum ad definitiones Ecclesiæ, si quæ subsunt, ut iuxta normam illarum vel deferantur, vel corrigantur, vel explicentur.

CAPVT III.

Ostenditur in tradendo Sanctorum Patrum sensu, etiam attendi debere ad rigorem Scholasticum.

SED QUID de rigore Scholastico? Eritne pariter conueniens Sanctorum dicta iuxta eundem corrigere aut interpretari? Profecto non conueniens solum; sed & necesse interdum; nisi cum Luthero, Vicleffo, Philippo Melanch. aliisque hæreticis in absurdissima quæque abire contendas. Aiebant illi Theologiam Scholasticam esse aliud nihil, quam ignorantiam veritatis, inanemque fallaciam: Academias esse Antichristi lupanaria, Luræzæ natam esse prophanam Scholasticem, qua admissa, Euangelium obscuratum, fidem extinctam. Sed hoc ideo apud ipsos lapidum & iucundum, quod Scholæ autoritate contempta, suorum inde facilius caperent patrocina errorum. Vt namque bellè & eruditè Episcopus noster Melchior Cano, *conuexa sunt post natam Scholam, Schola contemptio & hæresum pestes.*

Ast faciamus stare pro honore Scholæ Concilium Viennense. Quod (vt refertur in Clementina vnica de Summa Trinitate) cum retulisset duas Scholasticorum Sententias, alteram, per virtutem Baptismi paruulis quidem culpam remitti; sed gratiam non conferri; alteram, quod etiam virtutes ac informans gratia iufunduntur quoad habitum, concludit tandem sic; *Opinionem secundam tamquam probabiliorē & dictis Sanctorum, ac Doctorum, modernorum Theologie magis consonam & concordem, sacro approbante Concilio duximus*

eligendam. Ex quo loco argumentum hoc ad rem nostram conficio. Si opinio concors Iuniorum Scholasticorum tanti apud Patres in Concilio Viennensi fuit, vt iuxta normam, ac tenorem illius dignati fuerint sententiæ suæ electionem facere; quis nobis vitio vertet, quod & dicamus hæc vel illa Sanctorum dicta interdum iuxta probatiorem rigorem Scholasticum esse interpretanda? Nonne sicut superioris auctoritatis est ad Sanctos Patres, ipsa Ecclesia; ita pariter & Ecclesiæ legitimum concilium? Nonne ipsum quoque est norma fidei, Doctrinæ Christianæ regula, veritatum Catholicarum irrefragabile firmamentum? Ergo si tantum ponderis ibi habuit Scholasticorum etiam modernorum sensus & rigor, vt basim talem tantumque Concilij, ad partes suas inclinauerit: quid ni & nos ad eiusmodi ponderis mensuram, sententias & litteram Sanctorum interdum inclinabimus? Maximè vbi ipsa littera capax Scholasticæ inclinationis conspicitur? Vbi inclinatione tali non corrumpitur, sed potius ad lucis Theologicæ splendorem extollitur?

Imò dicamus & hoc amplius. Si in casu prædicto non solum probatior pars Modernorum Doctorum; sed Moderni quoque omnes, in illam vnanimi consensu conspirassent sententiam; an non existimas Concilium Viennense, pro eiusmodi, grauiori censura iudicaturum? Indubiè videtur hoc sic statuendum. Cum ergo in præsentī materia de libertate non solum hæc vel illa pars modernorum, verum omnes in vniuersum Scholæ, tanta aliàs inter se dissensione certantes, in hoc vnum vnanimiter conspirent, quod necessitas absoluta specificationis & exercitiū veram seu meritioriam libertatem destruat; quantæ putas auctoritatis, eius-

eiusmodi sententia non debet esse apud omnes & singulos rectè opinantes? Sanè abijcimus priuatarum iudicia passionum, & apparebit utique, tanti faciendum esse pondus hoc communis conspirationis, ut non nisi præsumptuosa & notoria temeritate reiici possit aut contemni. Nec enim minus mirandum est (ut notarunt Doctissimi) varias Scholæ factiones, Doctoresque tam inter se discrepantes, in vnam eandemque sententiam concurrere, quàm septuaginta interpretes, singulos celis etiam singulis separatos (ut meminit Augustinus) in vnam eandemque conuenisse interpretationem. Quæ si vera sunt; inferamus Constantissimè, non absrè esse, Sanctorum Patrum dicta, interdum iuxta communis Scholæ rigorem corrigere & attemperare.

Hinc & Angelicus noster præceptor, Scholæ Modernorum debitum honorem deferre volens, quæstione vnica de Anima, articulo octauo ad tertium; commemorat diuersa Doctorem placita circa animationem corporum cælestium, & illis commemoratis tandem adhærendum iudicat illi sententiæ, quæ apud Modernos Theologos est communior. Verba cius enarrare libet, nam notatu digna sunt. Dicendum (inquit) quòd de animatione Corporum cælestium est diuersa opinio & apud Philosophos & apud fidei Doctores. Nam apud Philosophos Anaxagoras posuit intellectum agentem esse omnino immixtum & separatum & Corpora Cælestia esse inanimata. Vnde etiam damnatus ad mortem dicitur esse propter hoc, quòd dixit solem esse quasi lapidem ignitum, ut Augustinus narrat in libro de ciuitate Dei. Alij verò Philosophi posuerunt Corpora cælestia esse animata. Quorum quidam dixerunt, Deum esse animam Cæli, quòd fuit ratio idololatriæ, ut scilicet

Cælis & Corporibus cælestibus cultus Diuinus attribueretur. Alij verò ut Plato & Aristoteles, licet ponerent Corpora cælestia esse animata; ponebant tamen Deum esse aliquid superius ab anima Cæli omnino separatum. Apud Doctores etiam Fidei, Origenes & sequaces ipsius posuerunt Corpora cælestia, esse animata. Quidam verò posuerunt ea inanimata, ut Damascenus ponit: quæ etiam positio apud Modernos Theologos est communior. Quasi tacitè innuens, hanc Damasceni sententiam ea ratione securius teneri; quòd Modernorum Doctorem communiori calculo receptior esset atque probatior.

Nec profecto ipsos etiam Sanctos Patres credendum est, sui temporis communem Doctorem sententiam neglexisse, aut spreuisse. Si Hieronymus dissensit Cælestio, si Innocentius Pelagius, si Augustinus Iuliano, ea vtique de causâ dissensere, quia eorum dogmata, tamquam noua, singularia & irreptitia, non solum antiquiorum, sed & Modernorum Doctorem communi sensui contradicere conspiciebant. Audiamus vocem Augustini, qua Iulianum Conuincere nititur. Propter quam Catholicam veritatem (inquit) Sancti ac beati & in diuinorum eloquiorum pertrahatione clarissimi Sacerdotes, Irenæus, Cyprianus, Reticius, Olympius, Hylarius, Ambrosius, Gregorius, Innocentius, Ioannes, Basilus, quibus addo Presbyterum (velis nolis) Hieronymum, ut omittam eos qui nondum dormierunt aduersus vos proferunt, de omnium hominum peccato Originali obnoxia successione, Sententiam. Et ex hoc concludens, quid esset (inquit) quod exultas, & mihi quasi victor insulas? Etdictorum suorum fidem facit non solum ex multis se Antiquioribus, sed & alios commemorat modernos & sibi Coetaneos, inquires etiam, ut omittam eos qui nondum dormierunt.

Et

Aug. li.
2. de
doct.
Christi-
ana
s. 15.

Aug. li.
2. contra
Iul. ca.
16. cit-
ca prin-
cip.

Et Paulo post idem repetit; Nec eos qui nunquam fuerunt aut non sunt, aut quorum sententia, de hoc quod inter nos disputatur, incerta sunt, inani cogitatione confixi. En iterum inter reliquos Doctores, eos quoque qui tunc temporis erant, in testimonium adducit. Et alio in loco aduersus eundem Iulianum gloriantem, quod ipse solus pro tuenda veritate remanserat, Ego autem (inquit) absit, ut ad Monomachiam vos prouocem, quos ubique appaeritis, ubique diffusus Christi debellat exercitus: qui debellauit apud Carthaginem Celsitum, quando illic ipse non eram, & rursus Constantinopolim tam longè à Regionibus Aphricanis: qui debellauit in Palestina Pelagium, ubi causam vestram suæ damnationis timore damnauit. Quasi à sensu contrario diceret; non ego solus pro veritate contra te Iuliane certo; sed alij mecum Christiani exercitus Doctores, ubique terrarum diffusi, Moderni scilicet & Antiqui, quos (ut idem Augustinus ait) alijs atque alijs temporibus atque regionibus, ab Oriente & Occidente congregatos vides, non in locum quò nauigare cogantur homines, sed in librum qui nauigare possit ad homines. En qualiter quorumcumque temporum Catholicos Doctores ac proinde & sui temporis Modernos in commendationem suæ sententiæ inducat. Quæ iterum cum ita sint, consequens omnino est, in Ecclesia Catholica, Modernorum etiam Doctorum rationem esse habendam, nec de facili eorum vnanimem sententiam debere rejici aut contemni. Ex quo vterius sit, non amari profecto a Sanctis Patribus; eiusmodi discipulos, qui textui aut litteræ ipsorum, sensum assignant à torrente Doctorum alienum. Explicentur igitur necesse est cum grano salis (ut aiunt) conformiter ad communes Theologorum Sententias, nisi fortè velit

quispiam, Ecclesiam quæ modo est, in magna sui parte, Doctoribus nempe Scholasticis, toti Antiquitati contradicere.

OBIICIET tamen mihi aliquis, Augustinum in locis à me citatis Scholasticos potius parui fecisse quam veneratum fuisse: inquit enim ibidem, se in suæ sententiæ confirmationem non citare Doctores quoslibet, sed Sanctos & in Sancta Ecclesia illustres Antistites, Dei non Platonici & Aristotelici & Zenonici, alijsque huiusmodi vel græcis vel latinis, quamquam & isti aliquos eorum, verum omnes sacris litteris eruditos. Quibus verbis nostrorum Modernorum Theologiam quæ magna ex parte Aristotelicis nititur fundamentis, contemnere videtur.

RESPONDEO, quod Augustinus, Augustino nequit esse contrarius. Teste Sancto Thoma sic ipsemet satur in secundo de Doctrina Christiana capite vigesimo. Philosophi qui vocantur, si qua forte vera & fidei nostræ accommoda dixerunt, maxime Platonici, non solum formidanda non sunt, sed ab eis tamquam ab iniustis possessoribus in usum nostrum vendicanda. Quibus verbis sicut vniuersaliter omnem Philosophicam approbat disciplinam, quæ in obsequium fidei adduci potest; ita à fortiori Scholasticam nostram commendat sapientiam, utpote cuius rationes, formalitates, distinctiones, paritates, consequentiæ & discursus, non nisi obsequio fidei dedicata consistunt. Contrarium velle persuadere, non solum est dicere Theologis calumniam, sed in errore rei abire Apostolatæ Iuliani (qui teste eodem Diuo Thoma) seruos Christi à studio litterarum arcendos esse dicebat. Augustinus igitur, si alicubi Platonicas aut Aristotelicas disciplinas improbabat; de eis planè loquitur, in quantum

Vbi supra à nō longè à princ.

S. Th. opusc. 19. contra impug. 10. g. ca. 11.

D. Th. vbi supra

Aug. li. 1. contra Iul. c. 1.

Aug. li. 1. contra Iul. ca. 10. non longè à fine.

Hierony-
mus à D.
Thib.
d. c. 12.

rum à fidei veritate seu Christiana reſtitutione aberrant. Quid plura? Verbis dico Hieronymi: *quaſo vt ſuadens ei* (ſcilicet qui Scholaſticam reprehendit Theologiam) *ne deſequentium dentibus edentulus inuideat, aut oculos caprearum ſalpa contemnat.*

Sed paululum digreſſi; ad ſcopum noſtrum reuertamur.

AB ABSVRDIS quæ ex oppoſito ſequuntur, probò rigorem Scholaſticum in intelligentia Sanctorum eſſe adhibendum. Si namque nuda litteræ ſuperficies, illo altero neglecto, ſit tenenda, ſequitur primò, plurimis paſſim falſitatum, imò & hæreſum ſordibus Sanctorum paginas commaculari: quod planè eſt, ſacra- tiſſima eorum arcana contemptui potius exponere, quàm exponere. Sequelam probò vno vel altero exemplo, quia fortè poſſem infinita commemorare.

IN PRIMIS nonne docet Sanctus Thomas tertia parte, quæſtione decima ſexta, articulo octauo in Corpore, quod hæc, *Chriſtus eſt creatura*, eſt ſimpliciter falſa; ſi abſolutè & ſine determinatione, aut addito proferatur? Imò ſi nuda ſignificatio litteræ attendatur; ſapit hæreſim Arrianorum, qui Chriſtum dixerunt eſſe te creaturam, non ſolùm ratione humanæ naturæ, ſed etiam ratione Diuinæ Perſonæ: & tamen ſimilis ſecundùm litteram propoſitio inuenitur in Beato illo Pontifice Leone, qui vt Chriſtianæ eloquentiæ parens, & Cicero inter Catholicos habetur. Inquit naniq(teſte S. Thoma ibidem in primo argumento) *noua & inaudita conuentio! Deus qui eſt, & erat, ſic creatura*, Quid ergo? Dicemusne mentem Sanctiſſimi Pontificis talem eſſe, qualem nuda iſta verborum ſuperficies inſinuat? Sanè qui ſic philoſophatur candorem puriſſimi Leonis, non falſitate tantum; ſed & Ar-

riana ſorde polluit. Igitur rigorem Scholaſticum inſpiciamus, & iuxta meſuram illius, cum Angelico Præceptore philoſophemur aliter, longè vtique dignius, nitidius, & honoratius. *Ad primum* (inquit ille) *dicendum, quòd aliquando Doctores cauſa breuitatis, determinatione omiſſa, nomine creatura vtuntur circa Chriſtum. Et tamen in eorum diſtis intelligenda determinatio, in quantum homo.* Eniſi ſic Scholaſticè philoſopheris; ſordescere facis id, quod Sanctiſſimi viri non niſi immaculata veritate ſtatuerè intendebant.

DEINDE: nonne idem Angelicus in eodem loco articulo nono determinat hanc pariter eſſe falſam; *hic homo* (demonſtrato Chriſto) *incepit eſſe?* Et hoc ea de cauſa, quia terminus in ſubiecto poſitus, non tenetur formaliter pro natura; ſed magis materialiter pro ſuppoſito; quod cùm in Chriſto ſecundùm fidem Catholicam æternum ſit, eius æternitati ro- pugnat incipere eſſe? Et quid iterum (ſi hoc verum) dicitur de quadam littera Auguſtini, dum ſuper Ioan- nem dixit; *priusquam mundus eſſet, nec noſ eramus, nec ipſe mediator Dei & hominum homo Ieſus Chriſtus?* Cùm tamen Apoſtolus dicat ad Hebræos vltimo, *Ieſus Chriſtus heri & hodie ipſe & in ſecula*. Profecto idem abſurdum ſequitur quod prius, niſi rigore Scholaſtico dictum Auguſtini temperetur. Audi Scholaſticorum Coryphæum, & acquieſce. *Ad primum* (inquit) *dicendum, quòd authoritas iſta* (Auguſtini) *eſt intelligenda ſum determinatione, vt ſcilicet dicamus, quòd homo Ieſus Chriſtus, non fuit antequam mundus eſſet, ſecundùm humanitatem.* Si litteram ſic temperaueris; mentem Auguſtini explicavi, honoravi: ſecus autem corrupiſti, ſcœdaſti, coinquinaſti.

TERTIO: nonne & illud Grego-

in Homilia Epiphaniæ, *Iudeis tamquam ratione utentibus, rationale animal, id est Angelus, annunciare debuit*; falsissimum erit, si in nudo cortice contēdatur? Et illud Augustini octauo de Ciuitate; *in Angelis est vita, quæ intelligit & sentit, nonne pariter falsitatis conuincetur*; si ductum litteræ sequuti fuerimus? Vtpote cum ab Angelis omnis vita animalis & sensitua procul sit releganda? Crede mihi Lector, hæc & alia huiusmodi rigore Scholastico parum tempera, & veritatem inuenies. Ad illud Gregorij dic cum Sancto Thoma, quæstione sexta de Potentia, articulo sexto ad primum, quod Gregorius *Angelum animal appellat large sumpto animalis vocabulo pro quolibet uiuentē*. En veritatem, vbi aliās littera falsum sonabat. Ad alterum verò Augustini dic cum eodem prima parte quæstione quinquagesima quarta, articulo quinto, quod *authoritates illæ & consimiles sunt intelligende per quandā similitudinem: quia cum sensus certam apprehensionem habeat de proprio sensibili, est in vsu loquentium, vt etiam secundum certam apprehensionem, intellectus aliquid sentire dicatur*. En iterum veritatem, vbi tamen nudus cortex litteræ dissonus apparebat.

QUARTO. Nonne iterum (teste eodem Angelico in primo, distinctione secunda, quæstione prima, articulo quinto in Corpore) *dicere personas distingui tantum ratione, sonat hæresim Sabellianam*? Et bone Deus, quanta verborum claritate (si exteriorem tantum speciem attendimus) id ipsum dicitur a Damasceno! *Tres personæ* (inquit libro primo Fidei Orthodoxæ capite primo) *re idem sunt, ratione autem & cognitione distinguuntur*. Quid ergo? Quia litteræ istius superficies solam distinctionem rationis adstruere videtur; dicemusne ideo hanc & non aliam a Damasceno

fuisse intentam? Absit probrum hoc a tam Diuino viro quam longissimè vt hæresis Sabellianæ socium ipsum statuamus. Indagemus potius cum Thoma Aquinate sensum Scholasticum, & iuxta normam illius, temperata littera, in locum horrois succedet amabilis veritas. *Authoritas Damasceni* (inquit Aquinas ibidem ad primum) *sic intelligenda est: ratione, id est relatione. Et dicitur relatio ratio, per comparationem ad essentiam: quia nempe sola ratione ab eadem distinguitur, licet realiter ab opposita sibi relatione differat*. En iterum Catholicam veritatem, vbi tamen exterior species hæreticam redolebat prauitatem.

VLTIMO. Nonne & hoc falsissimum, non dari in Deo ideas? imo vsque adeò veritati, id repugnat, vt Augustinus alibi dixerit, *qui negat ideas esse, infidelis est, quia negat Filium esse*, & tamen (si in nuda iterum littera contendere quis velit) videbitur Diuus Dionysius eadem negasse, dum capite septimo de Diuinis nominibus dixit, *Deus non cognoscit res secundum ideam*. Meherecule nisi tursum litteram hanc Scholastico more temperaueris, quasi infidelis apparebit Sanctissimus Dionysius. Confugiamus igitur, iterum atque iterum, & toties quoties similia occurrunt, ad Sanctum Thomam Scholastici rigoris obseruantissimum & dubio procul Dionysium a tam turpi nota liberabimus. *Intentio Dionysij* (inquit in primo ad Annibaldum distinctione trigesima sexta, quæstione secunda, articulo primo ad primum) *est dicere, quod Deus non cognoscat res per ideam acceptam a rebus*. Non intendens utique negare ideas absolute, sicut verba sonant, sed solum ideas extrinsecus acceptas: qui sensus & verus est & Catholicus. Infinita (vt dixi) possent huiusmodi commemo-

rari; sed ne superfluis immoremur, omitto.

ALIVD ABSVRDVM principale occurrit ex mutua ad inuicem contradictione, quæ passim in dictis Sanctorum cueniet; si nuda semper littera attendatur. Videbitur interdum Augustinus contradicere Anselmo, Anselmus Augustino, Damascenus Dionysio, Nazianzenus Damasceno; passim alijs atq. absque ullo fœdere vel locutionis, vel doctrinæ. Quod verò, si concedimus; iam Sanctos Patres facimus tumultuosos litigatores, non graues veritatis tractatores. Vis autem eiusmodi contradictionum aliquas in dictis ipsorum conspiciere? Attendenda sequentia, quæ ex Diuo Thoma, hinc inde licet colligere.

IN PRIMIS (vt Author ipse est in caput primum Ioannis, lectione prima, non longè à principio) dicit Augustinus, *Ita dicitur Verbum Dei, vt cogitatio non dicatur*. Sed quid ad hæc Anselmus? *Dicere iunmo Spiritui* (inquit ille) *nihil est aliud quam cogitando intueri*. En in verbis contradictio. Vnus cogitationem à Verbo Dei excludit, alius requirit.

RVRSVS quæstione quarta de Veritate, articulo secundo, in quarto argumento, Anselmus ait, *Pater est dicens, Filius est dicens, Spiritus Sanctus est dicens*. Sed quid Augustinus? *Non singulus* (inquit) *in Trinitate est dicens; sed Pater Verbo suo*. En iterum iuxta litteram aperta contradictio. Vnus attribuit dicere omnibus personis, alius soli Patri.

DEINDE quæstione quinta ibidem, articulo nono in primo argumento, Damascenus sic fatetur, *Nos autem dicimus, quoniam ipsa scilicet superiora corpora, non sunt causa alicuius eorum quæ fiunt, nec corruptionis eorum, quæ corrumpuntur*. Sed quid Dionysius citatus in secundo argumento

sed contra? *Radius solaris* (inquit) *generationi visibilium corporum confert, & ad vitam ipsam mouet, & nutrit, & auget*. En in verbis contradictio. Vnus causalitatem denegat cælestibus corporibus respectu horum inferiorum, alius concedit.

TANDEM tertia parte, quæstione decima sexta, articulo septimo, in tertio argumento, Nazianzenus concedit loquendo de Christo, *hominem esse Deificatum*. Sed quid Damascenus in argumento sed contra? *Non hominem* (inquit) *Deificatum dicimus*. Nonne hoc iterum manifesta est contradictio, si sola superficies litteræ inspicitur?

IMO QVOD CAPVT EST, si litteræ sectator proterius esse velis, inuenies interdum Sanctum aliquem contradicere non solum alteri; sed & sibi ipsi. Patebit quoque id facillimè.

CONSIDERA PRIMO illa quæ iam diximus ex Anselmo; quod scilicet dicere attribuit omnibus tribus personis, ac proinde quòd nomen Verbi non sit proprium soli Filio, & tamen alio in loco dicit, quòd Verbum non dicitur nisi personaliter, & quòd soli Filio proprium sit. *In hoc* (inquit Diuus Thomas loco citato) *videtur contrariari Anselmus sibi ipsi*.

CONSIDERA deinde ex Diuo Thoma, quæstione quinta de Veritate, articulo octauo in primo argumento, quòd Gregorius quodam in loco dicit, *quòd Deus mundum per semetipsum regit, quem per semetipsum fabricatus est*. Quasi negans quòd mundum regat media aliqua creatura; & tamen alibi dicit, *in hoc mundo visibili, nihil nisi per creaturam visibilem disponi potest*. En contrarium iam affirmat.

PRÆTEREA Augustinus (vt refert Sanctus Thomas quæst. prima, de Veri-

Veritate articulo septimo) alibi asserit, quòd veritas Diuina est summa similitudo principij sine ulla dissimilitudine: quasi veritas in Diuinis soli Filio conueniat, utpote cui soli conuenit summa imitatio principij, & tamen alio in loco habet, quòd trium Personarum est vna veritas. Quasi veritas in Diuinis conueniat non soli Filio; sed omnibus tribus Personis. Nonne hoc iterum est, secundùm externam verborum superficiem sibiipsi contradicere.

QVID PLURA? Hæc & alia passim in Sanctis Patribus inuenire erit, si aliud nihil in tradendo ipsorum sensu sapere velimus, quàm nudum sonum litteræ, aut apparentem vocum significationem. Quare concludamus (vt huiusmodi absurda vitentur) dicta Sanctorum, iuxta rigorem quoque Scholasticum, interdum esse temperanda, aut explicanda: quod in locis prædictis & in omnibus alijs, diligenter, fideliter & veraciter præstitit Sanctus Thomas: planè Theologiæ Scholasticæ cultoribus exemplum normamque relinquens, qualiter lectioni Sanctorum insudandum sit: non vtique tanta cæcitate & pertinacia, vt contra fas uestaque, soli litteræ insistamus; sed potius, vt debito examinis pondere reliqua etiam quæ consideranda sunt, trutinantes, exponamus sententias ipsorum, cò veracius, quòd scilicet Theologicis locutionibus, seu rigori Scholastico conformius.

ET CERTÉ RATIO A PRIORI hoc ipsum etiam clarissimè suadet. Maximè si perpendatur id, quod in laudem Modernorum Scholasticorum scripsit noster Aquinas, in opusculo primo contra errores Græcorum ad Vrbani Quartum Pontificem. Maximum Monet in exordio opusculi ibi Sanctus Præceptor, quòd Moderni fidei Doctores cautius & quasi

elimatius locuti fuerint circa doctrinam fidei, quàm Sancti Antiqui. Et ea quidem de causa. Quia errores (inquit) circa fidem exorti occasionem dederunt Sanctis Ecclesiæ Doctoribus, vt ea quæ sunt fidei, maiori cum inspectione traderent, ad eliminandos errores exortos: sicut patet quòd Sancti Doctores qui fuerunt ante errorem Arii, non ita expressè loquuti sunt de vnitæ Diuinæ essentiæ, sicut Doctores sequentes. Et simile de alijs contingit erroribus. Quòd non solum in diuersis Doctoribus (prosequitur) sed in vno egregio Doctorum Augustino expressè apparet. Nam in suis libris, quos post exortam Pelagianorum hæresim edidit, cautius loquutus est de potestate liberi arbitrij, quàm in libris, quos edidit ante prædictæ hæresis ortum, in quibus libertatem arbitrij contra Manicheos defendens aliqua protulit quæ in sui defensione erroris assumpserunt Pelagiani, Diuinæ gratiæ aduersantes. Et ideo non est mirum (concludit) si Moderni fidei Doctores post varios errores exortos cautius & quasi elimatius loquuntur circa doctrinam fidei ad omnem hæresim euitandam. Et immediatè post (quod ad rem nostram attinet) subiungit; Vnde si aliqui in dictis Antiquorum Doctorum inueniuntur, quæ cum tanta cautela nò dicantur, quanta à Modernis seruatur, non sunt conuenienda aut abiicienda; sed nec etiam ea extendere oportet, sed exponere reuerenter. En amice Lector, totum id quod præsentī capite protuli, rationemque eius a priori. Protuli quidem, dicta Sanctorum interdum etiam iuxta rigorem Scholasticorum seu Modernorum esse temperanda seu reuerenter exponenda, sicut verbis citatis Sanctus Thomas eloquitur, & si rationem desideres, ea est vtique firma & solida, quam Angelicus hoc in loco assignauit: quia videlicet Moderni fidei Doctores cum suis iam temporibus omnia errorum incrementa

pene absoluta conspexerint; profecto ad omnia & singula potuerunt attendere facilius, quàm Sancti Antiqui: sicque non mirum quòd cautius & quasi olimatius de rebus fidei loquantur, ad omnem hæresim evitandam, quàm Veteres illi, quibus tot hæresum errorumque pestes necdum innotuerant, utpote quæ prioribus seculis adhuc quasi in cunabulis abscondita latitabant. Quod si verum est (vti verissimè à Sancto Thoma profertur) sequitur manifestè, dicta antiquorum Sanctorum si quæ cum tanta cautela non dicantur, quanta à Modernis seruatur, non esse continuò iuxta sonum litteræ in consequentiam trahenda; sed exponenda potius & temperanda iuxta, id quòd Scholasticæ Theologiæ rigor flagitat, nec non modernorum Doctorum abundantior cautela præscribit.

Potissimùm autem hæc dicta sint, vt appareat, quàm parum solidè, imò & quàm temerè Vincentius auctoritates Sanctorum ad suas partes trahere conetur. Vt namque ex sequentibus constabit, adeo cæcè & pertinaciter in nuda littera, verbis & nominibus luxuriatur, vt omnis penitus rigoris Scholastici oblitus, eò præcisè sensum Sanctorum velit dirigere, quòd litteræ primus aspectus, primaque superficies tendere videtur. Et reuera de ipso iure merito dici potest, id quod olim noster Aquinas de quodam translate ineptò protulit, opusculo primo contra errores Græcorum, in fine. *Vt etiam*

& ipse aliquibus modis loquendi, quos in auctoritatibus Sanctorum inuenit, qui (sicut superius dictum est) magis sunt reuerenter in dictis Patrum exponendi, quàm ab alijs usurpandi.

..

C A P V T IV.

Proponuntur in genere loca, quæ Vincentius adducit ex Sanctis Patribus.

OBIECTIONES igitur, quas Vincentius ex Sanctis Patribus efformat; iuxta veritatem & multiplicitatem testimoniorum, variæ quoque sunt & multiplices. Sed quia multa sine ordine confusionem parere solent; in eis recitandis, ordo necessarius erit, vt aliquid doctrinaliter & fructuosè tradi possit. Sicut ergo testimonia Diui Thomæ ad quatuor classes reduximus, ita eadem methodo vtentes, omnia in vniuersum Sanctorum dicta alijs sex classibus absoluemus.

In prima expendentur illa, quibus videntur docere, omnem actum voluntatis, eo ipso quo est voluntatis, esse liberum. In secunda statuuntur alia, quibus absolute distinguunt, seu diuidunt voluntatem contra naturam. In tertia proponuntur ea, quibus videntur asserere, actum liberum esse, eo ipso quo ducem habet rationem. In quarta adducentur nonnulla, quibus adstruunt necessitatem peccandi. In quinta considerabuntur reliqua, quibus Deo & Beatis necessitatem tribuunt, & tamen simul libertatem. In sexta tandem, tota machina absoluetur vno vel altero dicto, quo actibus omnino necessarijs laudem adscribere comprobantur.

Ex prima Classe argui potest sic. Omnis actus voluntatis eo ipso quo est voluntatis, est liber: ergo quantumvis necessarius; si tamen voluntatis sit, liber esse debet.

Ex Secunda sic. Voluntas differt à natura: ergo nunquam agit per mo-

modum naturæ: ergo semper libere, ac proinde etiam liberè in actibus necessarijs.

Et tertia sic. Actus est liber eo ipso, quo ducem habet rationem; sed multi actus voluntatis quantumvis necessarij, habent ducem rationem: ergo multi tales sunt liberi.

Ex quarta sic. Quando peccamus, necessitate peccamus, & tamen peccamus liberè: ergo stat necessitas cum libertate.

Ex quinta sic. In Deo & in Beatis est necessitas, & tamen simul libertas: ergo idem quod prius.

Ex sexta tandem sic. Laus attribuitur actibus omnino necessarijs; sed laus non attribuitur nisi liberis: ergo actus omnino necessarij, sunt liberi. Sed examinemus specialiter singula, ut appareat, quam veritatem habeant & qualiter concludant.

SECTIO I.

Soluuntur specialiter loca Sanctorum Patrum spectantia ad primam Classsem.

AD PRIMAM CLASSEM PERTINET PRIMO locus ille Augustini, libro tertio de libero arbitrio capite tertio, ubi magnus ille Theologorum imperator contra Ciceronem, præscientiam Dei negantem, hoc modo disputat. *Voluntas nostra nec voluntas esset, nisi esset in nostra potestate. Porro quia est in nostra potestate, libera est nobis. Non enim est nobis liberum, quod in potestate non habemus. Ita fit, ut Deum non negemus esse præsciunt omnium futurorum, & nos tamen velimus, quod volumus. Cum enim sit præsciunt voluntatis nostra; cuius est*

præsciunt, ipsa erit: voluntas ergo erit, quia voluntatis est præsciunt. Nec voluntas esse poterit, si in potestate non erit. Vbi etiam addit, se faciliè de tam magna questione respondere.

Sed iam insert Vincentius, quod dicta ista Augustini vera non sunt, si voluntas esse possit, quæ libera non sit. Probat namque, nostram libertatem à Dei præscientia minimè violari, ex eo quod futura est voluntas, quam Deus futuram prævidet. Ergo supponere debet (inquit) voluntatem eo ipso quo voluntas est, suam necessariò secum libertatem asferre. Sic in sua Thériaca, libro primo, capite tertio. Et si cætera Sancti Augustini testimonia congerere hoc loco velini, quibus Vincentius contendit omnem voluntatis actum in Augustini Philosophia liberum esse; integrum certè caput, sicut ipse instituit; imò & plura alia instituenda essent. Quod quia superuacaneum iudico, cum eadem omnino sit difficultas; ad aliorum Sanctorum dicta me confero. In quibus licet difficultas etiam sit eadem; non tamen est eadem ratio omittendi; nam ex singulis vnum aliquod referre, si non ad necessitatem, ad decorem saltem ornatumque poterit pertinere.

PERTINET ERGO SECUNDO ad eandem Classsem alius locus Prosperi libro contra Collatorem capite trigésimo octavo. *Non conturbat nos (inquit) superbientium (Semipelagianorum) inepta querimonia, qui liberum arbitrium causantur auferri, & si principia & profectus & perseverantia in bonis usque in finem, Dei esse dona dicantur. Quoniam opitulationes Diuine gratiæ, stabilimenta sunt voluntatis humanæ. Volentes oramus, & tamen misit Deus, spiritum in corda nostra clamantem, Abba Pater, Volentes loquimur; & tamen si pius est quod loquimur, non sumus nos loquentes, sed Spiritus Patris nostri qui loquitur in nobis, volentes ope-*

eiusmodi sententia non debet esse apud omnes & singulos rectè opinantes? Sanè abijciamus priuatarum iudicia passionum, & apparebit vtique, tanti faciendum esse pondus hoc communis conspirationis, vt non nisi præsumptuosa & notoria temeritate reiçi possit aut contemni. Nec enim minus mirandum est (vt notarunt Doctissimi) varias Scholæ factiones, Doctoresque tam inter se discrepantes, in vnam eandemque sententiam concurrere, quàm septuaginta interpretes, singulos cellis etiam singulis separatos (vt meminit Augustinus) in vnam eandemque conuenisse interpretationem. Quæ si vera sunt; inferamus Constantissimè, non absrè esse, Sanctorum Patrum dicta, interdum iuxta communis Scholæ rigorem corrigere & attemperare.

Hinc & Angelicus noster præceptor, Scholæ Modernorum debitum honorem deferre volens, quæstione vnica de Anima, articulo octauo ad tertium; commemorat diuersa Doctorem placita circa animationem corporum cælestium; & illis commemoratis tandem adhaerendum iudicat illi sententiæ, quæ apud Modernos Theologos est communior. Verba eius enarrare libet, nam notatu digna sunt. Dicendum (inquit) quòd de animatione Corporum cælestium est diuersa opinio & apud Philosophos & apud fidei Doctores. Nam apud Philosophos Anaxagoras posuit intellectum agentem esse omnino immixtum & separatum & Corpora Cælestia esse inanimata. Vnde etiam damnatus ad mortem dicitur esse propter hoc, quòd dixit solens esse quasi lapidem ignitum, vt Augustinus narrat in libro de ciuitate Dei. Alij verò Philosophi posuerunt Corpora cælestia esse animata. Quorum quidam dixerunt, Deum esse animam Cæli, quòd fuit ratio idololatriæ, vt scilicet

Cælis & Corporibus cælestibus cultus Diuinus attribueretur. Alij verò vt Plato & Aristoteles, licet ponerent Corpora cælestia esse animata; ponebant tamen Deum esse aliquid superius ab anima Cæli omnino separatum. Apud Doctores etiam Fidei, Origenes & sequaces ipsius posuerunt Corpora cælestia, esse animata. Quidam verò posuerunt ea inanimata, vt Damascenus ponit: quæ etiam positio apud Modernos Theologos est communior. Quasi tacitè innuens, hanc Damasceni sententiam ea ratione securius teneri; quòd Modernorum Doctorem communiori calculo receptior esset atque probatior.

Nec profecto ipsos etiam Sanctos Patres credendum est, sui temporis communem Doctorem sententiam neglexisse, aut spreuisse. Si Hieronymus dissensit Cælestio, si Innocentius Pelagio, si Augustinus Iuliano, ea vtique de causa dissensere, quia eorum dogmata, tamquam noua, singularia & irreptitia, non solum antiquiorum, sed & Modernorum Doctorem communi sensui contradicere conspiciebant. Audiamus vocem Augustini, qua Iulianum Conuincere nititur. Propter quam Catholicam veritatem (inquit) Sancti ac beati & in diuinorum eloquiorum pertractatione clarissimi Sacerdotes, Ireneus, Cyprianus, Reticius, Olympius, Hylarius, Ambrosius, Gregorius, Innocentius, Ioannes, Basilus, quibus addo Presbyterum (velis nomen) Hieronymum, vt omittam eos qui nondum dormierunt aduersus vos proferunt, de omnium hominum peccato Originali obnoxia successione, Sententiam. Et ex hoc concludens, quid est (inquit) quod exultas, & mihi quasi victor insultas? Eundem suorum fidem facit non solum ex multis se Antiquioribus, sed & alios commemorat modernos & sibi Coetaneos, inquiens etiam, vt omittam eos qui nondum dormierunt.

Et

Aug. li.
2. de
doct.
Christi-
ana
c. 15.

Aug. li.
2. contra
Iul. ca.
10. en-
ca ption
cip.

Et Paulo post idem repetit; *Nec eos qui nunquam fuerunt aut non sunt, aut quorum sententia, de hoc quod inter nos disputatur, incerte sunt, inani cogitatione confixi.* En iterum inter reliquos Doctores, eos quoque qui tunc temporis erant, in testimonium adducit. Et alio in loco aduersus eundem Iulianum gloriantem, quod ipse solus pro tuenda veritate remanserat, Ego autem (inquit) absit, ut ad Monomachiam vos pronocem, quos ubique cumque apparueritis, ubique diffusus Christi debeat exercitus: qui debellauit apud Carthaginem Celestium, quando illic ipse non erat, & rursus Constantinopolim tam longè à Regionibus Aphricanis: qui debellauit in Palestina Pelagium, ubi causam vestram suam damnationis timore damnauit. Quasi à sensu contrario diceret; non ego solus pro veritate contra te Iuliane certo; sed alij mecum Christiani exercitus Doctores, ubique terrarum diffusi, Moderni scilicet & Antiqui, quos (ut idem Augustinus ait) alijs atque alijs temporibus atque regionibus, ab Oriente & Occidente congregatos vides, non in locum quò nauigare cogantur homines, sed in libram qui nauigare possit ad homines. En qualiter quorumcumque temporum Catholicos Doctores ac proinde & sui temporis Modernos in commendationem suæ sententiæ inducat. Quæ iterum cum ita sint, consequens omnino est, in Ecclesia Catholica, Modernorum etiam Doctorum rationem esse habendam, nec de facili eorum vnanimem sententiam debere rejici aut contemni. Ex quo vltius fit, non anari profecto a Sanctis Patribus; eiusmodi discipulos, qui textui aut litteræ ipsorum, sensum attingunt à torrente Doctorum alienum. Explicentur igitur necesse est cum grano salis (ut aiunt) conformiter ad communes Theologorum Sententias, nisi fortè velit

quispiam, Ecclesiam quæ modo est, in magna sui parte, Doctoribus nempe Scholasticis, toti Antiquitati contradicere.

OBIICIET tamen mihi aliquis, Augustinum in locis à me citatis Scholasticos potius parui fecisse quàm veneratum fuisse: inquit enim ibidem, se in suæ sententiæ confirmationem non citare Doctores quoslibet, sed Sanctos & in Sancta Ecclesia illustres Antistites, Dei non Platonici & Aristotelici & Zenonici, alijsque huiusmodi vel græcis vel latinis, quamquam & isti aliquos eorum, verum omnes sacris litteris eruditos. Quibus verbis nostrorum Modernorum Theologiam quæ magna ex parte Aristotelicis nititur fundamentis, contemnere videtur.

RESPONDEO, quod Augustinus, Augustino nequit esse contrarius. Teste Sancto Thoma sic ipsemet satur in secundo de Doctrina Christiana capite vigesimo. Philosophi qui vocantur, si qua forte vera & fidei nostræ accommoda dixerunt, maxime Platonici, non solum formidanda non sunt, sed ab eis tamquam ab iniustis possessoribus in usum nostrum vendicanda. Quibus verbis, sicut vniuersaliter omnem Philosophicam approbat disciplinam, quæ in obsequium fidei adduci potest; ita à fortiori Scholasticam nostram commendat sapientiam, utpote cuius rationes, formalitates, distinctiones, paritates, consequentiæ & discursus, non nisi obsequio fidei dedicata consistunt. Contrarium velle persuadere, non solum est dicere Theologis calumniam, sed in errore abiire Apostate Iuliani (qui teste eodem Dno Thoma) seruos Christi à studio litterarum arcendos esse dicebat. Augustinus igitur, si alicubi Platonicas aut Aristotelicas disciplinas improbat; de eis planè loquitur, in quantum

Vbi supra nō longè à princ.

S. Th. opusc. 19. contra impug. re. l. g. ca. 11.

D. Th. ubi supra

Aug. li. 1. contra Iul. c. 1.

Aug. li. 1. contra Iul. ca. 10. non longè à fine.

Hierony-
mus, circa
Th. ibi.
d. c. 12.

rum à fidei veritate seu Christiana, reſtitutione aberrant. Quid plura? Verbis dico Hieronymi: *quaſo vt ſuadeas ei* (ſcilicet qui Scholaſticam reprehendit Theologiam) *ne veſcentium dentibus edentulus inuideat, aut oculos capreatum calpa contemnat.*

Sed paululum digreſſi; ad ſcopum noſtrum reuertamur.

AB ABSVRDIS quæ ex oppoſito ſequuntur, probò rigorem Scholaſticum in intelligentia Sanctorum eſſe adhibendum. Si namque nuda, litteræ ſuperficies, illo altero neglecto, ſit tenenda, ſequitur primò, plurimis paſſim falſitatem, imò & hæreſum ſordibus Sanctorum paginas commaculari: quod planè eſt, ſacra- tiſſima eorum arcana contemptui potius exponere, quàm exponere. Sequamur probo vno vel altero exemplo, quia fortè poſſem infinita commemorare.

IN PRIMIS nonne docet Sanctus Thomas tertia parte, quæſtione decima ſexta, articulo octauo in Corpore, quod hæc, *Chriſtus eſt creatura*, eſt ſimpliciter falſa; ſi abſolutè & ſine determinatione, aut addito proferatur? Imò ſi nuda ſignificatio litteræ attendatur; ſapit hæreſim Arianorum, qui Chriſtum dixerunt eſſe creaturam, non ſolum ratione humanæ naturæ, ſed etiam ratione Diuinæ Perſonæ: & tamen ſimilis ſecundum litteram propoſitio inuenitur in Beato illo Pontifice Leone, qui vt Chriſtianæ eloquentiæ parens, & Cicero inter Catholicos habetur. Inquit nanique (teſte S. Thoma ibidem in primo argumento) *noua & inaudita conuentio! Deus qui eſt, & erat, ſit creatura*, Quid ergo? Dicemusne mentem Sanctiſſimi Pontificis talem eſſe, qualem nuda iſta verborum ſuperficies inſinuat? Sanè qui ſic philoſophatur candorem puriſſimi Leonis, non falſitate tantum; ſed & Ar-

riana ſorde polluit. Igitur rigorem Scholaſticum inſpiciamus, & iuxta meſuram illius, cum Angelico Præceptore philoſophemur aliter, longè vtique dignius, nitidius, & honoratius. Ad primum (inquit ille) dicendum, quòd aliquando Doctores cauſa breuitatis, determinatione omiſſa, nomine creature vtuntur circa Chriſtum. Et tamen in eorum diſtis intelligenda determinatio, in quantum homo. Eniſi ſic Scholaſticè philoſopheris; ſordescere facis id, quod Sanctiſſimi viri non niſi immaculata veritate ſtatuerè intendebant.

DEINDE: nonne idem Angelicus in eodem loco articulo nono determinat hanc pariter eſſe falſam; *hic homo* (demonſtrato Chriſto) *incepit eſſe*? Et hoc ea de cauſa, quia terminus in ſubiecto poſitus, non tenetur formaliter pro natura; ſed magis materialiter pro ſuppoſito; quod cum in Chriſto ſecundum fidem Catholicam æternum ſit, eius æternitati repugnat incipere eſſe? Et quid iterum (ſi hoc verum) dicetur de quadam littera Auguſtini, dum ſuper Ioannem dixit; *priuſquam mundus eſſet, nec noſ eramus, nec ipſe mediator Dei & hominum homo Ieſus Chriſtus*? Cum tamen Apoſtolus dicat ad Hebræos vltimo, *Ieſus Chriſtus heri & hodie ipſe & in ſæcula*. Proſecto idem abſurdum ſequitur quod prius, niſi rigore Scholaſtico dictum Auguſtini temperetur. Audi Scholaſticorum Coryphæum, & acquieſce. Ad primum (inquit) dicendum, quòd authoritas iſta (Auguſtini) eſt intelligenda ſum determinatione, vt ſcilicet dicamus, quòd homo Ieſus Chriſtus, non fuit antequam mundus eſſet, ſecundum humanitatem. Si litteram ſic temperaueris; mentem Auguſtini explicavi, honoravi; ſecus autem corrumpeſti, ſædaſti, coinquinavi.

TERTIO: nonne & illud Grego-

in Homilia Epiphaniæ, *Iudeis tamquam ratione utentibus, rationale animal, id est Angelus, annunciare debuit*; falsissimum erit, si in nudo cortice contēdatur? Et illud Augustini octauo de Ciuitates in Angelis est vita, quæ intelligit & sentit, nonne pariter falsitatis conuincetur? si ductum litteræ sequuti fuerimus? Vtpote cum ab Angelis omnis vita animalis & sensitua procul sit releganda? Crede mihi Lector, hæc & alia huiusmodi rigore Scholastico parum tempera, & veritatem inuenies. Ad illud Gregorij dic cum Sancto Thoma, quæstione sexta de Potentia, articulo sexto ad primum, quod Gregorius Angelum animal appellat largè sumpto animalis vocabulo pro quolibet uiuentē. En veritatem, vbi alias littera falsum sonabat. Ad alterum verò Augustini dic cum eodem prima parte quæstione quinquagesima quarta, articulo quinto, quod *authoritates illæ & consimiles sunt intelligenda per quandam similitudinem: quia cum sensus certam apprehensionem habeat de proprio sensibili, est in vsu loquentium, ut etiam secundum certam apprehensionem, intellectus aliquid sentire dicatur*. En iterum veritatem, vbi tamen nudus cortex litteræ dissionus apparebat.

QUARTO. Nonne iterum (teste eodem Angelico in primo, distinctione secunda, quæstione prima, articulo quinto in Corpore (dicere) *personas distingui tantum ratione, sonat hæresim Sabellianam*? Et bone Deus, quanta verborum claritate (si exteriorem tantum speciem attendimus) id ipsum dicitur a Damasceno! *Tres personæ* (inquit libro primo Fidei Orthodoxæ capite primo) *re idem sunt, ratione autem & cognitione distinguuntur*. Quid ergo? Quia litteræ istius superficies solam distinctionem rationis adstruere videtur; dicemusne ideo hanc & non aliam a Damasceno

fuisse intentam? Absit probum hoc à tam Diuino viro quàm longissimè ut hæresis Sabellianæ focum ipsum statuamus. Indagemus potius cum Thoma Aquinate sensum Scholasticum, & iuxta normam illius, temperata littera, in locum horroris succedet amabilis veritas. *Authoritas Damasceni* (inquit Aquinas ibidem ad primum) *sic intelligenda est: ratione, id est relatione. Et dicitur relatio ratio, per comparisonem ad essentiam: quia nempe sola ratione ab eadem distinguitur, licet realiter ab opposita sibi relatione differat*. En iterum Catholicam veritatem, vbi tamen exterior species hæreticam redolebat prauitatem.

VLTIMO. Nonne & hoc falsissimum, non dari in Deo ideas? imo vsque adeo veritati, id repugnat, ut Augustinus alibi dixerit, *qui negat ideas esse, infidelis est, quia negat Filium esse, & tamen (si in nuda iterum littera contendere quis velit) videbitur Diuus Dionysius eandem negasse, dum capite septimo de Diuinis nominibus dixit, Deus non cognoscit res secundum ideam*. Mehercule nisi rursus litteram hanc Scholastico more temperaueris, quasi infidelis apparebit Sanctissimus Dionysius. Confugiamus igitur, iterum atque iterum, & toties quoties similia occurrunt, ad Sanctum Thomam Scholasticum rigoris obseruantissimum & dubio procul Dionysium à tam turpi nota liberabimus. *Intentio Dionysij* (inquit in primo ad Annibaldum distinctione trigesima sexta, quæstione secunda, articulo primo ad primum) *est dicere, quod Deus non cognoscat res per ideam acceptam à rebus*. Non intendens utique negare ideas absolute, sicut verba sonant, sed solum ideas extrinsecus acceptas: qui sensus & verus est & Catholicus. Infinita (ut dixi) possent huiusmodi commemorari;

rari; sed ne superfluis immoremur, omitto.

ALIVD ABSVRDVM principale occurrit ex mutua ad invicem contradictione, quæ passim in dictis Sanctorum cueniet; si nuda semper litteræ attendatur. Videbitur interdum Augustinus contradicere Anselmo, Anselmus Augustino, Damascenus Dionysio, Nazianzenus Damasceno; passim alijs atq; absque ullo fœdere vel locutionis, vel doctrinæ. Quod verò, si concedimus; iam Sanctos Patres facimus tumultuosos litigatores, non graues veritatis tractatores. Vis autem eiusmodi contradictionum aliquas in dictis ipsorum conspiciere? Attende sequentia, quæ ex Diuo Thoma, hinc inde licet colligere.

IN PRIMIS (vt Author ipse est in caput primum Ioannis, lectione prima, non longè à principio) dicit Augustinus, *Ita dicitur Verbum Dei, vt cogitatio non dicatur*. Sed quid ad hæc Anselmus? *Dicere iunimo Spiritui* (inquit ille) *nihil est aliud quàm cogitando intueri*. En in verbis contradictio. Vnus cogitationem à Verbo Dei excludit, alius requirit.

RV RVSVS quæstione quarta de Veritate, articulo secundo, in quarto argumento, Anselmus ait, *Pater est dicens, Filius est dicens, Spiritus Sanctus est dicens*. Sed quid Augustinus? *Non singulari* (inquit) *in Trinitate est dicens; sed Pater Verbo suo*. En iterum iuxta litteram aperta contradictio. Vnus attribuit dicere omnibus personis, alius soli Patri.

DEINDE quæstione quinta ibidem, articulo nono in primo argumento, Damascenus sic satur, *Nos autem dicimus, quoniam ipsa scilicet superiora corpora, non sunt causa alicuius eorum quæ fiunt, nec corruptionis eorum, quæ corrumpuntur*. Sed quid Dionysius citatus in secundo argumento

sed contra? *Radius solaris* (inquit) *generationi visibilium corporum confert, & ad vitam ipsam mouet, & nutrit, & augeat*. En in verbis contradictio. Vnus causalitatem denegat celestibus corporibus respectu horum inferiorum, alius concedit.

TANDEM tertia parte, quæstione decima sexta, articulo septimo, in tertio argumento, Nazianzenus concedit loquendo de Christo, *hominem esse Deificatum*. Sed quid Damascenus in argumento sed contra? *Non hominem* (inquit) *Deificatum dicimus*. Nonne hoc iterum manifesta est contradictio, si sola superficies litteræ inspiciatur?

IMO QVOD CAPVT EST, si litteræ sectator proteruus esse velis, inuenies interdum Sanctum aliquem contradicere non solum alteri; sed & sibi ipsi. Patebit quoque id facillimè.

CONSIDERA PRIMO illa quæ iam diximus ex Anselmo; quòd scilicet dicere attribuit omnibus tribus personis, ac proinde quòd nomen Verbi non sit proprium soli Filio, & tamen alio in loco dicit, quòd Verbum non dicitur nisi personaliter, & quòd soli Filio proprium sit. *In hoc* (inquit Diuus Thomas loco citato) *videtur contrariari Anselmus sibi ipsi*.

CONSIDERA deinde ex Diuo Thoma, quæstione quinta de Veritate, articulo octauo in primo argumento, quòd Gregorius quodam in loco dicit, quòd *Deus mundum per semetipsum regit, quem per semetipsum fabricatus est*. Quasi negans quod mundum regat necdum aliqua creatura; & tamen alibi dicit, *in hoc mundo visibili, nihil nisi per creaturam visibilem disponi potest*. En contrarium iam affirmat.

PRÆTEREA Augustinus (vt refert Sanctus Thomas quæst. prima, de Veri-

Veritate articulo septimo) alibi asserit, quod veritas Diuina est summa similitudo principij sine ulla dissimilitudine: quasi veritas in Diuinis soli Filio conueniat, utpote cui soli conuenit summa imitatio principij, & tamen alio in loco habet, quod trium Personarum est una veritas. Quasi veritas in Diuinis conueniat non soli Filio; sed omnibus tribus Personis. Nonne hoc iterum est, secundum externam verborum superficiem sibiipsum contradicere.

QVID PLURA? Hæc & alia passim in Sanctis Patribus inuenire erit, si aliud nihil in tradendo ipsorum sensu sapere velinus, quam nudum sonum litteræ, aut apparentem vocum significationem. Quare concludamus (ut huiusmodi absurda vitentur) dicta Sanctorum, iuxta rigorem quoque Scholasticum, interdum esse temperanda, aut explicanda: quod in locis prædictis & in omnibus alijs, diligenter, fideliter & veraciter præstitit Sanctus Thomas: planè Theologiæ Scholasticæ cultoribus exemplum normamque relinquens, qualiter lectioni Sanctorum insudandum sit: non utique tanta cæcitate & pertinacia, ut contra fas nefasque, soli litteræ insulamur; sed potius, ut debito examinis pondere reliqua etiam quæ consideranda sunt, trutinantes, exponamus sententias ipsorum, cõ veracius, quod scilicet Theologicis locutionibus, seu rigori Scholastico conformius.

ET CERTÉ RATIO A PRIORI hoc ipsum etiam clarissimè suadet. Maximè si perpendatur id, quod in laudem Modernorum Scholasticorum scripsit noster Aquinas, in opusculo primo contra errores Græcorum ad Urbanum Quartum Pontificem. Maximum Monet in exordio opusculi ibi Sanctus Preceptor, quod Moderni fidei Doctores cautius & quasi

elimatius locuti fuerint circa doctrinam fidei, quam Sancti Antiqui. Et ea quidem de causa. Quia errores (inquit) circa fidem exorti occasionem dederunt Sanctis Ecclesiæ Doctoribus, ut ea quæ sunt fidei, maiori cum inspectione traderent, ad eliminandos errores exortos: sicut patet quod Sancti Doctores qui fuerunt ante errorem Arii, non ita expressè loquuntur de unitate Diuinæ essentiæ, sicut Doctores sequentes. Et simile de alijs contingit erroribus. Quod non solum in diuersis Doctoribus (prosequitur) sed in vno egregio Doctorum Augustino expressè apparet. Nam in suis libris, quos post exortam Pelagianorum hæresim edidit, cautius loquutus est de potestate liberi arbitrij, quam in libris, quos edidit ante prædicta hæresim ortum, in quibus libertatem arbitrij contra Manichæos defendens aliqua protulit quæ in sui defensionem erroris assumpserunt Pelagiani, Diuinæ gratiæ aduerfant. Et ideo non est mirum (concludit) si Moderni fidei Doctores post varios errores exortos cautius & quasi elimatius loquuntur circa doctrinam fidei ad omnem hæresim euitandam. Et immediatè post (quod ad rem nostram attinet) subiungit; Unde si aliqua in diuersis Antiquorum Doctorum inueniuntur, quæ cum tanta cautela non dicantur, quanta à Modernis seruatur, non sunt contemnenda aut abiicienda; sed nec etiam ea extendere oportet, sed exponere reuerenter. En amice Lector, totum id quod præsentī capite protuli, rationemque eius a priori. Protuli quidem, dicta Sanctorum interdum etiam iuxta rigorem Scholasticorum seu Modernorum esse temperanda seu reuerenter exponenda, sicut verbis citatis Sanctus Thomas eloquitur, & si rationem desideres, ea est utique firma & solida, quam Angelicus hoc in loco assignauit: quia videlicet Moderni fidei Doctores cum suis iam temporibus omnia errorum incrementa

pene absoluta conspexerint; profecto ad omnia & singula potuerunt attendere facilius, quàm Sancti Antiqui: sicque non mirum quòd cautius & quasi olimatiùs de rebus fidei loquantur, ad omnem hæresim cui-tandam, quàm Veteres illi, quibus tot hæresum errorumq; pestes necdum innotuerant, utpote quæ prioribus seculis adhuc quasi in cunabulis absconditæ latitabant. Quod si verum est (vti verissimè à Sancto Thoma profertur) sequitur manifestè, dicta antiquorum Sanctorum si quæ cum tanta cautela non dicantur, quanta à Modernis seruat, non esse continuò iuxta sonum litteræ in consequentiam trahenda; sed exponenda potius & temperanda iuxta id quòd Scholasticæ Theologiæ rigor flagitat, nec non modernorum Doctorum abundantior cautela præscribit.

Potissimùm autem hæc dicta sint, vt appareat, quàm parum solidè, imò & quàm temerè Vincentius auctoritates Sanctorum ad suas partes trahere conetur. Vt namque ex sequentibus constabit, adeo cæcè & pertinaciter in nuda littera, verbis & nominibus luxuriatur, vt omnis penitus rigoris Scholastici oblitus, eò præcisè sensum Sanctorum velit dirigere, quò litteræ primus aspectus, primaque superficies tendere videtur. Et reuera de ipso iure merito dici potest, id quod olim noster Aquinas de quodam translate ineped protulit, opusculo primo contra errores Græcorum, in fine. *Vtitur etiam*

Et ipse aliquibus modis loquendi, quos in auctoritatibus Sanctorum inuenit, qui (sicut superius dictum est) magis sunt reuerenter in dictis Patrum exponendi, quàm ab alijs usurpandi.

..

C A P V T IV.

Proponuntur in genere loca, quæ Vincentius adducit ex Sanctis Patribus.

OBIECTIONES igitur, quas Vincentius ex Sanctis Patribus efformat; iuxta veritatem & multiplicitatem testimoniorum, variæ quoque sunt & multiplices. Sed quia multa sine ordine confusionem parere solent; in eis recitandis, ordo necessarius erit, vt aliquid doctrinaliter & fructuosè tradi possit. Sicut ergo testimonia Diui Thomæ ad quatuor classes reduximus, ita eadem methodo vtentes, omnia in vniuersum Sanctorum dicta alijs sex classibus absoluemus.

In prima expendentur illa, quibus videntur docere, omnem actum voluntatis, eo ipso quo est voluntatis, esse liberum. In secunda statuuntur alia, quibus absolutè distinguunt, seu diuidunt voluntatem contra naturam. In tertia proponuntur ea, quibus videntur asserere, actum liberum esse, eo ipso quo ducem habet rationem. In quarta adducentur nonnulla, quibus adstruunt necessitatem peccandi. In quinta considerabuntur reliqua, quibus Deo & Beatis necessitatem tribuunt, & tamen simul libertatem. In sexta tandem tota machina absoluetur vno vel altero dicto, quo actibus omnino necessarijs laudem adscribere comprobantur.

Ex prima Classe argui potest sic. Omnis actus voluntatis eo ipso quo est voluntatis, est liber: ergo quantumvis necessarius; si tamen voluntatis sit, liber esse debet.

Ex Secunda sic. Voluntas differt à natura: ergo nunquam agit per mo-

modum naturæ: ergo semper libere, ac proinde etiam liberè in actibus necessarijs.

Et tertia sic. Actus est liber eo ipso, quo ducem habet rationem, sed multi actus voluntatis quantumvis necessarij, habent ducem rationem: ergo multi tales sunt liberi.

Ex quarta sic. Quando peccamus, necessitate peccamus, & tamen peccamus liberè: ergo stat necessitas cuni libertate.

Ex quinta sic. In Deo & in Beatis est necessitas, & tamen simul libertas: ergo idem quod prius.

Ex sexta tandem sic. Laus attribuitur actibus omniuno necessarijs; sed laus nou attribuitur nisi liberis: ergo actus omnino necessarij, sunt liberi. Sed examinemus specialiter singula, vt appareat, quam veritatem habeant & qualiter concludant.

SECTIO I.

Soluuntur specialiter loca Sanctorum Patrum spectantia ad primam Classem.

AD PRIMAM CLASSEM PERTINET PRIMO locus ille Augustini, libro tertio de libero arbitrio capite tertio, vbi magnus ille Theologorum imperator contra Ciceronem, præscientiam Dei negantem, hoc modo disputat. *Voluntas nostra nec voluntas esset, nisi esset in nostra potestate. Porro quia est in nostra potestate, libera est nobis. Non enim est nobis liberum, quod in potestate non habemus. Ita fit, vt Deum non negemus esse præsciens omnium futurorum, & nos tamen velimus, quod volumus. Cum enim sit præsciens voluntatis nostræ; cuius est*

præsciens, ipsa erit: voluntas ergo erit, quia voluntatis est præsciens. Nec voluntas esse poterit, si in potestate non erit. Vbi etiam addit, se faciliè de tam magna questione respondere.

Sed iam insert Vincentius, quòd dicta ista Augustini vera non sunt, si voluntas esse possit, quæ libera non sit. Probat nanique, nostram libertatem à Dei præscientia minimè violari, ex eo quòd futura est voluntas, quam Deus futuram prævidet. Ergo supponere debet (inquit) voluntatem eo ipso quo voluntas est, suam necessariò secum libertatem asserre. Sic in sua Theriaca, libro primo, capite tertio. Et si cætera Sancti Augustini testimonia congerere hoc loco velini, quibus Vincentius contendit omnem voluntatis actum in Augustini Philosophia liberum esse; integrum certè caput, sicut ipse instituit; imò & plura alia instituenda essent. Quod quia superuacuum iudico, cum eadem omnino sit difficultas; ad aliorum Sanctorum dicta me confero. In quibus licet difficultas etiam sit eadem; non tamen est eadem ratio omittendi; nam ex singulis vnum aliquod referre, si non ad necessitatem, ad decorem saltem ornatumque poterit pertinere.

PERTINET ERGO SECVNDO ad eandem Classem alius locus Prosperi libro contra Collatorem capite trigesimo octauo. *Non conturbat nos (inquit) superbientium (Semipelagianorum) inepta querimonia, qui liberum arbitrium causantur auferri, & si principia & profectus & perseverantia in bonis vsque in finem, Dei esse dona dicantur. Quoniam opinationes Diuinæ gratiæ, stabilimenta sunt voluntatis humanæ. Volentes oramus, & tamen misit Deus, spiritum in corda nostra clamantem, Abba Pater, Volentes loquimur; & tamen si pium est quod loquimur, non sumus nos loquentes, sed Spiritus Patris nostri qui loquitur in nobis, volentes operamur.*

ramur salutem nostram; & tamen ipsum velle & operari Deus est qui operatur in nobis. Volentes diligimus Deum & proximum, & tamen caritas ex Deo est infusa in cordibus nostris per Spiritum Sanctum, qui datus est nobis.

Modo iterum Doctor Vincentius. Ecce (inquit) quoties replicat illud volentes, & ideo libertatem arbitrij in orando, loquendo, operando, diligendo, gratia non everti dicit, quia volentes ista omnia facimus. Quod quid aliud est, quam voluntatem esse libertatem, & nos omnia liberè agere, quæ voluntate agimus? In Philosophia autem nostra nõ sic contingit; sed potius argumentum hoc Prosperi (volentes diligimus: ergo liberè diligimus) simile est isti, homo est animal, ergo homo est equus. A genere quippe non distributo ad certam speciem.

PERTINET TERTIO doctrina Sancti Fulgentij, libro secundo, capite quarto de Veritate Prædestinationis. His verbis (inquit) quibus dicitur si volueritis & si nolueritis, procul dubio libertas humani declaratur arbitrij, velle enim & nolle, voluntatis esse nullus ignorat.

Ad hæc rursus Vincentius. Velle & nolle liberum esse conuincit, quia sunt voluntatis. Quæ probatio (ait) iterum sophisticè à genere non distributo ad speciem vnā procedit; si aliquod velle sit, quod voluntas non liberè elicit.

PERTINET QVARTO Damascanus, dum libro tertio, capite decimo quarto Fid. Orthod. definit. Quod arbitrij libertas nil aliud est, quàm voluntas. Possitne aliquid (infert Doctor noster) esse euidentius quàm istud?

PERTINET QVINTO Anselmus libro de Concord. capite secundo. Ex libertate fit, quod fit ex voluntate. Glossa Vincentij; Quid ergo euidentius, quàm vbi voluntas est, secundum eius Philosophiam, ibi & libertatem esse?

PERTINET SEXTO & vltimò,

Bernardus in præclaro illo libello de libero arbitrio. Consensus voluntarius (inquit) est habitus animi liber sui, siquidem non cogitur, non extorquetur. Est quippe voluntatis, non necessitatis. Nec negat se, nec præbet cuiquam, nisi ex voluntate. Alioqui si compelli valet inuitus, violentus est, non voluntarius. Vbi ergo consensus, ibi voluntas, porro vbi voluntas, ibi libertas.

Clamat hic eximius Dominus; Quid immediatius, quid expressius, quid euidentius dici à quoquam potest? Nonne ex directione Spiritus Sancti videntur ista à Sancto Bernardo aduersus (nostram) musteam Philosophiam esse scripta?

O quàm musteus potius est clamor ille tuus, Vincenti! Nam loca illa Sanctorum ad talem Philosophiam, qualis tua est, velle accomodare, omnino inter Theologos nouum est & inauditum. Lege Estium eximium quoque Dominum, nec non de Theologia Scholastica propter doctissima scripta, longè nobilius bene meritum; & (vt ipse testatur) loca similia non Catholici; sed hæretici (vt Caluinus & Bucerus) adducunt, ad probandum sufficere ad libertatem, id quod tu dicis sufficere, videlicet non coactè sed sponte & voluntariè operari.

QVAPROPTER sicut hæretico hæc mihi obijcienti, vnico verbo responderem, ita & tibi eodem verbo breuissimè satisfacio. At verbum, est, non meum, sed Angeli illius, qui Thomisticam linguam & calammum regit, sicut non humano ductu, ita certissimo & verissimo. Docet itaque ille Diuine mentis ac proinde & Sanctorum interpres (vt supra luculenter ostendimus) voluntatem nostram partiri in duos conceptus, & in conceptum naturæ (est etenim sicut & aliæ res, natura quædam) & in conceptum voluntatis vt voluntas est forma-

In The
ria. lib.
1.
c. 4.

In The
ria. ibi.
3. c. 4.

In The
ria. lib.
1. c. 5.

In The
ria. lib.
1. c. 5.

Estius
in 4.
Distin.
24. §. 2.

Suprà
1. 2. c. 4.
per 10.
num.

formaliter; quòd propriè sibi suprà alias res vendicat. Hæc autem est diffèrentia inter vtrumque illum conceptum, quòd voluntas vt natura, agit necessariò, & non liberè, cum prout sic sit determinata ad vnum: voluntas verò, formaliter in quantum voluntas, agit semper liberè, cum prout sic ad opposita se habeat. Nam (vt ipse quæstione secunda de Potentia, articulo tertio in Corpore fatur) *Voluntas in quantum voluntas, ad vtrumlibet se habet*. Vnde etiam, cum quæstione vigesima secunda de Veritate, articulo quinto in septimo argumentum *Sed contra*, sibi obiecit; *Ex eo quod aliquid est voluntarium, dicitur esse in nobis, ita quòd nos domini illius sumus: sed illud quod est in nobis cuius domini sumus, possumus velle & non velle ergo omne quod voluntas vult, potest velle & non velle; & ita nõ de necessitate aliquid vult; cum (inquam) hoc sibi obiecit; ad probandum quòd voluntas nil de necessitate velit, sic respondet adhibita distinctione de voluntate vt natura est, & de voluntate vt voluntas est. Ad septimum (inquit) dicendum, quòd ratio illa (scilicet quòd est à voluntate, dicitur esse in nobis, ita quòd nos domini illius sumus) procedit de voluntate secundum quod voluntas est. Hoc enim est proprium voluntati, in quantum est voluntas, quòd sit domina suorum actuum. Quasi dicat, solum nos esse dominos seu liberos circa illud, quod est à voluntate non qualitercumque, sed à voluntate in quantum voluntas est. Cum quo tamen comparatur aliquid esse à voluntate vt natura, omnino necessariò & non liberè.*

Hac ergo distinctione verè scholastica (vt pote Scholasticorum Principis) tota vis trix machinæ, Vincenti, corrigit & dissolvitur. Dico consequentias illas factas à Sanctissimis illis Patribus, esse omnino legitimas

& bonas, nec defectum à te imaginatum à genere non distributo ad speciem, continere. Scis quare? Attende Prius ad verba Sancti Thomæ, *ratio illa procedit de voluntate secundum quòd voluntas est*. Sic & ego tibi Cōsequentiæ illæ Sanctorum procedunt de voluntate secundum quòd voluntas est; & in hac acceptione bene & rectè omnino Sancti intulere. Bene intulit Augustinus, *Præscius est nostræ voluntatis* (scilicet secundum quòd voluntas est) ergo libertatis.

BENE Sanctus Prosper; *volentes oramus* (scilicet voluntate secundum quòd voluntas est) ergo liberè.

BENE Fulgentius; *velle & nolle est voluntatis*. (scilicet secundum quòd voluntas est) ergo liberum.

BENE Damascenus; *arbitrij libertas nil aliud est quàm voluntas*. Scilicet secundum quòd voluntas est.

BENE Anselmus; *voluntate fit* (scilicet secundum quòd voluntas est) ergo ex libertate fit.

BENE tandem Bernardus; *est alibi voluntas* (scilicet secundum quòd voluntas) ergo & ibi libertas.

Ratio omnium est vna & eadem; quia nunquam contingit voluntatem velle in forma formali (scilicet in quantum voluntas est) quin velit liberè. Licet quandoque contingat eam velle, vt natura est, minime tamen liberè. Sed iam recordare, quòd quotiescumque vult in quantum voluntas est, semper velit cum potestate ad oppositum, ac proinde quotiescumque vult liberè, semper vult cum eadem indifferentia. Vt namque Angelicus noster fatetur; *hoc est proprium voluntati in quantum voluntas est, quòd sit domina suorum actuum, seu possit velle & non velle*. Et rursus; *voluntas in quantum voluntas, àm sit libera, indifferenter se habet ad vtrumlibet*. Non ergo ex prædictis au-

thoritatibus probare licet, Vincenti, dari aliquod velle liberum, necessarium tamen & non indifferens quæ liberum.

Quod autem hæc explicatio sit absque vlla ratione dubitandi legitima & genuina Sanctorum mens; manifeste patet ex quatuor.

Suprà
lib. 1. à
capite
12. &
de in-
cepis.

PRIMO: quia cum suprà de eorum sensu & sententia egimus, clarissimis verbis ostendimus, ipsos ad veram libertatem exigere, voluntatem non qualemcumque, aut qualitercumque sumptam: sed voluntatem cum indifferentia seu potestate ad oppositum: ergo & tali modo eandem exigunt hic: nisi quis velit eos in eadem materia sibi contradicere, quod velle non potest, nisi qui os suum in cælum ponere non veretur.

SECUNDO: quia quotiescumque prædictas consequentias Sancti faciunt (ut ex subiecta materia evidentissime constat) loquuntur continuò de voluntate hominis viatoris: voluntas autem hominis viatoris ex iudicio rationis operans, nunquam vult purè ut natura, sed semper ut voluntas formaliter: cum nullum obiectum, ei in via proponatur, nisi ad minus cum indifferentia exercitij circa illud, ut suprà etiam ex Diuo Thoma ostensum est.

Suprà
li. 2. ca.
18. §.
Quod
acti es-
sentialiter

TERTIO & hoc ad hominem. Ut Vincentius fatetur, hæretici contra quos Sanctorum erat disputatio, ponebant voluntatem sub Divina, motione taliter agere, ut potius à Deo ageretur sicut natura brutalis: ergo ut hanc falsam imaginationem Sancti destruerent, dicendum est eos pro medio assumpsisse voluntatem non secundum illum conceptum naturæ, in quo cum bruto, quoad modum agendi convenit; sed alteram illam voluntatis ut voluntas est formaliter, per quem à bruto differt: *Hoc enim* (inquit Divus Thomas

articulo citato de Veritate ad Quintum in contrarium) *est considerare ipsam secundum quod ei est proprium.* Imò & ipsi hæretici libertatem oppugnantes, proprijs suis verbis hunc conceptum voluntatis latenter seu ignoranter admittebant: dicebant enim nos velle, nos nolle, & quod ipsa voluntas hominis erat, quæ hoc respuebat, quæ istud prosequebatur. Ex quo Sancti, quasi propria ipsorum confessione eos redarguentes, argumentabantur hoc modo. Vosmet fatemini, vos velle, vos nolle, volitione scilicet quæ propriè est volitio, nolitione quæ propriè est nolitio: ergo voluntate vultis, voluntate non vultis, voluntate scilicet quæ propriè & formaliter est voluntas, & non potentia aliqua brutalis quoad modum operandi: ex quo tandem concludebant, ergo liberè vultis, liberè non vultis; quia videlicet voluntate vultis, quæ formaliter est voluntas, & sic in modo operandi distincta à brutis.

Et ne me putes fingere, Vincenti; temet in testem voco. Ut in Theriaca tua fateris, Cum Manichæo libertatem arbitrij oppugnanti, verba ista excidissent (qui legem sibi à Deo datam plenius servare noluerit) statim excipit & exclamat Augustinus; vides in his verbis confirmatum esse etiam à nesciente quid loqueretur, liberum arbitrium? Qui enim servare legem non vult, in potestate eius est, si velit. Non enim dixit, non potuerint, sed noluerint. Hoc certè quod nolunt servare legem non à gente tenebrarum coguntur: si enim, coguntur, non nolunt; sed non possunt. Quid quæso hoc sibi vult? Nonne ipsissimus modus arguendi, quem iam exposui, videlicet Manichæum istum propria sua confessione ab Augustino redargui? Sic enim quasi arguit; tu Manichæe nescienter libertatem fateris: & hoc probò, quia dicis hominem

In The-
ria. l. 1.
cap. 3.
circa
metu.

fec-

seruare legem nolle : quod si hoc verum est ; in potestate utique eius est seruare si velit : quod enim non facimus nolendo (nolitione scilicet quæ formaliter est nolitio) hoc facere possumus , quando volumus : ergo velis , nolis ; ex proprijs tuis dictis libertatem sateri cogeris . En qualiter pro medio assumat velle & nolle in sensu formali , prout scilicet sunt à voluntate , in quantum voluntas est . Alij enim actus qui sunt à voluntate vt natura , non sunt proprii & formaliter velle & nolle : licet defectu terminorum velle & nolle etiam vocentur , quia ipsi voluntati utcumque insunt .

QUARTO tandem : nam exponendo Sanctos , sicut nos exponimus , quod scilicet loquuntur de voluntate secundum quod voluntas est formaliter ; ponitur ipsos loqui in sensu formali & proprio sicut verè Theologos loqui decet : intelligentes nomine voluntatis , id quod reuera formaliter est voluntas , & soli homini proprium , non autem aliquid quod in modo saltem agendi est commune hominibus & brutis , sicut est conceptus naturæ : ergo dignius , verius & excellentius sic exponuntur , quam aliter .

NEC OBIICIANT mihi Patristæ Louanienses , distinctionem illam de voluntate in quantum natura est , & de voluntate in quantum voluntas est formaliter , esse nimis metaphysicam , Scholasticam & reduplicatiuam : ac proinde verisimile non videri , huiusmodi quid fuisse de mente Sanctorum Patrum .

Non (inquam) mihi sic obijciant , Nam indigna prorsus est viris sapientibus hæc obiectio . Videretur potius esse illius idiotæ , de quo aiebat Sanctus Thomas primo contra gentes capite tertio , *maxime amentia esset idiota , quia quæ à Philosopho propo-*

nuntur , falsa esse assereret propter hoc quod ea capere non potest . Concedo ergo libentissimè , distinctionem traditam , esse metaphysicam : concedo Scholasticam esse & reduplicatiuam : sed ideone à mente Sanctorum reijcienda tamquam aliena ? Tamquam à nobis conficta & à Sanctissimis Præceptoribus minime cogitata ? Profecto si ita est ; dicamus Sanctos omnes Metaphysicæ fuisse ignaros , Scholasticas formalitates nesciisse , sensus reduplicatiuos non curasse , sine quibus tamen mille & mille veritates Catholicæ , nec rectè defendi poterunt imo nec explicari . Perpende potissima mysteria Fidei , de incarnatione , de Trinitate , de prædestinatione &c. Et videbis . Vnde & rectè dixit subtilis Scotus in tertio , Distinctione vigesima quarta , questione vnica paragrapho . *Si loquamur de secundo modo , quod immiscere Philosophiâ Scripturæ Sacræ & præcipuè metaphysicalia , sine dubio multum valet , vt veritas Scripturæ de Trinitate & intelligentijs & abstractis intelligatur .*

Præterea distinctio quam tradidimus , est in terminis Sancti Thomæ , non semel tantum ab ipso adhibita , sed toties quoties de voluntate libera ipsi sermo fuit . Si ergo ipsi placuit , si tanto Theologo digna visa fuit , vt in medium proferretur , pro libertatis natura explicanda ; qua ratione in præsentiarum reprobanditur , dum eandem ad Sanctorum Patrum sensum applicare contendimus ?

Deinde formalitas sensus reduplicatiui , nonne varijs in locis Augustino vsui fuit , ad obiectiones Iuliani diluendas ? Cur ergo hoc loco tamquam ab ipsis & aliorum Patrum mente , aliena reijciat ? Dixit Angelinus libro tertio , contra Iulianum , capite septimo , *quando ego negam naturam hominum esse laudabilem , in quan-*

quantum homines sunt? En sensum reduplicatiuum. Dixit capite nono, eodem libro, *horum bonorum finis homo est, quod in quantum homo est, bonum est.* En iterum sensum reduplicatiuum. Dixit capite vigesimo secundo, *coniugium bonum, in quantum coniugium, est.* En sensum reduplicatiuum. Et immediate post; *homo siue de coniugio siue adulterio nascatur, in quantum homo est, bonum est.* Iterum sensus reduplicatiuus. Rursus, *in quantum homo est, opus Dei est.* Iterum sensus reduplicatiuus. Si ergo toties sensus reduplicatiui formalitate vitur; quid Louanienſes Patristæ eundem tamquam à mente Sanctorum alienum mihi obijciunt? Qui nouit hominem vt natum de stirpe Adæ, distinguere à seipſo, in quantum est homo formaliter, asserens sub prima ratione malum esse, sub secunda bonum; an nè idem ignorabit, voluntatem vt naturam, distinguere à se ipsa in quantum voluntas est formaliter; ita vt sub prima ratione sit expers libertatis, sub secunda autem, libera?

Imo si parum fidelius & attentius Scripta Augustini perpendimus; inueniemus etiam præfatam distinctionem, traditam ab eo fuisse in proprijs terminis. Considera istud libro de duabus animabus capite duodecimo; *quamobrem illæ animæ si natura non voluntate faciunt, id est, si libero ad faciendum & non faciendum animi motu carent.* En in primis voluntatem usurpatam pro eo quod voluntas est formaliter, scilicet vt dicit liberum ad faciendum & non faciendum animi motum. Et rursus illud; *si natura natura, an voluntate?* Et iterum illud cum Felice Manichæo, in meritis malis, *non natura necessitatem facit, sed voluntas culpam.* Et denique; *non Dominus dicit, aut hoc facite aut illud facite, potestatem* (id est vo-

luntatem) *indicit non naturam.* In quibus locis apertissime distinguit modum agendi naturæ tamquam non liberum & modum agendi voluntatis tamquam liberum; & cum ex alia parte non potuerit ignorare, quod ipsa voluntas etiam natura quædam est; quia omne quod in rebus inuenitur, natura quædam dicitur, vt inquit D. Thomas quæstione vigesima secunda de veritate artic. quinto in Corpore; hinc euidenter fit, ipsum quoque in voluntate, modum agendi naturæ agnouisse, præter modum agendi voluntatis vt voluntas est. Ex quo vterius fit iuxta mentem eius, voluntatem etiam quandoque operari non liberè, scilicet quando operatur vt natura quædam, sicut contingit in actibus specificatiuè & elicitiuè necessarijs: licet semper liberè operetur, quando agit vt voluntas formaliter. Vnde idem Augustinus dixit libro tertio de libero arbitrio capite primo, *nec enim ulla culpa* (seu libertas) *deprebendi potest, vbi natura necessitasque dominatur* (id est) *solum vbi natura aliarum rerum dominatur, sed etiam vbi natura ipsius voluntatis dominatur, cum tam ipsa, quam aliæ res, suam etiam naturam necessitatenique habeant.*

In hoc sensu Sancti omnes, voluntatem sumpserunt, quando ex illa libertatem concludere; vt scilicet nomine voluntatis intelligerent, non voluntatem vt natura est, sed voluntatem vt voluntas est formaliter. Et cum teste Diuo Thoma, *voluntas in quantum voluntas, cum sit libera, indifferenter se habeat ad vtrumlibet*; hinc ex voluntate hoc modo accepta, rectè libertatem intulerunt, non tamen absque indifferentia, vt Vincentius perperam contendit.

En igitur, Vincenti, Primam Classen armorum tuorum dirutam; non certè vi aut violentia aliqua extrinseca;

seca; sed ex ipsa proprietate materiae, ex ipso sensu Sanctorum, ex ipsis principiis Theologiae Scholasticae, denique ex ipso Scholasticorum Principe Thoma Aquinate.

SECTIO II.

Soluntur loca Sanctorum Patrum, spectantia ad secundam Classem, & per transennam locus quidam Scoti.

AD SECUNDAM CLASSEM reduco omnia illa loca, in quibus Sancti videntur distinguere naturam contra voluntatem. Ex quo fiet, quod nullus motus voluntatis poterit esse naturalis, sed potius omnis eius motus erit dicendus liber: sicque actus necessarij, cum sint quoque motus voluntatis; liberi erunt, non naturales, ut nos contendimus.

AD HANC Igitur CLASSEM PERTINET PRIMO, illud Augustini libro secundo de duabus Animabus capite duodecimo; *Illae animae quidquid faciunt, si natura; non voluntate faciunt*. En distinguit naturam contra voluntatem. Huic loco adiungit Vincentius alia plura; sed ne superfluis immoremur, omitto.

PERTINET SECUNDO, illud Bernardi sermone octuagesimo primo in Cantica capite octavo: *interueniente peccato (ait) patitur quidam vin & ipse (homo scilicet) sed a voluntate, non a natura, ut ne sic quidem ingenua libertate primetur*. En etiam distinguit naturam contra voluntatem. Sic Vincentius.

PERTINET TERTIO, propositio illa Augustini libro tertio de libero arbitrio, capite primo. *Motus voluntatis non est ullaque naturalis, sed*

voluntarius. En expressissime motum naturalem motui voluntatis opponit Sic iterum Vincentius.

Et Dñs Thomas (prosequitur) dogma istud expresse tradens; sic fatur Prima Secundae quaestione decima, articulo primo ad primum. Voluntas dividitur contra naturam, sicut una causa contra aliam, quaedam enim sunt naturaliter, quaedam voluntarie.

Sed adiungit etiam subtilem Scotum his verbis ex quaestione quodlibetica decima sexta, *voluntas semper habet suum modum causandi proprium, scilicet liberè. Non magis igitur voluntas potest esse naturaliter actiua (id est habere motum naturalem) quam natura, ut est principium distinctum contra voluntatem, potest esse liberè actiua.*

Quem locum pariter citatum inuenies in Cornelio Iansenio, & tanta quidem cum iactantia, ut non mediocriter se admiratum fuisse dicat; cum tandem Doctorem istum, quem nondum legerat, omniumque Scholasticorum remotissimum à sua doctrina crediderat; fortissimum eius defensorem esse deprehendit.

Antequam ad huiusmodi respondeamus; scire oportet quod Sanctus Thomas bis sibi obiecit istam consequentiam; quae hic ex Sanctis Patribus nobis obijcitur. Consequentia, quae obijcitur, est haec. Sancti Patres distinguunt naturam contra voluntatem, seu naturalem contra voluntarium, ut ex locis inductis constat; ergo sentiunt voluntatem nunquam operari ad modum naturae, seu non habere aliquem motum naturalem. Dico quod eandem consequentiam, vel potius idem principium bis sibi obiecit Dñs Thomas. Semel Prima Secundae quaestione decima, articulo primo, in primo argumento, ad probandum quod voluntas non moveatur ad aliquid naturaliter. *Agens enim naturale (inquit) dividi-*

Vincen-
tius ibi.

Scotus.

Cornel.
Iansen.
tom. 3.
lib. 6. c.
25.

Vincen-
tius in
Thetia
coll. 1.
c. 2.

Vincen-
tius ibi.

Vincen-
tius ibi.

tur contra volutarium, vt patet in principio secundi Physicorum, non ergo voluntas ad aliquid naturaliter mouetur. En idem principium seu eandem omnino consequentiam. Deinde, quæstione vigesima secunda de Veritate, articulo quinto in sexto argumento *sed contra*, idem obijcit, licet alijs terminis, ad probandum quod voluntas non de necessitate aliquid vult. Nam quod de necessitate (inquit) determinatur ad aliquid, naturaliter est determinatum ad illud: *sed voluntas contra naturalem appetitum diuiditur: ergo voluntas non de necessitate aliquid vult*. En iterum idem, prorsus Principium.

Sed nunc videamus quid Sanctus Doctor ad hæc respondeat, vt & nos sciamus, quid ex mente eius Sanctis Patribus in hac parte respondendum sit. Ad argumentum igitur factum, in Prima Secundæ, respondet sic. *Ad primum dicendum, quod voluntas diuiditur contra naturam, sicut vna causa contra aliam. Quædam enim sunt naturaliter, & quædam sunt voluntarie. Est autem alius modus causandi proprius voluntati, quæ est domina sui actus, præter modum qui conuenit naturæ, quæ est determinata ad vnum: sed quia voluntas in aliqua natura fundatur, necesse est quod modus proprius naturæ, quantum ad aliquid participetur à voluntate: sicut quod est prioris causæ, participatur à posteriori: est enim prius in vnaquaque re, ipsum esse, quod est per naturam, quam velle, quod est per voluntatem. Et inde est quod voluntas naturaliter aliquid vult.*

Caiet. Sensus huius solutionis teste Caietano est; quod voluntas consideratur dupliciter: scilicet vt res, & vt causa: est enim & in genere rei res talis, puta apta nata velle; & in genere causæ, causa talis, puta libera. Quum autem voluntas distinguitur contra naturam, non distinguitur vt res talis contra ta-

lem rem, sed vt causa talis contra causam talem. Id est, quod non distinguitur distinctione reali rei à re, quasi eadem res, non possit esse natura & voluntas; sed solum distinctione causalitatis: quia nimirum, non potest eadem esse causalitas seu idem modus causandi, quem illa res habet vt natura, & quem eadem habet vt voluntas: vt natura enim, causat quia est, ac per hoc est causa determinata ad vnum; vt voluntas autem, est causa quia vult, ac per hoc est causa libera ad vtrumlibet.

Ad aliud autem ex quæstione de veritate respondet hoc modo. *Ad sextum dicendum, quod voluntas diuiditur contra appetitum naturalem cum præcisione sumptum, id est qui est naturalis tantum, sicut homo contra id, quod est Animal tantum: non autem diuiditur contra appetitum naturalem absolute, sed includit ipsum, sicut homo includit Animal.* Sensus huius solutionis aliquid explicat supra primam. Videlicet quod voluntas diuiditur contra naturam seu naturalem appetitum, etiam distinctione rei à re. Sed tunc debet sumi natura cum præcisione, pro eo scilicet quod est natura tantum, sicut est omnis alia natura præter voluntatem. In hoc namque sensu constans est, quod non potest esse eadem res, natura & voluntas, sicut nec potest esse idem animal, id quod est animal tantum, & id quod est homo.

EX HIS HABEMVS principium istud; *Natura distinguitur contra voluntatem, dupliciter exponi à Diuo Thoma. Vno modo, ita vt intelligatur non de distinctione rei à re, sed de distinctione diuerforum modorum causandi, qui possunt esse etiam eiusdem rei. Alio modo, ita vt intelligatur etiam de distinctione rei à re; sed tunc debet sumi natura, cum præcisione, pro eo, quod est natura*

tura tantum. Iuxta has ergo expoſitiones dupliciter quoque reſpondeo ad loca Sanctorum inducta, & ad omnia ſimilia.

SEQVENDO PRIMAM; diſtinguo antecedens argumenti facti, ſub hac forma. Sancti Patres diſtinguunt naturam contra voluntatem diſtinctione rei à re; nego antecedens: diſtinctione diuerſorum modorum cauſandi, qui etiam poſſunt eſſe in eadem re, concedo antecedens: ergo ſentiunt voluntatem nunquam operari ad modum naturæ, ſed ſemper liberè; vel nego abſolutè conſequentiam, vel diſtinguo; quando ipla operatur vt voluntas formaliter, concedo conſequentiam: quando operatur vt natura quædam, nego conſequentiam. Itaque voluntas ſemper operatur liberè, & nunquam ad modum naturæ, quotieſcumque operatur vt voluntas formaliter, vt ſuprà ſeſtione præcedenti dicebamus. Cum hoc tamen compatitur, quòd ſub alio conceptu ſcilicet vt natura quædam (poſteſt namque vterque ille modus cauſandi in eadem re eſſe) interdum operetur naturaliter, ſeu motu naturali non libero. Quod & nos quoque libro ſecundo latè oſtendimus. Diſtinctio clara eſt, & omnino vera. Quam etiam fuſè proſequitur noſter Caietanus loco citato. Quando ergo Auguſtinus dixit, *anima ille ſi natura id faciunt, non faciunt id voluntate*; ſeu liberè; ſenſus eſſe debet iuxta primam hanc expoſitionem; quòd non ſtat aliquid facere voluntate, vt voluntas eſt ſeu liberè; & facere illud ad modum naturæ, ſeu voluntate vt natura eſt. Eodem modo explicanda ſunt reliqua.

SED SEQVENDO SECVNDAM expoſitionem, poſteſt & aliter dici ad illud antecedens, Nimirum admittendo gratis, quòd Sancti Patres diſtinguunt naturam contra

voluntatem, etiam diſtinctione rei à re; ſed tunc in forma diſtinguo ſic. Diſtinguunt diſtinctione rei à re naturam contra voluntatem; naturam ſumptam cum præciſione, ſeu pro eo quòd eſt natura tantum, concedo antecedens: naturam abſolutè; nego antecedens. Quia hæc abſolutè clauditur in voluntate, ſicut animal abſolutè clauditur in homine. Ergo ſentiunt voluntatem nunquam operari ad modum naturæ, diſtinguo conſequens eodem modo; ad modum naturæ cum præciſione, concedo conſequentiam: ad modum naturæ abſolutè, nego conſequentiam. Itaque licet voluntas nunquam operetur ad modum naturæ cum præciſione, ſicut operatur id quòd eſt natura tantum; operatur tamen interdum ſicut natura abſolutè, cum etiam in ſe rationem cuiusdam naturæ abſolutè contineat. Quod etiam ſufficit, vt non habeat actum liberum; ſed aliquando etiam naturalem, quia non ſolum id quòd eſt natura tantum, habet actus naturales; ſed etiam id quòd eſt natura abſolutè; ſicut non ſolum id quòd eſt animal tantum, ſentit; ſed etiam id quòd eſt animal abſolutè, verbi gratia, homo. Pariter ergo, quando Auguſtinus dixit, *anima ille ſi natura id faciunt, non faciunt id voluntate*; ſenſus eſſe debet iuxta hanc expoſitionem, quòd non ſtat, aliquid facere liberè ſeu voluntate formaliter, & facere illud ad eum modum, quo operantur naturæ aliarum rerum, quæ ſunt naturæ tantum. Quæ utique veriſſima ſunt, & nobis minime aduerſantur.

Et per hoc etiam patet ad locum inductum ex Sancto Thoma. Iam enim conſtat, qualiter ibi voluntatem contra naturam diuidat; diſtinctione ſcilicet non rei à re, ſed diuerſorum modorum cauſandi, naturalis nempe & liberi, qui poſſunt etiam in eadem

eadem re inueniri. Vnde & iuxta mentem eius, eadem voluntas interdum habet hunc modum cauſandi, nempe naturalem, & interdum illum, nempe liberum.

SED QUID AD DOCTOREM SVBTILEM? Dico quòd ipſe ſecundum Caietanum ubi ſuprà, *Diſlinxit voluntatem contra naturam, non ſolum in genere cauſa, ſed in genere rei, ſeu tamquam rem à re: ita vt crederet, eandem voluntatem non poſſe habere actum liberum & actum naturalem.* Vnde quoad hoc, tranſeat quòd Scotus nobis contradicat. Poſſet nihilominus expliari iuxta ſecundam ſolutionem: videlicet quando diuidit naturam contra voluntatem, diſtinctione rei à re; quòd ſummiſit naturam cum præciſione, ſeu pro eo quòd eſt natura tantum: cum nulum verbum in tota illa quæſtione. Quodlibetica inueniatur, indicans ipſum loqui, etiam de natura abſolutè. Et ſic poſſet dici, quòd nec in hoc puncto nobis aduerſatur. Niſi fortè in modo loquendi, qui in eo coſiſtit, quòd Scotus non vult vllum motum voluntatis vocari naturalem, cum non habeat pro naturali, niſi id quòd eſt naturale tantum: nos autem aliquem eius motum naturalem dicimus, cum exiſtimemus etiam eſſe naturale id quòd eſt naturale abſolutè.

Imo eſto etiam quòd Scotus diſlinxiſſet voluntatem contra naturam tantum abſolutè, ita vt voluntas nec identicè poſſet eſſe natura quædam; tamen adhuc Vincentio quoad principale punctum libertatis minimè patrocinatur. Quando enim docet nullum actum voluntatis eſſe naturalem, ſed omnem liberum; ita, vt libera etiam ſit libertate eſſentiali productio Spiritus Sancti, proſecto nullo modo mens illius eſt, quòd huiusmodi libertas, præciſa etiam li-

bertate contradictionis, ſit ſufficiens ad meritum & demeritum, vt Vincentius contendit. Hoc enim neſcio ſi vnquam Scotus ſomnauit. Vnde clariſſimè & ſine vlla proſus nube dubitationis in Secundo, Diſtinctione ſexta, quæſtione ſecunda, *S. Ad videndam ſolutionem iſtarum*, expreſſè exigit ad meritariam & demeritoriam libertatem, id quòd nos cum communi ſententia exigimus, videlicet indifferentiam ſeu poteſtatem ad oppoſitum.

Libet verba eius huc tranſcribere, vt nemini ambiendi locus remaneat. Loquens igitur in caſu, quò Angelus haberet appetitum intellectiuium merè, vt appetitum talem, & non vt liberum; ſic ſatur. *Talis Angelus non poſſet non velle commoda, nec etiam non ſummè velle talia, nec imputaretur ſibi in peccatum. Quia iſte appetitus ſe haberet ad ſuam cognitiuiam, ſicut modò appetitus viſiui ad viſum, neceſſariò conſequendo oſenſionem iſtius cognitiue, & inelinationem ad optimum oſenſum à tali potentia, quia non haberet unde ſe reſrenaret. Nonne hic apertiffimè negat Angelum iſtum habiturum ſufficientem libertatem ad demeritum, & non propter aliam cauſam, quàm quia in tali caſu appetitus eius intellectiuius ſeu voluntas ſequeretur ductum cognitionis neceſſariò & abſque poteſtate ſe reſrenandi? Sentit ergo ad huiusmodi demeritoriam libertatem maniſeſtè exigi indifferentiæ poteſtatem, ſicut nos contendimus.*

Et paulò poſt eundem caſum proſequens, idem repetit: *potentia autem aliqua (inquit) ſi fuiſſet appetitiua præciſe ſequens in actu ſuo malmaſionem eius, ſicut appetitus viſiui ſequitur viſum, & eius malmaſionem, tunc licet illa non poſſet appetere niſi intelligibile, ſicut appetitus viſiui non poteſt appetere niſi viſibile, tamen non poſſet tunc*

Scotus.

peccare. Et qua de causa Doctor subtilis? Quia non esset (ait) in potestate eius aliud nec alter appetere, quam cognitua ostenderet & inclinaret. O Clarē! Id distincte pro communi sententia! Imò expressissimis terminis opinionem contrariam, in singulari damnat: siquidem afferit illum appetitum quantumvis regulatum cognitione intellectiva, non fore liberum libertate sufficienti ad demeritum, quia deesset illi potestas aliter faciendi, seu aliter appetendi.

HIC PER TRANSENNAM

accipere potes lector, quam vana sit gloriatio Cornelij Ianfenij, qua dixit; nemo est veterum Scholasticorum post Diuum Bernardum, qui quoddam Sciā, evidentijs, resolutius, constantiusq; summam libertatem cum necessitate summam constare posse & re ipsa constare docuit &c. Quomodo ille totius Scholastica subtilitatis Coryphaeus Ioannes Scotus. Accipere (inquam) potes, quā vana quā inania sint eiusmodi, cum ex locis iam adductis de mente Scoti tibi cōstet luce meridiana clarius. Vnde, quod in quodlibet illa questione a contrarijs citata, summam libertatem cum summa necessitate constare docuerit; profectio (vt dixi) id intelligi nōluit de illa libertate de qua inter nos est questio, scilicet quae sufficit ad meritum & demeritum; sed de alia quae in hoc consistit, quod voluntas delectabiliter & complacenter, licet alijs necessariò, ad actum se determinet. Circa quod parum refert, vtrum modus ille operandi, libertas essentialis vocari debeat, sicut contendit Scotus, vel non, sicut alij Scholastici. In hoc enim solum potest esse questio de nomine; cum de re ipsa constet, minime talem modum ad meritariam aut demeritoriam libertatem sufficere.

Qua de causa verisimilimum etiam est illud, quod famosus ille Scotista

Hugo Cauellus, olim Sacrae Theologiae apud Louanienſes Lector emeritus, scripsit in supplemento ad questiones Scoti in libros de Animā; scilicet quod questio circa hoc de processione Spiritus Sancti, vtrum sit libera vel non, quae est inter Scotum & alios, magis est de modo loquendi quam de re ipsa. Quia nimirum in re conuenit Scotus, quod illa libertas quae conspicitur in productione Spiritus Sancti, non sit ad meritum aut demeritum ex se sufficiens, licet illi nomen libertatis constanter tribuat.

Vnde nec audiendus est Vincentius in epistola sua Circulari, vbi hac in parte Cauellum redarguere conatur his verbis. Non ergo in Scoti sui doctrina satis constans mihi fuisse videtur doctissimus P. Cauellus, dum libertatem illam essentialē sic extenuat, vt controuersiam de hac libertate videlicet non esse de re ipsa sed de modo loquendi affirmet.

Dico circa hoc, Vincentium non esse audiendum: nam praeter Cauellum, idem sentiunt antiqui Scotistae, quibus circa mentem Scoti Maior est adhibenda fides. Lege Gabrielem in primo distinctione decima, quaestione secunda in principio, & sic dicentem inuenies. Considerandum est, quod questio ista, potius consistit, in quid nominis terminum, quam in re. Inò & alios antiquos citat, & insuper superaddit id ipsum posse sumi ex dictis Doctoris subtilis.

SED INSTAT Vincentius, quod libertas illa cū summa necessitate compatibilis secundum opinionem Scoti, rā vera & re ipsa libertas sit, vt Scotus alibi dicat; Christū meruisse omni actu secundum naturam humanā, etiam actu beatifico, quae secundum portionem superiorem fruebatur Deo. Quomodo autem (inquit) fructio illa meritoria esse potuit, si iōm nomine tenus, non verè & propriè libera fuit?

RE.

Hugo Cauellus in suppl. disp. 1. sect. 14. nu. 3.

In epist. circa lari de libero arbitrio. 15. in fine.

Scotus in 1. di. 18. q. 1.

Vincent. vbi supra.

Corn. Ianfen. tom. 1. lib. 6. c. 21. in princ.

RESPONDEO, replicam illam nil contra Caucellum conuincere: nam ex eo quòd Scotus docuerit, actum beatificum fruitionis fuisse in Christo meritorium, ac proinde verè & propriè liberum; minime sequitur, illam alteram libertatem essentiali cuni summa necessitate coniunctam, verè & propriè libertatem esse. Patet hoc euidentissimè: nam actus beatificus in opinione Scoti, non habet solam libertatem essentiali, sed veram libertatem contradictionis: cum ipse (vt supra vidimus & Vincentius etiam in sua epistola circulari fatetur) posuerit huiusmodi actum esse simpliciter contingentem: ac proinde rectè compatitur, in eius sententia, quòd ille actus beatificus meritorius, & verè liber sit, & tamen verè liber non sit ille alter, qui solam haberet libertatem essentiali, qualis est actus voluntatis simpliciter necessarius.

Et certè quando omnia ista dicta modò Scoti, modò Sancti Thomæ à Vincentio in suam propriam sententiam tamquam in vnum cacabum collecta conspicio; videntur mihi (vt Plauti verbo utar) *itidem olere*, quasi quum vnà multa iura confundit coquus. Quæ quæso conuenientia illius sententiæ Sancti Thomæ, quòd nempe amor beatificus sit ab intrinseco seu ex natura rei necessarius, cum illa Scoti, quòd huiusmodi amor est ab intrinseco & ex natura rei contingens? Rursus quæ conuenio illius sententiæ Vincentij, quòd nempe sola libertas essentialis etiam absque omni libertate contradictionis, est sufficiens ad meritum, cum illa Scoti, quòd amor beatificus, libertate contradictionis gaudens, vere meritorius sit? Vincenti, Iurista dicitur, distinguere tempora & concordabunt iura,

sed coquo dici debet, distinguere cacabos, & concordabunt pulmentaria.

SECTIO III.

Soluuntur loca Sanctorum Patrum, spectantia ad Tertiam Classem.

AD TERTIAM CLASSEM reduco omnia illa loca, in quibus Sancti videntur docere, actum voluntatis eo ipso esse liberum, quòd ducem habet rationem. Si namque hoc verum sit; sequetur intentum Vincentij; videlicet actus omnino necessarios posse quoque esse verè liberos, cum nonnulli eorum sint, qui ducem habent rationem, imò & perfectissimam rationem; sicut cernere est in inspiratione Spiritus Sancti & amore beatifico.

AD HANC IGITUR CLASSEM PERTINET PRIMO locus ille Damasceni libro tertio, capite decimo quarto, Orthod. vbi sic fatetur. *Enim verò cum voluntatem dicimus, non eam coactam ac necessitate constructam sed liberam dicimus. Nam si rationis particeps est, utique est libera.* Perpende illa vltima verba. Facit quasi hanc consequentiam. Voluntas est rationis particeps, ergo est libera. Sentit ergo, quotiescumque ratione ducitur, esse liberam.

Nec valet dicere, quòd loquitur præcisè de voluntate suppositi, seu de libertate potentie, aut quasi in actu primo, non autem de libertate actus secundi, tamquam nil aliud prætendens, quàm suppositum seu potentiam gaudere libera virtute, per hoc præcisè quòd sit particeps rationis: cum quo tamen comparatur, quòd aliquid amplius requiratur,

Supra
lib. 2. c.
13.
In epist.
circu-
lari c.
19.

Plautus
in Mc-
stell.

tur, ad libertatem in actu secundo, scilicet taliter facere, ut possit non facere.

Vincēt. in The-
riaca l.
1. c. 5.

Non (inquam) valet: nam in contra insurgit Vincentius. Ut apertius intelligas (inquit) ad actualis quoque voluntatis libertatem sufficere, quod dirigatur iudicio rationis, libro de duabus voluntatibus, & alibi expressè affirmat idem Damascenus, hominem quatenus rationis est particeps, rationem ducem in appetendo sequi, liberoque appetitus habere. En manifestè sermonem de actibus seu de moribus ipsis.

Deinde libro secundo, capite vigesimo secundo idem prosequitur. In hominibus (inquit Damascenus) utpote ratione præditis, naturalis appetitio, non tam ducit, quam ducitur. Mera enim ac libera potestate & cum ratione movetur: quod videlicet appetitiua & cognitiua facultates in homine coniunctæ sint. Ac proinde libera potestate appetit, vult, querit, considerat, deliberat, iudicat, afficitur, eligit, ad agendum fertur, ac denique in usibus, quæ naturæ consentaneæ sunt, agit. Vbi (ut iterum ponderat Vincentius) totam illam catenam actuum voluntatis, ab initio ad finem liberam esse definit, quia à ratione ducitur ac movetur: loquitur ergo non solum de libertate suppositi seu potentiz, sed etiam de libertate actus.

PERTINET SECUNDO locus ille Bernardi libro de libero arbitrio, ubi manere in diabolo, aut homine malo meritum malum probat, quia Diabolus vel homo malus cum viget & vigilat ratione, iam quidem merentur; sed non nisi penam, pro eo quod à bono dissentiant. E contra verò sermone octuagesimo primo in Cantica, negat bruta in agendo libera esse, quia iudicio rationis carent, quo appetitus suos regant: Sensus enim aguntur (inquit) feruntur impetu, rapiuntur

Vincēt. ibid.

appetitu. Neque enim iudicium habent quo se dyudicent, siue regant. Sed ne instrumentum quidem iudicij, id est rationem. Inde est, quod non indicantur, quia non indicant. In eodem ergo sensu est Bernardus; videlicet ad actum aliquem liberum voluntatis sufficere directionem rationis, sicut e contra liber actus reperiri nequit, ubi directio rationis deest.

Vincēt. ibid.

His Patribus adiungit Vincentius locum illum Sancti Thomæ, ex Primo contra gentes, capite octuagesimo octavo, dum dixit; homo dicitur præ cæteris animalibus liberum arbitriū habere, quia ad volendum iudicio rationis inclinatur, non impetu naturæ, sicut bruta. En ubi eodem prorsus modo libertatem humanorum actuum explicat, videlicet quia proficiuntur ex iudicio rationis.

Pro vera intelligentia; PRÆNOTARE OPORTET PRIMO: quod dupliciter potest concludi libertas ex intellectu seu ratione. Vno modo ut concludatur præcisè libertas suppositi, quæ tantum est libertas in actu primo, seu liberū arbitrium per modum potentiz, ratione cuius dicitur aliquis posse liberè operari: alio modo ut concludatur etiam libertas ipsius actus, quæ est libertas in actu secundo, ratione cuius dicitur aliquis liberè operans de facto. Primo modo fieret; argumentando sic: hoc suppositum habet intellectum seu rationem: ergo habet quoque liberum arbitrium, seu liberam potentiam, Secundo modo fit dicendo; hic actus regulatur intellectu, seu ratione: ergo hic actus est liber. Sed est diversitas inter istos modos concludendi.

SI CONCLVDERE VELIS iuxta primum, tenet semper consequentia, etiam si nihil ponatur in antecedenti, nisi nudus intellectus seu nuda vis rationalis. Sequitur namque omnino legitime; Deus habet

R in.

intellectum, ergo habet potentiam quæ est liberum arbitrium. Angelus & homo sunt intellectui seu rationales, ergo sunt quoque liberi arbitrij. Ratio est, quia telle Damasceno, *liberum arbitrium nil aliud est quam voluntas*, quod (vt explicat Diuus Thomas prima parte, quæst. octauagesima tertia, articulo quarto,) idem est dicere, ac quoddam *voluntas & liberum arbitrium non sunt due potentie sed una*: unde sicut ratione essentialis connexionis intellectus cum voluntate, bene sequitur; hoc habet intellectum, ergo hoc habet voluntatem; ita pariter sequi debet; hoc habet intellectum, ergo habet liberum arbitrium, sumpto arbitrio pro potentia libera, quæ est voluntas.

At iuxta secundum modum concludendi non bene sequitur, nisi aliquid amplius in antecedenti subintelligatur, quam nudus intellectus seu nuda vis rationalis. Non enim sequitur; hic actus regulatur intellectu seu ratione, ergo hic actus est liber. Antecedens est verum pro actu inspirationis Spiritus Sancti, & consequens pro eodem actu est falsum. Ratio iterum est, quia (vt constat ex dictis ^{Supra l. a. c. 6.} supra libro secundo) libertas actus voluntatis non fundatur in quolibet intellectu aut quolibet eius actu, sed tantum in actu indifferenter propo-nente obiectum. Vnde vt consequentia sit legitima, pro concludenda libertate actus, debet in antecedenti subintelligi intellectus seu etiam actualis intellectio, non qualiscumque, sed intellectus cum tali intellectione, quæ sit iudicium indifferens. Et sic bene sequetur dicendo hoc modo. Hic actus regulatur intellectu seu ratione (id est ratione indifferenti) ergo hic actus est liber. Possuntque hæc omnia illustrari à simili in passione illa hominis, quæ dicitur admiratiuum. Bene enim sequitur lo-

quando de admiratiuo per modum actus primi; hoc habet vim discursiuam: ergo hoc est admiratiuum; propter essentialẽ connexionem vnus cum altero. Et tamen non sequitur, quemcumque actum intellectus discurrentis sufficere ad admiratiuum per modum actus secundi seu ad admirationem actualem. Hæc enim (teste Diuo Thoma, Prima secundæ, quæstione trigesima secunda, articulo octauo, in Corpore) non fundatur in quolibet actu intellectus, sed determinatè in illo, quo videtur effectus ignorata causa. Sic proportionabiliter dicendum in casu nostro. Bene sequitur; hoc habet intellectum, ergo est liberi arbitrij; propter essentialẽ vtriusque connexionem; non tamen ex eo fit consequens, quod quilibet actus intellectus ad libertatem actualem sufficiat: hæc enim determinatè fundatur in actu iudicii indifferenti.

P R Æ N O T A R E O P O R T E T
S E C V N D O: Sanctos aliquando vfos fuisse primo modo concludendi, aliquando etiam secundo. Exemplum primi occurrit ex Damasceno, dum libro primo *Orthod. capite vigesimo septimo dixit, quod homo cum rationalis sit &c. potestatem habet refrenare appetitum aut ipsum sequi. Quasi concludens, hominem esse suppositum liberi arbitrij seu liberæ potestatis, ex eo quod habet intellectum seu rationem. Exemplum etiam occurrit ex Diuo Thoma, dum quæstione vigesima quarta de veritate, articulo primo in tertio argumento sed contra sic Arguit. Liberum arbitrium est facultas voluntatis & rationis, sed in homine inuenitur ratio & voluntas: ergo & liberum arbitrium. En concludit in homine libertatem suppositi seu liberum arbitrium per modum potentie, ex eo quod in ipso sit ratio seu intellectus. Idem inuenies ibidem articulo*

culo secundo in Corpore. Ratio (inquit) plenè & perfectè inuenitur solum in homine, & immediate insert; unde in eo solum, liberum arbitrium per enariè inuenitur. Exemplum secundi habemus ex loco illo Damasceni iam citato ab arguentequo dicit, quòd homo libera potestate appetit, vult, querit &c. quòd videlicet appetitiua & cognitiua facultates in homine coniuncte sint. Quibus verbis libertatem etiam ipsorum actuum ex intellectu seu ratione concludit. Idem reperitur in Augustino, qui teste Diuo Thoma, questione citata de Veritate, articulo quarto ad Duodecimum pro eodem reputat, actum esse liberum, & esse rationalis animæ motum. Ac proinde sentit bene sequi est motus rationalis animæ, seu motus ratione regulatus: ergo est actus liber.

HIS PRÆNOTATIS potest facillimo negotio authoritatibus inductis satisfieri, absq; eo quòd menti Sanctorum vel in minimo detrahatur.

DE ARGVENTI optionem in hunc modum. Vel enim vult authoritates intelligi de libertate suppositi seu in actu primo, vel de libertate in actu secundo. Si de libertate suppositi; ita vt ex ratione seu intellectu existente in aliquo supposito, intulerint liberum arbitrium, seu liberam potentiam in eodem; dico quòd communi nostræ sententiæ minime aduersantur. Verum enim est, quòd ex virtute intellectiua alicuius suppositi, rectè inferatur in eodem supposito liberum arbitrium, seu potentia libera, vtpote cum in omni & solo habente intellectum, huiusmodi potentia inueniatur: tamen ex hoc non sequitur, quòd quilibet actus intellectus seu iudicij quantumvis determinati sufficiat ad libertatem in actu secundo, vt Vincentius contendit. Nam quamuis connexionem

habeat liberum arbitrium per modum potentie cum ipso intellectu; ita vt ab vno ad alterum consequentia teneat; tamen ipse actus liber non habet connexionem cum quolibet actu intellectus; sed solum cum actu intellectus indifferenter proponente obiectum. Teste enim Sancto Thoma in Secundo ad Annibaldum, Distinctione vigesima quarta, questione vnica, articulo secundo, libertas prouenit ex ratione, quæ ad oppositam viam habet, non ex qualibet ratione absolute.

Si verò arguens velit authoritates inductas intelligi de libertate etiam ipsius actus secundi; ita vt argumentum Sanctorum sit; hic actus voluntatis est regulatus ratione: ergo hic actus est liber; dico quòd tunc in antecedenti debet subintelligi indifferencia, ac si dixissent; hic actus regulatur ratione indifferenti: ergo est liber. Nec mirum videatur hanc limitationem debere subintelligi, & à Sancti Patribus aliquibus in locis non fuisse expressam: Nam (vt supra ex Sancto Thoma didicimus) aliquando Sancti Doctores causa breuitatis, determinatione omissa in aliquibus materijs loquuntur: est tamen in eorum dictis intelligenda determinatio, maxime quando illam frequenter satis alijs in locis expresserunt, vt eos in hac materia de libertate fecisse, constat ex ijs, quæ libro primo ex ipsorum mente adduximus.

Præterquam quòd & in locis, quæ arguens in præsentiarum adducit, sufficienter hanc eandem limitationem expressisse cōprobantur; si propositiones eorum attentè ponderentur. Requirit enim ad libertatem actus; Damascenus quidem, quòd voluntas rationem ducem in appetendo sequatur; quòd à ratione propria ducatur & moueatur, & Diuus Thomas, quòd ad volendum ipso indicio rationis

Suprà
c. 3. §.
In pri-
oris no-
no.

Lib. 1. à
cap. 16.
& dein-
ceps.

inclinatur, quæ profecto in sensu formali & proprio intellecta, sufficienter indicant ipsos loqui de ratione & iudicio indifferenti. Non enim ratio ipsa ducit, mouet, aut inclinat voluntatem ad volendum, nisi quando ex propria sua determinatione eidem præfigit vnum extremum potius quam aliud; quod solum præstat, quando obiectum inspicit indifferentem, non autem quando circa illud ab intrinsecis est determinata. Si namque ratio ex natura sua circa aliquod obiectum determinata sit, ita vt non possit sic vel aliter de prosecutione eius iudicare & proponere; reuera tunc rationi tribui non debet; sed potius naturali determinationi, quod voluntas huiusmodi obiectum prosequatur vel à prosecutione desistat: ac proinde tunc ad volendum ex ipsa ratione nec ducitur, nec mouetur, nec inclinatur; sed potius ex *impressione primæ causæ* seu ex *impressione diuina*, à qua animæ similis determinatio naturalis inest, vt loquitur Diuus Thomas in quarto, distinctione quadragesima nona, quæstione prima, articulo tertio, quæstiuncula secunda in Corpore ad primum: quod & nos supra libro secundo fuisse ostendimus, & infra libro quarto iterum inculcabitur.

Suprà
l. 2. c. 6.
• Dico
quod hæc
Infra l.
4. c. 2. §.
Respon
deo 2.

SECTIO IV.

*Soluntur loca Sanctorum Patrum,
spectantia ad quartam
Classem.*

AD QUARTAM CLASSEM reduco illa loca, in quibus Sancti videntur adstruere in natura lapsa esse necessitatem peccandi. Quod si verum est; nos peccamus necessario,

& cum ex alia parte constet nos peccare liberè, sit consequens, necessitatem eum libertate compati.

Ad hanc igitur classem PERTINET PRIMO, illud dictum Augustini contra Iulianum. *Multum erras qui vel necessitatem nullam putas esse peccandi, vel non intelligis illius peccati esse penam, quod nulla necessitate commissum est.* En vbi dicit ex peccato originali homines in peccandi quandam necessitatem præcipitatos esse. Sic Vincentius.

Vincet.
in The
riaca l.
2. c. 11.

PERTINET SECUNDO aliud dictum eiusdem aduersus Pelagium. *Quod ex viis natura (inquit) non ex conditione natura sit quadam peccandi necessitas, audiat homo, atque vt eadem necessitas non sit, discat Deo dicere, de necessitatibus meis educ me.* En idem quod prius. Sic iterum Vincentius.

Vincet.
ibid.

PERTINET TERTIO id quod dicit libro primo contra Iulianum, capitulo decimo quinto, qui cogenti cupiditati bona voluntate resistere non potest, & ideo facit contra præcepta iustitiæ, tam hoc ita peccatum est, vt si etiam pena peccati. Quid clarius? Affirmat actum esse peccaminosum & contra præcepta iustitiæ, cui tamen homo bona voluntate resistere non possit: ac proinde sentit hominem tali necessitate peccare hic & nunc, vt potestatem resistendi non habeat. Meminit etiā istius loci Vincentius.

Vincet.
ibid.

PERTINET QUARTO Bernardus sermone octuagesimoprimo, in Cantica. *Quis me (inquit) liberabit de manibus meis? Non quod volo ago, sed me, non alio prohibente: & quod odi, illud facio: sed me, non alio compellente. Atque vtinam prohibitio hæc & hæc compulsio ita violenta esset, vt non esset voluntaria: forsitan enim sic possem excusari: aut certe ita esset voluntaria, vt non violèta. Profecto enim sic possem corrigi. Nunc vero nusquam exitus misero patet, quæ & voluntas inexcusabilem & incor-*

Vineet.
in The-
riaca l.
1. c. 5.

incorrigibilem necessitas facit. O Bella, ò Fortis, ò Robusta Philosophia, exclamant Vincentius. Dicit Bernardus ex vna parte, compulsionem istam & necessitatem peccandi adeò violentam esse, vt homo corrigere se non possit: & ex alia parte subiungit, a peccato eandem non excusare, ac proinde arbitrij libertatem non cuertere. Sentit ergo ad veram libertatem, potestatem ad oppositum non requiri.

Suprà
l. 2. cap.
17. per
totum.

Fateor Doctor Catholice plurimorum huiusmodi loca in Sanctis Patribus inueniri: sed reuolue attentius illa, quæ suprà ad mentem Augustini ex Diuo Thoma annotauimus, & errorem tuum conspicias. Necessitatem peccandi vocant, nõ qualem tu imaginaris, ita arctam & constrictam, vt non sit hic & nunc in indiuiduo vera potestas abstinendi; sed quia noniunc necessitatis, vel intelligunt aliquando necessitatem moralem peccandi vagè; vel aliquando maximam difficultatem, quæ hic & nunc in abstinendo reperitur. Itaque quotiescumque Sancti adstruunt in natura lapsa esse necessitatem peccandi, vno ex duobus modis debent exponi: vel de necessitate morali peccandi vagè, vel de maxima difficultate in abstinendo. Sed nec necessitas ista moralis peccandi vagè; nec difficultas in abstinendo quantumuis vrgentissima sit, auferunt veram potestatem, qua homo hic & nunc quodlibet peccatum vitare possit. Hæc est, Vincenti, bella, fortis, & robusta Philosophia ex Diuo Thoma, ex Augustino, ex Anselmo deprompta, vt suprà luculenter satis inculcatum est.

Suprà
lib. 1. c.
17. per
totum.
Et c. 18.
§. Magi-
per ergo.

Hæc ergo satisfactum arbitror quartæ tuæ classi, absque eo quòd ad singula testimonia descendamus. Et si fortè ad singula etiam speciatim responsum desideras; non recu-

so laborem; fiat voluntas tua.

IN PRIMO itaque dicit Augustinus Iuliano; *Multum erras, qui vel necessitatem nullam putas esse peccandi.* Verissimè dicit, sed pro nobis. Fitemur aliquà esse necessitatem peccandi in natura lapsa: non tamen talem, qualis est necessitas absoluta, specificationis & exercitij simul, excludens hic & nunc in indiuiduo veram potestatem vitandi; sed solum intelligendo nomine necessitatis, necessitatem moralem peccandi vagè; quæ tamen hic & nunc in indiuiduo potestati indifferenti obesse nequit. Imò pondera verba Augustini. Non enim condemnat Iulianum, quia ipso dixerit (sicut nos defendimus) posse hominem in quolibet actu diuisiue non peccare; sed quia affirmabat posse etiam non peccare per totam seriem vitæ, in quo adstruebat potestatem vitandi, etiam omnia collectiue; ac proinde excludebat necessitatem peccandi vagè, seu aliquando cadendi: vnde & illa vox eiusdem, *liberum a bitirum & post peccata tam plenum est, quàm fuit ante peccata*: quasi homo lapsus non esset magis necessitatus ad peccandum, quàm fuit Adam ante peccatum, qui omnia diuisiue & collectiue vitare potuit. Ergo contra huiusmodi ingenij hominem aliquam peccandi necessitatem adstruens, solum intendit stabilire illam, quæ est respectu alicuius peccati vagè, nisi gratia præueniat, non autem illam, qua hic & nunc in indiuiduo necesse sit peccare. Talis namque necessitas manifestè continet hæresim Manichæam, vt suprà Diuum Thomam dicentem audisti.

Suprà
l. 1. cap.
17. §.
Conueni-
unt quid-
dem in
hoc.

SECUNDVM TESTIMONIVM licet ex hoc quoque speciatim solutum sit, lubet adhuc speciatim exponere. Fundatur namque in illa propositione Psalmi, *De necessi-*
R 3 *tatibus*

tatibus meis educ me. Sed quale, quæso sensum facit? An ne quia necessitates istæ tam arctæ sint, ut non remaneat mihi in individuo potestas resistendi, saltem per modum virtutis sufficientis in actu primo, sicut nos ad libertatem requirimus? Audi Sanctum Thomam sibi obijcientem & respondentem questione vigesima quarta de Veritate, articulo duodecimo. Septimum argumentum erat huiusmodi. Quod est necessarium, vitari non potest: sed peccata quadam sunt necessaria, vitaretur per illud Psalmi, De necessitatibus meis erue me Domine: ergo homo per liberum arbitrium peccatum vitare non potest. Putasne, Vincenti, responderit, sicut secundum tuam Philosophiam possem respondere; concedendo quod homo hoc vel illud peccatum vitare non potest; & tamen dicendo, eum liberè peccare; quia cum impotentia hoc vel illud vitandi, stat libertas sufficiens ad hic vel ibi peccandum? Si sic responderet, profecto arma mea in sinu tuo deponerem, vel etiam igni comburenda sponte traderem: attamen quia longè aliter respondet; imò nec umbram talis responsionis, aut vllum prorsus vestigium insinuat; ideo & tota mente persulto, & omnino pertinaciter pro veritate certo. Attende igitur responsum. Ad septimum (inquit) dicendum, quod peccata dicuntur necessaria in quantum non possunt vitari omnia, quamvis possint vitari singula. Estne hoc dicere, peccata hic & nunc tali necessitate à nobis committi, ut hic & nunc non sit in nobis potentia vitandi? Totam quidem collectionem (inquit) naturaliter, & sine gratia vitare non possumus, ac proinde necesse habemus quædam incidere in peccatum, vagè scilicet, ut loquitur ibi ad vigesimum secundum; sed cum tali necessitate vaga comparitur, quod singula in

individuo vitare possimus, ita ut nulum sit in particulari, quod cum impotentia vitandi committatur. Exemplum supra dedi, & nunc iterum appono. Necesse namque est moraliter loquendo, ut ex tota multitudine hominum aliquis sedeat, & ita quidem est hoc necesse, ut moraliter, id est, attenda tanta varietate hominum & circumstantiarum, non solum oppositum nunquam contingat; sed nec contingere possit, ut aliquis homo vagè non sedeat. Cum hoc tamen stat, quod nullus in particulari tanta necessitate sedeat, quin possit non sedere. Hæc ergo necessitas & non maior inuenitur absque gratia, in peccatis vitandis. Necesse namque est moraliter, ut homo lapsus ex tota multitudine suorum actuum, aliquando vnum vagè eliciturus sit peccaminosum, ita ut attenda frequentia tota occasione peccandi, oppositum non solum non contingat; sed nec contingere possit: ut nempe saltem aliquis actus vagè, non sit tandem peccaminosus. Sed cum hoc (libet inculcare iterum) debet componi, nullum actum in particulari, seu in individuo peccaminosum, tali necessitate elici, quin possit non elici; si velis hæresim Manichæam declinare. Hanc ergo necessitatem & non aliã, intendit Augustinus ex citata propositione Psalmi, De necessitatibus meis erue me. Unde & rectè dixit, ex vitæ natura est quadam necessitas peccandi. Non dicit, necessitas absolute; sed, quadam. Quasi indicans, tantum moralem esse, & respectu alicuius peccati vagè, non verò respectu peccatorum hic & nunc in individuo occurrentium.

IN TERTIO TESTIMONIO dicit, quod homo cogenti cupiditati bona voluntate resistere non potest. Quasi iterum desit potentia resistendi. Sed false.

Supra
l. i. cap.
17. § 1.
Nota ex
doctrina

falleris, Vincenti, sic glossans. Audi iterum Angelicum Præceptorem in eodem loco, & sanius crudieris. Obijcit sibi in duodecimo argumento eandem numero propositionem. *Augustinus* (inquit) *in libro retractationum dicit, cogenti cupiditati voluntas resistere non potest: sed cupiditas ad peccatum inducit: ergo voluntas humana sine gratia non potest peccatum vitare.* Putasne rursus consequentiam esse concedendam: scilicet quod voluntas sine gratia non habeat potestatem vitandi? Aures erige. *Ad duodecimum* (inquit) *dicendum, quod cupiditas non potest intelligi esse cogens liberum arbitrium* (scilicet taliter ut auferat potestatem vitandi: tunc enim absolutè coheret, ut supra ostensum est) *sed dicitur cogens propter vehementiam inclinationis, cui tamen potest resisti, licet cum difficultate.* En, Vincenti, ille est legitimus Augustini sensus è fonte Thomistico depromptus. Potestatem certè resistendi concupiscentiæ constantissimè affirmat, licet difficultatem non inficietur. Quod ergo verba Augustini sonant, de non posse nos resistere hic & nunc cupiditati, hoc ipsum interpretandum est, non de non posse simpliciter, sed de non posse sine difficultate.

Et frequentem esse illum modum loquendi inter Sanctos Patres, quo impossibile dicimus, id quod sine difficultate non possumus; licet absolutè possimus; testatur in primis Anselmus verbis clarissimis. *Frequentem namque usu* (inquit in dialogo de libero arbitrio capite sexto) *dicimus, nos non posse aliquid, non quia nobis est impossibile, sed quia sine difficultate non possumus.* In eodemque sensu explicat iterum Sanctus Thomas dictum quoddam Athanasij Opusculo primo contra errores græcorum capite vigesimo octauo. *Dixerat A-*

thanasius in epistola ad Serapionem quod Arrianos qui non semel tantum sed pluries blasphemarunt, *impossibile est non blasphemare: quod videtur* (subnectit Sanctus Thomas) *libertati arbitrii repugnans, utpote auferens potestatem indifferentem.* Sed (respondet) quod impossibile hic pro difficili sumitur, qua difficultas ex consuetudine provenit: sicut & Hieremia decimo tertio dicitur, si mutare potest Aethiops pellem suam, & vos poteritis bene facere cum didiceritis malum. En quod impossibile dixerat Athanasius, glossat Thomas Catholicè pro difficili, Anselmi doctrinam omnino secutus. Et certè exemplum quoque huius in Philosophicis est ad manum. Dicitur namque quarto Physicorum capite de infinito, quod infinitum vno modo dicitur, quod nullo modo potest pertransiri; alio modo quod vix & cum difficultate. Sic pariter impossibile, vno modo dicitur quod nullo modo potest fieri, seu respectu cuius non est potestas ut fiat, alio modo, quia vix, & sine difficultate non potest fieri. Quando ergo Sancti videntur dicere, quod homo hic & nunc aliquando non potest resistere, non potest vitare &c. capiunt impotentiam vel impossibilitatem pro difficultate. Hæc est, Vincenti, Doctrina Catholica; illam sectare, illam sequere, & magnum Augustinum non euerforem sed liberi arbitrii defensorem facies.

QVARTVM iam restat testimonium, quod est Bernardi, & fundatur in illa propositione Apostoli, non quod volo bonum, hoc ago, sed quod odi malum, illud facio. Placet iterum præceptorem meum Angelicum audire? Absque dubio placebit, quia Thomistam te esse non inficiaris, licet non de numero modernorum. Igitur Prima Secundæ quæstione decima, articulo tertio ad illum locum

Pauli sic fatetur. *Ad primum ergo dicendum, quod etsi voluntas non possit facere quin motus concupiscentiæ insurgat, de quo Apostolus dicit Romanorum septimo, quod odi malum illud facio; id est concupisco, tamen potest voluntas non velle concupiscere aut concupiscentia non consentire, & sic non ex necessitate sequitur concupiscentia motum.* Non vides iterum S. Thomam negare necessitatem, quæ auferat posse ad oppositum? in eodem ergo sensu accipe dictum Bernardi. *Necessitas* (inquit ipse) *incurrigibile facit; non tamen sic, ut malo dissentire absolute non possim, seu quia correctio sit absolute impossibilis, sed quia summe difficilis est propter vehementiam inclinationis.*

Ast non & vides modò, Vincenti, me nihil ad tuas obiectiones dicere, nisi ex Diuo Thoma? Cur ergo non acquiescis, si huius Magistri doctrinam profiteris? An nē Magistrum vocas, cuius non vis esse discipulus? Vincenti, lenitatem præfers in nomine, sed interim dura nimis ceruice Præceptoris tuo resistis. Verum ignoscamus: nā epistola tua ad Diffinitorium capituli nostri Louanien-sis nuper missa; qua Theses meas de libero arbitrio huic operi iam præfixas, prohiberi postulabas, te excusât. Aiebas etenim te Augustinum sequi, & mihi Sanctum Thomam dabas, quem iudicio tuo non oportebat sequi, relicto maiori duce Augustino: quasi opinione tua duo duces contrarij sint Thomas & Augustinus.

Sed quàm barbarè & hoc!
diuide-
bar

olim Deus lucem à tenebris; at lucem à luce diuidit Doctor Arausicanus.

SECTIO V.

*Soluuntur loca Sanctorum Patrum
spectantia ad quintam
Classem.*

AD QUINTAM CLASSEM reduco pariter illa loca, in quibus Sancti videntur tribuere Deo & Beatis respectu aliquorum actuum, necessitatem simul & libertatem, sublatam omni indifferentia etiam contradictionis.

PERTINET PRIMO ad hanc Classē Augustinus libro de natura & gratia, capite quadragesimo sexto, ubi cum Pelagius ei obieciſſet, voluntatis arbitrio ac deliberatione priuatur, quod naturali necessitate constringitur; respondet sic. *Perquam absurdum est, ut ideo dicamus non pertinere ad voluntatem nostram (hoc est ad libertatem) quod Beati esse volumus, quia id omnino nolle non possumus, nescio quia, & bona conſtrictione natura. Nec dicere audeamus, ideo Deum non voluntatem, sed necessitatem habere inſtitia, quia non potest velle peccare.* Ad quæ verba sic subiungit Vincentius. *Vbi vides, bonam conſtrictionem naturæ, quæ homo beatus esse vult, & quæ Deus conſtrictus, necessariò & tamen liber, omnia quæ vult, bene & iuste vult. Quasi iuxta mentem Augustini stet libertas in Deo cum necessitate, sublatam omni indifferentia, etiam contradictionis.*

PERTINET SECVNDO, illud eiusdem Augustini libro primo operis imperfecti contra Iulianum, capite centesimo. *Siccine Deum laudas* (inquit) *ut ei auferas libertatem?* *An potius intelligere debes, esse quandam beatam necessitatem, quæ Deus iniustus esse non potest?* En idem quod prius. *Beatam illam necessitatem,* qua

Vincentius in
Ther. l.
3. c. 12.
circa fi-
nem.

Vincentius
ibid.

qua Deus malum facere non potest, libertatem dicit non auferre.

PERTINET TERTIO aliud, & ex eodem quidem libro, capite centesimo vndecimo. Vbi cum iterum, Iulianus Augustino obiecit, ab ipso liberum hominis arbitrium subverti, quia ante gratiam ponebat mali necessitatem, post gratiam autem necessitatem boni; respondet: *Disertus es (ut video) Deum necessitate premi, ut peccare non possit, qui vique nec potest velle, nec vult posse peccare. Imò si necessitas dicenda est, qua necesse est aliquid vel esse vel fieri, beatissima ista omnino necessitas, qua necesse est feliciter vivere, & in eadem vita necesse est non mori, necesse est in deterius non mutari. Hac necessitate (si necessitas etiam ipsa dicenda est) non premuntur Sancti Angeli, sed fruuntur, Ad quæ iterum Vincentius. Significat beatissimam necessitatem, qua Deus & Beati omnia bene & iuste volunt, non esse necessitatem, qua voluntatis libertatem premit & strangulet, etiamsi aliquid per illam necessitatem fieri necesse sit.*

PERTINET VLTIMO locus quidam ex Quinto de Civitate Dei, capite decimo. Si illa (inquit) designatur necessitas, secundum quam diximus necesse esse, ut ita sit aliquid, vel ita fiat, nescio cur eam timeamus, ne nobis libertatem auferat voluntatis. Neque enim & vitam Dei, & præscientiam Dei sub necessitate ponimus, si dicamus, necesse esse, Deum semper vivere, & cuncta præscire. Sentit ergo iterum, libertati actus non obesse, quod habeat necessitatem elidendi, etiam subblata omni indifferentia.

Plura alia ad hanc Classem spectantia inuenire est in Ianfenio, tomo tertio, libro sexto, capite septimo & octauo, sed quia ad nauseam fortè inculcatem, faciendo per plura, quod potest fieri per pauciora; omitto.

Duo TAMEN omittere non possum, quæ ibidem in fine capitis octauo Ianfenius subiungit.

Ianfen.

PRIMUM: in Augustini doctrina paradoxum inauditum esse quod actus aliquis voluntatis propterea liber sit, quia ab illo desistere voluntas & non agere potest. Ex quo fit (inquit) ut in illo consensu (quo cum Pelagianis de libertate disputat) in nullis eius libris, vel semel inueniri queat vnus textus, vel vestigium opinionis istius.

SECUNDUM: quod ipse loco miraculi esset habiturus, si in Augustini doctrina ostendi posset, voluntatem non esse in amore beatifico liberam.

Mira sunt profecto hæc, noua sunt; sed (ut alibi dixi ex Augustino) mira stupemus, noua cauemus. Ianfenius autem nec ista cauet, nec illa stupet: quin potius de sua doctrina fatetur. Mira videbitur Scholasticis ista doctrina. Et alio in loco, Recentioribus inauditum est, & non modicoriter mira videbitur.

AD PRIMUM respondeo, sicut olim Augustinus Iuliano, licet in alia materia. Rimam queris (Iuliane) inter tot innocentia præsidia, qua pœnerit intrare peccatum, cum tibi ostendat Apollolus Paulus, non rimam, sed apertissimam ianuam. Sic & ego Ianfenio in præfenti. Rimam queris, Ianfeni, aut vestigium communis nostræ sententiæ in Augustino, cum tibi tot euidencia testimonia (quæ libro primo commemoravi) non rimam aut vestigium ostendant; sed apertissimam ianuam, præterea nonne alibi ex Sancto Thoma retuli; quod Augustinus contra Manicheos, qui destruebant libertatem arbitrii, taliter disputat, quod videtur in hæresim Pelagii incidisse? Quomodo ergo stare potest, quod in scriptis eius nullum esset vestigium pro indifferentia requisita ad libertatem, vbi Pelagius requirebat indifferentiam etiam contrarietatis?

Suprà lib. 1. c. 17.

Ianfen. tom. 3. l. 6. c. 6. q. Doctrina igitur & c. 12. in pen.

li. 3. contra Iul. c. 14.

Suprà cap. 1. §. Nunc & illud.

Si

Vincet. in Thea. lib. 1. c. 25. circa finem.

Vincet. in Thea. lib. 1. c. 28. §. 2. Rimam.

Si (teste Angelico Præceptore) videtur Augustinus in talem hæresim incidisse, quæ sola indifferentia contradictionis pro libertate tuenda, contenta non erat; quomodo verum, quòd nullum in ipso etiam minoris indifferentiæ sit vestigium, nullusque textus? Profecto videtur usque adeò permiscuisse imis summa, longus dies, ut solus videat Iansenius, & cæcus sit Diuus Thomas. Sed quis credet auditui illi? Ut alibi ipse Aquinas, contra quosdam ponentes in certa materia repugnantiam; dixit, *Si esset aliqua repugnantia; mirum est, quomodo Augustinus eam non vidit*: sic ego iterum Iansenio. Si nulum esset in Augustini scriptis nostræ sententiæ vestigium, ut Iansenius dicit; *mirum est, quomodo Sanctus Thomas hoc non vidit*.

DICO AD SECVNDVM, melius potius loco miraculi habiturum, si id ipsum in doctrina Augustini ostendi non posset. Quid enim re & nomine miraculi dignius, quàm vnum solum Iansenium suam priuatam opinionem posse in Augustino ostendere, & suam communem ostendere non posse reliquos omnes Scholasticos? Profecto ostendi potest, ostendi potest: imò & euidenter demonstrari dilectionem beatificam, sublata omni indifferentia, iuxta mentem Augustini verè liberam non esse. Fateor quidem quòd per verba ostendi non poterit, potest tamen secundum sensum, si dicta libro primo non figeat numerare aut intellectu appendere. Sicut & in simili Diuus Thomas prima parte, quæstione trigesima sexta, articulo secundo ad primum docet, *quòd licet per verba non inueniatur in Sacra Scriptura, quòd Spiritus Sanctus procedit à Filio, inueniatur tamen quantum ad sensum*. Et certè si de mente Augustini oportet dici solum illa, quæ secundum

verba ipsemet tradit, sequeretur quòd nunquam in alia lingua posset aliquis loqui de mente Augustini, nisi in illa, in qua libri eius traditi sunt; quod non solum puerile & ridiculum; sed & absurdum est: utpote omnem euertens rationem prædicandi dicta, scriptaque Augustini in lingua vernacula, quæ tamen omnibus tam populis quàm linguis tam grata semper fuit, tamq; salutaria, ut Hispanus etiam in proverbum circumferat, *Ni olla sin tocino, ni sermon sin Augustino*. Et ne putet quis leue esse hoc argumentum; audiat iterum Sanctum Thomam in simili sic argumentantem. *Si oportet* (inquit ille prima parte, quæstione vigesima nona, articulo tertio ad primum) *de Deo dici solum illa secundum vocem, quæ Sacra Scriptura de Deo tradit, sequeretur quòd nunquam in alia lingua posset aliquis loqui de Deo, nisi in illa, in qua primò tradita est scriptura veteris vel noui testamenti*. En meum argumentum mutatis solis terminis. Quapropter ingenuè fateor, voces has seu has dictiones; *voluntas in amore beatifico non est libera*, in Augustino non reperiri: sed si ideo Iansenius putat se rem euicisse; cogitet profecto, quas victorias Arriani non iactitauerint, quòd nomen hoc *Homonios* non haberetur in scripturis, nil penitus curantes, quòd alijs sententijs alijsque verbis idem patentissimè probaretur.

Sed transcamus ad soluenda illa, quæ obiecta sunt. Dico igitur loca, obiecta clarissima esse pro communis veritate sententiæ, & non nisi à corruptore Theologo posse in opinionem Iansenianæ libertatis trahi. Pro explicatione non debet supponi, nisi hoc vnicum dictum Anselmi; quòd posse peccare nec est libertas, nec pars libertatis. Quia scilicet cum impotentia peccandi, stat in subiecto

Et liberum arbitrium respectu bonorum, quæ potest facere & non facere. Unde licet ibi non sit indifferentia contrarietatis cum extensione ad malum; est tamen vera & essentialis libertas, utpote cum alia indifferentia contradictionis seu quoad exercitium, quam communis sententia ad libertatem dicit requiri & sufficere.

AD PRIMVM ergo locum Respondeo. In primis quod Vincentius illam obiectionem Pelagij non satis fideliter citat. Non enim obiciebat in sensu solum particulari; scilicet, voluntatis arbitrio ac deliberatione priuari, quod naturali necessitate constringitur, ut Vincentius refert; sed potius in sensu vniuersali, voluntatis arbitrio ac deliberatione priuari, quidquid naturali necessitate constringitur. Quæ duo valde diuersa sunt: in primo namque solum fit sensus, aliquod ens indefinite hic & nunc libertate priuari, quod naturali aliqua necessitate constringitur: qui sensus utique verus est. Nam cum faciat suppositionem determinatam: non petit ad sui veritatem nisi vnam singularem veram: sicque verificatur in voluntate beatificè amante: hæc enim, sicut in actu beatifici amoris naturali aliqua necessitate constringitur, ita pariter in eodem, omni vera libertate priuatur, quia nempe est naturalis quædam necessitas, tam arcta, ut excludat etiam indifferentiam contradictionis. In secundo verò fit sensus omnino vniuersalis propter illam particulam *quidquid*, quasi generaliter & indispensabiliter libertate priuetur, quidquid qualicumque naturali necessitate constringitur: quod vice versa falsissimum est: nam dantur aliqui actus naturali necessitate constricti, qui tamen libertate non carent; nempe quando est sola naturalis necessitas quoad

specificationem. Augustinus ergo in illo loco solum intendit prædictam propositionem falsificare in sensu generali, sicut à Pelagio asseriebatur. Hoc autem præstitit adducendo duas instantias: vnam de necessitate, quæ in via volumus beatitudinem, taliter vt miseriam velle non possimus; & aliam de necessitate, quæ Deus vult iusticiam seu bonum, ita vt non possit velle facere malum aut peccatum. Quas necessitates constat ex vna parte esse vtrumque naturales, cum sint absolute quoad specificationem determinatæ ad huiusmodi obiecta, & ex alia, libertatem arbitrij non minuire, cum habeant admixtam indifferentiam exercitij, quæ communis nostra sententia ad libertatem requirit. Quasi contra Pelagium directè concludens hoc modo; per quam absurdum est Pelagi, in sensu generali affirmare, quod libertatis arbitrio priuetur, quidquid constringitur necessitate naturali, cum in his duobus exemplis necessitas naturalis conspiciatur, & tamen vera libertas, illæsa subsistat: propter indifferentiam scilicet contradictionis ibi inuentam.

Pro quo etiam nota, quod Pelagius contendebat, ad essentiam libertatis spectare, indifferentiam non solum contradictionis sed etiam contrarietatis. Volebat enim liberum arbitrium non subsistere; si non esset ex proprijs suis viribus æquè indifferens & potens ad malum & ad bonum: vnde vox ipsius ista, apud Augustinum ibidem cap. quinquagesimo, quod posse facere bonum etiam conducens ad salutem æternam, inseparabiliter insitum probatur esse naturæ. Et rursus capite quinquagesimo primo, ipsa non peccandi possibilitas (quæ idem est apud Pelagium ac potestas faciendi quodcumque bonum) in natura necessitate est: quasi natura-

lis facultas arbitrij sine huiusmodi potestate non subsisteret. Ex quo proinde magis constat, quod rectè ab Augustino duobus illis exemplis redarguitur, cum ea demonstrent essentiam libertatis sine indifferentia, ista contrarietatis ad bonum & malum subsistere. Hæc, Vincenti, clarissima sunt, & de Augustini mente plus velle, est nodum in scirpo quæ-
rere.

Iansen.
to. 1. li.
6. c. 7.

SED OBIICIT IANSENIUS. Licet Voluntas, qua in via volumus beatitudinem, sit indifferens indifferentia contradictionis; tamen huiusmodi adhuc indifferentiam non habet voluntas, qua Deus vult iustitiam. Certissimum enim est (inquit ipse) hanc voluntatem esse ad iustitiam omnimodè determinatam, & indifferentia careve contradictionis. Ergo si hoc non obstante, Augustinus illam etiam voluntatem iustitiæ asserit esse liberam; sentit indubiè auctum aliquem esse liberum, adhuc indifferentia contradictionis sublatam.

RESPONDEO, certissimum esse oppositum; nempe voluntatem illam iustitiæ (de qua Augustinus ibi loquitur) esse indifferentem indifferentia contradictionis. Non enim huiusmodi voluntas, seu volitio debet confundi (ut perperam Iansenius confundit) cum volitione qua Deus vult suam bonitatem secundum se, seu iustitiam sempiternam, & increatam, quæ est sua essentia: hanc enim non esse sic indifferentem, infra ostèdetur; sed debet sumi pro volitione, qua Deus non nisi bona seu iusta ad extra operatur, quotiescumque operatur: quæ voluntas indifferentiam contradictionis habet, licet malum velle aut operari non possit. Ut enim ait Sanctus Thomas in Secundo, Distinctione vigesima quinta, quæstione prima, articulo primo ad Secun-

dum, bona qua facit Deus, potest non facere, nec tamen malum facere potest.

SED INSTAT; nam Augustinus loquitur de voluntate iustitiæ, prout in Deo seu beatis est stabilis, perpetua & immutabilis voluntas non deficiendi à iustitia: ergo non loquitur de aliqua voluntate iustitiæ admittente indifferentiam contradictionis. Patet consequentia: quia hæc sicut potuit ad iustitiam non terminari, ita & potuit à iustitia deficere: quæ tamen deficientia nec Deo nec Beatis competit.

Iansen.
lib. de
ca. 2. l.
Hanc i
cur de
Irenæo.

RESPONDEO distinguendo in forma antecedens: loquitur de voluntate iustitiæ, prout est immutabilis voluntas non deficiendi à iustitia, priuatiuè seu contrariè, concedo antecedens: prout est immutabilis voluntas non deficiendi à iustitia, etiam negatiuè, nego antecedens. Ergo non loquitur de aliqua voluntate iustitiæ admittente indifferentiam contradictionis; nego consequentiam. Itaque non deficere à iustitia, stat dupliciter: vno modo per conuersionem ad malum seu peccando, & hoc est deficere à iustitia priuatiuè seu contrariè: alio modo non exercendo, aut non habendo terminationem circa hoc vel illud iustum, quam voluntas aliàs habere posset, & hoc est deficere à iustitia negatiuè. Loquitur ergo Augustinus de voluntate iustitiæ, solum prout est immutabilis voluntas non deficiendi ab illa priuatiuè vel contrariè, non autem prout etiam est voluntas non deficiendi ab illa negatiuè. Hoc est alijs terminis dicere, quod loquitur de volitione iustitiæ, qua Deus ad extra semper iuste operatur, quotiescumque operatur: quæ cum ex vna parte sit naturaliter determinata quoad specificationem, ad faciendum bonum, ita ut in malum non possit; non potest utique à iustitia deficere, agen-

do

afra 1.
4. c. 13.
per to-
lum.

do contra illam; sed cum ex alia, etiam parte non sit in Deo necessario terminata, ad hoc vel illud, sed omnino liberè, iuxta illud Ambrosij in libro de fide, *operatur omnia unus atque idem Spiritus dividens singulis prout vult, id est pro libera voluntatis arbitrio, non pro necessitatis obsequio*; hinc fit quòd etiam illa volitio saltem terminatiue potuit non esse, & sic deficere, vel cessare potius à iustitia, negatiue: per non terminationem, nempe ad id iustum, ad quod alias de facto terminatur. *Bona enim quæ facit Deus, potest non facere*, ait S. Thomas.

AD SECVNDVM LOCVM Dico eodem modo. Scilicet quòd illa beata necessitas de qua Augustinus ibi loquitur, etiam non est nisi necessitas solius specificationis, quæ nempe *Deus iniustus non potest esse*, seu iniusta operari. Hanc ergo iterum, verissimè ait libertati non obesse, sicut & nos dicimus, quia indifferentiam contradictionis admittit. Et pater etiam Augustinum non aliud intendere: quia Iulianus contra quem ibi agit, in eodem errore erat, in quo Pelagius, putans similiter (ut ex eodem capite ibi constat) *liberum non esse, nisi quod duo potest velle, id est bonum & malum*. Ex quo Augustinus ei inferebat, ergo *Deus liber non est, qui malum non potest velle*, & immediate post; *siccine Deum laudas, ut ei auferas libertatem*; quasi dicens Iuliano, sicut dixerat Pelagio; illam indifferentiam contrarietatis ad bonum & malum minimè ad libertatem requiri, cum Deus sit liberrimus & tamen huius infelicitis indifferentiæ omnino expers: beatam prædicans illam necessitatem ad solum bonum; & ò vere beatam! Quam utinam tu inecum, Vincenti, & ego tecum, & omnes simul, semel pro semper adipiscamur.

AD TERTIVM LOCVM est etiam eadem solutio. Nisi quòd gratia materiæ adijcere libet, Diuum Augustinum convincere ibidem Iulianum; quasi arguendo à maiori necessitate ad minorem. Certum enim est, auxilium gratiæ efficacia, non inferre absolute in nostra voluntate, nec etiam necessitatem specificationis ad bonum: cum adhuc stante tali auxilio, stet simul in voluntate nostra, absoluta potestas non solum operandi, sed etiam peccandi. Quomodo ergo Augustinus probat, necessitatem ortam ex auxilio, libertatem nostram non lædere, ex eo quòd necessitas specificationis ad bonum, libertatem non lædat voluntatis diuinæ? Siquidem non videtur esse paritas inter vnā & alteram necessitatem? Hoc profecto ideo fecit, ut efficaciori argumento malignum convinceret. Quasi dicens hoc modo; tu Iuliane contendis libertatem nostram destrui per gratiam; quia eam ita efficacem prædico, ut voluntas mediante illa sit infallibiliter operatura bonum tantum; sed profecto erras; quia maiorem necessitatem respectu boni videmus in Deo, quam sit illa, quam respectu boni habemus ex gratia, quæ tamen libertatem diuinam minimè lædit. Ergo (sub intellige) multo minus nostram libertatem lædet, illa altera quæ pronenit ex efficacia gratiæ, cum longè minor sit. Et in quo quælo minor? Certè in hoc; quòd necessitas specificationis ad bonum in Deo, est absoluta, excludens potentiam ad malum non solum consequentem sed etiam antecedentem; necessitas autem specificationis ad bonum, quæ in nobis prouenit ex gratia, est solum conditionata, excludens quidem potentiam ad malum consequentem; minimè tamen antecedentem. Ut enim iam dixi, adhuc stante efficaci gratia,

gratia, stat simul potestas peccandi, licet peccatum de facto non sit futurum.

AD QVARTVM RESPONDEO. Augustinum ibi loqui de necessitate ex suppositione, secundum quam dicitur, necesse esse, rem esse, dum est. Et hanc quoque nos fateamur, libertati non obesse, utpote cum indifferentiam seu potestatem ad oppositum, absolute non excludat. Et quod de tali necessitate loquatur, patet ex multis.

PRIMO: quia agit ibi contra Stoicos, qui (ut ipse refert) voluntates nostras nolebant necessitati subdi, *ne videlicet non essent libera, si subderentur necessitati*. Quibus respondet, hoc non esse formidandum. Nam vel necessitas (inquit) talis esse dicitur, *quæ non est in potestate, sed etiam si volumus, efficit quod potest, sicut est necessitas mortis: & manifestum est (inquit) voluntates nostras quibus recte vel perperam vivitur, sub tali necessitate non esse*. Quasi concedens per talem necessitatem, libertatem destructam iri, quia nempe nobis eriperet potestatem aliter faciendi. Unde & probans voluntates nostras sub tali necessitate non esse, assignat pro causâ ipsam experientiam indifferentiæ, quæ in nobis inuenitur. *Multa enim facimus (inquit) quæ si nollemus, non vique faceremus*. Quod idem fuit ac dicere: quia constat nos multa facere cum potestate non faciendi, si nolumus. Si autem (prosequitur) illa definiuntur esse necessitas, secundum quam diximus, necesse esse, *ut aliquid sit, vel ita fiat* (supposito nempe tali vel tali ordine causarum, secundum quem præcedenti capite dixerat, res taliter vel taliter debere evenire) *nescio cur eam timeamus, ne nobis libertatem auferat voluntatis*: quia nempe secunda illa necessitas non eripit nobis potestatem ad oppositum, sicut prima:

ergo manifestè supponit, hanc secundam necessitatem, de qua dicit nostræ libertati non esse timendum, non esse aliam, quam necessitatem ex suppositione.

SECUNDO: quia assignans potestatem rationem, cur ista secunda necessitas libertatem non auferat, expressè dicit; quia illa necessitate non obstante, equidem *nostræ voluntates sunt, & ipsæ faciunt, quidquid volendo facimus, quod non fieret, si nollemus*. Quibus verbis apertè indicat, necessitatem (de qua loquitur) non esse aliam, quam quæ ex nostris liberis descendit voluntatibus; ita ut si necesse sit ita esse, idèò necesse sit; quia nostræ voluntates sic faciunt, & quia sic volunt. Ergo non est alia necessitas, quam ex suppositione nostræ libertatis.

TERTIO: quia id ipsum ostendit, illud exemplum quod apponit de necessitate, secundum quam necesse est, *Deum cuncta præscire*. Hanc enim constans est inter Theologos, non esse absolutam; sed solum ex hypothesi, qua supponitur ipsa rerum libera futuritio, quæ sicut absolute potuit non esse, ita & absolute potuit à Deo non præsciri. Ergo ex simili paritate non potuit aliam necessitatem intendere, quam ex suppositione.

QVARTO: quia & aliud ibi exemplum apponens; sicut etiam cum dicimus (inquit) *necesse est esse, ut cum volumus, libero velimus arbitrio*. Et verum proculdubio dicimus; & non idèò ipsum liberum arbitrium necessitati subicimus, *quæ admittit libertatem*. Nonne hoc est evidenter exemplum solius necessitatis ex suppositione? Certè me necessitari ad libero volendum arbitrio, cum volo; idem est ac me necessitari ad sedendum, cum sedeo; quæ non est alia, quam pura & mera ex suppositione necessitas.

SED DICES, etiam Auguſtinum apponere exemplum in vita Dei; cuius tamen neceſſitas, eſt neceſſitas abſoluta. Deum enim ſemper viuere, non eſt neceſſe ex ſuppoſitione; ſed omnino abſolute, & abſque vlla prorſus poteſtate ad oppoſitum: non minus quam Deum ſemper eſſe Deum.

RESPONDEO, Auguſtinum nomine vitæ, ibi non intelligere vitam naturalem Dei, qua in ſe eſt ſubſiſtens ſine vilo reſpectu ad creaturas. Nimis namque abſurdum eſſet, velle quod vita in hoc ſenſu ſubderetur diuinæ libertati. Nec puto quòd ipſe aduerſarius ſimile quid poſſit intendere. Vt enim alibi ex Bernardo diximus, vita naturalis non ſubditur libertati in nobis, ac proinde multo minus in Deo, cum ibi incomparabiliter ſit magis neceſſaria. Sumit ergo vitam pro eo quod eſt, Deum vitaliter operari in creaturis: in qua acceptione nil aliud ſonat, quam actiones liberas intellectus & voluntatis, quibus ad extra producit ea quæ producit: & in hoc ſenſu non eſt neceſſe Deum ſemper viuere, niſi ex ſuppoſitione quòd velit. Sicque nec ex illo exemplo maior neceſſitas poteſt argui, quam neceſſitas ex ſuppoſitione.

SECTIO VI.

*Soluntur loca Sanctorum Patrum,
ſpectantia ad ſextam
claſſem.*

AD SEXTAM ET VLTIMAM CLASSEM, ſpectat præciſe duplex locus Auguſtini, in quo Angelis beatis & Deo tribuit laudem ratione aliquorum actuum,

qui ſunt omnino neceſſarii: ac proinde videtur ſentire huiusmodi actibus veram libertatem ineſſe, cum nullus laudetur (ſicut nec vituperatur) niſi propter actus liberos.

PRIMVS LOCVS eſt ille, quem habet duodecimo de ciuitate, capite primo, vbi in fine capitis de Angelis ſic ſatur. *Quam enim magno ſit laus (naturæ Angelicæ) adharere Deo, vt ei viuat, inde ſapiat, illo gaudeat, tantoque bono ſine morte, ſine errore, ſine moleſtia perfruatur; quis cogitare digne poſſit aut eloqui?* En Angelos laudatos ratione amoris beatifici. Huius loci meminit Vincentius in epiſtola prodroma ad Petauium.

In epiſt.
prodrom.
ad Pet.
tau. pa.
31.

SECUNDVS HABETVR tractatu quinquageſimo quinto in Ioannem, vbi explicans illa verba Pauli dicta de Deo, *negare ſeipſum non poteſt*; ſic loquitur. *Sic dictum eſt, non potuerunt credere (vbi intelligendum eſt, quòd nolabant) quem admodum dictum de Domino Deo noſtro, ſi non credimus, ille fidelis permanet, negare ſe ipſum non poteſt. De omnipotente dictum eſt, non poteſt. Sicut ergo quòd dominus, negare ſeipſum non poteſt, laus eſt voluntatis diuinæ; ita quòd illi non poterant credere (ſcilicet iudæi) culpa eſt voluntatis humanæ.* En iterum laudem adſcribit Deo, ex eo quòd ſe ipſum nequit negare, cum tamen ſit maxime neceſſarium. Huius loci meminit quoque Vincentius in eadem epiſtola.

In epiſt.
prodrom.
ad Pet.
tau. pa.
37.

Sed vt apparet, quàm friuola ſit hæc argumentatio, nota ex Doctrina Diui Thomæ nonnulla.

PRIMO, quòd laus ſumitur dupliciter: vno modo communiter, prout coincidit cum honore; alio modo ſpecialiter, prout ab honore differt. Prout coincidit cum honore, nil aliud eſt, quam proteſtatio de excellentia ſeu virtute alicuius, ſiue fiat verbis, vt eloquendo vel nar-

rando

Supra
li. 1. ca.
19. 4.
Ab ea
ma.

rando virtutem, siue signis tantum, vt quando aliquis alteri assurgit vel genuflectit: & sic laus & honor idem sunt: specialiter autem sumitur prout est protestatio de virtute alicuius, determinatè exhibita per verba. Quæ ratione à Diuo Thoma super Psalmum decimum septimum, definitur, *quòd est sermo dilucidans magnitudinem virtutis*: Et in hoc sensu ab honore differt, quia honor consistit in protestatione excellentiæ, siue fiat per verba siue per facta aut quælibet signa, laus autem specialiter dicta, debet fieri determinatè per verba tantum. Est expressa doctrina Diui Thomæ in primo Ethicorum, lectione decima octaua in principio, & Secunda Secunda, quæstione centesima tertia, articulo primo ad tertium.

SECUNDO NOTA quòd laus specialiter sumpta non tribuitur alicui nisi propter bonitatem alicuius in ordine ad aliquem finem; puta, *quia facit actum congruentem fini: honor autem debetur alicui propter bonitatem quam habet secundum se*: vt inquit idem Diuus Thomas in Tertio, Distinct. nona, quæstione prima, articulo secundo, quæstiuncula prima, in Corpore, & Secunda Secunda loco citato.

Ex quo sequitur, quòd laus propriè non tribuitur nisi tendentibus ad finem: *honor autem est etiam optimorum, quæ non ordinantur ad finem, sed iam sunt in fine*, vt Secunda Secunda iterum ait Diuus Thomas. Vnde nec Deus, nec beati in se spectati, propriè loquendo laudantur, sed honorantur. Non Deus, quia ipse non est tendens in finem, sed finis omnium. Non etiam beati, quia iam amplius ad finem non tendunt, sed sunt in fine. Quæ de causa (teste D. Thoma in eadem Secunda Secunda quæst. 19. art. 1. ad 1.) dicitur Ecclesiastici quadragesimo tertio, quod

Dens maior est omni laude. Et in Psalmo 64. ad illa verba, *te decet hymnus Deus in Syon*, versio Hieronymi habet, *tibi silet laus Deus*. Vnde & bene Philosophus in primo Ethicorum, *quòd optimorum non est laus, sed maius aliquid & melius, scilicet honor*.

Dixi autem hoc de Deo & de Beatis spectatis in se seu absolutè; quia (vt docet idem Angelicus Præceptor in eodem illo loco ex Secunda Secunda ad Primum) de Deo (ac proinde & de Beatis) possumus loqui dupliciter: vno modo absolutè, seu considerando propriam eorum excellentiam in ordine ad se, alio modo comparatiuè ad effectus, quos in nostram vtilitatem ordinant. Primo modo (inquit Sanctus Thomas) non debetur ipsis laus, sed honor. Secundo verò modo etiam ipsis laus debetur. Et sic debent intelligi loca Scripturæ, quando nobis proponuntur laudandi. Quod & clarè exprimitur Isaïæ sexagesimo tertio, *laudem Domini annuntiabo super omnia, quæ reddidit nobis Dominus*, id est, propter effectus, seu in ordine ad illa quæ nobis contulit.

NOTA TERTIO ex loco citato ex tertio Sententiarum, *quòd laus non debetur nisi actui, vel agenti, qui est dominus actus, quasi per electionem agens, sicut nec etiam honoratur ratione sui, nisi cuius est per electionem agere*. Ex quo sequitur quòd propriè non laudatur aliquis, nisi ratione actionis liberæ, & quidem liberæ (attende, Vincenti,) *per electionem*, quod (vt tumet fateris) est operari cum libertate indifferentiæ. Quamuis etiam honor alicui exhibeatur, non ratione actionis: sed etiam ratione dignitatis solius suppositi: vt namque ibidem Sanctus Thomas; *honor non ita debetur actui, sicut laus, sed magis agenti*.

His prenotatis, Vincenti, facillimo negotio ostendo, quòd nec pes, nec caput tui argumenti appareat. Vnico verbo tantum opus est.

Et quidem quantum ad Angelos, dico Augustinum ipsos appellare laude dignos, ratione amoris beatifici; sumendo laudem non specialiter seu propriè, & prout ab honore distinguitur, in qua acceptione solum tribuitur propter actus liberos; sed sumendo laudem pro aliquo quod est maius & melius; nempe pro honore: quo sensu sicut alicui exhibetur propter solam dignitatem suppositi, nulla ibi considerata actionis libertate, ita & potest exhiberi eidem propter excellentissimos & perfectissimos actus, quantumvis non liberos. Vnde sensus est, Angelos propter indefectibilem illam adhesionem ad summum bonum per incessabilem amorem, esse ineffabiliter honorandos, venerandos, & colendos. Quòd vtique est ipsissima veritas; sed tux opinioni, nec festucam addit sulciminis aut decoris.

Nec tam ineptè ex hoc inferās; Ergone Augustinus tali laude dignos Angelos esse dicit, quali solem laudamus, quando excellentiam eius, lucis abundantiam, cursus velocitatem, vas admirabile, opus excelsi predicamus? Et voluntate ac amore perpetuo adbarere Deo, aliam laudem non meretur, quam desiderium lux aut motus, ceteraq; opera naturæ, quorum pulchritudinem vel usum admiramur?

Falleris Doctor Arausicane. Nam licet dixerim cum Sancto Thoma, Angelos propter illam beatæ mentis ad Deum adhesionem, non esse laudandos laude specialiter, seu propriè dicta; dixi tamen cum eodem, propter eandem dignos esse, aliquo quod est maius & melius laude, nempe honore: & non qualicumque, sed honore Sanctorum, qui est cultus

dulx; quem sideribus exhibere, gentilis poterit, non Christianus.

Accedit quòd nec sidera ratione sui vilo honore honorari possunt, vt pote inanimata. Vt enim inquit Sanctus Thomas in Tertio, Distinctione nona, quæstione prima, articulo secundo, quæstiuncula secunda in Corpore, loquens de imagine (& eadem ratio est de qualibet alia re inanimata) *imagini secundum quòd est res quedam, nullus honor ei debetur: sicut nec alij lapidi vel ligno.* Imò vt tumet secundum fidem teneris fateari, nec ipsa Crux Christi ratione sui honorari potest: cum tamen Sancti & Angeli sic honorentur. Vade ergo, Vincenti, & simili argumento, non Theologos, sed Scholares tuos, qui necdum manum ferulæ subdixerunt, terrere poteris.

Quantum verò ad illud alterum, quo Augustinus asserit, esse laudem voluntatis Diuinæ, quod negare se ipsum non potest; tateor quidem, ibi sermonem fieri de laude propriè dicta; sed non est contra nos: nam loquitur de Deo comparatiuè ad effectus, quos in nostram vtilitatem ordinat per actum verè liberum Diuinæ suæ fidelitatis, tenendo nempe seu seruando suam fidem, qua promittit non credentibus iustitiam, sicut & credentibus remunerationem, vt ad illum locum Ioannis interpretatur Sanctus Thomas: ille autem, actus promissionis, licet quoad specificationem sit necessarius; quia videlicet nequit esse infidelitatis; cit tamen absolute indifferens quoad exercitium, non minis quàm quilibet alius actus quem Deus exercet in ordine ad creaturas. Vnde non mirum propter huiusmodi actum, Deum appellari dignum laude propriè tali. Nam (vt ex Sancto Thoma ostendi) Deus verè & propriè laudari potest, si consideretur

non secundum se, sed in ordine ad suos effectus, quos in nostram vtilitatem liberè ordinat.

Itaque sensus testimonij Augustini est, laudem esse voluntatis Diuinæ, non quòd se negare non possit, quasi in actu primo (hoc enim totum est perfectio necessaria) sed quòd se non neget, idest, fidelitatem exerceat in actu secundo, quod verè est actus liber, quem absolutè potest non ponere, licet non quo ab substantiam saltem quoad terminationem, vt de scilicet liberis Diuinis Thomistæ dicere solent. Et quòd non nisi huiusmodi, mens Augustini sit, constat apertè ex verbis prioribus, quibus comparat hoc quod est Deum se non posse negare, cum eo quòd Iudæi non poterant credere. *Vbi intelligendum est* (inquit) *quòd nolebant.* Ergo in eodem sensu intelligit, quòd Deus se negare non possit, nempe *non vult se negare*: quod idem est, ac quòd actu velit suam fidelitatem seruare,

& exequi, quod absolutè liberum est, sicut & indifferens quoad exercitium.

Sed rem concludamus verbis Augustini. *Hæc sunt certè* (Vincenti) *capita argumentorum, quasi formidanda vestrorum, quibus terretis infirmos, & minus quàm contra vos expedit, sacris litteris eruditos seu in lectione Sanctorum versatos; puto tamen ea omnia ex Angelico Doctore soluta & declarata esse, tanta rerum euidentia, tanta verborum eius manifestatione, vt profecto si nulla te ratio, cogitatio, consideratio communis sententiæ atque in te ipso aduertenda veritatis à pertinaci intentione reuocauerit, ostendas quantum in malis humanis valeat, eo quemquam fuisse progressum ubi manere non libeat, vnde iam redire pudeat. Sic enim credo te affici, cum ista legeris. Sed ò si veritas Thomistica in tuo corde vincat, & communis intelligentia de priuata tua opinione palam ferat!*

Aug. li.
2. cont.
lul. c. 1.

Ibid. li.
2. c. 2. f.
in fine.

LIBER QVARTVS.

SOLVNTVR OBIECTIONES

QVAS VINCENTIVS CONFICIT

ex ratione & experientia.

CAPVT PRIMVM.

Redarguitur Vincentius, ex eo quòd rationes eius vix Philosophiam aut Theologiam sapiant.

IAM ORDINEM dispositionis meæ video postulare, vt faciam Deo donante; quod quarto libro me

facturum esse promisi; hoc est, vt Vincentij obiectiones, quas ex ratione & experientia conficit, confringam. Dum autem earum flylum formamque considero attentius; potius hominem hunc, quam Rhetorem, linguæ & verborum flosculis ornatum, quàm vt Philosophum aut Theologum soliditate Philosophica aut Theologica munum comperio. Id fortassis in causa fuerit, quòd veram Sacre Paginæ, Sanctorumque Patrum intelligentiam,

tiam; contemptis Philosophiæ & Theologiæ solidissimis discursibus, solumputet verborum subsidio posse comparari.

Sed quàm belle contra huiusmodi ingenij homines, sapientissimus noster Dominicus Soto in sua ad Sanctos Patres Trydentinæ Synodi nuncupatoria præfatione! Postquam dixerat, esse Scholasticorum nomen Lutheranis iniustum & infame; imò & ab eis velut publicam perniciem exhibitari; sic prosequitur de nonnullis etiam Catholicis. *Atqui si superis places, ac si essent ipsi, qui iura deberent ponere orbi, ita sunt inter Catholicos multi, qui eos audientes (scilicet hæreticos) questionarios possident, Philosophiam abijciunt, & solis voluminibus linguarum ferculis conuiuium instrui. Vtpote quarum cognitione & subsidio arbitrantur absque Theologia, per se possentiam Sanctorum Patrum, tum etiam Sacra Pagina adire volumina. O quàm turpis error! Quam intollerabilis præsumptio! Stultitia quàm inuerecunda! Cui profecto malo (inquit gravissimè idem Soto) id quod coram vestra Sanctitate in publica Synodo declaratum, nisi obuiam publicitus occurratis, & vniuersitates melius sibi & bono publico consultum properent, totum breui Christianum orbem errores ebullire dolebimus. Quid ni? Philosophia namque & Scholasticæ subtilitatis discursus necessaria sunt, si pacem velit Ecclesia perennem contra hæreticos possidere, qui potissimam semper vim ad fidem enervadam ex ipsa subtilitate, discursu, & ratione conficiunt. Nōne hinc apud Priscos Orthodoxos, Arius, Sabellus & id genus monstra prodierunt? Attamen (vt rectè iterum Soto) nisi fuissent inter eos, qui ipsos ex ipsa etiam Philosophia enincerent, vix belluas illas, Sacris testimonijs, que in sinistram sensu ab illis detorquebantur superassent. Philosophos enim fuisse necesse erat, qui*

explicarent, vt non esset demonstratio; quam Arius inuicibilissimam censebat; nempe quod si indiuidua essentia est Pater, eademque Filius; Pater sit persona Filij. A Philosophia falsus fuit Berengarius, qui negabat accidentia Sacramenti esse sine subiecto, qui a repugnare hallucinabatur ipsi eorum naturæ: quo nunc Germanorum permulti tenentur errore. Sed vera Philosophia est, quæ edocet minime id repugnare. Vnde & idem sapientissimus sapientissimè cōcludit; Si fieri posset vt nulli essent Pseudophilosophi, qui hæreses proignerent, nulla foret in hunc vsum necessaria esset Philosophia, quæ hæreticorum ausum retunderet. Verum quàm est (authore Paulo) necesse, hæreses esse, tam necessarium existimauerim, Philosophiam inter Theologos conseruandam. Quæ sint, iuxta verbum Petri, paratiores ad satisfactionem omniposcenti rationem de ea quæ in nobis est spe. Et post pauca nō minus egregiè; Sanè Augustinus (inquit) quāto sua Dialectica & Philosophia maius exhibuit Ecclesiæ negotium, dum erat Manichæus, tantò fuit ei postea aduersus hæreticos utilis.

Et certè si tam præstans Philosophicæ subtilitatis utilitas, quàm colenda quoque non erit Theologicæ rationis excellentia & profunditas! Audebitne Catholicorum aliquis hanc negligere, & soli nudæ continuæque lectioni Scripturarum & Patrum infundere, vt veritas sibi in talibus arcanis patefiat? Audiatur eundem sapientissimū: *Quinam linguas quam Germani excultius poluere? Qui Augustino & id genus Patribus legendis plus temporis insumpserunt? Qui pluries Sacramentum paginam reuoluerunt? Imò & audiui ego, Academicæ Louaniensis Doctores se hac de causa Patristas nominare, vt pote, quod Patrum volumina toties voluant & reuoluant. Sed quid ad hæc noster Soto? Quid ergo (inquit) restet illis causa tam plurimum errorum, quàm, quod*

Theologiam Scholasticam neglexerunt? Ex cuius ignorantia omnes dimanasse, facile erit rem perpendenti conuincere. Profecto simul (profecto nil verius) apud eosdemq; capere & linguarum cultura & Scholastica rationis contemptus & harsum turba. Quod & paucis cōfirmat noīter Episcopus Cano, dum hanc eadem de re protulit sententiā. Connexa sunt post natam Scholam Scholae contemptio & harsum pestes. Et merito quidem: nam si Schola contemnitur, si solis auctoritatibus Sanctorū vtrumque intellectus arguitur, si rationes, discursus, subtilitates excluduntur, damnantur: quæ quæso via, quæ semita, quisue modus ad ipsa veritatis arcana tutō nos ducet?

SED ADICIAMVS & aliquid, quod huic rei maiorem conciliet fidem & pariter decorem. Querit Sanctissimus Doctor Ecclesiæ Thomas Quodlibeto quarto, quæstione nona, articulo decimo octauo, *vtrum Magister determinans quæstiones Theologicas, magis debeat vti auctoritatibus, quam rationibus?* Et postquam vnico argumento, magis auctoritatibus debere vti, probauerat; sic respondet in argumento *sed contra. Sed contra est, quod dicitur ad Titum primo, vt sint potentes exhortari in Doctrina sana & contradicentes reuincere; sed contradicentes melius reuincuntur rationibus quàm auctoritatibus, ergo magis oportet determinare quæstiones per rationes quàm per auctoritates.* In Corpore autem articuli sic resoluit. *Respondeo dicendum quod quilibet actus exequendus est, secundum quod conuenit ad suum finem. Disputatio autem ad duplicem finem potest ordinari. Quædam enim disputatio ordinatur ad remouendum dubitationē, An ita sit: & in tali disputatione Theologica maxime vtendum est auctoritatibus, quas recipiunt illi cum quibus disputatur. Et post pauca; quædam vero (inquit) disputatio est Magistralis in*

Scholis, non ad remouendum errorem sed ad instruendum auditores, vt inducantur ad intellectum veritatis quam intendit: & tunc oportet rationibus inniti, in vestigantibus veritatis radicem & facientibus scire, quomodo sit verū quod dicitur, alioquin si nudis auctoritatibus Magister quæstionem determinet, certificabitur quidem auditor, quod ita est; sed nihil scientia vel intellectus acquireret sed vacuus abscedet. O Bella doctrina, quam quilibet Doctor Patrista summe deberet venerari & colere!

Non audis hic, Vincenti, auctoritatibus quidem vtendum esse; sed ad eum præcise finem, vt remoueat dubitatio, an ita sit? Tu certe abunde & ad nauseam id existis & nos quoque agere cogis: minus tamen, feliciter, puto certissime, cum tot tibi Patrum auctoritates opposuerim, & contrarias tuas iuxta Sancti Thomæ veram intelligentiam explanauerim. Sed dic quæso; canetibi mens fuit, vt in tota tua Theriaca & in vtraque epistola prodroma, nil aliud faceres, quàm remouere prædictam dubitationem scilicet *An res ita sit*, ad quem tantummodo finem dicit Sanctus Doctor viam procedendi per auctoritates principaliter deseruire? Profecto & absque dubio voluisti demonstrare, quomodo verum sit, id quod de libertate tua essentiali toties inculcas, Et iuxta hanc viam qua methodo putas principalius esse vtendum? Nonne iuxta verbum Angelici præceptoris, *tunc oportet rationibus inniti, in vestigantibus veritatis radicem; alioquin si nudis auctoritatibus Magister quæstionem determinet, certificabitur quidem auditor, quod ita est, sed nihil scientia vel intellectus acquireret, sed vacuus abscedet?* Profecto hoc idem vacuum ex tua Theriaca & epistolis, puto quēlibet lætiorē facile posse haurire. Quā enim de paupere peno rationes tuæ sint, quas
ibidem

Cano
de lo-
cis l. 8.
c. 1. in
princi-
pio.

ibidem promissus; nemo est vel mediocriter peritus, qui non percipiat. Sed ut in principio monui, id in causa fuit, quod lectioni Sanctorum putes te studere; scilicet; peripateticas rationes si potius neglexeris, quam lectus fueris. Non sic tamen veri Theologi, non sic. Non sic Magister omnium Aquinas, Rationibus, subtilitatibus, discursum, peripatetica forma abundante ubique; articuli eius omnes, distinctissime, sapientissime & ornatissime. Imo non ob aliud Sacer ille Antilles, tot quondam Miracula in eodem, quot Articulos contemplabatur. Si ergo & tu, Vincenti, Magistralem in Scholis disputationem de libertate nobis instituis, profecto id meminisse oportebat uberior ut non totaliter peripateticum morem, subtilitatemque discursuum & rationum desereres.

Nec inuare te potest, quod olim aiebat Hieronymus; non nobis cura est, quid Aristoteles, sed quid Paulus doceat. Hoc quidem religiosissime dictum, sic tamen a viro Theologo capi debet, ut Aristotelica ratio non contemnatur, ubi ipsa Paulum non contemnit. Quem enim honore commentarij, non sine maximo labore, calamoque tractu drucque vigilante dignatus est Sanctissimus Aquinas; iustum non est, ut vel vllus Theologus contemnere præsumat. Imo ut egregie facit Augustinus, Philosophi qui vocantur, si qua forte vera & fidei nostre accommoda dixerunt, maxime Platonici, non solum formidanda non sunt sed ab eis tamquam ab iniustis possessionibus in usum nostrum vendicanda.

Ad Rationes igitur tuas, quales illæ sint, procedamus: & quam parum peripatetica rationis acumen redoleant, sicut iam præambule verbis iudicavi; ita & recipia vel factio ostendere, operosum non erit.

CAPVT II.

Soluitur prima ratio, qua Vincentius probat omnem actum perfectè voluntarium, esse eo ipso verè liberum, licet sit necessarius; ex eo quod in omni tali actu iudicium rationis dūtem se præbeat voluntati.

VERBIS AVGVSTINI liber incipere. Iam nunc tibi dele-
te, Vincenti, Domino donante respon-
dere debeo; & sic tuos libros atque ar-
gumenta refellere, ut (si possis) intelli-
gas, malè tibi fuisse persuasum, quod
alijs persuadere moliris; neque salubri-
ter pœnteat incauta ac temeraria pro-
gressionis & prolapsionis tue, non tan-
tum tibi tua correptione, verum etiam
pluribus profutura, cognoscentibus no-
bis atque fatentibus, quam non inuitor
quamq; veraciter tot & tanti Schola-
stici Doctores hoc in Ecclesia Dei didi-
cerint, & docuerint, quod verissimi-
litate vos vultis euertere... ac u-
longum faciam, non omnia verba tua
ponam, sed si Dominus adiuerit, tua-
rum velut acutarum argumentationum
nihil non solum destructumque dimit-
tam.

Ratio autem, ob quam non om-
nia verba tua positurus sim, quasi ea-
dem mihi videtur, cum illa quæ olim
Sanctum Thomam mouit, ut in ope-
re Catene suæ aureæ non singula Do-
ctorum verba adamussim proferret.
In assumendis (inquit ibi in epistola
proximali) Sanctorum testimonijs, ple-
rumque oportuit aliqua rescindi de me-
dio ad prolixitatem vitandum, nec non
ad manifestiorem sensum, vel secundum
congruentiam expositionis, litteræ ordi-
nem commutari. Interdum etiam sensum
posui, verba dimisi: præcipue in homily

Cont. a
Italian.
l. 3. c. 1.

S. Tho.
in epist
prox-
imali
ante ca-
tenam
auream

Dialog
contra
Pelagium

Aug. li.
1. de
Doct.
Chr. c.
40.

Chrysostomi, propter hoc quod est translatio vitiosa. Hac (inquam) eadem ratione per motum me sentio, quando de recitandis & refellendis argumentationibus tuis cogitare incipio. Non semper omnia verba tua, Vincenti, proferam, ad prolixitatem vitandam. Litteræ etiam tuæ ordinem aliquando commuto, ad manifestiorem sensum reddendum. Denique ipsa etiam verba interdum totaliter omitto, & solum sensum pono; non quod in ipsis vitiosa aliqua translatio irreperit, sed quia (vt superiori capite monui) tam parum sint peripatetico & Scholastico mori accommodata, vt planè dubitem, vtrum lectorem meum non potius confunderem quàm instruerem, si omnem vndeque litteræ tuæ & grammaticam & seriem verboreus hic exprimerem.

PRIMO Igitur (quoad sensum) arguis sic in tua Theriaca libro primo, capite septimo. Quoties iudicium rationis ducem se præbet voluntati, voluntas liberè agit; at in omni actu perfectè voluntario iudicium rationis, ducem se præbet voluntati: ergo in omni tali actu voluntas liberè agit. Discursus tenet, minorem videris supponere, & maiorem probas autoritatibus & ratione. Autoritates iam suprà sunt solutæ; & ratio tua est hæc. Nam quoties voluntas modum agendi agentium naturalium supergreditur; ipsa liberè agit; at quoties iudicium rationis, ducem se præbet voluntati, voluntas modum agendi agentium naturalium supergreditur; ergo quoties iudicium rationis, ducem se præbet voluntati, voluntas liberè agit. Hoc totum pondus est tuæ rationis, quam capite illo septimo promissis. Miror quod tantùm te urgeat, vt à communi ad priuatam opinionem moueat.

RESPONDEO DVPLICITER. Primò negando maiorem in sensu, quod à te intelligitur. Tu enim per hoc, quod est; iudicium rationis ducem se præbere voluntati, nil aliud intelligis (vt ex capite citato patet) quàm quod voluntas præeunte iudicio ac sufficienti aduertentia rationis aliquid velit. In quo sensu maior ista, nempe quoties iudicium rationis ducem se præbet voluntati, voluntas liberè agit; omnino claudicat, si vniuersaliter & absque distinctione sumatur. Quod certè manifestari potest in duplici casu, qui à te admittitur.

PRIMVS est in motione præternaturali Suarij: sub qua tumet admittis (vt suprà vidimus) posse Deum omnipotentia sua voluntatem creatam ita abripere, stante etiam plena aduertentia rationis, seu præeunte perfectò iudicio; vt libertatem nihilominus adimeret. In quo casu manifestè apparet falsitas istius maioris. Tunc enim voluntas præeunte iudicio ac sufficienti aduertentia rationis, aliquid vult, & tamen minimè liberè vult: ergo falsum est, quod quoties præeunte iudicio ac sufficienti aduertentia rationis aliquid vult, velit eo ipso liberè.

SECUNDVS est de necessitate Manichæa. Hæc namque (vt suprà etiam ostensum est) in tuamet opinionione destruit libertatem voluntatis animæ bonæ in omni eius actu, & tamen non destruit perfectum seu sufficiens iudicium rationis, cum Manichæi non posuerint iudicium hominis in omni suo actu absorberi: ergo iterum falsissimum est, voluntatem liberè agere, quoties agit præeunte iudicio ac sufficienti aduertentia rationis.

Quare sicut tu, Vincenti, in illis casibus maiorem vel negares vel distingueres; ita pariter & ego iuxta communem & veram doctrinam, eandè

vel

Suprà
l. 1. c. 4.
sect. 3.

Suprà
l. 2. ca.
8.

Suprà
l. 2. ca.
8.

vel nego, vel distinguo sub hac forma. Quoties iudicium rationis ducem se præbet voluntati, seu quoties voluntas præeunte iudicio, ac sufficienti advertentia rationis aliquid vult, toties ipsa liberè agit; distinguo, quoties præit iudicium qualecumque, nego: quoties præit iudicium indifferens, concedo. Sed tunc minor subsumpta, est falsa: nam non in omni actu perfectè voluntario præit iudicium rationis indifferens; licet qualecumque seu aliquod iudicium præeat. In actibus enim voluntatis necessarijs, quantumvis perfectè sint voluntarij, præit quidem iudicium, & aliquando perfectissimum, non tamen indifferens sed omnino determinatum. Non ergo sequitur voluntatem in huiusmodi actibus liberè agere; esto alias agat præeunte iudicio seu perfectè advertentia rationis.

Nec contra hoc conuincit tua probatio. Concessa enim maiori videlicet voluntatem liberè agere, quoties supergreditur modum agendi agentium naturalium; nego minorem; quòd in omni actu perfectè voluntario illum modum agendi supergrediatur. Cum enim aliqui actus perfectè voluntarij, sint etiam absolute necessarij, & in illis voluntas habeat modum agendi communem cum cæteris rebus naturalibus scilicet cum determinatione ad vnum, vt sæpius iam inculcatum est; fit consequens, ipsam in huiusmodi actibus, modum agendi rerum naturalium non supergredi. Fateor quidem, quòd ijs ipsis actibus agentia naturalia supergrediatur quantum ad substantiam operis sed hoc ad libertatem non sufficit: quod iterum patet in casibus illis inductis: in quibus proculdubio, actus illi voluntatis agentia naturalia excederent quantum ad substantiam operis, vtpote profecti ex principio intellectuuali, & tamen li-

beri minimè essent: quia non haberent modum voluntati proprium, qui teste Diuo Thoma questione sexta de veritate, articulo tertio ad tertium in libertate ad vtrumlibet consistit.

RESPONDEO SECVNDO aliter, concedendo videlicet maiorem argumenti, si in sensu formali & proprio verba accipiantur. Hoc enim quod dicitur, quoties iudicium rationis ducem se præbet voluntati; in sensu formali & proprio acceptum, non solum sonat præcedentiam rationis qualecumque; sed talem, vt ipsa ratio ex sibi proprijs voluntatem flectat, inclinet, determinet ad volendum, quod idem est, ac ex propria sua determinatione & arbitrio, ipsi præfigere vnum extrèum potius quam aliud. In quo sensu maior vtique vera est; nimirum quòd eo ipso voluntas liberè agat, quo ratio ex sibi proprijs ipsam flectit, inclinat & determinat ad volendum, actum ei præfigendo. Vnde Sanctus Thomas primo contra gentes capite octuagesimo octauo, volens ostendere voluntatem diuinam in aliquibus actibus esse liberam, expresse sic arguit; voluntas diuina in his ad quæ non secundum naturam suam determinatur, inclinatur quodammodo per suum intellectum: sed ex hoc homo dicitur præ ceteris animalibus liberum arbitrium habere, quia ad volendum iudicio rationis inclinatur, non imperu nature, sicut Bruta, ergo in Deo est liberum arbitrium. Apertè significans, libertatem in voluntate colligi, ex præcedentia rationis, voluntatem inclinantis seu determinantis.

Itaque Maior intellecta de ratione propriè ducente; scilicet quæ voluntatem inclinet & determinet ad volendum, eiq; actum præfigat, verissima est. Ceterum nec in illo sensu opinionem Vincentij fauere potest: nega-

ri enim tunc debet minor, videlicet quod in omni actu perfecte voluntario, tali modo ducens se præbeat iudicium rationis. Aliud namque est, quod in omni actu perfecte voluntario adsit iudicium rationis, aliud autem, quod adsit tamquam verè & propriè ducens, inclinans, determinans & præfigens quid sit agendum: quæ duo distinctissima sunt; siquidem in quolibet actu voluntatis, eo ipso quod perfecte voluntarius, adest iudicium rationis; non tamen in quolibet adest per modum ducis aut arbitri ex propria determinatione actum præfigentis.

Pro quo recolere oportet ea quæ supra docuimus ex doctrinâ D. Thomæ in quarto, distinctione quadragesima nonâ, quæstione prima, articulo tertio, quæstioncula secunda ad primum, quædam esse, quæ sunt potentie rationali ab alio determinata seu præfixa, quædam autem quæ ipsa sibi determinat & præfigit. Ab alio sunt ei determinata, volitio finis ultimi & vniuersaliter quicumque: actus necessarius necessitate naturalis inclinationis, pro ea parte qua formaliter est necessarius. Actus enim huiusmodi cum sint naturales, & naturalia voluntati non subsint; necesse est, quod ab altiori principio scilicet ab auctore voluntatis ipsi determinantur; vnde & ibidem in Corpore ait, quod *ex impressione primæ causæ Dei, hoc anima inest, ut bonum velit*. Et rursus ad primum loquens de volitione finis ultimi, ad eum (inquit) *ex diuina impressione determinatur*.

Deinde nota, quod in his ad quæ voluntas à suo auctore specialiter determinatur, non potest propriè verificari, quod ipsa ratio eam ducat aut determinet aut actum ei præfigat. Qua de causa dixit idem Diuus Thomas Secunda Secundæ quæstione de-

cima septima, articulo quinto ad primum, quod *primus voluntatis actus ex rationis ordinatione non est, sed ex instinctu nature aut superioris causæ*. Enim negat, illum actum (qua parte scilicet est necessarius quoad specificationem) esse ex ductu seu ordinatione rationis, licet aliàs certum sit, eundem non elici nisi præeunte iudicio seu ratione, vtpote cum voluntas in incognitum ferri nequeat. Itaque, aliud est, actum fieri præeunte ratione; aliud autem, actum fieri præeunte ratione duce, seu ratione ipsum ordinante, imperante, & præfigente. Ratio non ordinat, non imperat, non præfigit, nisi in his quæ rationi subduntur, ut ibidem loquitur: quæ sunt tantum illa, de quibus pro arbitrio suo potest sic vel sic iudicare, conuenientiam scilicet vel disconuenientiam, sicut & actum vel suspensionem actus. A sensu autem contrario nihil habet ratio ordinare, imperare, præfigere in his quæ ei ab alio sunt determinata: respectu enim illorum (cum supponantur ea determinata aliunde & ex consequenti minime rationi subsint) ratio seu intellectus ostendit quidem voluntati talem determinationem, cum in incognitum non feratur; non tamen eandem ex arbitrio suo proprio ipsi præfigit, sed ab alio præfixam supponit. Sicque contingit in omni actu voluntatis perfecte voluntario, si necessarius sit. Ratio in illo actu præit quidem, tamquam ostendens quid præfixum & determinatum sit, non tamquam ipsa præfigens aut determinans.

Ex qua doctrina sic in forma adhibeo secundam solutionem. Concedendo videlicet maiorem, qua dicitur, quod tunc actus voluntatis est liber, quando iudicium rationis ducem ei se præbet; sed nego minorem; hoc contingere in actibus necessariis. In illis namque, vtpote naturalibus

& rationi minimè subditis; sicut ratio non habet ordinare, imperare aut præfigere, ita nec propriè dux est. Dux enim est, non qui præit qualitercumque, sed qui præit regendo, disponendo, ordinando, præfigendo hoc vel illud iuxta arbitrium suum: quod certè locum non habet, ubi ratio ab ipsa natura est determinata ad vnum tantum, tam quoad specificationem quàm quoad exercitium, sicut cōtingit in actibus omnino necessariis. Tunc enim nec ipsa ratio nec voluntas se ducunt, sed tam hæc quàm illa ducitur à natura vel ab auctore naturæ.

SED FORTE DICES. Ergo amor beatificus non fit duce ratione seu ex ordinatione rationis. Quo quid absurdius? Cum amor ille sit actus voluntatis ordinatissimus & omnis ordinatio in actibus voluntatis sit ex præuia ordinatione intellectus, seu rationis.

RESPONDEO. Constantè, amorem beatificum non fieri duce ratione seu ex ordinatione rationis. Et noli turbari, Vincenti, nam sic cogit nos loqui aperta doctrina Sancti Thomæ. Si namque ipse (vt ex loco citato ex Prima Secundæ constat) negat ratione necessitatis & naturalitatis, *primum voluntatis actum ex ordinatione rationis esse*; cur id ipsum non negabimus nos de amore beatifico, qui est in summo gradu necessitatis, & supposita gratia visionis, in summo quoque naturalitatis? Certè sicut *primum voluntatis actum ex rationis ordinatione non est, sed ex instinctu naturæ aut superioris causæ*, ita ne mireris, quòd amor beatificus sit ex instinctu naturæ supernaturalis, non autem ex ordinatione rationis.

Sed vt sine admiratione hoc capere possis, si velis; aduerte nos præcisè loqui de ratione propria ipsius hominis vel Angeli, quando nega-

mus talem amorem ex ordinatione rationis esse: ita vt sensus sit quòd nō est ex ordinatione intellectus humani vel Angelici huiusmodi amor; licet aliàs sit ex ordinatione rationis Diuinæ vel superioris intellectus primæ causæ. Per quod etiam patet, qualiter amor ille sit ordinatissimus. Est namque ordinatissimus, non quia ex aliqua ratione naturali aut super naturali intellectus creati præscribitur, aut voluntati præfigitur, ad eum modum quo ipsa ratio in nobis existens, præscribit aut præfigit actus liberos: hoc enim impossibile & falsum est, cum ratio nostra nil habeat præscribere aut ordinare in his quæ à natura sunt determinata, & aliter se habere non possunt, sicut est ille amor. Huiusmodi enim, sicut rationi nostræ non subduntur; sed altiori causæ; ita nec à ratione nostra dicuntur ordinata aut disposita; sed à ratione existente in alteriori causâ, nempe in prima: per cuius ordinationem, omnia ordinatissime fiunt, quæcumque naturaliter fiunt, siue in ordine naturæ, siue in ordine gratiæ: licet etiam per nostræ rationis ordinationem aliqua ordinatè fiant in utroque illo ordine, nempe illa quæ à nobis fiunt liberè, non naturaliter aut necessariò. Dicitur ergo amor beatificus, actus voluntatis ordinatissimus ex ordinatione rationis, quæ est in intellectu Diuino, non ex ordinatione rationis, quæ sit in nobis: sicut & opera naturæ dicuntur ordinata, non per rationem, quæ sit in natura, sed per rationem, quæ est in auctore naturæ.

SED DICES iterum; ergone negabitur Beati voluntatem ex sapientissima & altissima intellectu sui contemplatione, & prudentissima directione, amorem illum per vim actum suorum imperatricem, tranquillissimè, effusione inspirare? Sunt hæc phæales Vincentij.

DICO

In The
rac. l.
2. c. sec.
2. s. 1. g.
tur licet
omnino

DICO te potius Rhetorem agere, quàm Theologum. Theologus simpliciter cum Dico Thoma negat, quòd ille amor sit ex imperio seu ordinatione rationis; esto ad illius elicientiam concurrat ex parte intellectus, sapientissima, altissima, & prudentissima contemplatio seu intellectio. Concurrit namque huiusmodi intellectio, non tamquam pro arbitrio suo amorem imperans, ordinans, aut præfigens; sed tamquam aliunde ordinatum & præfixum simpliciter ostendens, cum voluntas in incognitum ferri non possit. Longè utique aliter, ac in actibus voluntatis liberis: ad quos ratio concurrit non solum tamquam ostendens; sed insuper tamquam proprio suo imperio inclinans, & determinans ad actum, cum posset etiam inclinare & determinare ad non actum. Pondera quæso illa verba Sæcti Thomæ, & acquiesces: verba sunt hæc ex Primo contra Gentes. *Voluntas diuina in his ad que non secundum naturam suam determinatur, inclinatur quodammodo per suum intellectum.* Cur non dixit voluntatem diuinam inclinari per suum intellectum generaliter in omnibus, sed solum in his ad que non secundum suam naturam determinatur? Cum tamen certum sit, etiam ad alia, ad quæ naturaliter determinatur, non ferri nisi ex perfectissima & infinita cognitione; certè hoc alia de causa non fecit, quàm quia ratio, licet in omnibus actibus voluntati adsit, non tamen adest in omnibus tamquam ex imperio suo inclinans & determinans, nisi in solis liberis, quorum obiecta respicit cum indifferentia, de quibus proinde sic vel aliter pro suo arbitrio disponere potest, præfigendo potius hoc quàm illud, seu inclinando potius ad actum, quàm ad non actum. Igitur anior beatificus elicitur præcunte ratione, & quidem

perfectissima ratione, non tamen est ex ordinatione seu arbitrio rationis. Idemque debet dici de quolibet actu voluntatis necessario pro ea parte, qua naturalis & necessarius est.

CAPVT III.

Solutur secunda ratio eiusdem, ex eo quòd in omni tali actu voluntas seipsam agit, seu seipsam moueat.

SECUNDO arguit Vincentius in sua Theriaca libro primo, capite octauo. Omne quod non solum agitur, sed etiam seipsum agit seu seipsum mouet; est prout sic liberum in agendo: at voluntas in omni actu voluntario, seipsam agit seu seipsum mouet: ergo in omni tali actu est formaliter libera in agendo. Discursus est legitimus, minorem videtur supponere, cum modus se agendi conueniat voluntati ex specifica sua differentia, & in quantum volitua est; maiorem autem probat ex Dico Thoma dupliciter.

PRIMO: quia quæstione vigesima quarta de Veritate, articulo secundo in secundo argumento. *Sed contra, sic satur. Omne quod est liberi arbitrii, agit & non solum agitur; sed bruta non agunt, sed aguntur, ut Damascenus dicit: ergo bruta non sunt liberi arbitrii.* En ubi probat bruta non esse liberi arbitrii, quia non se agunt, sed potius aguntur: ergo a sensu contrario sentit, quod omne se agens, prout sic est liberum in agendo.

SECUNDO: quia libro secundo contra gentes, capite quadagesimo octauo, ratione secunda docet, quòd sola momentia seipsa libertatem habent

in agendo. Ergo idem quod prius. Hoc, quantum capio, quantum sapio, totum portentum est tux secundæ rationis, Vincenti.

RESPONDEO maiorem argumenti vniuersaliter, & vt iacet, esse apertè falsam. Vera tamen erit, si intelligatur de solis mouentibus seipsa cum dominio sui actûs. Quo sensu voluntas non se mouet in omni actu perfectè voluntario; sed solum in illo, quem taliter elicit, vt possit non elicere, vel taliter imperat, vt possit non imperare: quod & fusè ostendimus suprâ libro secundo. Ratio autem, cur vniuersaliter de omni mouente seipsum, nequeat maior esse vera; euidenter patet ex duobus.

Tum quia patitur eandem illam instantiam, quam capite præcedenti ad hominem formauimus in duplici illo casu motionis præternaturalis Suarij, & necessitatis Manichææ. In utroque enim voluntas verè se ipsam moueret seu se ipsam ageret; & tamen minime liberè, vt Vincentius fatetur, ergo ad libertatem actûs non sufficit seipsum mouere seu se ipsum agere, si aliud non addatur.

Tum etiam, quia secundum communem Philosophiam, omne viuens mouet seipsum, vtpote sufficienter distinctum in partem per se mouentem & partem per se motam quæ distinctio ad se mouendum sufficit, & tamen non omne viuens habet prout sic, libertatem in agendo, vt manifestum est: ergo aliquid amplius ad veram libertatem requiritur. Et hoc requisitum dicimus esse, quod taliter quidpiam se moueat, vt simul habeat dominium sui actûs. Quem modum se mouendi, suprâ ostendimus, voluntati in actibus omnino necessarijs deesse: vt namque concedit Diuus Thomas prima parte, quæstione octuagesima secunda,

articulo primo in tertio argumento, eius quod est ex necessitate, non sumus domini.

Et quòd hæc solutio sit vera & tenenda, patet iterum ex Angelico Doctore, qui secundo contra Gentes, capite quadragesimo septimo, Ratione tertia in fine, probans in substantijs intellectualibus dari voluntatem seu principium operandi liberè, non certè lumpsit pro medio, quòd ipsæ seipsas agunt aut mouent qualitercumque, sed; quia seipsas agunt ad operandum, vt habentes sue operationis dominium. Ergo apertissime sentit, hoc præcise quod est se mouere vel se agere, non sufficere ad veram libertatem, si simul facultas dominij non adsit.

Nec contrarium conuincitur ex duplici illo loco inducto.

NON EX PRIMO: quia quando asserit bruta non esse liberi arbitrij, quia non agunt sed aguntur, hoc debet sic intelligi; quia non agunt cum dominio sui actûs, taliter vt in potestate ipsorum sit, posito iudicio agere vel non agere. Si enim intelligeret absolute & sine vlla limitatione, quia non agunt; hoc certè doctrinæ communi & per se notæ contradiceret, cum enidentissimum sit saltem apud sapientes, bruta verè se agere seu se mouere, vtpote verè viuentia & vitaliter operantia. Intelligit ergo sicut nos explicamus; quia non agunt, id est; tamquam habentia suæ operationis dominium.

Et si quæras; si bruta verè se agunt & mouent; cur Sanctus Thomas cum Damasceno dicit ea potius agi quam agere?

Respondeo rationem in promptu esse. Nam licet Physicè seu Philosophicè loquendo, hoc quòd est brutum se vitaliter mouere, sit verum, quoddam agere; tamen in materia morali (de qua vterque loquebatur) non

Suprà
l. i. c. 7.
per totum.

Vbi supra.
Rt.

non debet censeri tamquam quoddam agere, hoc quod est agere absque dominio seu potestate agendi & non agendi. Vnde quotiescumque in Sanctis Patribus legitur, solum hominem verè se agere, bruta autem potius agi, hoc debet iuxta dictum a nobis sensum intelligi; quia videlicet solus homo seu substantia intellectualis, se agit non solum Physicè sed etiam moraliter seu cum dominio faciendi vel non faciendi; bruta vero licet Physicè se agant, moraliter tamen potius aguntur ab alio, cum suis actibus non dominantur, sed ad vnum quid ita determinata sint, vt in oppositum ex vi eiusdem iudicii non possint.

Imò & ipse Diuus Thomas totum hoc expressè tradidit capite quadragésimo septimo iam citato, ratione tertia. *Licet bruta (inquit) quodammodo dicantur mouere se ipsa, in quantum eorum vna pars est mouens & alia mota, tamen ipsum mouere non est eis ex se ipsis, sed partim ex exterioribus sensatus & partim à natura, in quantum enim appetitus mouet membra, dicuntur se ipsa mouere, quod habent supra inanimata & plantas, in quantum verò ipsum appetere sequitur de necessitate, in eis ex formis acceptis per sensum & iudicium naturalis estimationis; non sibi sunt causa quòd moueantur. Vnde non habent dominium sui actus. En vbi Clarissimè affirmat bruta quodammodo se mouere; scilicet physicè, in quantum eorum vna pars est mouens & alia mota. Tamen ipsum mouere (inquit) non est eis ex seipsis, vel; non sibi sunt causa quòd moueantur, quia scilicet non se mouent cum dominio sui actus. Sic enim se mouens; ex seipso seu ex proprio suo iudicio præfigit & determinat sibi actum, vt explicui capite præcedenti: quod tamen brutis non conuenit, sicut nec homini, aut voluntati, quando eli-*

cit actus necessarios seu naturales. Vi se ibi Ferrarissenus, qui eruditè etiam id ipsum explicat.

EX SECVNDO etiam loco, nil conficis, Vincenti non potest responderi eodem modo, sicut responsum est ad primum. Videlicet, quando Sanctus Thomas dicit, *sola mouentia seipsa, libertatem habent in agendo*; quòd loquitur de mouentibus seipsa moraliter seu cum dominio sui actus, vt capite illo quadragésimo septimo præmiserat.

Nihilominus est adhuc alia responsio magis ad litteram, quam ibi adhibet Ferrara; nempe Diuini Thomam non intelligere ibi per *libertatem in agendo*, libertatem de qua nos disputamus, quæ est voluntatis seu liberi arbitrij; sed aliquid aliud longe diuersum, quod omnino est extra nostrum propositum; videlicet principalitatem illam secundum quam aliquid dicitur esse causa principalis sui motus, non mota ab alio extrinseco vt à principali agente, qualiter mouentur grauis & leuis à generante & vniuersaliter quolibet inaninata. Et quòd in tali sensu libertatem sumat; patet ex contextu. Inquit enim ibi quòd animalia irrationalia sunt quodammodo liberi quidem motus sine actionis, non autem liberi iudicij: inanimata autem quæ solum ab alijs mouentur neque libera actionis sunt aut motus. Intellectuales verò non solum libera actionis, sed etiam liberi iudicij. Pondera in illis verbis, quòd tribuat libertatem in agendo seu liberam actionem animalibus irrationalibus, cum tamen vera libertas ipsis tribui nequeat; ergo per libertatem in agendo seu per liberam actionem, nequit libertatem intelligere de qua nos disputamus. Solum ergo potest velle, animalia esse causas principales sui motus, non purè motas ab extrinseco, sicut mouentur inanima-

Ferrara
2. ebra
p. 107
c. 47. b
Circum id
quod dicitur.

ta : & hanc principalitatem, libertatem vocavit, non absolute sed comparative ad illum infinitum gradum motus inanimatorum. Ex quo proinde nil potest ad rem nostram confici, ut intuenti apparet. Solum namque concluditur, voluntatem in actibus suis necessarijs habere libertatem in agendo, id est agere tamquam causam principalem sui motus, quod libenter admittimus.

SECTIO IV.

Soluitur tertia ratio eiusdem, ex eo quod omnis talis actus emanet a voluntate, non solum per modum actus eliciti, sed etiam imperati.

TERTIO ARGVIT Vincentius in sua Thoriaca, libro primo, capite nono. Quia actum esse liberum vera & essentiali libertate, nil aliud est quam ipsum emanare a voluntate, non solum per modum actus eliciti; sed etiam per modum actus imperati: at quilibet actus perfectè voluntarius, quantumvis sit necessarius, emanat a voluntate non solum per modum actus eliciti, sed etiam imperati: ergo quilibet talis est verè liber, vera & essentiali libertate. Dices: tenet: maiorem probas, & bene; quia apud Sanctum Thomam & veteres Scholasticos, actum esse verè liberum, nil aliud est quam voluntatem esse imperatricem illius: hoc enim ipso habet illum in sua potestate seu dominio, ac proinde est libera in agendo illum. Sed minorem probas hoc modo. Quia actum aliquem emanare a voluntate per modum actus ab ipsa imperati, nil aliud est quam eundem esse ab illa volitum; cum voluntatem imperare aliquid, nil aliud quoque sit, quam

eam idipsum velle. At quilibet actus perfectè voluntarius, & si sit necessarius, exit a voluntate ut volitus: ergo exit ab illa ut verè imperatus. Posteriores hanc minorem probas multipliciter.

PRIMO; quia omnis actus voluntatis perfectè voluntarius, est virtualiter super seipsum reflexus: ergo taliter est velle, ut etiam sit volitio sui; & ex consequenti est volitum.

Secundò: quia sic expressè docet Anselmus dialogo de libero arbitrio, capite quinto, quod omnis volens, ipsum suum velle vult. Ergo omne velle est volitum.

Tertiò, quia idem expressè tradit Sanctus Thomas Prima Secundæ, quæst. decima sexta, articulo quarto ad Tertium. *Quia actus voluntatis* (inquit) *refleuntur super seipsos, in quolibet actu voluntatis potest accipi consensus & electio & usus, ut iudicatur quod voluntas consentit se eligere, & consentit se consentire, & vult se ad consentiendum & eligendum.* Ergo idem quod prius.

Quartò: quia sic hoc clarificat Caietanus Prima Secundæ, quæstione nona, articulo quarto, dum ait, *Voluntarij actus voluntatis, sic supra seipsos refleuntur, ut quilibet illorum explicitè, vel implicitè, formaliter vel virtualiter habeat rationem voliti obiecti.* Dum enim eligo vitam contemplativam, consentio in talem electionem, & vtor voluntate mea ad actum eligendi, applicando illam.

Ad idem adducit Vincentius Franciscum Suarez, disputatione prima, sectione prima de Voluntate, ubi apertis verbis definit, esse voluntarium in actu elicito, nil aliud est, quam esse actum ita immediatè manantem a voluntate, ut per seipsum intrinsecè sit volitum per virtutalem & intrinsecam reflexionem in ipso inclusam. Igitur constans

sunt formaliter idem incoactè agere & liberè agere.

Nec probatio tua ex Augustino quidquam conuincit; sed potius turpiter in ea hallucinaris. Non enim Augustinus intendit hanc consequentiam quam tu intendis; scilicet voluntas agit incoactè, ergo agit liberè; sed hanc; si voluntas agit coactè, ergo non agit liberè. Quam vtique & nos concedimus, sed tuam constanter negamus. Tua est à superiori ad suum inferius affirmatiuè, quæ promde vitiosa est: sicut si diceretur; est animal; ergo est homo: agere enim incoactè, est superius ad agere liberè & ad agere necessariò seu non liberè: vnde nullo modo sequitur; iste actus voluntatis est incoactus; ergo iste actus est liberi potest namque esse necessarius. Consequentia tamen Augustini, optima est. *Si cogitur (inquit) consentire, non ergo voluntate (seu libertate) peccat. Qui processus, est à prædicato repugnanti, ad negationem illius cui repugnat; procedit enim à positione coactionis ad negationem libertatis, cui coactio repugnat. Sicut si dicerem, si hoc est substantia inaninata, non ergo est homo. Vnde licet rectè inferat Augustinus; si cogitur; non ergo liberè vult; ineptè tamen inferis tu, incoactè agit seu non cogitur; ergo liberè vult.*

Et hac eadem deceptione, Vincenſij, laborant omnes alie authoritates, quas toto illo capite decimo ex alijs Patribus Fulgentio, Prospero, Anselmo & Bernardo adducis. Nullus enim illorum ex sola aut mera incogibilitate, inferit libertatem; sed tantum contendunt non fore libertatem, si coactio adesset. Et dato, quòd alibi, etiam ex sola incogibilitate libertatem inferrent; explicandi sunt, sicut supra offendimus, de libertate potentie seu suppositi, non de libertate actus.

SED INSTAS ratione. Libertatis, negatiua quasi proprietates est, non cogi; sed vbicumque inuenitur proprietates, inuenitur & essentia ad quam proprietates consequitur; ergo vbicumque voluntas agit incoactè, agit ibidem & liberè.

RESPONDETUR facillimè. Negando quòd incogibilitas sit proprietates determinatè consequens essentiam liberi. Consequitur enim essentiam cuiuscumque voluntarij, si sumatur in tota sua latitudine, vt patet in brutis: in quorum actibus si cut inuenitur ratio voluntarij, ita & ratio incogibilitatis: & si sumatur magis strictè, vt sumit Vincentius, pro sola incogibilitate reperta in natura intellectuuali, sic consequitur essentiam voluntarij perfecti. Quæ cum sit prædicatum superius ad voluntarium liberum & ad voluntarium necessarium; inuenitur quoque huiusmodi proprietates in vtroque illo voluntario, tam libero quam necessario: vnde non sequitur; ille actus voluntatis procedit incoactè, ergo procedit liberè, quia ratio incoacti etiam inuenitur in actu voluntario necessario seu non libero. Exemplum est, in potentijs sensitiuis animæ, quæ sunt proprietates consequentes essentiam animalis non in determinata aliqua specie, sed essentiam animalis vt sic, seu prout abstrahit à rationali & irrationali: vnde sicut non sequitur; hoc suppositum habet potentias sensitiuas, ergo habet formam animalis rationalis, quia huiusmodi potentie etiam consequuntur formam irrationalem; ita pariter in præsentibus non rectè inferitur hic actus procedit incoactè, ergo procedit liberè; quia ratio incoacti est proprietates consequens actum voluntarium non indeterminata specie liberi, sed actum voluntarium vt sic, prout abstrahit à libero & necessa-

rio, ac proinde inuenitur etiam in actu non libero.

CAPVT VI.

Soluitur prima ratio, qua Vincentius speciatim probat amorem beatificum esse liberum, ex eo quod sit actus humanus.

ETIAM habet Vincentius rationes nonnullas, quibus in particulari conatur ostendere, esse liberum, amorem beatificum, non obstante eius necessitate ab intrinseco, quam nobiscum latetur.

PRIMO ARGVIT in Theriaca libro primo, capite vigesimo primo. *Quis enim (inquit) amorem vitæ finis & beatificum hominis, negabit actum humanum esse? Quasi tacite intendens concludere; si humanus: ergo liber.*

RESPONDEO quod nulla est argumentatio. Si enim Theologi consulantur; negant in primis aliqui non iustitiam notæ (vt Medina) amorem beatificum, actum humanum esse. *Dicendum (inquit ille) actionem beatificam non esse actionem humanam, sed potius esse finem omnium actionum humanarum.*

Deinde alij (vt Curiel, Corneio, & idem Medina, quibus & ego subscribo) distinguunt de actione humana. Vel enim sit sermo de actione humana quoad substantiam operis, vel de humana etiam quoad modum operandi. Actio humana (inquiunt) quæ est humana etiam quoad modum operandi, est quidem libera: non tamen est libera, actio humana, quæ est humana præcisè quoad substantiam operis. Patet hoc in prima intellectione, præueniente omnem actum voluntatis: illa est actio

humana quoad substantiam, cum secundum suam substantialem speciem non procedat nisi ab anima rationali; & tamen libera non est: quia non est humana quoad modum operandi: vt pote cum procedat ab homine, non secundum modum proprium hominis, qui est agere cum indifferentia, sed cum determinatione ad vnum, qui est modus communis etiam ipsis brutis. Amor ergo beatificus secundum hos Doctores, ponitur esse actio humana primo modo, nempe quoad substantiam operis, non quoad modum operandi, quia pariter procedit ab homine, cum omnimoda determinatione ad vnum, non autem cum indifferentia, per quam à modo agendi brutali homo differt. Vnde nec in horum opinione vllatenus sequitur, actum illum liberum esse.

Sed rursus alij (vt Salmanticenses) aliter philosophantur. Admittunt quidem anteriorem beatificum esse actum humanum, etiam quoad modum operandi; sed negant exinde sequi, illum liberum esse. Nam latius (inquiunt) patet, actio humana etiam quoad modum operandi, quam actio libera. Vt sit humana etiam quoad modum operandi; sufficit secundum illos, exire ab homine, secundum aliquem modum proprium hominis pro aliquo statu, nempe pro statu Patriæ, licet non exeat ab homine secundum modum proprium hominis pro statu viz. Vnde cum amor beatificus (iuxta hunc modum dicendi) exeat ab homine secundum modum operandi, quem vt sibi proprium habet homo in patria, fit conlequens actionem humanam esse, etiam quoad modum agendi. Non tamè liber est huiusmodi amor; quia etiam hi. Authores vltra rationem actionis humanæ vt sic seu in tota latitudine exigunt ad actum liberum;

Salmanticenses
viciant
huc di-
spunt a.
dub. 1.
§. 3.

T in-

In The-
riaca l.
1. c. 21.
§. Licet
humana.

Medin.
11. qu.
1. a. 1. in
expl. c.
artic. §
Sed ad
hoc con-
tra.

Curiel.
ibidem
dub. 1.
§. 3.

Corne-
io de
bonis.
& mal.
disput.
1. dub.
4. in
11.

indifferentiam ex parte principij , quæ tali amori deest .

Itaque, Vincenti, prima illa tua ratio pro libertate amoris beatifici, in quocumque modo dicendi inefficax est. Vel enim antecedens à Theologis negatur, vel distinguitur, vel si conceditur absolute; negatur consequentia,

Et certe id, in quo omnes isti modi dicendi cōueniunt; videlicet amorem beatificum non esse simpliciter & omnibus modis actionem humanam, nil miri, nil noui, nil insoliti continetur: ita ut mirum potius esse debeat, te (Doctorem Scholasticum cum sis) tanta confidentia nobis obijcere; quis amorem beatificum negabis actum humanum esse? Profecto si tantisper libet primum articulum ex Prima Secundæ attendere, videbis Sanctum Thomam hoc ipsum negare, quasi aperte & euidenter. *Actionum quæ ab homine aguntur* (inquit ibi) *illa sola* propriè dicuntur *humana quæ sunt propria hominis in quantum est homo*. Differt autem homo ab alijs irrationalibus creaturis in hoc quod est suorum actuum dominus. Vnde illa sola actiones vocantur propriè humane, quarum homo est dominus. Est autem homo dominus suorum actuum per rationem & voluntatem: vnde & liberum arbitrium esse dicitur facultas voluntatis & rationis. Illa ergo actiones propriè humane dicuntur, quæ ex voluntate deliberata procedunt: si quæ autem aliæ actiones homini conueniant, præ sunt quidem dici hominis actiones, sed non propriè humane. Non vides hic amori beatifico rationem actionis humanæ quasi expressis verbis denegari? Concludit Sanctus Doctor summa claritate illas solum actiones propriè dici humanas, quæ ex voluntate deliberata procedunt: & dic quæso, comprehenditurne sub genere actionum ex voluntate deliberata procedentium.

amor beatificus? Si hoc iuxta tua principia pertinaciter asserueris; inferam & ego ex deliberata voluntate procedere Spiritum Sanctum, & si hoc quoque concesseris, andeo dicere Catholicam vocem non esse: nam ratio deliberata, si terminis non abutamur, ad minus importat, si non consultationem seu inquisitionem de medijs; saltem rationem, indifferenter proponentem obiectum: quorum neutrum in tuam opinionem inuenitur in amore beatifico, & ponere alterutrum istorum, in productione Spiritus Sancti, proculdubio à fide aberrat. Ergo si discursus Sancti Thomæ pro legitimo habeatur; negandum utique est, amorem beatificum, propriè & simpliciter actionem humanam esse. Consteri quidem compellimur, esse actionem hominis, sed humanam actionem dicere, Angelica doctrina prohibemur.

NEC valet tua explicatio, qua dicis Diuum Thomam loco citato non definiuisse actionem humanam, nisi in quodam sensu speciali, quo solæ electiones mediorum vocantur humanæ: quo utique sensu fateris amorem beatificum, actionem humanam non esse. Et moueris ex eo quod ipsam definierit per voluntatem deliberatam, quæ secundum te solum est voluntas electiua, cum in media tantum, non in finem deliberatio cadat.

Non inquam valet; tum quia hoc est volutariè restringere doctrinam, quam tamen ex ipso textu constat vniuersaliter tradi, pro omni actione humana ut sic.

Tum etiam, quia sic explicando, facis doctrinam Sancti Thomæ diminutam: cum enim nullo alio in loco ex professo actionem humanam hominis ut sic, definiat; si hic in tota latitudine seu absolute non definiuit;

uit; sequitur quod nusquam sic definitur; ac proinde omnino diminutè processit.

Tum denique, quia probatio potius erit nugatoria quàm artificiosa. Patet sequela: nam iuxta tuam explanationem; flet iste sensus, *actuum quæ ab homine aguntur, illæ solæ propriè dicuntur humane*, proprietate actionis electiue, *quæ sunt propriè hominis in quantum est homo electiuus: differt autem homo (in quantum electiuus) ab alijs irrationalibus creaturis in hoc, quod est suorum actuum dominus, speciali dominio electiuo: unde solæ illæ actiones vocantur propriè humane*, proprietate actionis electiue, *quarum homo est dominus dominio speciali electiuo &c.* Quam probationem quis non videat esse omnino ridiculam, & nugatoriam, cum semper manifestet idem per idem? Unde & ad fundamentum tuum dicendum est, Sanctum Thomam nomine voluntatis deliberatæ non intellexisse determinatè voluntatem electiuam, prout solum respicit media; sed quancunque voluntatem liberam provenientem ex iudicio indifferenti, quo sensu etiam datur voluntas deliberata circa finem.

Et ne putes propria phantasia hoc à me dici: accipe locum eundem eiusdem Sancti Thomæ, in quo ipsemet voluntatem deliberatam iuxta dictam intelligentiam usurpat. Locus habetur Prima Secundæ, questione sexta, articulo secundo in Corpore. *Perfectam* (inquit) *cognitionem finis sequitur voluntarium secundum rationem perfectam*. Provi scilicet apprehenso sine aliquis potest deliberare de fine (en deliberatio etiam circa finem) & de his quæ sunt ad finem, moveri & non moveri. Velis, nolis, hic cogimur nomine deliberationis intelligere, non actum liberum determinatè circa media, seu electivum

specialiter: sed actum liberum in tota sua latitudine, prout idem est, ac actus exercitus cum indifferentia tam circa finem, quàm circa media. In eodem ergo sensu sumpsit voluntatem deliberatam in articulo illo à nobis adducto, & à te malè intellecto.

CAPVT VII.

Solvitur secunda ratio eiusdem, ex eo quod visio beatifica nequeat eripere voluntati istam maximam perfectionem, quæ est libertas.

SECUNDO ARGVIT ad idem, in sua Theriaca libro primo, capite vigesimo secundo. *Cum libertas* (inquit) *sit maxima perfectio voluntatis, & ad eam exercendam, intellectus tamquam dux & lucifer sit ei à natura datus, nimis incredibile est, perfectissima & splendidissima operatione intellectus, qualis est visio beatifica, voluntati libertatem & perfectionem istam eripi, & à culmine mentis in modum & imperum agendi brutalem deijci.* Professio satis Rhetoricè, pulchrè, & ornatè.

Quod idem argumētum alijs terminis repetit libro secundo, cap. primo, sectione secunda, quasi admirandus iniquiens; *Intellectus voluntati appositus est, ut in modo suo connaturali agendi* (id est, qui cum imperio & libertate essentiali exercetur) *eam dirigat; & tamen perfectissima operatio intellectus, quæ est videre Deum, modum illius agendi, in quo supremæ excellentiæ voluntatis consistit, evertet.* Quam hoc paradoxum (concludit) & adoxum mihi videtur!

Sanè, Vincenti, quod tibi adeò adoxum, hoc mihi omnino orthodoxum,

In Theriaca l. 1. c. 20. §. Talis.

In Theriaca l. 2. ca. 1. lect. 2. §. Sed nescio.

xum. Verba tua ad formam Scholasticam licet reducere, vt rei veritas appareat. Quasi sic ergo probas. Intellectus datus est voluntati, vt illo mediante, voluntas libertatem suam exerceat: & alia libertas est maxima & suprema voluntatis perfectio: ergo mediante perfectissimo actu intellectus, qualis est visio, nequit maxima illa libertatis perfectio eueri, ac proinde adhuc sub visione manet amor liber.

RESPONDE.) duas propositione in illo syllogismo contineri. Prima est; *Intellectus datus est voluntati, vt mediante illo voluntas suam libertatem exerceat.* Secunda; *Libertas est maxima & suprema voluntatis perfectio.*

Prima propositio potest bene & malè intelligi. Malè, si intelligatur de quocumque intellectu, siue determinato ad vnum, siue indifferenti. Falsum enim est, intellectum in tali amplitudine esse regulam libertatis. Vt namque inquit Sanctus Thomas in Secundo ad Annibald. Distinct. vigesima quarta, quæst. vnica, articulo secundo. *Libertas provenit ex ratione quæ ad opposita viam habet.* En non ex qualibet ratione, non ex quolibet intellectu nascitur libertas; sed ex ratione, ex intellectu ad opposita viam habente; hoc est ex ratione seu intellectu indifferenti. Bene ergo intelligitur, si sumatur propositio, non de quolibet intellectu, sed determinate de intellectu, qui habet associatam sibi indifferentiam. Sed in hoc sensu nil concluditur ad propositum, nam amori beatifico non præluet intellectus aut ratio proponens obiectionem indifferenter, sed potius cum omnimoda determinatione ad amorem tantum.

Secunda propositio est simpliciter falsa. Libertas enim non est maxima & suprema perfectio voluntatis: cum cæteris paribus ex parte cogni-

tionis, longè maior perfectio sit in voluntate amor omnino necessarius seu non liber, quàm amor non necessarius seu liber. Quod & multis potest ostendi.

Primò à priori: quia amor omnino necessarius quoad specificationem & exercitium, cum ex vi sui principij non sit indifferens ad esse & non esse, minus habet de potentialitate, & plus de actualitate. Ergo absolutè est perfectior amore libero seu indifferenti, qui in nobis habet admixtam illam potentialitatem ad esse & non esse, & in Deo ad minus defectibilis est sub conceptu terminationis.

Secundò etiam à priori: quia amor omnino necessarius provenit à voluntate vt natura est, liber verò provenit à voluntate vt voluntas est, vt supra ex protello ostendimus. At cæteris paribus perfectior est voluntas vt natura est, quàm voluntas vt voluntas est: ergo perfectius operatur necessariò, seu vt natura, quàm quando operatur liberè seu vt voluntas. Constat consequentia & minorem probo, quia Spiritus Sanctus procedit à voluntate Divina secundum conceptum eius perfectissimum: at, teste Sancto Thoma, quæstione secunda de Potentia, articulo tertio in fine Corporis, & ad Undecimum, procedit à voluntate vt natura est, non à voluntate vt voluntas est: ergo in voluntate conceptus nature est simpliciter perfectior conceptu voluntatis.

Tertiò à simili: quia sicut se habet intelligere sine discursu ad intelligere cū discursu, ita se habet amare sine libertate ad amare cum libertate: sed intelligere sine discursu est absolutè perfectius, quàm intelligere cum discursu, vt patet in Deo, & in Angelis: ergo cæteris paribus, etiam amare sine libertate est absolutè per-

suppl
l. u. c. 5

perfectius, quam amare cum libertate.

Quarto: quia actus Diuinæ voluntatis necessarii, nostro modo capiendi sunt perfectiores actibus eiusdem voluntatis liberis: quædā causa perfectior est amor; necessarius scilicet bonitatis quam amor liberis voluntariorum: ergo pariter in nostra voluntate, si cetera sint paria perfectiores erunt actus voluntatis necessarii, quam liberi.

10. Dixi autem, si cetera ex parte cognitionis sint paria: quia certum est quod amor liber ex perfecta aduertentia rationis, perfectior est amore necessario, qui non est cum tali aduertentia: ut patet in moribus primo primis, in pueris, & amentibus.

Ex his ergo patet ad rationem factam: Non debere esse incredibile, perfectissima & splendidissima operatione intellectus, qualis est visio beatifica, voluntati perfectionem illam, eripi, quæ est libertas. Brepta enim illa, patet ei via ad exercendam aliam perfectionem longe superiorem, nimirum animum diuinæ bonitatis bonum necessarium.

11. Non hoc profecto est (ut terrificata verba; Innocenti, sonant) & est mentis in modum imperum agendi brutalem deici: sed potius, a flexibilitate mentis in perpetuam stabilitatem Sanctorum erigi. Quod enim nos dicamus, amorem illius quoad modum excludi cum determinatione ad vnum, habere convenientiam cum modo agendi brutorum: hoc non sic capi debet, quasi Physicè & a parte rei brutaliter exerceatur: hoc namque blasphemum potius quam Theologicum esset: habet enim, modus ille determinationis ad vnum in amore beatifico, Physicè & a parte rei differentiam sibi propriam, quam longissimè distantem a modo

Physico operationis brutalis: ut potest cum exerceatur, cum perfectissimo voluntario quod in operatione bruti minimè reperitur. Solum ergo intendimus esse brutalem quoad modum; in hoc sensu, quia videlicet modus operandi cum determinatione ad vnum, absque indifferentia & per modum naturæ, sumptus secundum suam rationem formalem seu logicè in sui abstractione, inuenitur etiam in brutis, licet aliis Physicè contractus per differentiam quādam voluntarij longè imperfectioris, videlicet absque cognitione intellectiva. Sicut communiter solet dici de homine & de equo: quod in ratione animalis logicè considerata habent convenientiam formalem, licet alijs differant in eadem ratione animalis, considerata Physicè seu ut contracta per proprias differentias.

Præterquam quod omnino abusive dicitur, per visionem beatificam, voluntati perfectionem libertatis eripi. Aliud namque est, quod splendidissima illa operatio non fiat in ordine ad suum obiectum primum, libertatem voluntatis exerceri, aliud autem, quod eam ipsi absolute eripiat. Primum, verissimum est, secundum autem, a veritate prorsus alienum. Licet namque voluntatis libertatem exerceri non fiat respectu obiecti primarij quod est diuina bonitas secundum se; non tamen libertatem absolute eripit aut euertit: cum permittat, in eo & eandem stabilitatem circa obiecta secundaria seu circa diuinam bonitatem, ut est ratio diligendi creaturas, sicut namque supra ex D. Thoma ostensum est, amor beatificus, necessarius & immobilis & indefectibilis & immutabilis, est fundamentum & origo reliquorum actuum liberorum, quæ beati circa creaturas libere, mobiliter, defectibiliter, & mutabiliter exercent. oper.

Supra
l. 3. c. 1.
sect. 5.
Sed ser-
ua im-
pugnatio

Et enim (inquit Angelicus præceptor prima parte quæstione octuagesima secunda articulo primo in Corpore) quod illud , quod naturaliter alicui conuenit , sit fundamentum & principium omnium aliorum : quia natura rei est primum in vnoquoque , & omnis motus procedit ab aliquo immobili.

CAPVT VIII.

Soluitur tertia ratio eiusdem , ex eo quod necessitas beatifica voluntatem non adigat in illum amorem vi quadam nature .

TERTIO ARGVIT ad idem in sua Theriaca , libro primo , capite vigesimo sexto . Non enim illa necessitas (ait) voluntatem beati more appetitus brutalis in illum affectum amoris vi quadam nature exprimit & adigit ; sed eam sub sapientissimæ directione beatificæ visionis , se in illum resolvere , & sibi illum ex potestate sua dominatiua , imperare sinit .

Meo videri in hac Rhetorica , Vincenti , ponis triplex enthimema . Quasi in forma Scholastica dices ;

PRIMO SIC : necessitas amoris beatifici non adigit voluntatem . Beati more appetitus brualis : ergo non adimit ei in illo actu libertatem .

SECUNDO SIC : nec etiam adigit vi quadam nature : ergo pariter libertatem non tollit .

TERTIO SIC : finit voluntatem se in illum amorem resolvere ex potestate sua dominatiua : ergo liberè .

RESPONDEO ad singula . AD PRIMVM iam patet ex dictis capite præcedenti . Distinguo enim sic . Necessitas non adigit volunta-

tem more appetitus brutalis Physicè , & quoad substantiam ; concedo antecedens : morè appetitus brutalis , quoad modum agendi , logicè vtriusque communem ; nego antecedens . Ergo non adimit ei in illo actu libertatem ; nego consequentiam . Sed tantum sequitur , quod amor ille sit substantialiter & Physicè differēs ab appetitu brutalis : quod nos concedimus , cum habeat perfectissimam rationem voluntarij , qua tamen caret appetitus bruti . Sed vt liber esset vera libertate , vltra hoc requireretur ; quod etiam differret ab appetitu brutalis , quoad modum ; qui est cum determinatione ad vnum . Hunc enim modum verè libertati repugnare , iam sæpè satis inculcatum est .

AD SECVNDVM dico , quod hoc quod est , voluntatem Beati non adigi in illum amorem vi quadam nature ; potest bene & malè intelligi . Bene si solum significetur , non adigi in illum amorem vi aliqua cogente , aut violentante ; malè autem si vltra hoc intendatur , nec etiam adigi in illum amorem vi seu efficacia naturalis inclinationis determinatæ ad vnum . Sed primum ; non iurè intentum aduersarij : quod enim non adigatur voluntas Beati in illū amorem , vi aliqua cogente seu violentante , hoc ad rationem liberi non sufficit , si simul cum hoc necessitetur ad eundem vi seu efficacia naturalis inclinationis per omnimodā determinationem ad vnum . Vt enim supra ex D. Thoma audiuius , dominium seu libertas excludit duo , & violentiam causa exterioris agentis , & determinationem virtutis ad vnum .

AD TERTIVM absolutè nego antecedens . Non enim se resoluit voluntas Beati in illum amorem ex potestate sua dominatiua , cum se resoluat ex necessitate : & illius quod est ex

In The
riac. l.
1. c. 16.
§ Non
enim il-
la .

Suprà
l. 1. c. 1.
sect. 1.
6. Et præ
hoc.

neceffitate, non fumus Domini, concedit S. Thomas prima parte, quaestione 82. atticalo primo.

CAPVT IX.

Soluitur quarta ratio eiusdem, ex eo quod minimè expediret, tam sapientem & prudentem esse, sicut beati sunt: si semel amor illorum liber non esset.

QUARTO ARGVIT ad idem in Theriaca libro secundo, capite primo, sectione secunda. Si necessitas (inquit) qua ex sapientissimis & pregnantissimis, quas intellectus voluntati proponit, amandi rationibus & motibus prouenit (vt scilicet contingit in amore beatifico) necessitatem coactiuam, libertati naturali inimicam inferret; tam sapientem & prudentem esse (sicut sunt beati) minimè expediret.

Est argumentum ab absurdo. Redactum in formam Scholasticam sic sonat. Si iudicium visionis beatæ, quod beatus iudicat Deum esse amandum, inferret necessitatem coactiuam, libertati inimicam; minimè esset expediens, tam sapienter iudicare, sicut beati iudicant. At hoc est absurdissimum; ergo & dicere, quod simile iudicium necessitatem coactiuam libertati inimicam inferat.

Profecto, Vincenti, (cum nemo sit inter Catholicos, nec vir nec mulier, qui sibi tale iudicium tota mente eandem aliquando non optet) non possum non tecum sateri absurditatem istam, vel potius stultitiam singularem, qua quis diceret, simile beatorum iudicium non adeò expedire. Imo si tale quid in vulgus quis spargeret, timere deberet vtique (Phrasi vtor Augustini): ne non solum faties

eius spiritus obliniretur virorum, verum etiam caput scandalis muliercularum commitigaretur. Dicamus ergo, multum per omnem modum, imò & plusquam humana mens capere possit, sapientiam istam Sanctorum, qua inuicissimè iudicant Deum semper amandum, omnibus & singulis expedire. Sed me hercle! sequiturne oppositum ex communi nostra sententia, qua dicimus, tale iudicium cum libertate amoris non compati? Sanè contendis id tuo argumento; sed quam inaniter, solutio docebit.

RESPONDEO ergo in primis, negando suppositum: scilicet nos docere, quod necessitas illa ex iudicio visionis beatificæ proueniens, inferat in voluntate beati necessitatem coactiuam. Aliud namque est quod inferat absolutè necessitatem auferentem actus libertatem, aliud autè, quod inferat necessitatem coactiuam. Primum, verum est, & nos fateamur: cum enim iudicium illud sit determinatum ad vnum, infert in actione subiecta necessitatem, ita vt libertas in ipsa inueniri nequeat. Vnde, Dicitur Thomas quaestione vigesima quarta de veritate, articulo secundo ad tertium, loquens de actionibus regulatis iudicio determinato, sic fatetur; *considerato ordine actus ad iudicium à quo prouenit, quod est determinationem ad vnum, citam ad ipsas actiones, obligatio quædam derivatur* (id est quædam necessitas) *vt non possit in eis inueniri ratio libertatis absolutæ.* Secundum verò, quod inferat necessitatem coactiuam; hoc constantissimè diffitemur. Licet enim amor beatificus cum summa determinatione iudicii à voluntate exeat, in illo tamen voluntas se mouet, omnino iuxta inclinationem suæ naturæ: non est autem violentia vel coactio in hoc, quod aliquod secundum ordinem suæ naturæ mouetur; sed magis in hoc, quod naturalis motus

August.
libr. 3.
contra
Iulian.
c. 5.

impeditur, inquit iterum Diuus Thomas, quæstione decima de potentia, articulo secundo ad Quintum.

Deinde dico, quod iudicium illud visionis beatæ, non solum non auferre necessitatem coactiuam, sed nec necessitatem aliquam, quæ absolute sit libertati inimica. Vt namque constat ex capite septimo præcedenti, in fine; libertas ex vi visionis & amoris beatifici, non solum indemnis relinquitur circa obiecta secundaria, verum etiam magis circa ea stabilitur & confirmatur. Fatemur quidem, quod non finitur ibi libertas exerceri circa obiectum amoris primariū, quod est Diuina bonitas inspecta secundum se; sed hoc minimè inconuenit, imò omnibus modis necesse est. Cum namque Diuina bonitas secundum se & sine habitudine ad creaturas sit bonum infinitum, in cuius contemplatione nulla prorsus apparere potest ratio mali aut defectus boni; profecto prout sic liberè amabilis non est, sed omnino debet sine libertate amari.

Sed quid? An nè ideo (sicut tuum argumentum, Vincentij, contendit) minimè expedit tam sapientem & prudentem esse: ut nempe tam inuisibilè iudicetur Deus amandus, ut non libertate, sed necessitate ametur? O Deus meus & omnia! Quam hoc non obstante expedit hoc felicissimè, beatissimè, & desideratissimè! Da quæzo Domine talem sapientiam, da splendidissimum illius iudicii lumen, quo præcunte, te ita amare valeam, ut liberè amplius non amem. Si gratiæ tuæ misericors liberalitas hoc semel dederit, non solum semel te amabo, sed semel pro semper: non solum aliquo tempore, sed tota æternitate. Imò non solum tota æternitate te amabo, sed nec aliud per totam æternitatem facere poterò, quam te amare, Aiebat Sponsa.

Canticorum tertio, *Tenui eum nec dimittam*; sed dicam & ego tunc longè confidentius; tenui eum, & nō solum non dimittam, verum nec dimittere possum; imò nec mente concipere, qualiter possim: felices compedes, felicia vincula, quæ sic libertatem constringunt, sic ligant. Constringe Domine, liga audacter, quia planè gestio, sic potius esse ligatū, quam mea libertate solutū. Solutus & amorem tuū & te perdere possum; sic ligatus non possum, non possum. Vicenti, quam felix, quam beata, quam summè expediens, ista, licet sine libertate sapientia!

C A P V T X.

Soluitur quinta ratio eiusdem, sumpta ab exemplo Lucretiæ.

QUINTO ARGVIT ad idem, in Theriaca libro primo, capite vigesimo quinto: asserens exemplo polle. probari, prægnantissimas illas amandi rationes, in Beatis libertati amoris non obesse. Cuius rei (inquit) etiam in moribus humanis exemplum inueniri potest. Nam si quis Lucretia pudica matronæ persuadere conetur, ut pudicitiam suam publice in Theatro nudam prostituat, nullis montibus aureis, nullis tormentis id ab ea extorquebit. Autamen in amore isto pudicitia tam libera non est, quam meretrix Thais, qua cum antea pudica quoque esset, postea vno coronato se prostituit? Est sane. Nam necessitatem illam volendi seruare pudiciam, voluntate spontanea sibi imposuit, & se quoque prostituere posset, si vellet; quod tamen nullis blanditijs, nullis tormentis, nulla ratione imaginabili, ut faciat, impetrabis.

Forma Scholastica opus est, ut vis argu-

In Theriaca l. 1. cap. 28 §. 6. In quibus.

argumenti appareat. Ponamus ergo sic. Prægnantissimæ rationes amandi, non nocent libertati amoris: ergo licet in amore beatifico adsint prægnantissimæ rationes amandi Deum, non ideo desinet esse liber ille amor. Consequentia patet, & antecedens probatur exemplo Lucretiæ, taliter determinatæ ad amorem pudicitæ, ut nulla ratione, quantumvis prægnantissima, a ratione amandi pudicitiam abduci valeat: & tamen illa (ut experientia constat) pudicitiam amat liberè, non minus quàm meretrix Thais: ergo prægnantissimæ rationes amandi aliquod obiectum, non nocent libertati amoris.

RESPONDEO, me summopere mirari, tale quid à viro aliàs Theologo in præsentiarum adduci. Distat namq; sicut terra à cælo exemplum huiusmodi ab amore beatifico. Vnico verbo dico, matronam illam omnino liberè pudicitiam amare, beatos autem amare Deum necessariò & non liberè. Ratio est in promptu. Nam, licet Lucretia sic determinata, prægnantissimas rationes habeat amandi pudicitiam, ita ut nulla via de facto vincenda sit; hoc tamen præcisè arguit necessitatem consequentem seu ex suppositione: quia videlicet ita efficaci proposito se de facto determinauit, ut velit etiam pro retinenda pudicitia montes aureos respuere. Cæterum huiusmodi determinatio absolute libera est, & potnit eandem non facere, sicut & semel habitam retractare: utpote quæ non fuit profecta ex iudicio per se & à natura rei determinato ad vnum, sicut contingit in beatis; sed potius ex iudicio quoad actum primum indifferenti iuxta merita obiecti. Obiectum enim illud, cum sit bonum quoddam particulare & finitum, nempe virtus pudicitæ; per se

loquendo, apprehendi potest cum aliqua ratione mali seu cum aliquo defectu boni, & ex consequenti nequit ex proprijs meritis alicui voluntati proponi ut necessariò amandum, qualiter proponitur bonum infinitum clarè visum, sed potius proponitur ut indifferenter eligibile vel fugibile. Ut namque docet Diuus Thomas Prima Secundæ, quæstione decima tertia, articulo sexto in Corpore; intellectus in omnibus particularibus bonis potest considerare rationem boni alicuius, & defectum boni alicuius, quod habet rationem mali: & secundùm hoc potest unumquodque huiusmodi bonorum apprehendere ut eligibile vel fugibile. Solùm autem perfectum bonum quod est beatitudo, non potest ratio apprehendere sub ratione mali aut alicuius defectus, & ideo ex necessitate (id est non liberè, ut patet insipienti titulum articuli) beatitudinem homo vult.

Ex hoc clarissimè patet ad formam argumenti. Distingui enim debet antecedens hoc modo. Prægnantissimæ rationes amandi, non nocent libertati amoris; distinguo; si ita prægnantes sint, ut suam tamen habeant indifferentiam ex parte actus primi, sicut contingit in amore illo pudicitæ, concedo antecedens: si ita prægnantes sint, ut omnem indifferentiam ex parte actus primi excludant, sicut contingit in amore Dei clarè visib; negò antecedens. Distinctio constat

ex varijs, quæ hinc inde tradidimus,

& adhuc

con-

stabit amplius
ex sequen-
tibus.

..

CAPVT XI,

Soluitur sexta ratio eiusdem, desumpta ab inconuenienti, nempe quòd nec Virgo Mater, nec alij confirmati in gratia, fuissent liberi.

In The
ria. l. 2.
cap. 1.
lect. 1. §
Igitur is
est.

SEXTO ARGVIT ad idem, in Theriaca libro secundo, capite primo, sectione secunda. Si amor prouocans ex iudicio determinato ad vnum, non esset liber; sequitur quòd nec Virgo Mater, nec alij confirmati in gratia, fuissent liberi: consequens est falsum: ergo & illud ex quo sequitur,

RESPONDEO hæc quoque exempla, non minus quàm præcedens, à casu nostræ disputationis esse maximè distantia. Certum enim est nobis, tam Virginem Matrem quàm alios confirmatos in gratia, actus suos in via exercuisse cum vera indifferentia seu potestate ad oppositum. Licet namque nec illa, nec ipsi in vilo actu peccare potuerint, ratione gratiæ confirmantis; hoc tamen veram indifferentiam seu libertatem non impeduit.

Eamus iterum ad doctrinam Diui Thomæ, & hæc manifestum. Ipse ergo questione vigesima quarta de Veritate, articulo nono in Corpore, loquens de confirmatione in gratia qualis esse potest in puro viatore, expressè docet, quòd confirmati in gratia, non dicuntur non posse peccare, quia habeant in se sufficiens suæ firmitatis principium, quòd omnino peccare non possint; sicut contingit in Beatis ratione gratiæ consummatæ; sed quia ita complentur per custodiam Diuinæ Providentiæ, ut quodcumque occasio peccati se ingerit, eorum mens diuinitus excitetur ad resistendum. Hoc est dicere, quòd sunt impeccabiles non ab in-

trinseco ratione necessariæ determinationis iudicij aut voluntatis, sicut Beati; sed ab extrinseco tantum, propter Diuinam manutentionem: ad eum sensum (inquit Diuus Thomas) sicut dicitur de immortalitate. *Adæ: qui ponitur immortalis, non quòd omnino aliquo sibi intrinseco protegeretur ab omni exteriori mortifero, ut puta ab incisione gladij & alijs huiusmodi, sed quia à fratribus Diuina Providentiæ conservabatur.*

Patet ergo actus Beatæ Virginis, & aliorum confirmatorum, ratione confirmationis in gratia, non fuisse necessarios, sicut est amor beatificus. Quia respectu huius amoris est determinatio ab intrinseco, ratione nempe cuiusdam iudicij ex natura sua determinati ad amorem, tam ex parte actus primi, quàm ex parte actus secundi, non minus, imò magis quàm iudicium bruti, representato proprio appetibili, sit determinatum ad profecionem. Confirmati autem in gratia, non amant aut operantur ex iudicio sic determinato; sed potius obiectum cum indifferentia ex parte actus primi profecionunt: imò non solum cum indifferentia contradictionis; sed etiam (quantum est ex vi iudicij & intrinsecis voluntatis) cum indifferentia contrarietatis ad malum. Confirmati namque, ab intrinseco non prohibentur peccare, sed solum ab extrinseco. Vnde determinantur quidem ex parte actus secundi ad bonum faciendum infallibiliter, seu necessitate consequentiæ; sicut Thomæ nullæ docent de quolibet auxilio efficaci viæ: sic tamen, ut etiam malum ex indifferentia iudicij & extrinsecis libertatis, absolute possint eligere.

CAPVT XII.

Soluitur septima ratio eiusdem, ab alio inconuenienti, quod nempe multò minus Christus Dominus fuisset liber in subeunda morte sibi precepta.

SEPTIMO ARGVIT ad idem in eodem loco. Sequitur etiam, quòd multo minus Christus ipse, quando Patri obediens usque ad mortem erat, liber fuisset ac proinde omnem laudem & meritum perdidisset.

Fateor hoc argumentum difficilius esse, & maximum negotium Theologis fuisse. Cum enim Christus fuerit impeccabilis etiam ab intrinseco ratione vnionis ad suppositum infinitè Sanctum, vix apparet qualiter mortem sibi preceptam, cum indifferentia seu potestate ad oppositum obiuerit. Si namque ab intrinseco peccare non potuit; ergo ab intrinseco non potuit non facere actum sibi preceptum: quia alias ab intrinseco potuisset peccare, siquidem non facere actum sibi preceptum, est peccare. Cum ego ibi, supposito precepto, ex libertate contradictionis seu ex potestate non moriendi, videatur sequi libertas contrarietatis seu potestas peccandi, Christo repugnans; absque dubio maiorem hoc ingerit difficultatem.

Et quidem, quia à Vincentio solùm insinuat, minime verò vegetur; ideo loco eius substituendus venit Iansenius, qui rem ita prosequitur.

Difficultatem illam (inquit) ineluctabilem esse Scholasticis, satis perspicue probat, quòd ille ipse solutiones quas tamquam probabiliores amplectimur, ita difficultati satisfaciunt, vt nec attingere quidem, vel auctores sub ea suc-

cumbere, manifestum sit. Nam qui in ista materia plausibilis isti malo moderi volunt, dicunt, quamuis determinetur Christus ad bonum; non tamen ad hoc vel illud bonum, quia substantiam precepi actus, ex varijs motibus potuit facere, caritatis, iustitie &c. sub quibus preceptus non erat. Alij dicunt, libertatem fuisse, quantum ad intentionem actus, aliasque circumstantias, loci, temporis, modi &c. Alij actus reflexos libere exerceri posse circa actum preceptum etiam necessarium, & per illos tamquam honestissimos & liberissimos esse posse meritum, si status viatoris ferat. Alij coniungunt omnes modos simul, dum singulos suspectos habent, vt si fors in vno cadant, altero subleuentur. Sed vt ante monui, nullus istorum modorum, nec omnes simul, vel nodum ipsum tangunt & tacite clamant, auctores hastam & clypeum abijcere, difficultatis mole superatos.

Et quia similia dicere, aliunde, auctoritatem non habet, quam sola voluntate dicentis: qua de causa posset & eadem facilitate contemni qua probatur; hinc rationem omnium subiungit hoc modo inquit. Nam ex quocumque motu non precepto vel circumstantia non precepta, preceptus actus fiat, vel quibuscumque reflexis actibus non preceptis, preceptus actus approbetur & offeratur Deo, nunquam ostenditur circa preceptum vt preceptum versari libertatem nisi tantummodo circa aliquid, quod sub nullum preceptum cadit, quod sanè ad precepti adimplendi rationem per accidens se prorsus habet. Ergo nullus ex prædictis modis, saluat Christum liberam fuisse in adimplentione precepti mortis, formaliter vt precepta erat. Pater consequentia, quia tantum saluant indifferentiam respectu alicuius quod sub precepto non cadebat; vt est motuum charitatis aut iustitie; circumstantia loci aut temporis, aut deni-

denique actus reflexus, quo necessitas mortis offertur & acceptatur.

Quòd si cum Thomistis superaddas alium modum; videlicet mortem non solum quoad substantiam, verum etiam, quoad omnes circumstantias quantumvis minutissimas; fuisse Christo præceptam, iuxta verbum Ioannis decimo quarto, *sicue mandatum dedit mihi Pater, sic facio* (Id est) eo loco & tempore & cum præfinitis circumstantijs: & Lucæ vigesimo secundo, *Filius hominis, sicut definitum est, vadit*;

In contra quasi peremptoriam inferens resolutionem, sic concludit: *quid si enim & mortuum & omnes circumstantias præcepto præscribantur? profecto hic omnes cuniculi clausi sunt, nec ullus datur exitus.*

Ac si aperta voce probet, indifferentiam ad libertatem non requiri, hoc syllogismo. Christus in adimplendo præcepto mortis, fuit liber, ut omnes supponimus: & tamen respectu adimplentionis præcepti formaliter loquendo, nullam habuit indifferentiam: ergo indifferentia ad libertatem non requiritur. Minor probatur. Nam omnis indifferentia, quæ hic à Scholasticis ponitur, vel est respectu alicuius quod sub præcepto non cadit, vel respectu alicuius quod sub præcepto cadit: si respectu alicuius quod sub præcepto non cadit; ergo ex vi huius non ostenditur habere libertatem respectu adimplentionis præcepti, formaliter loquendo. Si respectu alicuius, quod sub præcepto cadit; ergo potuit peccare, patet hæc consequentia. Quia qui est indifferens ad rem cadentem sub præcepto, ita ut illam possit facere & non facere, potest præceptum adimplere, & præceptum transgredi, quod est posse peccare. Omnes ergo cuniculi clausi sunt, nec ullus datur exitus pro libertate Christi tuenda; si se-

mel ad rationem formalem libertatis, indifferentia ad agere & non agere requiratur.

RESPONDEO TIBI IANSENI, ET TIBI VINCENTI, verbis Augustini. *Nunquid ideo negandum est, quod apertum est, quia comprehendere non potest quod occultum est? Numquid, inquam, propterea districius, quod ita esse perspicimus, non ita esse, quoniam cur ita sit, non possumus inuenire? Certè hoc vitio vos hic laboratis. Omnibus namque & singulis Scholasticis apertum est, ad libertatem requiri, ad minus indifferentiam contradictionis vos tamen, quia hoc ipsum in libertate Christi aliquid occultum est, nec ita facile comprehendere potestis, propterea dicitis, non ita esse. Quasi verò non sit hoc, hastam clypeumque abijcere & difficultatis mole superari. Est sanè indignius aliquid: nam qui notissimum principium, ne difficultatibus inde nascentibus insudandum sit, abnegat & diffidet, non tantum hastam ex desperata victoria inglorius abijcit, verum & causam iusti belli metu pagnæ turpiter formidat. Imò & hoc addo, dato quòd Scholastici argumentum reuera non soluerent; securius esset, cum illis non soluere, quam Monstrum singularitatis contra torrentem omnium in Scholas adducere.*

Alt argumenti vim dissoluimus. Pro quo in primis hoc præmitto, indifferentiam debere assignari respectu alicuius, quod cadebat sub præcepto. Alias (ut rectè arguit Iansenius) non ostenderetur, Christum liberum fuisse respectu adimplentionis præcepti, formaliter loquendo. Ex quo ulterius fieret, quòd moriendo non habuisset meritum obedientiæ formaliter; per actum scilicet, qui formaliter fuisset actus obedientiæ, quòd videtur repugnare ver-

August.
lib. de
Bono
perseque
ratione
c. 14. in
fine.

bis Apostoli ad Philippenſes ſecundo, *humiliavit ſemetipſum factus obediens uſque ad mortem, propter quod & Deus exaltavit illum.* Igitur aſſignari debet indifferentia reſpectu alicuius cadentis ſub præcepto.

Auar.
de In-
cas. diſt.
46. no.
18. Me-
dia. 3.
par. ad
quæſt.
1. q. ad
1. Mar-
tin. co.
3. in 12.
q. 114.
artic. 1.
dub. 2.
8. a. 12.
1. p. qu.
19. art.
15. car-
ca ſine.
Salinâ
de Au-
gel. 1.
11. du.
vaico.
nu. 64.

Supra
lib. 1. c.
1. ſect.
5. Ap-
pend.

Dico ſecundo, ex doctrina com-
muni Thomiſtarum quam tradunt
Alvarez, Medina, Martinez, Ban-
nez, Salmanticenſes & fere reliqui
omnes; mortem videlicet in indiui-
duo non ſolum quoad Subſtantiam,
ſed etiam cum omnibus circumſtan-
tijs Chriſto fuiſſe præceptam: & ni-
hilominus habuiſſe veram indiffe-
rentiam ſeu veram poteſtatem ad op-
poſitum ſeu ad non moriendum, quæ-
liter ad libertatem requiritur: in
ſenſu videlicet diuiſo ſeu abſolutè,
quamvis in ſenſu compoſito & ex
ſuppoſitione præcepti, neceſſarium
ei fuerit mori, neceſſitate (inquam)
infallibilitatis & conſequentiæ, quæ
libertati non obſtat: ut ſuprà in ſi-
mili de prædeterminatione Phyſica
explicauimus.

Solum oportet ſatiſfacere ſyllogiſ-
mo factò in forma. Pro quo dicò ter-
tiò, diſtinguendo hanc propoſitio-
nem; *Chriſtus ſtante præcepto de morte*
quoad omnes eius circumſtantijs, non
potuit non mori; diſtinguo, non potuit
non mori in ſenſu compoſito, id eſt,
componendo negationem mortis
cum præcepto: concedo: non potuit
non mori in ſenſu diuiſo, id eſt, diui-
dendo negationem mortis à præcep-
to, componendo tamen cum eodem
præcepto potentiam ad non morien-
dum abſolutè; nego. Ergo ſtat liber-
tas ſine poteſtate ad oppoſitum, vel
nego. conſequentiam: vel explico
conſequentiam; Ergo ſtat libertas ſine po-
teſtate ad oppoſitum, ad oppoſitum ſe-
cundum ſe ſeu abſolutè, nego conſe-
quentiam. Ad oppoſitum ut hic &
nunc cum quacumq; etiam connota-
tione ponendū; tranſeat conſequent.

Itaque ad veram libertatem non
requiritur poſſe ponere oppoſitum,
ſub quibuſcumque etiam connota-
tionibus & quocumque tempore; ſed
ſufficit poſſe illud ponere abſolutè
ſeu ſecundum ſe. Quæ potentia in
Chriſto adhuc ſtante præcepto verè
ſalvatur in ordine ad moriendum;
nam licet ſtante præcepto non po-
tuerit non mori: componendo hic
& nunc negationem mortis cum præ-
cepto, potuit tamen adhuc ſtante
præcepto non mori abſolutè ſeu ſe-
cundum ſe.

Alijs etiam terminis poteſt hoc
idem declarari; negando nempe ab-
ſolutè illam propoſitionem comme-
moratam; *Chriſtus ſtante præcepto non*
potuit non mori. Nam aliud eſt quòd
non mori ſtante præcepto fuerit im-
poſſibile propter eius intrinſecam
impeccabilitatem; aliud autem, quòd
ſtante præcepto non fuerit proximè
potens ad non moriendum. Primum
concedo: nempe quòd non mori pro
illo tunc fuerit impoſſibile: ſecundum
verò ſimpliciter nego: videlicet quòd
nec pro illo tunc fuerit proximè po-
tens ad non moriendum: nam ad
proximam eius potentiam, etiam
pro illo tunc præcepti, ſaluandam,
non requiritur poſſibilitas non mori-
zis, pro illa tunc; ſed ſufficit poſſibi-
litas eius abſolutè ſeu ſecundum ſe.
Ut iterum in ſimili diximus de præ-
determinatione Phyſica.

Et ex hijs facillimo negotio ſolui-
tur communis conſequentia; nimi-
rum ſtante præcepto potuit non mori, er-
go potuit peccare. Soluitur (inquam)
hoc facillimè, ſi conſideretur qualis
conditionis ſit hæc potentia, quæ ſtate
præcepto ipſi conceditur: non enim
eſt huiusmodi, ut habeat pro termino
non mori in ſenſu compoſito, ſeu non
mori, poſſibile ſtante præcepto; ſed
ſolum non mori in ſenſu diuiſo ſeu non
mori poſſibile abſolutè. Et cum non
mori,

mori, vt præcisè possibile absolutè, nullam claudat inobedientiam: vt pote à præcepto moriendi abstra- hens, hinc fit, nullam concedi Chri- sto potentiam ad peccandum, quam- uis eidem potentia ad taliter non moriendum concedatur.

Explico hoc. Negatio mortis po- test considerari, vt dupliciter possi- bilis: vel vt possibilis solum absolu- tè, vel vt possibilis etiam tempore præcepti. Primo modo, sicut nullam connotat præcepti existentiam, ita nullam connotat inobedientiam seu malitiam. Secundo modo vice ver- sa; sicut præceptum connotat, ita & malitiam connotat. Potentia er- go, quam stante præcepto Christo concedimus, non est nisi ad negationem mortis vt possibilem absolutè, non vero ad negationem mortis vt possibilem etiam tempore præcepti: vnde nullum claudit respectum ad aliquod peccatum seu malum mo- rale.

ET SI DICAS Christum stante præcepto non mori, esset Christum actu peccare; ergo Christum stante præcepto posse non mori, sicut nos dicimus, est, Christum non posse pecca- re. Probabis consequentiam, quia sic se habet potentia ad potentiam, sicut se habet actus ad actum. Sicut bene valet; actu currere est actu moueri, ergo posse currere, est posse moueri. Et rursus; actu esse animal, est actu viuere vita sensitua, ergo posse esse animal est posse viuere vita sensitua.

RESPONDEO, consequentiam inductam non valere. Concedi enim debet antecedens, & negari conse- quentia. Verum est; si Christus stan- te præcepto, actu non moreretur; quod actu peccaret: sed non sequitur; ergo si stante præcepto potest non mori, potest peccare. Et ratio est: nam tunc solum se habet potentia

ad potentiam, sicut actus ad actum; quando actus sumitur secundum id quod conuenit ipsi per se & ratione sui, non autem quando sumitur se- cundum id quod conuenit ipsi ex- trinsecè, seu ratione alterius sibi per accidens adiuncti. Patet hoc in exem- plis adductis. Cur enim valet: actu currere, est actu moueri, ergo posse currere, est posse moueri? Cur in- quam hoc valet? Certè, quia actu currere, est per se & ratione sui actu moueri; vnde implicat quod posse currere, non sit pariter posse moue- ri. At vero actu non mori, quo quæ- so sensu est idem ac actu peccare? An- nè ratione sui & per se? Minimè pro- fecto: competit namque isti actui ratio peccati, ab extrinseco seu ratione existentie præcepti, quæ in anteceden- ti connotatur. Vnde bene com- patitur, quod aliquid verificetur de isto actu ratione illius sibi per acci- dens adiuncti, quod tamen non veri- ficetur de potentia, quæ præcisè est in ordine ad illum actum secun- dum se. Vt (verbi gratia) si dixe- ris, stante decreto efficaci, actu non agere, est frustrare decretum, ergo stante decreto efficaci posse non age- re, est posse frustrare decretum; si (inquam) sic dixeris; nulla est con- sequentia. Quia non sumitur illud actu non agere, secundum id quod ipsi conuenit per se & ratione sui, sed se- cundum id quod ipsi conuenit ratio- ne extrinseci decreti, cum tamen po- tentia ad non agere, solum sit ad non agere secundum se. Idem dic in præ- senti.

Per hæc quæ dicta sunt, puto in- forniam satisfactum esse argumento posito. Sed iam accedamus ad do- ctrinam: & ostendamus verum esse illud de quo principaliter litigamus, nimirum adhuc stante præcepto vo- luntati Christi inesse veram proxi- mamque potentiam ad non morien- dum

dum secundum se seu absolute. Libet repetere id quod de prædeterminatione Physica loco iam citato diximus: nam utrobique eadem est ratio proportionabiliter. Sicut namque prædeterminatione Physica mouente ad amorem, adhuc remanet potentia proxima ad non amorem absolute seu secundum se, quia prædeterminatio mouet iuxta naturam potentie liberæ, non tollendo indifferentiam iudicii, aut naturalem facultatem voluntatis, quæ duo integram potentiam non amandi constituunt: ita pariter præcepto inclinante ad mortem, adhuc remanebat in voluntate Christi potentia proxima ad non moriendum absolute, quia præceptum inclinabat humanam eius voluntatem, omnino iuxta naturam suæ libertatis, non tollendo nempe indifferentiam iudicii circa mortem subeundam, aut naturalem facultatem voluntatis, quam ad non mori absolute habebat.

SED LIBET VRGERE, vt res fiat manifestior. Obijcio sic. Iudicium quod formabat Christus de morte formaliter vt præcepta, non representabat ipsi mortem indifferenter, id est subeundam vel non subeundam; sed potius determinatè; hoc est, taliter subeundam, vt minimè non subeundam; cum præceptum immutet negationem mortis in ratione obiecti, vt pote reddens omissionem eius peccaminosam: ad quam prout sic, nulla erat in voluntate Christi impeccabili, potestas indifferentiæ. Ergo falsum est, præceptum non tollere indifferentiam iudicii circa mortem subeundam.

Hæc obiectio ita difficilis visa fuit Episcopo Arauico, doctissimo Thomistæ, & meo quondam Magistro, vt ipsum in aliam viam abire coegerit. Sed cum venia tanti viri respondeo perseverando in communi Tho-

mistarum doctrina, & concedo quòd iudicium de morte, vt reduplicatiuè hic nunc præcepta, non representabat illam prout sic, vt indifferenter subeundam vel non subeundam; sed potius determinatè & infallibiliter, vt de facto subeundam tantum: taliter vt pro illa parte infallibiliter connecteretur ita cum morte, vt minimè indifferens esset ad negationem mortis. Tamen quia non connecnebatur sic infallibiliter & determinatè cum actu mortis, ex meritis obiecti secundum se propositi (vt pote cum bonitas mortis quoad suam substantiam, non esset obiectum necessarium amabile) sed solum ex meritis circumstantiæ præcepti extrinseci, afficiens per accidens obiectum propositum; hic est quòd absolutam libertatem regulare possit. Quia quamuis mortem vt affectam præcepto, indifferenter non proponat quantum ad circumstantiam præcepti, sicque iudicium illud ex parte actus secundi sit omnino determinatum; quæ determinatio libertati non obstat; tamen absolute, & quoad substantiam, mortem indifferenter respiciebat, sicque erat indifferens ex parte actus primi: quæ indifferentia ad libertatem sufficit, vt supra ostensum est. Pro quo vltius aduerto, quòd solum cognitio mortis quoad substantiam, tenet se ex parte principij, seu actus primi, non verò cognitio mortis, quantum ad circumstantiam præcepti. Quia hæc præcisè tenet se ex parte actus secundi, & est quasi suppositio consequens in Christo respectu acceptationis obiecti secundum se, non verò antecedens. Vnde licet hæc determinatè & infallibiliter connecteretur cum actu mortis; non tamen inferebat determinationem ex parte actus primi, seu necessitatem antecedentem sed consequentem tantum in

Si præ
1. 2. c. 1.
6. Quæ
de causa

in acceptanda morte, quæ proinde libertatem principij non tollit.

Sed modo fortassis videbitur alij cui redire totum argumentum: siquidem omnis indifferentia, quam hæc solutio fateretur, solum est respectu mortis quoad substantiam, non autem respectu mortis formaliter ut præcepta: ergo illam ut hic & nunc præceptam, liberè non adimpleuit, vel si liberè adimpleuit etiam prout sic, adimpleuit utique liberè absque indifferentia contradictionis, quod est primum & ultimum intentum aduersariorum.

Respondeo concessio antecedenti, negando consequentiam. Nam ut Christus liberè adimpleat mortem, etiam ut formaliter præceptam; non requiritur, quod respectu illius etiam ut præcepta, formaliter sit indifferens, sed sufficit quod sit indifferens respectu illius absolute. Sicut ad hoc, ut voluntas liberè ponat actum, etiam ut formaliter prædefinitum, non requiritur quod respectu illius adhuc ut prædefiniti sit indifferens (cum implicet, quod ut prædefinitum possit non ponere) sed sufficit quod sit indifferens respectu illius absolute. Et ratio utrobique est eadem: nam sicut voluntatem non esse indifferentem respectu actus formaliter ut prædefiniti, non arguit nisi determinationem in actu secundo seu necessitatem ex suppositione suæ libertatis; quæ proinde absolutam libertatem seu indifferentiam in actu primo non lædit; ita pariter voluntatem Christi non esse indifferentem respectu mortis formaliter ut præcepta, non arguit nisi determinationem in actu secundo seu necessitatem ex propria sua libertate consequentem, quæ proinde absolutam eius libertatem seu indifferentiam ex parte actus primi non lædit.

Neque ex hoc sanè potest concludi

intentum aduersariorum, videlicet stare in Christo liberam adimpletionem præcepti ut præceptum est; absque indifferentia etiam contradictionis. Non (inquam) potest hoc concludi: nam licet in illo staret libera, adimpletio præcepti absque indifferentia ad omittendam rem præceptam, formaliter & reduplicatiue ut præcepta est; quæ est indifferentia contrarietatis ad malum; non tamen stat absque indifferentia ad omittendam rem, quæ aliis est præcepta, quæ est indifferentia contradictionis. Itaque aliud est, indifferentia qua potest omitti res, quæ est præcepta seu quæ cadit sub præcepto, & aliud est indifferentia qua potest omitti res, etiam prout formaliter est præcepta seu prout formaliter cadit sub præcepto. Prima, est indifferentia contradictionis: & hanc habuit Christus. Secunda, est contrarietatis, & hanc non habuit, quia ad libertatem non requiritur.

Igitur ex dictis manifestum est, qualiter in Christo saluetur libertas respectu adimpletionis præcepti formaliter: siquidem assignauimus indifferentiam; non præcise, quia potuit facere & non facere aliqua, quæ non cadebant sub præcepto; sed etiam quia potuit facere & non facere omnia & singula quæ sub præcepto cadebant. Potuit (inquam) illa facere & non facere secundum indifferentiam contradictionis, licet non potuerit facere & non facere secundum indifferentiam contrarietatis, prout scilicet præcepta erant formaliter & reduplicatiue: nam potestas ad non faciendum illa prout sic, est potestas ad malum seu potestas peccandi. Et totum hoc, ita clarè ino-
videri exprimitur a Sancto Thoma in tertio, distinctione decima sexta, quaestione prima, articulo secundo ad secundum, ut non possum non mirari,

rari, Eiscopum nostrum Arauio ab hac communi via discedere. Inquit enim ibidem, quòd in illa propositione Christus mortuus est quia voluit, si ly quia dicat causam respectu mortis violenter illata, sic potest referri ad voluntatem humanam per quam voluntariè se obtulit persecutoribus. Potest etiam dicere concomitantiam & sic refertur etiam ad voluntatem humanam per quam mortem accepit, & hoc non excludit necessitatem moriendi (scilicet morte naturali) quia hoc idem accidit in Petro & in alijs Sanctis. En ubi parificando libertatem Christi cum alijs Martyribus in acceptanda morte, satis clarè supponit, ipsum mortuum fuisse cum potestate absoluta non moriendi sicut & alijs Martyres.

CAPVT XIII.

Soluitur octaua ratio eiusdem, ex eo quòd amor beatificus in Christo fuerit meritorium.

OCTAVO ARGVIT ad idem in Theriaca, libro secundo, capite primo, sectione secunda. Diuus Thomas (inquit) cum sibi obieciisset quæstione vigesima nona, de Veritate, articulo sexto, in sexto argumento; Non potest esse idem principium meriti & terminus, & sic non potest esse idem præmium & principium merendi; sed charitas quæ erat in Christo ad præmium eius pertinebat, quia erat de perfectione beatitudinis; ergo non poterat esse principium merendi, non respondet quòd plerique hodie, meritum Christi fundatum fuisse super alio actu quàm beatificæ charitatis; sed potius eodem actu beatificæ cha-

ritatis docet cum meruisse; inquit, Charitate eadem fruebatur & merebatur sicut & eadem voluntate. Nec tamen erat idem principium meriti, & præmium, quia non merebatur gloriam animæ ad quam pertinet charitas, sed gloriam corporis. Ergo sentit Sanctus Thomas amorem ipsum beatificum in Christo viatore, (de illo enim prout sic loquebatur) fuisse meritum & ex consequenti liberum.

RESPONDEO, Vincenti, nec me hoc respondere quòd plerique illi; nempe meritum Christi fundatum fuisse super alio actu, quàm beatificæ charitatis. Sic quidem docent Soto & Suarez, & reputant probabile Medina & Asturicensis: sed horum sententiam esse contra mentem Diui Thomæ, tecum pariter iudico. Non tamen exinde cogimur tuam de libertate opinionem amplecti. Nam restat alia via longè diuersa, quam docent Capreolus, Aluarez, Arauio, Martinez, & etiam idem Medina & Asturicensis.

Via autem est huiusmodi: sustinendo nempe cum Sancto Thomæ, eundem quidem actum amoris beatifici in Christo liberum & meritum fuisse; non tamen absque indifferentia secundum illam rationem, secundum quam liber & meritorius erat.

Pro quo scire oportet, quòd bonitas Diuina clarè visa, etiam quatenus immediatè attingebatur ab anima Christi per actum dilectionis beatificæ, potest dupliciter considerari. Primò secundum se & absolutè; & secundum hanc rationem, anima Christi sicut per dilectionem beatificam diligebat Deum necessariò, ita secundum eandem, nec diligebat liberè, nec meritoriè. Secundò potest considerari eadem bonitas Diuina, secundum quòd in actuali exercitio erat ratio formalis

Soto l. 3. de nat. & grat. c. 7. circa mediū. Suarez 3. p. dis. 39. scd. 2. cōcl. 1. Medina, vbi sup. ad 1. in 2. fol.

Capr. in 3. Dist. 18. q. vnic. ar. 3. in fine. Aluar. vbi sup. pr. dis. 45. n. 9. Arauio 3. p. quæ 19. a. 4. dub. 3. nu. 36. Asturic q. 5. de grat. Christi. p. 415. Martin vbi sup. pr. ad 8.

V. dili-

diligendi creaturas præsertim rationales, pro quibus Christus mortuus est: & sub hac ratione idemmet actus dilectionis beatificæ, sicut erat liber & meritorius; ita pariter habebat suam indifferentiam: sicut namque Christus amore beatifico rationaliter diligebat ipsas creaturas, ut eas eadem charitate posset non diligere: ita pariter illo amore diligebat bonitatem Diuinam secundum istam rationem, nempe quatenus in exercitio erat ratio formalis illas diligendi, ut posset prout sic non diligere.

NEC EST INCONVENIENS (ut etiam tacite cuidam obiectioni satisfiat) quòd idemmet actus respectu eiusdem obiecti, secundum diuersas rationes, sit absolutè necessarius & liber. Ut patet in Deo ipso. Deus namque eodem actu, necessario & non liberè diligit suam bonitatem, secundum se consideratam seu absolutè, non tamen eam diligit necessario sed omnino liberè, si consideretur quatenus eam amas secundum quòd in actu exercitio est ratio formalis diligendi creaturas. Sic ergo proportionabiliter Philosophandum est de amore beatifico animæ Christi imò & aliorum beatorum. Et ratio suffragatur: quia amores beatifici creati sunt participationes formales amoris diuini increati, unde sicut ille idè manens est liber & non liber seu necessarius, secundum diuersam terminationem obiectiuam: ita pariter & illi. Licet cum hoc discrimine in beatis & in Christo; quòd in illis non sunt secundum ullam rationem meritorij, defectu status viæ, cum tamen meritorius esset in Christo, qui simul erat viator & comprehensor.

En, Vincenti, argumentum tuum apertissimè solutum, & ex doctrina quidem, quæ ita ad oculum patens est, in scriptis Thomistarum; ut mi-

rum sit, te illam non vidisse: vel si videris, necesse sit, ex eo numero sus-
(verbis vtor Augustini) quos in Sanctis psalmis veritas notat, dicens, noluit intelligere, ut bene ageret.

SED ADIICIAMVS modo aliqua, ut prædicta solutio magis elucidetur. Probo contra illam, quòd diuina bonitas, etiam ut est ratio diligendi creaturas, non ametur amore beatifico, cum aliqua indifferentia. Assumo id quòd solutio concedit, videlicet amari absque vlla indifferentia diuinam bonitatem secundum se: ex quo sic paritatem efformo. Nam diuina bonitas secundum se, a maior absque vlla prorsus indifferentia: ergo pariter absque vlla prorsus indifferentia amabitur diuina bonitas prout est ratio diligendi creaturas. Antecedens ex solutione suppono & consequentiam probatio. Nam ideo sub prima consideratione amatur absque vlla indifferentia, quia prout sic, est bonum infinitum clarè visum, quòd necessario rapit voluntatem: sed etiā sub secunda, est bonum infinitum clarè visum, cum sit eadem prorsus indiuisibilis bonitas diuinæ essentię: ergo pariter sub secunda consideratione rapit voluntatem necessario & absque vlla prorsus indifferentia.

SI RESPONDEATUR, bonitatem diuinam, ut est ratio diligendi creaturas, esse quidem in se seu subiectiue infinitam; tamen formalissimè ut applicatam creaturis per modum rationis illas diligendi, finitam esse, quia finito modo applicatur, sicut & ipsę creature finitè illam participant. Cuius rei exemplum est in essentia diuina, vnita per modum speciei impressæ, mentibus beatorum, quæ prout vnita, formaliter finita est, quia finitè vnitur; licet in se seu subiectiue infinita sit, & rursus in eadem essentia, ut continente rationem idealem equi, quæ etiam prout sic

August
lib. 3.
cōt. lū.
ca. 1-4
proc.

for-

formaliter, comprehensibilis est, licet in se seu subiectiue incomprehensibilis sit.

SI INQVAM SIC respondeatur; in contra potest vrgeri: nam quando dicitur, bonitatem diuinam vt applicatam creaturis, formalissimè esse finitam; vel significatur quòd ipsa diuina bonitas sit finita, vel quòd applicatio ipsius sit finita, vel tandem quòd terminus applicationis, qui est creatura, sit finitus. Primum est falsum, & per secundum aut tertium nõ soluitur difficultas: ergo solutio nulla est, & potius terminis ludit. Probo istam minorem pro secundo & tertio. Nam licet applicatio & terminus applicationis sint finiti: si tamen res applicata infinita sit, hoc sufficit vt actus sit necessarius, & eliciatur absque indifferentia. Quod duplici paritate potest probari.

PRIMA SIT huiusmodi. Etiam si voluntas creatà sit libera & applicatio auxilij à Deo facta, sit quoque libera; si tamen auxilium applicatum esset motio quædam merè naturalis & omnino ad vnum determinata; actus voluntatis exiret omnino necessariò & absque ulla prorsus indifferentia, vt omnes tam Thomistæ quàm extranei tenentur fateri tergo pariter, etiam si applicatio Diuinæ bonitatis ad creaturas, & ipsa quoque creaturæ finitæ sint; si tamen Diuina bonitas applicata, infinita sit; actus circa illam exhibit omnino necessariò, & absque ulla prorsus indifferentia. Probo consequentiam; Ex eo primum sic contingeret; quia licet potentia in se, & applicatio libera sint, auxilium tamen applicatum, quod est ratio formalis operandi, esset quid merè naturale & omnino determinatum: ergo etiam licet in casu nostro, applicatio Diuinæ bonitas & terminus applicationis sint quid finitum & indifferenter diligibile: quia

tamen bonitas Diuina applicata, infinita est, quæ est ratio formalis diligendi; actus circa illam exhibit omnino necessariò & sine indifferentia.

SECUNDA SIT; nam actus quo Beatus amat suam beatitudinem formalem vt quod, est omnino necessarius, in sententia multorum Thomistarum: non nisi, quia essentia Diuina, quæ est ratio formalis amandi talem actum, est infinita: ergo idem, quod prius. Minor patet, quia cætera omnia, nempe applicatio essentia, & terminus applicationis seu ipsa beatitudo formalis sunt quid finitum: ergo præcisè propter infinitatem essentia applicatæ.

Hæc obijcere placuit aduersus nostram solutionem, vt veritas Thomistica instar balsami arctius confriata, suauius, gratiusque redeoleat.

RESPONDEO IGVTVR solutione data inter arguendum. Ad replicam concedo minorem pro prima parte, & nego pro secunda & tertia. Eo namque ipso quo Diuina bonitas proponatur voluntati Beati cum finita applicatione ad creaturam finitam; certè proponitur prout sic, cum amabilitate quadam liberè secum in essendo connexa, qualis est bonitas creata, quæ proinde prout sic nequit ad sui amorem vllam voluntatem rapere necessariò seu absque indifferentia: cum nihil possit voluntatem necessitare nisi bonum infinitum clarè cognitum, vel saltem cum infinito bono necessariò connexum. Ex quo fit quòd non solum bonitas creaturæ indifferenter debeat amari: sed etiam ipsa increata bonitas, si sumatur vt liberè secum bonitatem creaturæ connectens, seu (quòd idem est) vt est ratio in actu exercito illam diligendi. Nam reuera prout sic formalissimè, est ratio formalis diligendi cum indifferentia, licet in se & secundum se sit ratio formalis diligendi neces-

fariò. Neque contra hoc conuincunt paritates inducæ.

NON PRIMA: nam concesso antecedenti; nego consequentiam. Et disparitas est; quòd in casu illo de auxilio, ratio formalis operandi reuera est quid naturale, & omnino determinatum, non solum in se, seu subiectiue; sed etiam prout formaliter & per modum formæ applicat potentiam ad operandum. Suppono enim, quòd motio illa naturalis semel collata, applicat iuxta naturam suæ intrinsecæ determinationis ad vnum, & non iuxta modum libertatis, cum omni libertate, tam vt quòd quam vt quo careat. Vnde libertas potentix & etiam libertas applicationis actiue, qua Deus illud liberè ex parte sui, voluntati imprimit, omnino materialiter & per accidens se habent, siquidem voluntas non concurrit formaliter ad actum, nisi vt inuormata per illam formam motionis omnino & ab intrinseco determinantis ad vnum: vnde non mirum, quòd necessariò & sine indifferentia in actum exeat. In nostro autem casu (vt dictum est) ratio formalis diligendi, licet in se & secundum se, necessaria sit; tamen formaliter & prout ratio sic diligendi, est quid liberum; siquidem est Diuina bonitas sumpta secundum formalitates, seu prædicata libera, seu prout liberè connectitur cum creaturis: vnde à sensu contrario non mirum, quòd actus voluntatis circa illam non exeat necessariò, cum omnimoda determinatione ad vnum, sed potius cum indifferentia prout sic ad amare & non amare.

ET PER HOC etiam patet ad secundam paritatem. Dato enim antecedenti, nego pariter cōsequentiam. Nam beatitudo formalis, licet finita sit, & finitè etiam ipsi applicetur essentia Diuina per modum rationis

illam diligendi; tamen alia ex parte habet hoc speciale, ratione cuius necessitat, quòd cum infinito bono clarè viso, necessariò connectatur. Si quidem essentialiter est ipsissima & actualis infiniti boni intuitio & possessio: quæ tamen necessaria connectio, non conuenit bonitati creaturarum, de quibus est sermo.

IAM VERO ACCIPE, & aliud argumentum, quod adhuc amplius ad rem elucidandam cōducet. Actus amoris beatifici in Christo, & in quocumque Beato habet aliquod prædicatum necessarium sibi identificatum, nempe secundum quòd fertur in Diuinam bonitatem secundum se, seu secundum sibi intrinseca: prout sic enim verificatur de ipso, quòd sit entitatis necessariæ: ergo repugnat quòd ex alia parte sit indifferens seu liber. Probo consequentiam, quia, actus liber seu indifferens potest non esse: at identificans sibi aliquod prædicatum necessarium, non potest non esse: ergo repugnat amorem beatificum identificantem sibi aliquod prædicatum necessarium, esse ex alia parte indifferentem seu liberum.

SI ITERVM RESPONDEATUR illum actum solum esse liberum seu indifferentem quoad terminationem, necessarium verò quoad entitatem, sicut solent Thomistæ dicere de actu libero increato; quod est defectibilis quoad terminationem, & quoad entitatem indefectibilis seu necessarius.

IN CONTRA Potest vrgeri, Quia libertas voluntatis, quæ non est suus actus secundus sed potius in potentia ad illum, qualis est creata, consistit in posse producere suum actum & posse non producere illum Physicè: ergo vt actus volutatis creatæ sit liber, debet habere quod possit non produci, ac proinde quòd possit non esse

esse etiam quoad entitatem.

ARGVMENTVM saue nervos tangit difficultatis: sed interim respondeo solutione data. Ad replicam distinguo antecedens: libertas creata consistit in posse producere suum actum & posse non producere illum; libertas creata, quæ non est ordinis diuini, concedo antecedens: libertas creata quæ per participationem formalem, eminentiam illius ordinis participat, nego antecedens. Itaque actus amoris, beatifici quantumvis creatus, habet hoc speciale inter reliquos actus, quod sit immaterialior & immediatior participatio amoris diuini increati: unde sicut iste ratio: ne suæ eminentiæ idem manens, attingit prædicata diuina necessaria & libera, qua ratione secundum eandem entitatem habet terminationem necessariam & liberam; ita pariter actus amoris beatifici creatus, cum hanc ipsam eminentiam participet, tendatque indiuerfas illas formalitates obiectiuas, pariter potest duplicem illam terminationem in eadem indefectibili entitate obtinere. Vnde libertas illius non consistit in eo, quod secundum suam entitatem possit esse & non esse, sed quod possit terminari & non terminari. Exemplum aliquo modo rem hanc dilucidans, est in speciebus Angelicis, quæ quia sunt immaterialiores participationes speciei increatæ; habent maiorem vniuersalitatem in representando, quam nostræ: ita ut secundum unam & eandem entitatem possint ad plura obiecta extendi, ad quæ tamen una & eadem entitas speciei inferioris, extendi nequit. Sic portione seruata Philosophamus de amore beatifico.

Et hæc pro præsentipuncto dicta sufficiant.

CAPVT XIV.

Soluitur quedam ratio, quæ Vincentius nominatim impugnatur indifferenciam, & ibidem de experientia sui canis.

QVAMVIS omnes rationes Vincentij eo tendant: ut ostendatur, non requiri ullam indifferenciam ad libertatem: tamen inter ceteras quandam addert, qua expressius & magis nominatim indifferenciam impugnat, absque eo quod ad alias materias diuertat, sicut fecit in præcedentibus. Vnde & illa hoc loco subiicienda est, & soluenda.

ARGVIT IGVTVR sic in Thériaca libro primo, capite vigesimo secundo. Contrarietatis aut contradictionis indifferenciam, motum voluntatis liberum non efficit, si antea per se liber non fuit: ergo omnino per accidens se habet indifferencia ad essentialem rationem libertatis. Constat consequentia, & antecedens probat, ex eo quod Sanctus Thomas in motibus etiam brutorum quandam indifferenciam esse fateatur, quibus tamen nulla vera libertas competit: ergo contrarietatis aut contradictionis indifferencia motum liberum non efficit. Antecedens ostendit ex questione vigesima quarta de Veritate, articulo secundo ad Tertiū, ubi dicit, *Quod est indifferencia ad agere & non agere in bruto, considerata actione secundum seipsam.* Et postea ad Septimū, *Bruta beneficiis inducuntur & flagellis prohibentur, propter indifferenciam actionum.* Ergo agnoscit in motibus brutorum quandam indifferenciam.

RESPONDEO nullum motum esse verè liberum, si à voluntate non processit cum indifferencia ex parte

principij, vel contrarietatis, vel contradictionis. Hoc puto sufficienter à priori & à posteriori ostensum esse toto libro secundo. Nec id quod hic obijcitur de indifferentia etiam inuenta in brutis, quorum tamen motus liberi non sunt; huic veritati vltimo modo obest. Soluitur namque facillimè ex doctrina quam idem Sanctus Thomas loco citato tradit, quam sit, Vincenti, ex integro inspexisses; minimè ex hoc loco patrocinium tibi sinxisses. Postquam enim dixerat ad Tertium, quod in brutis est quædam indifferentia actionum; immediatè subiungit; tamen non potest propriè dici, quod sit in eis libertas actionum, siue agendi vel non agendi. Et rationem assignat, quam tu (nescio si scienter vel ignoranter) prætermittis. Quia quauis sit (inquit) indifferentia ad agere & non agere in bruto, tamen considerato ordine eius ad iudicium à quo prouenit, quod est determinatum ad vnum; etiam ad ipsas actiones obligatio quædam (id est necessitas) deriuatur, ut non possit in eis inueniri ratio libertatis absolutè.

Quibus verbis tradit apertissimè hanc doctrinam. Nimirum aliquam actionem esse indifferentem ad essendum & non essendum, posse accipi dupliciter; vno modo considerata actione secundum se ipsam. Et in hoc sensu, actiones brutorum indifferenter possunt esse & non esse. Vt enim inquit ibidem in Corpore; bruta possunt agere, si iudicant esse agendum, vel non agere, si non iudicant. Et ex consequenti actio illorum in seipsa indifferens est, ut sit vel non sit. Sicque aliquando est, si ponantur requisita, & aliquando non est, quando requisita desunt. Sed profecto talis indifferentia, actionem liberam non constituit aut facit, nec nos in illa, libertatis rationem constituimus. Alio ergo modo dicitur actio indifferens ad esse vel

non esse considerato scilicet ordine eius ad iudicium. Hoc est dictum, quod quantum est ex vi iudicij, actio taliter ab illo originetur, ut etiam ex vi eiusdem possit non prodire. Et in tali indifferentia consistit essentialis ratio libertatis. Sed ista solum inuenitur in actionibus creaturæ intellectualis, non autem in actionibus brutorum; cum iudicium brutorum sit ab intrinseco determinatum ad vnum, hoc est, taliter ad actionem, ut minimè ad non actionem, quantum est ex vi illius. Quod & manifesto exemplo Sanctus Doctor ibidem declarat, ad Septimum sic inquitens. Tam homines quam bruta beneficijs inducuntur, & flagella prohibentur, vel præceptis & prohibitionibus; sed diuersimodè: quia in potestate hominum est, ut eisdem rebus similiter representatis, siue sint præcepta & prohibitiones, siue sint beneficia & flagella, eligant vel fugiant. Nota illum terminum, eisdem rebus similiter representatis, hoc enim est, quod est ex vi iudicij eiusdem, seu stante eadem representatione obiecti possint prosequi vel relinquere. Sed in brutis est iudicium naturale determinatum ad hoc, quod id quod vno modo proponitur, vel occurrit, eodem modo accipiat vel fugiatur. Ecce à sensu contrario qualiter bruta ex vi eiusdem iudicij, seu obiecti eodem modo propositi vel occurrentis, non possint nisi facere hoc determinatè, & non eius oppositum. Rectè ergo, Vincenti, in hac indifferentia veram libertatem ponimus: nec eertè id ipsum exemplo indifferentiæ brutalis falsificas. Error tuus (ut dixi) in eo fuit; quod integrum Sancti Doctoris textum intellectu appendere neglexisti. Solum ponderas quod dicit, est indifferentia ad agere & non agere in bruto, considerata actione secundum seipsam. Quod tibi in exteriori specie fauere videtur; sed omititis illud alterum, quod subiungit.

Subiungit; tamē considerato ordine eius ad iudicium, quod determinatum est ad vnum, actio necessitatem habet. Et hoc te apertissime iugulat.

Aug. li. 1. cont. Iul. c. 7.

Quid te igitur adiuvit (locutio est Augustini) quod Sancti Thomæ, tamquam tibi suffragetur, testimonium posuisti? An ut vnum verbum quasi ab eo prætermisum, velut acuta calliditate captares, & tot verborum eius, quibus vbrueris, tam ingentem tibi aggerem commones? In tantum impronidus & incautus, ut nec (in ipso articulo) ubi vix vnum de quo malè intellecto decepti deciperetis, testimonium reperire potuistis, adverteres Sanctum Doctorem satis evidenter expressisse, non in qualibet actionum indifferentia libertatem consistere. Et tamen postquam verba eius varijs in locis tuæ Theriacæ interposuisti, quibus intentionem tuam putasti aliquid adinvari, sequeris & dicis in ultimo capite, contra apertam doctrinam S. Thomæ nos sentire. Hæc verba tua quò proficiunt, nisi ut appareat, vel quomodo de hac causâ scire neglexeris Angelici Doctores sententias sermonesque; vel si eos nosse curasti, qua fraude coneris circumnueire nescientes?

In The ria. l. 1. cap. 8. sect. 2. §. Vñ deinde.

SED POS SANCTVM THOMAM canem Chryssippi nobis obijcis in Trinio deliberantem, quania cum berus præcessisset.

In The ria. l. 1. ca. 1. §. Nam ca. mo illi.

Dico quod in Schola Thomistica homines deliberant, non canes.

Alit non quiescis. De cane tuo id ipsum asseris te nuper expertum.

Certe appares in hoc, non solum eximius, verum & expertissimus dominus. Vincenti.

Omnibus in trinijs vulgetur fabula passim,

Tam cautos vestris artibus esse canes. Sed videamus qualiter. Os è mensa (inquis) ei obieceram, & etiam rodere inceperat. Alterum deinde ipsi adijcio. Quod ubi vidit, subsistens & quasi dubitans, tandem relicto priori osse, ad po-

sterius accessit, sed eo osfacto mox ad prius rediit. Nonne hic indifferentiam appetitus inter duo illa ossa, imò quasi deliberationem quandam & tandem determinationem ad illud quod melius videbatur, clarissime cernimus? Quare ergo tam indifferens & deliberans ille canis liber non fuit?

Dico sicut dixi; ideo liberum non fuisse, quia licet tam indifferens; fuit tamen indifferentia actionum secundum se, non vero indifferentia actionum, considerato ordine earum ad iudicium. Hoc est iterum dicere, quod canis ille tuus agebat quidem modo hoc, modo illud, quia modo hoc, modo illud eius sensui vel imaginationi representabatur: cæterum nec hoc nec illud poterat aliter facere, hac aut illa representatione stante & perseverante, quòd tamen ad veram libertatem requirebatur. Ut enim ex Diuo Thoma audiuiſti, ideo homines liberi sunt, quia in potestate habent, ut eisdem rebus similiter representatis eligant vel fugiant: sed in brutis est iudicium naturale determinatum ad hoc, quòd id quod vno modo proponitur vel occurrit, eodem modo accipitur vel fugiatur.

Itaque quòd canis ille os primò ei obiectum de factò roserit; hoc ideo liberè non fecit, quia osse illo tunc & illic & sic representato, necesse habebat rodere, absque indifferentia, ad non rodere ex vi talis representationis, propter intrinsecam videlicet & naturalem determinationem sui iudicii ad rodere tantum. Rursus, quòd altero osse adiecto, primum deseruerit & ad illud alterum accesserit, eadem de causa liberè non fecit; quia videlicet altero osse tunc & illic & sic adiecto, necesse habebat primum deserere & ad alterum accedere, alio iudicio sic naturaliter absque vlla indifferentia dictante. Vltimò tandem, quòd posteriori osse ol-

facto, mox ad primum redierit, idem prorsus in causa fuit, quia aliter facere non poterat ex vi iudicii, quod vltimo loco ex tali olfactu formabat. Homines autem, quacumque re qualitercumque representata, in potestate habent eligere vel fugere, prosequi vel deserere, quamdiu iudicium rationis non absorbetur.

Et certè, Vincenti, si Diuus Thomas vltius consulari; hæc potius vt ipsius dicta, quam vt mea debes accipere. Obijcit sibi Prima Secundæ, quæstione decima tertia, articulo secundo in secundo argumento, sic. *Ipsam nomen electionis significare videtur, quod aliquid præ alijs accipiat: sed bruta animalia acceptant aliquid præ alijs: sicut manifestè apparet quod ouis vnam herbam comedit, aliam refutat, ergo in brutis animalibus est electio.* Imò si aliud magis simile desideras, etiam sibi obijcit in tertio argumento exemplum de cane. *Canis* (inquit) *insequens ceruum, si ad trinum veneris, odoratu explorat, an ceruus primam vel secundam viam transieris: quod si inuenerit non transisse, iam secutus per tertiam viam incedit: vt explorando, quasi vtens syllogismo diuisiue, quo concludi posset, ceruum per illam viam incedere, ex quo non incedit per alias duas. Ergo videtur quod electio (ac proinde & libertas) brutis animalibus conueniat. En exemplum omnino similia, & certè tui canis experientia opus non erat, si Sanctum Thomam legis.*

Sed quid quæro, ad hæc omnia Angelicus Doctor responderet? profecto nil aliud, quam quod nos iam toties inculcauimus. Dicendum (inquit) quod brutum animal accipit vnum præ alio, quia appetitus eius est naturaliter determinatus ad ipsum: vnde statim quando per sensum, vel per imaginationem representatur sibi aliquid, ad quod naturaliter inclinatur; eius appetitus

absque electione mouetur ad ipsum, sicut etiam absque electione ignis mouetur sursum & non deorsum. Ecce qualiter liberam electionem ab huiusmodi actionibus brutorum excludat, eadem prorsus de causa, sicut & nos, nempe quia bruta sunt respectu huiusmodi omnino determinata ad vnum; taliter vt statim debeant hac vel illa representatione rerum sibi facta sic operari, vt aliter non possint.

Vanè ergo & inaniter in Epistola tua prodroma gloriaris, Vincenti, ostendi non posse, quare canes, asini, simia, & psittaci libertate vera præditi non sint, nisi ad tuam libertatem essentialem & non ad indifferentiam fiat recursus.

Ep. pro
dro. ad
Petra.
pag. 49.

CAPVT XV.

Soluitur quadam ratio Vincentij, de sumpta ab actu intentionis circa finem.

VIDETUR etiam Vincentius hoc nobis velle obijcere in Theriaca libro primo, capite vigesimo primo. *Nisi voluntas finis non tantum electio mediorum libera esset, amare turpem voluptatem tamquam finem, nullum peccatum esset, quia talis actus liber non esset; nec in amore Dei, vt finis vltimi vllum meritum foret.*

Io. The
ria. l. 1.
ca. 11.
6. Et sa-
ni.

RESPONDEO, dato illo antecedenti, quod nimirum sola electio mediorum libera esset, rectè sequi, quod amare turpem voluptatem tamquam finem, nullum peccatum esset; sicut neque vllum meritum esset, Deum vt vltimum finem in via amare. Cæterum nec nos illud antecedens concedimus, nec concedere cogimur, ex eo quod ad omnem actum liberum

liberum requiramus modum operandi cum indifferentia seu cum potestate ad oppositum. Dicimus ergo, non solam electionem mediorum; sed etiam volitionem finis in quantum finis est, esse verè liberam saltem libertate quoad exercitium actus: si tamen non sit volitio finis ultimi clarè visi, vt contingit in Patria. Ibidem enim sicut deest omnis indifferentia, tam specificationis quàm exercitij; ita & deest omnis vera libertas. In reliquis tamen volitionibus viz cum sufficienti iudicio exercitis, quantumvis exerceantur circa finem, siue turpem siue bonum, siue ultimum siue nō ultimum, sicut vera est indifferentia saltem quoad exercitium, ita & vera libertas conspicitur. Perperam igitur ex nostra communi sententia inferitur, nullum peccatum fore, amare turpem voluptatem tamquam finem: aut nullum fore meritum, amare in via Deum vt finem ultimum.

Sed quia ex alibi dictis, posset fortè quis ansam capere, dicendi doctrinam istam de libertate actus intentionis non coherere cum nostra sententia: libet claritatis gratia, vnum obijcere.

ARGVMENTOR SIC. Nam videtur quòd secundum nostra dicta, omnem actum liberum debeat antecedere deliberatio intellectus: at intentionem finis non antecedit deliberatio intellectus, cum deliberatio solum sit de medijs, quæ intentionem finis supponunt, ergo in nostra sententia non potest saluari, intentionem finis esse liberam. Minorem cum consequentia suppono, & probo maiorem ex his quæ docuimus libro secundo: ibidem enim expressè diximus, omnem actum liberum debere esse sub dominio seu potestate operantis: at nequit esse sub dominio seu potestate operantis, nisi sit ex deli-

beratione, cum teste Dno Thoma, quem ibidem etiam adduximus; ex hoc homo sit dominus sui actus, quòd habet deliberationem de suis actibus: ergo in nostra sententia seu secundum nostra dicta, videtur, quòd omnem actum liberum debeat antecedere deliberatio.

NEC VALET DICERE, doctrinam illam libro secundo traditam, debere intelligi de deliberatione vera vel interpretatiua; hoc est dictu, ad actum liberum requiri alterutrum horum; vel quod intellectus de facto de illo deliberaverit, vel si de facto non deliberavit, quòd potuit deliberare. Qua de causa, libera est mea scriptio & commestio; licet multoties actu de illis non deliberem: quia saltem potui de illis deliberare: in eodemque sensu hoc ipsum verificari de actu intentionis circa finem: cum enim sit liber quo ad exercitium, saltem potest intellectus de illo deliberare licet aliquando de facto non deliberet.

NON (INQVAM) VALET propter duo.

PRIMO: nam loquimur de actu intentionis formaliter vt intentio est: at actus intentionis formaliter vt intentio est, non solum non cadit de facto sub deliberatione, sed nec villo modo, prout sic, cadere potest, cum repugnet ipsi, in quantum intentio est formaliter, subinducere rationem medij: ergo solutio illa non saluat, actum intentionis formaliter in quantum intentio est, esse liberum.

SECUNDO: nam constat in doctrina Sancti Thomæ prima parte, questione sexagesima tertia, articulo quinto ad tertium, primum actum voluntatis Angelicæ fuisse liberum vtpote meritum: & tamen ille sub deliberatione, nec de facto cecidit, nec cadere potuit, cum actui sim-

simpliciter primo, repugnet supponere priorem, sicut debet supponere actus deliberatus: ergo ad veram libertatem non requiritur, nec deliberatio vera, nec interpretatiua.

Supra
ca. 6. §.
Vnde &
fundam.
mentum.

Hæc ergo solutione reiecta, aliter **RESPONDEO**; quod sicut supra dixi de electione, quod potest sumi dupliciter, vno modo generaliter pro quacumque volitione libera siue sit circa media, siue etiam circa finem ipsum; alio modo specialiter seu propriè, pro sola volitione libera circa media: ita pariter deliberatio potest sumi dupliciter. Vno modo specialiter seu propriè, alio modo generaliter. Specialiter seu propriè, inuoluit consultationem seu inquisitionem de medijs, vel formalem quæ fit per discursum in nobis, vel virtutalem seu æquiualentem absque discursu per subitam acceptionem veritatis, sicut teste (Diuo Thoma) contingit in Angelis. Et in hoc sensu sumpta deliberatione; verum est, quod debet præsupponere intentionem finis. Generaliter autem, solum importat quodlibet iudicium intellectus indifferens cum sufficienti lumine ad discernendum inter bonum & malum: & deliberatio in hoc sensu, non de necessitate præsupponit intentionem finis; sed etiam inuenitur antecedenter ad ipsam intentionem finis: quando nempe illa intentio finis est libera quoad exercitium, vt in casu nostro loquimur: tunc namque sicut finis liberè quoad exercitium amatur, ita reuera amatur ex iudicio indifferenti & cum prædicto lumine ad discernendum inter bonum & malum: & huiusmodi deliberatio ad actum liberum sufficit.

Nec certè ex dictis nostris potest plus colligi. Quando enim supra docuimus, ad omnem actum liberum requiri dominium, quod (teste Sancto Thoma) habetur per delibera-

tionem; nec nostra nec Sancti Thomæ intentio fuit, intelligere nomine deliberationis, deliberationem propriè, & specialiter dictam pro solo actu intellectus inquirente & consultante de medijs; sed tantum deliberationem generaliter sumptam & in tota sua latitudine, prout præcisè nominat actum intellectusponentis obiectum cum indifferencia: qua ratione æquè est circa finem & circa media.

Imò solum in hoc sensu & non in alio, deliberationem à Sancto Thoma sumptam fuisse, constat ex duobus. Tum quia post illa verba: *ex hoc homo est dominus sui actus*, quod habet deliberationem de suis actibus; immediate subiungit hæc: *ex hoc enim quod ratio deliberans se habet ad opposita, voluntas in utrumque potest*: quasi nomine deliberationis, nil aliud intelligens, quam rationem seu iudicium indifferenter representans obiectum, ita vt voluntas possit hoc vel oppositum. Tum etiam, quia in corpore eiusdem articuli expressè præmiserat sic; *prout scilicet apprehenso fine, aliquis potest deliberans de fine & de his que sunt ad finem, moueri in finem, vel non moueri*: quibus verbis cum dicit; *deliberans de fine & de his que sunt ad finem*, apertè significat, se non sumere deliberationem in stricto sensu, prout solum dicit actum intellectus circa media; sed potius, vt comprehendit etiam actum indifferenter versantem circa finem.

CAPVT XVI.

*Soluitur quadam ratio Vincentij, de-
sumpta ab impotentia adimple-
di præcepta Supernatura-
lia in natura lapsa.*

PRÆTEREA potest & hoc ar-
gumentum formari ex doctrina
Vincentij, in epistola prodroma ad
Petitum. Quia stat hominem pec-
care contra aliquod præceptum, &
tamen non esse pro tunc proximè po-
tentem ad præcepti adimplerionem:
ergo stat vera libertas sufficiens ad
demeritum absque proxima potesta-
te ad oppositum. Dilcurus est legi-
timus, & antecedens probatur ex do-
ctrina Vincentij. Quia sit casus, quod
inset præceptum aliquod supernatu-
rale, verbi gratia: de amando Deum
amore supernaturali, & quod Deus
mihi tunc denegat in poenam pecca-
ti originalis, omnem gratiam tam
suffICIENTEM QUAM EFFICACEM, sicut
iustissime denegare potest, iuxta il-
lud Augustini libro tertio de libero
arbitrio, capite decimo octavo. *Ille
est peccati poena iustissima, ut qui voluit
facere cum posset, noluit; amittat posse
cum velit.* Tunc si pro illo instanti
non amo; pecco: cum præceptum
amandi pro tempore quo obligat,
non aimpleam; & tamen non sum
proximè potens ad oppositum, verbi
gratia ad præcepti adimplerionem;
cum denegata & absente omni gra-
tia non stet secundum fidem Catho-
licam proximum posse ad actum su-
pernaturalem: ergo stat hominem
peccare contra aliquod præceptum,
& tamen non esse proximè potentem
ad oppositum, seu ad præcepti adim-
pletionem. De materia huius argu-
menti fusè egi libro secundo, capi-
te decimo & undecimo.

MODO RESPONDEO breui-
ter, negando, quod homo in illo ca-
su peccet, aut quod præcepti adim-
pletio pro tunc obliget. Licet enim
denegato solo auxilio efficaci, & con-
cesso vel oblato sufficienti præceptū
obligaret, & non amando homo pec-
caret; tamen negatio vtriusque
auxilij simul, tam sufficientis quam
efficacis ob solam originalem culpā,
à præcepti obligatione & nouo pec-
cato personali excusat. Rationem
supra fuimus prosecuti; quia videli-
cet homo ille, denegato sic auxilio
sufficienti verè impotens est ad su-
pernaturaliter amandum, & quidem
absque culpa sua personali: & ex con-
sequenti non amare, nequit ipsi ut
peccatum seu culpa personalis impu-
tari. *Quis enim* (inquit Chrysosto-
mus) *inbet aliquem, ne faciat malum
quod non potest declinare?* Unde &
communiter docent Thomistæ; ut
Aluarez, Bañez, Ledesma, Decum-
generi ad dandum, vel saltem ad of-
ferendum omnibus & singulis homi-
nibus auxilia sufficientia, pro loco &
tempore, quo vult illos obligari ali-
quo præcepto, quod sine talibus au-
xilijs adimplere non possunt. Quod
si ea non dederit, aut dare paratus
non fuerit (quod & contingere po-
test, & multoties contingit) certè
nullus eorum in omissione talium
præceptorum peccabit, sed omissiones
habebunt rationem poenæ, non
peccati.

Hoc tamen sic intellige: quando
ille qui omittert præceptum, nouo a-
ctu non impedit auxilij sufficientis
collationem vel oblacionem. Verbi
gratia: si Deus imponeret præceptū
alicui, ut volaret, & ipse responde-
ret; Domine non habeo alas, non
possum, non habeo potentiam, &
Deus tunc offerret illi alas seu poten-
tiam; si tunc responderet, nec volo
accipere alas, nec volare, proculdu-
bio

Chryl.
citat. à
D. Th.
in cate-
na au-
rea.
Matth.
secundo
Alua-
rez lib.
11. de
Auxil.
disput.
112. n.
10.
Banez
l. p. qn.
23. art.
1. dub.
3. con-
clus. 8.
Ledes-
ma de
Auxil.
art. 16.
post vi-
timam
conclu.
9. Circa
solutio-
nem iu-
is ar-
gument.

Epist.
prodr.
ad Pe-
titiu. pa-
gin. 48.

bio imputaretur ei ad culpam, non volare, seu omissio huiusmodi: quia iste talis nouo actu impediret virium sufficientium collationem, & sic esset impotens ex culpa sua personali, quæ proinde impotentia a peccato personali non excusaret. Idem proportionabiliter dicendum est in alijs casibus. Si enim quis impediret nouo actu personali collationem vel oblationem auxilij sufficientis pro adimplerone alicuius præcepti supernaturalis, verbi gratia de facto impediendo, ne sibi prædicaretur Evangelium, iam peccaret saltem indirec- tæ contra fidem: quia impediendo prædicationem fidei, impedit vires ad credendum requisitas, quas ipsi Deus in tali prædicatione offert, qualque ex præcepto fidei tenetur non impedire.

Sed modo obijcies aliqua ex Augustino:

PRIMO, quia tractatu quinquagesimo tertio in Ioannem expressè fatetur culpam esse, non credere etiam in his, qui credere non poterant: ac proinde sentit, adhuc absente omni gratia ad credendum requisita, hominem a peccato non excusari, & eadem ratio est de alijs præceptis supernaturalibus. Verba Augustini sunt hæc. Sicut ergo quod dominus negare seipsum non potest laus est voluntatis diuine, ita quod illi (scilicet Iudæi) non poterant credere, culpa est voluntatis humane. En ubi culpam adstruit; etiam cum impotentia ad credendum.

SECUNDO, quia idem videtur docere libro de correptione & gratia capite undecimo: ubi loquens de auxilio sufficienti, quo Adam potuit perseverare, si voluisset, sic facit. Si autem hoc adiutorium vel Angelo vel homini, quum primum facti sunt, defuisset; quoniam non talis natura facta erat, ut sine diuino adiutorio posset ma-

nere si veller; non utique sua culpa cecidissent; adiutorium quippe defuisset, sine quo manere non possent. Nunc autem quibus deest tale adiutorium, iam pena peccati est; quibus autem datur, secundum gratiam datur, non secundum debitum. Vbi ponit discrimen inter primum hominem & nos; quod ille sua culpa non cecidisset, seu non perseverando non peccasset, casu quo ipsi auxilium sufficiens defuisset: secus autem nos; etiam si modo illud auxilium nobis desit. Ergo culpam in natura lapsa fatetur, etiam cum impotentia faciendi actum, seu sub carentia gratiæ sufficientis.

TERTIO, quia in epistola ceterisima quinta ad Sixtum Presbyterum, loquens de quibusdam, qui se a peccato excusatos existimabant, excusabant se (inquit) homines qui nolunt rectè & fideliter vivere, dicentes: quid nos fecimus, qui malè viuimus quandoquidem gratiam vnde bene viueremus, non accepimus? Quibus respondet, non profecto quod nos diceremus; inquam esse illorum hominum querelam, quia saltem habuerunt auxilium sufficiens ad rectè viuendum, quo abusi sunt; sed; non possunt veraciter dicere, nihil mali se facere, quia malè viuunt: si enim nil mali faciunt, bene viuunt. Si autem malè viuunt, de suo malè viuunt, vel quod originale traxerunt, vel quod insuper addiderunt. Sed si vasa sunt ira, quæ perfecta sunt ad perditionem, quæ illis debita redditur, sibi hoc impotent, quia ex ea massa facti sunt, quam propter minus peccatum, in quo omnes peccauerunt, merito Deus iustèque damnauit. Et postea, quantum se ipsi excusare videntur, non admittit hanc excusationem, qui scit se fecisse hominem rectum rique obedientia dedisse præceptum, nec nisi eius quo malè usus est, libèro voluntatis arbitrio etiam quod transiret in posteros, manifeste peccatum. Neque enim damnantur, qui

qui non peccauerunt; quandoquidem illud ex uno in omnes pertransiit, in quo ante propria ex singulis quibusque peccata, omnes communiter peccauerunt. Ac per hoc inexcusabilis est omnis peccator, vel reus originis, vel additamento etiam propria voluntatis: siue qui nouit, siue qui ignorat, siue qui indicat aliquid esse peccatum, siue qui non indicat. Quia & ipsa ignorantia in eis qui intelligere noluerant, sine dubitatione peccatum est, in eis autem qui non potuerunt, pena peccati. Ergo in visis, que non est iusta excusatio, sed iusta damnatio. Iam hic infert Vincentius: Ecce vi. omnium peccatorum, per que iam homines ad ignorantia vel concupiscentia distorti, peruersè ambulant, impenitabilitatem semper eò tandem Sauctus Augustinus reuoluat, quòd Deus hominem fecerit ab initio rectum, & de-fectus illi non à natura (ut Manichæi delirabant) sed per accidentis peccata sunt pena. Quasi apertè contendens, modo peccata nobis imputari, etiam in casu, quo omnis gratia desit, per hoc præcisè, quòd amissio illis gratiæ nobis voluntaria sit in primo homine, quem Deus cum sufficienti gratia condiderat. Eandem objectionem alibi latè prosequitur Cornelius Iansenius.

Sed magne Deus, quibus oculis homines isti Sauctum Augustinum legere potuerunt, quandoquidem veritissimam eius doctrinam in tam peruersos sensus tanta cōfidentia trahere non erubescunt? Verum sic Deus eos excæcat, quos priuata opinionis amore pernicaces, aduersus communem Scholasticorum sententiam, tanta audacia & securissima libertate delectat disputare.

AD PRIMVM dico, negando quòd Augustinus ibi dicat esse peccatum non credere, in casu quo quis credere non potest. Imò apertissimè taceatur contrarium, ut supra luculen-

ter ostendi. Nec certè locus inductus contrarium ostendit. Nam, quando ibi negat Iudæis potentiam credendi: non negat illis profectò potentiam antecedentem, quæ habetur per auxilium sufficiens; sed solum potentiam consequentem, quæ habetur per auxilium efficax. Et quòd hæc explicatio sit ad mentem Augustini, patet ex ipso contextu: immediate enim ante verba citata præmiserat; sic dictum est, non poterant credere: ubi intelligendum est, quòd noluerant. Ergo quando statim subiungit, quòd illi non poterant credere, culpa est voluntatis humane, intelligit per id non poterant, idem ac noluerant. Et ex consequenti sensus est, Iudæos, de quibus ibi loquitur, peccasse in eo quòd noluerant credere. Quòd si noluerunt credere, & nolendo peccauerunt, euidenter supponit, quòd potuerint credere potentia saltem, antecedente per auxilium sufficiens, vel ipsis intrinsecum, vel saltem oblatum, ut ad peccandum contra præceptum fidei requiritur. Vnde idem Augustinus libro tertio contra Faustum, capite vndecimo expressè de Iudæis dicit, illos excæcatos fuisse à Deo propter occulta quædam ipsorum peccata, ne agnoscerent Christum. Et rursum, occulti eorum meriti fuit, quòd Christum non agnoscerent. En ubi solū significat, illos propter propria peccata priuatos fuisse gratia efficaci, ne de facto agnoscerent: cum quo proinde comparitur, quòd auxilium sufficiens modo dicto habuerint, quo poterant agnoscere.

Et certè velle Iudæis auxilium sufficiens ad credendum denegare, non solum sacris litteris, sed ipsi etiā experientiz videtur repugnans. Sacris quidem litteris, nam quid aliud significat illud Sancti Stephani Actorum septimo, Vos semper Spiritui Sancto resistitis? Nonne illo modo Iudæos

Supra
lib. 1.
10.
Tertio
dictum.

In The
riaca 1.
1. ca. 3.
sect. 4.
in prin-
cip.

Iansen.
to. 4. li.
3. c. 14.
col. 311

dæos reprehendendi, apertè significat, ipsis inspirata fuisse bona aliqua desideria à Spiritu Sancto, quibus, licet verè potuerint conuerti & credere, de facto tamen sua malitia resistunt? Et rursus illud Isaie quinto, ubi Dominus sic loquitur? *Habitatores Hierusalem, & viri Iuda, iudicate inter me & vineam meam. Quid est quod ultra debui facere vineæ meæ & non feci ei? An quod expectaui, ut faceret vinas, & fecit labruscas? Nonne hic iterum significatur, Iudæos quos Dominus sub parabola vineæ reprehendit, verè habuisse mediæ sufficientiæ, per quæ potuerint fructificare, conuerti & credere? Experientia etiam ipsi videtur repugnās; nam cūm constet Iudæos habuisse exemplum Christi, externam prædicationem Euangelij, tot miracula & legem ipsam, quæ omnia sunt auxilia sufficientiæ extrinseca; quis neget ex his omnibus corda ipsorum etiam fuisse interius commota per varias inspirationes, quæ sunt auxilia sufficientiæ intrinseca? An nè credendum erit Spiritum Sanctum nil in ipsorum cordibus fuisse operatum ad tot ingentia miracula, ad tam stupendum exemplum Christi? Profecto vix id stare potuit, quin quasi singulis momentis intūs lenserint, conscientia remorsus varios, affectus credendi plurimos, tactus voluntatis pene innumeros, quibus omnibus sic præuenienti verè potuerint supernaturaliter credere, potentia per modum virtutis sufficientis in actu primo, licet nūquam illam ad actum reducerint, nec reducere voluerint sua malitia excæcati & obdurati.*

Et quid plura? Extrat in ipso etiam Augustino locus clarissim⁹, quo Iudæis auxilia sufficientiæ concedit. Lege libri de prædestinatione Sanctorum caput decimum sextum, & sic loquentem inuenies. *Vocat enim Deus*

prædestinatos multos filios suos, ut eos faciat membra prædestinati vnici filij sui, non ea vocatione, qua vocati sunt, qui noluerunt venire ad nuptias: illa quippe vocatione & Iudæi vocati sunt, quibus Christus crucifixus scandalum est, & gentes quibus Christus crucifixus stulticia est, sed ea vocatione prædestinatos vocat, quam distinxit Apostolus dicens, ipsis vocatis Iudæis & Græcis prædicare se Christum Dei virtutem & Dei sapientiam: sic enim ait, ipsis autem vocatis: ut illos ostenderet non vocatos; sciens esse quandam certam vocationem eorum qui secundum propositum vocati sunt, quos præsciuit & prædestinauit conformes imaginis filij sui. Quam vocationem significans ait, non ex operibus sed ex vocante dictum est ei, quia maior seruier minori. Nunquid dixit, non ex operibus sed ex credente? prorsus etiam hoc abstulit homini, ut totum daret Deo. Dixit ergo sed ex vocante, non quacumque vocatione, sed qua vocatione sit credens. Nonne hic apertissime distinguit duplicem vocationem ad fidem, vnā efficacem qua quis de facto & cūm effectu sit credens, alteram inefficacem seu sufficientem, qua & Iudæos vocatos esse dicit, licet ipsi cūm effectu venire noluerint? Quomodo autem ista starent, si Iudæis mediæ sufficientiæ ad credendum non obtulisset Deus? Illene sincerè & verè ad fidem vocat & inuitat, qui ipsa mediæ ad veniendum non offert, sed denegat? Ergo si Augustinus apertè fateatur, Iudæos verè fuisse à Deo vocatos & inuitatos ad fidem; sentit quoque Deum eisdem mediæ seu auxilia sufficientiæ vel dedisse vel saltem ex parte sua obtulisse. Concludamus ergo, primam obiectionem minimè offendere, quòd ex mente Augustini culpa sit non credere, etiam in his qui credere non potuerunt. Si namque Iudæis culpæ adscribit, quòd non crediderint, iam obsec-

ostensum est, ipsos verè credere potuisse, licet sua malicia de facto credere noluerint.

AD SECVNDVM respondeo, Augustinum ibi solùm docere, quòd in natura lapsa sit pœna peccati, hoc quòd est nò dari aliquibus auxilium sufficiens. Quòd utique verissimum est & nos fatemur: potest namque Deus iustissimè in pœnam solius peccati originalis, alicui denegare omne auxilium, sicut & hominem æternaliter propter solùm originale damnare. Non tamen docet Augustinus, quòd sit novum peccatum, non facere ea, quæ defectu talis auxiliij solo illo titulo denegati, homo facere non potest. Vide ea quæ suprà ad hunc locum docuimus: est namque euidenter pro nobis & capitaliter contra Vincentium.

AD TERTIVM prænotare libet; quòd verba illa cautè legenda sunt: ex illis namque vel alijs similibus malè intellectis, Calvinus occasionem sumpsit diendi hoc ipsum, quòd in præsentì dicit Vincentius: nempe modo nobis in natura lapsa imputari nonnulla, tamquam verè & propriè peccata, quamvis ea vitare non possimus, per hoc præcise, quòd impotentia illa nobis voluntaria sit in primo homine. Hoc infra libro quinto ex professo ostendetur.

Dico igitur ad locum inductum, tale quid minimè lequi, si rectè perpendatur. Augustinus namque ibi non agit de imputabilitate peccatorum, tamquam ea nobis quantumvis impotentibus; ob culpam tamen primi hominis verè imputentur; sed de imputabilitate æternæ damnationis & aliorum defectuum seu malorum, quæ in natura lapsa conspiciuntur: hancque reducit tamquam iniustissimam causam, vel in ipsa peccata personalia, vel in peccatum saltem originale. Ita ut sensus sit; ho-

mines omnino iniuste còqueri, quòd damnentur; quòd multoties careant gratia efficaci, qua benè vivitur; quòd mille defectibus ignorantia (ratione cuius etiam carent gratia sufficienti, ut possint benè vivere) obruantur; quia omnium illorum malorum in ipsis iustissima causa invenitur, nimirum vel culpa originis, vel culpa etià propriæ voluntatis. Hic sensus ita perspicuè in tota illa epistola apparet, ut non nisi à corruptore Theologo possit alius effingi. Sed probemus idipsum, ut fides adhibeatur.

Ex nulla parte id constabit clariùs, quàm ex intento quæstionis ibidem contra Pelagianos susceptæ. Quæstio erat (ut ex principio epistolæ constat) quòd Pelagiani personarum acceptorem Deum se credere existimant, si credant quòd sine ullis præcedentibus meritis, cuius vult, miseretur, & quos dignatur, vocat, & quem vult, religiosum facit. Quæ verba significant, non posse Deum sine vitio acceptio- nis personarum, dare & negare pro libera sua voluntate aliquibus gloriam, gratias requisitas ad credendum, & gratias requisitas ad piè operandum. Primum de gloria significatur his verbis; si cuius vult, miseretur. Secundum de gratijs requisitis ad credendum, in his; si quos dignatur, vocat. Tertium tandem de gratijs requisitis ad piè operandum, in his; si quem vult, religiosum facit. Ex quo vterius eidem Pelagiani inferebant; si Deus omnia ista donat, & negat pro libera sua voluntate: ergo excusare se poterunt homines, & causari, quòd sine culpa damnentur; quòd sine culpa malè vivant; siquidem per Deum hoc stat negantem sua dona, non per ipsos. Cui posteriori puncto Augustinus satisfacit verbis citatis in argumento, inquires; non possunt veraciter dicere, nihil mali se facere, sine sua scilicet culpa, quia

Suprà l.
2. c. 10.
3. Secun-
do pen-
deto.

Infra l.
5. c. 16.

farentur se malè viuere : & si malè viuunt , causa huius non ex Deo , sed ex ipsis descendit hominibus , nimirum vel ratione peccati originalis , vel ratione actualium : quia nempe alterutrum horum , sufficiens causa est , cur homines iustissimè possint destitui gratijs requisitis ad credendum & piè viuendum , & sic damnari . Ergo de primo ad vltimum nil aliud Augustinus intendit , quàm Pelagianis ostendere , qualiter Deus iuste possit hominibus imputare carentiam omnis gratiæ , & æternam denique damnationem . Sicque perperam ex illo loco deducitur , Augustinum in illa esse sententia , quòd modò in natura lapsa sit nos peccare , etiam cum impotentia ad faciendum id quod lege præscribitur , vel ad vitandum id quod lege prohibetur .

SED INSTABIS . Augustinus de illis hominibus destitutis omni gratia dicit , quòd *malè viuunt* . Ergo sentit , quòd peccant , seu præcepta , transgrediantur . Quid enim est aliud malè viuere , quàm peccare , seu præcepta transgredi ? Ac proinde in eius doctrina fiat hominem contra aliquod præceptum peccare , licet defectu omnis gratiæ impotens sit ad illud adimplendum .

RESPONDEO . vno ex tribus modis .

PRIMVS est , quòd illa verba *malè viuunt* , solum referuntur ad destitutos , non omni gratia absolute , tam sufficienti videlicet quàm efficaci : sed ad destitutos sola gratia efficaci . Et hæc responsio fundamentum habet in eo , quòd tantum dicuntur ad illos , qui obijciebant ; *quandoquidem gratiam , vnde bene viueremus , non accepimus* . Non obijciebant , se non accepisse gratiam , qua possent bene viuere ; sed qua bene viuerent de facto : quæ præcisè est gratia efficax .

Vnde sensus est , istos homines iniuste omnino conqueri , quòd careant gratia efficaci , qua bene viuunt , quia si farentur se malè viuere , eo ipso mererentur ob peccatum suum personale , gratia efficaci priuari . Quod in re idem est , ac si Augustinus nobiscum diceret , ideo homines illos iniuste conqueri de priuatione gratiæ efficaci , quia per peccata sua malè abutuntur gratia sufficienti . Nam idem est gratia sufficienti per peccata abuti , ac per peccata gratiæ efficaci priuationem mereri : non enim aliter fit abusus gratiæ sufficientis , quàm nonis peccatis impediendo collationem efficaci .

SECUNDVS est , admittendo etiam quòd referantur ad destitutos omni gratia absolute , tam sufficienti quàm efficaci : sed tunc sensus est , quòd malè viuant , non in omni ordine tam naturali quàm supernaturali , sed solum in naturali : peccando scilicet contra aliqua præcepta naturalia , quæ sine ulla gratia per solas vires liberi arbitrij adimpleri possunt . Vnde & Diuus Thomas Secunda Secundæ , quæstione decima , articulo primo in Corpore dixit de infidelibus negatiue , quòd *damnantur quidem propter alia peccata* (scilicet quæ committunt contra legem naturæ) *non autem damnantur propter infidelitatis peccatum* : quia nempe illud non incurrunt , sicut nec vllum aliud contra præcepta supernaturalia , si casus sit (vt nos loquimur) quòd omnis gratia absolute , ipsis sit propter solum originale denegata .

TERTIVS tandem est , admittendo . vltimus , quòd etiam isti malè viuant in ordine supernaturali : sed tunc malè viuere debet accipi , non positivè pro eo quòd est peccare seu præcepta illius ordinis transgredi ; sed negatiue , pro eo quòd est , bona illius ordinis non facere , seu præcepta

ptà eius non adimplere. Quod utique verissimum est: nam licet destituti omni gratia sufficienti, contra præcepta supernaturalia non peccet, sique reuera vitent peccatum omissionis illorum præceptorum, cum de sit eis potestas adimplendi absque noua ipsorum culpa, ut suppono; tamen certum est, eisdem in ordine supernaturali, malè viuere negatiuè, id est, bona illius ordinis non facere seu præcepta supernaturalia non adimplere. Verum hæc non adimpletio, non est transgressio, sed mera negatio, *¶ non habet rationem peccati, sed magis pœnæ*, ait Diuus Thomas loco citato: imo & ipse Augustinus expressit hoc ipsum, dum dixit, *in eis autem qui non potuerunt, pœna peccati*.

ET SI QVÆRAS, quomodo ista duo stent simul; quòd nempe ex vna parte, vitent peccatum omissionis præceptorum gratiæ, & ex altera, huiusmodi præcepta verè non adimpleant, cum vitare peccatum omissionis alicuius præcepti, & illud præceptum adimplere, videantur esse vnum & idem.

Si (inquam) hoc quæras; respondeo cum Caietano Prima Secundæ quæstione centesima nona, articulo octauo, quòd prædicta duo optimè compatiuntur. Nam aliud est implere præcepta huiusmodi, & aliud est vitare peccata omissionis opposita. Adimpletio enim præceptorum horum claudit in se de necessitate donum supernaturale in habente, quo fit potens adimplere & ex quo precipitur adimplere. Cum enim dicitur, *diliges Dominum Deum tuum*, ut est præceptum charitatis, subintelligitur, *diliges ex charitate dominum Deum tuum*: ubi manifestè patet claudi charitatem vel secundum habitum vel secundum auxilium in facultate adimplendi. Vnde qui talem

facultatem non habent, necesse habent non adimplere huiusmodi præcepta. Ad euitandum autem peccata omissionis horum præceptorum, non exigitur supernaturale donum, sed sufficit, nullum ponere obicem, in nulloque reniti motioni Diuinæ supernaturali, qua quis constitueretur potens adimplere. Hoc autem totum potest homo prestare per hoc quòd de nouo non peccet mortaliter, cum obex non ponatur nisi per peccatum mortale. Potest autem de nouo non peccare, per solam facultatem liberi arbitrij, licet nullum donum supernaturale habeat. Vnde si quis omni gratia destitutus, ponatur de nouo non peccare, sicut nos in casu nostro ponimus, iste talis verè vitat peccatum omissionis, licet ex alia parte præceptum non adimpleat, quia gratia, quæ daret vires pro adimplitione, ipsi sine sua personali culpa deest.

Itaque præcepta supernaturalia, aliter obligant hominem gratia sufficienti præditum, & aliter hominem gratia sufficienti sine sua culpa destitutum. Præditum obligant ad ponendum actum præceptum, tempore quo currit obligatio, quia potens est illum ponere. Vnde nunquam contingit, quòd talis actum præceptum non ponat, & simul vitet peccatum omissionis. Destitutum autem obligant, non ad ponendum actum præceptum, quia ad hoc est impotens; sed solùm ad non ponendum obicem per peccatum: quia ad hoc etiam sine gratia est potens: sicut enim sine gratia potest peccare, ita & sine gratia potest hic & nunc non peccare, seu non ponere obicem; secundum quod Sanctus Thomas tertio contra gentes, capite centesimo quinquagesimo nono dixit quòd est in potestate liberi arbitrij impedire Diuinæ gratiæ receptionem vel non impedire. Vnde si

casus sit quòd obicem non ponat, satisfaciât præcepto pro ea parte quæ ipsum in tali statu obligat: & ex consequenti peccatum omissionis non incurrit, licet alias actum præceptum non ponat.

Igitur aliud est, vitare peccata, omissionis præceptorum gratiæ, & aliud præcepta gratiæ simpliciter adimplere. In cuius signum, constantissimè etiam docent Scholastici, & præcipuè Sanctus Thomas articulo illo octauo superius citato; quòd homo in statu naturæ integræ poterat vitare omnia peccata collectiuè, & in natura lapsa omnia diuisiuè, ex virtute naturali liberi arbitrij, comprehendendo tam peccata omissionis præceptorum gratiæ, quàm alia: cùm tamen nullus Catholicus docere possit, hominem virtute liberi arbitrij, siue integrum siue lapsum, posse adimplere omnia præcepta vel collectivè, vel diuisiuè, comprehendendo etiam præcepta gratiæ.

Hic puto nil amplius ad Augustini intelligentiam desiderari. Quapropter te rogo, Vincenti, ut dicta hæc memori mente reponere digneris, si vis viam veritatis ingredi. Omnia confundis, nil Scholasticè vis distinguere, nudum sonum verborum attendis, & hoc in causa est, quòd Sanctissimi Præfatis verissimas sententias in tam puerulos sensus interpreteris.

Verùm & illud solui debet, quòd etiam in Theriaca tua, inuenio sic ab Augustino dictum. *Deus iubet aliqua que non possumus, ut non erimus, quid ab illo petere debeamus.* Vbi videtur docere, nobis aliqua à Deo præcipi, quæ tamen facere non possumus.

Distinguiamus, Vincenti, vel potius explicemus verba hæc iuxta rigorem Scholasticum, & Catholicam nobis pandent veritatem, ubi tamen littera dissonans appareat. Breuiter

igitur respondeo, vel quòd iubet aliqua, quæ non possumus potentia, consequente, nunquam tamen quæ non possumus potentia etiam antecedente. Vel si de utraque potentia intelligi velis; iubet aliqua quæ sic non possumus, ex viribus nempe naturæ, quæ tamen eadem possumus ex viribus gratiæ de communi lege paratæ, loco & tempore, quibus obligatio instituta ut sic etiā verificetur, tempore præcepti me esse proximè potentem ad præcepti adimplentiæ, vel per gratiā intrinsicè in me receptam, vel saltem extrinsicè ex parte Dei oblatam, & nunquam illo tempore negandam, nisi culpa mea denegationem meruerit: iuxta illud Sancti Thomæ omni consolatione plenissimum; *Illi soli gratia priuantur, qui in se ipsis gratia impedimentum præstant.*

S. Tho.
3 cont.
gent. c.
159.

C A P V T XVII.

Soluitur quædam ratio Vincentij, desumpta ex eo, quod iam Iustitia liberaret non graria.

AST IAM præter Augustini authoritates superiori capite commemoratas, duæ restant retinendæ, quas nec negligere volo, ne aliquid difficultatis videar præterire: De prima hic, de secunda, capite sequenti.

PRIMA EST HVIVSMODI. Si adiutorium sufficiens, homini tempore præcepti supernaturalis dobetur, ut nos capite præcedenti docuimus; ergo iam iustitia, non gratia eum sanat & liberat: quòd est inconueniens illatum ab Augustino in eadem illa epistola ad Sixtum. *Non inde iam gratia sed iustitia eum liberaret.* Sic Vincentius in sua Theriaca & alibi Iansenius.

In The
riaca l.
2. ca. 3.
Iansen.
tom. 1.
l. 3. cap.
14. col.
315.

R E.

In The
riaca l.
2. ca. 3.
rect. 4.
§. Deim-
do licet.

RESPONDEO. Vel arguens intelligit per liberationem, nudam evasionem peccati omissionis istorum præceptorum, vel ipsam adimplentionem eorundem. Si primum; fateor hominem sine ulla gratia posse sic liberari: quia (vt iam præcedenti capite ostendi) potest homo virtute sua naturali liberi arbitrij, vitare peccata omissionis opposita illis præceptis, per hoc præcisè, quod non ponat hic & nunc obicem gratiæ, qua reciperet facultatem adimplendi. Nec hoc est contra mentem Augustini, cum potius contrarium sit hæresis Manichæa, vt supra libro primo ex Diuo Thoma ostendi. Si verò intelligat secundum, nempe ipsam adimplentionem præceptorum supernaturalium; concedo quòd auxilium seu gratia sufficiens pro ista adimplentione requisita, sit debita ex suppositione, quòd Deus istis præceptis hic & nunc velit obligare. Sed nego inconueniens illatum, nimirum quòd iam iniustitia hominem liberaret, non gratia. Nam licet auxilium sufficiens, ex suppositione obligationis præcepti sit nobis debitum; tamen cum in sententia Thomistica non contingat cum effectu seu de facto ista adimpletio, solo auxilio sufficienti, sed insuper requiratur efficax, omnino indebitum seu gratuitum; hinc fit, quòd iuxta nostram doctrinam nunquam verificetur, nos de facto adimplere, seu liberari per iustitiam & non per gratiam. Verificatur quidem, nos posse adimplere, seu liberari absque dono omnibus modis indebito; sed hoc non est contra Augustinum: nam ipse non intulit pro inconuenienti; iam iniustitia posset liberare, sed, iam iustitia liberaret. Quòd sonat liberari cum effectu & de facto seu efficaciter per actuale præcepti adimplentionem.

Hic tamen aduerte, me consultò dixisse, nos posse adimplere seu liberari absque dono omnibus modis indebito, & non; absque dono indebito absolute. Nam gratia sufficiens qua possumus præcepta supernaturalia adimplere; est donum indebitum absolute, licet non sit indebitum omnibus modis: cum debeat saltem ex suppositione obligationis præcepti. Et certè Pelagianum esset dicere, nos posse adimplere talia præcepta, absque dono absolute indebito: hoc enim idem esset, ac dicere, quòd possumus præceptum naturale adimplere sine dono gratiæ, & per vires naturæ: cum tamen illud aliud sit Thomisticum, nempe, nos posse præceptum istud adimplere absque dono indebito omnibus modis.

Ex qua animaduersione poteris & aliter soluere si placuerit. Dicendo quòd in nostra sententia, per iustitiam non solum non adimplemus, sed nec possumus adimplere: intelligendo tamen per iustitiam, aliquam formam omnibus modis debitam. In hoc namquam sensu verum est, nos nec per iustitiam posse adimplere. Licet enim possumus adimplere per gratiam sufficientem, quæ est forma aliquo modo debita, nempe ex suppositione præcepti; tamen ea non est debita omnibus modis; sed potius absolute indebita, cum Deus iustissime illam denegare possit, imò & de facto plurimis denegauerit propter peccatum saltem originale.

Et si velis vtramque solutionem, in eadem forma argumenti combinare; distingue consequens hoc modo. Ergo iam per iustitiam adimplemus, non per gratiam: distingo; adimplentione actuali & cum effectu; nego consequentiam: adimplentione in actu primo & sufficienti, subdistingo; per iustitiam absolute &

simpliciter iustitiam; nego consequentiam: per iustitiam secundum quid iustitiam, absolute tamen gratiam; concedo consequentiam. Et hoc certe inconueniens non est: cum verè saluetur, nos non adimplere huiusmodi præcepta sine gratia absolute, nec in actu secundo, nec in actu primo: ac proinde nec liberari illo modo, absque dono absolute gratuito.

Fateor tamen (& hoc per transennam notatum velim) quod prædicta ratiuncula omnino pereuntoria est, contra gratiam sufficientem Petauianam: cum enim illa, se sola possit reduci ad actum independentem ab ulteriori gratia ex se efficaci; sequitur manifestè, in casu quo duo sint habentes æqualem gratiam sufficientem, & vnus de facto adimpleat præceptum, alter non; quod ille adimplens, adimpleat per maiorem virtuositatem (vt ita dicam) liberi arbitrij: ac proinde quod in actu secundo liberetur per aliquid naturale, non verò per gratiam simpliciter indebitam.

C A P V T XVIII.

Soluitur quedam ratio Vincentij, de sumpta ab obstinatione Daemonum.

SECUNDA RATIONCVLA est huiusmodi. Quod homo in natura lapsa careat gratia sufficienti, est ex culpa ipsius, ad minus originali, vt ex testimonio Augustini supra citato aperte constat: ergo defectus subsecuti ex carentia talis gratiæ, verè imputabuntur ad peccatum. Probo consequentiam, quia licet defectus subsecuti ex causa inculpabili, ad peccatum non imputentur, qua ratione non imputatur homicidium secutum

ex inculpabili ebrietate; tamen defectus subsecuti ex causa culpabili, verè imputantur: qua ratione à sensu contrario imputatur homicidium secutum ex ebrietate culpabili. Ergo si carentia gratiæ sufficientis est ex causa culpabili, nimirum peccato originali; defectus exinde secuti, vt sunt non adimpleriones præceptorum supernaturalium, verè debebunt ad peccatum imputari.

RESPONDEO ex doctrina tradita libro secundo. Cum peccatum personale petat essentialiter voluntarium personale; nullus defectus potest mihi tamquam peccatum personale imputari, nisi sit mihi voluntarius voluntate personæ. Cum igitur huiusmodi defectus (vt est non adimpletio præceptorum supernaturalium ex negata gratia sufficiente propter solum originale) non sit mihi voluntarius voluntate personæ, sed solum voluntate naturæ seu capitis; hinc fit, non posse mihi similem defectum, tamquam verum peccatum personale imputari. Et per hoc patet ad exemplum de homicidio secuto ex ebrietate culpabili: hoc enim iustissime mihi tamquam peccatum personale imputatur; quia est voluntarium in causa, voluntate personæ; eo ipso, quod ebrietas, quæ est causa, tali modo voluntaria sit.

AC TANDEM, vt omnibus modis argumenta tua absoluam; ex hoc etiam patet ad id quod alibi in Theriaca obijcis de Dæmonibus: quos licet omni gratia destitutos constat peccare, in eo quod non se conuertant ad Deum, vel quod Deum non diligant; siquidem ad conuersionem seu dilectionem tenentur: & hoc non ob aliud, quam quia destitutio ab omni gratia, ex præcedente eorū culpa processit: ergo pariter, si in nobis huiusmodi destitutio ex præcedente culpa originali contingat, non

Suprà
l. 2. c. 11
& 2. cor.
10. 1. 1.
p. 100.

In The-
riaca l.
2. cap.
sect. 6.
in fine
& sect.
7. etiam
in fine.
In epi-
stola e-
tiam ad
Ricard.
pag. 7.

Suprà
c. 16.

non ob id à peccato excusabimur. Quod assumptum etiam probas (& bene) ex doctrina Diui Thomæ quæstione decima sexta de potentia, articulo quinto ad vndecimum, vbi sic habet. *Sicut ebrius tenetur à peccato, non quidem considerato presenti statu, sed considerata ebrietatis voluntaria causa, secundum quam imputatur ei aliquid ad culpam; ita etiam potest intelligi quod diabolus tenetur conuerti ad Deum, quamuis hoc ei sit impossibile secundum præsentem statum, quia in hunc statum ex voluntaria causa deuenit.* En vbi docet diabolum tene-ri ad aliquod sibi impossibile, defectu scilicet gratiæ, quia defectum hunc ex voluntaria causa contraxit.

PATET (INQVAM) ex præmissis, quid ad hoc dicendum sit. Nam illum defectum, qui est negatio dilectionis seu conuersionis, etiam contraxit Dæmon ex causa voluntaria non qualitercumque, sed voluntaria voluntate personali: & sic non mirum ipsi vt culpam imputari, hoc quod est Deum non diligere aut ad ipsum Deum conuerti: vnde expressè etiam dixit Diuus Thomas quæstione vigesima tertia de veritate, articulo septimo ad sextum, quod illi qui sunt in inferno, adhuc tenentur ad conformitatem prædictam (scilicet suæ voluntatis cum Diuina) ad quam quamuis peruenire non possint ipsi tamen huius impotentia sibi causa extiterunt: vnde non conformando peccant. Quod autem hanc impotentiam seu defectum huiusmodi, voluntate personali liberè Dæmon contraxerit, ex eo manifestum est, quod actu omnino deliberato voluerit adherere prauo fini: quæ adhesio, cum ratione inflexibilitatis arbitrij Angelici inferat obstinationem in malo, intulit quoque debitum carendi omni gratia pro quouis actu bono: sic-

que eadem libera voluntate, qua voluit adhesionem; voluit & illud debitum, & ex consequenti omnem quoque defectum ex illo debito consecutum.

Hic tamen aduerte, quod licet casus ebrii & casus Dæmonis in hoc conueniant, quod neuter auferat imputabilitatem defectus subsecuti; est tamen ex alia parte duplex adhuc disparitas. Prima est, quam etiam aduertit Vincentius, quod ebrius, in illo statu non potest nouo peccato formali delinquere, cum status ille exciderit vsu rationis, in quo formaliter peccari non potest; at verò Dæmon à sensu contrario cum intra vsu rationis permaneat; nouo peccato formali delinquere potest, & toties sic delinquit, quoties exit in nouum actum, distinctum à primo, illa praua adhesionem: eligendo verbi gratia ex vi illius, hæc vel illa iniqua media, quæ pro suo arbitrio in executione ponit. Vnde & ibidem dixit Sanctus Thomas in fine Corporis, quod Dæmones diuersa eligunt per liberum arbitrium, & in omnibus peccant (intellige formaliter) quia in eorum electione permanet via (sue vis) primæ electionis eorum. Secunda est; quod homicidium ex ebrietate culpabili commissum; licet non imputetur vt nouum peccatum formale; imputatur tamen vt nouum seu distinctum peccatum simpliciter. Ratio est, quia ebrietas & homicidium sunt simpliciter duo peccata, & distinctæ malitiæ. At verò hoc quod est dæmonem semel à Deo auersum, ad Deum amplius non conuertis; nullo modo vt distinctum aut nouum peccatum imputatur: ratio sumitur ex opposito; quia nimirum negatio conuersionis ad Deum, non est in Dæmone distinctæ malitiæ à malitia positiue auersionis ab ipso; sed tantum libera eiusdem auersionis conti-

In epi-
stol. ad
Ricard.
vbi su-
grā.

nuatio : sicut nec in nobis duplex peccatum est , per actum positium à Deo auerti & ad ipsum non conuerti .

SED INSTABIS . Negatio illa conuersionis , supposita carentia omnis gratiæ inest voluntati Dæmonis , omnino necessariò , etiam necessitate quoad exercitium : ergo si Dæmon non conuertendo se , seu non diligendo Deum , peccat ; peccat utique in aliquo , quod ipsi est simpliciter necessarium ; & nullo modo indifferens : quo proinde ruere videntur omnia hucusque dicta . Consequentia apparet legitima , & antecedens potest probari manifestè : nam talis negatio supposita carètia omnis gratiæ , inest dæmoni absque vera & proxima potestate illam destruendi , cum illam destruere potens non sit , nisi per actum conuersionis aut dilectionis , quem tamen absque omni gratia ponere non potest : ergo inest ei omnino necessariò , etiam necessitate quoad exercitium .

RESPONDEO quòd negatio

illa conuersionis potest dupliciter sumi : vno modo secundum se , seu præcisè in quantum est negatio : & hoc modo fateor , quòd supposita carentia gratiæ ad amorem supernaturalem ; inest Dæmoni huiusmodi negatio omnino necessariò : cæterum per illam prout sic , minimè peccat , cum sub ista formalitate non consideretur vt volita . Alio modo potest sumi non præcisè ; sed in quantum per actum positium prauæ illius conuersionis est volita : & sic sicut per illam peccat , ita pariter ei inest omnino liberè , imò & deliberatè , sicut & ipse actus conuersionis libertate deliberata ipsi inest . Itaque Dæmones non peccant , præcisè quia non diligunt , cum hoc ipsis sit omnino necessarium ; sed quia dilectionis negationem volunt per actum deprauatum , quo liberrimè se ad malum finem conuerterunt . Et quia actum istum potuerunt ponere & non ponere ; hinc pariter negatio illa prout per illum actum volita , potuit indifferenter esse & non esse .

LIBER QVINTVS.

SOLVUNTUR ARGVMENTA

CORNELII IANSENI ,

Vincentiani dogmatis Antesignani .

CAPVT PRIMVM.

Soluitur prima ratio Cornelij Iansenij , ex eo quòd omnis actus intellectus voluntatis sit in potestate nostra.

CAUSA VINCENTII iam Deo dante finita est . Sed cum

is non nisi militem agat sub Duce Iansenio , ipsius quoque Ducis arma , si quæ fortè supersunt , confringere necesse erit : ne quis fortasse exprobet , me præcipuo belli pondere declinato , solum militem inuasisse , tamquam ea pars sit debilior , vel potius astutias serpentis imitatum , in fragilliori Euæ quæsisse victoriam , & virile robur ,

Iansen.
tom. 3.
l. 6. c. 4.
& 6.

vel

vel noluisse pendere vel formidasse.

ARGVIT IGVTVR PRIMO sic. Omnis actus qui est in nostra potestate, est liber: sed quilibet actus, rationalis voluntatis, quantumvis necessarius, est in nostra potestate: ergo quilibet talis est liber. Maiorem supponimus, nam loquimur de potestate non purè Physica, secundùm quòd nominat solam vim agèdi; quo sensu etiam actiones naturales sunt in potestate agentis; sed de potestate morali, prout nominat vim agendi cum dominio. Minorem verò probat dupliciter.

PRIMO quia teste Augustino, *hoc quisque in potestate habere dicitur, quod si vult facit, si non vult, non facit*. At quemlibet actum voluntatis quantumvis necessarium; si volumus, facimus; si nò volumus, nò facimus: ergo quilibet talis est in nostra potestate.

SECUNDO nam actus externi imperati à voluntate, sunt in nostra potestate per ipsam volitionem: ergo ipsa volitio est in potestate voluntatis per seipsam seu ratione sui. Patet consequentia, quia quòd alijs est causa seu ratio formalis, quòd sint talia; hoc per seipsum seu ratione sui, tale est; sicut ipsa prima differentia, quia facit alia differre, seipsa differentia est. Tunc ultra, sed quilibet actus voluntatis rationalis, quantumvis necessarius, est verè volitio: ergo quilibet talis est in potestate voluntatis, & quidem per seipsum seu ratione sui. En primum argumentum Ducis, sed pede quoque claudicante, sicut & cætera militis.

RESPONDEO concessa maiori, negando minorem, ad Primam probationem ex Augustino, concedo hoc quemque in potestate habere, *quod si vult, facit, si non vult, non facit*: sed nego hoc verificari respectu actuum, quos voluntas elicit om-

nino necessariò, seu absque potestate ad oppositum. Nisi forte etiam velis dicere, quòd Pater & Filius, si volunt, spirant Spiritum Sanctum, si non volunt, non spirant: quæ locutio hæresim sapit, vt supra ostensum est.

Possent hoc pro prima probatione, sufficere; sed pro ampliori intelligentia libet & hoc notare: quòd locutiones istæ in quibus exprimitur opus aliquod sub conditione voluntatis, vt dicendo; si vis, hoc facis, si non vis, non facis, vel, hoc fit, quando vis, non fit, quando non vis, si in verò & legitimo sensu accipiantur, de necessitate supponunt, te habere respectu istius rei, potestatem indifferentem faciendi vel omittendi: unde impossibile est, verificari respectu actuum, in ordine ad quos talis potestas non existit. Hoc autem probamus multipliciter.

PRIMO ex quodam loco ipsiusmet Augustini, qui ipso sole evidenter est. Inquit enim libro de correctione & gratia capite septimo, *potest dici, homo in eo quod audieras & tenueras, in eo persenuerases si velles: nullo modo autem dici potest, id quod non audieras, crederes, si velles*. Quibus verbis apertissimè significat, istam locutionem, *crederes si velles*, in qua exprimitur opus sub conditione voluntatis, nullo modo posse verificari de homine, qui defectu notitiæ fidei, est impotens ad credendum; ac proinde supponere in subiecto potestatem indifferentem ad illud opus sic sub conditione voluntatis expressum. Quasi manifestè dicens; non potest de homine isto dici, *crederet si vellet*, quia non potest credere. Ergo pariter sentit, non posse de beato (verbi gratia) dici, *non amaret si vellet*, supposito (vt nos supponimus) quòd non potest non amare.

SECUNDO, ex alio loco eius-

dem libro de correptione & gratia capite duodecimo, ubi de Adamo seu de primo homine, intendens probare quod potuerit mori; hoc vtriusq; discursu. *Namquid dicturi sumus, non potuit mori, cui dictum est, si peccaueris, morte morieris?* Quorum verborum sensus est, nos cum veritate non posse denegare Adamo possibilitatem moriendi, utpote cui ipsa mors sub conditione operis voluntatis fuit prædicta. Ex quo discursu sic argumetur. Augustinus probat hic, Adamum reuera potuisse mori, quia potuit ponere actum peccati sub cuius conditione, mors ipsi infallibiliter erat prædicta: sed quod potuerit ponere actum peccati, non aliunde supponit esse verum; quam quia ipsi dictum fuit, *si peccaueris*, vel (quod idem est) *si volueris peccare*: ergo manifestè iterum sentit, huiusmodi conditionatas locutiones, supponere in subiecto potestatem ad opus sub conditione expressum. Cum ergo ad volendum suspensionem amoris nulla sit potestas in beato, nequit iuxta mentem Augustini verificari, quod iuspenderet si vellet: nã in hoc quod dicitur, *si vellet*; supponitur posse vellet, sicut in hoc quod dicitur, *si peccauerit*, supponitur posse peccare.

TERTIO: quia disertis verbis eandem phrasim fatetur Ambrosius libro primo Hexameron capite octauo. *Quorum ergo nos iam sumus Domini* (inquit) *horum principia extrinsecus non requiramus. Quod enim possumus non facere si volumus, huius electionem mali, nobis potius debemus, quam alijs adscribere. En ubi per hanc locutionem, quod possumus non facere, si volumus, exprimens negationem mali operis sub conditione voluntatis, pariter supponit potestatem faciendi & omittendi.*

QUARTO: supponamus verbi gratia, quod Christus Dominus ita

necessario voluisset mundationem leprosi; sicut beati necessario volunt amorem Dei; taliter ut sicut ipsi non possunt non velle amare, ita pariter Christus non potuisset non velle mundare: & deinde etiam, quod necessitas istius voluntatis mundandi fuisset omnino nota & cognita leproso; nonne tunc monstruosissimè & absurdissimè dixisset *Domine si vis, potes me mundare?* Quis hoc neget? Quis tam obstinati sensus, ut hoc diffiteatur? Me hercle, ego scio & certus sum, te esse necessitatum ad volendum mihi dare pecunias, ita ut semper velis dare & non possis non velle dare: & tamen præsto tibi istum libellum supplicem, *Domine mi, si vis, potes mihi dare pecunias*; nonne me ut stupidum imo ut mentis impotem reijceres, utpote qui rem appendo conditioni tuæ voluntatis, ubi certus sum te illa voluntate carere non posse? Profecto non alia de causa id iustissimè faceres, quam quia similes locutiones appendentes opus conditioni voluntatis, appertissimè supponunt, te aliquando posse illud velle & aliquando non velle. Quo ergo somnio, qua phantasia persuadet nobis Iansenius, quod beati si volunt amant, si non volunt, non amant, si nobiscum supponit eos numquam posse non velle?

QUINTO A PRIORI: quia huiusmodi propositiones, dictæ de libero arbitrio, non dicuntur profecto in sensu purè conditionali; prout scilicet solùm denotant vel illationem vnius ex alio, vel nudam concomitantiam antecedentis cum consequenti: sic enim, cum nihil ponant in esse nec ex parte antecedentis nec ex parte consequentis; verè possunt dici etiam de quibuscumque extremis impossibilibus. Quæ ratione Divus Thomas in primo, distinctione vigesima secunda, quæstione secunda,

articulo primo ad secundum concedit in sensu conditionali illatiuo has; *Deus si vellet, posset praua agere; si centum sunt minus quam quinque, sunt minus quam decem.* Imò & de rebus inanimatis eadem ratione potest dici; si lapis vult; potest praua agere, si non vult, potest & non agere. Rursus in sensu conditionali secundum concomitantiam idem apparet: potest namque de lapide verissimè dici; quando lapis vult, potest descendere, quando non vult, potest non descendere. Et ratio omnium est eadem. Nam (vt notissimum est dialecticis) propositio conditionalis, siue sit conditionalis illatiua, siue conditionalis secundum concomitantiam, ad sui veritatem non petit, nec veritatem antecedentis, nec veritatem consequentis; sed solum, si sit conditionalis illatiua, quòd rectè inferatur vnum ex alio, vel si sit conditionalis secundum concomitantiam, quòd antecedens nunquam de facto sit verum; quin sit verum consequens. Igitur quando similes locutiones passim à Sanctis Patribus dicuntur de libero arbitrio seu de libertate hominis; *homo si vult, facit, si non vult, non facit*: Et rursus; *quando volumus, facimus, quando non volumus, non facimus*; non debent profecto sumi in sensu purè conditionali; sic enim nil speciale significarent de libero arbitrio, quod non posset etiam dici de rebus inanimatis; sed debent sumi tamquam supponentes ex parte subiecti potestatem indifferentem ad velle & non velle, ad facere & non facere, quæ ratione soli libertati possunt attribui, & non alijs. Ex quo manifestè liquet, huiusmodi propositiones falsas esse; quando voluntati applicantur in ordine ad actus, respectu quorum potestatem sic indifferentem non habet. Et per hoc abundè patet ad primam mino-

ris probationem.

AD SECVNDAM, qua dicebatur, quòd actus externi imperati à voluntate, sunt in nostra potestate, per ipsam volitionem; ergo ipsa volitio est in potestate voluntatis per se ipsam; respondeo, distinguendo sic antecedens. Actus illi externi sunt in nostra potestate per ipsam volitionem; si sermo sit de quacumque volitione, etiam necessaria; nego antecedens: per ipsam volitionem, si sermo sit de volitione elicità cum indifferentia; concedo antecedens. Ergo ipsa volitio est in potestate voluntatis per se ipsam; distinguo consequens, volitio necessaria; nego consequentiam: volitio elicità cum indifferentia; concedo consequentiam. Itaque sicut non quælibet volitio; sed solum volitio indifferentè elicità, est ratio formalis constituens actus externos in nostra potestate; ita non quælibet volitio, sed solum volitio indifferentè elicità, est in potestate voluntatis per se ipsam: volitio autem omnino necessaria, nullo modo est in potestate voluntatis, nec per se ipsam, nec etiam ratione alterius. Et hoc mirum esse non debet, nam (vt suprà monui) volitio omnino necessaria, cum non sit à voluntate, vt voluntas est formaliter; non est propriè volitio, sed solum sic appellatur defectu terminorum.

Suprà
l. 3. c. 4.
sect. 16.

C A P V T II.

Soluitur secunda ratio eiusdem, ex eo quòd voluntas Christi fuerit libera formaliter in non peccando.

SECVNDÒ ARGVIT Iansenius. *To. 1. l. 6. c. 9.*
Voluntas Christi fuit libera non solum

solum in bonis operibus; sed etiam formaliter in non peccando: at licet habuerit indifferentiam respectu bonorum operum, nullam tamen habuit ad non peccandum: ergo stat formaliter libertas absque indifferentia. Minor est certa, nam negatio omnis peccati, supposita gratia vnionis hypostaticæ inest voluntati Christi absque omni prorsus potentia illam destruendi, cum destrui non possit, nisi per potentiam peccandi, quæ formaliter in Christo non fuit; & sic talis negatio insuit ipsi omnino necessario & sine ulla prorsus indifferentia ad non essendum. Maiorem autem, quod respectu illius negationis, seu in non peccando, fuerit liber; probat ex quodam dicto Augustini libro de prædestinatione Sanctorum, cap. decimo quinto, ubi Sanctus Pater loquens de voluntate humana Christi sic habet. *An ideo in illo non libera voluntas erat, ac non tantò magis erat, quantò magis peccato seruire non poterat? En qualiter expresse dicat voluntatem illam in non peccando, seu in eo quòd peccato seruire non potuit, fuisse liberam, imò & tantò liberiores, quanto magis ad id determinata fuit.*

Imò addit hic Tansenius, solito suo more tamquam è Cathedra definiens aut resoluens, *nec vllum elucere vestigium, quòd Augustinus cogitauerit in eo Christi libertatem collocare, quòd possit hoc vel illud bonum eligere, multo minus, istud eligere & non eligere.*

RESPONDEO, negando quòd Christus fuerit liber in non peccando si non peccare, sumatur præcisè per modum negationis, sicut argumentum videtur supponere: vt enim rectè dictum est, circa certitudinem minoris, negatio peccati insuit voluntati Christi omnino necessario & absque ulla prorsus indifferentia. Fuit

tamen liber in non peccando; si per non peccare, intelligatur hoc positium, quod est bene operari, vel etiam ipsa negatio peccati, quatenus erat per actum positium complacentiæ volita. Sed ex neutro horum iniuriatur arguens, cum respectu vtriusque assignetur vera indifferentia. Respectu primi quidem; nam si per non peccare, intelligatur hoc quod est bene operari; Christus in eo, simpliciter loquendo fuit indifferens: poterat enim hoc vel illud bonum facere & non facere. Respectu secundi etiam; nam licet supposita gratia vnionis necessitaretur ad habendam negationem omnis peccati; non tamen necessitabatur ad volendum per actum positium complacentiæ istam negationem; sed potius actu libero eam taliter volebat, vt absolute posset non velle. Simile quid supra dictum est, quando explicauimus, qualiter Dæmon peccet per negationem conversionis ad Deum: Tunc enim distinximus illam negationem conversionis, & in negationem præcisè, & in negationem vt per actum positium à Dæmone volitam. Primo modo, diximus esse necessariam; secundo verò, omnino liberam. Sic pariter dicimus in præsentī. Negatio Peccati in Christo potest sumi dupliciter: & per modum negationis præcisè, & quatenus per actum positium complacentiæ à Christo erat volita. Primo modo; sicut in ipso nullam admittebat indifferentiam, ita pariter nec libertatem aut meritum: secundo vero modo; sicut in ea taliter placebat, vt posset non complacere, ita & libertatem & meritum habebat.

In simili tradit hanc doctrinam Sanctus Thomas questione septima de Malo, articulo vndecimo ad octauum. *Vitare peccatum veniale* (inquit) *potest intelligi dupliciter. Vno modo sc-*

Suprà
l. 4. ca.
18.

cundum

cundum puram negationem & sic non meretur vitam aeternam, quia etiam dormiens non peccat venialiter & tamen non meretur. Alio modo secundum aliquam affirmationem, secundum quod dicitur ille vitare peccatum veniale, qui vult non peccare venialiter: & quia ista voluntas potest esse ex charitate, ideo vitare peccatum veniale, potest esse meritorium vite aeternae. En idem quod nos proportionabiliter dicimus, de eo quod est, Christum non peccare, nec posse peccare. Si namque sumatur per modum purae negationis, dicimus nec meritorium nec liberum fuisse Christo prout sic: si verò sumatur secundum aliquam affirmationem, pro eo quod est, velle non peccare seu in non peccando habere complacentiam; sic & liberum ipsi fuit & meritorium, sicut & indifferens.

Hic tamen adverte discrimen quod intercedit inter Christum & Dæmonem quantum ad illas negationes: Dæmoni namque inest negatio conuersionis ad Deum, omnino dependenter à libera sua voluntate; siquidem eandem per primam volitionem deliberatam, voluntariè & liberè contraxit: Christo autem non inest illa negatio peccati, nisi omnino naturaliter & necessariò; siquidem inest ex vi gratiae vniõis, quae à libera voluntate Christi fuit simpliciter independens.

Et contra hanc doctrinam nil facit probatio inducta ex verbis Augustini. Quando enim dicit, quod liberior fuit Christi voluntas, quàm magis peccato seruire non poterat, noluit profecto dicere, quòd in ipsa impossibilitate peccandi formaliter sumpta, seu per modum purae negationis libera fuerit; sed solum, quòd huiusmodi impossibilitas, quo arctior & maior, eo magis libertatem eius auxerit & perfecit respectu bono-

rum operum. Cum enim posse peccato seruire, potius sit defectus libertatis, quàm pars aut perfectio eius; rectè sequitur, bona opera fieri tantò liberius, quanto à potestate peccandi remotius: semper tamen cum indifferentia ad facienda eadem vel omittenda.

Libet exemplum apponere, vt res fiat manifestior. Peto à te Iansenj, vel quisquis sectator eius existis: vtrum naturam humanam Christi subsistere in supposito Diuino fuerit voluntati humanae Christi liberum, vel non? Si responderis affirmatiuè: ergo Incarnatio pro aliquo priori fuit dependens à voluntate humana Christi: hoc est, quòd ideo facta, fuerit, quia humana Christi voluntas ita voluit. Patet ista consequentia; quia (vt suprà libro secundo ostendi) omne quod mihi liberum est, pro aliquo priori à mea voluntate est dependens, & ideo fit, quia volo. Tunc vltra: ergo voluntas humana Christi pro aliquo priori ad incarnationem, habuit aliquem actum liberum quo illam mereri potuit; contra illud Augustini: *Ista nativitas profecto gratuita, coniunxit in vnitatem personam hominem Deo, carnem Verbo. Ista naturam bonam opera secuta sunt* (nempe in Christo) *non bona opera meruerunt.* Si autem responderis, quòd huiusmodi subsistere Christi voluntati liberum non fuerit; rectissimè quidem: sed iterum contra te. Nam si voluntati Christi liberum non fuit in persona Verbi subsistere: ergo nec liberum ipsi fuit, non peccare, si non peccare, sumatur praecisè & per modum purae negationis. Patet rursus ista consequentia, quia eadem indiuisibili necessitate, qua necesse est naturam humanam Christi subsistere in persona Verbi; necesse quoque est, eandem non peccare, nec posse peccare: &

Suprà
lib. 2.
ca. 5. §.
Tertiu

August
lib. de
correp.
& gratia. cap.
11.

ex consequenti, si primum ipsi liberum non est, nec secundum ei liberum esse potest. Quo ergo sensu (vt rem nostram concludamus) Theologus accipere debebit hoc dictum Augustini, *Voluntas Christi tantò fuit liberior, quantò magis peccato seruire non potuit*? An nè ita, vt in ipsa impossibilitate peccandi præcisè sumpta, liberam esse dicamus? Minimè gentium: hoc enim tam apertè falsum est, quàm quòd liberum ei sit in persona Verbi subsistere. Debet ergo accipi illa negatio modo positio, vel pro eo quod est bene operari, vel pro eo quod est, eam per actum positium complacentiæ esse volitam: hoc namque sensu & non aliter Christo fuit libera, sicut neque indifferens.

6-quo? 2. dii 3. 3. 5. 2. 1111
O. SED FORTE OBIICIES, quòd nec isto modo fuerit indifferens: siquidem actus positius, quo in negatione peccandi sibi complacebat, videtur ita fuisse necessarius, vt ab illo cessare non potuerit: *Cum non esset alia voluntas illa* (inquit Iansenius) *quàm qua iustitiam Dei peccato repugnantem sine cessatione diligebat; vel si eam ab illa distinguere voluerimus, tam est perpetua, quàm voluntas immutabilis iustitia, quàm indiuisa comitatur.*

RESPONDEO, quòd sicut Christus ex varijs & diuersis bonis, hoc vel illud in particulari voluit cum indifferencia, ita vt absolutè potuerit non velle; sic pariter negationem peccandi, vtpote particulare quoddam bonum, voluit cum indifferencia, ita vt absolutè non velle potuerit. Verùm quidem est, quòd semper & absque cessatione eam voluit; sed reuera non cum necessitate quoad exercitium, sicut volebat Diuinam bonitatem secundum se. Vnde & negari debet fuisse eundem actum formaliter seu terminatiuè, illum

quo expresse & formaliter volebat negationem peccandi, seu quo peccatum in seipso detestabatur, & illum quo Diuinam bonitatem seu iustitiam increatam secundum se diligebat.

Explico hoc. Nam actus quo Beati diligunt eandem bonitatem secundum se non habet formaliter eandem terminationem, quam habet actus quo diligunt eandem bonitatem vt est ratio formalis producendi creaturas: cum prima terminatio sit omnino necessaria & indefectibilis, secunda autem, libera & absolutè defectibilis, vt diximus capite decimo tertio præcedenti. Ergo pariter voluntas seu volitio illa Christi, quæ expresse volebat non peccare, fuit quoque absolutè quoad terminationem defectibilis, ita vt prout sic, potuerit non esse. Pater ista consequentia, quia actus ille non habuit maiorem necessitatem, quàm alter quo Beati Diuinam bonitatem, prout est ratio formalis producendi aliquod bonum particulare creatum siquidem expresse velle non peccare voluntate creata, non nisi inter bona particularia creata annumerari debet.

NEC VALET dicere, quòd Christus necessitate quoad exercitiū voluerit suam vnionem hypostaticam, ac proinde & suam impotentiam peccandi, quæ ad vnionem naturaliter consequebatur: sicque videtur eadem necessitate voluisse non peccare: cum volitio non peccandi, sit eadem cum volitione, qua volebat prædictam vnionem.

NON (INQVAM) VALET. Nam negari debet, Christum voluisse necessitate quoad exercitiū suam vnionem hypostaticam. Et ratio est: nam nihil necessitat voluntatem ad amorem, necessitate quoad exercitiū, nisi vel bonum infinitum clatè visum,

Suprà
cap. 11.
per totum.

visum, vel aliquid cum tali bono essentialiter connexum: vnio autem hypostatica nec est bonum infinitum clarè visum (vt manifestum est) nec etiam cum bono infinito clarè viso essentialiter habet connexionem, cum absolute posset natura aliqua intellectualis hypostaticè vniri cum persona Diuina, & tamen Deum intuituè non videre.

SED INSTABIS. Humana Christi voluntas saltem erat necessitata, quoad exercitium, ad volendam dilectionem Dei super omnia: ergo eodem gradu erat necessitata ad volendam negationem odij Dei seu cuiuscumque peccati. Probabis consequentiam: quia quo gradu necessitatur quis ad volitionem alicuius formæ; eodem prorsus necessitatur ad volendam exclusionem priuationis oppositæ.

RÉSPONDEO, concesso antecedenti, distinguendo consequens: ergo eodem gradu erat necessitata ad volendam negationem odij Dei, prout virtualiter & implicite contentam in actu dilectionis; concedo consequentiam: ad volendam negationem odij, prout in se ipsa, seu sub expresso & formali conceptu malitiæ odij, nego consequentiam. Itaq; dupliciter volebat Christus negationem odij Dei, & cuiuscumque alterius peccati. Vno modo implicite & virtualiter, volendo nempe dilectionem, quæ implicite & virtualiter est ipsa negatio odij Dei: & hoc sensu sicut illam volebat necessariò, & absq; vlla indifferentia, ita & volebat absque vlla prorsus libertate & merito. Alio modo volebat illam explicitè & formaliter, per actum scilicet detestatiuum odij sub proprio conceptu malitiæ odij: & hoc sensu liberè quidem volebat & meritorie, sed non sine indifferentia quoad exercitium. Licet enim Christus esset necessitatus ad volendam

negationem odij Dei, prout virtualiter contentam in actu dilectionis, non tamen erat necessitatus ad illam volendam per actum formaliter & expressè detestatiuum ipsius malitiæ odij.

Patet ergo ex his, qualiter ad propositum nil conficiat Iansenius: siquidem si Christus, etiam in non peccando fuit liber; hoc eatenus verificari debet, quatenus negationem peccati per actum positium volebat cum potestate indifferenti ad illum, omittendum.

SED QUID IAM AD ILLUD, quod Iansenius addit; *nec vllum elucere vestigium, quòd Augustinus cogitauerit in eo Christi libertatem collocare, quòd possit hoc vel illud bonum eligere, multo minus istud eligere & non eligere?*

PROFECTO SI RES ita habet; ergo Sanctus Thomas vel Augustino contradixit, vel mentem eius in materia libertatis non penetrauit: siquidem in nullo alio ipse libertatem Christi collocat, quàm quòd hoc vel illud bonum potuit eligere & non eligere. Quare verba illius quæstione vigesima nona de veritate, articulo sexto ad primum, & sic loquentem inuenies. *Ad primum ergo dicendum, quòd licet anima Christi, esset determinata ad vnum secundum genus moris, scilicet ad bonum; non tamen erat determinata ad vnum simpliciter. Poterat enim hoc vel illud facere & non facere, & ideo libertas in illo remanebat, quæ requiritur ad merendum.* Nonne hoc est euidentissimis verbis libertatem Christi collocare in indifferentia, hoc vel illud bonum eligendi & non eligendi? Cur ergo mihi dicitur, nullum huius rei in Augustino elucere vestigium? Credendumne erit, Sanctum Thomam Augustino contradixisse, de quo tamen Verbanus quintus in Bulla ad Academiam Tho-

Tholosanam testari non dubitavit, quòd beati Augustini vestigia insecutus fuerit? Imò de quo ipse Augustinus Alberto; Ego sum missus ad declarandam gloriam Sancti Thomæ, qui doctrinam meam & Apostolicam in omnibus secutus est? Quæso Iansenii, noli caput meum tam hyperbolica resolutione frangere; nam (vt in altum euolas) videris lunam digito posse contingere. Et vt in ipso Augustino non solum vestigium, sed & pedem integrum sentias; accipe hoc patentissimum testimonium libro quarto de Trinitate, capite decimo tertio, vbi probans Christum liberè fuisse mortuum; non aliunde profecto id ipsum probat quàm ex potestate indifferenti ad mori & non mori. *Non carnem* (inquit) *deseruit iniuriis, sed quia voluit, quando voluit, quomodo voluit.* Et explicans, quid intelligeret per illam causalem quia voluit, subiungit; nam qui posset non mori, si nollet, proculdubio quia voluit, mortuus est. En disertissimè collocatam libertatem Christi in eo quòd hoc poterat facere & non facere.

CAPVT III.

Soluitur tertia ratio eiusdem, ex eo quòd Deus est verè liber, & tamen nec habet, nec vnquam habuit indifferentiam agendi & non agendi.

To. 3.
lib. 6. c.
at. in
prin.

TERTIO ARGVIT Iansenius, iuxta propria principia Scholasticorum, vt ipse ait. Si quæ indifferentia ad libertatem requireretur, esset utique indifferentia agendi & non agendi, quæ propriè est exercitij: sed & ista profusus in Deo perijt, hoc ipso quo semel aliquid immobili voluntate statuit

atque voluit quam retrahere non potest, ergo si hoc dumtaxat est esse liberum, indifferentem esse ad agendum & non agendum; liber fuisse Deus dici potest, liber verò esse non potest. Imo vero (prosequitur) nec liber fuisse dici potest. Quando enim liber fuerit, cum ab aeterno, hoc est sine vilo initio semper ad agendum vel non agendum determinatus fuerit?

RESPONDEO, Iansenium in hoc argumento apertissimè contradicere Diuo Thoma. Ipse namque eisdem ferè terminis idem argumentum posuit: sed reuera, non vt eo convinceretur sicut Iansenius, sed vt verissimè solueret, sicut bonus Scholasticus.

Audi argumentum. Quæsitum erat in Primo ad Annibaldum, Distinctione quadragesima septima, articulo primo, *Utrum Deus de necessitate velit, quidquid vult?* Id est, vtrum omnia quæ vult, velit sine indifferentia ex parte principij ad volendum & non volendum, sed potius cum necessaria determinatione ad volendum tantum? Et videtur (inquit) in secundo argumento, quòd sic. Nam quidquid Deus voluit vel vult, postquam vult illud vel voluit, non potest illud non velle vel non voluisse: quia voluntas eius est immutabilis: sed quidquid Deus vult vel voluit, nunquam non vult, quia ab aeterno voluit, quidquid voluit & vult: ergo Deus non potest non velle quod vult, & ita de necessitate vult, quidquid vult. Nonne idem prorsus argumentum? Nonne conatur sicut & Iansenius, ex immutabilitate Diuinæ voluntatis, & ex determinatione eiusdem ab aeterno circa omne volitum, ostendere, Deum nihil velle cum indifferentia ad volendum & non volendum? Quasi vltimate inferens, Deum nihil velle liberè, si velle liberè dumtaxat, est posse velle & non velle? Sed quid? Conceditne consequentiam,

tiam, sicut nouus noster Doctor? Dicitur ita esse, Deum nihil velle liberè, si semel libertatis ratio exposcit posse velle & non velle?

Audi rursus resolutionem, & si imaginationem sensumque priuatum deponere non libet; vel ipsa saltem euidencia litterarum confundere. Sed contra est (inquit) quòd necessitas opponitur gratuita voluntati (id est liberè) sed Deus vult saluum hominem ex gratuita voluntate (scu liberè) ergo non ex necessitate. Præterea voluntas Dei est magis libera quàm nostra (en ipsum terminum libertatis, ne glossam à me affixam salutaris arguas) sed voluntas nostra non ex necessitate vult (hoc est, absque libertate) quidquid vult; ergo nec voluntas Dei. Nonne hoc est apertissimè fateri, Deum non omnia velle necessitate excludente libertatem, sed potius aliqua cum tali necessitate, aliqua verò non; sed omnino liberè? Et quæ quæso sunt huiusmodi Præceptor Angelicæ? Audi iterum loquentem in Corp. Sic ergo Deus de necessitate vult bonitatem suam & quidquid in ipso est. Creaturas autem non vult de necessitate, quia hoc modo ordinantur ad Diuinam bonitatem, vt sine eis Diuina bonitas esse possit. Hoc est constantissimè docere Deum velle bonitatem suam, necessitate excludente ab actu libertatem indifferentiæ, quia de tali loquebatur, vt constat ex argumentis Sed contra, minime autem sic velle creaturas, sed potius omnino liberè, & cū vera potestate indifferenti ad volendum & non volendū.

Est argumentum positum, iam petit Doctor Sancte, qualiter in Deo illam potestatem indifferentem circa volitionem creaturarum salues? Videtur namque (vt Iansenio placet) similis indifferentia in Diuina voluntate non subsistere; & hoc quidem ob intrinsecam eius immutabilitatem, simulque ab æterno ad agendum vel

non agendum determinationem. Si namque Deus quidquid semel voluit, non potest non velle; & ex alia parte ab æterno semper voluit, quando tandem aut quo instanti liber fuit aut potuit velle, & non velle?

Nihilominus hac ratione non conuincitur; sed iuxta principia Scholastica sic respondet. Ad primum (inquit) dicendum, quòd aliquid dicitur esse necessarium (id est impossibile aliter esse) dupliciter. Vno modo absolute, propter necessariam habitudinem subiecti ad prædicatum, sicut homo est animal (& Deus vult bonitatem suam, vt dixerat in Corpore) & sic non est necessarium Deum velle aliquid circa creaturas: quia non est necessaria habitudo voluntatis ad volitum, vt dictum est. Alio modo dicitur aliquid esse necessarium ex suppositione, sicut Sortem moueri, si currit, & sic est necessarium, Deum aliquid velle circa creaturas, ex suppositione facta, quòd ab æterno velit illud. Et similiter dicendum ad secundum; Nempe ad illud argumentum, quod vt simile Ianseniano retulimus. Quod idem alijs etiam terminis docuerat in eodem libro ad Annibaldum distinctione quadragesima tertia, questione vnica, articulo primo in Corpore. Dum ergo dicitur (ait ibi) Deum posse non facere, id quod facit; quia in se repugnantiam non habet; simpliciter concedendum est, quòd Deus potest non facere quod facit, si nihil addatur: eo quòd non facere, non habet repugnantiam ad aliquid in loquutione positum. Addita autem scientia vel voluntate, erit locutio vera in sensu diuiso, falsa in sensu composito, vt si dicatur, Deus potest non facere, quod facit vel quod vult se facere.

En qualiter argumento tuo, Ianseni, non conuincatur, ad dicendum non requiri ad libertatem (sicut tu dicis) potestatem indifferentem ad oppositum; sed potius, qualiter totis viri-

viribus illam saluet, non obstante Diuinæ voluntatis immutabilitate, eiusdemque ab æterno ad alterutram partem determinatione. Quasi in forma igitur sic tibi respondet. Deus hoc ipso quo semel aliquid immobili voluntate voluit, non potest illud non velle; distinguo; non potest illud non velle, ex suppositione & in sensu composito: concedo; non potest illud non velle absolute & in sensu diuiso, nego. Et tamen manet verè liber; concedo minorem: ego stat libertas absque potestate indifferenti ad velle & non velle, vel nego consequentiam, vel explico consequens: absque potestate indifferenti ad velle & non velle absolute & in sensu diuiso, nego consequentiam: ad velle & non velle cum quacunque etiam suppositione & in sensu composito, transeat consequens. Distinctio à nobis supra explicata est, & vltiori discussione non indiget.

Supra
l. 3. c. 1.
sect. 5.
ap: en-
dice.

Itaque ex eo, quòd Deus, postquam semel aliquid voluit, non possit facta ista suppositione illud postea non velle, in quo eius immutabilitas consistit; minimè sequitur, ad rationem essentialem libertatis non requiri potestatem indifferentem, sicut nos illam requirimus. Quam namque requirimus, non est huiusmodi, vt possit agens velle & non velle facta etiam quacunque suppositione volitionis aut nolitionis, sed solum; vt possit absolute, seu quantum est ex vi indifferentiæ principij pro illo priori, quoad actualem volitionem & nolitionem præintelligitur. Quod in Deo optinè saluatur. Nam licet semel hoc volens, non possit illud postea non velle ratione suæ immutabilitatis; tamen potest hoc idem non velle absolute seu pro priori ad actum, quantum est ex vi principij, quo se ab æterno ad illud volendum

applicauit. Cum namque principium quo se applicauit, nimirum intellectus eius & voluntas, non dicant necessariam habitudinem ad creaturas, sed potius habitudinem indifferentem ad eas volendum & non volendum; sit consequens, quòd attentis meritis huius principij, eas de facto sic vult, vt absolute potuerit non velle licet postquam semel voluit, postea non velle non possit: hoc enim argueret mutabilitatem, quæ sicut imperfectionem dicit, ita nec per se ad rationem liberi arbitrij pertinet, sed accedit ei secundum conditionem naturæ mutabilis, vt ait Diuus Thomas, quæstione decima sexta, de Malo articulo quinto in Corpore.

PER QVOD PATET, friuolam esse hanc illationem Iansenij; ergo liber fuisse, Deus dici potest, liber verè esse non potest.

PATET (INQVAM) esse friuolam, imò & puerilem, & viro Theologo indignam. Sicut namque manifestum est, quòd Deus ab æterno se applicauit cum indifferentia ex parte principij seu actus primi, ad volendam (verbi gratia) productionem mundi, eaque de causa ab æterno liber fuit; ita pariter manifestum esse debet, quòd modo & de præsentī in eadem volitione liber sit, siquidem eandem cum eadem indifferentia adhuc de facto exercet: cum indifferentia (inquam) non ad illam semel habitam, postea non exercendam; hoc enim est mutabilitatis; sed cum indifferentia ad illam non exercendam absolute, quòd est libertatis. Et quòd huiusmodi indifferentia ad illam non exercendam absolute, adhuc modò & de præsentī perseueret, non obstante determinatione immutabili primæ volitionis; neco videri est euidentius. Nam si coniunctio potentia cum actu proprio, non destruit naturam potentia; sed illam per-

ficat;

ficit; cur coniunctio potentie liberæ cum actu suo libero destrueret naturam potentie liberæ? Destrueret autem, si ipsa semel determinata ad unum extremum per actum secundum, non maneret amplius absolute indifferentens ad negationem illius, sicut pro priori ad actum indifferentens erat. Unde dicendum est, manere adhuc de presenti illam indifferentiam, quæ se tenebat ex parte actus primi pro priori ad actum, & secundum quam dicitur ex propria natura posse hoc exercere; & non exercere absolute.

SED INSTAT JANSENIUS: ergo Deus in tantum nunc est liber seu de presenti, in quantum pro priori ad actum, cum indifferentia, & ex propria libertate se ad actum determinavit, licet postea in illa determinatione propter naturæ voluntatisque constantiam immutabilis permaneat. Tunc ultra; Si hoc (inquit) Scholasticis sufficit, nulla ratio superest, cur non & perpetuam illam iustitiæ voluntatem seu amorem beatificum (in Beatis) liberrimam voluntatem esse concedant. Probaturque subsumptum: Nam certissimum est, Angelos & homines qui Beati sunt, ita libere indifferenti; voluntate iustitiam elegisse, propriaque se libertate determinasse ad diligendam iustitiam, vel in ea perseverandum, sicut Deus ad opera, quibus vel creaturas, vel aliquid in creaturis operatur. Si ergo immutabilitas natura (in Deo) non extinguit illam primigeniam electionis libertatem, multò minùs immutabilitas gratia interimet in Beatis.

RESPONDEO, hanc quoque replicam friuolam esse. Concessa enim primæ consequentia, nego subsumptum: nimirum quòd eadem via posset etiam dici, amorem beatificum esse liberum. Ad probationem nego quòd homines vel Angeli qui beati sunt, eadem libertate & indifferen-

tia se determinaverint ad amorem beatificum, sicut Deus ad volitionem creaturarum. Licet enim amorem beatificum in hominibus & Angelis antecesserit voluntas indifferentens, seu libera per modum meriti; siquidem per actus liberos viz, visionem & amorem inde secutum meruerunt tamquam præmium; tamen non antecessit, nec antecedit formaliter illum amorem voluntas aliqua indifferentens seu libera per modum principij illum elicientis, seu efficientiæ influentis: cum principium elicitiuum, seu Physicè influens, sit voluntas regulata iudicio determinato ad amorem, non autem voluntas regulata iudicio indifferenti: quod tamen ad libertatem illius actus desiderabatur. Secus contingit in volitione Dei circa creaturas. Hanc namque nostro modo intelligendi, & cum fundamento in re, antecessit per modum principij elicientis, voluntas verè libera, vt potè regulata iudicio indifferenti & repræsentante bonitatem creaturarum, vt non necessario amandam. Sicque volitio illa non obstante sua essentiali immobilitate, post primam (vt ita dicam) elicientiam, adhuc perseverat postea vt verè libera, minimè tamen amor ille beatificus in Beatis.

AST NON QUIESCIT. Nam actus charitatis (inquit) quem Beati tam homines, quam Angeli circa Deum habent in patria, est idem sine ulla mutatione, cum illo quem eliciunt libere in via. Non enim imaginandum est, aliam beatis infundi cum beatitudine voluntatem, quæ propter perpetuam determinationem non sit libera, sed eadem omnino voluntas libera (seu volitio in phrasi ipsius) & amor iustitiæ liberrimè susceptus in hac vita, sine ulla mutatione firmior & ardenior & incundior permanet. Ergo amorem beatificum in beatis antecessit volun-

tas libera & indifferens, etiam per modum principij elicentis seu influentis: sicque in prima sui productione fuit elicitus indifferenter, non minus quam libera volitio Dei, licet deinceps immutabiliter perseveret. Secunda consequentia est euidens, & prima ex eo videtur bona, quod idem actus, sine ulla mutatione idem, non possit non habere idem principium elicentis & influens: ergo si amor viæ & patriæ est idem actus, & in viâ habuit voluntatem liberam pro principio influente & elicente; eandem prout sic habet amor patriæ. Antecedens autem, quod idem actus sit, probat dupliciter.

PRIMO hac paritate. Nam volitio praua cadentium Angelorum, quam modo habent in termino damnationis, est eadem perseverans, cum illa quam liberè elicerunt in viâ: ergo à sensu contrario, actus charitatis seu volitio bona, quam beati habent in termino beatitudinis, est eadem cum illa, quam liberè elicerunt in viâ. Consequentia videtur legitima, & antecedens est Dñi Thomæ questione decima sexta, de Malo, articulo quinto in Corpore. Vnde & nos supra illud docuimus.

SECUNDO, quia non obscure significauit hoc Augustinus, nempe quod eadem omnino sit voluntas (seu volitio libera) Angelorum in viâ & in patria, siue stantium siue cadentium: dum de bonis Angelis ab initio hucusque non peccantibus dicit: *melio-rem esse creaturam, que quamuis habeat liberam voluntatem, Deo tamen semper infixa, nunquam peccauit.* Et Paulo post; *si te deletat creatura que perseverantissima voluntate non peccat.* Et iterum, *habet illa sublimis (creatura) perpetuam beatitudinem suam, in perpetuum fruens creatore suo, quem perpetua tenenda iustitie voluntate promeretur.* Quæ apertissime clamant

Augustinum hoc sentire, quod eadem omnino voluntas libera, qua iustitiam delegerunt, in eisdem immutabilis permanet.

RESPONDEO hic vnum à Iansenio assumi, quod vniuersaliter loquendo tam de hominibus beatis quam de Angelis, falsissimum est & omnino improbabile. Videlicet quod amor beatificus in ipsis sit idem actus liber viæ, firmitus & stabilis continuatus in patria. Imò licet id ipsum tamquam verum ei admitteretur, adhuc intentum suum minime concluderet.

PRIMO Vbi quod generaliter loquendo, etiam de beatis hominibus, id falsum & improbabile sit; patet ex eo, quod licet eadem charitas habitualis numero, & eadem actualis quoad speciem perseveret, in viâ & in patria tam in hominibus quam in Angelis: qua ratione inquit Paulus primæ ad Corinthios decimo tertio, *Charitas nunquam excidit, & Isaac trigesimo primo legitur, dixit Dominus, cuius ignis est in Syon* (scilicet in Ecclesia militante) *& caminus eius in Ierusalem*, id est in pace Cælestis Patriæ: quia nimirum in omnibus Beatis eadem charitas habitualis secundum speciem & numerum, & eadem actualis secundum speciem, sicut est in statu viæ, ita permanebit in statu patriæ, vt ibid. & insuper Secunda Secundæ, questione sexagesima septima articulo sexto, explicat Sanctus Thomas: tamen omni prorsus fundamento caret, dicere, quod etiam eadem charitas actualis seu idem actus amoris viæ, perseveret & continuetur in beatis hominibus secundum identitatem numericam. Quia vt (videre est apud Suarez, & Discalceatos Saluaticenses) vterior sententia Theologorum id solum concedit de actu amoris Beatæ Virginis, & Angelorum: nempe

Suprà
l. 4. ca.
18. §.
Ac tan-
dem.

Aug. li.
3. de li.
arb. c. 5.

Suar. tr.
3. de
charit.
disp. 3.
sect. 1.
nam a.
Salu.
tra. 10.
de vo-
lunt. dis-
p. 2. dub.
4. n. 80.
& tr. 11.
disp. 1.
dub. 2.
nu. 18.

cun-

eundem numero actum charitatis viæ, in ipsis beatificè continuatum, fuisse in Patria. De Beata quidem Virgine (cui opto in sæcula sæculorum laudem & reuerentiam ab omni creatura) id creditu dignissimum est: cum namque perfectissimè in vita Deum dilexerit, vsque adeò vt ne minima amoris particula vnquam aliò deflexerit; certè vitam eius mors terminare potuit, actum dilectionis non potuit. Si enim fortis vt mors, dilectio; cur in tam præclara Maestate Virginis non omni morte fortior? De Angelis quoque id verissimile apparet: partim quia Magnus Augustinus in locis citatis sic docuit; partim etiam, quia discontinuationis amoris nulla in ipsis potest assignari ratio sufficiens, neque ex parte obiecti, neque ex parte subiecti. Non ex parte obiecti; quia status patris non mutat formale obiectum, charitatis; sed solam cognitionem: *Et charitas* (teste S. Thoma, vbi supra) *non habet pro obiecto ipsam cognitionem (sic enim non esset eadem in via & in patria) sed habet pro obiecto ipsam rem cognitam; quæ est eadem, scilicet ipsum Deum.* Solùm ergo fit mutatio ex parte alicuius, quod est per accidens & quasi materiale, in quantum Deus obieiebatur Angelis in via per fidem, qui eisdem per visionem claram ostenditur in Patria: & cum visio sit quædam causa amoris: Deus quânto perfectius cognoscitur, tantò perfectius amatur: vnde ex hoc capite potius augeatur ratio ad amorem continuandum quàm discontinuandum. Ex parte etiam subiecti id manifestum est; cum enim in substantia purè spiritali, actus amoris non egeat ministerio sensuum, transitusque contingat absque interuentu mortis; non est cur interrumpi debeat, aut defectu sensationis, aut mortis turbatione. Ex quo apparet,

id vniuersaliter non posse cum fundamento dici de omnibus hominibus: in quibus semper adest causa, ex parte subiecti pro amoris interruptione, nisi aliunde speciali prærogatiua gratiæ impediatur: quam tamen alijs iustis à Beata Virgine, concedere; nescio qua via tutum sit. Vnde & verissimè dixit noster Ferrar Quarto contra gentes, cap. nonagesimo quinto. *Actualis operatio intellectus, & actualis motus voluntatis, non necessariò continuatur, vt post mortem maneat, imò videtur necesse esse, vt interrumpatur, saltem cum quis mortì appropinquat propter alterationem corporis, ex qua vsus sensuum impeditur, & consequenter actus intellectualis partis.*

¶ Sed esto (vt dixi) hoc cæteris quoque hominibus concederetur: nil tamen contra solutionem datam inde confici potest. Semper namque verum manet, actum amoris beatifici prout talis est formaliter, nunquam respicere pro principio elicente, seu effectiue influente, voluntatem liberam, seu indifferentem, sicut illam respicit volitio Diuina, creaturarum. Ratio est, nam licet in Beata Virgine, & in Angelis (idemque deberet dici de omnibus alijs, casu quo continuatio admitteretur) sit idem numero actus amoris viæ & Patriæ; prout in Patria tamen, non respicit amplius voluntatem per modum principij indifferentis, sed per modum principij omnino determinati, determinatione etiam ex parte actus primi, quæ modum libertatis, quem in prima sua elicentia, durante statu viæ habuerat, totaliter absorbet: ita vt idem numero amor transeat de libero in non liberum, de humano in non humanum, de morali denique in non moralem: cum omnes istæ formalitates; indifferentiam ex parte principij influentis in-

actum, supponant. Quòd autem prout in patria, non amplius voluntatem per modum principij indifferentis respiciat, etiam aduersarius ipse fateri tenetur. Constat namque voluntatem non obtinere rationem principij indifferentis, nisi quatenus regulatur iudicio indifferenti: iudicium autem indifferens in patria cessat, cum succedat clara visio boni in finiti, taliter ad amorem determinans, vt impossibile sit non amare: ac proinde ex tali cognitione voluntas deinceps amorem continuans, formaliter loquendo, non influit amplius, vt principium indifferens, sed potius vt omnino determinata: sicque amor ille, licet entitatiuè idem; tamen quia modaliter diuersus, alio modo pendet à voluntate tunc, ac pendebat ante. Ante seu in prima sui elicientia, pendebat quidem à voluntate vt à principio libero, tunc autem mutato iudicio pendet ab eadem vt à principio simpliciter determinato.

Per quod etiam patet ad illam probationem consequentia, qua dicebatur, quòd idem actus, sine vlla mutatione idem, non potest non habere idem principium eliciens seu influens. Patet (inquam) negandum esse suppositum: videlicet quòd amor viz & patriæ sit idem numero actus, sine vlla sui mutatione idem. Hoc enim falsum est: nam licet sit idem quoad substantiam, non tamen est idem modaliter, cum superueniat ipsi in patria ratione mutationis iudicij, nouus ille modus necessitatis: sicque non mirum quòd etiam ex parte principij ponamus nouum modum influendi. Exemplum aptissimum est, in actu qui à voluntate primo productus sine deliberatione, postea illa adueniente idem numero continuaretur; quod possibile esse, docent communiter Theologi. Tunc

ille actus, esset quidem quoad substantiam idem, modaliter tamen diuersus, vt pote in principio nec bonus aut malus moraliter; postea autem bonus aut malus moraliter, respiceretq; voluntatem ea de causa, etiam vt diuersimodè influentem; in principio quidem vt influentem necessariò seu non liberè, postea autem adueniente deliberatione, vt influentem liberè. Sic vice versa Philosophare in casu nostro. Amor ille Patriæ propter modalem diuersitatem, aliter respicit voluntatem in principio suæ elicientia, & aliter postea, adueniente iudicio determinato in Patria: in principio respicit vt influentem liberè, quia requisita libertatis aderant; postea verò vt influentem necessariò seu non liberè, quia requisita libertatis defectu iudicij indifferentis defunt.

NEC VALET DICERE, quòd ad libertatem actus sufficit, respexisse principium indifferens in prima sui elicientia, licet postea influat necessariò: vt perseruando in exemplo volitionis diuinæ, potest probari. Illa namque adhuc de præsentibus absolutè, libera est, per hoc præcisè, quòd semel à principio indifferenti egressa fuerit; licet iam post primam (vt ita dicam) elicientiam, principium illud necessariò influat.

NON (IN QVAM) VALET: Nam negari debet, similem respectum sufficere. Requiritur namque ad libertatem actus, pro omni instanti quo denominatur liber, quòd pro omni illo, principium indifferens verè influat: si enim indifferentia solum adfuit in prima productione & postea mutetur in omnimodà determinationem, eodem actu entitatiuè perseruante, vt contingit in amore beatifico Diuæ Virginis & Angelorù; ille actus fuit quidem liber ab initio; postea tamen transit in necessarium.

scu

seu non liberum. Nec oppositum, conuincitur exemplo illo volitionis liberæ Diuinæ. Quod enim illa libera sit, non solum in prima (vt ita dicam) elicentia, sed etiam modo & de præsentī; hoc ideo est, quia voluntas Diuina sicut illam cum indifferentia elicit, ita & modo cum eadem indifferentia in illam influit: non enim iudicium indifferens Diuini intellectus transit postea in necessarium, sed idem omnino perseuerat, sicut & eadem bonitas creata. Fateor quidem illud iudicium, postquam semel est habitum, esse immutabile seu irruocabile, sed aliud est, esse immutabile, aliud autem; esse necessarium. Esse immutabile (vt docet Diuus Thomas questione decima sexta de Malo articulo, quinto in Corpore) attenditur per ordinem ad subiectum; quatenus illud talis constantiæ est vt non possit rem aliquam vnā & eandem pro eodem tempore non dicere, quam prius dicebat, aut dicere quam non dicebat: esse autem necessarium, attenditur per ordinem ad obiectum, quatenus illud repræsentat, vt determinatè prosequendum, vel vt determinatè fugiendum: quæ certè determinatio in Diuino iudicio circa bonitatem creaturarum nunquam reperitur. Sicut namque (teste eodem Diuino Thoma in primo ad Annibaldum vbi supra) Diuina voluntas creaturas non vult de necessitate, quia hoc modo ordinantur ad Diuinam bonitatem, vt sine eis Diuina bonitas esse possit; ita pariter Diuinus intellectus, nunquam eas vt necessariò amandas potest proponere, remanet ergo iudicium eius semper indifferens, tam pro priori ad actum, quam actu iam posito: indifferens inquam (vt supra notauī) non ad actum semel positum retractandum; quia hoc esset mutabilitatis; sed indifferens indifferentia

ex parte actus primi ad non ponendum actum absolutè.

SOLVM RESTAT satisfacere, illi probationi, quæ inducta fuit de mala volitione Dæmonum in termino damnationis. Hæc namque libera fuit in prima sui productione: & modo etiam liberè perseuerat. Ergo pariter volitio bona Angelorum, quæ libera fuit in via, etiam modo liberè perseuerat in patria.

Sed ad hoc ex dictis facillimè respondeo, negando consequentiam, nam in Angelis bonis ex vi visionis mutatur iudicium indifferens in necessarium, in Dæmonibus autem idem iudicium indifferens sicut & idem obiectum eodem modo amatum perseuerat.

C A P V T I V.

Soluitur quarta ratio eiusdem, ex eo quod voluntas nequeat habere actionem naturalem.

QUARTO ARGVIT. *Impossibile est vt voluntas duplicem habeat actionem, liberam, & naturalem. Ergo omnis actio voluntatis erit libera, & nulla naturalis, contra id quod nos dicimus. Constat consequentia, & antecedens probat. Nam potentia naturalis & libera directè sunt opposita potentia, siquidem Aristoteles in Metaphysica distinguit liberum à naturali: ergo non magis potest voluntas considerari vt libera & naturalis, quàm si hominem considerare velis, vt hominem & brutum: vel idem distinguere in se ipsum, & oppositum sui. Ac proinde voluntas nequit habere aliquam actionem naturalem.*

To. 3.
l. 6. c. 3.
in fine,
& li 7.
cap. 13.
etiam
in fine.

RESPONDEO Iansenium in hoc

Y 3 quo-

quoque argumento (sicut in præcedenti) directè opponi Sancto Thomæ. Vt namque ostendi supra libro tertio, Angelicus Præceptor bis sibi idem argumentum obiecit, & soluit. Vnde nihil aliud hic superaddo, quàm me sùtopere mirari, Doctorem hunc, hinc inde Sancti Thomæ; tamquam ipsi suffragetur, testimonia ponere. Sed si nesciens fecit; miserè imperitiæ Lector ignosce: si sciens; tacitam fuge fraudulentiam. Idem prorsus procedendi modus, quem quondam in Iuliano expertus fuit Augustinus: dum & vaser ille in negando peccato originali, quædam verba Ioannis Chrysostomi, tamquam sibi patrocinantia adduceret. *Sed in tantum improvidus & incautus* (inquit Sacer Antistes) *ut nec in ipsa homilia, ubi vix unum de quo male intellecto deceptus deciperet, testimonium reperire potuit, aduerteret Sanctum Ioannem Constantinopolitanum satis euidenter expressisse oppositum.* Sic pariter Iansenius. Ita reuera improvidus & incautus, ut nec in ijs ipsis locis, quæ pro se adducit, aduerterit, Sanctum Thomam satis euidenter contrarium expressisse.

CAPVT V.

Soluitur quinta ratio eiusdem, ex eo quòd omnis actus voluntatis est cum delectatione.

QUINTO ARGVIT. Actus voluntatis qui est cum delectatione est liber: sed actus voluntatis, quantumvis necessarius, est cum delectatione: ergo liber. Minor est certa, quia voluntas non vult, nisi res volita delectet. Vnde illud Augustini lib. de spiritu & littera, cap. tertio.

Cum id quod agendum est, capere non latere; nisi etiam delectet, non agitur, non suscipitur. Maiorem autem probat.

TVM AVTHORITATE eiusdem Augustini, libro primo de nuptijs, capite trigésimo, *Ibi sumus veraciter liberi, ubi non delectamur inuiti.* Et in Psalimum centésimum trigésimum, quartum. *Libera voluntate facimus, quod delectari facimus.* Ergo actus voluntatis, qui est cum delectatione, est liber.

TVM: quia delectatio sicut facit velle, ita ponit actum in potestate voluntatis: ergo facit actum liberum.

TVM DENIQUE: quia omnium iudicio, quod Philosophus expressit, id liberum est, quod est gratia sui. Hoc est enim oppositum serui, qui non est gratia sui, sed Domini, ut idem in politicis tradit. Iam verò nihil omnino fingi in natura humana potest, quod magis sit gratia sui, quàm delectari bono, seu bonum placere & arridere voluntati. Nam si quempiam interroges, cur hoc vel istud velit aut agat, per circuitum eò tandem veniet, quia placuit, quia arrisit mihi, quia delectabar. Quod si perrexeris rogare, cur eligat id quod placet, vel quo delectatur; inepta & ridicula censabitur interrogatio, nec responso digna, ut quod non habear, nec habere debeat aliam causam: per se enim notum est, complacere & delectari bono, esse gratia sui: ergo si esse gratia sui, est esse liberum; actus eo ipso quo est cum delectatione, hoc ipso quoque est liber.

RESPONDEO distinguendo maiorem argumenti. Actus qui est cum delectatione, quam voluntas potest cohibere: est liber, concedo maiorem: qui est cum delectatione, quam non potest cohibere; est liber, nego maiorem: sed actus voluntatis, quantumvis, necessarius, est cum delectatione;

Suprà
l. 1. c. 4.
scd. 2.
f. Ant
quam.

Lib. 1
contra
Iul. c. 7.
in prin.

Tom. 1
l. 7. c. 3.
per totum.

tionem; distinguo minorem: est cum delectatione, quam voluntas potest cohibere; nego: quam non potest cohibere concedo: ergo est liber; nego consequentiam. Forma & distinctio clara est.

Itaque ut actus sit liber, non sufficit quælibet delectatio; sed requiritur talis, quam voluntas possit cohibere. Et hoc tam in doctrina Augustini, quam Sancti Thomæ manifestum est. In doctrina quidem Augustini; nam ipse (ut supra vidimus) docet quod anima bona Manichæorum nullo modo liberè peccaret; quia licet malum vellet, ac proinde & malo delectaretur; tamen ita hoc vellet, & ita delectaretur, ut non esset in eius potestate, aliter facere. Vnde & a sensu contrario approbat ut verè bonam & liberam, illam creaturam, *quæ habet in potestate illicitam delectationem, si extiterit, ita cohibere, ut non solum de ceteris licitis rebus; sed etiam de ipsius praua delectationis cohibitione lateatur.* In doctrina etiam Sancti Thomæ hoc patet, & est ab omnibus Theologis communiter receptum: dum inquit in Secundo, Distinctione vigesima quarta, questione tertia, articulo quarto in fine Corporis; *Quod delectatio consequens appetitum ante consensum rationis deliberata, peccatum mortale non est; sed post consensum rationis deliberantis.* Quia nimirum ante talem consensum non est perfectè in potestate voluntatis huiusmodi delectationem cohibere. Vnde & ad Secundum dicit, *Quod non dicitur diuturna delectatio propter moram temporis, sed ex consensu rationis deliberata; licet parum aliàs duret.* Attende quod non dixerit, ex consensu rationis qualiscumque, sed ex consensu rationis deliberata, per quam sine dubio constituitur voluntas potens cohibere, & non cohibere: indicans per hoc, requiri ad peccaminosam dele-

ctationem, ac proinde ad liberam, potestatem illam indifferentem ad utrumlibet, sicut nos dicimus. Verum ergo & fixum esse debet, ad actum liberum voluntatis non sufficere, quamlibet delectationem, si potestas cohibendi desit. Nec oppositum certè conuincitur ex probationibus inductis.

AD PRIMAM ex autoritate Augustini. Dico Augustinum nobis non obesse. Imò priora illa verba; *ibi sumus veraciter liberi, ubi non delectamur inuiti*, manifestè indicant, non quancumque delectationem sufficere ad libertatem, sed requiri illam quæ sit nobis volentibus, voluntate scilicet in quantum voluntas est: quæ pro ut sic semper habet in potestate delectationem sequi vel cohibere. Alia autem verba; *libera voluntate facimus, quod delectati facimus*, etiam ab ipso aduersario explicari debent. Si namque ut iacent, accipiantur; sequitur delectationem voluntatis, ratione nullo modo aduertente, esse verè liberam, ac proinde & peccaminosam, quod tamen aduersarius non admittet. Vnde sicut ipse illud dictum cum addito intelligit, ut scilicet libera voluntate faciamus, quod facimus delectati & ratione aliàs aduertente, ita & nobis eadem lege licebit iuxta communem sententiam, aliud additum apponere; nempe ut libera voluntate faciamus, quod facimus delectati & aliàs ratione indifferente.

AD SECVNDAM concedo, quod delectatio facit quidem voluntatem velle; sed ad volendum liberè, aliquid plus requiritur, quam velle absolutè: cum teste Diuo Thoma, sexcentis forte locis, voluntas etiam velit nonnulla, ex necessitate & non liberè. Facit ergo voluntatem velle liberè, non delectatio, sed indifferentia iudicii & indeterminatio voluntatis:

Suprà
l. 2. c. 9.
§. Hanc
vincit.

Aug.
l. 1. de
Gen. ad
lit. c. 7.

vt enim Sanctus Doctor loquitur in Secundo ad Annibaldum; distinctione vigesima quarta, quaestione vnica articulo secundo, *libertas provenit, cum ex ratione, qua ad opposita viam habet, tum ex voluntate qua non est determinata ad vnum.*

AD TERTIAM concedo, liberum esse id, quod est gratia sui; si tamen per esse gratia sui, intelligatur esse sui iuris seu suae potestatis cum dominio seu imperio: vt intellexit Diuus Thomas in Secundo, distinctione vigesima quinta, quaestione prima, articulo secundo ad quartum, dum dixit. *Quod voluntas quodammodo superior est intellectu, secundum quod imperium habet super omnes animae vires, propter hoc quod eius obiectum est finis: unde conuenientissime in ipsa summum libertatis inuenitur. Liber enim dicitur, qui causa sui est, vt in primo Metaphysicæ dicitur. Quasi esse gratia sui seu causa sui, quatenus libertati attribuitur, pro eodem reputans ac habere imperium seu superioritatem dominatiuam.* Sed in hoc sensu esse gratia sui, profecto non competit voluntati respectu actus, cuius delectatio est omnino necessaria sicut & actus ipse; vt luculenter patet ex his quæ toto libro secundo disseruimus. Fateor quidem, quod huiusmodi delectatio, sicut & omnis delectatio in eo quod formaliter delectatio, sit gratia sui; hoc est, propter seipsam & non propter aliud. Vnde & Sanctus Doctor dixit Prima Secundæ quaestione trigesima quarta, articulo secundo in secundo argumento, *ridiculum videtur ab aliquo querere, quare vult delectari, quia nempe propter nil aliud suscipitur delectatio quam propter se: aut negari debet, hoc præcisè & secluso omni alio, ad libertatem actus sufficere: sicut nec ad eam requiri, manifestum est in actibus electionis: cum ij verè sint liberi, & tamen minime susci-*

piantur propter se, sed propter aliud: nimirum propter finem.

C A P V T V L

Solutio sexta ratio eiusdem, ex eo quod sequatur, operationem Diuinæ gratiæ ex diametro repugnare arbitrij libertati.

SEXTO ARGVIT. Nam si Tomo 1. li. 7. c. 14. in princio. non est alia libertas vera voluntatis, quam agendi & non agendi, sequitur operationem Diuinæ gratiæ ex diametro repugnare arbitrij libertati: consequens lædit sensum Christianæ pietatis, imò & communem offendit: ergo in potestate ad agere, & non agere nequit constitui ratio libertatis. Sequelam probat. Nam effectus gratiæ est, *delectando voluntatem facere, vt actum velit & faciat*, id quod ante non volebat neque faciebat: ergo illam extrahit ab indifferentia agendi, eamque determinatè facit agere vel non agere: ergo diametraliter repugnat Philosophicæ libertati, seu indifferentiæ libertatis.

RESPONDEO argumētum istud manifestè ostendere, naturam Philosophicæ libertatis ab authore suo ignorari. Veri nāque Philosophi non in hoc libertatem ponunt, quod voluntas maneat continuò indifferens, indifferentia excludente determinationem actus secūdi, seu operationis, sic enim nunquam contingeret voluntatem liberam, aliquando actu operari: quod ipsi experientiz contradicit. Et sequela patet: nam si natura libertatis ea est, vt semper sit indeterminata quo ad actum secūdum qua ergo via poterit salua sua celsētia actum aliquem secundum admittere?

Ponitur igitur ratio libertatis non in indifferentia huiusmodi; sed in indifferentia, quoad actum primum, seu quæ constituit ipsum posse: ita ut nequeat intelligi, voluntatem in aliquo actu esse liberam, si non habeat posse indifferentem respectu illius. Hoc est dictum, quòd licet de facto determinatè & infallibiliter operetur, possit tamen æquè proximè non operari. Et arguens quia inter ista non distinguit; ideo puerile argumentum conficit. Probat namque si aliquid probat, etiam ipsum actum secundum, seu actualem volitionem ex diametro repugnare libertati contradictionis, quam tamen ipsemet in humanis actibus admittit. Assumptum videtur euidens: siquidem ipsa actualis volitio, non minus, imò magis determinatè facit velle, quàm Divina gratia: cum volitio sit ipsissima forma constituens volentem formaliter, & gratia solum effectivè ad volendum concurrat. Vnde sicut ipsa albedo magis determinatè facit album, quàm agens albedinem inducens vel applicans: quia albedo est ipsissima forma albificans; ita pariter necesse est, quòd actualis volitio magis determinet ad volendum, quàm gratia volitionem inducens, seu ad illam applicans; quia est ipsissima forma constituens determinatè volentem. Ergo si Iansenius non audet constituere essentiali libertatè in indifferentia agendi & non agendi, ne gratia ratione suæ determinationis ad agendum tantum, ex diametro cum illa pugnet; à fortiori tenetur fateri, pugnare cum indifferentia ista, ipsam actualem volitionem, utpote quæ magis ad agendum determinat, quàm quælibet gratia.

Quare sicut huiusmodi absurdum argumento à nobis factum non concedet, ita nec ipsi absurdum de pugna gratiæ concedere possumus aut de-

bemus. Nota ergo quòd determinatio est duplex, una quæ se tenet ex parte actus secundi, seu operationis, & altera quæ se tenet ex parte actus primi seu virtutis. Illa prior non pugnat cum libertate, sed potius coniungit potentiam liberam cum sua propria perfectione, quæ est actu operari: posterior autem cum libertate pugnat, quia adfert non solum determinationem in operando, sed etiam determinationem in ipso posse, ita ut potentia non possit, nisi determinatè hoc, non autem eius oppositum.

HOC NOTATO ad argumentum in forma, nego sequelam, videlicet operationem Divinæ gratiæ in casu nostro, ex diametro repugnare arbitrij libertati. Ad probationem, concedo quòd effectus gratiæ est, voluntatem facere ut actu velit, quod ante non volebat, sed distinguo consequens, ergo illam determinatè facit agere vel non agere; determinatione tenente se ex parte actus primi seu ipsius posse; nego consequentiā: determinatione tenente se ex parte actus secundi seu ipsius operationis; concedo consequentiam. Ergo diametraliter repugnat Philosophicæ libertati seu indifferentiæ libertatis; nego consequentiam. Nam hæc non consistit in indifferentia excludente determinationem actus secundi seu operationis, sed in indifferentia excludente determinationem actus primi seu virtutis.

Itaque gratia efficax in sententia Sancti Thomæ, determinatè facit operari potius quàm non operari. Sed qua quæso determinatione? An naturali, ut actus primus seu virtus voluntatis, quæ ante gratiam erat potens non operari, reddatur ex vi gratiæ ad illud extremum impotens, dicaturque voluntas non solum non operatura sed nec potens non operari,

ri, tamquam manserit determinata virtutis ad operandum tantum? Profecto, qui sic intelligit determinationem gratiæ, indubiè pugnam inter ipsam & essentiam libertatis constituit: cum essentia libertatis in eo sita sit, ut quolibet instanti liberæ operationis, maneat verè potens non operari. Nec profecto Augustinus talem vnquam determinationem gratiæ posuit. Vnde alibi apertissimè; *quomodo attrahit Pater ad Christum, si dimittit, ut quis quod volueris eligat? Et tamen utrumque verum est, sed intellectu hoc penetrare pauci valent*. En verum esse dicit, gratiam taliter trahere seu determinare, ut permittat facultatem seu potestatem eligendi quod homo voluerit, ac proinde indifferentiam actus primi seu virtutis, indemnem relinquit ad vtrumlibet. In alio ergo sensu determinationem gratiæ ponimus; quia, videlicet determinat, determinatione præcisè se tenente ex parte actus secundi: ad eum modum quo applicatio ignis verbi gratia ad comburendum, non se tenet ex parte actus primi sed ex parte actus secundi tantum.

Pro quo rursus aduerte, quòd requisita ad operandum sunt in duplici genere: quædam enim requiruntur tamquam dantia ipsum posse, sicut calor requiritur ad calefaciendum: quædam autem, non tamquam dantia posse; sed tamquam posse præsupponentia, & illud purè applicantia ad agendum. Quæcumque ergo requiruntur tamquam dantia posse, ea se tenent ex parte actus primi; sicut in sententia Thomistarum est auxilium sufficiens. Et certè huiusmodi quæ dant posse, nequeunt esse determinata ad agendum tantum: quia reuera indifferentia actus primi, in qua libertas consistit, læderetur: quæcumque verò requirun-

tur tamquam purè applicantia, ea determinata esse possunt & debent, quia ipsum posse supponunt & se tenent præcisè ex parte actus secundi. Huiusmodi autem est gratia efficax, seu tractio & determinatio illius. Vnde Scholasticè omnino mellissimus Bernardus, *Deus auctor est meriti, qui & voluntatem applicat operi*, per gratiam scilicet efficacem. Sicut ergo ipsamet libera volitio extrahit quidem voluntatem ab indifferentia agendi, minimè tamen indifferentiæ actus primi seu libertatis repugnat, quia est determinatio præcisè ex parte actus secundi, præsupponens & relinquens ipsum posse indifferens sicut erat ante, ita pariter gratia efficax extrahit quidem voluntatem ab indifferentia agendi; minimè tamen indifferentiæ libertatis repugnat, quia etiam est determinatio præcisè ex parte actus secundi, præsupponens & relinquens ipsum posse cum sua potentiali (ut ita dicam) indifferentia, & solum applicans ad de facto volendum, sicut ipsa volitio auctuat, ut constituat de facto volentem.

HINC ETIAM PATET, nullius esse momenti, quod Iansenius ulterius superaddit. *Res (inquit) vel cæcis est perspicua; quòd per inclinationem in alteram partem, indifferentia in utramque tollitur*: ergo cum gratia efficax inclinet determinatè in alteram partem, indifferentiam in utramque tollit.

PATET (INQVAM) nullius hoc esse momenti; nam eadem distinctione dilui debet. Si enim inclinatio in alteram partem & indifferentia in utramque pariformiter accipiantur; hoc est quatenus tam inclinatio quàm indifferentia sumuntur ex parte actus secundi; euidens omnino est, per inclinationem in vnam partem inclinatione tenente, se ex parte actus secundi, indifferen-

Angu-
stin. li.
2. cont.
luc. Pe-
tilian.
c. 84.

Bernar.
Tracta-
tu de
gratia
& libe-
arbitrio.
c. ultimo
in fine.

tiam in vtramque, tolli & interim, indifferentia etiam sumpta ex parte actus secundi: cum nequeat vnum & idem esse vltimò inclinatum vel potius applicatum ad actum secundum, & adhuc manere indifferens quoad actum & non actum secundum. At verò si illa duo accipiantur disformiter, inclinatio (verbi gratia) seu applicatio determinata quoad actum secundum, & indifferentia ad actum & non actum, quoad actum primum seu quoad posse agere & non agere, sic profecto; cæco defectuosior esset, qui ibi contradictionem aut repugnantiam videret. Sicut namque actu agere non pugnat cum posse agere, sed potius ipsum posse perficit, ita multo minus pugnat cum posse non agere, cum sit idem indiuisibile posse, & ad agere & ad non agere. Quod eleganter expressit Diuus Thomas, dum prima parte, quaestione sexagesima secunda, articulo septimo ad primum dixit, *quòd imperfectio potentia subternitur perfectioni formæ*, seu actus ipsam actuantis, & non tollitur potentia per formam, sed tollitur priuatio, *que opponitur formæ*. Quasi vniuersaliter docens, tam in potentijs naturalibus, quam in liberis seu indifferentibus, minimè ipsam potentiam tolli aut minui per formam seu actum secundum, ac proinde nec per ipsam applicationem ad actum secundum. Cum igitur determinatio gratiæ efficacis solum sit determinatio tenens se ex parte actus secundi, vtpote non nisi mera applicatio ad agere; consequens omnino sit, eam cum indifferentia actus primi seu cum potentia ad agere & non agere, minimè pugnare: etiam dato quòd in linea gratiæ efficacis cresceret vsque ad summum gradum. Quod ideo superaddo; quia etsi ponatur crescere vsque ad quemcumque gradum efficaciæ, (dummodo tamen

non fiat transitus ad aliud efficaciæ genus) nunquam indifferentiam actus primi seu potentia vel in minimo lædet: ita vt nec minimus motus gratiæ nec maior, nec maximus perfectum æquilibrium potentia vnam adempturus sit.

DIXI VERO, *dummodo non fiat transitus ad aliud efficaciæ genus*; quia Thomistis constans est, si ille transitus fiat, quòd libertas cum tali efficacia minimè subsistet. Vnde communiter docent, motionem efficacem qua Deus concurrit cum voluntate ad actus omnino necessarios, verbi gratia, ad amorem beatificum, non posse cum libertate illius actus subsistere: quia nimirum est efficacia alterius generis, vtpote proportionata non cum principio agente liberè, sed cum principio agente naturaliter, seu per modum naturæ. Hinc dixit Sanctus Thomas Prima Secundæ, quaestione decima, articulo quarto. *Sic Deus voluntatem mouet quòd non ex necessitate ad vnum determinet, sed remanet motus eius contingens, nisi in his ad que naturaliter mouetur*. En vbi supponit alterius generis motionem esse illam, qua mouet voluntatem contingenter seu liberè, & illam, qua mouet eandem necessariò, seu naturaliter, vt contingit in amore beatifico.

EX QVO R V R S V S euanesceat illa consequentia Iansenij, *Si perfecta* (vt est gratia consummata Beatorum) *perfectè indifferentiam tollit*: ergo *imperfectior* (vt est gratia efficax) *imperfectè tollit*: & ex consequenti in aliquo videtur libertatem lædere.

EVANESCIT (inquam) illa consequentia, quia fit transitus de genere in genus, ab efficacia vnius generis ad efficaciam alterius. Sicut si diceret; *perfecta sanctitas perfectè tollit intrinsecam peccabilitatem*: ergo

ergo imperfectior imperfectè tollit; nulla est consequentia. Nam antecedens est verum in sanctitate gratiæ consummatæ, quæ intrinsecam peccabilitatem perfectè aufert: consequens verò falsum, in sanctitate gratiæ puri viatoris, quæ siue maxima siue minima in illa linea, nunquam vel in minimo intrinsecam peccabilitatem tollit: omnis namque purus viator quantumvis in gratia confirmatus, ab intrinseco peccabilis est, vt tradit Sanctus Thomas questione vigesima quarta de Veritate, articulo nono in Corpore. Sic pariter philosophandum est de gratiæ efficaci in ordine ad perfectè vel imperfectè tollendam essentialem indifferentiam libertatis. Dico enim quòd perfecta gratia (vt est in Beatis) illam perfectè tollit ab actu beatifici amoris; nulla tamen gratia viæ eam vel in minimo tollere potest; quia quantumvis crescat, vel decreseat, semper modo proprio agentis liberi remanet proportionata: vt pote quæ (teste Sancto Thoma) *non ex necessitate ad vnum determinat*, ex parte principij, sicut gratia consummata; sed potius motum voluntatis liberum & contingentem relinquit.

HIS SIC HABITIS, puto sextum argumentum sufficienter solutum esse. Relat nihilominus, vt Lectori Scholastico ob oculos ponam corollarium, quo Iansenius illud absoluit. *Egregia sanè Philosophia (inquit) præclara gratiæ laus, mira defensio humanae libertatis, recondita virisque reconciliatio, vt altera alteram perfectè destruat, & nonnisi in diminutis gradibus consistere queant. Nimirum Deo vigilanter prospiciendum est, ne gratiam augendo, libertatem subuertat. Paradoxa sunt hæc, antiquitati & Ecclesiæ inaudita.*

DICO Rhetoricam illam falso niti fundamento, vt namque ex iam

dictis constat, gratia siue perfectior siue imperfectior, nunquam essentialem indifferentiam libertatis vel in minimo lædit; sed in quocumque gradu cum eadem consistit, dummodo ad aliud genus efficaciam, transitus non fiat. Et sanè Deo circa istum transitum vigilanter prospiciendum non est, quasi ipsi incauto posset forte excessus aliquis subrepere; hoc enim de infinita Maiestate potius blasphemè dicitur quàm verè: & nescio quo genio possit similis impostura Scholasticis affingi. Prospicit igitur Deus, ne similis transitus circa causas liberas fiat, non tamquam studio, aut anxia sollicitudine aduigilans; sed quia ipsa essentia infinitæ suæ Providentiæ, qua fortiter & suauiter disponit omnia, deficere ab huiusmodi prospectu nullo modo potest. Vt enim cum debita & solita reuerentia Princeps Scholasticorum Thomas in loco citato ex Prima Secundæ, *Ad Providentiam Diuinam pertinet naturam rerum non corrumpere, sed seruare: unde omnia mouet secundum eorum conditionem, ita quòd ex causis necessarijs per motionem Diuinam consequuntur effectus ex necessitate: ex causis autem contingentibus sequuntur effectus contingentem. Quia igitur voluntas est altius principium non determinatum ad vnum, sed indifferenter se habens ad multa; sic Deus ipsam mouet quòd non ex necessitate ad vnum determinat, sed remanet motus eius contingens, & non necessarius, nisi in his ad quæ naturaliter mouetur. Non audis hic, in primis Deum prospicere ne naturas rerum corrumpat, sed seruet? Et rursus, quòd naturam causæ liberæ seu indifferentis corrumpere, si illam tam efficaci gratia moueret in ordine ad obiecta, ad quæ se habet contingentem seu liberè, sicut mouet in ordine ad ea, ad quæ se habet necessariò seu naturaliter, sicut indubiè in*

via Sancti Thomæ est bonum infinitum clarè visum in Patria? Non sit ergo viro docto inauditum aut paradoxum, hoc quod huc vsque diximus: nimirum quod gratia seu motio efficax cum libertate non confisteret, si ad gradum aliquem efficaciz ascenderet, quæ voluntatem ex necessitate ad vnum determinaret, sicut determinat in amore beatifico. Si Doctor Ecclesiæ Aquinas hoc tam egregiè nouit & disseruit; reuera non nisi monstruosè omnino, potest id ipsum vt Ecclesiæ & antiquitati incongruum proclamari.

NEC IUVANT Ianfenium loca quædam Augustini, quibus videtur innuere contrarium: vt est præcipuè locus ille ex epistola octuagesima nona. *Hæc voluntas libera tantò erit liberior, quantò sanior: tantò autem sanior, quantò Diuina misericordia gratiaque subiectionis.* Quibus verbis adstruit tantò liberioorem reddi voluntatem, quantò magis Diuina ei gratia dominatur: ac proinde sentire videtur non posse vsque adeo efficaciam eius excrecere, vt libertatem actus eripiat.

NON (IN QVAM) hæc & similia ipsi iuuant, nam sine communis sententiæ præiudicio euidenter admittunt explicationem.

PRIMO dicendo Augustinum loqui, non de libertate naturali (de qua nos disputamus) sed de libertate à culpa & à miseria. Ita vt sensus sit, voluntatem tantò reddi liberio-rem à culpa & à miseria, quantò Diuina gratia illam magis sibi subiecit. Quod vtique verissimum est: vnde & alibi idem Augustinus, loquens de libero arbitrio Beatorum; *Magis quippe erit liberum, à delectatione peccandi ad delectationem non peccandi indeclinabilem liberatum.* Magis scilicet liberum à culpa, non magis liberum libertate naturali. Et hæc explicatio,

vt maioris fidei sit, accipe locum ex Diuo Thoma, prima parte, quæstion. octuagesima tertia, articulo secundo, vbi expressis terminis ab Angelico Præceptore adhibetur. Obijciens namque in tertio argumento locum quendam Augustini, quo dixit, *quod homo malè vtens libero arbitrio, & se perdidit & ipsum*, sic respondet. *Ad tertium dicendum quod homo peccando liberum arbitrium dicitur perdidisse, non quantum ad libertatem naturalem quæ est à coactione (intellige vt dicie in Secundo ad Annibaldum, in quantum homo non impeditur, quin possit hoc facere vel non facere) sed quantum ad libertatem quæ est à culpa & à miseria.* En ipsissimam explicationem. Si ergo (Sancto Thoma teste) Augustinus asserens hominem liberum arbitrium perdidisse peccando, solum vult, perdidisse illud quantum ad libertatem à culpa & miseria; non quantum ad libertatem naturalem, ergo pariter à sensu contrario, quando asserit illud per potentio-rem gratiæ perfectius recuperari, solum vult, recuperari perfectius quoad libertatem à culpa, non verò quoad libertatem naturalem. Similem explicationem non velle suscipere, potius est, in cortice litteræ luxuriando, Sanctum virum in priuatis errores abducere, quam communis veritatis patrocinio honorare.

Et pro eius vberiori intelligentia, nota ex Diuo Thoma in Secundo ad Annibaldum distinctione vigesima quinta, quæ sit. vnica articulo quarto, in Corpore; *quod liberum arbitrium habet quandam libertatem quæ sequitur naturam potentiæ, scilicet libertatem naturalem, per quam est liberum à coactione: in quantum scilicet non impeditur, quin possit hoc facere vel non facere. Habet verò aliam libertatem ex habitu ipsam perficiente, quia habitus iustitiæ facit libertatem ad bonum,*

In 1. ad
Annib.
dist. 14.
q. viii.
artic. 1.
ad 1.

num, id est inclinationem, habitus autem culpa libertatem ad malum. Et postea ad tertium subiungit. Quod secundum diversos status liberum arbitrium diversis habitibus perficitur, secundum quos diversa libertates, seu inclinationes, distinguuntur: nam ante peccatum perficiebatur originali iustitia: post peccatum ante reparationem, iustitia naturalis: post reparationem verò iustitia gratuita: sed in statu gloria iustitia consummata. Tamen in omnibus his statibus, libertas quæ est ex natura potentie, scilicet libertas naturalis faciendi & non faciendi, eadem manet. Quid clarius? Libertas naturalis secundum Diuum Thomam, etiam in statu gloria eadem & inuariata manet, licet ibi magis libera dicatur voluntas, prout libertas nominat inclinationem preuenientem ab habitibus: est namque in statu gloria promptior, inclinatio, & firmior in bono ac proinde & liberior à malo, ratione habitus gratiæ consummatæ. Hoc ergo & nil aliud voluit Augustinus.

Sed secundo potest dici: Augustinum loqui non de gratia absolutè seu de omni genere gratiæ, sed solum de gratia proportionata agentibus liberis, quæ scilicet Deus voluntatem mouet, ut indifferenter se habentem ad multa, non quæ illam mouet in his ad quæ se habet naturaliter & determinatè. Ita ut sensus sit, voluntatem tantò esse liberiores adhuc libertate naturali, quantò Diuinæ gratiæ, scilicet agentibus liberis proportionatæ, est subiectior, non quantò cuiuslibet gratiæ absolutè est subiectior. Ut namque clarè ex Diuo Thoma ostendimus, datur aliquod genus motionis seu gratiæ efficacis, minimè modo agendi liberè proportionatum: ac proinde cum tali efficacia nequit libertas in actu consistere, licet sub quocumque gradu alterius

gratiæ non solum consistat sed & per illam & ex illa causetur. Quo sensu accipi debet illud eiusdem Augustini libro de correptione & gratia capite octauo, voluntas humana non libertate consequitur gratiam sed gratia potius libertatem: & rursus, secundum gratiam Dei, non contra illam libertas descenditur voluntatis. Quia nimirum illud particulare genus gratiæ seu motionis, quæ Deus concurret cum agentibus liberis, est ipsissima causa libertatis. Non enim solum facit ut faciamus, sed etiam ut liberè faciamus: primum namque liberum per efficaciam huius gratiæ debet esse causa & substantiæ actus & modi libertatis, in quocumque libero secundo seu creato. Ut enim egregiè iterum Sanctus Thomas, prima parte, quæst. octuagesima tertia articul. primo ad tertium. Non est de necessitate libertatis, quòd sit prima causa sui, id quod liberum est: sicut nec ad hoc quòd aliquid sit causa alterius, requiritur quòd sit prima causa eius. Deus igitur est prima causa mouens & naturales causas & voluntarias. Et sicut naturalibus causis, mouendo eas, non aufert quin actus earum sint naturales, ita mouendo causas voluntarias, non aufert quin actiones earum sint voluntariæ, sed potius hoc in eis facit (en modum libertatis causatum) operatur enim in vnoquoque secundum eius proprietatem. Cui consonat illud Augustini, libro primo de gratia Christi, capite vigesimo quinto, Non solum Deus posse nostrum donauit atque adiunxit, sed etiam velle & operari operatur in nobis. Velle (inquæ) voluntate ut voluntas est, quod idem est ac velle liberè seu cum indifferentiâ ex parte principij ad volendum & non volendum. Hoc igitur velle, tantò magis liberum est, quantò gratiæ illi causatrici, seu operatrici est subiectius, non quanto cuiuslibet gratiæ absolutè, est subiectius.

Tertiò potest dici, adhuc admissio quòd loquatur de omni gratia absolute; sed dicendo, tunc sensum esse, non quòd volùtas in illo etiam actu, quem ex subiectione ad potentiissimam gratiam elicit, qualis est amor beatificus; sit liberior (ut Iansenius imaginatur) sed quia ex subiectione ad huiusmodi gratiam, liberior sit in ordine ad alios actus, qui ex tali amore oriuntur. Quod rursus verissimum est. Nam cum ex vi talis gratiæ, voluntas reddatur impeccabilis in alijs electionibus; & possit peccare sit porius defectus libertatis, quàm perfectio, sit consequens in similibus perfectiorem libertatem obtinere, utpote solutam ab illo libertatis defectu, qui est potentia peccandi. Ex hoc iterum est expressa doctrina Sancti Thomæ, prima parte, quæstione sexagesima secunda, articulo octavo ad Tertium, ubi ea de causa docet, liberum arbitrium perfectius esse in beatis Angelis, qui peccare non possunt, quàm in nobis, qui peccare possumus. Verba accipe, ne dubites. *Liberum arbitrium* (inquit) sic se habet ad eligendum ea que sunt ad finem, sicut se habet intellectus ad conclusiones: manifestum est autem, quòd ad virtutem intellectus pertinet, ut in diversas conclusiones procedere possit secundum principia data (non desectendo scilicet à vero) sed quòd in aliquam conclusionem procedat, prætermittendo ordinem principiorum (id est errando à vero) hoc est ex defectu ipsius. Unde quòd liberum arbitrium diversa eligere possit servato ordine finis (hoc est non desectendo à bono) hoc pertinet ad perfectionem libertatis eius, sed quòd eligat aliquid divertendo ab ordine finis, quòd est peccare, hoc pertinet ad defectum libertatis. Unde maior libertas arbitrii est in Angelis qui peccare non possunt, quàm in nobis qui peccare possumus. Hoc idem igitur & nil aliud

vult Augustinus: nempe quòd: eo perfectius redditur liberum arbitriū in alijs electionibus, quo per potentiores gratiam firmitus adhæret bono fini absque potentia peccandi, utpote cum tunc ab illo defectu libertatis, qui est peccare, sit simpliciter liberatum.

CAPVT VII.

Solutur septima ratio eiusdem, ex eo quòd sequatur, omnem concupiscentia motum directam habere repugnantiam cum libertate.

SEPTIMO ARGVIT ibidem. Nam sequitur, multò magis omnem concupiscentia motum similiter directam habere repugnantiam cum libertate. Probat hoc modo sequelam. Repugnat enim ex diametro indifferentia voluntatis, cum hoc efficiat blanditius motus sui, ut qui ad agendum & non agendum, aut motum quoquò esset indifferens, ipso motu libidinis in alteram partem instar equi ibi, cui pondus additur, impellatur. Quod certè tam evidenter vniuersus quærenuat conscientia, ut omni probatione à tius clamat. Quid enim (prosequitur) alioquin causa est, ut magis pulsati quàm vacui tentatione peccemus?

SECUNDO. Quid sibi valit lucta tantò difficilior, quanto tentationis motus est violentior, quòd tantis quotidie clamoribus poscimus, & ne nos inducas intencationem, si tentationis motus non tollit indifferentiam agendi & non agendi, quam ante sentiebamus?

TERTIO. Ut quid dicis Apostolus vnumquemque tentari a concupiscentia sua abstractum & illeclum, si relinquit animum in eadem indifferentia libertate?

Tomo
1. lib. 7.
c. 14. §.
Secundo
sequitur.

QVAR.

QUARTO. *Vt quid dicitur ab eius coapostolo lex peccati, nisi quia (vt Augustinus exponere solet) animum indifferenter non verbis sed periculosissimis motibus iubet & quodammodo cogit vt peccet?*

QVINTO. *Vt quid denique recenterio ipsi proficiuntur temptationibus grauibz sine gratiæ adiutorio difficillimum esse resistere?*

SEXTO. *Vt quid grauissimi peccatores totis medullis flagrante libidinis motu clamant, se voluntatis infirmitate non posse non cedere, & eos verum dicere non se melius Augustinus docet; nisi quia grauissimus sit in alteram partem impulsus libertatis, cui ad æquilibrium reducenda pars vel maior gratia delectatio necessaria est?*

VLTIMO. *Ita verò augeri posse (concludit) motum titillantis cupiditatis, vt non possit ei indifferenter libertatis nisi amplius repugnari, sine sana doctrinæ violatione negari nequit.*

Respondeo in toto illo argumento vix vnum verbum Scholasticè dici aut ad rem. Et quidem à posteriori illo puncto incipiendo, nimirum, temptationem taliter posse augeri, vt illi non possit homo resistere aut repugnare; non solum sine sanz doctrinæ violatione negari potest, sed omnino debet.

Audi Anselmum capite sexto dialogi de libero arbitrio, id negantem. Proponit ibi in persona Magistri hanc questionem suo discipulo. *Quomodo tentatio cogit voluntatem velle? An ita vt possit ea quidem nolle, sed non sine graui molestia? An ita vt nullatenus possit nolle?* Cui discipulus sic respondet. *Quamuis me fateri oporteat, nos aliquando sic premi temptationibus, vt sine difficultate non valeamus nolle, quod suggerunt: non tamen possum dicere, quod sic nos vnquam opprimant, vt quod mouent, nullatenus nolle possimus. En qualiter discipulus ibi apertissime*

fateatur, nunquam sic voluntatem ex vi temptationis cogi ad velle, quin semper remaneat vera & absoluta potestas ad nolle: ac proinde quin possimus repugnare & resistere. Sed & Magister Anselmus huiusmodi responsionem approbans, statim subiungit; nescio quomodo possit dici; videlicet sic nos vnquam opprimi à tentatione, vt nullatenus nolle possimus. Et postea; temptationibus consentimus, non ex impossibilitate, sed ex difficultate. Frequenti namque vsu dicimus, nos non posse aliquid, non quia nobis est impossibile, sed quia sine difficultate non possumus. Nonne hoc est clarissimis verbis negare, id quod tanta confidentia affirmat Iansenius; videlicet posse motum temptationis ita augeri, vt non possit ei amplius resisti aut repugnari?

Audi Sanctum Thomam & idem eadem claritate negabit. Prima Secundæ, questione decima, articulo tertio querit, *Vtrum voluntas moueatur de necessitate* (hoc est absque potentia cohibendi motum, vt constat ex contextu) *ab inferiori appetitu? Et videtur, Quod sic* inquit in primo argumento. *Dicit Apostolus Romanorum septimo, non enim quod volo bonum, hoc ago, sed quod odi malum, illud facio. Quod dicitur propter concupiscentiam, qua est passio quedam. Ergo voluntas ex necessitate mouetur à passione, ita nempe vt non possit repugnare. Et quid quæso respondet? An nè affirmando sicut Iansenius? Ad primum (inquit) dicendum, quod etsi voluntas non possit facere, quin motus concupiscentiæ insurgat, de quo Apostolus dicit Romanorum septimo, quod odi malum illud facio, id est concupisco; tamen potest voluntas non velle concupiscere, aut concupiscentiæ non consentire. Et sic non ex necessitate sequitur concupiscentiæ motum. En luce meridiana clarius, contradiçtoriam resolutione.*

lutionem. Sanctissimus Theologus resoluit posse voluntatem motibus concupiscentiæ non consentire, posse non velle concupiscere, quod utique est posse repugnare, & resistere; & Iansenius ad hæc ita augeri posse motum titillantis cupiditatis, ut non possit ei amplius repugnari, sine sana doctrina violatione negari nequit. Vade Doctor mirabiliter singularis.

Ast libet ostendere, etiam veritatem fidei, hic à Iansenio negari: & suppono tria.

PRIMUM: quod dictum illius non procedit in casu, quo totaliter absorbetur iudicium rationis, sicut (Diuo Thoma teste) contingit in his, qui propter vehementem iram, vel concupiscentiam furiosi vel amentes fiunt. In his namque manifestum est, motus titillationis vel concupiscentiæ, ita urgentes esse, ut repugnare illis non possint; sicut & manifestum est, eadem de causa, illos non peccare, concupiscentiæ consentiendo. Nam de talibus (inquit ibi Sanctus Thomas) eadem est ratio sicut & de animalibus brutis, quæ ex necessitate sequuntur impetum passionis. Excipe casum; quando passio illa necessitatem inducat, fuisse à principio voluntaria. Tunc enim reuera peccaret, propter libertatem in causa. Ut iterum apertis verbis tradit Sanctus Thomas, Prima Secundæ, quæstione septuagesima septima, articulo septimo in Corpore, sic inquires, Passio quandoque est tanta, quod totaliter auferat usum rationis, sicut patet in his, qui propter amorem vel iram insaniunt, & tunc si talis passio à principio fuerit voluntaria, imputatur actus ad peccatum, quis est voluntarius in sua causa, sicut etiam de ebrietate dictum est. Si verò causa non fuerit voluntaria, sed naturalis, puta cum aliquis ex ægitudine, vel aliqua huiusmodi causa incidit in talem passionem, quæ totaliter auferat

usum rationis, actus omnino redditur involuntarius, & per consequens totaliter à peccato excusatur. Itaque suppono dictum Iansenij, in casu illo, quando totaliter aufertur usus rationis, non procedere.

SECUNDUM quod suppono, est, nec etiam procedere in casu illorum motuum, qui à Theologis vocantur primò primi: licet aliàs subiectum habitualiter usum rationis habeat. Tunc namque eadem via manifestum est, voluntatem huiusmodi motibus, ut primo surgentibus non posse repugnare, cum ad illos rapiatur ex vehementi passione & subita apprehensione intellectus, absque iudicio & vlla prorsus indifferencia. Vnde & S. Augustinus libro nono de Ciuitate, capite quarto eos vocat, *passiones præuenientes mentis & rationis officium*; subiungens etiam, quod sapientis animus eas necessitate patitur.

TERTIO SUPPONO, nec etiam loqui in casu, quo non curreret obligatio resistendi tentationi aut concupiscentiæ. Si enim huiusmodi casus admitteretur; nullum inconueniens iudicari deberet, sic hominem à sua concupiscentia tentari, ut illi resistere non posset.

DICTUM ERGO IANSENII, ita posse augeri motum concupiscentiæ, ut non possit ei amplius repugnari; debet intelligi si aliquid ad rem velit concludere; perseverante iudicio rationis & stante obligatione resistendi. Et sanè clarissimè ex verbis eius, huiusmodi sensus deducitur, cum apertè loquatur de homine, prout ille & abstractus à similibus concupiscentiæ blanditijs, peccat. Ergo supponit, hominem, ut ratione utentem, & insuper ut obligatum ad resistendum.

Sed hoc sensu propositionem eius veritati fidei repugnare, probo multipliciter.

PRIMO: quia sic fert commune placitum Theologorum, ut videre est in Ioanne Ildephonso, Thomita egregio & planè erudito. Qui Prima Secundæ, quæstione decima, articulo tertio, disputatione centesima vigesima sexta, fragmento primo, numero centesimo trigésimo, hanc habet conclusionem. *De fide est quòd assistente iudicio & aduertentia rationis ad bonitatem vel malitiam rei, quæ proponitur, nulla est adeo vehemens passio & tentatio quæ libertatem voluntatis* (id est in eius phrasi, potestatem consentiendi & non consentiendi) *superet & eam necessitet ad exercitium actus.* Asseritque se hoc dicere, contra hereses nostri temporis, & nominatim Lutheri assentientis voluntatem necessariò trahi à passionibus appetitus & nihilominus mortaliter peccare. Quod sanè idem in re dicit Iansenius: utpote sustinens & omnino inculcans, hominem illeceum concupiscentiæ blanditijs peccare, etiam in casu quo tales tamque veliementes sint, ut eis amplius repugnare non possit.

SECUNDO: quia apertè contradicit assertum hoc, expressis testimonijs scripturæ: ut est præcipuè illud Genesis quarto, *sub te erit appetitus tuus & tu dominaberis illius.* Ex quo loco sic argumentatur D. Thomas in argumento *sed contra* articuli iam citati ex Prima Secundæ, quæstione decima. *Sed contra est* (inquit) *quod dicitur Genesis quarto, sub te erit appetitus tuus & tu dominaberis illius.* Non ergo & voluntas hominis ex necessitate mouetur ab appetitu inferiori. Cui consonat illud Augustini loco etiam citato. *Mens, ubi fixa est ista sententia, nullas perturbaciones, etiam si accidant in inferioribus animi partibus, in se contra rationem præualere permittit: quia imò ipsa dominatur, eisque non consentiendo sed potius resistendo, regnum*

virtutis exercet. In eodemque sensu est Bernardus sermone quinto in quadragesima. *Potest inimicus excitare tentationis motum, sed in te est si volueris, dare seu negare consensum.* Rursus ad idem Gregorius libro 4. Moralium capite vigesimo secundo: *in foribus quippe peccatum adest, cum in cogitationibus pulsatur.* Cuius appetitus subter est, eique homo dominatur, si cordis nequitia inspecta, citius prematur & priusquam ad duritiam crescat, reluctanti menti subigatur.

TERTIO. Quia non minus contradicit definitioni Concilij Tridentini Sessione quinta, Canone quinto, ubi sic loquitur. *Manere autem in baptizatis concupiscentiam vel fomitem, hæc Sancta Synodus fatetur & sentit: quæ cum ad agonem relicta sit, nocere non consentientibus & viriliter per Christi Iesu gratiam repugnantibus non valet: quin imò qui legitime certauerit, coronabitur.* Vbi euidentissimè supponit Concilium quòd homini concupiscentiæ motus non noceret nec ipsi tamquam peccatum imputaretur, si per gratiam Christi de communi lege paratam illum vincere non posset. Ergo qui cum Iansenitis affirmat, adhuc consensum in istos motus imputari, in casu quò homo nulla via eisdem repugnare valet, reuera definitioni concilij non satisfacit.

ET RATIONES Theologicæ omni euidentia suffragantur.

PRIMAM supra libro secundo latè prosecuti fuimus. Nullus enim secundum fidem Catholicam peccat in eo, quod vitare non potest. Si ergo homo perseverante usu rationis, concupiscentiæ quantumvis urgentissimæ consentiendo, peccat, iuxta illud Iacobi primo, *concupiscentia cum conceperit, parit peccatum*; euidentis fit, ipsum cuius concupiscentiæ possit resistere.

Suprà
lib. 2. c.
10. per
solutum.

ALIAM quoque superaddere libet. Nam manente usu rationis in homine, intellectus potest iudicare esse bonum non operari iuxta passionem, sed iuxta dictamen rationis, & hoc potest proponere voluntati: ergo voluntas poterit ferri in illud bonum rationis non consentiendo passioni. Antecedens est certum, quia nil potest obflare, quo minus homo illud iudicium efformet, & voluntati proponat. Et consequentia probatur; quia voluntas, dum proponitur obiectum sub indifferentia boni & mali, potest admittere vel respuere illud: ergo sicut potest admittere obiectum passionis, quia delectat, respuendo bonum rationis, ita potest admittere bonum rationis; quia expedit animæ, respuendo bonum delectabile. Et hoc est quod dixit S. Thomas articulo illo quæstionis decimæ in Corpore; in quantum ergo ratio manet libera, & passioni non subiecta, in tantum voluntatis motus qui manet, non ex necessitate tendit ad hoc ad quod passio inclinat. Et rursus articulo septimo quæstionis septuagesimæ septimæ; quandoque verò passio non est tanta, quod totaliter intercipiat usum rationis, & tunc ratio potest passionem excludere, divertendo ad alias cogitationes, vel impedire ne suum consequatur effectum, quia membra non applicantur operi, nisi per consensum rationis. Quali clarissime testificans, non posse usu rationis manente in homine, tentationem usque adeo excrecere, quin semper homo possit illi repugnare & resistere.

Horum omnium certitudo & veritas, coegit Sanctum Thomam sexcentis alijs locis veritatem istam Catholicam sateri. Lege quæstione vigesima secunda de Veritate, articulo nono ad Secundum. Ex ipso corpore (inquit) aliquo modo voluntas inclinatur, licet non necessario: quia resistere

potest: sicut cholericus ex naturali complexione inclinatur ad iram: tamen aliquis cholericus potest resistere per voluntatem isti inclinationi. Rursus ad Tertium; Incontinens non dicitur vinci à passionibus, quasi ipsa passionibus cogant, vel immutent necessario voluntatem; alioquin incontinens non esset puniendus, quia pena non debet inuoluntaria sed dicitur incontinens vinci à passionibus, in quantum earum impulsui voluntarie (id est cum potestate resistendi) cedit. Iterum ad Sextum. Passiones voluntatem inclinant, non tamen de necessitate immutant; quia in potestate voluntatis est, huiusmodi comprimere, ut usus rationis non impediatur, secundum illud genesis quarto, Subter erit appetitus illius, scilicet peccati.

Lege etiam quæstione vigesima quarta de Veritate, articulo duodecimo, ad Duodecimum: Cupiditas (inquit) non potest intelligi esse cogens absolute liberum arbitrium, quia semper est liberum à coactione, sed dicitur cogens propter vehementiam inclinationis, cui tamen potest resisti, licet cum difficultate.

Iterum Prima Secundæ, quæstione septuagesima septima, articulo tertio ad Tertium. In potestate voluntatis est, assentire vel non assentire bis in qua passio inclinat, & pro tanto dicitur noster appetitus sub nobis esse.

Rursus in Secundo ad Annibaldum, Distinctione trigesima sexta, quæst. vnica, articulo tertio ad Secundum, Motus concupiscentie non est peccatum ut est passio, sed prout est in potestate voluntatis existens, quæ potest eum prohibere, vel non prohibere.

Sed quandomam finis, si omnium eius dictorum ratio & numerus hisce paginis deberet appendi? Hoc vnum firmissimè & Catholicè teneamus, non posse stante iudicio rationis, & obligatione resistendi, passionem, concupiscentiam, aut tentationem.

Suprà
lib.2. c.
30. per
tertium.

vsque adeò excrefcere & augeri, quin homo poffit eis refiftere & repugnare. Vide quæ fuprà contra Vincen-
cium fuſè ſatis peregrimus.

Nunc verò in particulari ad argu-
mentum Iansenij descendamus. Se-
quitur (inquit) ſi indifferentia requi-
ritur ad libertatem; quòd *omnis concu-
piſcentia motus directam habeat repu-
gnantiam cum libertate*. Reſpòdeo ne-
gando ſequelam. Ad probationem,
*quia voluntatem impellit in alteram par-
tem*; diſtinguo antecedens ex tradita
doctrina Sancti Thomæ, impellit in
alteram partem, *per modum inclina-
tionis, cui tamen poteſt refiſti*, concedo
antecedens. Per modum coactionis
ſeu neceſſitatis, cui non poſſit refiſti;
nego antecedens. Ergo pugnat cum
indifferentia, vel nego conſequentiã,
vel explico conſequens: pugnat cum
indifferentia inclinationis; concedo
conſequentiam; cum indifferentia
elicientiæ quoad ad actum & non
actum, in qua nos libertatem poni-
mus; nego conſequentiam.

Eodem prorsus modo explicat D.
Thomas verbum illud Lucæ decimo
quarto: *Compelle intrare*. Ex quo vi-
debatur ſequi, voluntatem adeò for-
titer adduci ad ſpirituales nuptias,
vt non poſſit reniti. *Compulſio illa*
(inquit quæſtione vigefima ſecunda
de Veritate, articulo nono ad Septi-
mum) *de qua ibi fit mentio, non eſt coac-
tio* (auferens ſcilicet poteſtatem reſi-
ſtendi) *ſed efficacis perſuaſionis, vel*
per aſpera, vel per leuia, cui nempe
reniti voluntas poteſt. Sic pariter di-
co de motu impulſionis prouenien-
te à concupiſcentia. Illa quidem
impellit voluntatem in alteram par-
tem; ſed iſta impulſio non eſt coac-
tionis aut neceſſitatis auferentis
poteſtatem repugnandi, ſed blan-
dientis ſuaſionis, ſeu inclinationis,
cui vtique refiſtere & repugnare vo-
luntas poteſt.

Et quòd argumentum hac in parte
videtur decepiſſe, eſt inconfideratio
duplicis illius indifferentiæ. Vna
quoad inclinationem non magis in
hanc partem quàm in alteram. Alte-
ra quoad elicientiam tam actus quàm
non actus. Prima contingit quando
voluntas conſideratur nudè & ſecun-
dum ſe ante omne quòd illam poſſit
impellere aut inclinare in hoc po-
tius, quàm in illud. Tunc enim eſt
indifferens quoad inclinationem, vt
pote non magis affecta, huic extre-
mo quàm alteri. Et in tali indifferen-
tia nullus Scholaſticorum eſſentia-
lem libertatem conſtituit: hanc enim
tollit per vehementes motus concu-
piſcentiæ, imò & per quemcumque
habitus, omnibus indubitatum eſt;
cùm tam motus concupiſcentiæ, quàm
habitus ſuperadditi particulariter &
determinatè inclinent vel in bonum,
vel in malum: ac proinde talibus ſu-
perinduta voluntas, non manet am-
plius æquè inclinata in vtrumlibet,
ſed potius ſpecialiter propendet in
alteram partem contradictionis aut
contrarietatis. Eſt igitur ſecunda
indifferentia quoad elicientiam;
quateus nempe principium ſeu
potentia æquè potius eſt abſolutè
loquendo, agere vel non agere. Et
iſta eſt, in qua Scholaſtici liberta-
tis rationem conſtituunt. Sed hanc
nec per motus concupiſcentiæ, nec
per vllum habitum viæ tolli, etiam
manifeſtum eſſe debet: quis enim
(niſi ipſi experientiæ renuntiare vel-
lit) dicet me abſolutè impotentem
eſſe ad non ambulandum, ex eo
quod fortè ex aliquo motiuo vehe-
mentiffimè ad ambulandum incli-
ner? Certè ſi rationis viſus, volun-
tas, & potentia grefſiua in me in-
tegra perſeuerant, nullus fanè men-
tis poteſt idipſum contendere. Ma-
neat ergo, argumento Iansenij nil
ad propoſitum concludi: ſiquidem
eadem

eâdem via sustinemus, sub quocumque motu concupiscentiæ, stante rationis vñ & obligatione resistendi, manere in voluntate istam indifferentiam quoad posse consentire & dissentire.

Et ex hoc evanescunt omnes eius potius Rhetoris exclamationes, quâ Theologi probationes.

PRIMO EXCLAMAT. *Quid alioquin causa est, ut magis pulsati quâ vacui tēratione peccemus? Dico in causa esse, non quia potestas non peccandi desit, sed quia voluntas ad bonum sensibile tērationis tam proclivis est, ut potius eligat voluntariē cedere, quâm cornu suæ potestatis viriliter dimicando exerere. Dicitur inconcinens (inquit Sanctus Thomas) vinci à passionibus, in quantum earum impulsui voluntariē cedit: non quasi ipsæ passionēs necessariò inmutent.*

SECUNDO EXCLAMAT. *Quid sibi vult lucta tanē. difficilior, quantò tērationis motus est violentior. Dico in causa esse non quasi deficiat potentia ad resistendum, sed quia adeo vehemens est inclinatio, quâm tēratio excitat. Cupiditas (inquit Sanctus Thomas) dicitur cogens propter vehementiam inclinationis cui tamen potest resisti, licet cum difficultate.*

TERTIO EXCLAMAT. *Vt quid dicit Apostolus vnumquemque tentari à concupiscentia sua abstractum & ille-ctum? Dico in causa esse, quia concupiscentia reuera abstrahit à bono incommutabili & allicit ad bonum cōmutabile: neutrum ex necessitate sed vtrumque ex libertate. Potest enim voluntas (inquit Sanctus Thomas) concupiscentia non consentire.*

QUARTO EXCLAMAT. *Vt quid dicitur ab eius coapostolo lex peccati, nisi quia (ut Augustinus exponere solet) periculosis motibus iubet & quodammodo cogit ut peccet? Dico cū Dino Thoma ad illum locum, quòd*

ideo fomes seu concupiscentia dicitur lex peccati, quia habet similes effectus legis: *sicut enim lex inducit ad bonum faciendum, ita fomes inducit ad peccandum? Et quod Augustinus vocet istam inductionem, quasi iussionem & quodammodo coactionem: hoc apertissimè est pro nobis. Nam si quodammodo tantum cogit, non cogit absolute, sed potest illi resisti licet cum difficultate, inquit Sanctus Thomas.*

QVINTO EXCLAMAT. *Vt quid denique recentiores ipsi profitentur tentationibus grauib sine gratia adiutorio, difficillimam resistere?*

DICO hoc eos verissimè profiteri; nam licet difficillimum sit imò & impossibile impotentia consequente, sine gratiæ adiutorio, graui tērationi resistere; fatentur tamen omnes, tempore tērationis, hominem absolute resistere posse potentia antecedente: & hoc vno ex duobus modis, vel ex proprijs viribus, vel ex gratia dante posse, semper tamen quantum est ex parte Dei parata: iuxta illud primæ ad Corinthios decimo, *fidelis autem est Deus qui non patietur vos tentari ultra id quod potestis.*

Si autem à me querat Iansenianus, quidnam ex his duobus tenendum iudicem; Respondeo primum, utpote doctrinæ D. Thomæ conformius. Itaque dico, quòd licet nunquam continget de facto, quòd homo vincat grauem tērationem sine adiutorio gratiæ, quòd est, esse victoriam illam sine gratia impossibilem impotentia coequecente; tamen sine gratia & ex proprijs viribus habet potentiam antecedentem ad cuiusvis grauis tērationis victoriam, diuiniuè, & ex motiuo honesto naturali. Dixi diuiniuè, quia ad omnem grauem tērationem collectiuè, gratiam desiderari etiam tamquam dantem

posse, non ambigo. Dixi ex motiuo honesto naturali; quia ad Vincendum etiam quamlibet leuam ex motiuo honesto supernaturali, gratiam per modum potentiz antecedentis desiderat fides Catholica contra Pelagianos.

Præcipuum istud, nempe gratiam tamquam dantem posse, non desiderari ad victoriam cuiusvis grauissimæ tentationis diuisiuæ & ex motiuo honesto naturali, sed potius hominem hoc posse seu illam potentiam antecedentem habere ex proprijs viribus, mihi constans est ob rationem supra factam. Nam dum tentatio non absorbet iudicium rationis, sed tantum obscurat, nihil obstat, quominus intellectus ex naturali virtute possit voluntati proponere, passionem seu tentationem non esse sequendam; ac proinde & voluntas potest eadem naturali virtute illud dictamen sequi & sic tentationem repellere & ex consequenti adesse potentia antecedens ad victoriam illius. Est doctrina expressa Diui Thomæ Prima Secundæ, quæstione decima, articulo tertio, ad secundum. *Cum in homine (inquit) dua sint natura, intellectualis scilicet & sensitua; quandoque quidem est homo aliqualis vniiformiter secundum totam animam: quia scilicet vel pars sensitua totaliter subiecitur rationi, sicut contingit in virtuosiss: vel e conuerso ratio totaliter absorbetur à passione, sicut accidit in amentibus: sed aliquando etsi ratio obnubiletur à passione, remanet tamen aliquid rationis liberum: & secundum hoc potest aliquis vel totaliter passionem repellere, vel saltem se tenere ne passionem sequatur. In tali enim dispositione, quia homo secundum diuersas partes animæ diuersimodè disponitur, aliud ei videtur secundum rationem & aliud secundum passionem. Quasi aperte indicans quòd ratione tantummodo obscura-*

ta, possit intellectus iudicare, aut bonum rationis esse sequendum, omissa passione, aut bonum passionis, posthabita ratione: in quo iudicio ipsa potestas voluntatis antecedens fundatur.

Quibus hoc accedit, quòd quando Dium Thomam supra docentem, audiuius, esse hæresim Manichæam, asserere, non posse hominem virtute naturali vitare omnia, peccata mortalia diuisiuæ; profecto Sanctus Doctor loquitur omnino absolute & sine vlla restrictione, de vitatione cuiuscumque peccati, etiam in præsentia cuiuscumque tentationis: ergo sentit in tali casu, etiam virtute naturali, peccatum huiusmodi, ad quod grauis tentatio inclinatur, posse vitari saltem potentia antecedente.

NEC VALET opponere: quòd potenti per modum actus primi in aliquem actum, debitum est auxilium, quo aliquando applicetur ad illum: qua ratione igni ad calefaciendum, homini ad ambulandum, & sic de alijs, debetur concursus: quia nempe ad prædictas operationes habent potentiam per modum actus primi sufficientem. At potentia antecedens, est potentia per modum actus primi sufficientis ad actum: ergo si homo lapsus illa gaudet ex proprijs ad victoriam grauis tentationis; debetur ei auxiliū efficax, quo aliquando de facto applicetur, vt graui tentationi resistat: & ex consequenti tale auxilium vtpote debitum, specialis gratia non erit, siquæ nec desiderabitur gratia vt det potentiam consequentem.

NON VALET (INQVAM) sic opponere: nam distinguo maiorem: si potentia sit facilis, expedita & magis inclinata ad actum, quam ad eius oppositum, concedo maiorem: si impedita, difficilis & magis pro-

Supra
l. i. cap.
17.

propensa in oppositum; nego maiorem: & sub eadem distinctione minoris, nego consequentiam: quia potentia per modum actus primi competens homini ad grauis tentationis victoriam, non est facilis seu expedita; sed difficultatibus plena, & aliis magis ad succumbendum, quam ad resistendum propensa. Ex quo etiam collige, difficultatem esse antecedentem; impotentiam verò, non nisi consequentem. Sic communiter Thomistæ ad quæstionis centesimæ nonæ, Primæ Secundæ articulum tertium. Estque exemplum in eorum doctrina à sensu contrario, in auxilio requisito ad aliquando bene moraliter operandum, nec non in auxilio requisito ad aliquando bene operandum supernaturaliter supposita gratia iustificante. Huiusmodi namque auxilia in sententia Thomistica debita sunt & non sunt speciales gratiæ, quia tam pro aliquo opere bono morali verbi gratia, facili, quam pro aliquo opere bono supernaturali supposita gratia iustificante, extat in homine potentia non qualitercumque potens, sed insuper expedita, facilis & proportionatè inclinans ad illa opera: cum igitur à sensu contrario, extet quidem pro victoria grauis tentationis, in homine potentia antecedens, non tamen facilis, aut expedita, sed mille difficultatibus plena, & aliis magis ad succumbendum quam ad resistendum propensa; sit consequens, auxilium ad aliquando vincendam grauem tentationem ei non deberi: sicque semper verificatur, gratiam desiderari ut det potentiam consequentem, licet ex proprijs viribus verum posse ad sit per modum potentiæ antecedentis.

Et per hoc tandem patet ad id quod vltimò Iansenius exclamat. *Ut quid grauissimi peccatores* (inquit) to-

tis medullis flagrantē libidinis motu clament, se voluntatis infirmitate non posse non cedere, & eos verum dicere, non semel Augustinus docet?

Respondeo & ego, huiusmodi peccatores verum dicere: *frequenti namque vsu dicimus* (inquit Anselmus) *nos non posse aliquid, non quia nobis est impossibile, sed quia sine difficultate non possumus.* Vel dic aliter, eos dicere, se non posse; quia nimirum non possunt potentia consequente; licet aliis possint potentia antecedente.

C A P V T VIII.

Soluitur octaua ratio eiusdem, ex eo quod sequatur, omnes habitus & consuetudines animi, siue bonas, siue malas directè repugnare libertati.

OCTAVO ARGVIT ibidem.

Nam sequitur omnes habitus & consuetudines animi siue bonas siue malas, directè repugnare libertati. Probat assumptum. Quia directè repugnant indifferentia: siquidem proprium habituum munus est facilitare & inclinare in vnam partem. Tum etiam, quia ea de causa non veretur Augustinus huiusmodi consuetudines seu habitus malos multis suorum scriptorum locis peccandi necessitates & iacturam libertatis vocitare. Quod non est aliud, quam si claris verbis diceret, indifferentiæ interitum: affigit enim ad alteram partem necessitas.

NEC HIC DICI POTEST, habitus diminuerē dumtaxat aut tollere indifferentiam contrarietatis, hoc est boni & mali, non autem contradictionis, hoc est agendi, & non agendi.

NAM CONTRA HOC instat

Z 4 sic.

Tomo
3. lib. 7.
ca. 14.
Tertio
sequitur

fit. Quamuis verum sit, immediatè per habitus primam indifferentiam tolli, mediata tamen etiam secunda diminuitur, nequaquam tollitur. Et postea. Habitus malus non solum impotentiam adducit operandi boni, quod ei contrarium est, quasi solam contrarietatis indifferentiam tolleret; sed potentissimè creberrimeque vrget, ad operandum malum, ut ab eo abstinere non sit liberum, nec salua maneat indifferentia contradictionis, qua ante habitum fuit.

RESPONDEO argumentum hoc iam ex doctrina præcedentis capitis esse solum, sicut namque ibidem ostendimus, motus concupiscentiæ etiam vehementissimos non repugnare libertati: quia licet auferant indifferentiam inclinationis, non tamen auferunt indifferentiam elicientiæ, in qua libertas consistit; ita pariter manifestum esse debet, habitus siue bonos siue malos etiam intensissimos, minimè libertati repugnare, quia non auferunt indifferentiam elicientiæ, licet auferant indifferentiam inclinationis. Habitus bonus inclinat quidem potentiam ad bonum, sicut habitus malus ad malum; neuter tamen auferit à potentia potestatem non agendi, imò nec potestatem agendi contrarium: sicque uterque relinquit utramque indifferentiam tam contradictionis penes posse agere & non agere, quam contrarietatis penes posse agere secundum inclinationem habitus, & posse agere contra inclinationem habitus.

Et certè velle cordato viro persuadere, habitus vix eò posse pertingere, inò & de facto aliquando pertingere, ut utramque istam indifferentiam omnino tolliant; est omnino in Philosophia monstruosum.

In primis patentissimè repugnat doctrinæ S. Thomæ, dum prima parte, quæstione octuagesima tertia, articulo primo ad Quintum sic egregiè

solutionem nostram tradit. Qualitates autem superuenientes sunt, sicut habitus & passionēs, secundum quas aliquis magis inclinatur in vnum, quàm in alterum (En habitus tollit indifferentiam inclinationis ad vtrumlibet) tamen ista etiam inclinationes subiacent iudicio rationis. Et huiusmodi etiam qualitates ei subiacent, in quantum in nobis est tales qualitates acquirere, vel causaliter vel dispositiue, vel à nobis excludere. Et sic nihil est, quod libertati arbitrij repugnet. En non tollunt libertatem, quia non tollunt indifferentiam elicientiæ penes posse agere contrarium, illos scilicet per actus contrarios excludendo & expellendo.

Rursus Prima Secundæ, quæstione quinquagesima, articulo tertio ad Secundum, audi ipsum sic loquentem. Bruta animalia (inquit) à ratione hominis per quandam consuetudinem disponuntur ad aliquid operandum, sic vel aliter. Hoc modo in brutis animalibus habitus quodammodo poni possunt. Unde Augustinus dicit in libro octogintatium quæstionum, quod videmus in manuissimas bestias à maximis voluptatibus abstinere dolorum metu & quod cum in earum consuetudinem vertitur, domita & mansueta vocantur. Deficit tamen ratio habitus, quantum ad usum voluntatis, quia non habent dominium vtendi, vel non vtendi, quod videtur ad rationem habitus pertinere. Et ideo propriè loquendo, in eis habitus esse non possunt. Nō vides hic, brutis veram & propriam rationē habitus denegari, quia carent dominio vtendi illo vel non vtendi? Quod non est aliud, quàm claris verbis dicere, essentiam habitus claudere ex parte subiecti potestatem indifferentiæ penes posse agere & non agere secundum habitum: & ideo in brutis propriè non reperiri, quia illa potestate carent. Sentit ergo habitum in subiecto ratione vtente nunquam.

eo posse pertingere, vt potestatem illam auferat.

Deinde repugnat etiam ipsi Augustino & Commentatori antiquissimo Philosopho. Quod iterum probat ex Sancto meo Thoma. Audi verba eius Prima Secundæ, quæstione quadragesima nona articulo tertio in Argumento sed contra. Sed contra est (inquit) quod Augustinus dicit in libro de bono coniugali, quod habitus est, quo aliquid agitur, cum opus est. Et Commentator dicit in sermone de anima quod habitus est quo quis agit cum voluerit. Quibus verbis docet, iuxta mentem Augustini & Commentatoris requiri ad rationem habitus, dominium vtendi illo vel non vtendi iuxta libitum voluntatis, quando placuerit vel opus fuerit. Ad quid ergo Iansenius mihi ex Augustini mente inculcat, habitum ista potestate indifferentiæ, voluntatem priuare?

Denique monstruosa est eius doctrinæ, quia evidentissimam experientiam euertit & conculcat. Nonne quotidie experimur, viros etiam Sanctissimos, habitibus virtutum, vndeque rectissime dispositos, posse peccare & a bono ipso defletere? Imò quoties historiarum auctoritate didicimus, ipsos de facto peccasse & deflexisse? Nescio quisnam ille eremi cultor, qui tota ferme vita, virtutibus & bonis consuetudinibus assuefactus, tandem in articulo mortis defecisse traditur. Quis ergo sanæ mentis Theologo persuadebit, habitus virtutum bonos, indifferentiam ad bonum & malum quandoque tollere?

Audiamus Bernardum differentem de gratia & libero arbitrio capite quarto. In quantum ergo regnum gratiæ dilatatur, in tantum peccati potestas minuitur. In quantum verò minus est adhuc propter corpus mortis quod aggrauat animam, & ob necessitatem terræna

inhabitationis, vtique deprimentis sensum multa cogitantem; necesse habent etiam qui perfectiores in hac mortalitate videntur (en viros habitibus virtutum ornatissimos) consiteri & dicere, in multis offendimus omnes. Qua propter orant & ipsi, sine intermissione dicentes, adueniat regnum tuum: quod non erit vel in ipsis consummatum, quouique peccatum non solum non regnet in eorum mortali corpore, sed nec sit omnino, nec esse possit in immortalis iam Corpore. Nonne hoc est, absque ulla, prius nube obscuritatis fateri, hominem etiam Sanctissimis moribus habituatum, quamdiu est in hac mortali vita, posse peccare & a bono defletere? Manet ergo (iuxta Bernardum) sub perfectissimis etiam habitibus potestas contrarietatis ad bonum & malum.

IMO NESICIO, QUA VIA ab errore cõtra Tridentinum Iansenius hic excusari possit. Sessione sexta capite duodecimo sic apertè statuit. Nemo quoque, quamdiu in hac mortalitate viuitur, de arcano Diuinæ prædestinationis mysterio vsque adco presumere debet, vt certò statuat, se omnino esse in numero prædestinatorum: quasi verum esset, quod iustificatus aut amplius peccare non possit, aut si peccauerit, certam sibi resipiscentiæ promittere debeat. En Sacrosancta Synodus pro vero non vult admittere, iustificatum amplius non posse peccare, quamdiu in hac mortalitate viuitur. Ergo sentit, nullum habitum viæ, cõ inclinationis & determinationis posse pertingere, vt potestatem peccandi auferat.

Et quid quæso de indifferentia, contradictionis, seu de potestate ad agere & non agere? Nonne probata iam indifferentia contrarietatis ad malum, manet a fortiori probata indifferentia contradictionis? Sed accipe & hoc speciale, quod Sanctus Tho-

Thomas, communis Philosophia, & insuper experientia ipsa testatur. *Habitus* (inquit Prima Secundæ, quæstione quinquagesima tertia, articulo tertio in Corpore) *diminuntur vel etiam tolluntur totaliter per diuturnam cessationem ab actu, ut patet etiam in scientia, & in virtute*. Ex quo omnino consequens fit, liberum esse ab actu habitus, siue boni siue prauī abstinere, ac proinde indifferentiam, contradictionis ex vi illius non eripi, quandoquidem cum ipsum per diuturnam cessationem ab actu totaliter tolli contingat.

SED FORTE DICETVR, indifferentiam contrarietatis & contradictionis, quam Iansenius per habitum quandoque tolli dicit, non esse illam, quæ consistit in potestate agendi contrarium, aut etiam in potestate agendi & non agendi; sed aliam longè diuersam, uimirum quæ consistat in æquali propensione, seu inclinatione potentie ad vtrumlibet oppositorum: quam sanè per nonnullos potentissimos habitus, quandoque tolli, nemo inficiari potest.

RESPONDEO verbis Augustini libro de natura & gratia, capite quadregesimo septimo, *aut ego non intelligo quid dicat, aut ipse*. Vel enim in toto illo capite citato, rectè principia Scholasticorum impugnat, vel non: si non: ergo ipse non intelligit quid dicat, cum intentum eius nil aliud sit, quàm principia Scholasticorum in materia libertatis non solum impugnare, sed & confundere. Si autem rectè illa impugnat: ergo necessariò loqui debet de indifferentia, prout dicit potestatem agendi & non agendi; non autem prout dicit æqualem inclinationem ad vtrumlibet. Patet ista consequentia; quia, nullus Scholasticorum libertatem constituit in illa æqualitate inclinationis ad vtrumlibet; sed in æquali

potestate agendi, & non agendi: constans namque est cuilibet Scholastico mediocriter erudito, non solum potentissimos habitus, quandoque æqualitatem inclinationis tollere; sed tollere eam, quemlibet quantumuis infirmum, si verè habitus sit. Cum namque de essentiali ratione habitus sit, esse inclinationem potentie ad vnā partem contrarietatis, vel contradictionis, necesse omnino est per quemlibet habitum, tolli æqualitatem inclinationis ad vtrumlibet. Et ex consequenti stultum omnino foret, libertatem in tali æqualitate constituere. Constituunt ergo Scholastici illam in æqualitate potestatis agendi & non agendi, quæ cum inæqualitate inclinationis & propensionis rectissimè subsistit. Si ergo Iansenius putat rectè se Scholasticorum principia impugnare; loqui debet de æqualitate potestatis agendi & non agendi, non autem de æqualitate inclinationis aut propensionis.

Dicta igitur recapitulando, fateor, quòd habitus bonus determinatè inclinans ad bonum, & similiter habitus malus determinatè inclinans ad malum, tollunt indifferentiam inclinationis ad bonum & ad malum nego autem quòd tollant indifferentiam elicitiæ penes posse agere & non agere. Nec contra hoc conuincit probatio ex Augustino aduicta. Quod enim ipse habitum malum vocet *peccandi necessitatem*, hoc ideo est; non quia potestatem operandi bonum, aut non operandi, absolute tollat; sed quia vehementer ad malum inclinat, quando in subiecto radicationem obtinuit. Rursus quando eundem vocat *iacturam libertatis*; non loquitur de libertate, prout dicit potestatem indifferentem agendi & non agendi, seu (ut inquit Sanctus Thomas) *qua sequitur naturam potentia*; sed de libertate, prout di-

In 2. ad
Annib.
dist. 27.
q. viii.
ar. 4. 12
Corp.

cit inclinationem, seu quæ est ex habitu ipsam perficiente.

CAPVT IX.

Soluitur nona ratio eiusdem, ex eo quod sequatur, meritum bonum & malum eò minus esse, quo quis efficacioribus gratiæ motibus tractus, & in bono vel malo fixioribus habitibus radicatus fuerit.

To. 1.
li. 7. ca.
14. 6.
Quartò
sequitur

NONO ARGVIT ibidem. Nam sequitur meritum bonum & malum eò minus efficax esse ac decoloratius quò quis in bono vel malo fixioribus habitibus radicatus fuerit, vel efficacioribus gratiæ motibus tractus: grauiissimorum proinde peccatorum delicta esse minora, Sanctorumque actiones eò esse in promerendo premio deterioris notæ, quò habitus aut gratiæ motus eos magis ex æquilibrio indifferentis illius libertatis extraxerint, & in alteram partem siue ad agendum, siue ad non agendum inclinauerint. Meritum enim ac demeritum ex arbitrij libertate quàm maximè ponderatur omnium hominum iudicio, non Augustini modò, sed & Scholasticorum, quandoquidem intrepente libertate, prorsus intereat. Necessè est igitur, ut imminuta quoque libertate, minuat, & eadem aucta, augeatur. Iam autem declaratum est, indifferentiam libertatis per quidlibet quod in alterutram partem determinatè trahit, minui, & per id solum augeri posse, quod eam ad illud libertatis ad vtrumlibet indifferentis æquilibrio accedere facit.

RESPONDEO, sequelam istius argumenti minimè concedi posse; videlicet meritum bonum & malum eò minus esse, quò quis in bono vel malo fixioribus habitibus operatur.

Est hoc directè contra S. Thomam. Secunda Secundæ, quæstione centesima, octuagesima secunda, articulo secundo ad Secundum, vbi sic habet. In statu felicitatis futura homo peruenit ad perfectum: & ideo non relinquitur locus proficiendi per meritum. Si tamen relinqueretur, esset efficacius meritum propter maiorem caritatem. Quo loco clarè supponit Sanctus Doctor, quòd maius meritum habet ille, qui operatur ex maiori seu fixiori habitu charitatis (seruata tamen indifferentia agendi & non agendi, quàm ibi supponit) quàm qui operatur ex habitu non ita firmiter radicato. Vnde nego contrarium sequi, ex eo quòd Scholastici indifferentiam ad libertatem requirant. Et argumentum peccat ex falso supposito. Supponit namque, per fixiores habitus minui indifferentiam, quàm Scholastici requirunt ad libertatem: cum tamen per illos solum minuatur indifferentia inclinationis, quàm Scholastici ad libertatem non requirunt. Distinctio patet ex his, quæ duobus capitibus præcedentibus diximus.

CAPVT X.

Soluitur decima ratio eiusdem, eo quòd sequatur, nullum consilium & consilium, à beatis liberè impleri.

DECIMO ARGVIT. Nam videtur sequi, etiam nullum consilium, & consilium, à Beatis cum indifferentia libertatis impleri. Assumptum probat: non enim liberum est beatis mentibus, Dei consilium de meliori bono pratermittere. Quod iterum probat tripliciter.

To. 3.
li. 3. ca.
25. 6.
Hinc sequitur

PRIMO Quia deest illis torpor agendi, deest ille negotiorum vel circumstantiarum concursus, qui nos subinde perplexos & à consilijs adimplendis auersos tenet, quamuis ea spectatis omnibus circumstantijs, Deo gratiora esse cognoscamus.

SECUNDO. Etenim si hoc quod omnibus consideratis, optimum ad agendum esse dicat veritas, quam clarè vident, possent prætermittere; in quo quæso id prætermittendum esse cernent, nisi rursus in ipsa incommutabili veritate? Non autem dicat veritas hoc optimum esse ad omittendum, sed agendum: Ad agendum igitur adstricti sunt & ad non agendum non sunt liberi.

TERTIO. Nam immobiliter stante finis intentione, fieri non potest quin electio medijs consequatur: ergo si finis optimo excellentissimoque modo intendatur, sicut intenditur à beatis, necesse est aptissimi medijs electionem sequi. Tunc ultra; sed nullum aptius eo esse potest; quod aptissimum esse consulentibus respondet æterna veritas: hoc igitur non possunt prætermittere.

RESPONDEO nos suprà fusè ostendisse, Christum quantumvis impeccabilem: cum vera equidem indifferentia libertatis, adimplet, præcepta: ac proinde à fortiori dici debet, beatas quoque mentes cum vera indifferentia adimplere consilia: cum respectu subiecti impeccabilis, tam vrgens ratio non sit in consilijs sicut in præceptis: siquidem ex omissione consilij nõ sequeretur peccatum: sicut sequitur ex omissione præcepti.

Vnde ad formam argumenti nego sequelam. Ad probationem, quia non est liberum beatis mentibus Dei consilium prætermittere, nego absolutè hoc ipsis non esse liberum. Licet namque rem cadentem sub consilio, formaliter prout est consilij, seu prout est Deo gratior, faciant necessita-

te infallibilitatis seu consequentiæ ratione perfectissimæ conformitatis suæ voluntatis cum Diuina; non tamen eam faciunt necessitate absoluta, seu tali quæ destruat potestatem omittendi illam rem absolutè & secundum se. Et hoc ex eo manifestum esse potest, quòd opera consilij ex parte rei volitæ (vtpote versantia circa Diuinam bonitatem vt est ratio diligendi creaturas) non proponuntur voluntati beati vt habentia necessariam connexionem cum vltimo fine clare viso: ac proinde ad sui executionem non necessitant, sed potius absolutam indifferentiam relinquunt, sicut & quodlibet aliud medium non necessariò cum fine amato connexum. Estque hoc ipsum expressa doctrina Diui Thomæ prima parte, quæstione decima nona, articulo tertio in Corpore. Ea (inquit) quæ sunt ad finem, non ex necessitate volumus, volentes finem, nisi sint talia, sine quibus finis esse non potest. Sicut volumus cibum, volentes conseruationem vitæ, & nauem volentes transfrætare. Non sic autem ex necessitate volumus ea, sine quibus finis esse potest, sicut equum ad ambulandum, quia sine hoc possumus ire: & eadem ratio est de alijs. Ex quo etiam infer: quòd cum bonitas Dei sit perfecta & esse possit sine alijs, cum nihil ei perfectionis ex alijs accrescat, sequitur quòd alia à se Deum velle, non sit necessarium absolutè. Cum igitur opera consilij versentur circa bonitatem creatam, vel circa Diuinam vt est ratio bonitatem creatam diligendi, quæ prout sic inuoluit aliquid secum non necessariò connexum; consequens etiam esse debet quòd beatum huiusmodi opera velle, non sit necessarium absolutè sed solum ex suppositione quòd Deo gratiora sint & hic & nunc ipsi placeant: licet aliàs possint absolutè non placere. Nec contra hoc vrgent proba-

Suprà
li. 4. ca.
12.

probationes inductæ :

NON PRIMA. Nam quod beatis mentibus desit torpor agendi & concursus ille negotiorum subinde à consilij adimplendis auertens; hoc solum arguit necessitatem infallibilitatis seu consequentia, quatenus videlicet ita expediti ab omnibus impedimentis; nunquam consilia de facto prætermittent; non autem quod absolutè prætermittere non possint. Sicut namque ipsi ratione illius torporis & negotiorum concursus; non ita necessitamur ad consiliorum omissionem quin illa absolutè adimplere possimus, ita à sensu contrario beatæ mentes propter carentiam horum, non ita necessitantur ad consiliorum executionem; quin illa absolutè possint prætermittere. Et ratio à priori est: nam torpor agendi & concursus negotiorum non se tenent ex parte actus primi seu virtutis agendi, tamquam illam immutanti; sed solum ex parte actus secundi seu actualis operationis, tamquam causantia impotentiam consequentem, quominus iusti in statu viz illa continuò adimpleant sicque à sensu contrario, quando torpor ille & concursus negotiorum desunt, sicut contingit in beatis; solum inferunt infallibilitatè potentia consequentis in consiliorum executione, relinquuntque omnia requisita ex parte actus primi, tam iudicium intellectus quam facultatem voluntatis, omnino indifferentia, sicut reuera bonitas illorum operum, non necessariò cum ultimo fine connexa, exposcit.

SECUNDA PROBATIO etiam est inefficax: nam dico, quod beati etiam in ipsa increata veritate vident, se illud opus absolutè posse prætermittere. Ad quod sanè non requiritur, quod veritas illud de facto dicat omittendum, sed sufficit

quod licet de facto dicat faciendum, dicat tamen faciendum, non necessariò, sed liberè. Sic enim dicatur, ut possibile omitti. Et certè si probatio aliquid conuincit; non solum conuincit, nullum consilium impleri à beatis cum indifferentia, verum nec vllum opus bonum: quod tamen apertè est contra Diuum Thomam. Qui sicut de Deo dicit, *quod bona quæ facit potest non facere*, & de Christo, *quod poterat hoc vel illud bonum facere & non facere*; ita indubiè id ipsum sentit de quolibet beato; nimirum quod multa bona facit, quæ tamen potest non facere: & ex consequenti, quod non omnia faciat absque indifferentia. Quod autem contrarium huius conuincat probatio, si aliquid conuincit; probò manifestè: Nam (teste eodem Diuo Thoma questione vigesima tertia, de veritate, articulo octauo in Corpore) *voluntas beatorum, qui sunt in continua contemplatione Diuina bonitatis, & ex ea regulant omnes suas affectiones, utpote plene cognoscentes vniuersumque desiderandum ordinem ad ipsam, conformantur Diuina voluntati in quolibet suo volito: omne enim quod sciunt Deum velle, volunt absolutè & sine aliquo motu contrarium*. Quibus verbis docet, beatos, utpote in continua Diuinæ bonitatis contemplatione existentes, regulare omnes suas actiones iuxta ea quæ Deus vult, & quæ sciunt ipsum velle, ac proinde nil facere, nisi quod æterna veritas dicat esse faciendum. Si ergo ea de causa Iansenius putat esse consequens, nullum opus consilij fieri à Beato absque indifferentia; quia nimirum æterna veritas dicat, quodcumque esse optimum ad faciendum, non ad omittendum: pariter consequens esse debet, nullum opus bonum fieri à Beato absque indifferentia, siquidem quodlibet dicat veritas, esse bonum ad faciendum,

In 2.
dist. 25.
q. 1. art.
1. ad 2.
q. 19. de
veritate
art. 6. ad
1.

dum, non ad omittendum.

TERTIA quoque probatio deficit: nam distinguo antecedens ex doctrina Sancti Thomæ, questione decima nona primæ partis, iam tradita & citata: *Immobilitè stante finis intentione, fieri non potest, quin electio medijs consequatur;* distinguo, si medium sit talis conditionis, vt finis sine illo esse non possit, concedo antecedens: si potius vice versa, ita vt sine illo esse possit; nego antecedens. Et distinguo consequens eodem modo: *Ergo si finis, optimo excellentissimoque modo intendatur, necesse est, aptissimi medijs electionem sequi;* distinguo: si illud aptissimum de necessitate sit aptissimum, ita vt illo aptius esse non possit; concedo: si tantum de facto sit aptissimum, ita tamen vt aptius esse possit; nego. Itaque dico, Beatos optimo quidem excellentissimoque modo finem vltimum clarè visum intendere: ceterum media quæ æterna veritas de facto & ex vi ordinis statuti dicat esse aptissima, non sunt aptissima absolute, ita vt aptiora esse non possint, si ipsi veritati placerent; sed tantum sunt aptissima; quia iuxta ordinem statutum, de facto tamquam aptissima sunt electa. Et ex consequenti voluntas Beati intendens necessariò illum finem, non necessariò eligit illa media, necessitate absoluta, sed solum ex suppositione, quòd tamquam aptissima sint à Deo ex vi statuti ordinis electa. Principium cui ista solutio innititur, nimirum media illa, quæ Deus de facto elegit, tamquam aptissima ex vi statuti ordinis, non esse aptissima absolute, ita vt illis aptiora esse non possint, expressè traditur à Sancto Thoma in Primo ad Annibaldum, Distinctione quadragésima quarta, questione vnica, articulo tertio, his verbis: *Modus quo Deus facit res, potest intelligi dupliciter.*

Vno modo ex parte illa qua operatio exit ab operante: & sic non potest Deus meliori modo facere res, quàm facit: quia modus ille sequitur bonitatem & sapientiam facientis, quæ est infinita. Alio modo ex parte facti: & sic absolute loquendo, Deus potest facere res meliori modo quàm facit, quia potest eis meliorem modum essendi tribuere: sed ex suppositione Diuini ordinis, quæ vnicuique finem certum præfixit, non potest fieri meliori modo. Ea vbi docet Deum, posse facere seu eligere absolute meliora seu aptiora, licet ex suppositione statuti ordinis optima seu aptissima elegerit.

CAPVT XI.

*Soluitur Argumentum eiusdem, con-
fectum ex autoritate Magistri
Sententiarum.*

PUTAT IANSENIUS Magistrum sententiarum suæ opinionis ita clarè & apertè fauere, vt non nisi obtorto collo, imò glossis textui apertè repugnantibus aliò torqueri queat.

PRIMO: quia in Secundo, Distinctione vigesima quinta, docet liberum arbitrium dici liberum, quia necessitatis, hoc est coactionis immune est. Si diligenter (inquit) inspicatur, liberum videbitur dici arbitrium, quia sine coactione & necessitate valere appetere vel eligere, quod ex ratione decreuerit. En vbi libertatem arbitrii, in eo solum collocat, quòd sine coactione possit eligere quod decreuit.

SECUNDO: quia voluntarium & spontaneum, liberum atque voluntarium in rationali creatura confundit, imò idcirco liberam esse tradit:

To. 3.
li. 6. ca.
20.

dit: quia voluntario spontaneoque motu fertur in obiectum suum. *Liberum ergo dicitur arbitrium, quantum ad voluntatem, quia voluntarie moueri, & spontaneo appetitu ferri ad ea potest, quæ bona vel mala iudicat vel indicare velit.* Non ergo Magister Sententiarum indifferentem requirit potestatem, sicut nos requirimus.

RESPONDEO, nullius esse momenti similia, & sufficienter à nobis esse explicata supra libro tertio, dum in Sancto Thoma easdem propositiones inueniri, & Vincentio minimè fauere ostendimus. Et certè, vt Lector quilibet videat, quam futiliter Magister Sententiarum pro Ianseniana libertate ad ducatur; perpendat tantùm has duas propositiones, quas in eadem Distinctione vigesima quinta habet: quæ siue vlla prorsus falsitate sunt tenoris sequentis.

IN PRIMA sic loquitur. *Potestas ipsa & habilitas voluntatis, quam supra diximus esse liberum arbitrium, libera est ad vtrumlibet: & quare? Quia liberè (inquit) potest moueri ad hoc vel ad illud.* Nonne hoc est euidenter fateri, voluntatem pro tanto esse liberam; pro quanto est indifferens ad vtrumlibet, seu pro quanto potest moueri, ad hoc vel ad illud? Et ex hoc statim infert: *Liberum ergo dicitur arbitrium, quantum ad voluntatem, quia voluntarie moueri & spontaneo appetitu ferri ad ea potest quæ bona vel mala iudicat, vel indicare velit.* Vbi ista verba, *voluntarie moueri & spontaneo appetitu ferri*, non debent sumi (vt ineptissimè sumit Iansenius) pro puro voluntario, seu præciso ab indifferentia; sed prout cum indifferenti voluntate coincidunt. Siquidem eo sensu sumi debent, quo cum præcedentibus conueniunt; in præcedentibus autem aperte fit mentio de voluntate indifferenti. Ergo sic, &

non aliter sumi debent; nisi velis non solum oborto collo ea trahere; sed & à propria intentione sui Authoris diuidere & alienare.

SECUNDA PROPOSITIO adhuc est euidentior; *Hoc autem sciendum est (inquit) quod liberum arbitrium ad præsens vel ad præteritum non reseruetur; sed ad futura contingentia.* Quod enim in præsentis est, determinatum est, nec in potestate nostra est, vt tunc sit vel non sit quando est: potest enim non esse vel aliud esse postea: sed non potest non esse dum est, vel aliud esse dum est, id quod est. Sed in futuro, an hoc sit vel illud, ad potestatem liberi arbitrii spectat. Nec tamen omnia futura sub potestate liberi arbitrii veniunt, sed ea tantum, quæ per liberum arbitrium possunt fieri vel non fieri. Quid disertius, quid expressius, quid manifestius dicere potuit? Sola illa futura (inquit) sub potestate liberi arbitrii veniunt; quæ per ipsum fieri possunt vel non fieri. Nonne hoc est dicere, solos illos actus esse nobis liberos; quos possumus facere & non facere? Quo ergo fundamento, iuxta mentem eius, dicuntur ad liberam voluntatem pertinere etiam illi actus, quos tali necessitate elicit, vt non elicere sit omnino impossibile? reuera quando hæc & similia in Magistro occurrunt; plus gestit animus, durum caput aduersariorum admirari, quam ad obiecta respondere.

SED INSTAT Iansenius, se ea de re minimè dubitare: videlicet illa tantum sub potestate liberi arbitrii venire, quæ per liberum arbitrium possunt fieri vel non fieri. At inter ea (inquit) quæ à libero arbitrio possunt fieri vel non fieri, in primis est ipsum velle, siue firmiter & obstinate, siue hæsitante vel.

RESPONDEO, inter huiusmodi res, minimè posse numerari illud velle, quod ita per liberum arbitrium fit,

fit, vt non fieri non possit. Si enim tali necessitate, per arbitrium fit ita vt non fieri non possit; qualiter inter ea annumerabitur *qua per liberum arbitrium possunt fieri vel non fieri*? Nisi velis eandem rem, non posse à voluntate non fieri, & rursus posse ab illa fieri & non fieri: quæ sanè contradictoria sunt, ac proinde à quolibet intellectu benè disposito, quàm longissimè releganda.

Quæso lector, hæc monstra Ianseniani discursus compone. Velle amoris beatifici, tale est, vt à voluntate beati non possit non fieri, & rursus; huiusmodi velle inter ea est, quæ à libero arbitrio possunt fieri vel non fieri. Si non potest non fieri; quomodo inter ea, quæ possunt non fieri, computabitur?

CAPVT XII.

Soluitur Argumentum eiusdem, confectum ex autoritate Alexandri de Hales.

Iansen.
To. 3.
lib. 6. c.
41.

EX ALEXANDRO HALENS Etiam arguit. Siquidem ille tanta luce, firmitate, fiducia Iansenianam libertatem tradit, vt contraria tunc temporis prorsus inaudita, fuisse videatur: quod non aliter probat quàm adducendo plura loca, in quibus Alensis affirmat *libertatem naturæ liberam esse à coactione*; vel, *liberum dici arbitrium secundum quod non cogitur*.

RESPONDEO illa verissima esse, sed communi nostræ sententiæ minimè contrariari, vt supra ex Diuo Thoma ostendimus. Iam verò doctissimum hunc virum etiam apertò Marte doctrinam nostram tradere; ita mihi euident est, vt sine menda-

cio negare hoc non possit; quicumque eius scripta veraciter legat.

IN PRIMIS eamus ad Secundam eius partem, quæstione septuagesima tertia, membro secundo, articulo secundo, vbi quærit vtum sit bona illa definitio liberi arbitrii; quæ Augustinus dixit, *quod est facultas rationis & voluntatis, qua bonum eligitur gratia assistente & malum ea desistente*. Sic ergo tertio argumento contra illam obijcit. *Facultas voluntatis & rationis* (inquit) *conuertitur cum libero arbitrio*: ergo *superfluum est illud*, quod additur, *qua bonum eligitur &c.* Quid Putas Halensem hic respondere? An nè sicut diceret Iansenius; concedo absolute; quod *facultas voluntatis & rationis cum libero arbitrio conuertitur*? Nihil profecto minus, quàm hoc: *duplex* (inquit) *est facultas voluntatis & rationis*. Est enim *quædam facultas voluntatis, naturalis, quæ est determinata ad vnum tantum*, & ista non conuertitur cum libero arbitrio. Est alia *facultas voluntaria quæ se habet ad opposita*; & hæc conuertitur cum libero arbitrio, & hæc determinatur per hoc quod sequitur, *qua bonum eligitur &c.* Estne hoc docere quod naturalis determinatio voluntatis ad vnum, etiam spectat ad libertatem arbitrii, sicut non semel sed forte centies inculcat Iansenius? Nonne apertissimè ad libertatem requirit, non quamcumque facultatem voluntatis & rationis; sed illam quæ est potestas indifferens ad opposita? Certè nec nitidius, nec verius, nec expressius potuit Iansenianum dogma iungulare.

Rursus membro tertio, articulo quinto docens, qualiter Philosophi peruenierint ad noticiam liberi arbitrii, & qualiter non peruenierint? distinguit liberum arbitrium secundum duplicem considerationem; & quatenus est pura facultas ad opposita,

Suprà
l. 1. scilicet
3. per
totum.

ta, & quatenus est principium meriti huiusmodi facultas. Asseritque secundum primam considerationem Philosophos liberum arbitrium nouisse; minimè autem quoad secundam. Et si fortè dicatur, quid hoc ad rem, quis hoc neget? Audi ulterius qualiter ex ipsa doctrina Augustini, in nullo alio naturali libertatem colloet, quàm in facultate rationali ad opposita: Dicendum (inquit) quòd liberum arbitrium dupliciter potest considerari. Vno modo secundum quòd tangit Augustinus in libro yponosticon, ut arbitrium dicatur ab arbrando rationali consideratione vel discernendo quid eligat, quidue recuset; liberum autem, eò quòd in sua sit positum potestate, habens agendi quòd velit possibilitatem, & secundum hoc poterant Philosophi peruenire ad inentionem liberi arbitrij: hoc enim nihil aliud est, quàm potestas rationalis ad opposita. Ecce qualiter liberum arbitrium, prout est res naturæ etiam nota Philosophis, nil aliud sit, quàm potestas rationalis ad opposita: & (ut vides) probat hoc ipsum ex verbis Augustini, dum dixit, habens agendi quòd velit, possibilitatem. Quid ultra vis Iansoni ab Halensi, imò & quid ab Augustino? Si nihil aliud ex horum mente est naturalis libertas, quàm potestas rationalis ad opposita ubi est illa lux, illa firmitas, illa fiducia, qua tuam libertatem etiam ad vnum determinatissimam, eos tradere iactitas?

Deinde quæstione septuagesima, quarta, membro secundo, non semel, sed tribus vicibus dilucide, planissimè Philosophiam communem nostram proficitur, imò & autoritate Origenis, & Damasceni confirmat.

PRIMO loquitur sic. In brutis non est potestas contradicendi naturali appetitui: homo verò habet potestatem dijudicandi naturales motus, & probandi, & reprobandi, & etiam contradicendi na-

turali appetitui. Et ideo (ò quàm Scholastice!) est liberi arbitrij. Si ideo est liber, quia habet potestatem contradicendi, & bruta ideo non sunt libera, quia huiusmodi potestate carent; quomodo fateri potest huiusmodi potestate non esse de essentia libertatis? Et hoc est (prosequitur) quòd dicit Origenes. Habet amplius cæteris animalibus homo vim rationis, qua dijudicare & discernere de motibus naturalibus possit, & alios quidem reprobare & abijcere, alios probare & suscipere. Item Damascenus &c. En Origenem & Damascenum, communis nostræ Sententiæ socios adiungit.

SECUNDO in solutione ad Primum, hæc habet clarissima & absque vlla proflus nubecula. Dicendum quòd appetere vel non appetere, impetum facere vel non facere, non sufficit ad libertatem, sed flexibilitatem. Sed ad libertatem exigitur (audi qualiter sit de essentia) quòd ista fiant ex ratione scilicet prius deliberante: vnde licet alia creatura irrationales possint appetere vel non appetere; tamen post cognitionem determinantur earum appetitus ad vnam partem. Quasi apertè docens, irrationalia libera non esse defectu indifferentiæ iudicii, ad libertatem essentialiter exactæ, sicut nos continuò ex doctrina Sancti Thomæ inculcavimus.

TERTIO ad Secundum sic fatiur. Postquam homo cognouit esse bonum; adhuc in ipso est conuerti vel non conuerti ad illud bonum, & hac flexibilitas pertinet ad libertatem. Quid breuius? Quid verius?

Sed si ista non sufficiant; progrediamur ulterius ad tertiam partem, quæstione decima quarta, membro primo. Conatur ibidem ostendere, qualiter impotentia peccandi in Christo libertatem eius meritoriam non destruxerit: sed reuera omnino iuxta nostram, non Iansenianam Phi-

lofophiam. Audi differentem breuiter, sed irrefragabiliter. *Simpliciter* (inquit in fine membri) *cooperatur ad meritum potentia libertatis arbitrij*: sed quæ ratione Alexander? An nē vt docent Iansenitæ, prout est ad vnum determinata? Non; sed *secundum quod est ad faciendum vel non faciendum, seu faciendi & non faciendi*. Nonne hoc est Iansenitis sole clarius contradicere, & nobiscum in indifferentiæ libertate consentire?

VLTIMO ne longior sim, in eadem tertia parte, questione decima sexta, membro secundo, articulo secundo ad Tertium, proponens hoc commune argumentum contra meritum Christi, *In Christo erat liberum arbitrium determinatum in bonum necessarium: cum ergo meritum attendatur penes liberum arbitrium indeterminatum: ergo Christus non potuit mereri, cum non conueniret illud sibi*. Proponens (inquam) hoc argumentum, nullius alterius solutionis meminit; quā dicendo iuxta communem doctrinam; Si dicas bonum in vniuersali; sic erat liberum arbitrium Christi determinatum in bonum. Si dicas bonum in particulari, vt in hoc opere vel illo; sic erat indeterminatum. Et poterat hoc opus facere vel dimittere, & ideo manet indeterminatio secundum quam attenditur meritum. Est enim duplex indeterminatio liberi arbitrij, vna est inter bonum & malum, seu inter bona facere & mala facere: alia est inter hoc bonum & illud bonum, siue facere hoc & non facere. Vtraque indeterminatio est in nostro libero arbitrio, secunda tamen fuit in Christo, sufficiens ad merendum. Et sic patet solutio ad obiecta. Quibus verbis nisi quis ipsam etiam vocum seu terminorum grammaticam negare velit, euidenter confugit ad indifferentiam contradictionis, vt meritoriam in Christo libertatem saluet: sentit ergo hanc ad istam indispensabiliter re-

quiri, & minimè sufficere id quod Iansenitæ somniant, in quolibet actu voluntatis, quantumuis determinato ad vnum reperiri.

Amice Lector, vide ex his, quæ sinceritate possit Alexander de Ha-les ad Iansenitarum partes trahi. Imò si attentè verba eius & nostra inspexeris; videmur sanè in toto hoc opere non solum eandem doctrinam, sed & eadem omnino verba habere.

CAPVT XIII.

Soluitur Argumentum eiusdem, confectum ex autoritate Altissiodorensis.

ADIVNGAMVS (inquit Iansenius) Guiliehmum Altissiodorensem. Hic in questione qua querit, quid sit libertas arbitrij; sic loquitur. *Est autem triplex notanda libertas in libero arbitrio generalis, scilicet libertas necessitatis, siue à necessitate, à peccato, à miseria. Libertas à necessitate duplex est, scilicet à necessitate inenutabilitatis, & hac libertas non est in diabolo, quia inenutabiliter peccat. Et à necessitate coactionis extrinseca, & hac est in omni habente liberum arbitrium. Et explicata libertate à peccato & à miseria, subiicit: patet ergo quid sit libertas arbitrij. Significans omnino nullum aliud libertatis genus se agnoscere, vnde liberum arbitrium appellatum sit, quam libertatem à coactione.*

RESPONDEO sicut supra diximus ad Sanctum Thomam. Quod autem Altissiodorensis nobiscum sentiat, libertatem consistere in potestate indifferenti ad opposita; non minus euidenter est, quam in eadem esse sententia, Magistrum & Ale-

To. 1.
lib. 6. c.
23.

Supra
l. 1. c. 2
3.

xandrum de Hales.

A.D. HOC SIT PRIMVS locus ex eius summa libro secundo, tractatu vigesimo secundo, capite primo, ubi supponit clarissime, nihil esse in nostra potestate, ac proinde nec liberum, quod vitare non possumus. *Primi motus* (inquit) *sunt in nostra potestate in singulari & non in vniuersali, hoc est, quilibet diuini, & non omnes collectiue sunt in nostra potestate.* Et qua de causa? *Quoniam de quolibet primo motu* (inquit) *potest aliquis vitare vs non veniat, sed nullus potest vitare, quin aliquis primus motus aliquando veniat.* Nonne hoc est, absque ulla prorsus ratione tergiversandi, clarissime communem nostram sententiam exprimeret, scilicet quod pro tanto aliquid est in nostra potestate, seu nobis liberum, pro quanto id possumus vitare, fugere, vel pratermittere?

VNDE ET IBIDEM capite secundo, loquens de concupiscentia ad comedendum, in eo qui appetitu sensitino appetit comedere, & rationali refugit comedere; cum teneatur ieiunare, & probat brouissime huiusmodi concupiscentiam non subiacere libero arbitrio; quia non potest ratio refrenare motum ad comedendum. Et vice versa probans concupiscentiam ad coeundum, aliquo modo libero arbitrio subiacere; quia ratio (inquit) potest refrenare motum ad coeundum. Quid nitidius? Nonne fatetur, id quod libero arbitrio subiacet seu quod nobis liberum est, talis debere esse naturæ, vt possit id ipsum a nobis refrenari seu omitti?

SED ADHVC LONGE expressius in eodem secundo, tractatu vigesimo nono, capite septimo, quaestione tertia. *Hæc dictio voluntaria* (inquit) *significat libertatem voluntatis, secundum quod dicit Aristoteles, quod voluntarium est, cuius principium est in nobis id est,*

quod liberè possumus facere. Et si ab ipso quæras, quid sit hoc quod liberè possumus facere? Statim & sine intervallo subiungit, *id est quod in potestate nostra est quod faciamus vel non.* Si hoc non sit clarè loqui; nescio reuera quis qualique sermo claritatis titulo honorari possit aut debeat. *Id liberè possumus facere* Iansenij, iuxta definitionem Altissiodorensis, *quod in potestate nostra est, quod faciamus vel non.* Hoc profecto non est tecum sentire, quod etiam liberè faciamus id quod non possumus non facere. Imò & hic denotat non obscurè, in quo sensu antiqui Scholastici, liberum vacauerint voluntarium, quod toties Iansenitz nobis inculcant: non enim per hoc voluerunt intelligere voluntarium merè seu præcise tale; sed voluntarium (vt inquit Altissiodorensis) id est, *quod in potestate nostra est quod faciamus vel non.*

VLTIMO pro mente huius doctissimi confirmanda, adicio illud, quod omnibus Theologis notissimum est: nempe Altissiodorensis in illa esse sententia, quod nullus tenetur ad impossibile siue per se siue per accidens. Inquit namque in eodem secundo, tractatu vigesimo nono, cap. secundo, quaestione secunda, §. Solutio. *Quidam dicunt quod tenemur ad impossibile per accidens: tamen dicunt quod nullus tenetur ad impossibile per se: sed quia nobis videtur, quod ad obiectiones quas facta sunt, non possunt sufficienter respondere, nobis videtur quod nullus tenetur ad impossibile siue per se, siue per accidens.* Ex quo infert in fine quaestionis, quod cum dicitur, *iste tenetur nunquam peccare mortaliter, hoc verbum peccare, tenetur ibi profuturo tantum, non pro presenti.* Quia id quod est in presenti, siue affirmatio siue negatio, iam non subest libero arbitrio. Sicut nullus tenetur non peccasse: quoniam non subest libero arbitrio. Eodem modo nullus tenetur non peccare

care in hoc instanti, (scilicet quo peccat) quoniam non peccare in hoc instanti; non subest libero arbitrio iam. Quia nempe dum est, non potest non esse; licet hoc sit impossibile per accidens. Si ergo Altisiodorensis huius est opinionis, quod nemo tenetur ad aliquid pro tempore, quo illud non potest vitare; licet illa impotentia, sit ex aliqua suppositione per accidens ipsius voluntatis; qua via quae ratione potest illi adscribi sententia, docens hominem etiam teneri ad id quod est impossibile vitari per se & absolute, sicut Iansenitas docere, ostendimus supra libro secundo?

Supra
l. 2. ca.
10. per
tempus.

HIS OMNIBVS accedat perspicua illa Doctrina libro tertio, tractatu primo, capite sexto, questione prima. Vbi loquens de voluntate sensualitatis in Christo, secundum quam voluit non mori; sic habet. *Voluntas sensualitatis non proprie dicitur voluntas quoniam voluntas proprie loquendo, secundum se libera est: voluntas autem sensualitatis, non est libera: sed in vnam tantam partem mouens*. En qualiter pro eodem vsurpet, voluntatem liberam & voluntatem indeterminatam; sicut voluntatem non liberam, & voluntatem in vnam tantam partem determinatam. Hæc omnia & singula ita accurate mentem Altisiodorensis in communem sententiam explicant: vt nullus prorsus dubitandi locus aut ratio maneat ambi-

diuum Bernardum; qui euidentius & resolutius, constantisque summam libertatem cum necessitate summam constare posse & reipsa constare docuit; quam ille totius Scholasticæ subtilitatis Corypheus Ioannes Scotus. Hoc Autem probat ex quatuor eius articulis, quos sine ambagibus de libertate voluntatis docet.

PRIMVS EST, ille capitalis, libertatem voluntatis omnino consistere posse cum necessitate. Hæc eius sunt verba. *De secundo articulo principali dico, quod cum necessitate ad volendum, stat libertas in voluntate*. Et rationem reddit, *quia voluntas propter firmitatem libertatis sua sibi ipsi necessitatem imponit in eliciendo actum & in perseverando siue figendo se in actum*.

SECUNDVS est, voluntatem siue necessariò siue contingenter agat, semper agere liberè nunquam naturaliter, *voluntas semper habet suum modum causandi proprium scilicet liberè*. Et rursum, *voluntas vt voluntas, est principium actuum liberè: non magis igitur voluntas potest esse naturaliter actiua, quam natura, vt est principium finium contra voluntatem, potest esse liberè actiua*.

TERTIVS est, non solum in creaturis sed & in ipso Deo hoc habere locum, quod & ipse diligat seipsum liberrimè, quamuis necessaria voluntate, *voluntas Diuina necessariò vult bonitatem suam, & tamen in volendo eam, est libera*.

QVARTVS est, connexionem terminorum istorum, voluntas semper agit liberè, & non naturaliter, quantumuis necessariò agat, tam esse immediatam & quasi primò veram, vt ne quidem eius ratio dari possit: sicut nullius essentiae ratio vel demonstratio dari potest. Si quæras (inquit) quomodo stat libertas cum necessitate. Respondeo cum Philosopho quarto Metaphysicæ, *nō est querenda ratio eorum, quorum*

C A P V T XIV.

Soluitur Argumentum eiusdem, confectum ex autoritate Scoti,

Iansen.
l. 3. l.
c. 25.

NEMO est veterum Scholasticorum (pergit Iansenius) post

quorum non est ratio: demonstratio enim principij non est demonstratio. Et multis interpositis disputans de actu voluntatis necessariò, & motu grauis deorsum, cur vnus non, alius sit liber, sic dicit. Respondeo. Illa causatio grauitatis est naturalis, ista libera, quia hoc est hoc & istud est istud. Breuiter igitur posset dici, quòd esse forma & modus essendi, agere & modus agendi, sunt immediata. Ideo sicut non est alia ratio, quare hoc habet talem modum essendi, nisi quia est tale ens; sic non est aliqua ratio, quare hoc habet talem modum agendi, puta liberè vel naturaliter, nisi quia est tale principium actionum, scilicet liberum vel naturale. Nihil expressius & aptius (concludit Iansenius) excogitari potest ad explicandam suam libertatem, quam quæ in ista tota quodlibetica questione Scotus tradit.

RESPONDEO mentem Scoti supra à nobis fuisse luculenter demonstratam. Solum restat modo obiecta soluere: pro quorum solutione nota, apud quosdam antiquos & præcipue in Schola Scoti, celebrem fuisse diuisionem libertatis, in libertatem complacentiæ & in libertatem contradictionis, oppositionis seu indifferentiæ. Primam tribuebant Actibus voluntatis quantumuis necessarijs, imò & actibus intellectus; secundam vero tribuebant solis contingentibus qui possunt esse & non esse. Hinc legitur in Marfilio; duplex est libertas à necessitate, vna est libertas complacentiæ, qua opponitur necessitati coactionis, qua libertate Pater liberè generat Filium in Diuinis, quia complacenter. Alia est libertas contradictionis, qua scilicet voluntas potest in hoc & in illud scilicet in eius oppositum contrarium, vel saltem in hoc & non in hoc. Hinc etiam in Thoma de Argentina; sicut Spiritus Sancti processio sic est libera quòd non est contingens ad vtrumlibet sed immutabi-

lis & determinatissima; sic filij generatio sic est naturalis & necessaria, quòd tamen est liberrima: non tamen libertate contradictionis, sed libertate perfectissime complacentiæ. Vterque agnoscit libertatem complacentiæ & libertatem contradictionis seu oppositionis: Primam, in actibus etiam necessarijs, secundam verò, non nisi in contingentibus ad vtrumlibet. Sed tamen quòd neuter illorum ponat illam primam libertatem solius complacentiæ, esse de se sufficientem ad meritum aut demeritum, de quo nos cum Iansenitis coitrouertimus; hoc in sequentibus demonstrabo, vbi ad mentem ipsorum ventum fuerit.

Hoc igitur prænotato facilis, & vera est responsio ad obiecta. Scotus namque, quando in quatuor illis articulis docet libertatem cum necessitate compati, imò & summam libertatem cum summa necessitate; solum loquitur de libertate complacentiæ, non verò de libertate sufficienti ad meritum & demeritum, de qua inter nos est questio. Hanc namque cum absoluta necessitate compati non posse, sed potius exigere potestatem contingentem ad vtrumlibet; Scoto omnino constans fuit, vt loca superius inducta conuincunt. Non ea iterum repeto, ne prolixitate lectorem obruam, licet multa interim repetierim, sed molestia vel pertinacia potius contrariorum coactus.

QVÆRET TAMEN aliquis, vtrum illa locutio Scoti & aliorum antiquorum, qua libertatem tribuunt productioni Spiritus Sancti; sit vera seu conformis modo communi loquendi, vel non.

AD QVOD RESPONDEO ex doctrina Gabrielis Antiqui etiam Scholastici, qui punctum istud verissimè & dilucidè expressit his verbis.

A a 3 Con-

Sup. li.
3. ca. 4.
lect. 2.
6. Sed
quid ad
dolorem

Gab. in
1. dist.
10. q. 1.
in prin
cip.

Suprà
lib. 3. c.
4. lect.
2. 6. Sed
quid ad
dolorem

Marfil-
lius in
2. q. 16.
art. 1.
notab.
3.

Thom.
de Ar-
gentina
in 1.
dist. 6.
Sed con-
tra illa
p. m. ad
io fil. ad

Considerandum est, quòd quæstio ista potius consistit in quid nominis terminorum, quàm in re. Quoniam (vt inquit Oyta quæstione septima, articulo secundo, & etiam videtur posse sumi ex dicto Doctoris Subtilis in Quodlibetica quæstione decima sexta, articulo primo, ubi inquit quòd in actu voluntatis Diuine est necessitas simpliciter : & hoc tam in actu diligendi se, quàm in actu spirandi amorem procedentem &c.) omnes concedunt, quòd Spiritus Sanctus produci- tur necessario, non minùs quàm Filius : ita enim Spiritus Sanctus necessariò est Deus sicut Filius : & ita est impossibile Spiritum Sanctum non produci, sicut impossibile est Filium non generari. Concedunt etiam, quòd productio Spiritus Sancti aliquo modo pertinet ad voluntatem. Sed nunc sunt tres termini curren- tes in proposita materia, scilicet natura- le, liberum, necessarium. Et circa il- lum terminum necessarium, non diuer- sitas opinionum : concedentibus omnibus quòd necessarium est, quòd non potest non esse : & sic necessariò producit quod non potest non producere. Sed de termi- no, liberum, diuersificantur : nam secun- dum Philosophos principium actuum di- uiditur in principium actuum necessa- rium, & contingens potens ad opposita. Principium necessarium, dicitur natu- rale principium : potens in opposita est contingens sine liberum. Erit ergo idem principium naturale & necessarium, & principium contingenter agens & libe- rum. Et sic accipiendo terminos ; sicut Filius, ita & Spiritus Sanctus produci- tur naturaliter & non liberè, quia ne- cessario & non contingenter. Alij verò distinguunt inter principium naturale & necessarium, similiter inter princi- pium liberum & contingens : dicentes quodlibet principium naturale esse ne- cessarium, sed non e conuerso : sicut quamuis omne principium contingenter agens, agat liberè ; non tamen e conuer- so. Quid ergo est agere naturaliter, &

quid liberè ? Licet multi anguli quæran- tur, tamen finaliter dicere oportet, quòd agere liberè, est agere per voluntatem. Et ita omnis actus voluntatis, siue sit necessaria, siue contingens, dicitur li- bera. Et ita libertas compatitur neces- sitatem. Et agere naturaliter, est agere non per voluntatem : & ita nihil aliud est dicere, Filius produciatur natura- liter, & Spiritus Sanctus liberè, quàm Spiritus Sanctus produciatur per modum voluntis : Filius non. En conuenien- tiam in re & disconuenientiam in nomine rectissimè declaratam. Sed quis iam modus dicendi conformior quibus acceptandus etiam antiquita- te telte ? Primus modus dicendi (im- mediatè subiungit Gabriel) est magis conformis communibus terminorum acceptionibus, secundum quem quid- quid necessariò produciatur, produciatur naturaliter, & non produciatur liberè : quia non sponte, quia non potest non produci.

Hic notet diligens Lector tria.

PRIMUM : etiam antiquitate telte, rectius loqui Thomistas quàm Scotistas, dum ipsi libertatis nomen actibus necessarijs absolutè denegant illi verò concedunt.

SECUNDUM : adhuc ex Schola Scotica patrocinium non posse capere Iansenitas : nam licet ista actus necessarios voluntatis vo- cet liberos ; non tamen ea libertate, qua Iansenitæ ; nempe quæ de se sufficiens sit ad meritum aut demeritum.

TERTIUM : quòd ille terminus, spontè, etiam apud antiquos solet accipi, pro eo quod est liberè, libertate indifferentiæ : vt manifestè patet ex illis vltimis verbis Gabrielis ; non produciatur liberè, quia non sponte, quia non potest non produci ; quasi non spontè, idem sit ac, quia non potest non produci, seu quia nō est possibilitas ad vtrumlibet. Ex qua aduertentia mille Ian- senita-

senitarum textus corruunt, quos hinc inde ex Sanctis Patribus & antiquis Doctoribus adducunt: prætendentes ex eorum mente solam spontanei rationem ad meritoriam & demeritoriam libertatem sufficere, & non penetrantes, ipsos per spontaneum intellexisse, id quod voluntas agit cum potestate ad vtrumlibet.

CAPVT XV.

Soluitur Argumentum eiusdem, confectum ex autoritate Sancti Bonaventurae.

SANCTVM ETIAM BONAVENTVRAM vsque ad eò sibi patrocinari vult, vt nihil aliud spiraret, quàm veram rationem liberi in eo sitam esse, in quo ipse illam collocat.

Ex triplici capite id ipsum probat.

PRIMO: quia multoties vocat libertatem arbitrij, libertatem à coactione. Est considerata (inquit) libertatem arbitrij, quantum ad esse, & quantum ad bene esse: si quantum ad esse, sic vocatur à Magistro libertas à coactione. Et rursus. Libertas essentialiter liberi arbitrij, non est libertas à culpa, vel à miseria, sed libertas à coactione.

SECUNDO: quia varijs in locis etiam docet, quod voluntaria necessitas, quantumvis determinata seu immutabilis, libertati non repugnat. *Liberum arbitrium* (inquit) dupliciter potest considerari. Aut secundum quod liberum, aut secundum quod deliberans. Si loquamur de ipso secundum quod liberum, sic concedo, quod potest esse non solum respectu contingentis, sed etiam necessarii: sicut patet in Deo, & in Christo,

& in Angelis, & in hominibus beatis. Cum enim duplex sit necessitas, videlicet coactionis, & immutabilitatis; necessitas coactionis repugnat libertati arbitrij, necessitas verò immutabilitatis non: pro eo quod liberum arbitrium dicitur liberum, non quia sic velit hoc vt possit vel le eius oppositum, sed quia omne quod vult, appetit ad sui ipsius imperium. Quia sic vult aliquid, vt velit se illud velle. Et ideo in actu volendi se ipsum monet, & sibi dominatur, & pro tanto dicitur liberum, quamvis immutabiliter ordinetur ad illud. Et paulò inferius. *Actus liberi arbitrij vt liberum est*, non solum potest esse circa necessarium, sed etiam necessarius in se.

TERTIO: quia admittit actum voluntatis necessarium, esse meritorium, hoc argumento. Non est meritum sine actu liberi arbitrij: sed iste qui fecit bonum, vult se fecisse, & hoc ipso meretur, si igitur hunc fecisse bonum, demonstrato illo qui fecit, est necessarium; liberum arbitrium est respectu actus necessary etiam secundum statum meriti.

RESPONDEO nec de mente Bonaventurae posse hac in parte dubitari: si namque (vt in præcedentibus perspicue est demonstratum) stant pro communi sententia primi illius Theologiæ Scholasticæ Coryphæi, Magister Sententiarum. Alexander de Hales, Altilsio dorenensis, nec non Subtilis Scotus; quid fundamenti esse potest, vt Bonaventuram ab his separemus.

Præterea loci sunt patentissimi in illa ipsa distinctione vigesima quinta Secundi Sententiarum, quam tamen nil nisi suam sententiam spirare putat Iansenius littera. A.

PERPENDAT quæso lector, doctrinam eius, quàm ibidè habet quæstione prima. Quærit, vtrum liberum arbitrium sit in solis habentibus ratione, an etiam sit in brutis animalibus. Et sic

reſoluit. *Absque dubio liberum arbitriū reperitur in ſolis rationalibus.* Quod & hoc diſcurſu probat. *Illā ſolā potentia dicitur eſſe libera, quā dominium habet plenum, tam reſpectū obiecti quam reſpectū actus proprii.* Illa autem potentia dominium habet ex libertate reſpectū obiecti quā non eſt arctata ad aliquod genus appetibilis, ſed nata eſt omnia appetibilia appetere puta tam vtile quam delectabile & honeſtum: quā à ſolis rationalibus poſſunt appeti, ideo in eis ſolum, reperitur virtus, quā non eſt ad aliquod genus appetibilis arctata: at per hoc habens libertatem reſpectū obiecti. Et deinde; in eis etiam ſolis reperitur potentia habens libertatē reſpectū actus proprii. Quod patet. Nam voluntas in rationalibus non ſolum compeſcit manū exteriorem vel pedem; ſed etiam compeſcit ſeipſam & reſrenat, incipiens odire, frequenter quod prius diligebat & ex ſui ipſius imperio & dominio. In brutis autē animalibus, & ſi aliquo modo ſit reperire dominium reſpectū actus exterioris, quē bene reſrenat aliquando; ſicut patet in animalibus domeſticis, reſpectū tamen actus proprii, interioris videlicet appetitus, dominium non eſt. Vnde ſi aliquid amant, non poſſunt illud non amare. Ac per hoc cum non poſſint actum proprium reprimere, reſpectū actus proprii non habent libertatem. Nonne hic luce meridiana clarius apparet, Bonaventuram exigere ad libertatem actus, poteſtatem eundem reprimendi? Cum non poſſint bruta (inquit) actum proprium reprimere, reſpectū actus proprii non habent libertatem. Iterum; dominium (inquit) non eſt in eis reſpectū appetitus interioris; quia ſi aliquid amant, non poſſunt non amare. Eſtne hoc cum Ianſenitis dicere, quod ſubiſtit libertas & dominium in aliquo actu, etiā ſi agens illum reprimere non poſſit? etiam ſi tanta neceſſitate eum producat; quanta Pater & Filius producunt Spiritum Sanctum?

SED PERGE LECTOR ad quaſtionem tertiam, quā ibidem ſequitur ſub littera C. *Dominium potentia* (inquit ibi in Corpore) *reſpectū actus eſt attendendum in hoc, quod potentia poteſt eſſe in actu & ceſſare ab actu.* Conſideretur ergo potentia, quā ita eſt ad aliquem actum determinatam, ut nullo modo nec ex ſuppoſitione, nec abſolutē poſſit ab illo ceſſare, qualis eſt voluntas Diuina reſpectū productionis Spiritus Sancti; dicturne ea iuxta mentem Bonaventuræ habere reſpectū illius actus dominium? Quod ſi non; ergo nec iuxta mentem eiufdem, talis potentia eſt in illo actu libera libertate arbitrii, quia hæc (etiam aduerſario teſte) ex dominio penſanda eſt.

CONSEQUENTER ad iſta, docuit in eodem ſecundo, diſtinctione ſeptima, quaſtione ſecunda littera E. beſtias non habere libertatem, bene tamen Dæmones, quamvis hæ timore pœnarum à maximis voluptatibus retrahantur, Dæmones autem nec timore pœnæ dimittant ſuperbire; quia habere retrahens (inquit) hoc eſt dupliciter, ſcilicet intra & extra: impetus autem qui magis repugnat libero arbitrio, eſt illud quod excludit retinaculū interius, nō quod exterius excludit. Quoniam igitur impetus beſtiæ excludit retinaculum intra, quamvis poſſit retrahi per illud extra, ideo non habet liberum arbitrium. Demon autem habet potentiam interiorem, per quam ſine aliquo exteriori repellente poteſt retrahi & ideo impetus Dæmonum in malum, libero arbitrio non repugnat, ſed conſonat. Quasi apertē inſinuans, quod liber in malo non eſſet, ſi intus vim poteſtatem non haberet, quæ ſe abſolutē poſſet à malo retrahere. Dixi abſolutē, quia quod ſe à malo non poſſit retrahere ex ſuppoſitione quod illi ſemel deliberata voluntate adhæſerit, hoc libertati non repugnat. Ad illam nam-

Supra
ca. 1. §.
itaque
vero.

namque sufficit, quod in principio actus taliter se ad malum applicuerit, ut ex intrinseca sua dispositione potuerit absolute non se applicare, si voluisset. Quod late supra expendimus, agentes in simili de immutabilitate voluntatis Diuinæ. Vnde & idem Bonaventura de Dæmone ibidem dixit, quod duplex est necessitas, quedam à causa extrinseca, utpote necessitas coactionis, & hæc opponitur ei quod est libere velle: quedam verò est à dispositione intrinseca (id est principium seu originem ducens ex ipsa voluntate ut voluntas est) & huic non opponitur, imò stat simul cum libertate: talis est in libero arbitrio Dæmonum, qui ita congrutinant sibi malum, ut nullo modo velint ab illo separari. Non dicit, ut nullo modo possint; quia absolute potuerunt in principio, & illud posse in ratione absolute potestatis adhuc manet: sed, ut nullo modo velint ab illo separari. Quasi sola sit necessitas ex suppositione primæ liberæ voluntatis, immutabiliter tamen continuatæ.

CONSEQUENTER ad eadem docuit ibidem, quæstione prima, littera D. manere eandem prorsus potestatem naturalem liberi arbitrij post confirmationem, & ante, tam in angelis beatis quam obstinatis, quia licet nō maneat potestas simul ad malum & ad bonum; manet tamen potestas ad facere & non facere; quæ sola & non altera, intelligitur esse de essentia potestatis rationalis seu liberæ. Audi prius argumentum quod sibi obiecerat, ad probandum, potestatem illam naturalem per confirmationem tolli seu variari. Potestates rationales sunt ad opposita, dicit Philosophus: ergo cum potentia desinit esse ad opposita, desinit esse rationalis: sed post confirmationem, liberum arbitrium desinit esse ad opposita: ergo desinit esse rationalis potestas; sed nulla potentia ra-

tionalis potest fieri non rationalis, manens eadem: ergo &c. Audi iam responsum. Ad illud quod obijcitur, quod rationales potestates sunt ad opposita, dicendum; quod verum est; sed non ad omnia opposita, sed ad aliqua: utpote ad facere aliquid & non facere, ad incidere tunicam & non incidere, ut dicit ipse Philosophus. Et hoc modo liberum arbitrium confirmatum, ad opposita esse potest: & ideo naturalis potestas est sicut ante. Nonne hoc est limpidissimè fateri, in Beatis, licet non maneat indifferentia contrarietatis, manere tamen indifferentiam contradictionis, & pro tanto in eisdem manere eandem vim seu essentiam liberi arbitrij seu libertatis? Vel ergo sibi contradicit, quod de tanto Doctore non credo; vel euidenter est pro nostra & communi sententia, exigente ad essentiam libertatis, indifferentiam contradictionis.

TANDEM consequenter ad ea omnia, docens ibidem quæstione tertia, littera C. Qualiter mala voluntas in Dæmonibus intendatur & crescat quantum ad vim administratiuam seu in comparatione ad homines; sic sibi obijcit; in nullo crescit mala voluntas, in quo non crescit demeritum, sed demeritum non crescit in Dæmone; quia non potest euitare peccatum: ergo si necesse est Diabolum malè velle, impossibile est malam voluntatem in eo crescere. Sed iterum audi responsum, & nil nisi nostram communem doctrinam spirat. Ad illud (inquit) quod obijcitur, quod non potest euitare, dicendum, quod falsum est. Quamuis enim malitiam voluntatis non possit immutare, potest tamen cessare à nocumento quod hominibus facit. Præterea ipse induxit se in hanc necessitatem, & non penitet. Et ideo non excusatur. Nullus enim excusatur per necessitatem, nisi peniteat de inductione. En duplicem solutionem, & in vtraque breuissimè expressum, requi-

requiri ad demeritoriam libertatem, vel potestatem cessandi à malo, vel si adsit impotentia, quòd ea sit contracta ex causa voluntaria voluntate personæ, vt sic etiam saluetur potestas cessandi saltem in causa. Quod vtrumque est ipsissima nostra doctrina, quam toto hoc opere toties inculcauimus.

SED ADHVC vrgentissimus est locus, in quo & auream illam doctrinam Angelici nostri Preceptoris duplici consideratione voluntatis, scilicet *vt natura est, & vt voluntas est*; Seraphico suo ingenio plausibiliter omnino tradidit & approbavit: docens actus procedentes à voluntate, vt natura est, non subesse potestati eiusdem, ac proinde non esse liberos; licet eidem subsint, sintque liberi illi, qui procedunt à voluntate vt voluntas est. Imo quod caput est; expressè declarat, illam propositionem Augustini; *nil tam est in potestate nostra quam ipsa voluntas*, quam toties inuicissimè (vt putat) circumfert Iansenius; non esse intelligendam de voluntate vt natura est, sed de voluntate, vt voluntas est, secundum quam formalitatem inquit noster Thomas (vt Sanctus Sancto consonet) est indifferens ad *utrumlibet*. Non credet Iansenita auditui nostro, imò potius visui, nisi litteram Deo dante visam & repertam ipsi ad oculum ostendero. Est igitur tenoris sequentis. *Velle in nobis* (inquit) *dupliciter accipitur, vno modo vt nominat actum potentia effectiua, vt est quedam potentia naturalis* (en voluntatem consideratam vt natura est, & velle pariter, vt ab ea prout sic procedens. *Alio modo vt nominat actum liberi arbitrij, en voluntatem consideratam vt voluntas est, seu vt est potentia libera. Tercio modo velle aliquid idem est, quod affici circa illud. Alio modo velle idem est, quòd eligere* (intellige de eligere

sumpto generaliter vt suprà declarauimus) Vnde secundum hos duos actus distinguitur in nobis voluntas appetitus & voluntas eligentia. Non quia sint in nobis ista dua voluntates, essentialiter differentes, sed quia modus volendi est aliter & aliter. Scilicet penes modum volendi naturaliter, & penes modum volendi liberè. Dico igitur quòd verbum Augustini non intelligitur de voluntate appetitus (vt nempe est potentia naturalis sicut præmiserat) qui aliquando adeo adheret alicui rei, vt vix vel nunquam possit ab ea separari; sed hoc intelligitur de voluntate eligentia, qua aliquis vult se velle quod vult vel nolle: & hoc semper est in nostra potestate. En iuxta mentem Bonauenturæ, sicut & iuxta mentem Thomæ, duplex velle voluntatis: vnum voluntatis vt est potentia naturalis, seu terminis Diui Thomæ, vt est natura, & hoc in nostra potestate non est: alterum voluntatis, vt est voluntas eligentia, seu terminis Diui Thomæ, vt est voluntas formaliter, & hoc in nostra potestate est. Et de hoc intelligitur (inquit Bonauentura) dictum Augustini, quòd *nihil tam est in potestate nostra quam ipsa voluntas*. O Diuinam planè concordantiam Seraphici & Angelici! Quid restet amplius quàm vt dicamus; en duos Cherubin aureos: *Cherub vnus est in latere vno, & alter in altero*. Vtrumque latus libertatis tegunt, expandentes alas, & operientes oraculum Iansenitarum seu potius obmutescere facientes, respiciuntque seminuò versis vultibus in propitiatorium communis veritatis.

EX HIS NON erit difficile, locis in contrarium obiectis satisfacere.

AD PRIMVM de libertate à coactione, respondeo sicut suprà ad Diuum Thomam dictum est.

AD SECVNDVM dico, quòd

Bo-

Suprà
l. 4. c. 6.
& Vnde
fund. &
cap. 15.
ergo
libertatis.

Exod.
25.

Suprà
lib. 1.
lect. 3.
per totam.

Persu.
in l. 1. c.
11. 28.
c. 10. 28.
Magi-
stri, &
lib. etia
August.

Suprà
ca. 9.
Itaque
ex eo.

Bonaventura ibi non loquitur de necessitate prout dicit absolutam determinationem ad alterum extremum contradictionis: verbi gratia; ita ad facere ut absolute non sit indifferentia ad non facere, sicut Iansenius perperam supponit: quo sensu solum poterat nobis contrariari; sed loquitur de necessitate, tum immutabilitatis, quæ libertati non obstat, ut constat ex dictis suprà, tum etiam specificationis ad bonum; quæ pariter libertati obstat nequit. Vnde illa propositio, *liberum arbitrium dicitur liberum, non quia sic velit hoc, ut possit velle eius oppositum*, potest referri, vel ad immutabilitatem in volendo, vel ad ad necessitatem specificationis quoad bonum: & in neutro sanè sensu nobis quidquam obest. Non in primo. Quia tunc sensus erit, liberum arbitrium non dici liberum; ex eo quod sic velit, ut possit suam volitionem mutare: quod utique nos fatemur: cum longè aliud sit, posse absolute hoc velle & non velle, & posse volitionem semel habitam mutare. Primum ad libertatem desideramus, minimè secundum. In secundo etiam sensu patet quod nil officit; nam tunc significabitur, quod non dicitur liberum, ex eo quod sic velit hoc, quod possit velle eius oppositum, secundum contrarietatem; quod iterum verissimum est, cum ad libertatem sufficiat, sic velle hoc, quod possit velle eius oppositum secundum contradictionem.

SOLVM RESTAT probare, id quod supponimus, nimirum Bonaventuram solum loqui de necessitate immutabilitatis; & insuper quamvis simul de alia necessitate loquatur, quod non loquatur de maiori, quam quæ est specificationis quoad bonum.

Primum probatione vix indiget, nam expresse assumit hanc proposi-

tionem, *necessitas est duplex, videlicet coactionis & immutabilitatis*, & statim; *necessitas immutabilitatis libertati arbitrii non repugnat*. Ergo negari nequit, quod loquatur de necessitate immutabilitatis.

Secundum; quod etiam si simul loquatur de alia necessitate, non loquatur tamen de maiori, quam quæ est specificationis quoad bonum, potest manifestè quoque probari ex argumentis sed contra, quæ ibidem præmiserat. In eisdem namque probans, liberum arbitrium posse etiam esse respectu actus necessarij, nullum argumentum adfert, probans aliam necessitatem, quam solius specificationis, vel absolute vel ex suppositione. Specificationis quidem absolute, dum primo sic fuit argumentatus. *Sed contra Augustinus in Enchyridion. Erit homo sic, ut velle malè non possit, nec tamen ideo libero carebit arbitrio. Et paulò post; neque autem voluntas non est, aut libera dicenda non est, quia beati sic esse volumus, ut esse miseri non solum nolimus, sed nequaquam prorsus velle possumus. Ergo ex hoc expresse colligitur, quod liberum arbitrium est respectu actus etiam necessarij. En argumentum concludens quidem necessitatem non repugnare libertati actus, cæterum non fit mentio de maiori necessitate, quam quæ est specificationis ad bonum; licet omnino absoluta sit, seu ex habitudine terminorum, ut in exemplis patet. De necessitate quoque specificationis, ex suppositione tantum, patet per aliud argumentum, quod ibi sequitur. Item non est merium (inquit) sine actu liberi arbitrii: sed iste qui fecit bonum, vult se fecisse bonum, & hoc ipso meretur: si igitur hunc fecisse bonum, demonstrato illo qui fecit; est necessarium (videlicet ex suppositione quod fecit) liberum arbitrium est respectu actus necessarij, secundum statum*

meriti. En argumentum quoque de necessitate specificationis ad bonum, sed ex suppositione tantum. Ergo fatendum est, Bonauenturam in illa quæstione in contrarium obiecta, non componere cum libertate actus, aliam necessitatem, quam vel immutabilitatis, in eo quod actus semel positus non possit retractari, vel specificationis, in eo quod si semel debet poni, necessario debeat esse bonus: quorum utrumque nos quoque libentissimè fatemur.

Sed iam mihi fatescit negotium, dictum illud, *quod actus liberi arbitrij, ut liberum est; non solum potest esse circa necessarium; sed etiam necessarius in se*. Hoc enim iuxta mentem Bonauenturæ non videtur posse intelligi, nec de necessitate immutabilitatis, nec de necessitate solius specificationis ad bonum: ergo debet intelligi de necessitate quoad exercitium. Antecedens probo, nam (vt ex contextu ibidem apparet) contraponit in necessitate actum liberi arbitrij, vt liberum est, & actum liberi arbitrij, vt deliberans est: asseritque primum posse esse necessarium in se, minimè verò secundum: quin potius de isto assermat, *quod semper est contingens*. At si solum intenderet, quod actus liberi arbitrij, vt liberum est, potest esse necessarius necessitate immutabilitatis, & etiam specificationis, nulum quoad necessitatem subsisteret discrimen inter illum actum, & alterum arbitrij, prout deliberans est, cum actus arbitrij prout deliberans est, possit etiam utramque illam necessitatem habere. Ergo. Minor ista patet in Demone, quando voluntate deliberata exit in nouum actum distinctum à primo, quo se in prauum finem semel conuertit; tunc ille secundus actus est à libero arbitrio, vt deliberante: & tamen immutabilis est, & insuper elicitur, necessitate

specificationis quoad malum: ergo habet utramque illam necessitatem, tam immutabilitatis, quam specificationis.

Respondeo ex ipsis verbis Bonauenturæ. Loquitur namque (vt in solutionibus argumentorum videre est) de libero arbitrio deliberante secundum statum viatoris seu secundum statum vertibilitatis & mutabilitatis. Et de illo prout sic verum est dicere, quod neutram necessitatem habet, nec immutabilitatis, nec specificationis, sed potius omnis eius actus est simpliciter contingens. Deliberans enim in via circa aliquem actum, potest non solum illum ponere & non ponere, sed & semel positum mutare & in actum contrarium exire. Vnde semper subsistit discrimen inter hos actus, & alios liberi arbitrij vt merè liberum est. Potest namque aliquis actus arbitrij, vt merè liberum est, & non deliberans, etiam in via habere necessitatem specificationis: vt patet in actu quo quis appetit finem vltimum seu beatitudinem in communi. Ille cum sit circa finem, non est à libero arbitrio vt deliberante, cum illud prout sic, solum sit circa media: est tamen à libero arbitrio vt absolute libero, cum eliciatur cum indifferentia quoad exercitium, non obstat quod sit in se necessarius specificationi. Hæc est clarissima mens Bonauenturæ, sicut & veritas omnino communis: contrariumque velle ex dictis eius elicere, potius est venenum salutaris ex melle Seraphico sugere, quam fauos veritatis Theologico more componere.

Præterquam quod si ista solutio non placet; aliam adhibet Gabriel in secundo, distinctione vigesima quinta, quæstione vnica articulo primo, dicens Bonauenturam loqui de libertate largitissimè sumpta, scilicet prout dicit immunitatem à sola coactione,

& in

& in hoc sensu (inquit ipse) verum est quod necessitas omnimoda, non repugnat libertati arbitrii; quia sic solum importat meram rationem, voluntarii, quam etiam libertatem, ut scilicet distinguitur contra coactionem, vocat alio loco, in distinctione prima, questione sexta, notab. secundo, libertatem improprie.

Ex dictis etiam patet ad id quod tertio loco obijciebatur; nimirum à Bonaventura admitti, actum voluntatis necessarium, esse meritorium.

Patet (inquam) hoc non aliter ab ipso admitti, quam loquendo de actu necessario, necessitate suppositionis: ut evidentissime patet consideranti argumentum, ex vi cuius illud admittit: sicque hoc nobis obijcere, est omnino extra eorum canere.

Ast restat & aliud, quod Iansenius adducit ex tertio sententiarum, distinctione duodecima, questione prima, littera C. Vbi argumentum erat huiusmodi ad probandum in Christo peccabilitatem. Nullus laudatur in his quæ faciunt de necessitate, sed Christus erat laudabilis in operibus suis: ergo non faciebat ea necessario, ergo poterat à bonis & debitis operibus necessario, cessare, & hoc est obmittere: ergo potuit peccare. Ad quod sic respondet. Dicendum quod est necessitas quæ repugnat voluntati, sicut necessitas coactionis quæ venit ab extrinseco, & est necessitas quæ subest voluntati & ista est necessitas quæ venit ex voluntatis immutabilitate. Cum ergo dicitur quod laus non est in operibus necessitatis, dicendum quod verum est de necessitate primo modo dicta, sed non de secundo. Et similia dicit (ait Iansenius) distinctione decima octava, questione secunda, littera B. Vbi rursus argumentum erat. Mereri est facere opus de genere laudabilium, sed potentia determinata ad unum tantum, non habet

laudem in actu illius, sicut patet in omnibus potentis naturalibus: sed liberum arbitrium Christi ab ipsa conceptione determinatum fuit ad opus bonum: ergo non potuit exire in opus de genere laudabilem: ergo nec in opus meritorium. Ad quod iterum respondet. Dicendum quod determinatio potentia ad unum, potest esse dupliciter, videlicet per necessitatem naturæ, & per confirmationem gratiæ. Si sit per necessitatem naturæ, tunc tollit arbitrii libertatem, ac per hoc tollit libertatem meriti: si autem sit determinatio potentia per confirmationem gratiæ, cum talis confirmatio simul sit cum libera voluntate, sic non tollit ab ipso opere bonitatem moris. Cum sit voluntarium ac per hoc nec qualitatem meriti. In Christo autem fuit liberum arbitrium determinatum ad unum, non per necessitatem naturæ, sed per confirmationem gratiæ.

Respondeo nec illa etiam loca, vel in minimo communi nostræ sententiæ obesse. Non primum; nam in illo saluat laudabilitatem operum Christi, etiam illorum quæ erant debita ex præcepto; quia proueniebant ex voluntatis immutabilitate in bono, intellige secundum genus, quæ secum compatitur indifferentiam penes facere & non facere illa opera, absolute, licet excludat indifferentiam ad alterum extremum contrarietatis, quod est malum. Ut namque asserit idem Bonaventura in eodem Tertio, Distinctione vigesima, questione prima, littera A. Necessitas immutabilitatis in bono, non ardeat potentiam ad oppositum, sed eam determinat ad tale propositum. Quasi apertissime significans, quod libertatem indifferentiæ non tollit, quia videlicet non ardeat volentem ad alterum oppositorum, nempe aut ad facere, aut ad non facere, sed potius relicta absoluta indifferentia, solum habet ex propria voluntatis dispositione cui subest,

est, ipsum volentem determinare seu resolueret in partem quam vult. Quod & maiori claritate expressit in illo loco, quem supra adduximus: dum de libero arbitrio Angelorum dixit. *Liberum arbitrium confirmatum, est adhuc ad opposita contradictoriè, utpote ad facere & non facere. Et ideo naturalis eius potestas est sicut ante.*

Per quod etiam patet ad Secundum; nam si determinatio ad vnum per confirmationem gratiæ in bono tantum, est adhuc ad opposita contradictoriè; rectissime de Christo dixit, ex vi illius nec libertatem, nec laudabilitatem operum eius tolli. Tolleretur tamen, si esset huiusmodi determinatio per necessitatem naturæ; quia tunc reuera etiam indifferencia quoad opposita contradictoriè decisset.

C A P V T XVI.

Soluitur Argumentum eiusdem, confectum ex auctoritate Henrici à Gandauo.

Tomo
3 lib. 6.
cap. 27.

NEC HENRICVM A GANDAVO præterire potest: utpote qui multa tradit (sicut Iansenius satur) in quibus vestigia Iansenianæ doctrinæ manifestè lucent.

PRIMO: quia libertatem arbitrij ex illo considerari vult, quod coactionis impatiens est, & delectabiliter in actum suum prodit. *Voluntas* (inquit) *dicitur liberum arbitrium, quia absoluta est ab omni coactione ipsam impediente, & contristante in sua actione. Voluntas enim omnis, ut liberè tendit in suam actionem, delectabilis est: necessitas coactionis contristans.*

SECUNDO: quia docet, quod voluntas erit liberissima in Beatis, ubi natura erit obediens bonæ voluntati, quæ

proprio desiderio & complacentia, naturalem impetum naturæ liberè trahet in finem suum: à quo, quia continet in se omnem rationem omnis boni, propter naturam concomitantem, nulla modo potest se diuertere. En asserit, voluntatem Beati in amore ultimi finis liberam esse, licet ab illo diuertere nullo modo possit.

RESPONDEO, me oleum & operam perdere, antiquos illos Scholasticos recensendo, cum omnino concordēs in communi nostrā sententia inueniantur. Sed quia pertinax nimium aduersarius noster, ad Henricum quoque dico, nihil ex ipso pro contraria opinione conuinci.

AD PRIMVM OBIECTVM, de libertate à coactione respondeo, sicut ad Sanctum Thomam supra dictum est.

AD SECUNDVM, vocat voluntatem Beati in amore ultimi finis liberam, libertate complacentiæ, non tamen liberam, libertate de se sufficienti ad meritum; sicut non disputamus.

Et ut appareat, qualiter dicta hæc menti ipsius omnino consonent; hæc pauca in medium proferre libet.

PRIMVM, quod ipsemet ex Anselmo refert, & approbat sub hac forma; *Vnde dicit Anselmus de casu Diaboli capite decimo quarto, sicut non esset voluntas iniusta, si vellet inconuenientia, quando hæc non posset non velle: ita si vellet conuenientia, non idcirco esset iusta voluntas, quando sic accepisset, ut non posset aliter velle. Sic ex Anselmo satur Henricus Quodlibeto octauo, questione decima, circa medium Corporis. Et aduerte quod illam doctrinam adfert, ad confirmandum, quod sicut primus actus à voluntate recta non imputatur inlicitæ volentis, sed bonitati Dei: sic si primus actus esset obliquus à voluntate ali-*

Supra
lib. 3.
sect. 3.
per totum.

aliquā, non imputaretur iniustitiæ volentis, sed malitiæ Dei. Ex quo omnino consequens fit, ipsam sentire, quòd ad meritoriam & demeritoriam libertatem, requiritur potestas indifferens faciendi & non faciendi. Si namque non est voluntas iniusta, seu culpabilis, quæ sic inconueniens seu malum vult, vt non possit non velle; sicut laudabilis aut iusta, quæ sic bonum vult, vt non velle non possit; qua via potest ad meritum & demeritum hanc potestatem indifferenter non exigere?

Item probans Quodlibeto tertio, quæstione vigesima sexta per totam, quòd homicidium commissum in ebrietate, sit voluntarium, seu (quod ipse idem reputat) imputabile; nullam aliam rationem addert; quàm quia respiciendo ad causam, potuit ebrius eandem non ponere. Necessarium est (inquit) vt reducat impunitabilitas ad actum voluntatis qui tunc fuit, quando se inebriauit, & in se fuit non inebriari & ita non causare in se dispositionem malitiæ. Imò id ipsum ibidem probat ex Augustino, Damasceno, & Philosopho. Ergo sentit libertatem imputabilem seu demeritoriam non subsistere absque potestate faciendi & non faciendi.

Rursus quodlibeto primo, quæst. decima sexta, probans quòd electionis libertas, quæ apud ipsum idem est atquæ libertas meritoria (qua de causa & negat Angelos in primo actu moruisse, quia non habuerunt actum electionum) non est nisi in sola voluntate, & nullo modo in ratione; sic discurret; Ratio (inquit) cognitiua in quantum huiusmodi, libera non est: necessariò enim mouetur simplicibus apprehensibus nec est in eius potestate ea non apprehendere. Ex quo concludit, nullo modo ergo voluntas habet principium libertatis à ratione sed à se ipsa primò. Et sic electio libera, virtutes & malitia

morales non tantum non sunt in ratione cognitiua vt in subiecto, sed nec vt in causa & in principio. Nonne hoc est apertè sentire, ad meritoriam seu demeritoriam libertatem requiri vim indifferenter faciendi & non faciendi? Patet consequentia, quia aliàs nõ rectè libertatem electionis à ratione relegasset defectu istius indifferentiæ, si illa esentiali requisitum ad meritoriam libertatem non esset.

His accedit id quod habet quodlibeto duodecimo, quæstione vigesima tertia ad Primum. Vbi loquens de eadem libertate; illa actio voluntatis (inquit) dicenda est esse simpliciter ex necessitate & non ex libero arbitrio, postquam stante sua causa proxima, nullo modo posset per liberum arbitrium voluntatis impedi. Quid breuius, quid clariùs contra Iansenianam libertatem dicere potuit? Requirit ad libertatem, non qualecumque posse ad non facere, sed posse proximum seu stante sua causa proxima.

Vnde resolutoriè dico; si alibi attribuit libertatem actibus elicitis absque indifferentia; nil aliud intelligit nomine libertatis, quam voluntariā complacentiam voluntatis, sicut & intellexit Scotus: quo sensu non est ad rem, cum nos de vera seu meritoria libertate disputemus.

CAPVT XVII.

Soluitur Argumentum eiusdem, con-
fectum ex autoritate Thomæ
de Argentina.

EANDEM suam doctrinam conatur Iansenius deducere ex verbis Thomæ de Argentina.

PRIMO: quia distinctione trigesima octaua secundi sententiarum, articulo primo sic habet. *Illā poten-*
tia

Iansen.
To. 3.
lib 6 c.

29.

ria est principaliter libera, quæ nullo modo potest cogi seu libertate priuari, sed sola voluntas sic est libera, quod necessitari non potest necessitate coactionis, quia secundum Bernardum in libro de arbitrio, voluntati datus est intellectus, ut illum instruat, non ut destruat: destrueret autem si ullam ei necessitatem imponeret.

SECUNDO: quia in tertio distinctione decima octaua, articulo tertio, sibi opponens quod Christus in omni actu suo determinatus esset ad bonum, & proinde non magis mereri posset, quam agens naturale determinatum ad vnum; sic respondet. Agens naturale non prohibetur à merito, ex hoc quod est determinatum ad vnum, sed ex modo determinationis, puta quod necessariò, & non voluntariè tendit in illud vnum; sed Christus & quilibet in gratia confirmatus, licet determinatè tendat in bonum, tamen voluntariè & liberè tendit in ipsum, huiusmodi enim non minuit voluntatem & libertatem, sed potius auget, & ideo talis determinatio non repugnat merito.

RESPONDEO Thomam quoque de Argentina pro communi stare sententia.

PRIMVS LOCVS, quantum ad id quod dicit de libertate à coactione, explicari debet, sicut Sanctus Thomas iam fortè ad nauseam citatus.

Aduerte tamen, sibi ab Argentina approbati locum illum Bernardi, quem nos supra in fauorem nostrum adduximus, in eo quod Mellissius Doctor ait, quod ratio seu intellectus, libertatem voluntatis destrueret, si ullam ei necessitatem imponeret, quod reuera in actibus necessarijs contingit, ob omnimodam determinationem iudicii, qua tunc intellectus voluntati præluceat: imponit namque propter similem determinationem, voluntati talem necessita-

tem, ut se ab actu cohibere non possit. Vnde sicut Bernardus in tali casu sentit libertatem actus destrui; ita id ipsum sentire debet Thomas de Argentina, in eo quod huiusmodi dictum Bernardi approbat.

SECUNDVS LOCVS etiam potest clarissimè explicari hoc modo. Nempe quod agens naturale non prohibetur à merito, ex hoc quod sit determinatum ad vnum secundum genus, verbi gratia, ad bonum sensibile, sed ex modo determinationis puta, quia taliter ad bonum secundum illud genus determinatur, ut ex parte actus primi nullam etiam habeat indifferentiam respectu huius vel illius boni in particulari: quam rationem Argentinas insinuat, quando dicit: puta quod necessariò & non voluntariè tendit in illud vnum. At verò (inquit) in Christo non sic contingit. Licet namque determinatè tendat in bonum, videlicet secundum genus, ita ut in malum non possit; tamen voluntariè & liberè seu cum indifferentia tendit in bona particularia, ita ut ea facere possit & non facere pro mera sua voluntate.

Sed ut veritas huius explicationis appareat; consideretur quæso argumentum, cui prædictam doctrinam pro solutione adhibuit. Argumentum erat huiusmodi. Illud agens quod in omni suo actu est ita determinatum ad vnum oppositorum, quod nullo modo potest in alterum; hoc nullo suo actu potest mereri: propter hoc enim agens naturale mereri non potest, quia est determinatum ad vnum; sed Christus in omni suo actu est ita determinatus ad bonum, quod nullo suo actu potest facere malum ergo. Ad quod sic respondet. Ad tertium nego maiorem. Quia ad illam maiorem sequeretur, quod nec Maria, nec aliquis in gratia Dei confirmatus, potuisset mereri, cum esset in hac via. Quæ verba Iansenius omisit, solum referens id quod

quod immediatè subiungit; ad probationem dicendum quòd agens naturale non prohibetur à merito ex hoc quòd est determinatum ad vnum, &c. Verba (inquam) illa priora Iansenius omisit, & indubiè particulari studio; quia ex illis manifestè satis colligitur sensus explicationis traditæ, quæ ipsius dogma iugulat. Nam instans seu falsificans hanc propositionem maiorem; illud agens quod in omni suo actu est ita determinatum ad vnum oppositorum, quòd nullo modo potest in alterum; hoc nullo suo actu potest mereri; instans (inquam) hanc propositionem, exèplo Beatæ Virginis & aliorum confirmatorum existentium in via, qui sine dubio ratione confirmationis non prohibentur posse hæc vel illa bona facere vel non facere; apertè denotat, sensum illius maioris nò procedere de agente determinato ad vnum secundum numerum, sed solum de agente determinato ad vnum secundum genus. Si namque de prima determinatione procederet; reuera propositio talibus exemplis non falsificaretur; cum posset arguens dicere, se in maiori obijcere, de agente determinato ad vnum secundum numerum, & à respondente solum adferri instantiam de agentibus determinatis ad vnum secundum genus: ergo signum manifestum est illam maiorem argumenti non inniti alteri principio; quàm quòd agens determinatum ad vnum secundum genus, non est capax meriti: quod certè rectissimè soluit Argentinas, dicendo hoc falsum esse, & manifestè instari in Diua Virgine & alijs confirmatis viatoribus; illi namque ad vnum secundum genus, scilicet ad bonum sunt determinati; & tamen meriti capaces esse, ipse arguens negare non potest. Per quod postea descendit ad Christum, dicens sicut nos explicuimus, ipsum quoque

minimè ex illo capite debere argui tamquam meriti incapacem; quia, licet sit determinatus ad bonum secundum genus, ita vt in malum non possit; bona tamen in particulari facit voluntariè & liberè seu cum indifferencia ad non facere, non minus quam quilibet alius confirmatus in via existens.

Cui accedit, quòd etiam in minori argumenti subsumpsit Argentinas hoc modo: sed Christus in omni suo actu est ita determinatus ad bonum, quòd nullo suo actu potest facere malum. Vbi nota quòd nò dixit: quòd non potest omittere bonum; quæ est necessitas quoad exercitium; sed, quòd nullo suo actu potest facere malum, quæ est tantum necessitas specificationis. Ergo manifestè datur intelligi, quòd argumentum de sola necessitate specificationis procedebat, ac proinde soluès illud, dicendo, quòd talis necessitas seu determinatio, merito non repugnat; solum est meos illius, dicere, quòd non repugnat merito necessitas specificationis. Quod & nos vtraque manu amplectimur; si quidem posse malum facere, nec est libertas nec pars libertatis.

Et certè Argentinam alijs in locis clarissimè exigere ad libertatem, id quod communis sententia exigit; possum multis probare.

Primo: quia in Secundo, distinctione prima, questione secunda, ante articulum primum, obijcit sibi argumentum, ad probandū quòd Deus non potuerit liberè producere mundum ab æterno; sub hac forma. Non potens non producere non producit liberè, sed ex naturali necessitate. Sed si Deus mundum ab æterno produxisset, tunc non potuisset non producere, ergo non produxisset liberè. Patet maior, quia sicut illud quòd non potest non esse, necessè est esse; ita illud quòd non potest non producere, de necessitate naturæ producit.

cit & non liberè. Minorem probò. Quia stante illa hypothese quòd Deus mundum produxisset ab eterno; si dicitur potuisse non producere, illa possibilitas aut competebat ei, antequam produceret; aut cum actu fuit produciens, aut postquam produxit: non primo modo, quia tunc non produxisset ab eterno, cum eterno nihil sit prius. Nec secundo modo, quia sicut omne quòd est, quando est, necesse est esse; sic omne quòd producit, quando producit, necesse est producere. Nec tertio modo, quia hoc solo priuatur Deus in genita facere, quæ utique genita sunt, id est non præterita facere, quæ præterita sunt, ut patet sexto Ethicorum. Vbi aduertendum, quòd hoc ipsum argumentum nobis obiecit Iansenius suprà capite tertio, ad libertatis indifferentiam euertendam. Sed quid? Putasne quòd eodem conuincetur Thomas de Argentina; sicut Moder-nus noster conuictus fuit? Nihil mi-nus profecto. Respondet igitur in fine articuli quarti eiusdem quæstio-nis hoc modo: *Ad argumentum prin-cipale nego minorem. Ad probationem dico, quòd cum potentia rationales seu intellectuales sint ad oppositas; ideo Deus, cum agat per intellectum & voluntatē, in eodem instanti quo agit, potest non a-gere, non quòd possit agere & non agere simul coniunctim, sed disiunctim; quia potest hoc vel hoc: unde in illo priori na-tura, quo Deus præhabuisset effectum, antequam produxisset, præligere potuit alteram partem liberè, & secundum suam electionem producere vel non pro-ducere. En non solum supponit ad libertatem requiri indifferentiam, penes posse facere & non facere; sed & insuper ipsissimum argumentum Iansenij communi solutione soluit & dissoluit.*

Iterum in eodem Secundo, Distin-ctione vigesima quinta, articulo pri-mo probans, quòd voluntas utpote libera, si aliquo modo sui ipsius mo-

tiua; assumit hunc discursum. *Quia potentia purè passiuam non potest esse libe-ra, cum non habeat in sua potestate pati vel non pati, sed necessariò patitur ad præsentiam actiui; sed secundum Augu-stinum tertio de libero arbitrio, nihil tam in nostra potestate est, quàm nostra vo-luntas. Ergo voluntas cum sit libera, debet esse aliquo modo sui ipsius mo-tiua, & non purè passiuam. In quo di-scurfu rursus duo habet capitaliter sententiæ Iansenij inimica.*

Primum in maiori: nam probans potentiam purè passiuam non posse esse liberam, ex eo solum quòd non habeat in sua potestate pati vel non pati; euidenter supponit essenziale re-quisitum libertatis esse huiusmodi indifferentiam.

Secundum etiam in minori: nam subsumens ad illud propositum de indifferentia, istam propositionem Augustini, *nihil tam in nostra potestate est, quàm nostra voluntas; clarissimè denotat per illa verba Augustinum, nil aliud, quàm potestatem indiffe-rentem intellexisse; cum tamen Ian-senius in sensu longè dissimili illa in-terpretetur.*

NEC VALET obijcere doctri-nam, quam ibidem habet ad Quar-tum Henrici de Gàdaui contra Egi-dium. Quòd quamuis voluntas respec-tu ultimi finis non habeat libertatem contradictionis, sicut habet respectu eo-rum quæ sunt ad finem; habet tamen res-pectu ultimi finis libertatem compla-centiæ, cum necessitate immutabilitatis; quia quamuis finem non possit non velle, vult tamen ipsum non violenter, sed complacenter, & maximè voluntariè, & per consequens liberrimè. Vbi liber-tatem & quidem maximam adstruit cum necessitate quoad exercitium, seu absque potestate ad velle & non velle.

NON (INQVAM) VALET: nam in illa doctrina solum nobis op-
poul-

nentia, omnis increpabit. Ad formam igitur argumenti dicendum: quod desiderium beatitudinis est naturale secundo modo. Et ideo neganda est consequentia, actualis enim consideratio de beatitudine est causa aliquo modo sui desiderij. Et huiusmodi consideratio est in potestate ipsius hominis: posset enim homo alia considerare si vellet, & per consequens non habere actum elicatum circa hoc obiectum quod est beatitudo, quamvis naturaliter desideret eam, etiam actum elicto, supposito quod actualiter consideret eam. Et ideo bonus homo qui voluntarie sequestrat suam considerationem de alijs rebus & tota devotione considerat, qualis & quanta est beatitudo, quam nobis daturus est Deus, in desiderio beatitudinis multum potest mereri: quamvis supposita eius actuali consideratione, non possit ipsam non desiderare. En appetitissime, euidetissime, & clarissime confugit ad ostensionem indifferentiæ, vt meriti rationem seu libertatem meritoriam in illo desiderio indennem falsuet.

AD SECVNDVM autem non minori euidencia sed breuius. Ad secundum (inquit) patet per iam dicta, quia desiderium beatitudinis possumus vitare, quia possumus de ipsa non considerare. Nonne est hoc ipsum, commune nostram Philosophiam clarissima luce pandere, declarare & profiteri? Non ergo nobis mentem Thomæ de Argentina tamquam contrariam & dissonam obijciat Iansenius.

Ast quamvis hæc omnia ita sint, sufficienterque & veraciter constet doctorem hunc in nostra esse sententia; hoc tamen addere libet, quod etiam opinionem Iansenij non rejicit, sed potius vt probabilem iuxta aliorum placitum relinquit: In alia scilicet solutione, quam secundo loco ad primum argumentum subiunxit. Quæ sic habet. Etiam potest dici, quod consequentia non est vera loquendo de

tali desiderio naturali, quod non excludit omnem libertatem, sicut est in proposito. Quia desiderium beatitudinis, quamvis excludat libertatem contradictionis, tamen non excludit libertatem affectuosa complacentiæ, quæ fiat cum immutabilitatis necessitate. En qualiter in ista solutione expressissimis verbis opinionem Iansenij admittat, videlicet absque libertate etiam contradictionis stare meritum in illo actu, per solam libertatem complacentiæ, omni indifferentia sublata.

Nec quisquam obijciat, me hic arma contrarijs præbere, vtpote referendo & pandendo locum vsq; adeo ipsi fauorabilem; cuius tamen nec Iansenius, nec Vincencius, nec vllus aduersariorum meminit.

RESPONDEO, hoc veritatis & synceritatis amore à me fieri. Neque enim fraudulenter aut captiose agere volui, aut potui; licet alibi à contrarijs id ipsum factum fuerit circa locum quendam S. Thomæ, quem, suprà commemorauimus. Erat ibi gemina solutio, in quarum prima & principaliori nostram, in posteriori autem contrariorum doctrinam trahebatur: sed prima relicta, posteriorem tantum, vtpote sibi fauorabilem, contrarij recitarunt. Non sic ego: Duplicem solutionem in Thoma de Argentina inuenio, primam pro nobis, secundam pro ipsis; sed vtramque recito, vtramque pando, non fraudi, sed synceritati studens. Ex quo tamen nil lucri amplius, parti aduersæ accrescit, quam quod Doctor ille, semel doctrinam eorū tradidit, tamquam ex mente aliorum tunc temporis probabilem, sicut & alibi S. Thomam fecisse suprà demonstravi. Et sanè quod Argentinas in simili solutione non expresseit mentem propriam; sed potius placito aliorum deferre voluerit, hoc ex eo manifestum esse debet, tum quia non dixit,

Suprà
lib. 1. c.
14. sect.
3. & lib.
3. ca. 1.
sect. 1.

Vbi supra.

dixit, dicendum, sicut de prima solutione; sed; etiam potest dici, quod accommodationem alieno placito sonare videtur. Tum quia secundo argumento non nisi primam adhibuit, cum secundam quoque resumere potuisset. Tum denique, quia non nisi semel ipsam adhibuit, nostram autem variis in locis vel supposuit vel expressit.

C A P V T XVIII.

Soluitur Argumentum eiusdem, contra sectum ex autoritate Dionysij Carthusiani.

EX DIONYSIO CARTHUSIANO pauca profert, quamquam & ea non Dionysij, sed Alberti Magni sint.

Dicit ergo Dionysius ex Alberto duo.

PRIMUM, quod quatuor sunt status libertatis, seu liberi arbitrij in homine. *Primus ante peccatum, secundus sub peccato, tertius sub gratia, quartus in gloria: atque in omnibus his iudicio meo libertas à coactione, seu necessitate equaliter manet in homine propter libertatem voluntatis; quam si homo amitteret, peccatum eius non esset peccatum.*

Sed quis hoc neget? Minimè contra nos militat. Si namque libertatem à coactione homo amitteret, cum ea sit de essentia libertatis, licet sola ipsa ad actum liberum non sufficiat, utique essentiam libertatis perderet, non minùs quam homo deperderet ratione animalis: qua ergo via peccatum eius posset esse peccatum?

SECUNDVM: Si quis habeat plura deprimentia ad peccandum, & nihil eleuans contra ea; necesse est quòd deprimentia vincant & faciant eum labi deorsum. Ita est in libero arbitrio gratia eleuans non habente; sed propriam infirmitatem & culpam trahentem inferius: tamen non cadit, nisi electione propria voluntatis: non necessitate coactionis. Ideò dicit Gregorius, peccatum quod per penitentiam non deletur, pondere suo mox trahit ad aliud.

Quis & hoc neget, si legitimo sensu capiatur? Intentio Alberti est, quòd homo existens in peccato, necessitatem habet aliquando labendi in nouum peccatum; si gratia fannans, aut vires depressas eleuans, non adsit. Sed qualis quæso est ista necessitas? An ne quæ hominem absque vera potestate resistendi, compellat peccare? Minimè gentium. Tantum est necessitas non compellens sed inclinans, sicut habitus aut dispositio, cui tamen absolute resistere potest: sicut etiam supra sæpe declaratum est.

RESPONDEO igitur tam Albertum quam Carthusianum in nostra communi esse sententia.

Albertum quidem, tum propter dicta superius libro primo; tum quia (ut ipse Carthusianus in Secundo, Distinctione vigesima quarta, quæstione tertia in fine de eodem refert) quærit quodam in loco, quid sit liberum arbitrium secundum definitionem: & adferens definitiones nonnullas ex Augustino; Bernardo, & Anselmo, inter ceteras hanc adiungi, quam & asserit esse Beatissimi Petri Apostoli in itinerario Sancti Clementis, disputatione secunda contra Simonem Magum. *Liberum arbitrium est potestas sensus animæ, habens virtutem, qua se possit ad quos voluerit actus, inclinare.* Et postea declarans, subiungit; Omnes istæ definitiones sunt bona; sed prima, qua est Beati Petri, magis dicit substantiam liberi arbitrij: & quod ait secundum sensum animæ, in-

Suprà
cap. 7.
& 8.

Suprà
l. c. 3.

relegit de sensu spirituali, qui est apprehensio faciendi, vel non faciendi. En Episcopus ille Ratisponensis indifferentiā faciendi & non faciendi, non solum asserit ad substantiam, seu essentiam libertatis pertinere; sed & insuper ex mente Beatissimi Apostolorum Principis, hoc verum esse contendit.

Sed quid de extatico Doctore Carthusiano? Profecto tanta evidentia Philosophiam nostram pandit (vt nisi breuitati studerem) liberet integram quandam quæstionem ex eo huc transcribere. Licet nec ipsa breuitas rationi præponderare tantum possit aut debeat, quin principaliora saltem puncta recenscam. Quærit igitur in Primo, Distinctione prima, quæstione sexta. *An sine ultimo seu summo bono, voluntati creatae ostenso, possit ipsa voluntas ipso non frui?*

Videtur (inquit) quod imò. Quia voluntas ex sua natura liberrima virium animæ: ergo à quocumque obiecto sibi ostenso potest se liberè auertere.

SECUNDO: liberum est quod potest in vtrumque oppositorum, nec determinatum est ad vnum illorum: ergo voluntas potest se à fine sibi ostenso, tam liberè auertere, quàm liberè potest se ad illum conuertere.

TERTIO: natura & voluntas sunt principia opposita, vt Secundo dicitur Physicorum. Natura autem determinatur ad vnum, vt fertur ibidem; non ergo voluntas necessitatur ad alterum oppositorum; præsertim cum necessitas & libertas mutuò opponantur.

QUARTO: secundum Augustinum primo libro Retract. nihil tam est in potestate voluntatis, quàm ipsa voluntas, quod intelligendum est de voluntate quantum ad actum.

illius, non quoad eius naturam: potest ergo actum suum elicere & cohibere proposito sibi quocumque obiecto.

En in primis quatuor argumenta Carthusiani contententia voluntatem Beati in amore Dei clarè visū esse liberam; & hoc non alio stylo verborum, quàm supponendo id quod nostra Philosophia continuò inculcat; nimirum idem esse, voluntatem circa aliquod obiectum versari liberè, & versari circa illud cum potestate eliciendi actum, & actum cohibendi. Vnde & à sensu contrario pro eodem reputat, versari circa aliquod obiectum necessariò, seu cum determinatione ad alterum oppositorum, & non versari circa illud liberè, cum necessitas & libertas (inquit) mutuò opponantur.

Sed pergamus vterius ad quæstionis resolutionem. Refert itaque primo loco opinionem Scoti, asserentis voluntatem in Deum clarè visum nõ tendere actū necessariò, sed libero; ita vt in potestate eius sit, tali obiecto sic ostenso non frui. Deinde recitata sententia Sancti Doctoris Thomæ ex quinque eius locis, in quibus manifestè docet oppositum, nempe voluntatem tendere in Deum clarè visum, naturaliter, necessariò, & non liberè; finem discursui suo imponit hoc modo. *Hæc Thomas. Cuius dicta videntur solidioribus ac verioribus fundamentis inniti, quàm prædicta opinio Scoti. Sed & scripta Petri, Aegidij, & Richardi consonant Thomæ.* En sententiam Sancti Thomæ, nempe voluntatem Beati in amore beatifico non esse liberam, approbat vt solidiorem & veriore, nec non vt aliorum Authorum scriptis consonam.

Deinde referens aliam opinionem Henrici Gandauensis; qui dixit voluntatem ferri quidem necessariò in Deum clarè visum; sed simul cum hoc

hoc liberè: sic iterum subiungit. *Hæc Henricus: cuius positio videtur concordare cum Thoma in re, quamvis non omnino in verbis; nam dicit voluntatem ad finem ultimum liberè ferri; Thomas autem naturaliter & ex necessitate. Quod concordatur, si libertas illa coactionem tantùm excludat: sic enim Beati in Patria Deo glorioso & Sancto liberè perscruntur. Nempe non coarctè, sed maximè complacenter; & statim concludens. Itaque est tenendum (inquit) quòd voluntas naturaliter velit beatitudinem & ultimum finem seu bonum in generali, secundùm modum in verbis Thomæ expressum & itè quòd summo bono sibi clarè ostenso non possit non affici, sed mox de necessitate diligit illud. Et tandem; Hoc Sanctus Bernardus, Hugo de Sancto Victore & alij magni Patres senserunt. Imò (ut Sanctus ille Bernardus in libro de consideratione testatus est) aliqui in profundissima Dei misericordia ita praeveniuntur interdum, & rapiuntur in Deum, ut iam quasi sopita arbitrij libertate, non possint nò inflammari & absorberi in illo: sicque etiam quoad exercitiū celsus, quodammodo quadà necessitate mouentur à summo illo bono ad horam. Vbi duo notare libet.*

Primum, quòd non obstante diuersitate in nomine, inter sententiam Henrici & Sancti Thomæ; asserat nihil ominis Dionysius, tenendum esse secundùm modum in verbis Thomæ expressum; nimirum in illo actu libertatem non esse; licet concedi possit cum addito, si libertas illa coactionem tantum excludat. Quæ est ipsissima nostra doctrina, quam suprà libro secundo ex professo tradidimus. Imò & ex hoc cætera omnia dicta quorundam Antiquorum in concordiam reducuntur.

Secundum, quòd asserit id ipsū à Bernardo, Hugone de Sancto Victore, alijsque Magnis Patribus, sic fuisse iudicatum: nempe liberta-

tem voluntatis circa Deum clarè visum, quantum ad illum actum amoris sopiri & absorberi, quatenus non potest non continuò illo inflammari & accendi. Quod pariter nostra Philosophia iam toties inculcauit, utpote exigens ad veram libertatem actus, potestatem eliciendi & cohibendi.

Nonne ex his perspicuum esse debet cuilibet sine passione iudicanti, extaticum illum Carthusiæ Doctorem, non minùs pro communi esse sententia, quàm qucuilibet alium ex antiquis Doctoribus iam præminatum?

Ast inspiciamus amplius solutionem eius ad Tertium positū à principio, quod & argumentum est Iansenij (ut suprà vidimus) contententis propter oppositionem voluntatis & naturæ, nullum actum posse à voluntate elici naturalem; sed omnem debere elici liberè. Profecto hoc dissoluit Dionysius ipsissimus etiam verbis Sancti Thomæ, & nostris. *Ad tertium (inquit) quamvis voluntas & natura sint distincta causandi principia, quoniam aliter sunt quæ naturaliter, quàm quæ voluntariè producuntur: tamen in quodam conueniunt, præsertim quia & ipsa voluntas in aliqua fundatur natura (en verba Sancti Thomæ, Prima Secundæ, quæstione decima, articulo primo ad Primum) & quadam vis naturalis consistit: ideo modum naturæ aliquo modo participat, secundùm quòd proprietas causæ & prioris, à causato & posteriori participatur. Et immediatè concludens; hinc voluntas (inquit) circa summum bonum per modum naturæ mouetur. Enim, posterioribus ipsissima quoque verba nostra: cum multoties dixerimus, voluntatem in amore beatifico summi boni, non agere ex parte modi, modo sibi proprio seu prout ab alijs naturis in modo operandi*

Suprà
l. 3. c. 4.
scilicet. 2.
§. Ad-
regnam.
Ec li. 2.
ca. 5. §.
Ex di-
ctu.

Suprà
l. 1. c. 3.
per co-
sum.

differt, sed potius modo quodam determinationis ad vnum, in quo per modum naturæ cum alijs naturis conueniunt.

Hinc factum est, quòd in Secundo, Distinctione septima, quæstione secunda in fine, loquens iterum de Beatis, eandem nostram doctrinam tradiderit. *In Beatis (inquit) saluatur proprietas rationalis potestatis ac libertatis, in quantum possunt hoc facere & non facere, quamuis non possint in ista opposita bonum & malum. Et iterum. Voluntas Beatorum non sic determinatur ad vnum quin possit hoc facere & non facere, seu hoc aut illud peragere, nisi in actibus coniungentibus fini.* In quibus iterum duo facit, instituto nostro egregiè & præclare admodum continentia.

PRIMUM: saluando libertatem in Beatis, pro quanto possunt hoc facere & non facere: quod reuera est sentire, veram libertatem in ipsis non futuram, si huiusmodi indifferentiæ potestas vndequaue eis deesset.

SECUNDUM: gaudere Beatos libertate faciendi & non faciendi in omni actu, qui non coniungit eos fini; hoc est phrasi nostra, eos esse liberos, præterquam in actibus, qui habent necessariam connexionem cum Deo clarè viso, quales sunt omnes illi; quibus feruntur in attributa Diuina secundum se, seu prout important perfectiones Diuinas necessarias, sine respectu ad creaturas existentes: quòd supra nos fusè quoque tradidimus.

Accedat his omnibus id quod docet in Quarto, Distinctione quadragésima nona, quæstione prima, paragrapho *Præterea quæri potest.* Vbi disputans, an quis appetendo beatitudinem mereatur, distinguit expressè ex doctrina Sancti Thomæ, duplicem formalitatem seu respectum in

illo appetitu: vnum naturalem, secundum quem semper est rectus; alterum verò liberum seu rationalem, secundum quem potest sic vel sic elici, & non elici. Sub primo docet meritum non esse, bene autem sub secundo: quod iterum est constantissimè doctrinam nostram profiteri. Videatur etiam in Tertio, Distinctione decima octaua, quæstione prima, *An Christus potuit in hac vita mereri?* Vbi ex Alexandro de Hales, eandem doctrinam de potestate indifferentiæ, requisita ad rationem meritorie libertatis expressè refert & approbat.

C A P V T XIX.

Soluitur Argumentum eiusdem, confectum ex autoritate Marsilij de Inghen.

MARSILIUS (inquit Iansenius) etiam ex professo Doctrinæ Sancti Bernardi & Magistri insiluit.

RESPONDEO quòd indubiè Marsilius doctrinæ Sancti Bernardi & Magistri insiluit. Nego tamen quòd insiluit Doctrinæ Iansenianæ. Sed probat ipse quinque propositionibus Marsilij, quòd sic: puto tamen, quòd non solum impertinenter, sed & captiosè & fraudulentè.

Prima Propositio Marsilij (inquit) *Libertas voluntatis non attenditur penes hoc, quòd potest deficere siue peccare. Patet quia tunc Deus non esset libera voluntatis, quia vtique peccare non potest.*

Dico quòd hæc est extra rem ac proinde impertinens. Quis nostrum ponit libertatem in potentia peccandi, cum teste Damasceno, posse peccare nec sit libertas nec pars libertatis?

Secunda eiusdem . Nec libertas voluntatis attenditur penes hoc , quod omne quod potest velle , possit perficere .

Dico quod & hæc æquè est impertinens . Quis nostrum libertatem collocat in tali potestate ? Si verum hoc esset ; posset utique voluntas , facere impossibilia , cum utcumque ea velle possit .

Tertia . Nec libertas creata voluntatis attenditur penes hoc , quod non possit immobilitari in bonum vel in malum .

Dico esse quoque impertinentem . Audiuitne inquam Iansenita ex ore nostro , vel alibi in scriptis Thomistarum legit , immobilitationem siue in bono siue in malo , repugnare essentia libertatis ? Prohibet hoc Augustinus , prohibet Bernardus , Thomas , Bonauentura & reliqui Patres .

Quarta . Nec libertas (vt asserimus) in hoc consistit , quod ultimum finem Beatificum clare visum lege communi possit non velle .

Dico & hanc extra chorum esse . Imò & Scotus eam fatebitur ; licet aliàs ponat amorem illum ab intrinseco , & ex natura rei contingenter fieri .

Quinta tandem propositio . Videtur quod naturaliter libertas sit sua essentia . Hæc est prius posita in primo notabili secundi articuli . Et statim adiicit , quod non sit possibile , vt voluntate remanente Deus eius libertatem auferat , quia vt dictum est , voluntas est sua libertas .

Dico hanc non solum impertinenter adduci , sed & fraudulentè & captiose . Impertinenter quidem adducitur , quia contra nos non est , cum ingenuè fateamur , quod voluntas sit sua libertas & quod illa manente , nequeat hæc auferri , scilicet respectu omnis sui actus . Captiose verò & fraudulentè ; etiam patet ex ipso textu Marfilij : nam non habetur propositio illa vt recitat Iansenius , sed alio

modo ipsi capitaliter inimico . Quinta propositio (inquit Marfilius) videtur quod naturaliter libertas sit sua essentia . Hæc est prius posita in primo notabili secundi articuli . Et hoc in quantum nata est pro statu via liberè velle , id est præsentatum sub ratione boni , secluso ultimo fine , velle & non velle , & præsentatum sub ratione mali , nolle & non nolle , siue resutare & non resutare . Vide Lector , qualiter toto celo , hæc propositio sic relata , dislet à priori . Sed Iansenius posteriori hæc verba scienter subticuit , cum explicationem in eis conspiceret , priuato suo sensui ex diametro repugnantem . Si Marfilius vult , voluntatem esse suam libertatem ; profecto hoc non contendit de voluntate sub quacumque consideratione ; sed solum de ea in quantum est nata liberè velle , velle & non velle , nolle & non nolle . Quod utique est ipsissima nostræ Philosophiæ doctrina .

Hæc pro mente huius Doctoris sufficere poterant ; sed quia nullus Antiquorum (quem ego viderim) expressius aut efficacius libertatem indifferentiæ confirmat ; libet plura ex mente illius in medium proferre . Eamus ergo ad articulum secundum quem ipsemet in quinta propositione citat , & duas ibidem conclusiones tamquam duo tela ignea , ossa nervosque Iansenianos penetrantia , reperiemus .

Prima conclusio (inquit Marfilius) circa hoc ; An voluntas libera sit libertate oppositionis , id est contradictionis , vt paulò antè præmiserat . Quamuis voluntas hominis sit libera libertate oppositionis ; tamen nullum effectum vel actum potest , nisi virtute alterius agentis principaliter concurrentis & comprouducentis . Hæc conclusio duas habet partes . Sed secundam tamquam extra propositum relinquamus . Prima vero est , quod voluntas sit libera libertate

Marfil.
in 1. q.
16. art.
2. cōcl.
1.

bertate contradictionis: quam licet Iansenitæ dicant se non negare; probationes tamen Marsilij, euidenter illam ab ipsis negandam esse, demonstrabunt: vt & sic habeamus eos directissime mentem eius pugnare.

Prima igitur pars (inquit iterum, Marsilius) est Beati Augustini Tertio de libero arbitrio determinantis, quod voluntas non possit cogi, nec à superiori, nec ab inferiori, nec ab aequali: sed nec à Deo, nec ab alia voluntate, nec ab alia natura inferiori. Item est venerabilis Anselmi, secundo & quinto capite de libero arbitrio, determinantis, quod voluntas nulla re potest cogi. Item determinat Beatus Bernardus libro suo de libero arbitrio per totum fere. Ergo (subintellige) voluntas est libera libertate contradictionis. Quis hic non videat à Marsilio præcipuum fundamentum Iansenij, quod de libertate à coactione ex Sanctis Patribus toties inculcat, omnino euacuari? Patet assumptum. Nam faciendo hanc consequentiam, Voluntas secundum Sanctos Patres à nulla re potest cogi: ergo est libera libertate contradictionis; euidentissime supponit ipsos per remotionem coactionis, intellexisse remotionem necessitatis determinantis ad alterum oppositorum; & non (vt contendit Iansenius) remotionem solius violentiæ etiam cum illa determinatione compossibilem. Patet iterum consequentia: nam aliàs illegitimè concluderet; siquidem in amore Dei respectu sui ipsius, cum adsit remotio omnis violentiæ, & nihilominus desit omnis libertas contradictionis; daretur antecedens verum, & consequens falsum. Ergo dicendum est, vt legitimè concludat; antecedens facere hunc sensum: voluntas à nullo potest cogi, id est à nulla re potest necessitari, quin (citra Deum clarè visum) possit in hoc, & non in hoc. Ex hoc namque & ex nullo alio in-

fertur; ergo manet libera libertate contradictionis.

Secundò patet conclusio (prosequitur Marsilius) auctoritate Philosophi, loquentis in lumine naturali; Tertio Ethicorum dicentis, quod operationum domini sumus à principio vsque in finem, quod non est sine libertate voluntatis; intellige contradictionis, de qua loquitur. En rursus alterum fundamentum Iansenitarum funditus euacuum. Ipsi contendunt (vt supra vidimus) voluntatem verum habere dominium, etiam respectu actus quem elicit absq; vlla potestate contradictionis; cum tamen hic ex Philosopho supponat Marsilius, sine tali potestate dominium humanorum actuum non subsistere: quod non est (inquit) sine libertate contradictionis seu oppositionis.

Tertiò probatur conclusio (ait Marsilius) ex his quæ omnibus videntur; sic. Quod omnibus videtur, naturali ratione iudice, videtur verum: sed omnibus videtur, voluntatem esse liberam libertate oppositionis: igitur. Patet maior, quia omnes in idem tendere, signum est naturam hoc vi verum insinuare. Item quod sapientibus apparet, verum est. Patet minor, quia omnes reputant malis deberi penas pro delictis, & iustis præmia pro meritis: quod non posset esse verum, si non liberè libertate contradictionis, mali præter, iusti bene sua opera producerent. Sed ponit sibi objectionem; Dicitur quod etiam secundum naturam, debetur malis pena & bonis præmium, si nulla esset libertas contradictionis. Respondet? Istud non soluit, sed est fuga hareticorum, volentium quod omnia eneniunt ex necessitate. Et est dictum eorum verum de pena contraria & præmio contrario. Quia (vt dicit Philosophus Tertio Ethicorum) de necessariis nec laudamur, nec vituperamur, nec debetur pena, nec supplicium. Et quis puniret graue, eò quod tenderet deor-

Suprà
l. 2. c. 7.
§. Sed
ad om.
nia.

deorsum? Ita similiter, nullus sana mentis diceret alicui pœnam infligendam, pro eo quod omnimodè vitare non posset. En iterum principale quoddam asseritum Iansenitarum funditus enervatum, imò & damnatum. Ipsi contendunt (vt sæpè iam ostensum est) etiam si nulla libertas esset contradictionis, quod eadem subsistere posset meritum & demeritum in humanis actibus, ac proinde quod præmio digni essent, & pœna infligenda, quod tamen hic Marfilius constanter asserit esse fugam hæreticorum, imò & insanæ mentis indicium. Nullus sana mentis (inquit) diceret alicui pœnam infligendam pro eo quod omnimodè vitare non posset. Id est, pro eo quod faceret absque libertate contradictionis.

Quartò probatur conclusio (iterum sic Marfilius) experientia. Quia quilibet experitur, liberè se posse ire ad Ecclesiam & posse dimittere. Vnde Ioannis decimo nono dicit Pilatus Salvatori confitendo suam libertatem; nescis quia potestatem habeo dimittere te, & crucifigere te? Et si cuiquam Principi diceretur, quod possit hoc & non possit in eius oppositum: utique caperet indignanter: ergo naturali experientia omnes confitentur libertatem contradictionis in voluntate. Vbi autem tot occurrunt testimonia; velle contrarium asserere, videtur esse insaniam, plus quam sapientiam. Hic iterum insaniz redarguit, negantes libertatem contradictionis: quam licet Iansenitz de facto absolute & simpliciter negare non audeant, negare tamen coguntur in aliquibus casibus, vt sub efficacis gratiæ tractu, & etiam quando omnis gratia tam sufficiens, quam efficax deest propter solam culpam originalem, & nihilominus secundum ipsos homo peccat personaliter, in eo quod defectu talis gratiæ adimplere non potest. Hæc omnia & singula fusè de-

monstrata sunt supra libro secundo, capite decimo, vndecimo & duodecimo.

Sed dicamus iam alteram seu secundam conclusionem eiusdem Marfilij, quæ in textu ipsius est quarta.

Quarta conclusio (inquit) Libertas voluntatis pro statu viæ in hac principaliter videtur existere, quia positis causis sufficientibus ex parte obiecti & representationis ad ipsius acceptationem, voluntas potest ipsum non acceptare. Item positis illis sufficientibus ad obiecti refutationem, ipsum potest non refutare. En alterum telum igneum, falsitatis Iansenianæ medullas penetrans. Contendunt neutram libertatem siue viæ siue patriæ, principaliter consistere in vlla potestate indifferenti ad acceptandum & refutandum, siquidem asserunt similem potestatem solum esse accidens libertatis, essentiamque eius principaliter debere poni in quodam alio, nimirum in modo operandi ex ratione & aduertentia: at Marfilius apertè ponit libertatem saltem viæ in illa potestate indifferentiæ consistere essentialiter seu principaliter: ergo Iansenitis apertè contradicit.

Explico hoc. Essentia rei, quantum ad ea, in quibus consistit principaliter seu essentialiter, debet esse eadem in omni statu, cum essentiarum in eo quod essentia, sint inuariabiles: cum ergo Iansenitz sentiant libertatem consistere essentialiter seu principaliter in modo operandi cum ratione & aduertentia, & non in potestate illa indifferenti; necesse habent fateri, libertatem etiam in statu viæ essentialiter seu principaliter in eodem consistere: nempe in modo illo operandi cum ratione & aduertentia, & non in illa potestate indifferenti. At Marfilius in illa conclusione expresse ponit contrarium, siquidem asserit libertatem viæ principaliter

paliter seu essentialiter in potestate illa indifferenti consistere: ergo dogma Iansenitarum euertit & contundit.

Explico amplius. Libertas viz est illa pro qua tota Ecclesia cum hæreticis conflictatur: est illa præterquam à rectè sentientibus, nulla sufficiens ad meritum & demeritum iudicatur: est denique illa, de qua potissimum tota hæc nostra controuersia intelligi debet: at illam asserit Marsilius principaliter seu essentialiter consistere, in eo quòd positus omnibus requisitis sufficientibus ad agendum, possit voluntas non agere, quòd Iansenitæ totis viribus negant: ergo quid patrocinij possunt ipsi in Doctore isto rationabiliter prætere-
dere?

Vlterius in eodem Secundo, questione decima sexta, articulo quinto, obijcit Marsilius hanc rationem. *Voluntas post mortem non est libera: ergo potest cogi. Patet antecedens, quia in malis nequit in bonum, & in bonis post mortem nequit in malum. Quid putas, hic respondebitur? Audi quam ex Diametro contra Iansenitas. Ad quartam (inquit) negetur antecedens, quia post mortem essentialiter est libera, sicut nunc. En expressè sermonem, de libertate essentiali. Et deinde respondens ad probationem, immediate subiungit hanc in nullo alio consistere, quam in potestate indifferenti. Item (inquit) licet mali Angeli, non possint velle bene vel meritorie, tamen respectu horum que malè volunt, idem possunt velle & non velle. Et eodem modo in bonis. Vnde boni Angeli, quoad determinationem Diuine voluntatis nescimus, sæpè contraria volunt. Sic enim Princeps Persarum resistit Angelo Indæorum viginti vno diebus, ut habetur Danielis decimo: & exponit Beatus Hieronymus de bonis Angelis custodia Provinciarum per Deum deputa-*

tis. Et ideo licet non possint malè velle, tamen respectu horum que volunt, idem possunt velle & nolle. Nonne hoc iterum est, libertatem essentialem etiam in Angelis in eo collocare, quòd absolute possint idem velle & non velle, licet in sensu composito, determinatione scilicet Diuine voluntatis cognita & stante, boni Angeli in oppositum non possint potentia consequente, sicut nos suprà declarauimus?

Idem dixerat in eodem Secundo, questione quinta, articulo tertio, respondens rationibus factis contra quesitum, vbi primo loco hanc posuerat. *In demonibus est liberum arbitrium: ergo non immobiliter adherent malo. Et ultra: ergo possunt auerti à malo, & conuertere se ad bonum & ex consequenti ad gratiam. Tenet consequentia prima, eo quòd immobiliter adherere malo, repugnat libertati arbitrij. Ad quam rationem profecto eodem modo respondet, sicut nos responderemus: videlicet immobilitatem in malo secundum genus, non repugnare libertati arbitrij, quia cum illa stat, indifferentia quoad hoc vel illud malum in particulari. Audi verba & credes. Ad primum (inquit) concesso antecedenti, negatur consequentia. Ad probationem dicitur, quòd cum libertate arbitrij post statum via, stat immobilis adhesio ad malum: eo quòd in eligibilibus ad finem malum, liberè se habet. Non enim necessitatur Diaboli voluntas ad tentandum hominem, sed liberè hoc facit; hoc est cum potestate faciendi & non faciendi. Vnde ad quartam rationem ibidem subiungit quòd voluntas Angeli est domina suorum actuum, quos eligit in malum, sic quòd potest in eos & non in eos.*

NEC VALET OBIICERE, quòd Marsilius in Primo, questione decima, articulo tertio expressè docet, Patrem genuisse Filium libera-

volun-

Suprà

C. 12.

voluntate, quem tamen constat non potuisse non generare. Ac proinde ad libertatem non requirit indifferentiam.

NON (INQVAM) VALET: nam ipse expressè apponit modum alterius libertatis (de qua nos non disputamus) dicens, quod *Pater genuit Filium voluntate libera, libertate complacentie*. Quod autem ipse nobiscum sentiat, libertatem illam complacentiæ, non esse ex se sufficientem ad meritum; in eius scriptis evidens est: tum quia (vt in locis citatis iam vidimus) exigit ad meritum & demeritum, ad præmium & supplicium, libertatem oppositionis seu contradictionis. Tum etiam quia in Secundo, quæstione vigesima secunda, articulo secundo, postquam docuerat (sicut & nos supra) actum necessariæ complacentiæ circa Deum clarè visum, esse nobiliorem actu illo, in quo voluntas exercet libertatem oppositionis; statim subiungit, *quia istud* (nempe libertas oppositionis) *est in felicitate meritoria, qua non completè satiat*. Quasi euidenter supponens libertatē oppositionis spectare ad felicitatem meritoriam, ac proinde hanc sine ista non saluari. Quare concludo Marsiliū insistere quidem doctrinæ Sancti Bernardi & Magistri, non tamen conformiter ad sensum priuatū Iansenij, sed ad communem nostrum.

- 5177

CAPVT XX.

Soluitur Argumentum eiusdem, confectum ex auctoritate Gabrielis.

Iansen. To. 3. l. 6. c. 33. **E**X GABRIELE adfert Iansenius pro sua opinione duo.

PRIMUM: quia docet actum beatificum, esse posse meritorium, si ad

hoc solum à Deo acceptetur. Imò soluens obiectionem contra hoc; Nam de ratione actus beatifici est quòd sit necessarius, de ratione meriti quòd sit contingens: ergo actus beatificus non potest esse meritorius. Expressè respondet, *Negetur, quòd actus beatitudinis sit simpliciter necessarius: quia siue sit à Deo immediatè (vt ipse tenet cum nominalibus) siue elicitus à voluntate (vt communiter tenent Theologi cum Diuo Thoma) est liberè elicitus & ita contingens*.

Nescio quid Iansenio in mentem venerit, quando hunc locum nobis obiecit. Quid mirum quòd Gabriel doceat actum beatificum posse esse meritorium ex Diuina acceptatione; si expressis terminis in solutione obiectionis fatetur, illum non esse necessarium, sed liberum & contingens, sicut nos ad meritum requirimus? Reuera alieno, quem hic accipit, ense, se præbet iugulandum Iansenius.

Sed alterum, quòd adducit, molestius apparet. Inquit enim idem Gabriel ibidem, in Tertio scilicet, distinctione decima octaua, articulo tertio, ad secundum, in secunda solutione, (quam iterum formalitatem subicit Iansenius, cum tamen notanda sit) quòd in anima Christi fuit tantum vnus actus fruitionis Dei & hic à Deo creatus & beatificus: qui nihilominus in Christo fuit meritorius; nam voluntas (inquit) per hunc actum creatum liberè complacenter tendit in obiectum beatificum, licet non liberè contradictoriè: & hac libertas sufficit ad rationem meriti.

Hic inquam locus molestior apparet, imò & nonnullis Theologis adeo euidens, vt Gabrielem pro Ianseniano placito apertè citent. De horum numero est sapientissimus meus Magister Aranio, vltra viginti quatuor annos Primariæ Iectionis Theologiæ in Vniuersitate Salmantinae modera-

Aranio in quibus causis contro-
uer-
n: 214
1. disq.
3. 6. Le
prima.

ritoriam libertatem non esse nisi penes potestatem agendi & non agendi?

SED SECVNDVS locus adhuc est expressior, in Secundo distinctione vigesima quinta, quæstione vnica articulo primo: vbi postquam præmiserat, quòd aliter de libero arbitrio locuti sunt Philosophi, aliter doctores Theologi & Sancti: quia Philosophi non nisi vno modo sumpleunt liberum arbitrium, scilicet prout dicit principium indifferens ad vtrumque oppositorum, vt ad facere & non facere, Theologi autem quandoque sumunt largissimè vt distinguitur contra coactionem, quandoque strictius vt opponitur scruituti, tam culpæ quam miserix: postquam (inquam) hanc diuersitatem præmiserat; tandem de Theologis & Sanctis concludit, quod ab ipsis etiam libertas accipitur concorditer cum Philosophis prout opponitur necessitati non tantum coactionis sed etiam immutabilitatis. Hæc dicitur libertas contingentis. Sic accipitur quando est principium meriti & demeriti. Nam per hæc quæ vitare non possumus, nec meremur nec demeremur. En id quod toties in toto hoc opere inculco; nempe veram & naturalem libertatem quam Philosophi cognouere, & ratione cuius Theologi & Sancti Doctores agnoscunt nos esse capaces meriti & demeriti, non esse aliam, quàm libertatem contingentem ad vtrumlibet.

VNDE TERTIVS locus in eodem secundo, distinctione vigesima octaua quæstione vnica, articulo secundo conclusione secunda est his omnibus omnino conformis. Vt probet ibidem liberum arbitrium ex suis naturalibus sine dono gratiæ posse quodlibet peccatum mortale nouum cauere; assumit clarissimè hoc dilemma. Circa quodlibet agibile volun-

tas aut est libera aut non; si primum: potest in vtrumque oppositorum & ita agere vel non agere, & per consequens illud oppositorum quod peccatum est, cauere. Si non est libera; etiam peccare non potest, in eo quod non est in sua potestate, secundum beatum Augustinum tertio de libero arbitrio dicentem, quòd peccatum est ita voluntarium, quod si non esset voluntarium, non esset peccatum. En tria omnino communi nostræ Philosophiæ conformia. Primum; si voluntas est libera; ergo potest in vtrumque oppositorum; scilicet agere vel non agere. En requisitam indifferenciam ad rationem libertatis. Secundum; si peccatum cauere non potest, ergo non peccat. En requisitam libertatem indifferencix ad demeritum. Tertium; quia teste Augustino, peccatum debet esse voluntarium. En usurpatam voluntarium, pro eo quod potest voluntas facere & non facere. Per quod innumeris textus Iansenitarum corrunt. Vt supra etiam ad mentem Scoti ex eodem auctore notari.

Solum igitur restat, satisfacere loco nobis obiecto. Pro cuius intelligentia scire oportet. Quod in sententia Gabrielis, licet ad meritum plura de facto requirantur, puta quod sit liberè elicited libertate indifferencix, & secundum inclinationem gratiæ, & per hoc condignum præmio, & acceptum à Deo liberaliter ad huiusmodi præmium tamen iuxta mentem eius illud vitium est principale in ratione meriti: quo solo existente (inquit ipse) sine alijs actus est meritorius & persona digna præmio: & non existente, licet sit actus liberè elicited & secundum inclinationem charitatis, & gratiæ, non est meritum neque condignitas. Sic expressè docet in Primo, Distinctione decima septima, quæstione tertia, articulo tertio, dubio primo in notabili.

Supra
c. 14. m.
fin. 6
Tertium

Ex quo inferit primo ibidem, quod nullus actus quantumcumque liberè elicitus, etiam cum quocumque dono creato, siue gratia, siue charitate, est essentialiter meritorius; sed ex sola liberali acceptatione Diuina, & ita præcisè ex sola gratia increata. Quod autem de facto gratia creata requiratur, sicut & libertas, hoc est ex ordinatione mera voluntatis Diuinæ, quæ de lege communi decreuit nullum sine talibus conditionibus ad præmium acceptare.

Inferit secundo ibidem, quod ideo meritum est magis meritum, quia est à Deo magis acceptum, quam quia est in potestate nostra, aut liberè elicitum.

Inferit tertio, in Tertio, Distinctione decima octaua, quæstione vnica, articulo primo; notabili Quinto, quod actum beatificum esse meritorium, nullam includit contradictionem, neque in Christo, neque in Angelis, neque in cæteris Beatis. Patet hoc; quia actum beatificum potest Deus acceptare tamquam dignum retributione alicuius boni, ipsi Beato si indiget & capax fuerit, vel alteri. Nil enim repugantiæ (inquit) hic inueniri potest. Verum superaddit, quod de facto nullus Beatus actu suo beatifico meretur; cuius nulla ratio assignari potest, nisi libera voluntas Dei.

Inferit quarto ibidem, articulo secundo, conclusione secunda & quarta, quod Christus actu suo beatifico de facto meruit, sicut & alijs omnibus suis actibus tam elicitis, quam imperatis. Quod & sic probat, quia Christus in omnibus summè perfectus, nullum habuit actum inordinatum neque indifferenter; sed in omnibus suis actibus à sua voluntate elicitis & imperatis ordinatissimè tenuit punctuale medium virtutis, eosque per charitatē ordinauit in vltimum

finem, & fuit in statu viæ, qui est status meriti. Ergo omnibus illis meruit. Tenet consequentia (inquit) quia nil ultra ad meritum requiritur. Illa enim quæ dicta sunt, sufficiunt cum Diuina acceptatione, quæ ibi semper adfuit.

Sed iam ad rem nostram. Contra hoc quod dixerat de merito actus beatifici in Christo, obijcit sibi articulo tertio sic. Nam actus beatificus habet oppositas conditiones ad meritum. Ergo nequit esse meritorius. Probat antecedens. Nam de ratione actus beatifici est, quod sit necessarius seu perpetuus; de ratione verò meriti, quod sit contingens, cum debeat procedere ex libertate voluntatis; omne autem tale est contingens: quia libertas voluntatis est contingens ad vtrumlibet, quæ contingencia repugnat necessitati, seu perpetuitati.

Ad quod respondet verbis, quæ Iansenius primo loco adducit, & sic habent. Negetur quod actus beatificus sit simpliciter necessarius; quia siue sit à Deo, immediate, siue elicitus à voluntate, est liberè elicitus & ita contingens. Est tamen immutabilis & perpetuus, contingenter & non necessario, quia à Diuina voluntate perpetuò conseruatur. Quibus verbis, quis non videat Gabrielem, ponere libertatem contingentiam, vt meritum in illo actu saluet? Vnde (vt supra in principio monui) nescio quid Iansenio in mentem venerit, dum hunc locum nobis obijcit.

Deinde obijcit sibi secundo: quia actus beatificus est à solo Deo, cum sit præmium; & de ratione præmij in sententia Gabrielis est; quod nullo modo sit elicitus à voluntate; sed meritum debet esse à voluntate eliciente, vel imperante, vt iam deducit actum est (inquit) ergo huiusmodi actus nequit esse meritorius.

Sic habet argumentum, ad quod
Cc respon-

respondet per verba illa, quæ Iansenius adducit secundo loco. Sed (quod ipse subtrahit) verba illa non sunt nisi secunda quædam solutio. Et in prima expressissimè sateatur communem sententiam. Accipe textum integrum. *Ad secundum* (inquit) *quod actus beatificus est à solo Deo dicitur vno modo* (en primam solutionem) *admissio quod actus beatificus qui est præmium est immediate à Deo. Et ille non est meritorius* (quia scilicet non est à voluntate elicited) *sed cum illo est alius actus fructus à voluntate elicited eiusdem obiecti beatifici, & ille est meritorius & de illo intelligenda sunt conclusiones.* Qua solutione dico Gabrielem docere expressè communem sententiam: Quod ut sincerè & veraciter percipiatur, recolenda est doctrina quam tradiderat in Secundo, distinctione septima, questione vnica articulo secundo, conclusione quarta, vbi sic statuit. *Quantum voluntas Angeli tam confirmati quam obstinati quantum ad omnem actum à se elicited sit libera libertate indifferens ad vtrumlibet bonum tamen ad omnem actum quem recipit immediate à solo Deo. Probatur, quia respectu cuiuslibet actus elicited habet se contingenter, quia potest elicere vel non elicere. Non autem ad actum à solo Deo causatum. Illum enim non potest non recipere neque per eum receptum non tendere in obiectum.* Ex quo patet quod confirmatio & obstinatio tollit libertatem arbitrij indifferentem, quantum ad actum à Deo immediate causatos; non autem quantum ad alios à voluntate elicitedos. Unde quantum ad actum beatificum boni non sunt liberi, & neque mali quantum ad actum in quo essentialius consistit miseria. In quo loco Gabriel clarissimè docet, omnè actum elicitedum progredientem à voluntate Beati, esse liberam libertate indifferentem, secus verò illum respectu cuius voluntas se habet merè passivè,

per receptionem à solo Deo, qualis in sententia ipsius est actus beatificus qui est præmium. Vnde quando in solutione tradita distinguit duplicem actum beatificum in beato; vnum, qui est præmium ac proinde à solo Deo, cui meriti rationem denegat, & alterum, qui præmium non est, sed elicitedum provenit à voluntate Beati cui meriti rationem tribuit; quando (inquam) sic distinguit; euidenter confugit pro saluanda ratione meriti ad libertatem indifferentem, sicut nostra communis docet sententia. Hæc ergo est prima eius solutio.

Ex quo patet, quid postea sibi velit in secunda solutione, dum vnum tantum actum beatificum Christi admittit à Deo causatum, huncque nihilominus meritorium, propter solam libertatem complacentiæ, seclusa etiam indifferentia contradictionis.

Patet (inquam) quid per huiusmodi sibi velit. Dicendum namque est, non ex eo communem nostram sententiam reprobasse, quam potius primo loco amplectitur; sed solum, voluisse ostendere, quod etiam alia via poterat argumentum probabiliter solui, ut alijs videbatur. Quod certè quàm parum authoritatis opinionioni Iansenianæ conciliet, arbitrio lectoris relinquo; utpote cum ex omnibus antiquis hucusque recensitis, solos duos viderimus tali opinioni subscribere, nimirum hunc Gabrielem & Thomam de Argentina: quorum vterque tamen, primo semper loco communem sententiam fuit amplectatus.

His omnibus addere libet, principia Gabrielis esse longè diuersa à principijs Iansenitarum: imple namque (ut ex præmissis patet) ponit rationem meriti in actu confurgere ex sola extrinseca acceptione Dinini: vnde, non nimirum, quemlibet actum quatuor

tumvis necessarium, posse in eius opinione meriti rationem obtinere, si Deo eundem acceptare placuerit. At vero Iansenitæ nobiscum fatentur, meritum in actibus etiam consurgere ex intrinseca proportionem ipsorum operum: qua ergo ratione possunt legitime sustinere, opus ab intrinseco necessarium, de se esse ad meritum sufficienter proportionatum? Certe Gabriel licet a communi sententia in secunda illa solutione recedat, consequentius tamen loquitur; Iansenitæ autem, & ab illa recedunt, & omnino loquuntur inconsequenter.

Tandem Gabriel in illa solutione loquitur secundum legem non communem, sed extraordinariam; quam in solo Christo Deus pro sua libera voluntate stabilire & servare voluit: unde & ibidem dubio quarto dixit: *Et sic non est de actibus caterarum Beatorum. cuius ratio non est nisi Divina voluntas. Quid ergo subsidij potest ex ipso habere Iansenius, qui etiam talem libertatem complacentiæ, vult de lege communi, & ex ipsa sua natura esse ad meritum sufficientem?*

universo, querens utrum omnia eueniant de necessitate, & sit libertas in nobis; nullam adfert probationem, quæ non continuo potestatem indifferentiæ redoleat.

QVODAM IN LOCO sic loquentem inuenio. *Manifestum igitur est tibi, quoniam nec voluntas, nec res voluntaria subsunt alicui necessitati, sed nostre voluntati vel alienæ vel partim. Et qua de causa? Nos enim (inquit) vel patiendo, vel etiam adiuvando impedire possumus voluntates nostras, &c. En voluntarietatem (quam libertatem reputat) probatam per hoc quod possumus illam ab hoc vel illo opere impedire.*

R V R S V S nonnullis interiectis, *non est liberum natura (inquit) non facere quod naturaliter facit, nec est ei potestas aut libertas, neque electio super facere & non facere: quare modus operationis natura nullo modorum congruit Creatori, ad extra nempe, sicut ibi loquitur, En qualiter nobiscum distinguat modum operandi naturæ a modo operandi per libertatem, penes hoc quod alter habeat potestatem faciendi, & non faciendi, alter verò non.*

ET ITERVM, discurrens ibidem de substantijs intelligentibus, in casu quo non agerent per electionem seu voluntatem; *nec bene agere nec malè possent (inquit) nec peccare, nec aliquid eis imputandum esset ad meritum, vel ad culpam, ad laudem vel vituperium. Propter hoc enim nec bene nec malè agere posse, nec culpabiliter aut laudabiliter quicquam facere posse dicuntur, quoniam non est potestas super facere & non facere. Nihil addo, quia perspicuitati, qua sensum suum explicuit, nihil penè addi potest.*

SED DICAMVS ad ea, quæ ex eodem nobis objicit Iansenius. Multa quidem agglomerat, & proluxa satis. Attamen via compedij est hæc.

C c 2 PRI-

C A P V T XXI.

Solutur Argumentum eiusdem, confectum ex auctoritate Guilielmi Parisiensis.

AST iam per amicum ad manus defertur Guilielmus Parisiensis, qui penes me non erat. Et hunc ergo, qua potui diligentia, in materia libertatis perlegi; sed revera non nisi communis sectator est sententiæ. Illam explicat, tradit, defendit, ubicumque de ea disputat.

ET IN PRIMIS prima parte de

PRIMO: quia libro de Pœnitentia docet homines non trahi ad operandum nisi voluntate, & se non desistere ab omnibus operibus nisi voluntate. Non quæres igitur extra te ipsum, an tibi iuris & tuæ voluntatis sis, an tibi subditus sit tuæ voluntatis consensus, ut in illud quod te stimulat, ipsum declinare possis si velis, aut ab eodem auertere si velis. Nil aliud (inquit Iansenius) ad libertatem arbitrij postulat, quam vt aliquid nostra voluntate fieri possit.

Sup. li.
3. c. 4.
lect. 1.

RESPONDEO sicut supra dixi ad loca Sanctorum Patrum, quod loquitur de voluntate vt voluntas est formaliter. Secundum quod idem Parisiensis dixit in prima parte de vniuerso. Est intentio mea hæc in hoc sermone, de voluntate qua aliquis veraciter dicit volo. Illa autem est imperatiua, qua qui vult aliquid fieri, imperat. En qualiter fateatur se loqui de voluntate formaliter, & quidem imperatiua: quam certè constat indifferentem esse ad vtrumlibet, vt supra etiam ex Diuo Thoma demonstrauimus. Præterquam quod in ipsius verbis obiectis ipsam indifferentiam videre est. Inquit enim, subditum esse voluntati consensum, non qualitercumque, sed ita, vt in illud quod te stimulat, possis ipsum conuertere, vel auertere si velis. Quis nisi cæcus, hic indifferentiam expressam non videat?

Supra
l. 1. c. 7.

SECUNDO DICIT tractatu de virtutibus, quod liberum est volenti & voluntati ipsum velle super quodcumque volitum cadat. Non enim potest ad illud cogi aut trahi inuitus vt diximus.

RESPONDEO iterum quod loquitur de velle voluntatis vt voluntas est formaliter. Vnde ly quodcumque non distribuit pro quocumque; volito absolute; sed distributione accommodata pro quocumque; volito à voluntate vt

voluntas est. Ita vt sensus sit, velle voluntatis vt voluntas est, super quodcumque suum volitum cadat, est liberum, quia nequis contra situm inelinationem indifferente cogi aut trahi ad alteram oppositorum determinaret. Quæ verissima sunt & nostra Philosophiz omnino consentanea.

TERTIO DICIT tractatu de vitijs & peccatis. Quod à quocumque principio sit opus voluntarium, dummodo voluntarium sit, id est volitum quocumque trium modorum quos diximus, id est affectatum, vel toleratum, vel neglectum, semper imputandum est voluntati & agenti per voluntatem.

RESPONDEO quod & in hoc verum asserit, nam quidquid nobis est voluntarium voluntate vt voluntas est, iustissime nobis imputatur: cum voluntati vt voluntas est, seu vt à natura distinguitur (teke eodem Parisiensi vbi supra) insit potestas super facere & non facere.

NEC VALET obijcere id quod immediatè subiungit. Nec sequitur, si non potest aliud agere vel etiam velle, quod propter hoc excusatus sit, qui nec vult aliud posse vel agere nec aliud velle. Quibus verbis videtur libertatem componere cum impotentia ad oppositum.

NON INQVAM HOC VALET, nam manifestè loquitur de impotentia contracta ex suppositione mea libere & antea indifferentis voluntatis. Quod ex præmissis ibidè patet præmiserat enim hanc quæstionem, vtrum quis teneatur non peccare, in instanti quo actu peccat. Et respondet quod tenetur. Obijcientque sibi contra hoc, quia tunc non potest facere aliud liberam arbitrium nec illud vitare quod agit; soluit hoc modo. Respondeo quod ideo non potest, quia nec vult, nec potest etiam velle tunc contrarium, quia nec vult tunc contrarium: & ideo remanet inexcusatum à culpa quod facit. Tam

ergo declarauimus hūc errorem & oſtendimus cauſam erroris iſtius, videlicet neceſſitatem & impoſſibilitatem malē & culpabiliter procuratam. Et poſtea iſtius iſta peccantis impoſſibile ſibi fecit, quod erat ſibi poſſibile. En apertiffimē ſermonem de impotentia ex ſuppoſitione libertatis voluntariē contracta, ſeu procurata, quæ tamen ante contradictionem poterat in hoc & non in hoc.

C A P V T XXII.

Soluitur Argumentum eiſdem, conſectum ex autoritate Nicolai de Orbellis, Stephani Brulleſer, & Petri Capulleij.

Ianſen.
To. 3. l.
6 c. 13.

EX NICOLAO DE ORBELLIS adfert Ianſenius hunc textum. Dicitur liberum arbitrium ſimpliciter, non quod velit hoc, vt poſſit velle oppoſitum, ſed quia omne quod vult, appetit ad ſui ipſius imperium, quia ſic vult aliquid, vt velit ſe velle illud, & ideo in actu volendi ſe ipſum mouet & ſibi dominatur, & pro tanto dicitur liberum, quamuis immutabiliter ordine- tur ad illud.

RESPONDEO Nicolaum de Orbellis, vtpote Ordinis Minorum de obſeruantia, hunc textum ſumpſiſſe de verbo ad verbum ex Seraphico Doctore Bonauentura: vnde ſicut eundem ſuprà circa mentem Sancti huius Doctōris expendimus, ita hic repetere neceſſe non eſt.

EX STEPHANO BRULLEFER adducit hunc. *Actus liberi arbitrij de- liberantis, quamuis poſſit eſſe circa neceſſarium, ſemper eſt contingens. Actus verò liberi arbitrij, vt liberum eſt, non ſolum poteſt eſſe circa neceſſarium, ſed etiam neceſſarius in ſe.*

Suprà
ca. 15. §.
Ad 2.

RESPONDEO eodem modo. Stephanus Brulleſer fuit pariter Ordinis Seraphici, & ſumpſit textum illum de verbo ad verbum ex Sancto Bonauentura, quem etiam ſuprà expendimus & ſoluimus.

Suprà
c. 15. §.
Sed iam
mibi.

EX PETRO CAPVLLIO. *Quædam ſunt ordinata ad finem beatitudinis, qua ipſi vltimo fini beatitudinis coniunguntur, vt videre & amare. Et reſpectu horum eſt ſempiterna & libera electio. Alia autem ſunt imperfecta, eo quod ab vltimo fine diſtant, vt Fides & Spes: & hæc excluduntur, nec eſt ſempiterna electio reſpectu horum.*

RESPONDEO hunc textum haberi in Sancto noſtro Præceptore Thoma Aquinate: vnde ſi Thomiſticè explicare libuerit: vide quæ ſuprà circa eundem tradidimus. Tamen quia Capulleius Ordinis fuit Seraphici: explica potius Scoticè: quod videlicet vocat electionem illam amoris beatifici, liberam libertate à coactione, ſeu libertate complacentiæ, minimè verò libertate de ſe ſufficienti ad meritum & demeritum. Eſt ſolutio quam adhibet Gabriel, vt ſuprà etiam declarauimus.

Suprà
l. 1. c. 1.
ſect. 6.

Suprà
l. 5. c. 14.
§. 2.
vbi amē,
& c. 15.
§. Reſpō-
dio ex ap-
ſt.

C A P V T XXIII.

Soluitur Argumentum eiſdem, conſectum ex autoritate Richardi de Media Villa.

VARIA ETIAM adducit ex Richardo de Media Villa. Sed ea omnia iam ſufficienter explicauimus in ſuo ſimili, quandoquidem conſtet, quid cæteri Scholaſtici per locutiones huiusmodi intellexerint.

Ne tamen omnino Richardum negligere videar, hunc articulum ipsius libet huc transcribere, ex quo manifestum erit, ipsum veram & meritariam libertatem sine indifferentia non admittere :

QVÆRIT ITAQVE in Quarto, Distinctione quadragesima nona, articulo secundo, quæstione quinta. *Utrum voluntas in appetendo beatitudinem mereatur.*

Videtur quod non (inquit) secundum Philosophum Secundo Ethicorum capite sexto, ex his quæ insunt nobis à natura, non laudamur, nec vituperamur, nec sumus boni, nec mali: sed voluntas naturaliter appetit beatitudinem ergo ex hoc appetitu non debet laudari: quod non esset verum si tali appetitu mereretur: omne enim meritum laudabile est.

Item Augustinus (prosequitur) libro primo retractationum, capite nono. *Peccati reum teneri quemquam, quia non fecit, quod facere non potuit, summa iniquitatis & insania est: ergo nullus peccat in hoc quod facit de necessitate: ergo à simili nec meretur. Sed ostensum est quod voluntas de necessitate appetit beatitudinem. Ergo.*

En duo in primis argumenta, procedentia ex communi nostræ Philosophiæ principio, nempe ad meritariam & demeritoriam libertatem, exigi potestatem indifferentiæ, quæ cum in appetitu beatitudinis deservideatur; non videtur quoque in illo ullum vel meritum vel demeritum subsistere.

Sed iam (inquit) contra. In appetendo beatitudinem, Deum appetimus; sed in appetendo Deum est meritum: ergo appetendo beatitudinem meremur.

Item voluntarij actus boni maxime sunt meritorij propter finem; sed secundum Philosophum primo posteriorum, propter quod unumquodque tale & il-

lud magis: ergo maxime meritorium est velle finem.

En alia duo argumenta, conantia meritum in illo appetitu probare, defectu indifferentiæ non obstante. Sed iam audi resolutionem.

Respondeo (inquit) quod hominem appetere beatitudinem contingit dupliciter. Uno modo in generali, in quantum appetit aliquod bonum sufficientissimum, alio modo in speciali, in quantum determinatè appetit illud bonum in speciali, in quo verè est omnis sufficientiæ plenitudo: sicut in clara Dei visione, & perfectæ eius fruitione. In appetendo beatitudinem primo modo, non est meritum: quia sic naturaliter ab intellectu cognoscitur, & à voluntate appetitur: ita quod circa hoc nec intellectus potest errare in cognoscendo, nec voluntas in appetendo. (En negatam rationem meriti sub illa formalitate, quæ appetitus ille est naturalis & non indifferens) In appetendo beatitudinem modo secundo, est meritum: quia sic nec naturaliter cognoscitur, nec naturaliter appetitur: sed respectu eius contingit esse errorem in intellectu & obliquitatem in affectu: quia & intellectus potest opinari non esse beatitudinem in illo bono, ubi verè est; & eam esse in illo bono, ubi verè non est: & ex consequenti voluntas potest appetere beatitudinem ubi verè non est, & eam non appetere, ubi verè est. Unde beatitudo hoc modo accepta, obiectum est liberi arbitrij, non tantum sub ratione, quæ est liberum, sed etiam sub ratione, quæ deliberativum. En affirmatam rationem meriti in illo appetitu sub illa formalitate, quæ indifferens. Imo quod caput est, videtur ad rationem meriti exigere indifferentiam arbitrij: prout est verè & propriè deliberativum: quam tamen indifferentiam nos non requirimus.

Et tandem articulum concludens, subiungit responsionem ad argumentum

mentum hoc modo. Argumenta ad partem primam, procedunt de beatitudine primo modo dicta. Quasi apertis verbis diceret; concedo quod in appetitu beatitudinis in generali non meremur, quia nempe prout sic appetitus ille non est indifferens, sed potius naturalis & ad vnum determinatus. Nego tamen quod non mereamur in appetitu beatitudinis in speciali; quia ille vice versa indifferens est, & minimè determinatus. Hoc cortè est respondere eodem prorsus modo; quo supra Sanctum Thomam respondentem vidimus, cum simile sibi argumentum obijceret.

CAPVT XXIV.

Soluitur Argumentum eiusdem, quo epilogicè profert consensum antiquorum Scholasticorum & Scriptorum vsque ad Augustinum.

QVONDAM AVGVSTINVS contra Iulianum, qui & multitudinem Scriptorum in suam vocauerat sententiam, hoc protulit iudicium. Connocesti etiam in auxilium Turbam philosophorum, quasi susceptæ tuæ si non possunt pecorum solertia naturales, saltem doctorum hominum opitulentur errores. Sed quis non videat doctrinæ tuæ quasisse iactantiam in commemorandis nominibus doctorum hominum scilicetque diuersis, quando perspicit quicumque ista tua legiti, ad questionem quæ inter nos vertitur, hæc nullatenus pertinere? Quis enim audiat quod abs te commemorantur Thales Milesius vnus è septem sapientibus, deinde Anaximader, Anaximenes, Anaxagoras, Xenophanes Parmenides, Leucippus, Democritus, Empedocles, Heraclitus, Melissus, Plato,

Pythagorei, vnusquisque cum proprio dogmate suo de naturalibus rebus? Quis inquam hæc audiat, & non ipso nominum scissurarumque conglobatarum strepitu terreatur, si est ineruditus, qualis est hominum multitudo, & existimet te aliquem magnum, qui hæc scire potueris? Ecce quod appetis, quandoquidem in his omnibus, abs te coacervatum commemoratis, quod ad rem, quæ inter nos agitur, nihil omnino dixisti.

Hæc magnus ille Augustinus contra Iulianum; sed hæc eadem & ego, proportionè tamen seruata, contra Iansenitas. Conuocarunt, (vt in præcedentibus habitum est) in auxilium turbam antiquorum Scholasticorum, quasi susceptæ suæ privæ opinionioni, si non possent sufficienter Theologicarum pondera rationum, saltem Doctorum hominum opitulerentur sermones. Sed quis non videat ipsos doctrinæ quasisse iactantiam in commemorandis nominibus doctorum hominum, quando perspicit, quicumque ista nostra legit, nihil prorsus ad questionem quæ inter nos vertitur, tantam multitudinem pertinere? Quis enim audiat quod ab ipsis commemorantur, Petrus Capuleius Episcopus Conuersanus, & Stephanus Brullefer, & Nicolaus de Orbellis, & ante Nicolaum, Gabriel Biel, & ante Gabrielem, Marsilius ab Inghen, & ante Marsilium, Thomas de Argentina, & ante Thomam Argentinensem, subtilissimus Doctor Scotus, & ante Scotum, Henricus à Gandauo, & Richardus de Media Villa, & ante Richardum Sanctus Bonaventura & Sanctus Thomas Aquinas, & ante Sanctos Thomam & Bonaventuram Alexander de Ales præceptor virisque, & ante Alexandrum, Guilielmus Parisiensis Episcopus, & ante Guilielmum, alius Episcopus Parisiensis Petrus Lombardus Magister Sententiarum, & ante Petrum Lombardum, Richardus de Sancto Victore, & acate par

Sic refert Iansen. tom. 3. l. 4. c. 28.

moderator, nunc verò Dei gratia labores remunerante, Episcopus Segouienfis. Citat Doctor ille Gabrielem propter locum commemoratum, pro opinione afferente ad rationem meriti sufficere solam libertatem à coactione absque ulla potius indifferentia; sed (quod Ianseniani notent) citat pro eadem & Caluinum. Vnde siue villo scrupulo possem & ipsis Gabrielem dare, absque eo profectò quòd magni quid exinde euincerent. Quis namque, qualisue inter Theologos Gabriel, et dictum ipsius fidem faciat opinioni, tam enormiter à communi Theologorum sensu dissonanti? Et ne singula commemorare; nonne nominalis iste (sicut & reliqui) plures habet in rebus Theologicis opiniones falsas, periculosas, temerarias & errori proximas, à quibus & ipsos Iansenitas dissentire omnino est necesse? Ne singula (inquam) commemorem, accipiamus id solum, quod loco citato Gabriel tenet, nimirum adum beatificum esse à solo Deo; anima tantum passivè seu receptivè se habente. Hoc certè (ut videre est apud Curiel & Ioannem Hdephousum) prædictis censuris subiacet, ne dicam à fide esse alienum. Hunc igitur virum ipsis dare possem, absque eo quòd authoritatis aliquid inde conciliarent; scio namque (ut alibi Sanctus Thomas de quodam Magistro Guilielmo) cum non fuisset tanta auctoritas, ut eius dicto standum sit in tanta re. Quia tamen quilibet dicere contendo, sicut verisimilius res habere conspiciuntur; saluo meliori, nec ipse Gabriel mihi videtur Iansenij sententia simpliciter & omnibus modis fauere. Fidem facient sequentia.

PRIMO: quia in Primo, distinctione prima, questione sexta, in fine ex Doctore Holkot loquitur &

approbat hanc doctrinam. Sic ergo quantum ad quid rei istius termini, libertas voluntatis, dicit Holkot quod est ipsa voluntas. Quantum vero ad quid nominis huius termini libertas, secundum quod modo videtur eo, & secundum quod Philosophus videbatur; libertas est potestas quedam, qua voluntas omnibus concurrentibus requisitis ad suum effectum, habet quòd possit cum eis congere & ponere actum suum ad effectum seu non ponere, sicut ei placuerit; & hoc vocatur libertas contradictionis. Vbi nota sermonem esse de libertate, secundum quod lumine naturali Philosophus illam novit, ac proinde loquitur de ea de qua nos disputamus, quam lumen naturæ dicit voluntati humanæ inesse, prout à cæteris animalibus differt: hanc aptem asserit in nullo alio consistere, quam in potestate illa faciendi & non faciendi actum sicut ei placuerit. Quæ etiam de causa (ut supra vidimus) idem Gabriel factus fuit, quòd primus modus dicendi, quo nempe dicitur non produci à voluntate liberè, quidquid ab ea non potest non produci, est magis conformis communibus terminorum acceptionibus. Indicans in hoc, reliquas omnes acceptiones libertatis, si quæ aliæ à doctoribus distinguuntur, ut libertas à miseria, à culpa, à sola coactione; esse minime genuinam illam & naturalem libertatem arbitrij, quæ nobis ratione naturali innotescit, & pro cuius defensione Ecclesia Catholica sub efficacis gratia tractu contra hæreticos dimicat.

FACIT AD IDEM, id quod in eadem Distinctione, questione secunda, conclusionis quarta præmiserat. Erat ibi conclusio. Quòd actus fructus beatificus, non est à voluntate actiue, sed respectu eius se habet voluntas passivè. Hanc autem probat hoc discursus. Cum voluntas sit omnino libera,

Curiel
12. tra.
de bea
titu q.
4. § 5.
11. Eph.
12. q. 3.
art. 2.
dist. 4.
10. 291.

Opusc.
12. c. 4.

Supra
ca. 14. §.
Quam
tamen.

bera, & liberè ac contingenter agat, posset se facere non beatam, cessando ab actu beatifico, si esset in eius potestate actus beatificus. Non enim potest necessitari respectu cuiuscumque, licet fortè quidam sentiant oppositum. Qui discursus, licet hoc falsum contineat, quod voluntas nullum obiectum possit velle de necessitate; hoc tamen aperte, tamquam verum ex mente Authoris supponit, nempe si libera est voluntas, quod eo ipso possit actum utcumque ponere & cohibere. Quod rectè est communem de libertate sententiam tradere.

TERTIO (quod caput est) non solum illam tradit; sed insuper ab obiectionibus Iansenitarum eandem vindicat. Ipsi namque (ut iam sæpe diximus) ad probandum libertatem voluntatis, etiam subsistere respectu necessariorum, quæ aliter se habere non possunt, obijciunt nobis tum Augustinum, tum Anselmum, in eo quod dixerint liberiores esse voluntatem, quæ non potest servare peccato, aut a rectitudine declinare. Quod profecto idem expressis terminis sibi obijcit Gabriel in Primo, Distinctione decima, articulo tertio; & easdem solutiones adhibet, quas & nos adhibuimus. Solutio (inquit) est quod Augustinus ibi loquitur de libertate opposita servienti peccati & miseria, quia ibidem paulò ante dicit, *liberius eris arbitrium, quod omnino non poteris servare peccato*. Aliter potest dici, *liberior est voluntas confirmata in bono, non respectu illorum actuum, ad quos necessariò determinatur, sed respectu aliorum actuum*. Nam voluntas non potens peccare, est liberior non ad non peccandum, sed ad actus bonos, quia minus impedita per servitutem peccati. Et paucis interiectis concludens. Non ergo intendunt Sancti (inquit) quod voluntas respectu illius actus, ad quem necessariò se habet, liberè operetur, sed

quod voluntas Beati sit libera simpliciter, & liberior quàm prius: ex eo quia minus potest nunc impediri in executione multorum actuum à causis extrinsecis, quàm in via propter illam confirmationem in bono. En duplicem solutionem, & ipsissimam quidem, quam nos supra cum Divo Thoma expendimus.

QUARTO in eodem art. tertio iam citato sic querit Gabriel, *Utrum libertas voluntatis repugnet necessitati?* En nostram questionem. Et respondet, *libertas est nomen connotativum vel conceptus supponens pro voluntate, connotando aliquid posse fieri contingenter ab eadem*. Et sic libertas repugnat essentiali divinæ respectu sui ipsius. Nec enim est falsa voluntas Divina vult se contingenter vel essentiali suam: convenit ergo libertas rei perfectæ, non in ordine ad quidemque, sed in ordine ad id quod contingenter se habet, & non necessariò. Quid clariùs? Est ea ipsa doctrina, quam supra ex Magistro Sententiarum pro communi sententia adduximus.

Sed non minus evidenter docet, etiam libertatem indifferentiæ requiri ad rationem meriti. Tres loci hoc mihi faciunt omnino manifestum.

Primus habetur in primo, distinctione decima septima questione secunda, ubi hoc discursu vritur ad probandum, quod propter habitum nullus actus sit meritorius de se. Quia nihil (inquit) est meritorium, nisi quia in nostra potestate est, hoc est, quia liberè & voluntariè elicatum aut imperatum: sed esse in nostra potestate ad agendum vel non agendum, non est ab habitu, cum habitus sit causa naturalis: ergo ratio meriti quantum est ex parte nostra principaliter consistit penes voluntatem quæ est de se libera ad agendum & non agendum, & non penes habitum. Nonne hoc est clarissimè supponere, merito.

Supra
c. u. §.
Primo ai-
cendo, &
tertiò po-
tèst dici.

Supra
c. 11 §.
2. prope
fines.

ritoriam libertatem non esse nisi penes potestatem agendi & non agendi?

SED SECVNDVS locus adhuc est expressior, in Secundo distinctione vigesima quinta, quaestione vnica articulo primo: vbi postquam præmiserat, quòd aliter de libero arbitrio locuti sunt Philosophi, aliter doctores Theologi & Sancti: quia Philosophi non nisi vno modo sumpserunt liberum arbitrium, scilicet prout dicit principium indifferens ad vtrumque oppositorum, vt ad facere & non facere, Theologi autem quandoque sumunt largissimè vt distinguitur contra coactionem, quandoque strictius vt opponitur scrutanti, tam culpæ quam miseriz: postquam (inquam) hanc diuersitatem præmiserat; tandem de Theologis & Sanctis concludit, quod ab ipsis etiam libertas accipitur concorditer cum Philosophis prout opponitur necessitati non tantum coactionis sed etiam immutabilitatis. Hæc dicitur libertas contingentia. Sic accipitur quando est principium meriti & demeriti. Nam per hæc quæ vitare non possumus, nec meremur nec demeremur. En id quod toties in toto hoc opere inculco; nempe veram & naturalem libertatem quam Philosophi cognouere, & ratione cuius Theologi & Sancti Doctores agnoscunt nos esse capaces meriti & demeriti, non esse aliam, quàm libertatem contingentem ad vtrumlibet.

VNDE TERTIVS locus in eodem secundo, distinctione vigesima octaua quaestione vnica, articulo secundo conclusionem secundam est his omnibus omnino conformis. Vt probet ibidem liberum arbitrium ex suis naturalibus sine dono gratiæ posse, quodlibet peccatum mortale nouum cauere; assumit clarissimè hoc dilemma. Circa quodlibet agibile volun-

tas aut est libera aut non; si primum: potest in vtrumque oppositorum & ita agere vel non agere, & per consequens illud oppositorum quod peccatum est, cauere. Si non est libera; etiam peccare non potest, in eo quod non est in sua potestate, secundum beatum Augustinum tertio de libero arbitrio dicentem, quòd peccatum est ita voluntarium, quod si non esset voluntarium, non esset peccatum. En tria omnino communi nostræ Philosophiæ conformia. Primum; si voluntas est libera, ergo potest in vtrumque oppositorum; scilicet agere vel non agere. En requisitam indifferenciam ad rationem libertatis. Secundum; si peccatum cauere non potest, ergo non peccat. En requisitam libertatem indifferenciam ad demeritum. Tertium; quia teste Augustino, peccatum debet esse voluntarium. En usurpatum voluntarium, pro eo quod potest voluntas facere & non facere. Per quod ianueri textus Iansenitarum corrunt. Vt supra etiam ad mentem Scoti ex eodem autore notauimus.

Solum igitur restat, satisfacere loco nobis obiecto. Pro cuius intelligentia scire oportet. Quod in sententia Gabrielis, licet ad meritum plura de facto requirantur, puta quod sit liberè elicited libertate indifferenciz, & secundum inclinationem gratiæ, & per hoc condignum præmio, & acceptum à Deo liberaliter ad huiusmodi præmium tamen iuxta mentem eius illud vltimum est principale in ratione meriti: quo solo existente (inquit ipse) sine alijs actus est meritorius & persona digna præmio: & non existente, licet sit actus liberè elicited & secundum inclinationem charitatis, & gratiæ, non est meritum neque condignitas. Sic expressè docet in Primo, Distinctione decima septima, quaestione tertia, articulo tertio, dubio primo in notabili.

Supra
c. 14. in
fin. 6
Tertius

Ex quo inferit primò ibidem, quòd nullus actus quantumcumq; liberè elicitus, etiam cum quòcumque dono creato, siue gratia, siue charitate, est essentialiter meritorius; sed ex sola liberali acceptatione Diuina, & ita praeisè ex sola gratia increata. Quod autem de facto gratia creata requiratur, sicut & libertas, hoc est ex ordinatione mera voluntatis Diuinae, quae de lege communi decreuit nullum sine talibus conditionibus ad praeium acceptare.

Inferit secundo ibidem, quòd ideo meritum est magis meritum, quia est à Deo magis acceptum, quam quia est in potestate nostra, aut liberè elicitum.

Inferit tertio, in Tertio, Distinctione decima octaua, quaestione vnica, articulo primo, notabili Quinto, quòd actum beatificum esse meritorium, nullam includit contradictionem, neque in Christo, neque in Angelis, neque in ceteris Beatis. Patet hoc; quia actum beatificum potest Deus acceptare tamquam dignum retributione alicuius boni, ipsi Beato si indiget & capax fuerit, vel alteri. Nil enim repugnantiae (inquit) hic inueniri potest. Verùm superaddit, quòd de facto nullus Beatus actu suo beatifico meretur; cuius nulla ratio assignari potest, nisi libera voluntas Dei;

Inferit quartò ibidem, articulo secundo, conclusionem secundam & quartam, quòd Christus actu suo beatifico de facto meruit, sicut & alij omnibus suis actibus tam elicitis, quam imperatis. Quod & sic probat, quia Christus in omnibus summè perfectus, nullum habuit actum inordinatum neq; indifferenter: sed in omnibus suis actibus à sua voluntate elicitis & imperatis ordinatissimè tenuit punctuale medium virtutis, eosque per charitatē ordinauit in vltimum

finem, & fuit in statu viae, qui est status merici. Ergo omnibus illis meruit. Tenet consequentia (inquit) quia nil ultra ad meritum requiritur. Illa enim quae dicta sunt, sufficiunt cum Diuina acceptatione, quae ibi semper adfuit.

Sed iam ad rem nostram. Contra hoc quod dixerat de merito actus beatifici in Christo, obijcit sibi articulo tertio sic. Nam actus beatificus habet oppositas condiciones ad meritum. Ergo nequit esse meritorium. Probat antecedens. Nam de ratione actus beatifici est, quòd sit necessarius seu perpetuus: de ratione verò meriti, quòd sit contingens, cum debeat procedere ex libertate voluntatis; omne autem tale est contingens: quia libertas voluntatis est contingens ad vtrumlibet, quae contingentia repugnat necessitati, seu perpetuitati.

Ad quod respondet verbis, quae Iansenius primo loco adducit, & sic habent. Negetur quòd actus beatificus sit simpliciter necessarius; quia siue sit à Deo, immediate, siue elicitus à voluntate, est liberè elicitus & ita contingens. Est tamen immutabilis & perpetuus, contingenter & non necessariò, quia à Diuina voluntate perpetuò conseruatur. Quibus verbis, quis non videat Gabrielem, ponere libertatem contingentiae, vt meritum in illo actu saluet? Vnde (vt supra in principio monui) nescio quid Iansenio in mentem venerit, dum hunc locum vobis obijcit.

Deinde obijcit sibi secundo: quia actus beatificus est à solo Deo, cum sit praeium: & de ratione praeij in sententia Gabrielis est; quòd nullo modo sit elicitus à voluntate; sed meritum debet esse à voluntate eliciente, vel imperante, vt iam deductum est (inquit) ergo huiusmodi actus nequit esse meritorium.

Sic habet argumentum, ad quod

Cc respon-

respondet per verba illa, quæ Iansenius adducit secundo loco. Sed (quod ipse subicit) verba illa non sunt nisi secunda quædam solutio. Et in prima expressissimè fatetur communem sententiam. Accipe textum integrum. *Ad secundum* (inquit) *quod actus beatificus est à solo Deo dicitur vno modo* (en primam solutionem) *admissio quod actus beatificus qui est præmium est immediate à Deo. Et ille non est meritorius* (quia scilicet non est à voluntate elicitus) *sed cum illo est alius actus fructuarius à voluntate elicitus eiusdem obiecti beatifici, & ille est meritorius & de illo intelligenda sunt conclusiones.* Qua solutione dico Gabrielem docere expresse communem sententiam. Quod ut sincerè & veraciter percipiatur, recolenda est doctrina quam tradiderat in Secundo, distinctione septima, quæstione vnica articulo secundo, conclusione quarta, ubi sic statuit. *Quamuis voluntas Angeli tam confirmati quam obstinati quantum ad omnem actum à se elicium sit libera libertate indifferenti ad vtrumlibet non tamen ad omnem actum quem recipit immediate à solo Deo. Probatur, quia respectu cuiuslibet actus elicitus habet se contingenter, quia potest elicere vel non elicere. Non autem ad actum à solo Deo causatum. Illum enim non potest non recipere neque per eum receptum non tendere in obiectum.* Ex quo patet quod confirmatio & obstinatio tollit libertatem arbitrij indifferentem, quantum ad actus à Deo immediate causatos, non autem quantum ad alios à voluntate eliciendos. Pnde quantum ad actum beatificum boni non sunt liberi, & neque mali quantum ad actum in quo essentialiter consistit miseria. In quo loco Gabriel clarissimè docet, omnè actum elicitiuè progredientem à voluntate Beati, esse liberam libertate indifferentiæ, secus verò illum respectu cuius voluntas se habet merè passiue,

per receptionem à solo Deo, qualis in sententia ipsius est actus beatificus qui est præmium. Vnde quando in solutione tradita distinguit duplicem actum beatificum in beato; vnum qui est præmium ac proinde à solo Deo, cui meriti rationem denegar, & alterum, qui præmium non est, sed elicitiuè provenit à voluntate beati cui meriti rationem tribuit; quando (inquam) sic distinguit; euidenter confugit pro saluanda ratione meriti ad libertatem indifferentiæ, sicut nostra communis docet sententia. Hæc ergo est prima eius solutio.

Ex quo patet, quid postea sibi velit in secunda solutione, dum vnum tantum actum beatificum Christi admittit à Deo causatum, huncque nihilominus meritorium, propter solam libertatem complacentiæ, seclusa etiam indifferentiæ contradictionis.

Patet (inquam) quid per huiusmodi sibi velit. Dicendum namque est, non ex eo communem nostram sententiam reprobasse, quam potius primo loco amplectitur; sed solum voluisse ostendere, quod etiam alia via poterat argumentum probabiliter solui, ut alijs videbatur. Quod certè quàm parum auctoritatis opinionioni Iansenianæ conciliet, arbitrio lectoris relinquo: utpote cum ex omnibus antiquis hucusque recensitis, solos duos viderimus tali opinioni subscribere, nimirum hunc Gabrielem & Thomam de Argentina: quorum vterque tamen, primo semper loco communem sententiam fuit amplectatus.

His omnibus addere libet, principia Gabrielis esse longè diuersa à principijs Iansenitarum: ipse namque (ut ex præmissis patet) ponit rationem meriti in actu consurgere ex sola extrinseca acceptione Diuinæ: vnde non niuum, quemlibet actum quantumuis

tumuis necessarium, posse in eius opinione meriti rationem obtinere, si Deo eundem acceptare placuerit. At verò Iansenius nobiscum fatetur, meritum in actibus, etiam consurgere ex intrinseca proportionem ipsorum operum: qua ergo ratione possunt legitime sustinere, opus ab intrinseco necessarium, de secesso ad meritum sufficienter proportionatum? Certè Gabriel licet à communi sententia in secunda illa solutione recedat, consequentius tamen loquitur: Iansenius autem, & ab illa recedunt, & omnis loquuntur inconsequenter.

Tandem Gabriel in illa solutione loquitur secundum legem non communem, sed extraordinariam; quam in solo Christo Deus pro sua libera voluntate stabilire & seruare voluit: unde & ibidem dubio quarto dixit: Et sic non est de actibus caterorum Beatorum. cuius ratio non est nisi Divina voluntas. Quid ergo subsidij potest ex ipso habere Iansenius, qui etiam talem libertatem complacentiæ, vult de lege communi, & ex ipsa sua natura esse ad meritum sufficientem?

CAPVT XXI.

Solutur Argumentum eiusdem, confectum ex auctoritate Guilielmi Parisiensis.

AS TIAM per amicum ad manus defertur Guilielmus Parisiensis qui penes me non erat. Et hunc ergo qua potui diligentia, in materia libertatis perlegi; sed reuera non nisi communis sectator est sententiæ. Illam explicat, trãdit, defendit, vbi-cumque de ea disputat.

ET IN PRIMIS prima parte de

vniverso, quærens vtrum omnia eueniant de necessitate, & sit libertas in nobis; nullam adfert probationem, quæ non continuo potestatem indifferentiæ redoleat.

QVODAM IN LOCO sic loquentem inuenio. *Manifestum igitur est tibi, quoniam nec voluntas, nec res voluntarie subsunt alicui necessitati, sed nostræ voluntati vel alienæ vel partim. Ex qua de causa? Nos enim (inquit) vel patiendo, vel etiam adiuvando impedire possumus voluntates nostras, &c. En voluntarietatem (quam libertatem reputat) probatam per hoc quòd possumus illam ab hoc vel illo opere impedire.*

R V R S V S nonnullis interiectis, *non est liberum natura (inquit) non facere quod naturaliter facit, nec est ei potestas aut libertas, neque electio super facere & non facere: quare modus operationis natura nullo modorum congruit Creatori, ad extra nempe, sicut ibi loquitur. En qualiter nobiscum distinguat modum operandi naturæ à modo operandi per libertatem, penes hoc quòd alter habeat potestatem faciendi; & non faciendi, alter verò non.*

ET ITERVM, discurrens ibidem de substantijs intelligentibus, in casu quo non agerent per electionem seu voluntatem; *nec bene agere nec malè possent (inquit) nec peccare, nec aliquid eis imputandum esset ad meritum, vel ad culpam, ad laudem vel vituperium. Propter hoc enim nec bene nec malè agere posse, nec culpabiliter aut laudabiliter quicquam facere posse dicuntur, quoniam non est potestas super facere & non facere. Nihil addo, quia perspicuitati, qua sensum suum explicuit, nihil penè addi potest.*

SED DICAMVS ad ea, quæ ex eodem nobis objicit Iansenius. Multa quidem agglomerat, & proluxa satis. Attamen via compedij est hæc.

PRIMO: quia libro de Pœnitentia docet homines non trahi ad operandum nisi voluntate, & se non desistere ab omnibus operibus nisi voluntate. Non quæres igitur extra te ipsum, an tibi iuris & tuæ voluntatis sis; an tibi subditus sit tuæ voluntatis consensus; ut in illud quod te stimulat, ipsum declinare possis si velis, aut ab eodem auertere si velis. Nil aliud (Inquit Iansenius) ad libertatem arbitrij postulat, quam ut aliquid nostra voluntate fieri possit.

Sup. li.
3. c. 4.
sect. 1.

RESPONDEO sicut suprà dixi ad loca Sanctorum Patrum, quod loquitur de voluntate ut voluntas est formaliter. Secundum quod idem Parisiensis dixit in primâ parte de vniuerso. Est intentio mea hæc in hoc sermone, de voluntate quâ aliquis veraciter dicit volo. Illa autem est imperatiua, quæ qui vult aliquid fieri, imperat. En qualiter fateatur se loqui de voluntate formaliter, & quidem imperatiua: quam certè constat indifferentem esse ad vtrumlibet, ut suprà etiam ex Diuo Thoma demonstrauimus. Præterquam quod in ipsius verbis oblectus ipsam indifferentiam videre est. Inquit enim, subditum esse voluntati consensum, non qualitercumque, sed ita, ut in illud quod te stimulat, possis ipsum conuertere, vel auertere si velis. Quis nisi cæcus, hic indifferentiam expressam non videat?

Suprà
l. 2. c. 7.

SECUNDO DICIT tractatu de virtutibus, quod liberum est volenti & voluntati ipsum velle super quodcumque volitum cadat. Non enim potest ad illud cogi aut trahi inuitus ut diximus.

RESPONDEO iterum quod loquitur de velle voluntatis ut voluntas est formaliter. Vnde ly quodcumque non distribuit pro quocumque; volito absolute; sed distributione accommodata pro quocumque; volito à voluntate ut

voluntas est. Ita ut sensus sit, velle voluntatis ut voluntas est, super quodcumque; suum volitum cadat, est liberum, quia nequit contra suam inclinationem indifferente cogi aut trahi ad alteram oppositorum determinationem. Quæ verissima sunt & nostræ Philosophiæ omnino consentanea.

TERTIO DICIT tractatu de vitijs & peccatis. Quod à quocumque principio sit opus voluntarium, dummodo voluntarium sit, id est volitum quocumque; trium modorum quos diximus, id est affectatum, vel toleratum, vel neglectum, semper imputandum est voluntati & agenti per voluntatem.

RESPONDEO quod & in hoc verum asserit, nam quidquid nobis est voluntarium voluntate ut voluntas est, iustissime nobis imputatur: cum voluntati ut voluntas est, seu vtrâ natura distinguatur (testis eodem Parisiensis vbi suprà) insus potestas super facere & non facere.

NEC VALET obijcere id quod immediatè subiungit. Nec sequitur, si non potest aliud agere vel etiam velle, quod propter hoc excusatus fuit, qui nec vult aliud posse vel agere nec aliud velle. Quibus verbis videtur libertatem componere cum impotentia ad oppositum.

NON (INQVAM) HOC VALET, nam manifestè loquitur de impotentia contracta ex suppositione mee libertatis & antea indifferentis voluntatis. Quod ex præmissis illæ patet præmisserat enim hanc quæstionem, vtrum quis teneatur non peccare, in instanti quo actu peccat. Et respondet quod tenetur. Obijciensque sibi e contra, hoc, quia tunc non potest facere aliud liberum arbitrium nec illud vitare quod agit; soluit hoc modo. Respondeo quod ideo non potest, quia nec vult, nec potest etiam velle tunc contrarium, quia nec vult tunc contrarium: & ideo remanet inexcusatum à culpa quod facit. Tam

ergo declarauimus hunc errorem & ostendimus causam erroris istius, videlicet necessitatem & impossibilitatem male & culpabiliter procuratam. Et postea: stultitia peccantis impossibile sibi fecit, quod erat sibi possibile. En apertissime sermonem de impotentia ex suppositione libertatis voluntariè contracta, seu procurata, quæ tamen ante contradictionem poterat in hoc & non in hoc.

C A P V T XXII.

Soluitur Argumentum eiusdem, confectum ex autoritate Nicolai de Orbellis, Stephani Brullefer, & Petri Capulleij.

Iansen.
To. 3. l.
6. c. 31.

EX NICOLAO DE ORBELLIS adfert Iansenius hunc textum. Dicitur liberum arbitrium simpliciter, non quod velit hoc, vt possit velle oppositum, sed quia omne quod vult, appetit ad sui ipsius imperium, quia sic vult aliquid, vt velit se velle illud, & ideo in actu volendi se ipsum mouet & sibi dominatur, & pro tanto dicitur liberum, quamuis immutabiliter ordinatur ad illud.

RESPONDEO Nicolaum de Orbellis, utpote Ordinis Minorum de obseruantia, hunc textum sumpsisse de verbo ad verbum ex Seraphico Doctore Bonauentura: vnde sicut eundem suprà circa mentem Sancti huius Doctoris expendimus, ita hic repetere necesse non est.

EX STEPHANO BRULLEFER adducit hunc. *Actus liberi arbitrij deliberantis, quamuis possit esse circa necessarium, semper est contingens. Actus vero liberi arbitrij, vt liberum est, non solum potest esse circa necessarium, sed etiam necessarius in se.*

Suprà
ca. 15. §.
Ad 2.

RESPONDEO eodem modo. Stephanus Brullefer fuit pariter Ordinis Seraphici, & sumpsit textum illum de verbo ad verbum ex Sancto Bonauentura, quem etiam suprà expendimus & soluimus.

Suprà
C. 15. §.
Sed iam
mibi.

EX PETRO CAPVILLEIO. *Quadam sunt ordinata ad finem beatitudinis, qua ipsi vltimo fini beatitudinis coniunguntur, vt videre & amare. Et respectu horum est sempiterna & libera electio. Alia autem sunt imperfecta, eo quod ab vltimo fine distant, vt Fides & Spes: & hæc excluduntur, nec est sempiterna electio respectu horum.*

RESPONDEO hunc textum haberi in Sancto nostro Præceptore, Thoma Aquinate: vnde si Thomisticè explicare libuerit: vide quæ suprà circa eundem tradidimus. Tamen quia Capulleius Ordinis fuit Seraphici; explica potius Scoticè; quod videlicet vocat electionem illam amoris beatifici, liberam libertate à coactione, seu libertate complacentiæ, minimè verò libertate de se sufficienti ad meritum & demeritum. Est solutio quam adhibet Gabriel, vt suprà etiam declarauimus.

Suprà
l. 1. c. 1.
scd. 6.

Suprà
l. 5. c. 14
§. 2. Quæ
retiam,
&c. 15.
§. Respon-
deo ex 12
f. 11.

C A P V T XXIII.

Soluitur Argumentum eiusdem, confectum ex autoritate Richardi de Media Villa.

VARIA ETIAM adducit ex Richardo de Media Villa. Sed ea omnia iam sufficienter explicauimus in suo simili, quandoquidem constet, quid cæteri Scholastici per locutiones huiusmodi intellexerint.

Ne tamen omnino Richardum negligere videar, hunc articulum ipsius libet huc transcribere, ex quo manifestum erit, ipsum veram & meritoriam libertatem sine indifferentia non admittere :

QVÆRIT ITAQVE in Quarto, Distinctione quadragesima nona, articulo secundo, questione quinta. *Utrum voluntas in appetendo beatitudinem mereatur.*

Videtur quod non (inquit) secundum Philosophum Secundo Ethicorum capite sexto, ex his quæ insunt nobis à natura, non laudamur, nec vituperamur, nec sumus boni, nec mali: sed voluntas naturaliter appetit beatitudinem ergo ex hoc appetitu non debet laudari: quod non esset verum si tali appetitu mereretur: omne enim meritum laudabile est.

Item Augustinus (prosequitur) libro primo retractionum, capite nono. *Peccati reum teneri quemquam, quia non fecit, quod facere non potuit, summa iniquitatis & infamia est:* ergo nullus peccat in hoc quod facit de necessitate: ergo à simili nec meretur. Sed offensum est quod voluntas de necessitate appetit beatitudinem. Ergo.

En duo in primis argumenta, procedentia ex communi nostræ Philosophiæ principio, nempe ad meritoriam & demeritoriam libertatem, exigi potestatem indifferentiæ, quæ cum in appetitu beatitudinis desit videatur; non videtur quoque in illo vllum vel meritum vel demeritum subsistere.

Sed iam (inquit) contra. In appetendo beatitudinem, Deum appetimus; sed in appetendo Deum est meritum: ergo appetendo beatitudinem meremur.

Item voluntarij actus boni maxime sunt meritorij propter finem; sed secundum Philosophum primo posteriorum, propter quod unumquodque sale & il-

lud magis: ergo maxime meritorium est velle finem.

En alia duo argumenta, conantia meritum in illo appetitu probare, defectu indifferentiæ non obstante. Sed iam audi resolutionem.

Respondeo (inquit) quod hominem appetere beatitudinem contingit dupliciter. Vno modo in generali, in quantum appetit aliquod bonum sufficientissimum, alio modo in speciali, in quantum determinatè appetit illud bonum in speciali, in quo verè est omnis sufficientiæ plenitudo: sicut in clara Dei visione, & perfectæ eius fruitione. In appetendo beatitudinem primo modo, non est meritum: quia sic naturaliter ab intellectu cognoscitur, & à voluntate appetitur: ita quod circa hoc nec intellectus potest errare in cognoscendo, nec voluntas in appetendo. (En negatam rationem meriti sub illa formalitate, quæ appetitus ille est naturalis & non indifferens) In appetendo beatitudinem modo secundo, est meritum: quia sic nec naturaliter cognoscitur, nec naturaliter appetitur: sed respectu eius contingit esse errorem in intellectu & obliquitatem in affectu: quia & intellectus potest opinari non esse beatitudinem in illo bono, ubi verè est; & eam esse in illo bono, ubi verè non est: & ex consequenti voluntas potest appetere beatitudinem ubi verè non est, & eam non appetere, ubi verè est. Unde beatitudo hoc modo accepta, obiectum est liberi arbitrij, non tantum sub ratione, qua est liberum, sed etiam sub ratione, qua deliberativum. En affirmatam rationem meriti in illo appetitu sub illa formalitate, qua indifferens. Imo quod caput est, videtur ad rationem meriti exigere indifferentiam arbitrij: prout est verè & propriè deliberativum: quam tamen indifferentiam nos non requirimus.

Et tandem articulum concludens, subiungit responsum ad argumentum

mentum hoc modo. Argumenta ad partem primam procedunt de beatitudine primo modo dicta. Quasi apertis verbis diceret; concedo quod in appetitu beatitudinis in generali non meremur, quia nempe prout sic appetitus ille non est indifferens, sed potius naturalis & ad vnum determinatus. Nego tamen quod non mereamur in appetitu beatitudinis in speciali; quia ille vice versa indifferens est, & minimè determinatus. Hoc certè est respondere eodem prorsus modo; quo supra Sanctum Thomam respondentem vidimus, cum simile sibi argumentum obijceret.

CAPVT XXIV.

Soluitur Argumentum eiusdem, quo epilogicè profert consensum antiquorum Scholasticorum & Scriptorum vsque ad Augustinum.

QUONDAM AVGVSTINVS contra Iulianum, qui & multitudinem Scriptorum in suam vocauerat sententiam, hoc protulit iudicium. Connocasti etiam in auxilium Turbam philosophorum, quasi susceptæ tuæ si non possunt pecorum solertia naturales, saltem doctorum hominum opulentur errores. Sed quis non videat doctrinæ quasissæ iactantiam in commemorandis nominibus doctorum hominum scilicetque diuersis, quando perspicit quicumque ista tua legit, ad questionem quæ inter nos vertitur, hæc nullatenus pertinere? Quis enim audiat quod abs te commemorantur Thales Milesius vnus è septem sapientibus, deinde Anaximader, Anaximenes, Anaxagoras, Xenophanes, Parmenides, Leucippus, Democritus, Empedocles, Heraclitus, Melissus, Plato,

Pythagorei, vnusquisque cum proprio dogmate suo de naturalibus rebus? Quis inquam hæc audiat, & non ipso nominum scellarumque conglobatarum strepitu terreatur, si est ineruditus, qualis est hominum multitudo, & existimet te aliquem magnum, qui hæc scire potueris? Ecce quod appetis, quandoquidem in his omnibus, abs te coaceruatim commemoratis, quod ad rem, quæ inter nos agitur, nihil omnino dixisti.

Hæc magnus ille Augustinus contra Iulianum; sed hæc eadem & ego, proportionem tamen seruata, contra Iansenitas. Conuocarunt, (vt in præcedentibus habitum est) in auxilium turbam antiquorum Scholasticorum, quasi susceptæ suæ priuæ opinionioni, si non possent sufficienter Theologicarum pondera rationum, saltem Doctorum hominum opulenterent sermones. Sed quis non videat ipsos doctrinæ quasissæ iactantiam in commemorandis nominibus doctorum hominum, quando perspicit, quicumque ista nostra legit, nihil prorsus ad questionem quæ inter nos vertitur, tantam multitudinem pertinere? Quis enim audiat quod ab ipsis commemorantur, Petrus Capuleius Episcopus Conuersanus, & Stephanus Brillefer, & Nicolaus de Orbellis, & ante Nicolaum, Gabriel Biel, & ante Gabrielem, Marsilius ab Inghen, & ante Marsilium, Thomas de Argentina, & ante Thomam Argentinensem, subtilissimus Doctor Scotus, & ante Scotum, Henricus à Gandano, & Richardus de Media Villa, & ante Richardum Sanctus Bonaventura & Sanctus Thomas Aquinas, & ante Sanctos Thomam & Bonaventuram Alexander de Ales præceptor virisque, & ante Alexandrum, Guilielmus Parisiensis Episcopus, & ante Guilielmum, alius Episcopus Parisiensis Petrus Lombardus Magister Sententiarum, & ante Petrum Lombardum, Richardus de Sancto Victore, & acatè par

Sic refert Lam
sen. 204
p. 1 & 2
12.

Richardo, Hugo de Sancto Victore, & conuincunt isti Sanctus Bernardus velut præfultor totius Chori, & ante Sanctum Bernardum, Sanctus Anselmus, & ante Sanctum Anselmum, Sanctus Ioannes Damascenus, & ante Sanctum Damascenum Magister omnium Posteriorum profundissimus Augustinus, vnusquisque cum proprio suo titulo, tum Senij, tum Magisterij, tum Episcopatus? Quis (inquam) hæc audiat, & non ipso nominum titulorumque conglobatorum strepitu terreatur, si est ineruditus, qualis est hominum multitudo? Vt sic nempe Iansenitæ existimentur magni aliqui, qui hos omnes scire, legere & referre potuerint. Sed ecce quod appetunt, quandoquidem in his omnibus sic ordinatè commemoratis, quòd ad rem quæ inter nos agitur, pertineat, nihil omnino dixerunt. Apertissima quippe sunt, quæ de horum virorum mente tot & tanta coacti protulimus testimonia, ita vt ipsa iam verborum euidentia machinamentum Iansenianæ nouitatis tamquam caput colubri conculcatum sit, contritum, abiectum.

Nec terrere debet Theologum, licet terreat imperitum, id quod fidenter ipsi dicunt, *quemcumque scilicet, qui ipsorum doctrinam erroris insinulat, Anathema quoque dicere, in ista Catholica doctrina Culmina & Columna Augustinum & Bernardum.*

Non (inquam) terrere hoc debet communis veritatis amatorè Theologum. Nouitatis ista vox est, singularitatis illa censura, ridendæ imaginationis hoc Anathema. Sed dico & ego fidenter, quicumque in hac materia libertatis non potius Thomam Aquinatem Diuinæ mentis Interpreterem, quàm Cornelij Iansenij Augustinū consuluerit; semper erit de veritate suspectus. Licet namque summæ veritatis sit Augustinus, plurimæ tamen falsitatis & erroris plurimi est

ille Augustinus Iansenij. Differunt sanè Augustinus, & Iansenij Augustinus. Et in quo quæso differunt? In hoc solum. Augustinus Doctor est Ecclesiæ, Iansenij Augustinus, Doctor est Vniuersitatis Louanienfis, vel si malis, Augustinus laruatus. Primæ classis non nouimus præter quatuor; nisi Angelicum & Seraphicum: secundæ verò & plures nouimus, & vidimus & quotidie experimur: imò si laruatum Augustinum desideras, Caluinum consule & inuenies. Quid ergo? Querendusne Augustinus Doctor Ecclesiæ in Doctore Louanienfi? Minimè gentium. Queratur Augustinus Doctor Ecclesiæ in Thoma Aquinate Doctore Ecclesiæ, *quasi sit rota in medio rote*, inquit Ezechiel.

Ezech.

Sed obsecro te, Iansenij, si Thomam quoque Aquinatem nobis opponere gestiebas; cur non potius inter reliquos Scholasticos, eos commemorasti, qui Thomæ Aquinatis, vel auditores fuerunt vel discipuli vel testes? Hoc enim tibi potissimum congruebat, si ea tibi mens erat, Aquinatem etiam pro partibus tuis declarare. Sed quis non, quid prospexeris, cernat? Ne videlicet in ipsa de Libertate quæstione, vnde tecum agimus, ij ipsi Thomæ Discipuli sensus eius promendo, cum Sancto Thomate obruerent, aut ex Commentatore eius Caietano (vt suprà monuimus) *intelligibile* tuum esse dogma audires. Contugisti ergo ad Petrum Capulleium, ad Stephanum Brullefer, ad Nicolaum de Orbellis, ad Gabrielem, ad Marfilium Theologos parum omnino notæ, qui & absurda quamplurima in rebus, Theologicis dixere, quorum tibi dogma malè intellectum placuit, quia alteram illam partem grauissimorum Thomistarum, cùm tibi insensam cernebas, vel attingere timuisti, vel dato studio discutere neglexisti: vt enim

1.

Suprà
l. p.c.3.Iansen.
ib.

enim Sanctus Thomas in Primo ad Annibaldum, quæstione tertia Prologi, articulo quinto: *Quando homini complacet una opinio, diligenter inquiris illa, quæ sunt pro illa opinione, & negligit ea quæ sunt contra.*

CAPVT XXV.

Ostenditur, in quibus Iansenita conveniant cum Hæreticis, quantum ad ea quæ in hoc opere tractavimus.

SERMONEM quem huc usque protraxi, concludere non possum, nisi tandem ostendero conveniëntiam horum Doctorum cum Hæreticis. Si namque (ut alibi monui) cum Hæreticis nec nomina debemus habere communia; hinc discet Lector, quanto studio fugiendi sint hi, qui & rem cum ipsis communem habere probantur.

PRIMO itaque conveniunt in eo quod fortissimè & audacter omnino Philosophiam aspernentur. Audi verba Iansenij, & videbis. *Res illa (inquit) de Concurso Dei, de liberæ voluntatis natura, de habitu cum voluntate confluxu, de libertatis indifferentia vel de similibus innumerabilibus, non Philosophicorum principiorum præsidio decidenda sunt.... sed Ecclesiasticæ auctoritatis ductu inuestiganda, & pondere asserenda videbuntur.* Semper enim Philosophia, quemadmodum mater Hæreticorum fuit, ita rerum Divinarum arcanis definiendis adhibita, mater errorum est.

Bone Deus! Si res ita habet; quid dicemus de Sanctissimò nostro Præceptore Thoma Aquinate? Estne vel vllus articulus in tota eius Summa, in quo non continuo principium aliquod Philosophicum pro expli-

catione Theologicæ veritatis adhibeat?

Alit ignoscamus Iansenitis: nam in hoc cum Luthero conveniunt, qui (teste Cano) non modò asseruit, Philosophiam esse Thologo inutilem & noxiam, verùm etiam omnes speculativas disciplinas errores esse.

Vnde & idem Cano, quasi Scholam Iansenitarum prophetice intueus, vehementer miratur, morem eiciendi humanas seu Philosophicas rationes, cum in Theologia dissiderit, in quibusdam etiam Catholicorum Gymnasijs insertum esse. Haud parva certè iactura Ecclesiasticæ Disciplina, si illa consuetudo inualescit. Erunt enim, si res procedit, optimi præstantissimique Theologi qui plurima loca Scripturæ & Sanctorum memoria tenuerint: & quod Iuris peritis obijcitur, qui elenchi fuerint librorum, & indices. Id quod in Germania temporibus Lutheri accidisse, veri Catholici adhuc de facto gemunt. Nam exinde pestilens illud malum prodijt, ut futores qui novum testamentum memoriæ mandauerant, sine vllò prorsus naturalium veritatum intellectu; niaui & præclari Theologi sint habiti, atq; adeo mulierculæ, quoniam Evangelia & Paulinas Epistolas memoriter recitare poterant, omnium Academiarum Theologos ad disputandum ausu sint provocare.

Talis quippe est Iansenitarum Theologia. In qua quoniam nullum acumen, nullum ingenij specimen conspicitur, sed merus nudusque textus Sanctorum; optimo quisque splendidissimoque ingenio, quamvis aciem & veri perspicientia polleat, quamvis rerum humanarum Divinarumque ordinem ac connexionem teneat, quamvis omnium causas, effecta, antecedentia, consequentia,

non

Cano de locis li. 3. cap. 9.

Suprà lib. 2. c. 14. §. in primis.

Iansen. tom. 2. l. proxi-
miali c. 3. in fi-
ne.

non animo solum perlustret; sed etiã comprehendat; nullo tamen apud istas habetur in pretio, si non abundauit vndeque temerè congestis rhapsodijs textuum; capitulorum, & lectionum. Adeo nempe Philosophicæ disciplinas contemnunt, adeo Scholasticos discursus aspernantur. Hoc igitur primum est in quo cum Hæreticis conueniunt.

CONVENIUNT secundò in potissimis responsionibus quas argumentis nostris adhibent. Suprà libro primo argumentum fecimus ex Augustino ad probandum requiri libertatem contradictionis, vt peccatum aliquod sit verè peccatum. Inquit namque, quòd peccatum est voluntas retinendi vel consequendi quod iustitia vetat & vnde liberum est abstinere. Et alibi, quis enim peccat in eo, quod nullo modo cauere potest? Sed quid ad hoc Iansenitæ? Profecto similes definitiones ac sententias non nisi de primo peccato Adæ intelligi volunt. Idem prorsus volunt Hæretici. Adducamus verba primò Iansenij, deinde Caluini, & fidem facient huius quod dico. Iansenius respondet sic. *Cum ergo Doctor profundissimus (Augustinus) proprijs suis principijs de peccati libertate à Pelagianis premeretur... assueuerant docuit, huiusmodi sententias ac definitiones suas, non esse de quolibet peccato intelligendas, sed de illo solo quod in paradiso primus pater summa voluntatis libertate perpetravit.* Consonat Caluino respondenti eodem modo. Nam cum Pighij obiecit vtrumque illum Augustini locum à nobis positum, Caluinus his verbis satisfacit. *Inspiciat locum qui vult, si non de peccati initio loquatur.* Et paulò inferius postquam idipsum etiam testimonijs Augustini comprobasset; concludit; *Vides ipsius auctoris testimonio, quæ eius certè quod dixit, interpretandi ius habere debet, non*

nisi primo Adæ peccato conuenire hanc definitionem? Igitur ipsissima est responsio Caluini & Iansenij. Imò quòd plus est, eisdem omnino testimonijs Augustini malè intellectis vtitur vterque ad glossam illam comprobendam. Folia integra ex Caluino & Iansenio possem huc transcribere, si mirabilem eius in hac responsione cum Caluino consonantiam, omni ex parte vellem ostendere.

PERGAMVS vterius. Iansenitæ negant naturam libertatis consistere in potestate indifferenti agendi & non agendi. Et quando illis suprà libro secundo obieciimus vulgarem definitionem potentie liberæ, quòd est illa qua positis omnibus ad agendum præquisitis potest agere & non agere; respondit Vincentius, ibi solum definiri libertatem per aliquid ipsi accidentale; non verò per aliquid quod sit libertatis essentia. Quod in re idem est, ac negare illam definitionem in sensu quo Scholastici continent eam per essentialem libertatis rationem tradi. Sed nonne & idem hæretici faciunt? Placene illis illa Philosophica libertatis definitio? Nonne eam negant, repudiant, aspernantur? Accipe verba Samuelis Marcij hæretici nostris temporibus famosissimi, & cõsentientem reperies. In Scholijs ad Catechismum gratiæ nuper à Sancta Sede prohibitum, sic resoluit. *Hinc autem liquet, falsam esse definitionem libri arbitrij, quòd sit facultas naturalis, qua homo positis omnibus ad agendum præquisitis possit agere vel non agere.* En consonum hæretici Marcij & Vincentij in perneganda vulgatissima illa definitione.

VLTERIVS ITERVM. Suprà etiam obieciimus Iansenitis, non posse homini sine sua culpa personali destituto omni gratia, imputari omissiones præceptorum supernaturalium,

Suprà
lib. 1. c.
16.

Suprà
lib. 2. c. 4.

Iansen.
tom. 1.
l. 2. c. 4.
9. Cum
ergo.

Caluin.
de libe.
arbitr.
contra
Pigh. in
lib. 3. v.
Pergit
deinde
& 3. le-
quenti

Samuel
Marcij
in schol.
ad Ca-
techis.
gratiæ
cap. 1.
Grati-
a qua
datur.

Suprà
lib. 2. c.
10 cir-
ca finem.

lium, ex eo quòd absque gratia sit verè impotens illa adimplendi. Respondent hoc non obesse, sed equidem iustissimè imputari, tamquam verè & propriè peccata, quia quòd homo sic impotens factus sit, hoc habet ex culpa primi Parentis, & sic est impotentia homini voluntaria. Vis iterum lector videre, qualiter in hac responsione sit omnimoda cum Calvinistis consonantia? Verba Caluini ad testatum reddent. *Neque enim* (inquit ille) *aut facultate nostra metiri officium oportet, cui adstricti sumus... verum sic primò habendum est, etiamsi legis iustitiam, nec implere nec inchoare possimus, eam tamen iure à nobis requiri, neque nos excusari infirmitate aut virium defectu, cuius ut vitium à nobis est, ita culpa nobis imputanda est. Et alio loco; nam & sponte dicimus peccare quicunque peccant: eoque ipso conuictos teneri, ne se à reatu eximant. Iusto Dei iudicio damnari, qui eius iustitiam violauerint, cui subiectos esse nos omnes decet: natura vero imbecillitatem aut impotentiam frustra pratexere, cuius sibi culpam imputare debeant. Non vides hic, infirmitatem, defectum virium seu impotentiam minimè ab obligatione præceptorum excusare, eo quòd omnia hæc à vitio nostro originem trahant? Et quòd loquatur de vitio primi Parentis, patet manifestè ex verbis quæ primo loco præmiserat. Ibidem enim sic præfatus fuerat. Respondet & Lutherum & nos omnes duplicem constituere naturam: priorem qualis à Deo condita fuerat, quam puram & integram satemur fuisse: alteram quæ lapsu hominis vitiosa, suam integritatem perdidit. Huius vitiositatis culpam homini tribuimus. En sermonem expresse de lapsu seu vitio primi Parentis. Cuius proinde prima libertas secundum Caluinum est sufficiens, ut modo nobis in natura lapsa, quædam imputentur, quæ tamen pro-*

pter impotentiam vitare non possumus. Imò tam constanter hæc ab eo doctrina traditur, ut plura velle commemorare, esset oleum & operam perdere.

CONVENIUNT TERTIO in potissimis argumentis quæ nobis obijciunt: ita ut eadem omnino & ipsissima apud hæreticos inuenire liceat.

IN PRIMIS pro adstruenda necessitate peccandi in natura lapsa, utebantur suprà Iansenitæ autoritatibus Augustini & Bernardi. Eisdem omnino & ad eundem finem utitur Calvinus, quas quia longum esset recensere, accipe breuem hanc Caluini conclusionem, qua expresse hoc fatetur. *Nunc verò* (inquit alibi) *post eius lapsum, necessitatis iugum, à quo aliàs soluti essemus atque immunes, nobis impositum esse, ipse (Augustinus) & Prosper & Bernardus vno ore tradunt. En qualiter pro necessitate, peccandi confidentissimè nobis obijciat Augustinum, Prosperum, Bernardum, sicut & vos Iansenitæ facitis. Imò si Iansenium consulere quis velit; eisdem ferè verbis quibus Calvinus in hac materia loquitur. Verba Iansenij quodam in loco sunt hæc. Sanctus Augustinus huiusmodi peccata, quæ ex ista contracta peccandi necessitate contingunt, semper vera esse peccata profitetur, quamuis ea voluntas ita constituta vitare non possit. Verba verò Caluini hæc. Vbi autem de vitiosa natura sermo est, peccatum esse palam pronunciat (Augustinus) sine vitari possit siue non possit. In quo quæso ista horum virorum verba differunt? An nò sensu? Minimè. An nò grammaticali saltem constructione? Vix profecto.*

DEINDE ALIVD ARGUMENTVM Vincentij fuit, ex eo quòd Deus necessariò omnia iuste & benè velit, quæcumque vult, & tam-

Supra
lib. 3. c. 4.
sect. 4.

Caluin.
vbi supra
lib. 1.
in lit. 4.
§. Quod
de diabolo.

Iansen.
tom. 3.
lib. 8. c.
20. columna
875.

Caluin.
vbi supra
in lib. 4.
§. Quod
in altero
membr.

Caluin.
vbi supra
in lib. 2. §.
Hic rego
tut. ite-
ram.

Caluin.
ibid. in
lib. 3. §.
Sed obij-
cit alia
sententia.
1140.

men liberè. Rursus ex eo quòd Dæmon necessariò peccet & tamen liberè. Hæc duo argumenta suprà ex Vincentio protulimus, quæ & Iansenius plurimis autoritatibus Augustini & Bernardi vndeque munit. Sed vide iterum quàm disertis verbis in Caluino habeantur eadem omnino & ipsissima. *Negant* (inquit) *qui liberum arbitrium contra Dei gratiam tuerentur, peccatum aut virtutem esse, ubi est necessitas. Respondemus, Deum necessariò bonum esse, nihilo tamen minorem ex bonitate laudem consequi, quia non nisi bonus esse possit. Rursus Diabolum necessariò malum esse: nihilo tamen minus vitiosam esse eius malitiam, neque id est nostrum commentum. Sic ante nos Augustinus, sic Bernardus locuti sunt. Iansenitæ quòd si hoc vestris argumentis, vestro probandi modo ex Sanctis Patribus consentaneum non est, profecto nec ouï ouo simile erit. Et si iste locus non sufficit, accipite & alium eiusdem. Caluini ex institutionibus capite secundo, de cognitione hominis, numero quinquagesimo primo. Ibidem sic concludentem reperietis, si non dudum ante me reperistis. Ergo si liberam Dei voluntatem in bene agendo non impedit, quòd necesse est illum bene agere: si Diabolus qui non nisi malè agere potest, voluntate tamen peccat; quis hominem ideo minus voluntariè peccare dicet, quòd sit peccandi necessitati obnoxius? Nonne videtis consonantiam? Estne hic dissimilitudo? Nonne adæquata omnino paritas in vestris & Caluini argumentis?*

ITERVM, argumentum Vincentij suprà fuit, voluntatem liberè agere, per hoc præcisè quòd agat incoactè, quod & multis ex Augustino probat Iansenius. Sed quid ad hæc Caluinus? approbat planè id ipsum, & Augustinum per liberum nil aliud velle quàm non coactum pari voce

sic cloquitur. *Quid ergo, inquit, sibi vult Augustinus, cum de libertate voluntatis loquitur? Et nullo interiecto respondet; nempe quod toties repetit: non cogi homines inuitos Dei gratia sed voluntarios regi. Nonne iterum conuenit? Nonne eadem in cimba nauigat?*

AST NONDVm finis. Attulit & hoc argumentum Vincentius: quia nimirum Christus tali necessitate mortuus est, ut non potuerit non mori, & tamen verè liberè fuit mortuus. Hoc expendimus suprà libro quarto, capite duodecimo, & ex Iansenio vrsimus. Dico iterum in adstruenda tali necessitate respectu mortis Christi, Iansenitas hic conuenire cum hæretico Vuiclepho: qui licet penes me non sit, grauissimus tamen Theologus Thomas Vualdensis testatur hanc à Vuiclepho necessitatem positam fuisse. Nam quodam in loco cum præmisisset; periculosè (ut mihi videtur) quidam magni viri necessitatem istam præcedentem ponunt in humanis operibus; paucis interiectis subdit Vualdensis; *Quomodo isti non dicerent vna cum Vuiclepho quòd Christus subiit mortem necessitate, cui obuiare ipse non potuit? Non audis hic, esse propositionem Vuiclephi hanc; Christus subiit mortem tali necessitate, cui obuiare non potuit? In ea vos Iansenitæ conuenitis, minimè attendentes ad veritatem illam Euangelicam Ioannis decimo, potestatem habeo ponendi animam meam, & potestatem habeo iterum sumendi eam.*

VERVM PERGITE ad beatos Angelos, & rursus Vuiclephum consentienti habetis. Argumentum vestrum fuit, beatos Angelos esse liberos in agendo & tamen necessariò agere id quod agunt, tam circa consilia, quam circa alia opera. Si suprà obiecistis, & nos soluimus. Ast quàm succinctè, quàm argutè, quàm bellè

Supra
l. 1. c. 4.
sect. 5.
& l. 4
c. 18.

Caluin.
ibid. in
lib. 4. §.
Quoniam
autem.

Caluin.
in an-
tidoto
lexico
sect. 6.
Sicut of-
feruat.

Vual-
dens. li.
1. do-
ctrina-
lis fidei
artic. 1.
c. 25.

Supra
l. 4. c. 5.

Supra
l. 3. c. 4.
sect. 1
& 6. l.
lib. 5. c.
10.

bellè cāntum hunc vobis Hæreticus ille præcinit. Teste Vualdensi vbi suprà, hæ sunt eius voces. *Quia est & libertas in Angelis, qui tamen ad hoc agendum quod agunt summā necessitate strabuntur.* Nonne percipitis harmoniam? Nonne concentus iste vester? Ergo hanc quoque antiphonam Hæreticus vobis chorus intonuit.

OCCVRRIT & alia non minus arguta, ex Caluino iterum. Numquid alibi inter cætera etiam obiectis, & ex Augustino probatis, actum esse liberum, eo ipso quo est cum delectatione? Et quis vestrum Caluini consensum hic negabit? Verba eius vt legi, statim annotaui, nam in aure cordis consonantiam ingerebant. Vos ea legite, notate, vt à quo spiritu sint, discatis. In responsionibus ergo contra Pighium hanc Rhetoricam promit. *Quid aliud sonant Augustini verba? Libera (inquit) est homini voluntas, sed ad malum. Cui? Quia delectatione & proprio appetitu mouetur.* Probat ex Augustino, sicut & vos probatis, voluntatem esse liberam, vt pote quæ est cum delectatione.

Quid plura? Toties iam hæreticorum sententijs vestras consentientes produxi, vt amplius repetere hoc ipsum mihi fastidio sit. Vnum tamen omittere non possum ex Hæretico Maresio, qui tam euidenter hæc vestram conuenientiam cum suis vidit & palpauit, vt gloriabundus omnino & tamquam sibi summopere congratulans, publico scripto eam iactare non dubitet. Inquit enim præfatione in Catechismum gratiæ: *Idem reuera in hac capitali controuersia (de gratia nempe & libero arbitrio) sentire Pontificiorum Iansenistas, quod docetur in nostris Ecclesijs & Canonibus Synodi rationalis Dordracenæ fuit desitum.* Et iterum, *Iam eò usque saltem nostri sunt, fortes illi in Pa-*

patu gratia præcones (Iansenitæ) quod & in rei summa quoad hæc capita sentiant nobiscum.

Imò perpendite (proh dolor) quā non spem ex hac conuenientia sibi concipiat. Meliores (inquit) ac doctiores illius (Romanæ) communionis hæc in parte quælibet tam prolixè & euidenter habemus, quod si vlla partium in religione dissidentium reconciliatio, semper optanda bonis, vnquam speranda veniat, hac via debet procedere. En, Iansenitæ, tam perspicuè ad partes aduersas vestris opinionibus descendistis, vt ipsorum Hæreticorum approbante testimonio, hæc via sperent Romanam Ecclesiam tandem aliquando cum damnata ipsorum Ecclesia reconciliandam: hoc est, nos aliquando ad ipsorum castra transiuros, quasi ibi, non in castris nostris columna sit & firmamentum veritatis.

Et quis quæso Catholicorum Scriptorum hanc vnquam ansam hæretico præbuit sic sperandi? Quis eorum materiam dedit prænas sic cogendi quasi iam parto contra nos triumpho? An nē vel leuiter vnquam ex scriptis Sanctissimi nostri Aquinatis, Hæretica aliqua lingua talei sibi gloriationem contexit? Audiatane aliquando inter Heterodoxos hæc vox: *Iam eoque noster est Doctor Aquinas; quod in rei summa sentiat nobiscum?* Audiatane illa altera; *Tam prolixè & euidenter Aquinatam nostram opinionem habemus, vt sperari possit Ecclesia Romana ad nostra castra transire?* Profecto; non sic olim Bucerus, sed longè aliter, *Tolle Thomam* (aiebat) *& dissipabo Ecclesiam;* vt pote virtute scriptorum viri huius; si iugiter in Ecclesia manserint, suorum potius ruinam aperitissime formidans, quàm victoriam sperans. Modò autem nostris sculis quid additur? Quid moder-

Nempe
l. s. c. s.

Caluini
contra
Pigh.
de libe.
arbitr.
in l. 1.
s. 1. Hæc
proferunt
circa
finem.

Mares.
in præ-
fat. in
catech.
gratiæ.
pag. 10
11. &
13.

nus ille Bucerus Mareſius intonat? An nē Tolle Iansenium, quasi ipsorum votis obstaculo sit? Minus gentium; sed potius *Vivat Iansenius*, vno ore cum reliquis clamat, quasi Ecclesia Romana, si iugiter ipse floruerit, seipsam sic dissipatura.

Quod si hoc a me probatum desideretur, probabo utique & dictis quidem eiusdem Mareſij. Ille dum quoddam in loco furias suas in Patres Societatis Iesu exagitat, tanquam ipsi conatibus suis Iansenium e medio sustulerint, non Romanus Pontifex sua prohibitione; audacter omnino in hæc verba prorumpit: *Verum dum vehementius quam cautius id agunt* (Patres nempe Societatis) *Augustinus Iansenij vires acquisivit eundo, talesque Dei gratia progressus fecit ipso suo titulo plausibilis causa gratia, ut plerique Theologi & Episcopi in communionem Romanam, per Belgium præsertim & Gallias, vel noua luce collustrati Iansenij labore, vel eius exemplo perducti ad liberam professionem eius sententiae, quam prius in sinu præserant, palam experirent bonæ causæ (Hæreticorum nempe) suffragari.* Me hercle, qui sic vires Iansenij in maiorem suum excreuisse gloriatur, optatne scripta eius e medio tolli? Numquid potius æternum *uiuat* eisdem canit, tamquam præbeant non ruinae materiam, sed nouæ victoriæ palmam?

Iterum atque iterum dico, quod hæc & similia aperte produunt, conuenientiam Iansenitarum cum Hæreticis, omnino damnabilem esse, utpote cum tam palam, tamque perspicue impie ipsorum causæ suffragetur. Amice Lector in intellectu tuo vires acquirat eundo Thomas Aquinas, non Augustinus Iansenij, si a castris Hæreticorum procul esse desideras. Hostes huiusmodi sicut nunquam de Aquinate suffragium, tibi aliquid promittere, ita neque de

te, si vestigijs eius firmiter inhæseris, promittere poterunt, aut audent.

C A P V T XXVI.

Iansenius conatur se à Calvinismo purgare, sed frustrâ.

PRÆCEDENTI Capito ostendimus Iansenitas in potissimis suis responsionibus nec non argumentis cum Hæreticis conuenire, & præcipue cum Caluino. Quod quia adeo perspicuum est, nec ipsum Iansenium latere potuit. Vnde quasi propriæ cōscientie scrupulo commotus, quoddam in loco hanc sibi obiectionem format: quod nempe videatur doctrina sua à sententia Caluini non differre. Cui obiectioni satisfacit, admittondo quidem in aliquibus non differre; verum pro inconuenienti censeri non debere. Nam non omnia (inquit) quæ hæretici docent, sunt hæretica: Mos enim solennis omnium Hæreticorum est, ut falsis vera misceant, miscendoque perturbent omnia, quod ut nequam quasi melle circumlitum ab incautis cum securitate hauriatur. Itaque sentit quidem se in nonnullis cum Caluino conuenire; at non in dictis eius Hæreticis aut falsis; sed tantummodo in his, quæ vera loco mellis iunxit.

SI AVTEM AB IPSO QUÆRATUR, quæ ergo sint, quæ Caluinus ut Hæretica in materia libertatis protulit; sic respondet. Hæc igitur sunt, quæ Ecclesia in Caluino quantum ad hanc materiam gratia & liberi arbitrij improbanit, censuraque sua securitate damnauit. Et immediatè post, quinque puncta recitat, quæ hic suo ordine breuiter perstringam.

PRIMUM (inquit) est, quod Cal-

Mareſ.
vbi su-
pra pæ-
gim. 22.

Iansen.
com. 1.
lib. 3. c.
21.

nians negat esse in homine boni & mali electionem quod ex diametro cum Sancti Augustini sententia pugnat : qui docet hominem liberè eligere non solum malum sed etiam bonum : atque ita eligere viri libet : ut illud si nollit , non eligeret , quamvis bonum non nisi gratia prestante eligatur .

SECUNDVM EST (prosequitur) quòd Calvinus doceat , gratiam ita mouere hominem , ut non sit ei liberum resistere Augustinus verò , dominus ita mouet voluntatem , ut quamvis infallibiliter conuertatur & operetur , possit tamen motioni Dei refragari aut obtemperare : seu (ut Concilium Tridentinum loquitur) illi dissentire , si velit . Potentia quippe dissentendi non repugnat actuali gratia motioni & consensui .

TERTIVM quòd Iansenius hic subiungit ; nimirum quòd Calvinus nobis hominem gratia mouenti pedisse : qua voluntate consentire , in presentiarum omitto , quia nostri propositi non est .

QUARTVM (inquit igitur) & principium omnium istorum precedentium est , quòd exsertè docet , virtutem & vitium , bene agere & malè , non esse in nostra potestate Sanctus verò Augustinus exsertè docet ; non solum id quod perspicuum est , quòd vitia & peccata sunt in nostra potestate , sed etiam de actionibus quibuscumque bonis , in potestate hominis esse , mutare in melius voluntatem .

QVINTVM DENIQUE est (ait) quòd fronte reiecta tandem docet , non esse in homine liberum arbitrium , ipsumque nomen inane & exterminandum esse Hi sunt ergo (concludit) errores illi multi & crassi & graues , qui meritiò Sacra Tridentinæ Synodo duplicerunt & à Sancti Augustini principis dictisque prorsus remoti sunt .

Per hæc & similia putat Iansenius

se abundè obiectioni satisfecisse . Sed quàm facile corruant istæ eius velut definitiue sententiæ , paulisper attendamus .

Et in primis quidem id quod dicit , non omnia quæ Hæretici docent , esse hæretica ; hoc vtique verum est , sed minimè ad rem . Si namque superiori capite ostendimus , eius doctrinam cum Hæreticorum sententijs conuenire ; profecto non de quibuscumque sententijs sermo fuit , sed de illis quæ vel damnatæ sunt , vel ad minus cum damnatis certissimam & euidentem habent connexionem . Tales autem omnes oportet non solum falsas esse , sed vel hæreticas vel erroneas ad minus . Quòd verò damnatæ sint , vel cum damnatis euidentem habeant connexionem ; accuratius patebit , discurrendo circa puncta singula , quæ ipsemet in Caluino damnata & censurata esse fateatur .

PRIMVM ERAT , quòd Calvinus negat esse in homine liberam electionem boni & mali . Et Iansenius . Nonne eandem quoque negare ; apertissimis argumentis conuincitur ? Nam vel sermo est de libera electione boni & mali ante gratiam ; vel de libera electione boni & mali post gratiam . Si loquamur de libera electione boni & mali ante gratiam , hanc sicut negat Calvinus , ita & negat Iansenius . Constantissimè namque tradit , perisse libertatem ad bonum , non solum ut non possit homo ante gratiam totam iustitiæ morales legem implere , sed nec vnum quidem opus eius . En ante gratiam negatam liberam electionem boni . Et deinde ; perisse libertatem abstinendi à peccato , ut nec in vno quidem opere peccati culpam possit effugere . En pariter negatam absque gratia liberam electionem mali . Si verò loquamur de libera electione & boni & mali post gratiam ;

hanc

Iansen.
tom. 2.
lib. 3. c.
14. co.
496.

hanc profecto licet Calvinus neget, & Iansenius verbis concedat, probatamen quòd in re nulla sit inter utraque differentia. Nam Calvinus eatenus negat liberum mihi esse sub gratia bonum facere & à malo abstinere, quatenus per liberum intelligitur potestas in utramque partem indifferens, id est faciendi vel omittendi, id ad quod gratia mouet, non verò quatenus per liberum intelligitur hoc quod est sponte vel voluntariè operari: id namque constantissimè Calvinus concedit. Ast Iansenius concedens nobis libertatem operandi sub gratia, nil aliud nomine libertatis intelligit, quàm spontè & voluntariè operari, excluditque sub gratia potestatem indifferentem: ergo in re non ponit aliter esse liberam electionem boni sub gratia, quàm sicut ponit Calvinus, Minorem istam quoad Iansenium, commodius probabo puncto sequenti, eo quòd potestatem illam indifferentem expressè tangat. Modò verò probo Calvinum non aliter liberam electionem sub gratia negasse, quàm sicut dictum est. Nam in primis in Antidoto Canonum Concilij Tridentini, in Canonem quintum sic habet: *De verbo ne moueamus rixam. Sed quia per liberum arbitrium intelligunt eligendi facultatem, qua sit in utramque partem libera & soluta, titulum sine re esse, qui affirmant, Christum habent auctorem.* Quibus verbis apertè significat, se sub gratia solùm negare libertatem arbitrij; quatenus nomine libertatis intelligebant Patres Tridentini, facultatem eligendi in utramque partem indifferentem. Et rursus in Antidoto sextæ sessionis, admittens rationem voluntarij, sic loquitur. *Quid ergo inquires, sibi vult Augustinus, cum de libertate voluntatis loquitur? Nempe quod toties repetit: non cogi homines inuitos Dei gratia, sed voluntarios regi,*

ut sponte pareant ac sequantur. Manifestum ergo est, Calvinum non negasse libertatem electionis sub gratia, nisi eo sensu, quo libertas significat potestatem indifferentem, non verò prout solùm dicit rationem spontanei seu voluntarij. Vnde & Pighio dicenti neminem peccare nisi liberè volentem; alibi respondet, *his subscribimus nos quoque, si liberè sponte positum interpreteris, vide dicta supra libro secundo, capite decimo sexto, ubi fusius idipsum probauimus.* Quòd verò Iansenius non alio sensu libertatem electionis sub gratia saluet; iam iam patebit ex puncto sequenti.

SECVNDVM ERGO punctum erat, quòd Calvinus docet, gratiam ita mouere hominem, ut non sit ei liberum resistere. Quasi verò Iansenius in re idem non doceat. Dico in re, nam scio eum alibi verbis docere contrarium: dum nempe tomo tertio, libro octauo, capite vigesimo, cum Thomistis admittit, eodem tempore quò voluntatis arbitrium sub efficaci gratia positum est, in eadem voluntate esse potestatem faciendi contrarium. Hoc verbis ibi docet, & semper docet, quotiescumque definitione illa Concilij Tridentini premitur. Verùm Spiritus eius seipsum prodit, quando ab illa difficultate parum respirare sinitur: quādo (inquam) sine Catholico hoste, à tergo premente, discursus sui habenas laxat uberius. Quid quæso tunc eloquitur? Quid tunc inculcat? Scimus omnes qui ipsum legimus, tunc nil aliud tradere, loqui aut inculcare, quàm potestatem indifferentem seu libertatem indifferentiæ sub gratia non manere: sed solam rationem voluntarij.

Hoc probo ego ex tribus quæ incias doctrina mihi manifestissimæ sunt.

Caluini
contra
Pigh.
de libe.
arbit. in
lib 3. 9.
Iam ad
tertium
ordinem.

Iansen.
tom. 3.
libr. 7.
c. 15. in
princ.

PRIMO. Nonne Iansenius quodam in loco constantissime supponit, humanam voluntatem Christi, sub efficaci gratia, qua præceptum moriendi impleuit, non potuisse illi gratiæ resistere? Ita est, ita est. Ve namque euadat difficultatem Scholasticis (vt ait) *ineluctabilem*, qua sequeretur, Christum potuisse non mori & sic peccare, si potuisset illi gratiæ resistere, apertissime contrarium prætendit, nempe resistere non potuisse. Ergo saltem humano arbitrio Christi à Deo moto & excitato, ad mortem acceptandam, potestatem resistendi denegat contra Tridentinum.

Explico hoc. Tu Ianseni dicis, Scholasticos, qui exigunt ad rationem libertatis, potestatem indifferentem, non posse saluare, qualiter Christus liberè præceptorum moriendi adimpleuerit: quia (vt ais) *nunquam ostenditur circa præceptum vt præceptum talis libertas indifferentiæ*. Peto ergo à te; vtum Christo in adimplerione huius præcepti potestatem indifferentem concedas, vel non. Si non concedis; habeo intentum: nempe Christum Dominum illud præceptum adimpleuisse gratia tam efficaci, vt illi resistere non potuerit: ac proinde doces, sicut Calvinus, quod solum sponte seu voluntarie mortem obierit, sine potestate non moriendi. Si autem concedas contrarium, scilicet quod etiam potestate indifferente præceptum illud adimpleuerit; quomodo quæso concedis, quod tamen ipsemet putas ostendi non posse? Vel aliter, si per te potestate indifferente impleuit: ergo potuit non adimplere: ergo potuit non mori: ergo potuit peccare: ergo te quoque sicut & reliquos Scholasticos, premit ineluctabilis illa difficultas; quam tamen tuo modo dicendi putas te gloriosissime euadere. Non vides hic, quod velis no-

lis, vel in Tridentinum impingas, vel apertissime tibi contradicas.

SECUNDO. Nonne in alio quodam loco hæc est ipsissima tua sententia: *si non est alia libertas vera voluntatis, quam agendi & non agendi.... sequitur operationem Diuinæ gratiæ ex diametro repugnare arbitrio libertati*? Igitur per te motio gratiæ efficaciæ repugnat libertati, si semel libertas ponatur consistere in posse agere & non agere. Repugnat ergo eius efficaciæ, ipsi indifferentiæ voluntatis. Quod si huic repugnat; quæ via veraciter dicere potes, voluntatem à gratia, motam, adhuc illi gratiæ posse resistere? Posse gratiæ resistere, nunquid exsertè dicit posse quoddam indifferens ad non agere? Ergo si gratia per te repugnat indifferentiæ agendi & non agendi, per te quoque debet repugnare potestati resistendi. Quid ergo iuvat verbis illam potestatem resistendi alibi concedere, si hic eam reipsa pernegare comprobaris?

Iansen.
tom. 3.
libr. 7.
c. 14. in
princ.

TERTIO ET VLTIMO hoc probo ex fidelissimo discipulo tuo Vincentio. Nonne ipse (vt supra vidimus) apertis verbis docet sensum diuinum, penes quem voluntas dicitur posse resistere gratiæ, sic esse interpretandum, vt nempe possit excusata præsentis prædeterminatione, non ea retenta? Ergo omnino sentit retenta gratia efficaci, voluntatem non posse ipsi vilo modo resistere. Quod sic hoc sentit, si stante illa gratia, non potest resistere: ergo stante illa non habet potestatem resistendi. Quid enim aliud est non posse, & non habere potestatem? Ergo si posse (illa stante) negat; potestatem (illa stante) negat.

Suprà
libr. 1.
c. 1.

Et certè viri Iansenitæ, nescio plane, cur vos oporteat tanto impetu potestatem illam resistendi defendere. Si namque principalis vestra de libertate sententia, illa potestate re-

sistendi minimè iuatur, utpote cum tota vestra cantilenà sit, sine illa adhuc saluari liberi essentiam arbitrij; cur non potius aperto Marte illam à vobis negari conceditis? Si liberum arbitrium per vos, adhuc sine illa potestate manet verè liberum, quid tam sollicitè illam potestatem curatis? Quæso vos, renuntiate auidacter, negligite, præterite, nam arbitrium e- quidem manebit liberum, & sic nul- lum patietur vestra sententia detri- mentum.

Et dicere illa via non fieri satis Tridentino, quod sub Anathemate, talem potestatem exigit, unde illam Catholicè fateri oportet.

Rectè equidem. Ast quæro & ego, qua de causa talem potestatem sub Anathemate exigit. Si per te Iansenita ad essentiam libertatis, potestas huiusmodi est impertinens; ad quid exigitur? Numquid hic fateri cog- eris, Patres Tridentinos liberum ar- bitrium cum potestate resistendi de- finientes, aliquid ad essentiam eius impertinens desinuisse? Iterum di- co, verbis Concilio satisfacitis, sed ipsa dissoluitis: refragimini qui- dem, sed refragari non audetis. Quod & de vobis Hæretici nostri temporis observarunt, blasphemum quidem di- cendi modo; sed interim non præte- reundo, ut damna quæ doctrinis ves- stris intulistis, conspiciatis. Sicer- go Samuel Maresius sic vobis fatur. *Ipsium Conciliabulum Tridentinum....* (blasphemum ore inquit) *valde nudat apud eruditos illos & Iesuitis importu- nos gratie præcones Iansenitas. Nam cispalam non audeant Concilio refra- gari, imò contentur eius canones instar nasi cerei emolire & in sensum beni- gniorem interpretari, ubi tamen con- scientias suas interrogauerint, satis illæ testabuntur, quod ea Pauli & Augusti- ni doctrina quam descendunt, absque ser- minatione violenta non possit concilia-*

ri cum decisionibus Concilij, quæ potissi- mum qua illius sessione quinta & sexta ponuntur. Non percipitis hic, ge- nium vestrum quem iam ante dixi etiam ab ipsis Hæreticis fuisse obser- uatum? Utpote tam perspicue Con- cilium Tridentinum læditis, ut nec hostes ipsos Ecclesie id latere potue- rit. Vnde & meritò indidant, quod- velle decisiones eius doctrinis vestris accommodare, sit potius eandem in- star nasi cerei emolire, quàm verum intentumque à Patribus sensum tra- dere.

VERVM adhuc speculationem, aliam fingit Iansenius, ut aliquo sal- tem modo possit euadere. Dicit Phi- losophicam esse quæstionem, utrum libertatis ratio, à qua liberum arbi- trium dicitur, in experte coactionis voluntate sita sit, an in indifferen- tia ad agendum & non agendum. Et cum Concilium (inquit) *accusa- tæ nosset, quidquid Caluinus de libero arbitrio, gratiaque tradidisset; circum- spectè selegit, quidquid de gratia libe- roque arbitrio errorem saperet: Philo- sophicam verò de natura libertatis quæ- sionem tacitam intactamque præser- uuit.* Quod si hoc ita est; professio Concilij mentem ipse non lædit; quamvis naturam libertatis sine prædicta indifferentia subsistere af- firmet.

Sed quis non videat, fugam hanc esse, imò apertam potius falsitatem, quàm legitimam responsionem? Quia veritate dici potest, Concilium Philosophicam illam de natura li- bertatis quæstionem tacitam inta- ctamque præterijisse, si illius expres- sissimam mentionem non solum fa- cit, verum & sub Anathematis ma- ledictio commendat? Edificare mihi, Iansenita: illa Philosophica quæstio, estne aliud quid, quàm quod ad na- turam libertatis requiratur potestas agendi & non agendi? Hoc certè &

Iansen.
tom. 1.
lib. 8. c.
21. col.
282.

Mares.
in præ-
fat. in
carcui.
pag. 4.

non aliud Philosophi volunt: hoc Scholastici amplectuntur: hoc & Catholicum esse dogma nos contendimus. Et Nonne huius potestatis expressam mentionem facit Concilium? Nonne hanc potestatem sub Anathemate inculcat Concilium, asserens; *Si quis dixerit liberum hominis arbitrium à Deo motum non posse dissentire si velit.... Anathema sit?* Qua ergo ratione mihi persuadere niteris, Concilium rem & nodum huius questionis tacite intactè quæteri iisse? Planè qui sic persuadet, non disputatione convincendus est; sed noua damnatione comprimendus.

Ex his omnibus iam clarè patere puto, qualiter Iansenitz, si principijs suis velint esse constantes, minimè possint sub gratia potestatem dissentendi defendere. Illam igitur verbis aliquoties tradunt, quando auctoritate Concilij præmuntur; sed interim quod re ipsa minus intendunt, quodq; magis student suis doctrinis euertere, est huiusmodi potestas.

TRANSEAMVS IAM ad quartum punctum, cum tertium ad rem nostram minimè pertineat.

Quartum ergo erat, quod Calvinus exsertè docet, virtutem & vitiū, bonè agere & malè, non esse in nostra potestate.

Sed nec ab isto vos purgare vltimo modo potestis: Nam idem argumentum quo ante probaui vos euertere liberam boni & mali electionem; pari passu, pari euidencia probat, secundum vos, non esse in potestate nostra vitiū aut virtutem, bonè agere & malè, aliter ac docuit Calvinus. Quando ipse namque dicit, si ne ante siue post gratiam non esse in nostra potestate, huiusmodi opera; hoc profecto non eo sensu dixit, quasi nos ea spontè & voluntariè non faciamus, sed quia taliter non facimus, vt pro nostro arbitrio possimus face-

re & non facere: quem sensum tantummodo & non alium vos in re docetis, vt iam satis ostendi.

QVINTVM ET VLTIMVM punctum superest, quod nempe Calvinus fronte reiecta tandem docet, non esse in homine liberum arbitrium, ipsūque nomen inane & exterminandum esse.

VIRI IANSENITÆ de verbo non moueamus rixam, nam ex dictis patet, quòd iterum quoad rem loquendo, in eadem estis damnatione. Peto à vobis, qua de causa dicatur Calvinus liberum arbitrium negasse? An nè quia respectu boni & mali siue ante siue post gratiam, negauerit voluntati motus suos voluntarios seu spontaneos? Hoc pliusquam falsum est. Nam motus similes (vt circa primum punctum ostendimus) apertissimè & constantissimè concedit. Dicitur ergo liberum arbitrium negasse, quia respectu boni & mali, facultatem eligendi negauit in vtramque partem liberam seu indifferentem. Ast vos hanc quoque negare iam in secundo puncto ostendi: ergo eadem ratione liberum quoque negare arbitrium comprobamini.

SI FORTE DICATVR; neutra de causa negasse, sed hac solum, quia licet motus voluntarios admiserit, is tamen motibus nomen & titulum liberi arbitrij noluit concedere, sicut vos conceditis.

IN CONTRA EST dupliciter.

PRIMO: quia sequitur Calvinum ab Ecclesia esse damnatum, non quia rem liberi arbitrij negauerit, sed quia solum titulum seu nomen e medio auferti voluerit. Patet sequela: nam secundum vos, res ipsa liberi arbitrij, nil aliud est, quam voluntas spontè & voluntariè operans, quam Calvinus admisit: ergo rem admisit & propter solam negationem tituli

damnatus est. Sicque iudicio vestro Caluinus non debet dici hostis ipsius libertatis, sed hostis tituli libertatis. Tremendum profecto Anathema. Ex quo iterum fit, quod tota questio quæ est in materia liberi arbitrij inter Ecclesiam & Caluinum, sit merè & præcisè questio de nomine, non autem de re: quod nempe Caluinus nomine liberi arbitrij nolit appellari motus voluntarios, quos tamen sic appellandos censeat Ecclesia. Et quis vnquam Catholicorum hoc delirium somniauit? Quis non constantissimè credit, Caluinum etiã rem ipsam liberi arbitrij negasse?

SECUNDO facit in contra; salum adhuc esse, quod Caluinus absolute recusset nomen seu titulum liberi arbitrij. Si namque alibi recusset, illudque nomen exterminandum esse docet; hoc in tantum est, quia Catholici nomine liberi arbitrij intelligunt facultatem eligendi in vtrâque partem liberam seu indifferentem, vt sonant illa eius verba superius adducta, sed quis per liberum arbitrium intelligunt eligendi facultatem quæ sit in vtramque partem libera & soluta. Solum ergo hoc sensu nomen liberi arbitrij negat, non autem absolute. Vnde (vt circa primum punctum ex ore eius accepimus) libero arbitrio ipse quoque subscribit, si liberè pro sponte positum interpreteris. En vbi nomen & titulum libertatis, etiam in sensu quo Iansenitæ libentissimè concedit. Noluit ergo absolute titulum liberi arbitrij è medio auferri, nisi quatenus facultatem indifferentem significabat. Ex quo proinde manifestè concluditur, quod in materia libertatis cum Iansenitis cōfessus fuerit eandem rem & idem nomen: eandem rem, quia voluntatem sponte seu voluntariè operantem admisit: idem etiam nomen; quia titulum libertatis seu liberi ar-

bitrij non recusauit, nisi quatenus liberum significat facultatem indifferentem, quo etiam sensu eundem titulum recusant Iansenitæ. Habes ergo amice Lector, quàm remotum, quamque alienum à mente Augustini sit delirium Iansenitarum, cuius tamen nomine tanta confidentia id ipsum prætexere audent: potestque de ipsis dici, quod Concilium Senonense (vt supra vidimus) obseruauit de Luthero. Sicut ille (teste Concilio) factus est Manichæus, dum refugit esse Pelagianus: ita Iansenitæ facti sunt Manichæi & Calvinistæ, dum nimis anxie refugiunt esse Pelagiani.

Supra
lib. 2. c.
16. §. Et
quanti.

EPILOGVS.

Ostenditur Iansenitæ similes esse Maximianistis, in eo quod adhuc flagitent ab Ecclesia dollationem seu examen sui dogmatis.

VERBIS AVGVSTINI contra Iulianum discursum finio. Ad omnia me tibi respondisse (Vincenti) & omnia refellisse, quibus disputasti (Theriacæ vnicæ & duabus Epistolis) puto quod perspicias, si perunicæ non sis. Demonstratum enim est, tum Diuinis Sancti Thomæ eloquijs; tum autoritate aliorum Sanctorum & Scholasticorum omnium, tum rationibus efficacissimis, qualiter vera meriti aut demeriti libertas sine potestate indifferenti non subsistat. Qualiter potestas hæc sine fidei præiudicio sub efficacis gratiæ tractu negari non possit. Qualiter denique homini imputandum non sit loco peccati, quod voluntate personali vitare non potuit. Hæc negans, his repugnans, ista conuellere moliens Catholicæ fidei

Auguf.
contra
Iul. lib.
6. capit.
vltim.

Auguf.
ibid.

Augul.
ibid.

munimenta, audes insuper dicere, te in illis omnibus veterem Græcorum & Latinorum Patrum Philosophiam pandere. Falleris (Vincenti) miserabiliter falleris: vel etiam detestabiliter falleris. Quando animositatem qua teneris, viceris, tunc veritatem poteris tenere, qua vinceris.

Plāctus
Augul.
veritat.
pag. 14.

Ast animositatem non deponis: quin potius ne temerè a te dictum existimetur; paratum te ais, in iudicio consentio liquido demonstrare. Quare & Sanctæ Sedis auctoritatem obtestaris, collationem vel examen Ianseniani dogmatis postulans. Sic (ni fallor) de te tuisque legitur, in secundo libello iustitiæ, quem Ieremias quidam in planctu Augustiniana veritatis Sanctitati Sux exhibet.

Verùm vtinam & ipse peccatum populi sui, ausumque temerarium potius plangeret & secum paululum sine certandi studio cogitaret, quam sit absurdum insolensque, ob vnius vel alterius priuati hominis sensum, totam Ecclesiam ad certamen vel collationem velle flagitare. Profecto non tanto armorum strepitu opus est, vt nouitia vestra deformitas confundatur. Hoc nobis & vobis sufficiat, quod vestra causa apud compertens iudicium Pij V. & Gregorij

XIII. iam dudum in Baio finita sit. Nec amplius vobiscum agendum est (verba sunt iterum Augustini) quantum ad ius examinis pertinet, nisi vt prolatam de hac re sententiam cum pace sequamini. Quod si nolueritis, à turbulenta vel insidiosa inquietudine cohibeamini. Similes autem estis Maximianistis: qui cupientes exiguitatem suam, nomine saltem certaminis consolari, & ideo videri aliquid apud eos quibus contemptibiles erant, quia inire (cum Catholica Ecclesia) sinerentur examen; interpellantes eos & libellum dantes, prouocantesque, ipsa Ecclesia contempsit. Magis enim de certamine nominari desiderabant, quàm formidabant in certamine superari. Nec sperabant victoria gloriam, sed famam requirebant collationis, quia multitudinis non habebant. Si ergo Iansenitæ putatis ideo vos esse victores, quia non vobis datur quale desideratis examen; Maximianista vos ad ista vaniloquia præcesserunt. Si autem in Maximianistis videtis non esse consequens, vt qui conferte in aliquo iudicio non sinuntur, putari debeant de veritate confidere; nolite vitius hac iactare, vobisque sufficiat, quod vos Ecclesia Catholica, Materna adhuc lenitate sustinet, licet iudicialia seueritate vel potius medicinali necessitate in Baio damnarit.

Augul.
libr. 1.
contra
Iul. 6. 1.

F I N I S.

AD MAIOREM DEI
ET SANCTI THOMAE AQUINATIS.
GLORIAM.

Necnon ad maiorem confusionem damnatæ doctrinæ, quam quondam proscribere PIVS V. & GREGORIUS XIII. quamque in multis propositionibus continet, defendit ac renouat magno cum Catho-

licorum scandalo & contemptu Sanctæ Sedis Liber, cui titulus, CORNELII IANSENII AVGVSTINVS. Sic decernente post diligentem & maturam Libri lectionem VRBANO VIII. in sua Constitutione, qua dictum Librum *Authoritate Apostolica omnino prohibuit*. Cuius & tenorem, in calce huius operis subiicio, ne Lector ignorantiam prohibitionis prætereundum valeat. Et ut pluribus adhuc titulis IVSTITIA & VERITAS prædictæ Constitutionis omnibus & singulis innotescat, hoc vnum, adijcere non dubito, nempe Sanctissimum Dominum nostrum INNOCENTIVM X. mihi post Beatorum pedum osculum, viux vocis oraculo facultatem concessisse, in publicis concionibus prædicandi & proclamandi dictæ constitutionis IVSTITIAM & VERITATEM. Aiebat enim se non semel sed pluries, & diligenter omnino, exemplaria ad nos missa cum Originali collationasse, & comperisse in omnibus & per omnia, illa cum isto adamussim concordare; ita ut constantissime iudicaret, verbisque iudicium exprimeret, à nemine posse citra contumaciæ inobedientiæque notam in suspensionem adduci. Quapropter, si *Pastoris sententia* (etiam iniusta) *gregi timenda est*, ut docet Beatus PAPA GREGORIUS; quo timore, qua reuerentia, quo amore non debet suscipi sententia, cuius IVSTITIAM & VERITATEM etiam ipse vniuersalis Pastor Ecclesiæ post tot aduersantium oppositiones, adhuc non dubitat tum publicis litteris, tum in priuatis deprædicare audientijs? Eam igitur in tabulis cordis scribe Amice Lector, si tamquam vera ovis Ecclesiæ vocem Pastoris & audire & cognoscere te fateris. Ego verò (testis est mihi Dominus) malletm indomitis equis per loca tribulis & carduis confecta raptari, & lacerato corpore spiritum reddere, quàm latum vnguem à Constitutione hac discedere, stantibus rebus ut nunc, id est, persequerantibus pro IVSTITIA & VERITATE eius tot Ecclesiæ demonstrationibus. *Non solum autem mihi sed & (omnibus) qui diligunt aduentum eius, sic inspiraret DEVS, qui est Benedictus in Sæcula. Amen.*

Gregorius
homo
mil. 26.
in E.
uang.

2. ad
Timo-
th. 4.



M O N I T I O

E X

SANCTO THOMA

OPUSC. XVI. CONT. AUERROEM,
IN FINE.

Contra illos, qui de Scriptoribus Scholasticis multagarrunt in angulis, & coram pueris; cum tamen incapaces sint, ut de rebus Scholasticis iudicent.

SI quis autem gloriabundus de falsi nominis scientia, velit contra hac qua scripsimus, aliquid dicere; non loquatur in angulis, nec coram pueris, qui nesciunt de causis arduis iudicare: sed licentiam à Sede Apostolica petat, & illa obtenta contra hoc scriptum scribat, si audet: & inueniet non solum me, qui aliorum sum minimus, sed multos alios, qui veritatis sunt cultores, per quos eius errori resistetur, vel ignorantia consuletur.

S.^{MI} D. N.

D. V R B A N I

DIVINA PROVIDENTIA

P A P Æ V I I I.

Confirmatio Constitutionum Pij Papæ V. & Gregorij XIII. prohibentium quasdam Theologorum sententias, & opiniones. Nec non prohibitio libri, cui titulus, Augustinus Cornelij Iansenij, olim Iprensis Episcopi, excusi Louanij, Typis Iacobi Zegeri, anno M. DC. XL. aliorumque operum, ac libellorum, occasione dicti Libri, varijs in locis, & varijs idiomatibus impressorum.

V R B A N V S E P I S C O P V S

S E R V V S S E R V O R V M D E I.

Ad perpetuam rei memoriam.

N Eminentis Ecclesiæ militantis Sede, mēitis licet imparibus, constituti, sedulò meditamur, ut quæ ad Fidei Catholicæ conseruationem, à Prædecessoribus nostris prouidē statuta, & ordinata sunt, firmiter perpetuò obseruentur; & cum opus sit, nostræ auctoritatis munimine confirmentur. Dudum siquidem à Felic. Recordat. PIO Papa V. Prædecessore nostro emanauit constitutio tenoris subsequēntis, videlicet. PIVS Episcopus Seruus Seruorum Dei. Ad futuram rei memoriam. Ex omnibus afflictionibus, quas in hoc loco à Domino constituti, tam luctuoso tempore sustinemus, ille omnium nostrum præcipuè excruciat dolor, quòd Religio Christiana tantis iam pridem turbinibus agitata, nouis quotidie propositis opinionibus conflictetur, Christi que populus antiqui hostis suggestionē dissecus, in alios atque alios errores passim, & promiscuè deferatur: Quantum verò ad Nos attinet, totis viribus conamur, ut illæ, simul atque profluant, penitus opprimantur: Magno enim mœrore afficimur, quod plerique, spectatæ aliqui probitatis, & doctrinæ, in varias sententias, offensionis, & periculi plenas, tum verbo tum scriptis, prorumpunt; deque eis, etiam in Scholis, inuicem controuersantur; cuiusmodi sunt sequentes. Nec Angeli, nec primi Hominis adhuc integri

legri merita rectè vocantur gratia. Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium. Et bonis Angelis, & primo Homini, si in statu illo perseverasset usque ad ultimum vitæ, felicitas esset merces, & non gratia. Vita æterna Homini integro, & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt. In promissione facta Angelo, & primo Homini continetur naturalis iustitiæ constitutio, qua pro bonis operibus, sine alio respectu, vita æterna iustis promittitur. Naturali lege constitutum fuit homini, ut si in obedientia perseveraret, ad eam vitam pertransiret, in qua mori non posset. Primi Hominis integri merita fuerunt primæ creationis munera; sed iuxta modum loquendi Scripturæ sacræ non rectè vocantur gratia; quo fit ut tantum merita, non etiam gratia, debeant nuncupari. In redemptis per gratiam Christi, nullum inveniri potest bonum meritum, quod non sit gratis indigno collatum. Dona concessa homini integro, & Angelo, forsitan non improbanda ratione, possunt dici gratia; sed quia secundum usum sacræ Scripturæ, nomine gratiæ, ea tantum munera intelliguntur; quæ per Iesum Christum male merentibus; & indignis conferuntur, ideo, neque merita, neque merces, quæ illis redditur, gratia dici debet. Solutio pœnæ temporalis, quæ peccato dimissa, sæpe remanet, & corporis resurrectio, propriè non nisi meritis Christi adscribenda est. Quod piè, & iuste in hac vita mortali, usque in finem, conuersati, vitam consequimur æternam, id non propriè gratiæ Dei, sed ordinationi naturali statim initio creationis constitutæ, iusto Dei iudicio, deputandum est; neque in retributione bonorum, ad Christi meritum respicitur, sed tantum ad primam institutionem generis humani, in qua, lege naturali, constitutum est, ut iusto Dei iudicio obedientiæ mandatorum vita æterna reddatur. Pelagij sententia est, Opus bonum, citra gratiam adoptionis factum, non est Regni Cælestis meritorium. Opera bona à filiis adoptionis facta, non accipiunt rationem meriti ex eo, quod sunt per Spiritum adoptionis inhabitantem corda filiorum Dei, sed tantum ex eo, quod sunt conformia legi, quodque per ea præstatur obedientiæ legi. Opera bona iustorum non accipiunt in die Iudicii extremi ampliorem mercedem, quam iusto Dei iudicio mereantur accipere. Ratio meriti non consistit in eo, quod qui benè operatur habeat gratiam, & inhabitantem Spiritum Sanctum; sed in eo solum, quod obedit diuinæ legi. Non est vera legis obedientia, quæ sit sine charitate. Sentiant cum Pelagio, qui dicunt, esse necessarium ad rationem meriti, ut homo per gratiam adoptionis sublimetur ad statum Deificum. Opera Catechumenorum, ut fides, & pœnitentia ante remissionem peccatorum facta, sunt vitæ æternæ merita, quam vitam ipsi non consequuntur, nisi prius præcedentium delictorum impedinientia tollantur. Opera, Iustitiæ, & temperantiæ, quæ Christus fecit, ex dignitate personæ operantis non traxerunt maiorem valorem. Nullum est peccatum ex natura sua, veniale, sed omne peccatum meretur pœnam æternam. Humanæ naturæ sublimatio, & exaltatio in consortium Diuinæ naturæ, debita fuit integritati primæ conditionis, & proinde naturalis dicenda est, & non supernaturalis. Cum Pelagio sentiunt, qui textum Apostoli, ad Romanos 2. Gentiles, naturaliter, quæ legis sunt, faciunt, intelligunt de Gentibus fidei gratiam non habentibus. Absurda est eorum sententia, qui dicunt, homines

ab initio, dono quodam supernaturali, & gratuito, supra conditionem naturæ suæ fuisse exaltatum, ut Fide, Spe, & Charitate Deum supernaturaliter coleret. A vanis, & otiosis hominibus secundum insipientiam Philosophorum, excogitata est sententia, quæ ad Pelagianismum reiicienda est, hominem ab initio sic constitutum, ut per dona naturæ superaddita, fuerit largitate conditoris sublimatus, & in Dei filium adoptatus. Omnia opera infidelium sunt peccata, & Philosophorum virtutes sunt vitia. Integritas primæ creationis non fuit indebita humanæ naturæ exaltatio, sed naturalis eius conditio. Liberum arbitrium sine gratiæ Dei adiutorio, non nisi ad peccandum valet. Pelagianus est error, dicere, quod liberum arbitrium, valet ad vllum peccatum vitandum. Non soli fures ij sunt, & latrones, qui Christum, viam, & Ostium veritatis, & vitæ negant; sed etiam quicumque aliunde, quam per ipsum in viam iustitiæ (hoc est ad aliquam iustitiam) conscendi posse docent, aut tentationi vlli, sine gratiæ ipsius adiutorio resistere hominem posse, sic ut in eam non inducatur, aut ab ea non superetur. Charitas perfecta, & sincera, quæ est ex corde puro, & conscientia bona, & fide non ficta, tam in Catechumenis, quam in poenitentibus, potest esse sine remissione peccatorum. Charitas illa, quæ est plenitudo legis, non est semper coniuncta cum remissione peccatorum. Catechumenus iustè, rectè, & sanctè vivit, & mandata Dei observat, ac legem implet per Charitatem, ante obtentam remissionem peccatorum, quæ in Baptismi lauacro demum percipitur. Distinctio illa duplicis amoris naturalis nempe quo Deus amatur ut author naturæ; & gratuito, quo Deus amatur, ut beatorum, vana est, & commentitia, & ad illudendum sacris Litteris, & plurimis veterum testimonijs, excogitata. Omne quod agit peccator, vel servus peccati, peccatum est. Amor naturalis, qui ex viribus naturæ exoritur, ex sola Philosophia, per elationem præsumptionis humanæ, cum iniuria Crucis Christi defenditur à nonnullis Doctoribus. Cum Pelagius sentit, qui boni aliquid naturalis, hoc est, quod ex naturæ solis viribus operum ducit, agnoscit. Omnis amor creaturæ rationalis, aut vitiosa est cupiditas, qua mundus diligitur; quæ à Ioanne prohibetur, aut laudabilis illa charitas, qua, per Spiritum Sanctum in corde diffusa, Deus amatur. Quod voluntariè fit, etiam si necessariò fiat, liberè tamen fit. In omnibus suis actibus peccator servit dominantanti cupiditati. Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato. Iustitia, qua iustificatur per fidem impius, consistit formaliter in obedientia mandatorum, quæ est operum Iustitia, non autem in gratia aliqua animæ infusa, qua adoptatur homo in filium Dei, & secundum interiorum hominem renouatur, ac Divinæ naturæ consors efficitur, ut sic per Spiritum Sanctum renouatus, deinceps bene vivere, & Dei mandatis obedire possit. In hominibus poenitentibus, ante Sacramentum absolutionis, & in Catechumenis ante Baptismum, est vera iustificatio; separata tamen à remissione peccatorum. Operibus plerisque, quæ à fidelibus fiunt, solum ut Dei mandatis pareant, cuiusmodi sunt, obedire parentibus, depositum reddere, ab homicidio, à furto, à fornicatione abstinere, iustificantur quidem homines, quia sunt legis obedientia, & vera legis iustitia, non tamen ijs obtinent incrementa virtutum. Sacrificium Milæ non alia ratione est Sacrificium, quam generali illa, qua omne opus, quod fit, ut sancta societas,

ce, Deo homo inhæreat. Ad rationem, & diffinitionem peccati non pertinet voluntarium. Nec diffinitionis quæstio est, sed causæ, & originis, utrum omne peccatum debeat esse voluntarium: unde peccatum originis verè habet rationem peccati sine ulla relatione, ac respectu ad voluntatem, à qua originem habuit. Peccatum originis est habituali paruuli voluntate, voluntarium, & habitualiter dominatur paruulo, eo quod non gerit contrarium voluntatis arbitrium; & ex habituali voluntate dominante fit, ut paruulus discedens sine regenerationis Sacramento, quando vsum rationis consecutus erit, actualiter Deum odio habeat, Deum blasphemet, & Legi Dei repugnet. Præua desideria, quibus ratio non consentit, & quæ homo inuitus patitur, sunt prohibita præcepto. Non concupisces. Concupiscentia, siue lex membrorum, & præua eius desideria, quæ inuiti sentiunt homines, sunt vera legis inobedientia. Omnis scelus est eius conditionis, ut suum autorem, & omnes posteros eo modo inficere possit, quo in fecit prima transgressio. Quantum est ex vi transgressionis, tantum meritorum malorum à generante contrahunt qui cum minoribus nascuntur vitijs, quàm qui cum maioribus. Diffinitiva hæc sententia, Deum homini nihil impossibile præcepisse, falsò tribuitur Augustino, cum Pelagij sit. Deus non potuisset ab initio talem creare hominem, qualis nunc nascitur. In peccato duo sunt; actus; & reatus; transeunte autem actu, nihil manet nisi reatus, siue obligatio ad pœnam; Unde in Sacramento Baptismi, aut Sacerdotis absolutione, propriè reatus peccati duntaxat tollitur; & ministerium Sacerdotum solum liberat à reatu. Peccator pœnitens non viuificatur ministerio Sacerdotis absoluentis, sed à solo Deo, qui pœnitentiam suggerens, & inspirans, viuificat eum, resuscitat; ministerio autem Sacerdotis solùm reatus tollitur. Quando per eleemosynas, aliaque pœnitentiæ opera Deo satisfacimus pro pœnis temporalibus, non dignum pretium Deo pro peccatis nostris offerimus, sicut quidam errantes autumant (nam alioqui offerimus, saltem aliqua ex parte, redemptores) sed aliquid facimus, cuius intuitu Christi satisfactio nobis applicatur, & communicatur. Per passionem Sanctorum in Indulgentijs communicatas non propriè redimuntur nostra delicta; sed per communionem charitatis nobis eorum passionem impartiuntur, ut digni simus, qui pretio Sanguinis Christi à pœnis pro peccatis debitis, liberemur. Illa Doctorum distinctio, Diuinæ legis mandata bifariam impleri, altero modo quantum ad præceptorum operum substantiam tantum; altero quantum ad certum quandam modum, videlicet secundum quem valeant operantem perducere ad regnum æternum (hoc est modum meritorium) commentitia est, & explodenda. Illa quoque distinctio, quæ opus dicitur bifarium bonum, vel quia ex obiecto, & omnibus circumstantijs rectum est, & bonum (quod moraliter bonum appellare consueverunt) vel quia est meritorium regni æterni, eo quod fit à viuo Christi membro per Spiritum charitatis, reiicienda est. Sed & illa distinctio duplicis iustitiæ, alterius, quæ fit per Spiritum charitatis inhabitantem, alterius, quæ fit ex inspiratione quidem Spiritus Sancti, cor ad pœnitentiam excitantis, sed nondum cor inhabitantis, & in eo charitatem diffundentis, quæ Diuinæ Legis iustificatio impletur, similiter reiicitur. Item, & illa distinctio duplicis viuificationis; alterius, quæ viuificatur peccator, dum ei pœnitentia, & vitæ nouæ propositum, & inchoatio per Dei gratiam inspiratur; alterius, quæ

qua viuificatur, qui verè iustificatur, & palmes viuus in Vite Christo effici-
tur, pariter commentitia est, & Scripturis minimè congruens. Non nisi
Pelagiano errore admitti potest vsus aliquis liberi arbitrij bonus, siue non
malus, & gratiæ Christi iniuriā facit, qui ita sentit, & docet. Sola vio-
lentia repugnat libertati hominis naturali. Homo peccat, etiā damna-
biliter, in eo, quod necessariò facit. Infidelitas purè negatiua in his, in
quibus Christus non est prædicatus, peccatum est. Iustificatio impij fit for-
maliter per obedientiam Legis, non autem per occultam communicatio-
nem, & inspirationem gratiæ, quæ per eam iustificatos faciat implere le-
gem. Homo existens in peccato mortali, siue in reatu æternæ damnatio-
nis, potest habere veram charitatem; & charitas, etiā perfecta, potest
consistere cum reatu æternæ damnationis. Per contritionem, etiā cum
charitate perfecta, & cum voto suscipiendi Sacramentum coniunctam, non
remittitur crimen, extra casum necessitatis, aut martyrij, sine actuali sus-
ceptione Sacramenti. Omnes omnino Iustorum afflictiones, sunt vltiones
peccatorum ipsorum; vnde, & Iob, & Martyres, quæ passi sunt, propter
peccata sua passi sunt. Nemo, præter Christum, est absque peccato origi-
nali. Hinc Beata Virgo mortua est propter peccatum ex Adam contractum,
omnesque eius afflictiones in hac vita, sicut, & aliorum Iustorum, fuerunt
vltiones peccati actualis, vel originalis. Concupiscentia in renatis relapsis
in peccatum mortale, in quibus iam dominatur, peccatum est, sicut, &
alii habitus prauī. Motus prauī concupiscentiæ, sunt, pro statu hominis
vitiati, prohibiti præcepto, Non concupisces: Vnde homo eos sentiens, &
non consentiens, transgreditur præceptum, Non concupisces, quamuis
transgressio in peccatum non deputetur. Quandiu aliquid concupiscentiæ
carnalis in diligente est, non facit præceptum, Diliges Dominum Deum,
tuum ex toto corde tuo. Satisfactiones laboriosæ Iustificatorum, non valent
expiare de condigno penam temporalem restantem post culpam condona-
tam. Immortalitas primi Hominis non erat gratiæ beneficium, sed natura-
lis conditio. Falsa est Doctorum sententia, primum Hominem potuisse à
Deo creari, & institui sine Iustitia naturali.

QVAS quidem sententias stricto coram Nobis examine ponderatas,
quamquam nonnullæ aliquo pacto sustineri possent, in rigore, & proprio
verborum sensu ab assertoribus intento, hæreticas, erroneas, suspectas, te-
merarias, scandalosas, & in pias aures offensionem immitentes, respectiue,
ac quæcumque super ijs verbo, scriptoque emissa, præsentium auctoritate,
damnamus, circumscribimus, & abolemus; deque eisdem, & similibus
posthac, quoquo pacto, loquendi, scribendi, & disputandi, facultatem,
quibuscumque interdicimus. Qui secus fecerint, ipsos omnibus dignitati-
bus, gradibus, honoribus, beneficijs, & officijs perpetuò priuamus, ac e-
tiam inhabiles ad quæcumque decernimus, Vinculo quoque anathematis eo
ipso innodamus, à quo nullus Romano Pontifice inferior, valeat ipsos, ex-
cepto mortis articulo, liberare. Cæterum, vt iam commoti his de rebus
tumultus, & contracta odia facilius comprimi possint, simulque animarum
saluti plenius consulatur, Dilecto filio nostro Antonio tituli Sancti Bartho-
lomæi in Insula Presbytero Cardinali Granuelano nuncupato, per Aposto-
lica scripta mandamus, vt ipse quid ad perpetuam dictarum sententiarum,
& Scripturarum abolitionem, quid ad arcenda huiusmodi proloquia, &
dispu-

disputationes, quid denique ad unionem, & pacem cum communi omnium, & Ecclesiæ Catholicæ satisfactiōe componendam, factū opus sit, in primis diligenter expendat; deinde in ijs omnibus, quæ pro communi salutis tranquillitate, honore optimū iudicauerit, salua semper Ecclesiæ prædictæ unitate, etiam per alium, seu alios, fide doctrina, & religione præstantes, ocus exequatur, faciatque quidquid decreuerit, inuiolatè ab omnibus obseruari. Contradictores quoslibet per censuras, & penas prædictas, cæteraque iuris, & facti remedia opportuna, appellatione postposita, compescendo; inuocato etiam ad hoc, si opus fuerit, auxilio brachij secularis: non obstantibus, quod forsitan aliquibus ab Apostolica sit Sede indultum: quod interdicti, suspendi, vel excommunicari non possint per litteras Apostolicas, non facientes plenam, & expressam, ac de verbo ad verbum de indulto huiusmodi mentionem; & quibuslibet alijs priuilegijs, exemptionibus, indulgentijs, & litteris Apostolicis; specialibus, vel generalibus, quorumcumque tenorum existant, per quæ præsentibus non expressa, vel totaliter non inserta, effectus præsentium impediri valeat quomodolibet, vel differri; & de quibus, eorumque totis tenoribus de verbo ad verbum, habenda sit in nostris litteris mentio specialis. Nulli ergo omnino hominum liceat hanc paginam nostræ damnationis, circumscriptionis, abolitionis, interdicti, decreti, & mandati, priuationis, & innodationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri, & Pauli Apostolorum eius, se nouerit incursum. Datum Romæ apud Sanctum Petrum, Anno Incarnationis Dominicæ millesimo quingentesimo sexagesimo septimo, Kalendis Octobris, Pontificatus nostri Anno secundo. Deindeque piæ memoriæ Gregorius Papa XIII. etiam Prædecessor noster, intellecto per eum, non sine animi sui dolore, non deuisse tunc temporis aliquos Theologos; tum studiosos, tum Professores, qui articulos in prædicta Constitutione damnatos asserere; & pertinaciter defendere pergerent; pro officij sui munere eorundem temeritatem, atque audaciam ad totius Ecclesiæ periculum pertinentem, minimè contemnendam, & dissimulandam censuit; sed ad coercentia huiusmodi ingenia, per aliam suam constitutionem sub datâ quarto Kalendas Iebruary, Anno Incarnationis Dominicæ millesimo quingentesimo septuagesimo nono, Pontificatus sui Anno octauo, editam Pij Prædecessoris constitutionem prædictam sua quoque auctoritate confirmauit, articulosque ibidem comprehensos iteratò damnauit; & ne quis, hac in re constantem Sedis Apostolicæ voluntatem, ac sententiam ignorare posset, suam huiusmodi confirmationis Constitutionem, altera, Pij V. comprehensa, publicauit, & promulgauit. Postea recol. mem. Paulus Papa V. similiter Prædecessor noster, ad tollenda scandala, & dissensiones, quæ in Ecclesia Catholica oriebantur, occasione editionis librorum, & operum de Auxilijs tractantium, in Generali Congregatione Sanctæ Romanæ, & vniuersalis Inquisitionis, sub die primo Decembris, Anni Domini millesimi sexcentissimi vndecimi, coram ipso habita decreuit, vt scriberetur Nuntijs Apostolicis, quod notificarent, & ordinarent Superioribus Religionum, & Vniuersitatibus Studiorum, & Ordinarijs eorum Nuntiaturæ, ne sinerent imprimi in materia de Auxilijs, etiam sub prætextu commentandi Sanctum Thomam, aut alio modo; & qui vellent de hac materia

ria scribere, & imprimere; prius mitterent Tractatus, & Compositiones ad dictam Sanctam vniuersalem Inquisitionem, & in executionem mentis dicti Pauli Prædecessoris, eiusdem decreti tenor omnibus prædictis per Nuntios respectiue fuit legitime intimatus, successuque ne contra prædictum Decretum aliquid attentari contingeret, sed scandala & dissensiones omnino cessarent, Nos in alia Generali Congregatione dictæ Sanctæ Romanæ, & Vniuersalis Inquisitionis, Feria quinta die vigesima secunda Maij, Anno Domini millesimo sexagesimo vigesimo quinto per aliud Decretum nostrum, ipsum Pauli Prædecessoris Decretum confirmauimus, & innouauimus; ac omnibus, & singulis cuiusvis Religionis, Ordinis, Congregationis, Institutum, & Societatis, etiam de necessitate exprimendæ, Regularibus, & alijs quibuscumque tam Ecclesiasticis, quàm secularibus personis cuiuscumque status, conditionis, gradus, ordinis, & dignitatis, tam Ecclesiasticæ, quàm secularis, ne in posterum auderent imprimere, vel quoquo modo in lucem edere libros, Tractatus vel compositiones, ex professo, vel incidenter, aut prætextu commentandi Diuum Thomam, vel quemlibet alium Doctorem, aut alia quauis occasione, prætextu vel modo, de materia Auxiliorum Diuinorum tractantes, sine expressa, & speciali licentia à Nobis, in congregatione Sancti Officii prædicta, obtinenda, donec aliud in hac materia à Sede Apostolica foret ordinatum, districte præcepimus, & mandauimus; & vt huiusmodi nostrum Decretum inuiolabiliter obseruetur, voluimus, & declarauimus, contravenientes, pœnas priuationis dignitatum, & officiorum suorum, vocis actiue, & passiuæ, facultatis concionandi, publicè legendi, docendi, & interpretandi, ipso facto, absque alia declaratione, incurrere, & nihilominus alijs etiam pœnis nostro, & Successorum nostrorum Romanorum Pontificum arbitrio infligendis, subiacere; librosque, quos ex tunc deinceps, contra dicti nostri Decreti tenorem edi contingeret, absque alia declaratione, tamquam expressè prohibitos haberi; & Impressores præter amissionem librorum, pecuniarijs, alijsque corporalibus pœnis iuxta criminis grauitatem teneri. Nouissimè tandem accepto per Nos in Oppido (Ciuitate nuncupato Louanensi) quosdam assertos Cornelij Ianfenij, olim Episcopi Iprensis, executores ex testamento in lucem edi curasse librum, cui titulus, Augustinus, ex professo continentem, & tractantem materiam de Auxilijs, nulla penitus pœta, vel obrepta à dicta Congregatione licentia illum imprimendi; eiusque operis occasione Patres Societatis Iesu, nonnullas in Ciuitate Antuerpiensi de eadem materia tractantes Theses pariter absque licentia eiusdem Congregationis, imprimi curasse; opinionesque Ianfenij in prædicto libro contentas oppugnasse; rursusque nonnullas alias Orationes, Scripturas, Epistolas, Thesesque in Calce infra scripti Decreti nostri, tunc registratas, rampro dicti libri Cornelij Ianfenij, quàm Thesum à Patribus Iesuitis editarum defensione impressas fuisse, non solum contra prædictorum Decretorum prohibitionem; sed etiam in graue scandalum & offensionem Ecclesiæ Catholicæ: Nos vt malis eiusmodi imminuentibus quantò citius occurreretur, & ne in posterum villus auderet dictis Decretis contraire, per aliud Decretum in alia plena, & Generali Congregatione eiusdem Sanctæ Romanæ, & Vniuersalis Inquisitionis coram Nobis die prima Augusti proximè præteriti habita, inherendo prioribus Decretis à Paulo Prædecessore, & à No-

his, vt supra editis; pro tunc dictum librum Iansenij, cui titulus; Augustinus, Louanij impressum, nec non Theses à Patribus Societatis Iesu Antuerpiæ in lucem editas; aliasque Scripturas in calce posterioris nostri Decreti huiusmodi registratas, iam vigore anteriorum supradictorum Decretorum prohibitas, de nouo prohibuimus, ac pro prohibitis omnino haberi volumus; mandauimusque sub pœna excommunicationis, ipso facto incurrendæ, ne quis cuiuscumque status, gradus, conditionis, & qualitatis, etiam speciali, & specialissima nota dignæ, librum, & Theses prædictas, aliasque Scripturas, vt supra, absque dictæ Sedis licentia in dicta Congregatione Sancti Officii obtinenda, retinere & legere posset. Mandauimus insuper omnibus, & singulis cuiusuis Religionis, Ordinis, & Dignitatis, Abbatiali, Episcopali, Archiepiscopali, & Patriarchali dignitate suffultis, Collegijs, & Vniuersitatibus, sub prædictis, vt supra, excommunicationis, ipso facto incurrendæ, Interdicti Ecclesiastici, respectiue, alijsque, arbitrio nostro, pœnis infigendis, etiam corporalibus, ne in posterum audent imprimere, nec quoquo modo in lucem edere libros, Tractatus, Compositiones ex professo, vel incidenter, etiam sub prætextu commentandi Sanctum Thomam, seu in Philosophicis, agendi de concursu causæ primæ cum secunda, & præsertim defendendi, aut impugnandi librum dicti Iansenij: cui titulus; Augustinus, vel Theses Patrum Societatis Iesu, aliasque Scripturas in calce dicti posterioris nostri Decreti, vt præfertur, registratas, & prohibitas, aut alia quauis occasione, vel modo de materia Auxiliorum Diuinorum, seu de gratia, & libero arbitrio tractantes, sine expressa licentia à Nobis in dicta Congregatione Sancti Officii obtinenda, donec aliud in hac materia à Sede Apostolica prædicta foret ordinatum. Absolutionem verò à prædicta excommunicatione, nec non interdicti suspensionem, & relaxationem, Nobis, & dictæ congregationi reseruauimus; non obstantibus quibuscumque priuilegijs, etiam Sanctæ cruciatæ, Tubilæi (etiam Generalis) & facultatibus Missionariorum, ac alijs à dicta Sede emanatis, seu emanandis; quibus omnibus in hac parte derogauimus: Volumusque ea omnia suum plenarium sortiri effectum; omnesque contrafacientes, vt supra, ligare, nec quemquam excusari posse, etiam sub prætextu, quod anteriora Decreta Pauli Prædecessoris, & nostra, aliàs, vt præfertur edita, non forent in Prouincijs intimata, vel vsu recepta. Irritum quoque, & inane decreuimus quidquid secus super his à quoquam quauis auctoritate scienter, vel ignoranter contingeret attentari; contrarijs quibuscumque non obstantibus. Et ne præmissorum ignorantia posset ab aliquo prætendi, volumus, vt posterius nostrum Decretum huiusmodi, seu illius exemplum ad Valuas Basilicarum S. Ioannis Lateranensis, & Principis Apostolorum de Vrbe, & in Acie Campi Floræ, affixum, omnes ita arctaret, & afficeret, ac si vnicuique personaliter intimatum foret. Nota vero librorum, & Scripturarum prohibitarum, in calce posterioris Decreti nostri huiusmodi registrarum hæc est. Liber cui titulus, Augustinus, impressus Louanij typis Iacobi Zegeri, anno 1640. & Parisijs 1641. Theses Theologicæ de Gratia, Libero Arbitrio, & Prædestinatione, Antuerpiæ apud Ioannem Meursium anno 1641. Cornel. Iansenij Iprensis Episcopi, &c. Laudatio Funeralis dicta à Reuerendo Fratre Ioanne à Lapide &c. Louan. Typis Bernardini Maffij, &c. Epistola jdiomate Hispano, Al' Eminentissimo;

y Reuerendissimo Señor Cardenal de la Cueva, de la Congregación de la S. S. Inquisición; Por el P. Pedro Biueró de la Compañía de IESVS Predicador del Señor Cardenal Infante data in Bruxellas 26. Henero 1641. Memoriale idioma Hisp. Card. Infanti Hisp. incipien. Seren. S: & finien. Como es V. Cathol. Real. A. Libellus, cui titulus, Humilis, & supplex querimonia Iacobi Zegers Typograph. Louan. aduersus Libellum. R. P. S. I. Regiæ Capellæ Bruxell. Concionatoris, & Theses PP. Societatis, Louanij apud Iacobum Zeger Anno 1641. primæ, secundæ, & tertiæ editionis. Memoriale ad Eminentissimum Cardinalem de la Cueva, circa Querimoniam friuolam Iansenianam, &c. contra Theses Theologicas, & Libellum supplicem, &c. eiusdem de eodem tela ingesta, & regeſta. Theses Theologicæ, Apologeticæ, & miscellanæ aduersus Doctrinam Cornelij, &c. sub prætextu querimoniz Typographi Louanienſis, editionis secundæ &c. Antuerpiæ apud Ioannem Meursium Anno 1641. Libellus, cui titulus, Augustini Hipponensis, & Augustini Iprensis, de Deo omnes saluare volente &c. Homologia, &c. Louanij apud Iacobum Zegers Anno 1641. Epistola Liberti Fromondi, & Henrici Caleni Louanij 16. Iunij 1641. R. P. Societ. Iesu Louan. incipien. Theses vestras. Epistola Professorum S. Thom. Colleg. Societ. Iesu Louan. Liberto Fromondo, & Henrico Caleno, incipien. Gratias agimus &c. Epistola, cui titulus Petrus Biuerus Doctoribus Iansenianis &c. Ad rem, Ad rem, &c. incipiens Ad rem, Amici &c. Somnium Hipponense, siue de Controuersijs &c. Relatore Phyletimô S. T. Baccal. Formato, Parisijs Anno 1641. Insuper omnes alij libri, Opuscula, Epistolæ, Orationes, Theses &c. aliaque omnia tam edita hucusque, quam imprimenda; tam contra, quam pro Cornelio Iansenio, ac Patribus Iansenitis. Cum autem ex diligentibus, & matura eiusdem libri, cui titulus, Augustinus, lectione, postmodum contemptum fuerit, in eodem libro multas ex propositionibus à prædecessoribus nostris olim, vt præfertur, damnatas, contineri, & magno cum Catholicorum scandalo, & auctoritatis dictæ Sedis contemptu, contra præſatas damnationes, & prohibitiones defendi; Nos huic malo, in scandalum totius Reipublicæ Christianæ, & Fidei Catholicæ perniciem, vertenti, opportunum remedium adhibere volentes; Constitutionis Gregorij; ac Pauli prædecessorum prædictorum nostrorum, nec non Decretorum huiusmodi totos, & integros tenores, ac Datas etiam veriores præsentibus pro totaliter expressis, & insertis habentes, Motu proprio, & ex certa scientia nostra, ac de Apostolicæ potestatis plenitudine, hac perpetuo valitura Constitutione eiusdem Pij, & Gregorij prædecessorum, huiusmodi Constitutiones prædictas, omniaque, & singula in eis contenta, Apostolica auctoritate tenore præsentium, perpetuo confirmamus, & approbamus; librumque prædictum, cui titulus est, Augustinus, Articulos, opiniones, & sententias, in dictis Constitutionibus reprobata, atque damnatas, vt à Nobis compertum est, continentem & renouantem; aliaque omnia opera præsentibus nostris litteris sub inserta, quæ alijs sub posteriori Decreto nostro prædicto registratis, per præſentes addimus, atque adiungimus, eadem auctoritate per præſentes omnino prohibemus, ac pro vetitis, & prohibitis haberi volumus, & mandamus. Inbentes insuper sub omnibus pœnis, & censuris in prædicta Constitutiones Pij prædecessoris, contentis, à quibus, nullus Romanos Pontifice inferior, excepto mortis articulo, absolueret contra-

trafacientes possit) ne quis cuiuscumque conditionis, & qualitatē sit, etiam specialī; & specialissima nota, & expressione dignus, de prædictis, vt supra, damnatis, & in prædicto libro contentis, alijsque (vt infra) sub inferis, Articulis, Opinionibus, sententijs, libellis, orationibus, scriptariis, Epistolis, Thesis, quoquo pacto loqui, scribere, & disputare audeat, Librumque, & alia prædicta penes se retinere, vel legere præsumat, Remanente nihilominus in reliquis in suo robore posteriori Decreto à Nobis in Sacre Supremæ, Vniuersalis Inquisitionis Congregatione, vt præfertur edito; Decernentesque sic, & non alias in præmissis omnibus, & singulis per quoscumque Interpretes, Doctores, Academias, Vniuersitates, & Studia generalia, aliasque personas, Iudices Ordinarios, delegatos, mixtos, etiam nuntios nostros, & Sedis prædictæ, sublata eis, & eorum cuilibet, qualibet, aliter iudicandi; & interpretandi, ac glossandi, & decidendi facultate, & auctoritate, vbique iudicari, & definiri debere; Irritumque & inane quicquid fecus super his à quoquam quauis auctoritate scienter vel ignoranter attentatum forsan est hæcenus, vel in posterum contigoric attentari. Non obstantibus omnibus, quæ in dicto nostro posteriori Decreto volumus non obstat, Caterisque contrarijs quibuscumque. Opera verò addita alijs, in ealcæ posterioris nostri Decreti, vt præfertur, registratis, & prohibitis, sunt, sequentia, videlicet, Liberti Fromondi Sacre Theologiæ Doctōris &c. Breuis Anatomia hominis, Louanij apud Iacobum Zeegers &c. Anno 1641. Conuentus Africanus, siue disceptatio Iudicialis apud Tribunal Præfults Augustini &c. enarratore Artemidoro Cnecrocritico, A Rouen, Ches Nicolas de Montaigne Anno 1641. Memorial Au Roy incipiens, Iean Iansenius Chanoine &c. & finiens, contra illa duo Decreta. Summorum Pontificum &c. Item attestatio Notarialis &c. incipiens, Ergo infra scriptus, & finiens, Petrus Mintært Notarius. Approbatio sub nomine nonnullorum Theologorum ex varijs Religionibus, tam Ordinum Monachalium, quàm Mendicantium, nec non Archiepiscopi Philippensis, aliorumque Theologorum Clericorum Sæcularium, Doctrinæ Cornelij Iansenij in dicto libro Augustinus, contentæ, incipiens. Quid censendum sit de doctrina in opere Reuerendissimi D. Cornelij Iansenij Episcopi Iprensis fel. memor. nuncup. Augustinus, contenta, patebit ex subsequētibz attestationibus Doctissimorum virorum in Belgio, & alibi existentium &c. & finiens: Et me publico, & Apostolico, ac dictæ Vniuersitatis Notario, & Scriba iurato, Quod attestor, Petrus Mintært Notarius. Vt autem præsentēs nostræ litteræ, omniaque, & singula in eisdem litteris, vt supra contenta ad omnium notitiā deducantur, nec illarum ignorantia ab aliquo allegari possit, volumus easdem præsentēs nostras litteras, seu earum transumptum, etiam impressum (cui manu Notarij publici subscripto, & sigillo alicuius personæ in dignitate Ecclesiastica constitutæ munito, plenam vbique locorum, & tam in iudicio, quam extra illud fidem adhiberi decernimus) in Basilicæ Principis Apostolorum de Vrbe, & Cellarariæ Apostolicæ Valuis, atque in Acie Campi Floræ per aliquos ex Curforibus Palatij Apostolicæ publicari, & affigi, earumque copiam inibi affixam dimitti, publicationemque, affixionem, & copiarū affixæ dimissionem huiusmodi in omnibus, & quoad omnia sufficere, & pro solemnī; & legitima haberi, nec aliam publicationem in Regnis, Prouincijs, Ciuitatibus, Oppidis, & locis requiri, aut expectari debere, omnesque & singulos perinde

arctare, & afficere, ac si vnicuique nominatim, ac personaliter intimata, atque presentata fuissent. Nulli ergo omnino hominum liceat hanc paginam, nostræ confirmationis, approbationis, additionis, adiunctionis, prohibitionis, iussionis, Decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, & Beatorum Petri & Pauli Apostolorum eius se noverit incursurum. Datum Romæ apud Sanctum Petrum, Anno Incarnationis Dominicæ millesimo sexcentesimo quadragesimo primo, Pridie Nonas Martij, Pontificatus nostri anno decimo nono.

E. D A T.

Visa de Curia P. Gentilis.

F. Morolus.

P. Ciampinus.

Anno à Nativitate Domini nostri IESV CHRISTI millesimo sexcentesimo quadragesimo tertio, Indictione undecima, die vero decima nona Iunii, Pontificatus Sanctissimi in Christo Patris, & D. N. D. Urbani Divina Providentia Papæ VIII. Anno eius vigesimo, supradicta Constitutio affixa, & publicata fuit ad Valvas Basilicæ Principis Apostolorum de Urbe, & Cancellarie Apostolicæ, atque in Acie Campi Floræ, ut moris est, per nos Ioannem Baptistam Ricium, eiusdem Sanctiss. D. N. Papæ, ac Sanctæ Inquisitionis Cursores.

A Testor ego Ioannes Antonius Thomæus Supremæ, & Vniuersalis Inquisitionis de Urbe Notarius à Matrice Actorum Pij V. & Gregorij XIII. felici Recordat. Nec non Sanctissimi D. N. Urbani Papæ VIII. quæ in Archiuo eiusdem Supremæ & Vniuersalis Inquisitionis conseruantur, me extraxisse, seu transcripsisse de verbo ad verbum, & deinde diligenter collationasse præsens exemplar, atque in omnibus, & per omnia cum predictis ut supra ad amussim concordare. In quorum fidem præsentem subscripsi, & sigillo Sanctæ Romanæ & Vniuersalis Inquisitionis muniui hac die vigesima prima Iulij, Millesimi sexcentissimi quadragesimi quarti.

Ita est.

Io. Antonius Thomæus,

S. Rom. Vniuersalis Inquisitionis Notarius.

Locus, & Sigilli.

I N D E X

Rerum & Verborum quæ in hoc opere de Libero Arbitrio continentur.

Primus numerus paginam, secundus columnam designat.

Littera uero à interdum posita ante numerum, significat sermonem de illo puncto
incipere ab illa pagina, & extendi ulterius.

A

Academia:

Academiæ d. quibus Philoso-
phia studium exulat, nociuæ
sunt Ecclesiæ. Pag. 274. col. 2.

Academia: in quibus præcipuè at-
tenditur lectioni Sanctorum Pa-
trum, neglectis difficultatibus Theo-
logicis, gignunt hæreses. ibidem

Accidens:

Propter defectum accidentis non
potest absolute & sine addito
ratio aliqua de subiecto negari.

33. 2.

Idem actus respectu eiusdem obiecti,
secundum diuersas terminaciones,
potest esse liber & necessarius.

306. 1.

Idem numero actus potest transire
de libero in non liberum. 339. 2.

Actus humanus petit pro conditione
necessaria & essentiali libertatem.

290. 1.

Actus humanus dicitur ille, qui est
proprius hominis, in quantum est
homo. ibidem.

Debet subesse dominio hominis.

ibid.

Quo sensu debeat esse ex voluntate
deliberata. ibid. 1.

Actus liber; vide Libertas.

Adam quo sensu immortalis. 298. 1.

Quo modo libertatis primum suum
peccatum commisit. 274. 1.

Admiratum non fundatur in quo
libet actu intellectus; sed, præcise
in illo, quo videtur effectus igno-
rata causa.

238. 2.

Aelredus docet libertatem non subsi-
stere absque potestate ad opposi-
tum.

79. 2.

Agens naturale quid sit. 129. 2.

Agens naturale qualiter diuidatur
in contra voluntarium & liberum. 252. 6.

Agens naturale quid sit. 129. 2.

Agens naturale qualiter diuidatur
in contra voluntarium & liberum. 252. 6.

Agens naturale quid sit. 129. 2.

Agens naturale qualiter diuidatur
in contra voluntarium & liberum. 252. 6.

Agens naturale quid sit. 129. 2.

Agens naturale qualiter diuidatur
in contra voluntarium & liberum. 252. 6.

Agens naturale quid sit. 129. 2.

Agens naturale qualiter diuidatur
in contra voluntarium & liberum. 252. 6.

Agens naturale quid sit. 129. 2.

Agens naturale qualiter diuidatur
in contra voluntarium & liberum. 252. 6.

Agens naturale quid sit. 129. 2.

Ec 2 Amor

INDEX RERVM

Amor Beatificus.
 Iudicium regulatium amoris Beatifici, nullo modo est indifferens. nec ex parte actus secundi, nec ex parte actus primi. 46.2.
 Amor beatificus in quo sensu possit dici liber. à 95.
 Amor beatificus in quo sensu sit naturalis. 139.1.
 Necessitas amoris beatifici est necessitas absoluta. 158.1.
 Amor beatificus sit absque contingentia. 163.1.
 Potest gratis admitti; actum amoris beatificum esse verè liberum, & tamen non sequetur, esse cum simili necessitate etiam verè liberos actus viz. à 193.
 Ex amore beatifico necessario, provenit omnis alius beatorum amor liber. 205.2.
 Amor beatificus quo sensu sit actus humanus. à 289.
 In amore beatifico nulla est coactio. à 95.
 Amor beatificus, qualiter liber & simpliciter necessarius. 306.1.
 Amorem beatificum antecedit voluntas libera per modum meriti; non per modum principij elicientis. 337.1.
Angelus.
 Licet Angelus in primo instanti non potuerit velle malum; potuit tamen velle alterum bonum, & velle & non velle idipsum. 25.2.
 Non pertinet ad imperfectionem Angelij, si non habet voluntatem determinatam respectu eorum que à 39.1.
 In quo Angeli libertas consistat. 39.1.
 Angelus quo sensu vocetur à Gregorio Magno rationale animal. 241.1.
 Quo sensu dicatur ab Augustino, esse in Angelis vita sensitiva ibidem 241.1.
 Præcipuus actus voluntatis Angelicæ,

fuit liber. 313.3.
 In Angelis eadem charitas actualis viz secundum numerum, perseque-
 ravit in patria. 338.2.
 In Angelis qui peccare non possunt, maior est libertas arbitrij quam in nobis qui peccare possumus. 351.1.
D. Anselmus.
 Anselmus docet libertatem non subsistere absque potestate ad oppositum. à 74.
Aptitudo.
 Aptitudo ad actum convenientem est ipsissima ratio cuiuscumque potentiz. 99.2.
Aristoteles.
 Aristoteles interdum locutus fuit secundum opinionem aliorum. 200.1.
 Aristotelis doctrina, vbi fidei non contradicit, in pretio habenda. 277.1.
Arriani.
 Arriani dixerunt Spiritum Sanctum esse creaturam. 79.1.
Attributa.
 Quò sensu dicantur attributa Dei, perfectiones eius naturales. 138.2.
D. Augustinus.
 Augustinus multoties fuit locutus secundum opiniones aliorum, quas tamen asserere non intendebat. 51.1.
 Falsus fuit doctrinam S. Thomæ in omnibus suis conformem esse. 58.2.
 Docuit libertatem consistere in indifferentia. à 59.
 Nunquam docuit, libertatem sufficientem ad peccandum subsistere absque potestate ad oppositum. à 62.
 Ex verbis Augustini sumpserunt Hæretici occasionem dicendi, Corpus Christi non esse in Sacramento Altaris. 235.2.
 Augustinus contra Manichæos pro liber-

libertate disputans, taliter disputat, quod videtur in hæresim Pelagij incidisse. 236.1.

Non desiderat à suis discipulis amari supra Ecclesiam aut supra Catholicam fidem. 236.2.

Augustinus fatetur se in multis rebus Hieronymo minorem esse. 236.2.

In suis libris quos post exortam Pelagianorum hæresim edidit, cautius locutus fuit de potestate liberi arbitrii, quam in libris quos edidit ante prædictæ hæresis ortum. 243.2.

Propter scientiam Philosophiæ, post conversionem suam Ecclesiæ utilior. 276.1.

Eius dicta & scripta in linguis quibusque vernaculis prædicata, semper fuere populo gratissima. 266.2.

Augustinus agnoscit auxilium sufficiens etiam in natura lapsa. 318.2.

Augustinus in quo differat ab Augustino Corneli Janfenij. 407.1.

Auxilium efficax.

Sine auxilio efficaci adhuc voluntas est verè potens ad actum supernaturalem. 91.1.

Auxilium efficax tenet se ex parte actus secundi ut applicatio potentie ad actum. 91.1. & 346.1.

Auxilium efficax requisitum ad aliquando bene moraliter operandum, est debitum etiam in natura lapsa. 359.1.

Idem debet dici de auxilio efficaci requisito ad aliquando bene operandum supernaturaliter supposita gratia iustificante. 359.1.

Auxilium sufficiens.

Auxilium sufficiens paratus est Deus dare omnibus & singulis loco & tempore, quo vult ad præcepta supernaturalia hominem obligare. 94.2.

Auxilium sufficiens pluribus de facto denegatur. 94.2.

Si utrumque auxilium tam sufficiens

quam efficax contingeret homini denegari, absque sua culpa personali, homo ille non adimplendo præceptum, non peccaret. 140.1. & 15.1.1.

Qualiter actus supernaturalis sit in potestate hominis, mediante Divino auxilio. 144.2.

Averroes.

Peripateticæ Philosophiæ depravator. 105.1.

B

Baius.

BA Y sententiæ damnatæ & proscriptæ à Pio V. & Gregorio XIII. 164.2. Vide Bullam Urbani in fine operis.

Bay locutiones damnatæ, vitandæ sunt à Doctore Catholico, non solum secundum sensum, sed etiam secundum verba. 167.1.

Verba Bullæ contra Baium qualiter sint legenda cum interiectione commatis. 169.1.

Beatus.

Beatus videns Deum, habet potestatem remotam ad non amorem. 106.2.

Beati qualiter laudandi ratione amoris Beatifici. 271.

Beati in suis actibus non solum habent indifferentiam, quantum ad hoc vel illud motivum; sed etiam quantum ad substantiam actus. 143.1.

Quomodo ad Beatos pertineat electio. 229.2.

Beati qualiter possint deficere à iusto, seu à iustitia. 268.1.

Beati in se spectati non laudantur propriè, sed honorantur. 272.1.

Comparatiuè ad effectus quos in nostram utilitatem ordinant, sic laudantur. ibid.2.

Quo sensu Beati in amore beatifico conveniant quoad modum agendi cum brutis. 293.1.

Beatorum iudicium non obstat

INDEX RERVM

necessitate est maximè & summè expediens. [296.2.](#)
 Actus quo Beati amant suam beatitudinem formalem, est necessarius in sententia [multorum. 397.2.](#)
 Beatis liberum est, Dei consilium præterire. [d 363.](#)
Beatitudo.
 Beatitudo animæ non crescit intensè resumpto corpore; sed solum extensivè. [52.2.](#)
 Appetitus beatitudinis qualiter sit [meritorius. 8.2. & 10.1. & 14.2. & 31. & 49.1.](#)
Beata Virgo.
 Quo sensu negaverit Damascenus Beatam Virginem esse Matrem Christi. [168.1.](#)
 Beata Virgo ratione confirmationis in gratia, non amisit libertatem. [298.1.](#)
 In Beata Virgine perseveravit in patria eadem charitas actualis viz sine interruptione. [339.1.](#)
Beatus Bernardus.
 Bernardus docuit libertatem non subsistere absq; potestate ad oppositum. [277.](#)
 Vocat auxilium efficax applicationem voluntatis ad opus, sicut & Thomistæ. [346.2.](#)
 Quo sensu dixerit, charitatem in Petro non fuisse extinctam, sed solum sopitam, quando negavit Christum. [234.2.](#)
Bonum.
 Bonum velle, inest animæ ex impressione primæ causæ. [122.1.](#)
Bonitas Divina.
 Dupliciter amabilis à Beato, & liberè, & non liberè. [306.1.](#)
Breviarium.
 Qui caret Breuiario ad horas recitandas quas ignorat, non tenetur. [146.2.](#)
Bruta.
 Bruta sunt quodammodo liberi quidem motus, non autem liberi iudicij. [21.1.](#)

In quo differat modus agendi brutorum à modo proprio agendi hominis. [44.1.](#)
 Bruta communicant voluntario. [88.1.](#)
 In Brutis nulla est libertas propriè. [119.1.](#)
 Est tamen quædam similitudo liberi arbitrij. [ibid.](#)
 Bruta necesse habent ab ipsa visione rei, vel à passione surgente moveri ad fugiendum determinatè, vel ad prolequendum determinatè. [ibid.](#)
 Bruta verè se movent. [183.](#)
 Cur dicantur potius agi, quàm se agere. [ibid.2.](#)
 Qualiter in Brutis sit indifferentia agendi & non agendi. [d 309.](#)
 Beneficijs inducuntur, & flagellis prohibentur. [310.2.](#)
 In brutis est iudicium determinatum ad vnum. [ibid.2.](#)
 Qualiter acceptent vnum præ alio, & tamen non eligant verè & propriè. [312.1.](#)

C

Caietanus.
 Caietanus vocat sententiam Iansenitarum de libertate in intelligibilem & falsam. [1.1. & 18.2. & 19.1.](#)
Calvinus.
 Calvinus qua de causa in materia libertatis damnetur vt Hæreticus. [d 44.](#)
 Calvinus non negavit hominem sub motione Divina agere voluntariè & ex perfecto iudicio [rationis. 109. 151.1. & 416.1.](#)
 Calvinus damnatus à Tridentino. [178.2.](#)
 In quo conuenerit cum Luthero, quantum ad materiam gratiæ & liberi arbitrij. [177.1.](#)
 Eius argumentatio pugnat ex diametro cum argumentatione Pelagij. [ibid.2.](#)
 Ad-

Admisit gratiam à se ipsa efficacem.

178.2.

In quo differat à Thomistis. 179.1.

Potestatem absolutam faciendi oppositum, quam Thomistæ sub gratiæ tractu ponunt, repudiat & detestatur. 179.1.

In citandis pro se Augustini testimonijs est continuus, sicut & Iansenius. 192.1.

Non negat liberum arbitrium, nisi quatenus liberum significat potestatem indifferentem. 416.1.

Capreolus.

Quo sensu Spiritum Sanctum dicat procedere liberè. 15.1.

Charitas.

Habitus Charitatis in patria qualem necessitatem bene agendi inferat in Beatis. 204.1.

Eadem charitas habitualis secundum numerum in via, perseverat in patria non tamen eadem actualis. 338.2.

Non habet pro obiecto ipsam cognitionem, sed rem cognitam. 339.1.

Christus.

Christus qualiter fuerit liber in merendo. 439.

Anima Christi licet esset determinata ad vnum, secundum genus moris, nempe ad bonum; non tamen erat determinata ad vnum simpliciter. 53.2.

Impotentia peccandi in Christo non fuit cum determinatione ad vnum secundum numerum. 201.2.

Hæc est falsa simpliciter: *Christus est creatura.* 240.1.

Hæc est falsa: *hic homo (demonstrato Christo) incepit esse.* ibid.2.

Qualiter Christus fuerit liber in subeunda morte. 209.

Christus habuit præceptum non solum de morte quoad substantiam, sed etiam de morte quoad omnes eius circumstantias. 300.1.

Habuit formaliter meritum obedientiæ. ibid.2.

Iudicium quod formabat Christus de subeunda morte formaliter ut præcepta, non repræsentabat ipsi mortem prout sic, indifferenter.

303.1.

Christus potuit mortem non acceptare sicut & alij Martyres. 305.1.

Christus eodem actu amoris beatifico meruit. 205.

Qualiter ille amor liber & necessarius. ibid.

Non fuit liber, formaliter in non peccando. 330.1.

Non necessitabatur ad volendum, per actum positivum complacentiæ, negationem peccati. 230.1. & 231.1.

Negatio omnis peccati inest Christo independenter ab eius voluntate. 330.2.

Non potuisse Christum peccare, quo sensu reddiderit voluntatem eius liberiolem. 331.1.

Naturam humanam Christi, subsistere in supposito Diuino, non fuit voluntati eius humanæ liberum. 331.2.

Christus non voluit necessitate quoad exercitium, suam rationem, Hypostaticam. 332.2.

Humana Christi voluntas non erat necessitata ad volendam negationem odij Dei per actum formaliter & expressè detestativum ipsius malitiæ odij in se. 333.1.

D. Cyprianus.

Cyprianus nullo modo Sacramentum conferre hæreticos posse, credebatur. 234.1.

Coactio.

Coactio sumitur dupliciter. 861.

Destruit totum fundamentum libertatis. 88.2.

In volentem nequit cadere. 210.1.

Agere sine potestate ad oppositum, & agere coactè, respectu voluntatis in via, idem sunt. 196.2.

Libertas à coactione quò sensu dicitur constituere libertatem naturalem.

lem. 211.1.
 Incogibilitas denotat determinatam naturam potentie liberæ. 212.1.
 Non est idem absolute, agere incoactè & agere liberè. 288.1.
 Incogibilitas non est proprietas solius libertatis. ibid.2.
Concupiscentia.
 Peccata commissa ex necessitate concupiscentiæ, potest Deus iuste imputare. 137.1.
 Concupiscentia quo sensu dicatur ab Apostolo peccatum. 155.2.
 Qui concupiscit quod non vult, non habet liberam actionem, potest tamen habere liberam voluntatem. 209.2.
 Concupiscentia quo sensu dicatur lex peccati. 357.1.
Conditio.
 Propositio quæ exprimit opus sub conditione voluntatis, supponit in voluntate potestatem faciendi & non faciendi illud opus. 327.1.
 Propositio conditionalis potest verificari, etiam de extremis impossibilibus. 328.2.
Confirmatio in gratia.
 Non tollit à confirmatis libertatem. 298.1.
 In quo differat à gratia consummata. ibid.
 Confirmati quo sensu dicantur impeccabiles. ibid.
 Confirmatio potentie ad actum hunc, ita quod oportet hunc operari & non possit non operari hunc, nec possit alium operari, tollit naturam liberi arbitrii. 5.2.
Credere.
 De homine qui non potest credere, defectu notitiæ fidei, nequit verificari, quod crederet, si vellet. 327.2.
Crux Christi.
 Crux Christi ratione sui seu ut res quædam in se, nequit honorari. 273.2.

D

D. Damascenus.

D Amascenus docet libertatem non subsistere absque potestate ad oppositum. à 73.
 Putavit Spiritum Sanctum non procedere à Filio. 234.2.
 Quo sensu dixerit tres Diuinas personas esse idem re & distingui ratione. 241.1.

Delectatio.

Delectatio consequens appetitum, ante consensum rationis deliberatum, peccatum mortale non est. 343.1.
 Non quæcumque delectatio facit actum liberum. à 342.

Deliberatio.

Accipitur dupliciter. 313.1.
 In quo sensu requiratur ad libertatem & in quo non. ibid.
 Qualiter supponat intentionem finis, qualiter non. ibid.

Dæmones.

Qualiter peccent, licet omni gratia sint destituti. à 324.
 In ipsis perseverat in termino damnationis, eadem numero volitio viæ. 341.2.
 Nouo peccato formali delinquere possunt. 325.2.

Determinatio ad vnum.

Omnis determinatio in actibus necessarijs, ad vnum, est ex impressione authoris Dei, tam respectu actuum intellectus quam voluntatis. à 122.

Dens.

Vult bonitatem suam necessariò, sed alia à se liberè. 13.1. & 22.2. & 24.2.
 Non potest velle malum culpæ & tamen ad opposita se habet. 13.2. & 39.1. & 54.1.
 Quamdiu proponitur voluntati in via sub ratione summi boni & infiniti & ultimi finis, tam diu diligitur sub illa ratione, dilectione natu.

naturali. **151.1.**
Qualiter dicatur Dominus suorum
actum. **21.1.1.**

Quidquid circa creaturas vult, tale
est, vt absque eo nihilominus per-
fectio Diuinæ bonitatis subsistat.

39.1.1.

Quod Deus sit Deus, non subditur
eius voluntati. **79.1.1.**

Sic mouet mentem humanam ad bo-
num, quod tamen potest huic mo-
tioni resistere. **228.1.1.**

Qualiter possit deficere a iusto sen-
a iustitia. **162.2.**

Non necessariò necessitate absoluta,
præscit futura. **270.1.1.**

Vita Dei, quo sensu prædicatum li-
berum. **271.1.1.**

In se spectatus non laudatur proprie
sed honoratur. **272.1.1.**

Quo sensu iubeat aliqua quæ non
possumus. **322.1.1.**

Qualiter possit meliora facere, quam
quæ facit. **366.2.**

Immutabilitas Dei in volendo non
obest eius libertati. **334.2.**

Deza Hispanensis.

Quo sensu dixerit Patrem & Filium,
liberè producere Spiritum San-
ctum. **25.1.1.**

Difficultas.

Sæpe appellatur a Sanctis Patribus
impossibilitas. **263.1.1.**

Dilectio.

Nulla dilectio naturalis sufficiens est
pro adimplerione præcepti super-
naturalis. **147.1.1.**

D. Dionysius.

Non fuit opinio Dionysij, Dæmones
effecorporeos. **51.2.**

Docet Angelos supremæ Hierarchie,
nunquam mitti ad exterius mini-
sterium. Nec in hoc opponitur

D. Gregorio.

51.2.

Discipulus.

Discipuli audientes diuersos Magi-
stros in Theologia, habentes con-
trarias opiniones, utrū excusentur
a peccato, si sequantur opiniones

falsas suorum Magistrorum. **233.1.**

Diuina.

In Diuinis vitanda sunt nomina di-
uersitatis & differentiz, separatio-
nis & diuisionis, disparitatis, alic-
ni & discrepantis. **167.1.1.**

In Diuinis fatentur Doctores Latini
tres substantias, non tamen tres
substantias. **ibid.**

Doctor Scholasticus.

Debet vitare singularitatem in opi-
nando. **a 184.**

Debet docere quod docent plures.
186.1.

In exponendis Sanctis Patribus de-
bet uti expositione quæ comuni-
ter sic tenetur. **ibid.2.**

In hoc cognoscitur, quod honorat
Doctores Antiquos, si honorat sui
temporis Modernos. **191.1.**

Dominium.

Dominium voluntatis in quo consi-
stat. **a 125.**

Dominium habere super actionem,
vel ad minus super terminum eius,
est essentiale omni agenti libero.
a 125.

Dominium non competit voluntati
vt natura est, sed voluntati vt vo-
luntas est formaliter. **126.2.**

Vera ratio dominij claudit essentia-
liter imperfectionem in altero ex-
tremorum. **129.1.1.**

Dominium quod habet voluntas su-
pra suos actus, excludit determi-
nationem virtutis ad vnum, & vio-
lentia causæ exterius agētis. **113.2.**

E

Ebrius.

Ebrius ab homicidio non excusa-
tur, quod per ebrietatem **com.**
mittit. Et quare. **152.2.**

Ebrius tenetur non peccare, consi-
derata ebrietatis voluntaria cau-
sa. **325.1.1.**

Ecclesia Romana.

Est sol in quem omnes Doctores Ca-
tholici respicere debent pro sciē-
da

da veritate. 173.2.
 Nostrum est, ab ea querere, quid credere, & quid tenere debeamus. 173.1.
 Ipsius solius est reprehendere, corrigere, statuere, solvere, & ligare. ibid. 2.
 Est sanctificata, illuminata, Deo digna, castissima, beatificanda, Spiritu Sancto plena. 173.2.
 Est stabilis, & sibi constans. 176.2.
 Est consecrata partu Virginis, sanguine Redemptoris, gloria resurgentis. ibid.
 Magis standum est eius auctoritati, quam Augustini, Hieronymi, vel cuiuscunque Doctoris. ibid.
Electio.
 Electio proprie sumpta, solum est circa media. 34.5.
Elias.
 Elias singularis, quando putauit se, solum pro honore Dei tuendo remansisse. 189.2.

F

Fatum.
 Fatum accipitur dupliciter. 166.1.
 In qua acceptione positio fati Catholica, in qua erronea. ibid.
 Necessitas fatalis in quo consistat. 41.2.
 Nomen fati à Catholicis subticendum. 149.2.
Filius in Diuinis.
 In Filio non est subauthoritas, licet in Patre sit authoritas. 131.1.
 Filius à Græcis dicitur principatus sed non est hoc in vsu apud Latinos. 166.2.
Finis.
 Qualiter appetitus vltimi finis non sit de his quorum domini sumus. 19.2. & 231.1.
 Respectu finis vltimi in via habemus liberam voluntatem, non tamen liberum iudicium seu arbitrium strictè loquendo. 34.2.
 De fine vltimo non iudicamus iudi-

cio discussionis vel examinationis, sed naturaliter approbamus. 230.2.
 Respectu finis vltimi in via habemus liberam voluntatem, non tamen voluntatem proprie electiuam. 240.2.
 Actus intentionis circa finem vt finis est, est verè liber. 313.1.
 Talis actus non cadit, nec cadere potest sub deliberatione. 313.2.
Flandrensis.
 Quo sensu vocet processionem tam verbi quam Spiritus Sancti, liberam. 318.1.
Forma substantialis.
 In quo sensu extra totum dicatur habere potentiam ad componendum. 217.1.
D. Fulgentius.
 Docet libertatem non subsistere absque potestate ad oppositum. 82.2.
Futura.
 Sola illa futura sub iuncto libero arbitrio quæ per ipsum possunt fieri & non fieri. 367.2.

G

Generare.
 Generare cum omni proprietate verificatur in Diuinis. 131.1.
 Generatio in Diuinis necessaria, est fons & origo producendi liberè omnem creaturam. 209.2.
Germani.
 Quid Germanis causa fuerit tot errorum. 275.2.
Gratia.
 Absque gratia non habet homo lapsus necessitatem peccandi in omni suo opere. 141.2.
 Nec etiam ipsi infideles. 142.1.
 Homo omni gratia destitutus, habet necessitatem non adimplendi precepta supernaturalia. 143.2.
 Destituti omni gratia qualiter non peccent contra leges supernaturales. 320.2.
 Est in potestate liberi arbitrij impedire Diuinæ gratiæ receptionem vel

vel non impedire. [321.1.](#)
 Illi soli gratia priuantur, qui in se ip-
 sis gratiæ impedimentum præ-
 stant. [322.2.](#)
 In quo sensu gratia habeat opposi-
 tionem Physicam cum peccato. [323.1.](#)
 Qualibet peccato mortali amitti,
 gratiam; est de fide. [334.2.](#)
Gratia efficax.
 Gratia efficax quo sensu possit ho-
 mo resistere. [326.1.](#)
 Gratia efficax non insert in nostra
 voluntate necessitatem absolutam
 ad bonum. [269.2.](#)
 Excludit potentiam ad malum con-
 sequentem tantum, non anteceden-
 tem. [269.2.](#)
 Gratia efficax quo sensu faciat deter-
 minatè velle. [345.2.](#)
 Gratia efficax cum libertate con-
 cordiam pauci penetrare valent.
[346.1.](#)
 Gratia efficax tenet se ex parte actus
 secundi per modum applicationis.
[346.2.](#)
 Gratia efficax viæ quantumcumque
 ponatur crescere in efficacia, nun-
 quam lædit libertatem arbitrij, nisi
 fiat transitus ad aliud efficaciæ
 genus. [347.1.](#)
Gratia sufficiens.
 Tam sufficiens quam efficax gratia,
 possunt in peccatū solius peccati
 originalis denegari. [315.1.](#)
 Denegata gratia sufficiens, requisita
 pro adimpletione alicuius præcep-
 ti, præceptum illud non obligat.
[315.1.](#)
 Deus tenetur ad dandum vel saltem
 ad offerendum omnibus & singu-
 lis gratiam sufficientem loco &
 tempore quo vult illos obligari ad
 aliquid, quod sine illa gratia fa-
 cere non possunt. [315.2.](#)
 Quid sit abuti gratia sufficiens. [320.2.](#)
 Gratia sufficiens non est donum in-
 debitum omnibus modis. [322.2.](#)
 In casu quo sint duo habentes æqua-

lem gratiam sufficientem, & vnus
 de facto adimpleat præceptum su-
 pernaturale, alius non, ille adim-
 plens adimplet ratione maioris
 virtuositatis liberi arbitrij, non
 ratione gratiæ. [324.1.](#)
 Gratia sufficiens sine præiudicio li-
 bertatis nequit facere determina-
 tē velle. [346.1.](#)

Gregorius Magnus.

Loquitur interdum secundum opi-
 nionem aliorum. [312.2.](#)

H

Habitus.

H Abitus siue boni siue mali in
 via nunquam repugnant liber-
 tati. [359.2.](#)
 Habitus non dantur in brutis, pro-
 priè. [360.2.](#)
 Habitus bonus quo perfectior, cō-
 ducit ad efficacius meritum. [363.2.](#)
 Habitus malus quo sensu vocetur ne-
 cessitas peccandi. [362.2.](#)
 Habitus infusi quo sensu dicantur na-
 turales. [13.2.](#)

Hæretici.

Cum Hæreticis nec nomina debemus
 habere communia. [166.2.](#)
 Hæretici validè baptizant; si bapti-
 zent cum intentione faciendi quod
 facit Ecclesia. [234.1.](#)
 Contemnunt Scholasticos. [237.1.](#)
 Abijciunt Philosophiam. [409.1.](#)
 Apud ipsos summi reputatur Theo-
 logi, qui memoriæ mandatos ha-
 bēt varios textus *Scripturæ*. [409.2.](#)

D. Hieronymus.

Docet libertatem nō subsistere absq;
 potestate ad oppositum. [71.](#)

Homicidium.

Homicidium secutum ex ebrietate,
 inculpabili non imputatur in cul-
 pam. [324.](#)

Homo.

In quo eius libertas consistat. [39.2.](#)
 Dicere quod homo sub efficaci mo-
 tione Dei agat sicut brutum quan-
 tum

INDEX RERVM.

tum ad modum agendi, est hæreticum. [43.2.](#)
 Hominis actiones liberæ nequeunt attribui soli Deo, fato, fortunæ, aut casui. [73.2.](#)
 Non sufficienter differt homo à bruto per potestatem agendi & non agendi remotam. [110.2.](#)
Honor.
 Quid sit. [271.2.](#)
 Qualiter differat à laude. [272.1.](#)
 Honor etiam competit existentibus in fine. [ibid.](#)
 Honor exhibetur alicui etiam ratione dignitatis suppositi. [ibid.2.](#)
 Honor magis debetur agenti quam actui. [273.1.](#)
 Inanimatis secundum se nullus honor debetur. [273.2.](#)

L

Iansenius.

Conuincitur Manichæismi. [142.](#)
 Impingit in Bullam Pij V. & Gregorij XIII. [164.](#)
 Conuincitur Caluinismi. [414.](#)
 Quam irreuerenter, & quam libere locutus fuerit contra auctoritatem Sanctæ Sedis. [172.](#)
 Ecclesiam tamquam sibi imprudenter contrariam videtur tacite velle reprehendere. [ibid.](#)
 Ostendit se Romano Pontifici reuera non subesse, aut obedire. [173.2.](#)
 Ecclesiam quasi in Ecclesias videtur diuidere. [ibid.](#)
 Dedit scriptis suis occasionem Hæreticis sperandi (ut ipsi volunt) tandem aliquando triumphum de Romana Ecclesia. [174.1.](#)
 In equilibrio euentis contradictionis ponit veteres Pontifices, & modernos. [174.2.](#)
 Non iuuat Iansenium, quod Augustini testimonijs abundet. [192.1.](#)
 Querit rimam in Augustino pro libertate indifferentiæ, cum tamen ei ostendatur apertissima [ianua. 265.2](#)

Ut in altum euolat, videtur lunam digito posse contingere. [334.1.](#)
 Conuincitur argumentis quibusdam quæ tamen D. Thomas sibi obiecit, & soluit. [351.2. & 342.1.](#)
 Glossando neutem Magistri Sententiarum monstruosè loquitur. [368.2.](#)
 Citando Thomam de Argentina, pro sua sententia, verba quædam omittit particulari studio. [384.2.](#)
 Thomas de Argentina soluit eius argumentum quod nobis obiecit. [366.1.](#)
 Captiosè & fraudulentè citat pro sua sententia Marfilium. [392.2.](#)
 Citat pro sua sententia Gabrielem, cum tamen Gabriel soluat auctoritates Sanctorum, quas Iansenius nobis obiecit. [399.1.](#)
 Iansenij Augustinus est latuatus Caluinus. [409.2.](#)
 Iansenius citans Antiquos Scholasticos pro sua sententia, dato studio omisit Thomistas. [410.1.](#)
 In quibus eius doctrina conueniat cum doctrina Caluini. [410.](#)
 Scriptis suis dedit Hæreticis occasionem gloriandi. [413.2.](#)
 Scripta eius ab Hæreticis laudantur. [414.2.](#)
 Liber eius continet, defendit ac renouat propositiones multas damnatas à Pio V. & Gregorio XIII. vide finem libri. [421.](#)
 Impingit in Tridentinum. [183. & 361.2.](#)
 Potius noua damnatione comprimendus, quam disputatione conuincendus. [409.2.](#)
 Ita loquitur & resouit, quasi supra omnes Scholasticos intelligentiam habuerit. [186.2.](#)
 Est Doctor singulariter mirabilis & mirabiliter singularis. [187.1.](#)
 Dicit Sanctum Thomam Aquinatem fortassis longè recedere à mente Ecclesiæ. [189.1.](#)
 Dicit Thomistas Augustini doctrinam funditus peruertere, Scripturis

ris non exiguam vim inferre, imò
& subnuare. **187.2.**
Omnium in se Thomistarum meritò
prouocat iram. **189.1.**
Iansenita.
Conquerruntur, tamquam apud S.
Sedem iniquè traductus sit Ianse-
nius. **175.2.**
Supponunt Ecclesiam per prohibi-
tionem libri Ianseij, læsisse au-
thoritatem Sancti Augustini, &
veterum Pontificum. **ibid.**
Prætentunt quòd Ecclesia penitus
examinet librum, quasi sine suffi-
cienti examine ad prohibitionem
procefferit. **ibid.**
Ecclesiam nota contradictionis, &
ignorantiæ inurunt. **ibid.**
Non iurant Ecclesiam, sed impu-
gnant, non **sequuntur**, sed redar-
guunt, non obediunt, sed volunt
corrigere. **176.1.**
Verbis obedientiam fatentur & fa-
ctis negant. **ibid.**
Paratos se dicunt pro Ecclesia san-
guinem fundere, & æquo animo
ferre non possunt pro amore Ec-
clesiæ miseram prohibitionem v-
nitijs libri. Insignis voluntas Mar-
tirij. **ibid.**
Volunt esse discipuli Augustini, &
Augustini erga Ecclesiam obedi-
tiam non semel attendunt. **ibid.2.**
Contemptores sunt Philosophiæ. **400.1.**
Dicunt se venerari antiquos Patres,
sed quæ & qualis sit ista veneratio.
191.1.
In lectione **Sanctorum Patrum** me-
re videntur attendere ad nudam
ipsorum litteram, more Hæreti-
corum. **233.2.**
Contemptores subtilitatum Schola-
sticarum. **277.1.**
Facti sunt Manichæi & Caluinistæ,
dum nimis anxie refugiunt esse
Pelagiani. **420.2.**
Sunt similes Maximinianistis, in eo
quòd adhuc flagitent examen sui
dogmatis. **420. in Epilogo.**

Ipsorum etiam Hæreticorum iudi-
cio, minimè satisfaciunt Concilio
Tridentino. **418.1.**

Conueniunt cum ipsis in rei sum-
ma, vt ipsimet Hæretici fatentur.
413.1.

Idea.

Qui negat ideas esse, infidelis est.
241.2.

Deus non cognoscit per ideas acce-
ptas à rebus. **ibid.**

Idiota.

Maximè amentia est idiotæ, qui Phi-
losophica asserit esse falsa, propter
hoc quòd ea non intelligit. **249.2.**

Ignorantia.

Facta ex inuincibili ignorantiâ in quo
sensu dicantur peccata. **70.1.**

Ignorantia siue sit iuris naturæ, siue
iuris Diuini positui, eo ipso quòd
inuincibilis sit, excusat à peccato.

152.2.

Ignorantia Iuris Diuini etiam est pe-
nalis. **ibid.**

Impossibile.

Impossibilia Deus nō præcipit. **149.**

Imperium.

Quid sit, adum aliquem esse impe-
ratum à voluntate. **286.1.**

Actus necessarij subiacent imperio
naturæ. **286.2.**

Indifferentia.

Vna inclinationis, altera elicientiæ.
356.1.

In qua consistat libertas. **ibid.**
Prima tollitur per habitus, secunda
non. **ibid.**

Indifferentia, alia contradictionis,
alia contrarietatis, alia immuta-
bilitatis. **102.2.**

Infideles negatiue.

Non damnantur propter infidelita-
tis peccatum, sed propter alia.

320.2.

Non peccant contra vllum præceptū
supernaturale. **95.2. & 152.2.**

In illis est pœna, non credere,
non sperare, non diligere. **95.1. &
151.1.**

INDEX R E R V M

Intellectus.
Quo sensu dicatur cogi. 28.6.
Intellectus potest apprehendere in
quolibet exercitio actuum vie, ali-
quid moleste, seu fastidii. 124.1.
Non potest assentiri alicui quod sit
contrarium his, quæ naturaliter
cognoscit. 122.2.

Iudicium.
Quid sit iudicium indifferens seu li-
betum. 118.2.
Quæ res operentur absque iudicio,
quæ cum iudicio, sed non libero:
quæ denique cum iudicio & libe-
ro. 120.1.
Iudicium regulans actus necesarios
voluntatis æquæ ab intrinseco est
determinatum ad unum ac iudi-
cium bruti. 121.1.
Est determinatum ex impressione
authoris naturæ. 122.1.
Intellectus qualiter reflectatur super
iudicia libera & super iudicia ne-
cessaria. 124.1.
Quando iudicium sit in potestate iu-
dicantis. 124.1. *ibid.*
Stante iudicii indifferencia non po-
test Deus necessitare voluntatem.
125.2.

Indici.
Habuerunt auxilia sufficientia tam
intrinseca quam extrinseca, quibus
verè credere potuerunt. 317.2.
Julianus Apostata.
Seruos Christi a studio litterarum
arcendos esse dicebat. 239.2.

L.
Lans.
Laus & vituperium consequuntur
actum voluntarium secundum
perfectam voluntarij rationem.
107.1.
Non omne voluntarium perfectum
est laudabile. *ibid.*
Laud sumitur dupliciter. 271.2.
Quid sit. 272.1.
Qualiter differat ab honore. *ibid.*
Non tribuitur alicui, nisi propter a-

ctum tendentem ad finem. *ibid.*
Non debetur, nisi agenti, qui est do-
minus actus. *ibid.* 2.

Liberum arbitrium.
Liberum arbitrium non est habitus
sed potentia. 99.2.
In recto supponit pro sola voluntate,
licet intellectum tamquam sui ta-
dicem connotet in obliquo. 113.2.
Claudit quatuor. 17.2.

Nominat facultatem expeditam ad
opposita. 57.1.
Etiam nominat facultatem proxi-
mam ad opposita. 90.1.
Non consistit in sola libertate a coa-
ctione. 16.2.
Non obligatur ex natura nec ex ha-
bitu ad hoc vel ad illud. 6.1.
Est oppositorum contrariè vel con-
tradictoriè. 7.2.
Est gratia sui. 344.1.
Comparatur Regi. 84.1.
Quo sensu dicatur homo peccado li-
berum arbitrium perdidisse. 149.2.
Liberius.

Libertas accipitur multipliciter 85.
Distinctio duplicis libertatis, essen-
tialis & accidentalis ut sumitur à
Iansenitis, fuit omnino veteribus
Thomistis incognita. 123.2.
Legitimè dividitur in libertatem vo-
luntatis & in libertatem arbitrij:
seu alijs terminis in libertatem ar-
bitrij generaliter sumpti & in li-
bertatem arbitrij speciatim sum-
pti. 34.2.
Vtraque illa libertas essentialiter pe-
tit indifferenciam. *ibid.*
Quod indifferenciam petat, etiam
ante tempora Pij Quinti fuit vul-
gatissimum. 170.1.
Libertas contradictionis non est solus
arbitrij speciatim sumpti. 231.1.
Libertas voluntatis in tribus consi-
deratur, quantum ad actum, quan-
tum ad obiectum, quantum ad or-
dinem finis. 57.1.
Libertas arbitrij speciatim sumpti &
arbitrij generaliter sumpti, eandem
diste-

different ex parte obiecti attacti,
non autem in modo illud attingendi.

Tota ratio libertatis ex modo cognitionis dependet.

Quæ libertas per peccatum perierit.

Ad libertatem non sufficit potestas remota ad oppositum.

Nostri libertas est participatio libertatis Diuine.

Libertas non est maxima perfectio voluntatis.

Quæ differentia inter libertatem creatam & Diuinam.

Non repugnat libertati aliquid prærequiri ad actum cum quorundam.

Non incompensabilis negatio actus.

Libertatis definitio.

Libertatis vulgata definitio, qualiter intelligenda.

An accidentalis sit vel essentialis.

Illam negant Hæretici, sicut & Iansenista.

Potentia libera.

Appetudo ad opposita est re & ratione idem cum potentia libera.

Potentia libera non repugnat habere actum necessarium necessitate naturalis inclinationis.

In potentiam liberam non cadit coactio.

Potentia libera est ipsa voluntas ut connotans indifferentiam iudicij.

Non est de essentia Potentiæ liberæ salubriter operari, sed indifferenter operari.

Non est de essentia potentiæ liberæ posse oppositum in sensu compositi.

Non est de essentia potentiæ liberæ quod sit prima causa sui actus.

Libera actus.

Actus liber debet esse à voluntate ut voluntas est, non à voluntate ut natura est.

Actus liber debet regulari iudicio in-

differenti.

Ad libertatem actus non requiritur inquisitio dubia rationis.

Actus liber debet esse sub domino seu potestate operantis.

Actus liber ceteris paribus, est perfectior actu necessario.

Locus.

Non potest homini omnis loci occupatio prohiberi. Et quare.

Lutherus.

Damnatus à Tridentino.

In quo conuenit cum Caluino, quantum ad materiam gratiæ, & liberi arbitrij.

Admisit gratiam à se ipsa efficacem.

Necessitatem consequentis & consequentis, quæ Catholicis ponunt.

phantasma.

Dum nimis anxie vitat Pelagium, factus est Manichæus.

Docuit nos in opere interno nullam habere adiunctionem. Sed Caluinus hoc repndiat.

Admisit, nos agere sub tractu gratiæ in sponte & libenti voluntate.

Negauit sub tractu gratiæ potestatem aliter faciendi.

Contemptor fuit Philosophiæ.

M

Manichæi.

Animæ bona & mala Manichæorum. Quæ & qualis.

Medium.

Circa mediæ etiam datur actus voluntatis, absque vlla prorsus indifferencia.

Medium necessario connexum cum fine, amatur necessario, si finis ad amorem sui necessitat.

Mereri.

Mereri est aliquid dare alteri, & consequenter in bonum ipsius à quo expectatur merces.

Nullus meretur in eo, quod omittere non potest.

Meri-

INDEX RERVM

Meritum.

Meriti conditio, est libertas operis.

27.2. & 30.2.

Miseria.

Nullus potest velle miseriam nisi per accidens.

122.2.

Mysteria.

Circa altissima etiam mysteria fidei, quæ stiones speculatiuas instituire, vtile est.

133.1.

Modalis propositio.

Propositio modalis, quæ faciat sensum compositum, quæ diuisum.

263.1.

Moderni Doctores.

Cautius & quasi elatius loquuntur circa doctrinam fidei, quam Sancti Antiqui.

191.1.

Moderni Doctores etiam in pratio habendi.

238.2.

Sancti Patres etiam sui temporis modernos Doctores venerati sunt.

ibid.

Motio Diuina.

Duplex. Vna accommodata causis liberis, altera causis naturalibus.

347.2.

Sub Diuina motione inest voluntati potentia proxima ad opposita.

162.2.

Mouere seipsum.

Contingit dupliciter. Physicè & Moraliter.

284.1.

N

Natura.

Quid sit produci per modum naturæ, & qualiter differat à produci naturaliter.

116.2.

Qualiter natura diuidatur contra voluntatem & qualiter non.

117.2.

Quid sit, per modum naturæ obligari ad vnum.

183.1.

In diuersis considerando, actio naturæ est posterior voluntate: in eodem autem, actio naturæ præcedit actionem voluntatis.

205.1.

Perfectior est voluntas vt natra, quā voluntas vt voluntas.

293.2.

Natura integra & lapsa.

Vide Verbo.

Status Nature integra & lapsa.

Necessitas.

Necessitates tamquā erroneæ damnatæ ab Ecclesia, quales sint.

42.2.

Necessitas Stoica, qualiter differat à necessitate Manichææ & Caluiniistica.

43.1.

Peccata commissa ex necessitate Manichææ, non possent Deus iuste imputare.

137.2.

Necessitas quæ est in natura lapsa, cadendi in aliquod peccatum vage, non aufert ab homine veram libertatem. contradictionis respectu cuiuscumque peccati in singulari.

67.2.

Ista necessitas non est Physica sed moralis.

ibid.

Necessitas Physica respectu alicuius collectionis semper inuenitur coniuncta cum necessitate exercitij circa aliquod singulare collectionis.

68.1.

Quæ diuersitas inter necessitatem coactionis & necessitatem naturalis inclinationis.

90.1.

Necessitas naturalis quo sensu non aufert libertatem.

89.2. & 110.2.

Vbi est necessitas ad actum, ibi non operatur voluntas quia vult.

116.1.

Necessitas volūtaria in sensu formali potest esse tam arcta, ac necessitas rerum naturalium.

160.2.

Necessarium.

Necessarium duplex. Absolutè & ex suppositione.

136.1.

Necessarium absolutè, tollit liberum arbitrium.

157.1.

Necessarium ex suppositione non tollit.

218.1.

Nestoriani.

Docuerunt Spiritum Sanctum non procedere à Filio.

233.2.

Nomen.

Nomina æquiuoca ad sensu Catholicum & ad sensum damnatum, sunt à Doctoribus vitanda.

166.1.

Nomi-

Notitas.

Doct̃or dicat nouẽ, sed non dicat noua. 186.1.

O

Obedientialis potentia.

Potentia obedientialis ad recipiendas à Deo vires pro adimplẽtione præcepti, non sufficit ad inexcusabilem obligationem, si aliud non adfit. 146.1.

Oculus.

Oculus sine specie visibili non habet expeditam potentiam ad videndum. 108.2.

P

Passio.

Passio necessitatem inducens, si fuit à principio voluntaria, à peccato non excusat. 353.1.

Passiones sapientis animus etiam patitur. 351.1.

De fide est, quòd stante aduertentia rationis, ad bonitatem vel malitiam rei, quæ proponitur, nulla passio aut tentatio necessitet voluntatem ad exercitium actus. 354.1.

Qualiter incontinens dicatur vinci à passionibus. 354.2.

Pater Diuinus.

Pater non spirat quia vult, licet spiret volendo. 61.2.

Dicere quòd spirat, quia vult, infert hæresim. 70.1.

Peccare.

Posse peccare non pertinet ad libertatem voluntatis. 54.1. & 100.2.

Nemo peccat in eo quòd nullo modo caueri potest. 1139.

Ista regula intelligitur generaliter pro omni statu. 60.2.

Peccatum.

Peccatum est voluntas agendi quòd iustitia vetat & vnde liberum est abstinere. Qualiter hoc intelligatur. à 61.

Nomen peccati dupliciter usurpatur: aliquando in sensu materiali, aliquando in sensu formali. 70.2.

Peccatum Mortale.

Existens in peccato mortali, qualiter possit vitare peccata. 154.1.

Peccatum Veniale.

Vitare peccatum veniale secundum puram negationem non est meritum. 331.2.

Omnia venialia collectivè vitari nequeunt ex auxilio gratiæ de communi lege paratæ. 154.2.

Votum de vitandis omnibus venialibus collectivè est inualidum. 148.1.

Ad penitentiam de venialibus, sufficit quòd homo proponat abstinere à singulis. 147.2.

Persona Diuina.

Vna persona Diuina; non potest dici domina respectu alterius. 129.2.

D. Petrus Apostolus.

Cum Christo non responderit quòd diligebat eum plusquam reliqui Apostoli. 293.1.

Philosophi.

Dicta Philosophorum, quando fidei non sunt contraria, non sunt contemnenda. 19.1. & 239. 2. & 277.2.

Philosophia.

Immiscere Philosophiam & præcipuè Metaphysicalia Scripturæ Sacræ, multum valet vt veritas Scripturæ intelligatur. 249.2.

Philosophia Ecclesiæ necessaria. 275.1.

Inter Theologos fouenda. ibid.

Ignorantia Philosophiæ, mater errorum. ibid.

Pontifex Romanus.

Subesse Romano Pontifici est de necessitate salutis. 173.1.

Magis standum est eius sententiæ, quàm in iudicio profert, quàm quorumcumque sapientum hominum in scripturis opinionioni. 176.2.

F f

Poten-

INDEX R E R V M

Potentia.

Non specificatur ab extremo vt possibili pro omni statu, sed ab extremo vt possibili absolute. 217.2.

Non tollitur per formam, licet tollatur per eam eius priuatio. 347.1.

Qualiter intelligatur hoc axioma. 302.2.
Sic se habet potentia ad potentiam, sicut actus ad actum.

Potestas.

Qualiter dictum hoc intelligatur. 327.1.
Hoc quisque habet potestate, quod si vult, facit: si non vult, non facit.

Potestas requisita ad libertatem debet esse expedita & proxima ad vtrumlibet. 290.

In quo potestas proxima consistat. 91.1.

Modus potestatis debet esse iuxta modum libertatis. 106.1.

Qualiter actus externi sint in nostra potestate per ipsam volitionem. 329.2.

Potestas consequens.

Potestas consequens & antecedens quid sint. 95.1.

Præceptum.

Præcepta & prohibitiones non debent fieri nisi ei qui potest facere & non facere. 142.

Aliqua nobis præcipiuntur, quæ tamen non possumus potentia consequente. 322.1.

Præceptum supernaturale.

Vt præceptum supernaturale obliget, requiritur quod sit possibile per gratiam de communi lege paratam. 148.1.

Stat vitare peccatum omissionis præcepti supernaturalis, & tamen præceptum non adimplere. 321.1.

Ad vitandam talem omissionem, sufficit, in nullo ponere obicem motioni Diuinæ supernaturali, quæ quis constitueretur potens præceptum adimplere. 321.1.

Præcepta supernaturalia aliter obli-

gant hominem gratia sufficienti præditum, & aliter hominem illa gratia sine sua culpa destitutum. 321.2.

Prædeterminatio Physica.

Non tollit indifferentiam iudicii, aut naturalem facultatem voluntatis, cui superuenit. 216.2.

Relinquit potestatem ad oppositum in sensu diuiso. ibid.

Quæ sit differētia inter Prædeterminationem Physicam qua mouetur voluntas viatoris & inter morionem, qua mouetur voluntas beati ad amorem beatificum. 215.1.

Qualiter Physica prædeterminatio libertatem non lædat sed ædificet. 216.

Qualiter inducat solam necessitatem consequentem. 218.

Perinde est illius necessitas, ac si esset ex mea libertate descendens. 220.

Antecedit meam libertatem, vt causa libertatis. ibid.

Quid præcipue in Physica prædeterminatione sit petra scandali & lapsus offensionis, imperfectis. 221.1.

In quo sensu dicatur Physica. 221.2.

Est efficax in propria essentia & ab intrinseco independenter à quocumque consensu nostro. 221.2.

Est quidem suppositio antecedens, non tamen necessitas antecedens. ibid.

Sancti Patres docent Prædeterminationem Physicam. 222.2.

Possibilitas eius probatur argumento ad hominem contra Suarez. 224.2.

Ex D. Thoma probatur habere efficaciam & infallibilitatem. 227.1.

Nullam vim præternaturalem infert voluntati. 136.2.

Iuxta mentem S. Thomæ fundatur in generali subordinatione causæ secundæ à prima, quidquid obmuret Iansenius. 183.1.

Predestinatio.

Non imponit rebus necessitatem absolutam, sed tantum conditionalem seu ex suppositione. *157.2.*
 Nec etiam imponit necessitatem absolutam voluntariam, ut somniant Iansenitz. *160.2.*

Premium.

Nullus debet premiari vel puniri pro eo quod non est in eius potestate facere & non facere. *129.2.*

Prima principia.

De eis non iudicamus ea examinantes sed naturaliter eis assentimur. *130.2.*

Promissio.

Promissio sine voluntate dandi, inanis & ridicula. *146.1.*

D. Prosper.

Docet libertatem non subsistere absque potestate ad oppositum. *181.*

Providentia Divina.

Infalibilitas illius nihil dat vel aufert causæ ad utrumlibet. *192.*

Ad illam spectat naturas rerum non corrumpere sed servare. *182.2.*

Diversimodè mouet voluntatem ad actus liberos, ac ad actus naturales. *182.2.*

Pueri.

Actus puerorum, quo sensu dicantur esse actus voluntatis. *115.1.*

*Q**Quæstio.*

*Q*uæstiones speculatiue utiles. *132.2.*

Magister determinans quæstiones, utrum debeat potius determinare per auctoritates quàm per rationes. *276.1.*

*R**Ratio.*

*N*on in quolibet actu voluntatis adest ratio per modum ducis & arbitri. *279.2.*

Ratio nihil determinat in actibus

necessarijs.

280.1.

Primus actus voluntatis non est ex ordinatione rationis. *280.2.*

Nec etiam amor beatificus. *ibid.2.*

Ratio deliberata quid importet. *290.2.*

Pregnantissimæ rationes amandi, quando noceant libertati amoris, quando non. *297.2.*

Richardus S. Viſtoris.

Docet libertatem non subsistere absque potestate ad oppositum. *284.*

S

Samuel Marsius Hæreticus.

*Q*uid dixerit de Iansenicis. *413.2.*
 & *418.1.*

Samuel Propbeta.

Cur populo Israelitico mentionem fecerit Moyses & Aaronis. *190.1.*

Sancti Patres.

Aliquando occasionaliter loquuntur secundum opiniones aliorum, quas tamen asserere non intendunt. *52.2.*

Intradendo seu explicando Sanctorum Patrum sensu, non debemus continuò attendere ad nudam superficiem litteræ, sed præcipuè ad Definitiones Ecclesiæ, & iuxta normam illarum, littera est regulanda. *237.*

Veneranda est in rebus Theologicis eorum autoritas. *ibid.*

Doctrina Sanctorum Patrum, minoris est auctoritatis, quàm resolutio Ecclesiæ. *233.1.*

Sancti Patres ad exprimendam unitatem Essentiæ & Personæ in Diuinis, aliquando expressius locuti sunt, quàm proprietas locutionis patitur. *236.1.*

Sancti Patres emergentes errores circa fidem, ita persequabantur, ut interdum viderentur in errores labi contrarios. *236.1.*

Sanctorum Patrum dicta etiam interdum sunt regulanda & explicanda

Ff 2 canda

canda iuxta rigorem Scholasticum. 237.1.

Multa erronea & falsa videbuntur in Sanctis Patribus, si eorum verba rigore Scholastico interdum non temperentur. 240.1.

Imò inueniuntur passim sibi contradicere. 241.1.

Cur Sancti Patres (maximè Augustinus) tam rigorosè locuti fuerint, de pœnis Parvulorum. 188.2.

Formalitatum Metaphysicarum minime ignari. 249.2.

Sensu reduplicatio sæpè vti fuisse ad obiectiones hæreticorum diluendas. 249.2.

Quomodo intelligendi, quando videntur docere, omnem actum rationis voluntatis, esse liberum. 245.2.

Quomodo intelligendi, quando videntur docere, nullum motum voluntatis, esse naturalem. 250.

Item quando docent, omnem actum ratione regulatum, esse liberum. 256.

Item quando docent in natura lapsa esse necessitatem peccandi. 260.

Item quando tribuunt aliquibus actibus necessitatem simul & libertatem. 264.

Scholastici.

Authoritas Scholasticorum veneranda. 237.1.

Scholasticorum communis sententia non potest absque temeritate rejici. 238.1.

Securius tenetur illa sententia, quæ apud scholasticos communior. ibid.

Scotus.

Quo sensu dixerit Spiritum sanctum procedere necessariò & liberè. 1.1.

Scotus dum tribuit nomen libertatis actibus necessarijs, non loquitur conformiter ad communem terminationem acceptionem. 344.1.

In schola Scotica celebris est diuisio libertatis in libertatem complacētis & contradictionis. 373.1.

Ex schola Scotica nequeunt Iansenistæ habere patrocinium. 374.2.

Docuit apertissimè, veram & meritariam libertatem non subsistere absque potestate ad oppositum. 253.2.

Sensualitas.

Motus sensualitatis diuisiuè sunt in nostra potestate: collectiuè non. 115.1.

Motus sensualitatis non est peccatum vt est passio, sed prout est in potestate voluntatis illum prohibere vel non. 126.1.

Motus sensualitatis non esse peccata, definitum in Tridentino. 155.2.

Sensus compositus & diuisus.

Distinctio illa, qualiter in materia Physicæ prædeterminationis sit intelligenda. 217.

Tradita fuit in proprijs terminis à Diuo Thoma. 335.2.

Septuaginta Interpretes.

Singuli, cellis etiam singulis separati, feruntur in vnam conuenisse interpretationem. 238.1.

Seruitus.

Seruitus peccati non cogit hominem ad peccatum sed tantum aliquo modo ad peccandum inducit. 213.1.

Singularitas.

A Doctoribus vitanda. 185.2.

Soncinas.

Quo sensu dixerit processionem Spiritus Sancti esse liberam. 16.2.

Spiritus Sanctus.

Ita naturaliter procedit, sicut Filius. 20.2.

Necessitas processionis Spiritus Sancti est absoluta. 157.2.

Quod producatur, non subiacet Diuinae voluntati. 79.1.

Producitur à voluntate vt natura est.

est.

ibid. 2. & 115. 2.

Quo sensu productio illius possit dici libera.

295.

Taliter producit, vt nec ex parte modi possit non produci.

102. 2.

Non producit, quia Pater sic velit.

80. 1.

A Græcis dicitur principiatus, sed hoc non est in vsu nostrorum Doctorum.

166. 2.

Eius processio a Filio, licet non inueniatur in Scripturis secundum verba, inuenitur tamen secundum sensum.

266. 1.*Sponsæ.*Hæc dictio *Sponsæ* apud antiquos solebat accipi pro eo quod est, liberæ libertate indifferentia.374. 2.*Status naturæ integræ & lapsæ.*

Homo in statu naturæ integræ potuit virtute naturali vitare omnia peccata diuini sumpta tam mortalia quam venialia.

65. 1.

Idem potest homo in statu naturæ lapsæ.

ibid.

Oppositum est Hæresis Manichæa.

Ibidem.

Est omnium ferme hæreticorum nostri temporis.

66. 1.

Homo in statu naturæ integræ nullam patiebatur difficultatem in vitandis peccatis.

67. 1.

Plurimas difficultates patitur circa hoc in natura lapsæ.

ibid.

Homo in statu naturæ lapsæ sine gratia speciali non habet verum posse ad vitanda omnia peccata colligere.

66. 2.

Homo in natura lapsæ sine gratia speciali, habet necessitatem cadendi in aliquod peccatum vagè.

67. 1.

Quo sensu homini in natura lapsæ non sit liberum abstinere a peccato.

68. 2.*Subprepositio.*

Denotat inferioritatem seu subiectionem.

130. 2.*Subauthoritas.*

Nomen subauthoritatis in Diuinis non est in ysu apud Sanctos Patres.

131. 1.*Suppositio determinata.*

Quid.

165. 1.

Ad sui verificationem exigit præcisè vnā singularem veram.

165. 2.*Substantia.*

Nomen substantiæ æquiuocatur apud Doctores latinos: quandoque significat essentiam, quandoque hypostasim.

166. 1.**T***Tentatio.***P**otest homo tentationi leui etiam ex motiuo honesto resistere absque gratia.142. 2.

Potentia antecedente & consequente.

ibid.

Tentationi graui licet ex motiuo honesto resistere non possit absque gratia, potentia consequente potest tamen potentia antecedente.

ibid.

Nequit perseverante ratione tentatio ita crescere, quin homo possit resistere, seu non consentire.

341.

In amentibus tamen aut furiosis propter vehementem iram vel concupiscentiam, ita crescere potest.

ibid.

Auxilium efficax ad victoriam grauis tentationis requisitum, nunquam est debitum.

358. 2.*Theologi.*

Veri Theologi debent amare subtilitates Scholasticas.

276. 2.*Theologia.*

Theologiæ Scholasticæ contemptis, occasio errorum.

275. 2.

In quæstionibus Theologicis, an magis videndum auctoritatibus, quam rationibus.

276. 1.*S. Thomas Aquinas.*

Aliquando fuit locutus secundum opinionem aliorum.

51. 2.

Scri-

INDEX RERVM

Scripta eius super libros sententiarum, nullius censentur Authoritatis, quando contradicunt Summæ eius Theologicæ. 55.2.

In illis aliquando docuit oppositum illius, quod habet in Partibus. Nonnulla de hoc exempla. ibid.

Qui Sanctum Thomam contra se habet, habet quoque contra se Sanctos Patres. a 56.

Sortitus fuit quodammodo intellectum omnium Sanctorum Patrum. ibid.

Sensum Epistolarum Pauli, tam probè affecutus fuit quantum quidem assequi potest quispiam in humano corpore. ibid.

Plus intellexit de mente Augustini paucioribus fortè vicibus ipsum, perlegendo, quàm Iansenius decies vel trigiesies à capite ad calcem euoluendo. 57.2.

Quasi habuit modum intelligendi angelicum. ibid.

Teste Vrbano V. Beati Augustini vestigia insecutus fuit. 57.2.

Humilitas eius & castitas potius habuerunt rationem doni, quàm virtutis. 58.1.

Doctrina eius via regia, via communis Sanctorum Patrum. 59.1.

Est lydius lapis ad quem ipsa mens Sanctorum Patrum referenda & examinanda est. 59.2.

Sanctus Thomas veneratus fuit sui temporis modernos Doctores. 191.2.

Qui eum impugnât, de veritate semper suspectus. 197.1.

Quilibet Theologus conatur eum partibus suis adiungere. ibid.

S. Thomas amator subtilitatum Scholasticarum. 276.1.

Thomistæ.

Nullam nuquam aliam libertatem veram & propriam in voluntate agnouerunt, præter illam que communiter solet dici, contradictionis

ant contrarietatis. a 35. usque ad 36.

Tridentinum.

Definit Concupiscentiam non esse verè & propriè peccatum. 155.2.

Definit liberum hominis arbitrium à Deo motum & excitatum posse dissentire si velit. 177.2.

In illa definitione loquitur de motione gratiæ efficaci & non solius sufficientis. 181.1.

Iudicat potentiam dissentendi esse de essentia verè & meritorie libertatis. ibid.2.

V

Verbum Diuinum.

Generatio Verbi Diuini est ab intellectu ante omne imperium voluntatis. 115.2.

Erroneum est dicere, quòd verbum Diuinum assumpsit hominem. 235.1.

In quo sensu Sancti aliqui hoc dixerint. ibid.

Vincentius Lenis.

Eius sententia de libertate compati-bili cum summa necessitate, refertur. a 2.

Consectanea quedam ex eius sententia declarantur. a 4.

Redarguitur falsitatis, in eo quod dicit omnes veros Thomistas suos esse. a 5. usque ad 36.

Nequit Catholice loqui de Mystério Trinitatis. 133.1.

Contradicit Philosopho. 26.1.

Dolosè agit in citando quodam D. Thomæ Testimonio 49.1. Et 199.1.

Nullam hereditatem habet cum Thomistis. 55.1.

Eius sententia de libertate probatur esse hæretica. a 41.

Falsò affirmat æra Dodonæ apud Patres Societatis silere. 50. Et 54.

Impingit in Bullam Pij V. & Gregorij XIII. a 164.

Eam tacitè & latenter opponit definitioni-

nitionibus veterum Pontificum.

175.1.

Impingit in Tridentinum. d 181.

Gloriatur Iansenium inuenisse clauē Arcanorū Sancti Augustini. 185.2.

In hoc præsumptionis potest redargui sicut Pater Molina. ibid.

Putat se solum cum suo Iansenio præ vera intelligentia Sanctorum tradenda, in Ecclesia remansisse. 190.1.

Confundit doctrinam Sancti Thomæ cum doctrina Scoti, sicut cum simul multa iura confundit coquus. 255.2.

Diuidit lucem à luce. 254.1.

Non satis fideliter citat obiectionem quandam Pelagij. 266.2.

Citat mutilè Sapientiam Thomam.

311.1.

Apud ipsum deliberant canes. 311.2.

Rationes eius vix Philosophiam aut Theologiam sapiunt. d 275.

Videre Deum.

Intellectus videntis Deum habet iudicium, essentialissimè determinatum ad amorem, determinatione etiam ex parte actus primi & quoad exercitium. 215.1.

Videns Deum, visione retenta seu perseverante, nullam habet potentiam nec in sensu composito, nec in sensu diuiso ad omittendum proprio motu amorem. ibid.2.

Voluntas.

Voluntas ratione dictante hoc esse faciendum vel non, adhuc se habet ad quod voluerit & potest contrarium velle. 6.2.

Si voluntas esset potentia passiva tantum, non foret in potestate eius velle & non velle obiecto presente. 12.1.

Voluntas comparata ad essentiam & naturam animæ rationalis, habet quod sit libera radicaliter. 17.2.

Comparata ad intellectum habet quod sit libera proximè. ibid.

Comparata ad seipsam habet quod

sit libera formaliter. ibid.2.

Voluntas non est domina omnium suorum actuum. 21.1.

Non dicitur domina sui actus secundum quod est natura, sed secundum quod est voluntas. 24.2.

Quid sit voluntas vt voluntas, & quid voluntas vt natura. 214.1.

Conceptus naturæ est illi communis cum alijs rebus. ibid.

Conceptus voluntatis est illi proprius. ibid.

Non mouetur à Deo contingenter, in his ad quæ mouetur vt natura. 163.2.

Actus voluntatis liberi originem ducunt ex actu voluntatis, vt natura est. 205.1.

Actus voluntatis vt natura est, non sunt propriè volitio aut nolitio, sed sic appellantur defectu terminorum. 249.1.

Voluntas nequit ferri ad incognitum. 47.2.

Non potest cogi. 86.2.

Quotiescumque agit, agit incoactè; nō tamen exinde agit liberè. 212.1.

Nominat inclinationem totius suppositi. 87.1.

Ad omnem actum voluntatis requiritur iudicium intellectus, tam ex parte actus primi, quam ex parte actus secundj. 92.2.

Aliud est iudicium, quod requiritur vt voluntas liberè possit operari, & aliud quod requiritur, vt de facto liberè operetur. 91.2.

Voluntas in instanti quo liberè operatur, est potens proximè non operari. 92.1.

Voluntas actu odians Deum, liberè hoc facit, licet non sit proximè potens ad ipsum supernaturaliter amandum. 93.2.

Potest proximè non agere, per suam suam vim naturalem, vna cum indifferentia iudicij. 93.1. & 109.1.

Omne cuius voluntas est principium potest

INDEX RERVM

- potest esse & non esse. 130.1.
 Voluntas quoad substantiam considerata, est appetitus intellectua-
 lis. 114.1.
 Ad modum voluntatis spectat, hoc
 quod est appetere cum determina-
 tione ad vnum, vel cum indifferen-
 tia. ibid.
 Voluntatem operari iuxta suam in-
 stitutionem caret merito & demer-
 ito. 138.1.
 Per se loquendo, nequit necessitari
 quo ad exercitium ab vilo obiecto
 sibi proposito in via. 205.2.
 Si sic necessitaretur, reuera cogere-
 tur. 204.1.
 Contra naturam voluntatis est, de-
 terminari a causa inferiori. 224.1.
 Ex parte voluntatis, mutare eius
 actum non potest, nisi ipsa vel
 Deus. ibid.
 Omnis actus voluntatis se ipso est vo-
 litus. a 285.
Voluntas Diuina.
 Nec quantum est ex parte modi
 agendi, potest peccare. 113.2.
 Voluntati Diuinæ repugnat malitia
 ex propria sua natura. ibid.2.
 In priori signo ad liberam volitionem
 creationis mundi, fuit nostro
 modo intelligendi proximè po-
 tens ad non creandum. 108.2.
 Actus eius liberi non subsunt eius
 dominio, quoad entitatem & sub-
 stantiam. 129.1.
 Habet necessitatem absolutam respec-
 tu amoris sui ipsius.
Voluntarium.
 Quid sit. Et qualiter diuidatur in
 perfectum & in imperfectum. 87.2
 Voluntarium duplex: aliud persone,
 - aliud naturæ. 155.2.
 Voluntarium naturæ, non sufficit ad
 peccatum personale. a 252.
 Voluntarium perfectum in homine
 viatore semper habet admixtam
 indifferentiam saltem contradi-
 ctionis. 206.1.
 Voluntarium perfectum & liberum
 sunt idem subiecto, non formaliter. 206.1.
Votum.
 Votum de vitandis omnibus venia-
 libus collectiue est inualidum, se-
 cus de vitandis omnibus mortali-
 bus. 148.1.
Vulnera naturæ.
 Quid significant quatuor vulnera
 naturæ. 66.2.
Vnio hypostatica.
 Non habet essentialem connexionem
 cum Deo clare viso. 333.1.
Vniuersitates.
 Vniuersitates a quibus exulat stu-
 dium Philosophiæ, sunt nociuæ
 Ecclesiæ. 275.

F I N I S.









h/164

54